



34229

Mag. St. B.

P



118. 111

11. 111 8 3



Thist. 4056.

~~XI 1 16.~~

VI. a. 16.

233.



Q. 39

2. 7.







STANISLAI  
LVBIENSKI

EPISCOPI PLOCENSIS  
OPERA POSTHVMA,

HISTORICA,  
HISTORO-POLITICA,

VARIQVE DISCVRSVS,  
EPISTOLÆ, ET ALIQVOT ORATIONES,  
*Quorum Indicem sequentes post Præfationes paginæ ostendunt,*

EDITA  
AB EXECVTORIBVS TESTAMENTI

*Vita Auctoris reperitur à paginâ 398. &c.*



ANTVERPIÆ,  
Apud IOANNEM MEYRSIVM.

M. DC. XLIII.

*Cum Gratia & Privilegio.*

*M. Andree LipiewicZ*



STANISLAI  
 LUBIENSKI  
 EPISCOPI PLOCENSIS  
 OPERA POSTHUMA,  
 HISTORICA,  
 HISTORICO-POLITICA,  
 VARIQUE DISCVRSVS,  
 EPISTOLÆ, ET ALIQVOT ORATIONES,  
 Quorum Indices sequentes post Praefationes paginae ostendunt.  
 EDITA

AB EXECVTORIBVS TESTAMENTI.  
 Nunc Auctoris repositum a pagina 38. &c.



ANTVERPIÆ,  
 Apud IOANNEM MEVSIVM.  
 M. DC. XLIII.  
 Guo. Gualt. & Pringis.

M. Gualt. & Pringis.



ILLVSTRISSIMO  
PRINCIPI  
AC REVERENDISSIMO DOMINO  
D. MATTHIÆ LVBIENSKI  
DEI ET APOSTOLICÆ SEDIS GRATIA  
ARCHIEPISCOPO GNESNENSI  
LEGATO IN ATORE REGNI POLONIÆ PRIMATI  
PRIMOQVE PRINCIPI.



VM posthuma Stanislai Lubie-  
nij Episcopi Plocensis opera, Ti-  
bi Princeps Illustrissime fraternæ  
gloriæ hæredi destinaremus, no-  
uo prætereà nomine ea Tibi de-  
beri aduertimus; postquàm Te Archiepisco-  
pum Gnesnensem, & Regni Primatem, au-  
spicatò renunciatum intelleximus: nimirum  
agnouimus, Nestoris Polonici monumenta,  
nulli æquiùs quàm publici amplissimi Regni  
huius consilij Principi mancipari. Tibi itaque  
illa dicamus & sacramus: Tu cultum & ob-  
seruantiam nostram benignè amplexus, haud  
grauatim ex ijs recognosces, cùm ea quæ ex  
antiquitate eruta, hîc ponuntur ob oculos,  
tum non exiguum interuallum illius tempo-

*Sarb. in od. ad  
eundem.*



ris, quo magnum illud pietatis, & prudentiæ regendi populos exemplum, Sigismundus Tertius, miti iuxta ac felici imperio res Polonicas administravit. Etsi quorsum Tibi Annales, quorsum Commentarios euoluere? qui paucis concessam ætatis prærogatiuam adeptus, plus rerum hoc seculo gestarum, feliciusque memoriâ comprehendis, quàm calamo assequi datum: & diuturno negotiorum usu vim humanæ vicissitudinis edoctus, cordatum rerumque notitiâ plenum pro libris pectus, Nos Te, viuidamque Tuam istam senectam, quæ Ægyptijs liber est, pro volumine habemus. In quo supra consummatam prudentiam, natales, vetustam stirpem, & quidquid fortuna maiorum virtuti tribuit, videmus, legimusque: iam pietatem præcipuum humani animi bonum, quâ te velut certissimo quærendæ æternitatis viatico munuisti: iam religiosam munificentiam, quâ Diuis propylea, sacella, templa collocas, aureoque & argenteo apparatu instruis: iam indefessum laborem quo sacra curas: iam priscum illum candorem, quo veteris & melioris æui mores renouas; ijsque in te omnium amorem mirificè accendis. Quem hac quâ plurimas virtutes egregiè adiuuas humanitate



manitate non deinxisti? quis in Te fidum illum Regi & Reipublicæ animum, eiusque grauitatem; quis summam non suspexit, non adamauit modestiam? quâ præditus visu iuxta & auditu cunctis venerabilis, ita lubricum hoc vitæ iter, inter ambitionis & vitiorum huius sæculi abrupta, vacuus periculo peregisti, vt in tam longo ætatis & honorum cursu, nihil in præteritum habeas excusandum, omnia laudanda. Loquuntur id Chelmenfis, Posnanienfis, Vladislauienfis Cathedræ, quæ Tibi, summa licet, statim pro merito prius obtigerunt; seu quia illarum boni interfuit, Te velut per vices eis partiri; seu Tua, vt illarum Præses conceptæ dudum de Te opinionis documenta dares: scilicet ne huc afferres solam sine experimento famam, qui pleno meritorum & gloriæ lumine, in hoc Polonici honoris Solstitio consistere debuisti. Sed Tu occasum potiùs quàm progredi altiùs cogitabas; cùm humanæ conditionis sortem tecum reputans, supremis tuis consulturus, sepulchrum funeri Tuo in Vladislauienfi Basilicâ struxisti: verùm aliud de Te Superi statuerant, cùm Te ex tumulo, quem cogitatione iam impleueras, ad Principem locum, à fatis, ad dignitatis Primariæ



EPISTOLA DEDICATORIA.

mariae in hoc Regno fastigium reuocarunt. Cæterum Tu, verè postliminio fati ad capef-  
sendum eximium honorem processisti; post  
tristem nimirum obitum, clarissimi viri fra-  
tris Tui, Plocensis Antistitis: si amorem con-  
iunctionemque animorum inter vos, si perti-  
nacem luctum quo defuncto parentasti æsti-  
mamus, non suo tantum, sed simul fato mo-  
rientis Tuo, qui sæpè fateris quantum claritu-  
dinis, quantum in hac vergente ætate præsidij  
illo orbatus amiseris. Superest vt velut gemi-  
no funeri Tuo superstes, fatis in tam excelso  
loco inaccessus, orbatis clientibus solatium,  
cunctis magnarum virtutum specimen, diu  
præesse, & publicè prodesse valeas. Ita opta-  
mus, ita vouemus, & hæc posthuma opera,  
nosque ipsos amplitudini Tuæ æternum deuo-  
uemus. Varſauiae 21. Septemb. 1642.

*Executores Testamenti.*

BENE-



BENEVOLO  
LECTORI.



Abuerat in animo, Stanislaus Lubienius Episcopus Plo-  
censis Polonicam historiam continuare; quamobrem Ioan-  
nis Heideolini primi post Martinum Cromerum rerum  
Polonicarum scriptoris monumenta euoluerat: cetera tam quæ ex  
Heideoliniano volumine perierant, quàm secuti postmodum tempo-  
ris res gestas compositorum. Atque utinam tantum virium, vel  
temporis ei fuisset, quantum rerum notitiâ valuit: absolutam ha-  
ctenus Polonicam historiam haberemus. Ceterum valetudine, va-  
riis & diuturnis morbis labefactatâ, & sub senectam titubante, ac  
omni, quod interdum suppetebat otio, Senatorijs & Episcopalibus  
curis, quas inprimis ad Officium suum pertinere existimauit, trans-  
misso, ea solum inter monumenta vitæ functi reperta sunt, quæ olim  
iunior in Commentarios redegerat. Hæc nos in unum collecta, ad-  
ditis nonnullis discursibus, epistolis, & aliquot ab eo confectis opus-  
culis, in lucem publicam damus, exemplo magnorum virorum, quo-  
rum non pauci separata à perpetuis historiis bella, alij diuersa simul  
congesta opera prodidère. Quod reliquum est, speramus hæc posthu-  
ma à nobis edita monumenta, cum omnibus in quorum manus de-  
uenerint, ob rerum antea acto tempore gestarum, & antiquitatis  
notitiam, tum potissimum ei grata futura, qui aliquando in animum  
induxerit reliquum Polonica historie contexere: ad quod componen-  
dum, hæc nostra magno sibi adiumento fore experietur. Habes amice  
Lector causam consilij nostri, nos luculentum eius fructum, gloriæ  
Diuinæ augmentum, deinde tuam in legendo beneuolentiam & fa-  
uorem nanciscemur.





Illustrissimus ac Reuerendissimus Dominus

**D. STANISLAUS LUBIENSKI**

*Dei et Apostolicae Sedis gratia*

*Obiit VIII Idus Aprilis* **EPISCOPUS PLOCENSIS** *M.D.C.XC.*



ALIQVOT ODÆ IN GRATIAM  
STANISLAI LVBIENII  
EPISCOPI PLOCENSIS

SCRIPTÆ A  
MATTHIA CASIMIRO SARBIEVIO  
SOCIETATIS IESV.



RÆCEPS, & ipse sibi vix aliquot diebus superstes annus, me commonuit, vt annum pro Tuâ incolumitate Lyricorum meorum Votum exsoluerem. VIRGINI CLARO-MONTANÆ. Exsolui illi, exsolui etiam Tibi: quibus vt plurima in dies soluamus, plura adhuc debemus. Illa mihi à puero studiorum præses, Tu iudex, & arbiter, & aliquot iam annos præcipuus hortator atque instigator. Vt Naruiam, vt Bugum, mihi natales, amnes carmine celebrarem, sæpiùs per literas monuisti. Nunc demum monita tua in animum meum diligenter abdita, fideliterque concepta, postliminio velut semina proruperunt. Scripsi aliquid de Bugo Tuo; sed huius carminis viridis neque dum adulta herba est, vt ipse Bugus alluere videatur. Recentem istam Poëseos illecebram humili atque agresti Plonscensi casæ debeo, sicut & Syluiludia, quæ ad numeros Musicos aptari audio: debeo aperto ac benigno cœlo, in quo Sarbieuum natalis mihi pagus Plonscio vnâ propè leucâ dissitum, iacet: sed maxime Tibi debeo, Apollini meo, qui me Viscouij, qui Brocouij, Villarum, Oppidorumque tuorum amœnitate, sæpiùs refecisti. Diu ipse & benè vale. Varfauia ix. Calend. Ianuarij 1637.



A D  
DIVAM VIRGINEM  
CLARO-MONTANAM  
PRO ILLVSTRISSIMO  
STANISLAO LVBIENSKI  
EPISCOPO PLOCENSI  
VOTVM.



*Diua Clari gloria verticis,  
Cui dedicatis effigies nitet  
Circum tabellis, & superba  
Thure calent precibusq; templa.  
Paullum reducto MASOVIAM bona  
Dignare vultu, quæ vehit inclytis  
Electra ripis, & refuso  
Naruia luxuriatur amni.  
Latè potentem LVBIENII diu  
Serua Tiaram, seu tibi Plociis  
Affusus aris mille sacros  
Aserit indiget atq; Mystas.  
Seu literato plurimus otio  
Musisq; pallet; seu petit auj  
Amœna VISCOVI vireta, aut  
Pultopolin, viridemq; BROCYM.  
Serues egenti Nestora Lechia, &  
Inter togatas canitiem sine  
Virere curas; non tepentis,  
Non gelidi graue tempus anni.  
Non siccus illum Sirius, aut madens  
Orion afflet; dumq; tuo pius  
Se ponit in vultu, salubrem  
VIRGO Tui trahat oris auram.*

*Sic*



*Sic ille sacris pulcher in insulis  
Te sepe placet; sic ego te nouis  
Redorsus exornem Camenis  
Dum celeris redit Orbis Anni.*

INCLYTÆ LVBIENIORVM NOBILITATI  
S A C R V M.



*Q*uondam reuinctus Palladiâ caput  
Sacrum coronâ, carus Iasoni  
Vates, inexperto Chelydri  
Mortiferi periturus ore.  
Inter Pelasgos Amphycides stetit  
Thyphingq, nondum gurgitis arbitrum  
Iussit per obstanteis procellas  
Fatidicam celerare pinum.  
In transra fratres Tyndaride ruunt,  
Fluctusq, verrit grandior Hercules:  
Et Mercuri proles Echion  
Thebalicos glomerat rudentes.  
Fratres tenaces Eurytus anchoras  
Proramq, seruat, nec Boreâ genus  
Alas reformidans paternas  
Vela manus reuoluta pandit.  
Omnes parentum nobilium decor,  
Omnes Deorum progenie sati,  
Incognitam Nymphis carinam  
Tandem auido posuere cælo.  
Sic vos (auii laurea verticis  
Quos fronde prisca cingit imaginum.)  
LVBINIDÆ magni nepotes  
Pieriam subiisse mecum.  
Gaudete cymbam, protinus auiis  
Sulcanda remis nubila, protinus  
Lunaq, stellarumq, & altis  
Littora sunt subeunda velis.  
Nam qualis Orpheus Argolicam polo  
Fixit carinam, non aliter mea

Vos



Vos inferet cælo Thalia  
 Pectine non facili canendos.  
 Seu bellicosam Martius indolem  
 Accendit ardor, signaq; gentibus  
 Erepta vicinis reportans  
 Arma animis gerit, arma dextris:  
 Seu blanda tutis otia ciuibus  
 Conclufa Ianî limina nuntiant,  
 Fascesq; victores clientum.  
 Grex oleâ viridante cingit.  
 Quod si recessus Pierij placent,  
 Et non prophanis cognita vatibus  
 Cortina, felices labores  
 Pegaseæ venerantur vnda.  
 Intaminata quos sapientia  
 De fonte promunt signa Lubiniis  
 Notata ceris, omne dextro  
 Surgit opus genio peractum.  
 Saluete clara sidera patriæ,  
 Nostroq; vecti per mare barbito  
 Cursu fatigatam carinam  
 Stellifero sociate mundo.

LAVS BVGI  
 IN GRATIAM ILLVSTRISSIMI  
 STANISLAI LVBIENSKI  
 EPISCOPI PLOCENSIS.



On me doloso Salmacis alueo;  
 Non mista Diuis flumina Persicis;  
 Non mersus Ætoli Thoantis  
 Letiferis Achelous undis.  
 Vocat canoro pectine Thracios  
 Laxare nervos, ponite murmura  
 Cydniq; Pactoliq; et alta  
 Tybri pater metuende ripæ.  
 Cantabo BVGV, qui neque Syrium  
 Latrare circum VISOVIUM sinit,  
 Lauosq; defendit vapores  
 Quos pluuio vehit Auster anno.

O Buge



O Buge sacris edite fontibus!

Quæ me Dearum Pieridum tuis

Haurire de conchis liquorem

Innocue patiatur unde?

Quis pressa longo cornua me sinat

Leuare musco; quis fluidos sinus

Riuosq; de mento cadenteis

Suppositâ retinere dextrâ?

O Buge! terso lucidior vitro

Te nullus altâ lapsus ab ilice

Ramus, neque armenti petulci

Ad niueas properantis undas.

Perturbet error, non calido Notus

Te siccet æstu, non Borealibus

Demissa tempestas ab oris,

Sed tepida leue murmur aura.

Perflet volentem, dum Cererem tamen

Domas rotarum mole volubili,

Messeq; Viscoui feracis

Vorticibus teris æstuosis.

Iucundiori Pierias sono

Mulcebis aures nunc, age, Naruia

Concorde lapsurus fluento, &

Masouiis refer ista Nymphis.

Si vera præsens vaticinantibus

Latous edit [credite posteri]

Non longa seclorum catena

Attonito dabit ore vatem.

Qui plena nostra flumina gloria

Feret per vrbeis, non humili lyrâ,

Cantuq; vos olim sonabit,

Et cytharâ generosiore.



## P A R S P R I M A.

<b>B</b> revis Narratio profectionis in Sueciam Sigismundi Tertij Regis Poloniae & Sueciae, dum a morte Ioannis Sueciae Regis parentis sui haereditarium Regnum capefferet.	1
De motu Ciuili in Polonia libri quatuor.	22
Causae cur Sigismundus Poloniae & Sueciae Rex bellum Moschis intulerit ad Potentissimum Romanorum Imperatorem Matthiam missae.	153
De rebus Silesiacis discursus.	159
Responsio ad Septuaginta rationes quibus ficti nominis Eques dum Serenissimo Regi & Polonis, ne se motibus Hungaricis & Bohemicis immisceant, persuadere conatur, falsis rationibus iura Regni interuere ntitur.	162
Dissertatio de iure Regni Poloniae ad Russicas Moschouiticaeque ditiones.	178
Stanislai Zolkieuij Generalis exercituum Regni Poloniae Ducis de bello Turcico Epistola Deliberatoria ab Auctore in Latinum versa.	185
Epistola Narrationem belli Turcici ad Chocimum gesti continens ad Gregorium XV. Summum Pontificem missa.	187
Ferdinando Secundo Romanorum Imperatori de eodem bello relatio.	190
De statu rerum Polonicarum ac militari confederatione quae Anno M. DC. XXII. accidit dissertatio & querela.	193
Responsum ad Protestationem quae nomine dignitariorum Officialium & nobilitatis Palatinatum Posnaniensis & Calissiensis contra Statum Spiritualem in lucem prodierat.	202
Amica Parænesis Thomae Zamoscio dum Regni Vice-cancellarius renunciaretur data.	214
Errata Iulij Belli Laureae Austriacae Scriptoris taxata.	225



## P A R S   S E C U N D A.

<b>M</b> onita de rectè gerendo Episcopatu.	243
Vita Episcoporum Plocensium.	309
Vita Pstroconij.	396
Epistolarum Decades tres.	435
Sigismundi III. captâ arce Smolenscensi Varfauiam reducis nomine Capituli Varfauiensis gratulatoria salutatio.	465
Eiusdem laudatio funebris scripta.	469
In funere eiusdem Sigismundi III. Oratio dicta.	488

P. COENES. T. L. Canon. & Scholasticus.  
Antwerpiensis Lib. Censor.

### S V M M A   P R I V I L E G I I   R E G I I.

S V M.

Philippus Dei gratia Hispaniarum & Indiarum Rex Ca-  
tholicus, Archiepiscopus Austrie, Dux Burgundie, Brabantie, &c.  
Severissimum Belgarum Principem diplomate suo sanxit, nequis Ope-  
rari Possimorum Stanislaus Lubicki Episcopi Plocensis Patres  
duos præter Joannis Maurij Typographi Antwerpiensis volumina-  
tum, intra nomennum in Belgio excedat, aut alibi terminum loco-  
rum exerceat in hac inferiori Germanie Provincia inservat, ve-  
niatque exponat. Quisquis faxit præter consuetudinem exemplarium  
in hac flororum pro singulis libris sic illatis solvendorum penam  
multabitur, ut latius patet in litteris datus Bruxelle anno 1643. die  
7. Januarii.

Signat

Stendius?



C E N S U R A.

**O**PERVM posthumorum Stanislai Lubienſki Episcopi Plocenſis Partes duæ cum adiunctis Vitâ Auctoris, & Matthiæ de Buzenin, ac Monitis eiſdem de rectè gerendo Episcopatu nihil continent ſana doctrina aduerſum, ſed plurima memorabilia & inſtructiones, quæ digna ſunt, ut typis commiſſa, etiam poſteris communicentur. Actum Antuerpiæ VI. Decemb. M. DC. XLII.

P. Coens S. T. L. Canon. & Scholaſt.  
Antuerpienſis Lib. Cenſor.

SVMMA PRIVILEGII REGII.

**P**HILIPPVS Dei gratiâ Hiſpaniarum & Indiarum Rex Catholicus, Archidux Austria, Dux Burgundia, Brabantia, &c. Sereniſſimus Belgarum Princeps diplomate ſuo ſanxit, ne quis Operum Poſthumorum Stanislai Lubienſki Episcopi Plocenſis Partes duas præter Ioannis Meurſij Typographi Antuerpienſis voluntatem, intra nouennium in Belgio excudat, aut alibi terrarum locorumve excuſas in has inferioris Germaniæ Prouincias inferat, venaleſcæ exponat. Qui ſecus faxit præter conſiſcationem exemplarium, triginta florenorum pro ſingulis libris ſic illatis ſoluendorum pœnâ multabitur, uti latius patet in litteris datis Bruxella anno 1643. die 7. Ianuarij.

Signat

Steenhuysen.



STANISLAI  
LVBIEWSKI  
EPISCOPI PLOCENIS  
OPERVM POSTHVMORVM  
PARS PRIMA.

PROFECTIO IN SVECIAM  
SIGISMVNDI III.  
REGIS POLONIÆ ET SVECIÆ,

*Dum à morte Ioannis Sueciæ Regis parentis sui hereditarium  
Regnum capefferet.*



VB exitum Anni Millefimi quingentesimi nona-  
gesimi secundi mors Ioannis Regis Sueciæ Sigismun-  
do III. Regi Poloniæ nunciata, magnoperè eum  
permouit: nam & patris obitus filio non nisi tristis  
& acerbus esse potuit, & anceps rerum Sueticarum  
status nouâ eum curâ affecit. Stoccholmiæ ille Regiâ  
Sueciæ vrbe VIII. Calend. Decemb. cesserat è vitâ, hærede Regni reli-  
cto Sigismundo filio Poloniæ Rege; ea hæreditas illi & ex præscripto  
pactorum, de quibus inter Gustauum Regem & Sueciæ Ordines olim  
conuenerat, debebatur, & nouissimè priusquàm vocatus ad Regnum  
Poloniæ finibus Sueciæ excederet, ita pater iuri filij cauerat, vt volenti-  
bus Suecis, fidemque suam illi vni obstringentibus, Rex futurus Sueciæ  
designaretur. Nec de iure ambigi poterat: sed inerat periculum, ne Ca-  
rolus Dux Sudermaniæ, Regis defuncti frater sibi potius mallet, quàm  
fratris filio Regnum deferri: maximè cùm non ignoraret ita Polonicis  
pactis obstrictum Regem teneri, vt non nisi permittentibus Regni Or-  
dinibus Regno excedere, & in Sueciam Regni capeffendi causâ trans-  
mittere posset. Igitur properè missi in Sueciam, qui statum Regni ex-  
plorarent, dubiosque hominum animos certâ spe maturi eò aduentus  
Regij confirmarent. In Poloniâ non vsque adeò res tranquille videban-  
tur: nullus quidem tunc ab hoste externo motus, sed ex Comitibus, quæ

*Mors Ioannis  
Sueciæ Regis.*

*Status tunc  
rerum in Po-  
loniâ.*



*Deliberatio  
de indicendis  
Comitijs an-  
tequam Rex  
in Sueciam  
proficiscere-  
tur.*

*Mors interim  
aliquot Polo-  
niae Procerū.*

*Motus Cosa-  
corum in Vo-  
liniā.*

proximè acta erant ita discessum fuerat, ut ambigi meritò potuerit, quo animo præcipui Procerum, & inter eos Ioannes Zamoscius Regni Supremus Cancellarius erga Regem esset: videbatur enim is adhuc in eâ hædere opinione, quasi Rex desertâ Poloniâ, Regnoque paterno contentus, occupandæ Reipublicæ Austriacis occasionem (de quo in proximis Comitijs non sine indignitate Regis satis ambitiosè, auctore Zamoscio, actum quæsitumque fuit) præbere vellet: ac proinde existimabatur necessariam hanc Regis in Sueciam profectiōem, vel impediturus, vel certè arctioribus terminis circumscripturus. Satis quidem in eum casum, si Rex Sueciæ moreretur, de Regiâ in Sueciam profectiōe, cautum erat in Comitijs Coronationis Regiæ: nimirum ut consultis Ordinibus, ad constituendas res illius Regni hæreditarij Regi ire liceret: sed animi hominum, quos sinistra suspiciones occupauerant, pacandi prius erant, antequam de eâ re in Comitijs agi, modusque in Sueciam profectiōis, & isthic mansionis statui & definiri posset. Dimissi à Rege Internuntij ad præcipuos Senatores edocendos, quid Rex ab iis fieri in proximis conuentibus postularet. Nemo ferè erat qui non Regi paternum Regnum capeßere cupienti fauendum putaret, nisi quòd alij Regem periculis, incerto adhuc Regni Sueciæ statu, non obijciendum, remque per Legatos potiùs gerendam censerent; alij totum id arbitrio Regis, dummodò dignitati & securitati eius satis conuenienter prospiceretur, permetterent. Mortui paulò antè erant tres magni nominis Senatores, primò quidem Stanislaus Comes Gorcanus Palatinus Posnanien-sis, vltima nobilissimæ istius gentis stirps; deinde Martinus Lesnionolski Castellanus Podlachia, non tam loco Senatorio illustris, quàm quòd existimaretur cultiori ingenio cæteris præstare. Idcirco ille lectus fuit, qui ex Sueciâ Regem in Poloniam ad capeßendum Regnum venientem deduceret, eidemque inaugurato, sed adhuc iuueni à priuatis esset consiliis: itaque cum gratiâ Regiâ floreret, eaque & reliquis & Regi ipsi grauis esset, postremò aulae lubricos fauores expertus cum gratiâ Regiâ excidisset, inglorius deinceps, & parum gratus iis, quos beneficiis affecerat, vitæ ab aulae splendore remotæ impatiens, dolore animi contabuisse existimatus est. Hunc secutus Andreas Opalinius Supremus Regni Marescalcus, ac maioris Poloniæ Præfectus: vir consilio pollens, & qui censorij istius Magistratus seuerâ administratione, plurimum auctoritatis sibi apud omnes, & non minus gratiæ apud Stephanum & Sigismundum Reges parauerat: ita certè tum existimatum est, hunc vltimum fore, nec parem illi successurum, qui ex vsu priscae disciplinæ eum Magistratum gerere posset. Huic in Mareschalcatu successit Stanislaus Przyreniscius, qui aulae Regiæ antè Marescalcus fuerat: Præfecturam maioris Poloniæ Regis gratiâ adeptus Adamus Sandiuogius Czarncouius, Palatinatum Posnaniensem Hieronymus Gostomscius.

Ferè eodem tempore dum de indicendis Comitijs agitur, ortus in Voliniâ



Volinia Duce Cofinio Cofacorum motus, duorum Senatorum virtute compressus, nunciabatur: Cofinius is in Palatinatu Podlachia nobili loco natus ad Cofacos transierat, eorumque mox Dux effectus, cum non satis praeda, quam ex hostico colluies illa capere solet, spei ipsius responderet; siue quod quondam in oppido Constantini Ducis Ostrogia Palatini Kiiouienfis, dum commeatum vi extorquere vellet, malè acceptus fuisset, collecto quinque millium exercitu, in possessiones potissimum Ducis Ostrogia ferro & igne grassabatur. Quare is & suo & Reipublicae motus periculo, inprimis clientes necessariosque suos ad signa cogit, tum filio Ianusio Palatino Volinia dat negotium auctorandi grauioris armaturae militis: qui in Polonia delectu facto, sexcentorum circiter hastatorum patri in subsidium duxit cohortem, id robur totius exercitus fuit. At Cofinius & suarum virium conscius, & praeter hos sexcentos in Polonia lectos, ceteram ferè rusticanam turbam, ex qua Ostrogiorum exercitus constabat, imbellem esse gnarus, nihil aduersariorum apparatu territus, Pizcum oppidum munitione circumdat, & sub ipso acie instructa pugnae facit copiam. Et primò quidem fortuna audaciae adfuit; moti loco Ostrogiani, maiorque clades accepta fuisset, nisi Ianusius ipse suos in aciem induxisset; nec tulit leuis Cofacus hastatorum Polonorum vim, primoque perrupto agmine, non pugna, sed caedes deinceps fuit; & percommode altiores niues impeditum iter fecerant, ne vagus hostis effugeret, cum è contra Poloni robustioribus equis insidentes facilius eniterentur. Cæsa Cofacorum tria millia, signa ferè omnia, & viginti sex tormenta bellica campestria recepta, qui superfuere, intra munitiones oppidi, ad quod pugnatum fuit, reiecti, ibique clausi, cum nullam reliquam salutis spem haberent, ad preces versi vitam orabant: ipse Cofinius ex oppido progressus, supplex fit Palatino Kiiouienfi: qui vt erat mitis vir ingenij, fonti & suprema merito dat veniam, certis conditionibus adiectis, quarum erat praecipua, ne Cofinius deinceps Cofacis se immisceret, neue Dux eorum esset. Quod se facturum iurauit ille; sed vt primum sui arbitrij factus est, immemor iurisiurandi, novos motus ciere coepit: collectaque Cofacorum manu, iis qui Ostrogia Ducibus suppetias tulerunt, ac potissimum Visniouiecio infensus, iam iterum formidandus videbatur; sed dum incautiùs Circasios ingreditur, temulentus in hospitio à familiaribus Visniouiecij, qui eius loci Regius erat Praefectus, vnà cum nefariorum conatuum sociis (quadringenti circiter erant) occiditur. Hæc mense Martio, Anno Millesimo quingentesimo nonagesimo tertio gesta. Sub finem eiusdem mensis Comitij Varsoviae ad diem IV. Maij indictis, particulares Palatinatum conuentus peragebantur. Vt paulò superiùs attigi, plurimi ex euentu proximè praeteritorum Comitiorum rem metientes, nouas res circumspicere videbantur, atque maximè Palatinatus Cracouiensis nobilitas Regi offensa erat: primum quidem ob delatum Episcopatum Cracouiensem

Cofaci caesi.

Comitia in-  
dicta Varso-  
uia pro die  
4. Maij 1593.



uientem Georgio Radiuilio Cardinali, & Episcopo Vilnensi, deinde quod Ianusius Ostrogus à Rege itidem ex Palatinatu Volinię ad Castellatum Cracouiensem promouendus destinabatur. Vtramque promotionem ægerrimè tulerant multi, & inter cæteros Zamoscus, eum qui in præterita Electione contra Regem pro Austriacis senserat, opimiori Episcopatu ditari haud æquum censebat: præsertim cum antea Rex promississe diceretur, eundem Episcopatum ad Andream Bathorem Cardinalem, pro quo ille nitebatur, se delaturum. Ostrogus ne id quidem imputari poterat, ac si externus esset, cum amplissimas possessiones in territorio Cracouiensi haberet: sed potentia illius & fauor in domum Austriacam in inuidiam vocabantur. Et Conuentus quidem Profouicensis ut inter discordes, partiumque fauore imbutos, binis lectis diuersis Nuntijs, quorum postea neutri ad Comitata admissi sunt, transactus. Cæterum Ianusius Ostrogus Dux spolia nuper cæsorū Cosacorum præferens, peracto Profouicensi Cōuentu Cracouiā ingressus, & vexillis ex hoste captis, ad ædem Diui Stanislai, quæ in Rupellā est, affixis, plurimum ei, quā flagrare cœperat recens rei gestæ gloriā, inuidiæ dempsit, effecitque ut æquioribus animis sua promotio acciperetur. Cum iam Comitata instarent, Rex non ignarus passim id in suspicionem vocari, quod cum ille ducta ex domo Austriacā coniuge, tam arctā sanguinis necessitudine familiam eam sibi deuinxisset, hætenus tamen nec à Cæsare, nec à reliquis Austriacis, conditionibus transactionis Bendzinensis satisfieri: Ioannem Zamoscium Grimalium (qui postea Archiepiscopus Leopoliensis fuit) tum Secretarium suum ad Imperatorem Rudolphum misit, eo nomine expostulatum petitumque, ut tandem Cæsar eo metu Rempublicam liberaret, nec de suā erga Regem & Regnum Poloniae voluntate, cuiquam ambigendi locum relinqueret. Ea autem erant quæ desiderabantur, iuramentum tam Archiducis Maximiliani, quā Hungariæ ordinum, quo ea de quibus Będzinij transactū fuit, firmari debuerant. Sigillum Imperij tabulis transactionis nondum appositū erat, nec Hispaniarū Rex hætenus eā transactionē, dato diplomate cautionis, ratā habuerat.

Malè habet  
Polonos ab  
Austriacis non  
fieri satis  
transactioni  
Bendzinensi.

Idcirco Rex  
Nuntium ad  
Imperatorem  
Rudolphum  
Ioannem Za-  
moscium  
Grimalium  
mittit.

Initium Co-  
mitiorum.

Sensus ali-  
quorum Se-  
natorum de  
profectione  
Regis in Sue-  
ciam.

Die Comitij dicta appetente, pauci Senatores, Nuncij magnā ex parte discordes, comparuerunt: inani disceptatione multi dies absumpti, dum inter Nuncios disputaretur, cuinam moderandorum dirigendorumque sui Collegij consiliorum partes deferrent: postremò id munus ad Nicolaum Danilouiciū iuuenem adhuc, sed maturo iudicio grauem, & qualis mox futurus esset iam tum demonstrantem, omnium consensu delatum est. Itum deinceps ad expedienda Comititalia negotia, quæ nomine Regis, Cancellarius tractanda proposuerat, sed profectione Regis in Sueciam,prehendendę Regni illius hæreditarij possessionis causā, potissimum in disceptationem veniebat, permittendumne Regi esset, ut eo excurreret, præcipui quique, principe eius sententiæ Stanislao Carnicouio Archiepiscopo Gnesnensi, suadebant, ne Rex dubijs ad-  
huc



huc Sueciæ rebus periculoso itineri se committeret, omniaque prius quæ ad constituendas res illius Regni pertinerent, per legatos experiretur, quàm ipse præsens magno vtriusque Regni periculo tantum discrimen subiret. E contra Rex ostendebat, nunc quidem isthic pacatas res esse, cæterum si ipse eò ire moraretur, omnia partim aduentus sui desperatione, partim ambitione quorundam perturbatum iri; gratum sibi esse quòd ordines Regni Poloniæ, & dignitatis & securitatis suæ rationem habeant; cæterum sibi satis perspectum esse præsentē Sueciæ statum, nec quidquam isthic subesse periculi: subditos omnes secundum patris sui mortem in officio esse, & fore, si vicissim ipse maturo ad paternum hæreditariumque Regnum aduentu, sibi salutem eorum curæ esse ostenderit: se non eo animo proficisci velle, ut interim rem Polonam negligeret, sed ut rationibus vtriusque Regni consuleret: per legatos iusiurandum nec dari, nec ritè peti, nec Regni hæreditarij possessionem adiri posse, in quâ apprehendendâ multa haud dubiò interuenirent, quæ præsentiam Regis poscerent. Denique impostero quoque prospiciendum, resque illius Regni, & eius absente Rege administrandi gubernandi que, modus præscribendus: in eum euentum pactis Electionis Varisaviensis cautum fuisse, ut consultis Regni Senatoribus, dum id res Sueciæ poscerent, nemo eiusmodi protectioni intercederet, aut eam moraretur. In eam itaque sententiam decretum Comitiale factum, & permissa Regi in Sueciam profectio, dataque & accepta fides, & Regem proximâ æstate rediturum, & ordines Regni eius aduentum ad festum Diui Bartholomæi anni sequentis præstolatos; nisi ad eam diem Rex rediisset, tum demum illis licitum fore sibi & Reipublicæ Polonæ aliter consulere. Aegrè tulisse Cancellarium suprâ attigimus, quòd præterito Cardinali Bathoreo, Episcopatus Cracouiensis Radiuilo delatus esset: sed priuatam eam offensam priuato consilio composuerunt Senatores, Rege annuente, ut Cardinalis Bathorei rationibus, collatâ ei Abbatiâ Ceruenecensi, consuleretur. Nec de Castellatu Cracouiensi Ostrogio collato quisquam deinceps apertè questus est, tacitâ indignatione plerisque incongruum visum, eum alijs Poloniæ proceribus anteferri. Cumque in animis hominum hæreret adhuc opinio, fuisse superioribus annis complures, qui cum externis Principibus (maximè, idque non sine causa, eo nomine suspecta erat domus Austriaca) de prodendâ illis patriâ consilia conferre ausi, eorum ambitionem & irritassent, & fouissent, ne id impunè illis fieret, latâ lege ad Iudicium Supremi Tribunalis Regni, eiusmodi libertatis patriæ licitatores, quos tunc Practicantes appellabant, remissi sunt: neminem tamen eo nomine compellatum aut iudicatum, nedum condemnatum fuisse constat. Mouerant & dissidentes in religione quæstionem, vrserantque ut securitati suæ ex præscripto, vel potius promisso Comitiorum Coronationis Regiæ caueretur. Multum

*Consentium  
Ordines vt  
Rex in Sue-  
ciam profi-  
ciscatur.*

*Reliquus Co-  
mitiorum  
successus.*

*Ioannes O-  
strogius Ca-  
stellanus  
Cracouiensis.*

*Agentes cum  
externis Prin-  
cipibus de  
prodendâ illis  
patriâ vbi  
iudicandi.*

*Controversia  
mota à dissi-  
dentibus in  
religione quo-  
modo sopita.*



*Dotis & con-  
tradotis Re-  
ginae Annae Si-  
gismundi III.  
primae coniu-  
gis cautio.  
Anna Maria  
Sigismundi  
III. filia na-  
scitur 23.  
Maij 1593.  
Legati ad  
Comitia à  
Rudolpho  
Imperatore  
missi.*

*Legati ad  
externos  
Principes  
missi.*

ea res, illa quoque, ut sæpè alias, Comitia morata est, sed postremò placuit citra religionis mentionem, omnium securitati generali clausulâ cauere, seueriori edicto promulgato in eos, qui quacumque ex causâ tumultus excitarent. Cautum præterea, ne legati externi absente Rege à quoquam priuatim admitterentur; sed ad Archiepiscopum Gnesnensem, si qui venissent, remitterentur, qui non nisi vocato Senatu legationem eam audire & expedire possit. Turbulentior præteriti anni Comitiorum exitus, impedimento fuit, quo minùs de dotalibus Reginae bonis certi aliquid statui posset; at in istis, volentibus etiam iis, qui per hoc connubium Regis, cum domo Austriacâ coniunctionem minùs probabant, dotis contradotisque cautiones lege publicâ firmatæ sunt, ditiorumque Regiæ, quæ deinceps dotali iure Reginae essent, specificatæ & assignatæ, adnitente maximè Cancellario, ut hac in re Regis voluntati & desiderio satisfaceret. Regina tum in puerperio erat: nam XXIII. Maij, qui fuit Dominicus dies, sub ipsis Comitijs primo partu filiam, cui postea nomen Anna Maria impositum fuit, ediderat. Miserat ad ea Comitia Rudolphus Imperator legatos suos, primò quidem ut dolorem quem Rex morte patris sui Regis Sueciæ acceperat, vñtato inter Principes officio solaretur; deinde ut expostulationi, quam per Zamoscium Secretarium suum Rex ad Cæsarem detulerat, satisfaceret: in quo negotio id erat legatis mandatum, ut dicerent, Maximilianum & Hungaros iuxta præscriptum transactionis Bendzinensis hætenùs non iurasse quidem, sed à Cæsare quoque eos, ut qui in Cæsareâ potestate non sint, cogi ad id non posse: sigillo Imperij non nisi in Comitijs Cæsarem vti solere, videri tamen eo minùs opus esse, cum Bohemiæ Regni sigillum appositum sit: nec Hispaniarum Regis eius transactionis confirmationem necessariam existimare: denique Cæsarem bonâ fide polliceri, nullum inde vel Regi, vel Reipublicæ Polonæ periculum obuenturum, cum id omne Cæsar non permittendo auertere possit. Hæc tum ferè in Comitijs gesta: tributum etiam quo Respublica ad omnem casum paratior esset, scitum: namque & in exitu Comitiorum significatum erat, Tartaros incurfatis finibus prædas inde abegisse, & sub absentia Regis, verendum erat, ne hostes quid noui molirentur. Legationes item ad externos Principes decretæ & missæ: ad Imperatorem Romanorum, Boianouius Camerae Regiæ Aulicus; ad Archiducissam matrem Nicolaus Wolfcki Gladifer Regni, qui nunc est Supremus Regni Marescallus: utrique mandatum, ut de puerperio Reginae Principes eos certiores facerent, eosque ad communionem eiusdem lætitiæ inuitarent, ac de Regiâ in Sueciam profectioe cum illis conferrent: ad Tartarum missus Nicodemus Cosacouius, sed is, cum literæ publicæ fidei (ut moris est) à Tartaro ei non darentur, non obitâ legatione rediit. Ad Turcarum Imperatorem Amurathem Tertium, Venceslaus Drosinicius Aulicus Regius ablegatus, iussusque sub specie contestandæ amicitiae explorare eius



eius Principis animum, quali esset erga Rempubicam, maximè cum eum latere non posset Regis longior à Regno absentia. Iam tunc Turcæ de inferendo Hungariæ bello consilia agitabant, sensimque eò copias traducebant; in quas cū in itinere Drosinſcius incidisset, ingens adiit discrimen: Constantinopoli primo quidē satis humaniter exceptus fuit; cæterum cum, an munera aliqua, quorum Turcæ avidissimi sunt attulisset, interrogaretur; illeque nihil præter amicitiam se ferre, eamque solam nomine Regis Poloniæ Turcarum Principi muneris loco delaturum responderet, nec postremò, vt apud Ieratum Bassam (supremus is Vefirus erat) legationem exponeret, vel Regias literas illi traderet, se adduci pateretur, serò & agrè ad ipsum Sultanum admissus, & legatione ritè ex dignitateque Regis & Reipublicæ functus est, & rebus ex sententiâ confectis dimissus fuit. Die IV. Iulij nata nuper filia Regis sacro fonte <sup>Baptismi</sup> tincta est, Cardinalis Raduilius eo munere functus, Regina senior Anna, Regis matertera, infantem ad sacrum lauacrum Christiano ritu ex- <sup>Anna Maria</sup> <sup>Poloniæ In-</sup> <sup>santis pompa.</sup> piandam detulit: aderant Summi Pontificis, Cæsarei & aliorum Principum legati, actusque is omni celebritate adhibitâ, pro dignitate Principum, qui ad eum cohonestandum legatos miserunt, peractus. Interea Rex & ij qui eum trans mare in Sueciam comitaturi erant, ad insuetum iter se parabant, primam secundo flumine Vistulâ, Varsaviâ Dantiscum, <sup>Sigismundus</sup> <sup>Rex Varsaviâ</sup> <sup>mouet 1593.</sup> nauigationē experturi. Itaque nauibus paratis adornatisque Rex cū Regina omniq̃ aulæ frequentiâ, die III. mensis Augusti itineri se accinxerunt, deducente eos ad littus Vistulæ Annâ seniore Reginâ Poloniæ, quæ recens natam Regis filiolum, quasi pignus sui erga Regem nepotem amoris apud se retinuerat. Paulò antè Mense Iulio ita Vistulæ aquæ excreuerant, vt res prodigij loco haberetur; circumuicina Cracouiæ oppida Cafimiria Stradomiaque, & reliqua proxima flumini suburbia largiter undis irrigata, ingens damnum acceperant; subrutæ aedes, corrupta quæ in cellis vinarijs granarijsque erant: agris quoque pratisque eadem inundatio, per omne id spatium quo Vistula à suo fonte ad mare vsque decurrit, magnam vastitatem intulit, rusticis tuguriolis prorutis, frumentis limo oblitis, pecoribus pecudibusque & interdum etiam hominibus subitâ aquarum vi deprehensis suffocatisque. Pari & ferè maiori inundatione idem fluuius excreuerat anno Millesimo sexcentesimo vigesimo primo in ipso belli Turcici apparatu; quamquàm & illa prior referri possit ad bellum itidem, quod cum Turcis à Christianis in vicinâ Hungariâ gestum est, portendendum: nam in exitu huius, cuius res gestas persequimur, anni, Amurathes Tertius Turcarum Imperator, rupto fœdere, per suos Præfectos bellum in Hungariâ, quod aliquot deinceps annis variâ fortunâ gestum fuit, exorsus est. Sed ea inundatio percommoda Regi Dantiscum mense Augusto nauiganti fuit, vt sine vlllo impedimento naues defluerent: eo quidem die quo Varsaviâ soluit, classis illa flumine vento aduerso tardata fuit, vt Rex destinatæ primæ stationi portum



*Stanislaus  
Carnouius  
Archiepisco-  
pus Gnesnensis  
Plocia Regi  
occurrit, ibide  
alij Senatores.  
Ceruensis  
Abbatia vi-  
uente Abbate,  
Andrea Ba-  
thoreo Cardi-  
nali in pos-  
sessionem  
datur;*

*Qui pauld  
post in Hun-  
gariâ indigne  
perit.*

*Regis Sigis-  
mundi Dan-  
tiscum ad-  
uentus.*

tum tenere non potuerit; at verò deinceps secundâ nauigatione vsus, bis ferè singulis diebus exscensione in littus factâ. In Plocensi ciuitate præstò Regi adfuit Stanislaus Carnouius Archiepiscopus Gnesnensis, qui faustâ comprecatione felicem longinquioris & periculosæ profectionis successum precabatur: aderant quoque ibi multi eius prouinciæ alij Senatores, & inter eos Albertus Baranouius Episcopus Plocensis, Andreas Bathoreus Cardinalis, Episcopus Varmiensis. In eius gratiam fecerat Rex vt Ceruenscum diuerteret, ad tradendam eius loci Abbatia Cardinali possessionem: quod quidem Rege præsentem factum fuit, multum renitentibus Monachis, superesse adhuc Abbatem clamantibus, & iura liberè eligendi Abbatis appellantibus, sed frustra, nam Germanicus Malaspina Nuncius Apostolicus ostendit, id Summi Pontificis voluntate fieri, ni parerent, præsens illis anathema interminatus. Viuebat adhuc Stanislaus Falzcki Abbas fessus annis, & sui penè impos, nec verbis, sed lachrymis se tuebatur: inuidiosa sanè videbatur hæc sacerdotij, viuo alio, vsurpatio, quod quidem multis alijs non benè cessit. Cardinalis quidem, cum post aliquot annos depositâ Cardinalitiâ purpurâ Regalem appetijisset, Princeps Transyluania renunciat, indignâ & genere & nomine suo cæde extinctus fuit, tristi documento ijs futurus, qui pane Ecclesiæ nutriti, statum, cui ab initio se addixerant, leui ambitionis aurâ afflante temerè deserunt. Sed de eius exitu alio loco & tempore memorabimus. Rex in eo itinere cum Vladislauia ab Hieronymo Rozrazeuio Episcopo loci illius, Torunia à ciuibus Torunensibus & alibi ab alijs honorificè exceptus & lautè habitus esset, postremò Marieburgum deflexit, ibique biduo moratus, terrestri itinere Dersauiam venit: vbi iterum nauibus conscensis, altero die, qui fuit xiv. Augusti, Gedanum ingressus est. Exceptus à ciuibus cum summâ honoris & obsequij testificatione: schaphis minoribus egregiè ornatis, iuuentus Dantiscana obuiam Regi progressa, artis nauticæ in flectendis velis captandisque ventis, celeri huc & illuc transcurso, peritiam ostendebat: naues in portu ipso frequentes, multis non naualibus modò, sed muralibus etiam bellicis tormentis onustæ detonabant: in ponte, ad quem Regia nauis appulsura erat, militaria fulgebant explicata signa, sub quibus ciues omnes vestibus armisque decori, nihil horum quæ ad lætitiâ testificandam, Regemque cum splendore excipiendum desiderari poterant, omittebant. Rex à primarijs ex Magistratu salutatus, & per proximum portui forum, ad palatium istuc paratum, à Senatoribus Regni qui præsentem erant deductus est. Erant autem cum Rege præter Hieronymum Rozrazeuium Vladislauensem, & Andream Bathoreum Cardinalem Varmiensis Episcopos, Ioannē Tarnouium Regni Vice-Cancellariū, Hieronymus Gostomski Posnanienfis, Stanislaus Minski Lancienfis, Ludouicus à Mortang Culmenfis, Cema Marieburgensis, & Stanislaus Costca Pomeraniæ Palatini, alijque non pauci Proceres Poloni & Prutheni. Et primis quidem diebus pacata omnia



omnia erant, certatumque à ciuibus, vt omnibus officijs gratam sibi Regis & Polonorum praesentiam ostenderent; frequentes inuitationes, lautiora conuiuia, hortorumque amenitates exhibebantur. Sparsus erat priuata quorundam maleuolentia rumor, ac si Rex authoribus Malaspina Nuntio Apostolico & Hieronymo Rozrazeuio Episcopo Vladislauensi, cuius etiam spiritali iurisdictioni Dantiscum subest, templum Parochiale, remotis inde per vim Lutheranis, Catholicis esset restitutus. Creditum id vulgò, nec ipse Magistratus hoc quoque metu, sed vano vacabat: nam etsi id Rex iure facere potuisset, cum lite in iudicio Regio de eo templo mota, & legitimè decisa, secundum Episcopi petitionem iudicatum fuisset; tamen non eo tum animo Dantiscum venerat, vt rem eam maiori vi tentandam & peragendam susceperet: ea nihilominus opinio & Magistratum Gedanensem attentiores fecerat, vt in omnem casum, conscriptis etiam in eum vsu aliquot militum cohortibus paratus esset; & populi animos ita exacerbauerat, vt is ad minimum motum arma correpturus videretur. Itaque cum die secundà Septembris, in ponte, ad quem naues religantur, leue iurgium, inter vnum è peditibus Regijs, & nauiculatorem factum esset, ac ille vndique nautis, & cetera multitudine, quae in ponte illo morari solet, ad opprimendum eum confluentibus, rectà ad palatium in quo Rex diuersabatur recurreret, isque qui in excubiis erat peditatus opem illi ferret, in ipso penè momento tantus tumultus excitatus est, vt tota ciuitas armata ad forum decurreret: ac inprimis ij milites, quos publico stipendio auctoratos Magistratus habuerat, omnes aequè ad vim caedemque faciendam instructi & parati, aream quae palatio Regio subiecta erat, occuparent: vtriusque aliquot caesi in ipso foro, Rege penè inspectante; petita sclopetorum globis iaculatorijs eius palatij, in quo Rex diuersabatur, superiores fenestrae: cumque ad sedandum tumultum Stanislaus Krasicki Castellanus Praemissiensis Reginalis aulae Magister cum potestate Marescalci (nam tum Marescalcis absentibus id munus obibat) progressus esset, parum absuit quin violaretur. Rex ipse è fenestra palatij conspectu suo nihil proficiebat, Senatores Poloni, inter strepitum armorum, frequentelque eiaculationes, aegrè ad palatium Regis penetrare poterunt: duabus circiter horis tumultuatum est, donec Consules Gedanenses, serius quam par erat, accurrerint: ad eorum conspectum & mandatum primò mercenarius miles signa composuit, tum reliqua multitudo sensim dilabi coepit. Apparebat Regem & Reginam, omnesque qui cum Rege erant grauissimo perfunctos periculo: & si antenoctem (iam enim sol ad occasum vergebat) is tumultus sedatus non fuisset, caedibus & incendijs, non in Polonos modò, sed in aedes etiam Gedanensium opulentiorum, incondita & praeda auida multitudo grassata fuisset. Ij ex Polonis maximum adierunt periculum, qui vel extra mœnia erant, vel in ponte obambulabant; ex iis nonnulli occisi, & submersi; complures, etsi

*Falsus rumor  
de templo Pa-  
rochiali Dan-  
tiscano, Lu-  
theranis per  
Regem ad-  
mendo.*

*Inde tumultus.*



etsi penè inermes, manu armatâ, cùm aliud effugium non pateret, salutem sibi pepererunt: Magistratus Gedanensis, quò innocentiam suam testaretur, excubias eius noctis ad arbitrium Senatorum Regni disposuit: inter excubitores & aulici Regij familiaresque Senatorum Poloni fuerunt.

Sequenti die Rex vocato ad se Magistratu Gedanensi, eoque graui-  
ter obiurgato, globulos etiam pyxidum, quibus fenestræ illius palatij pe-  
titæ erant, ostendit: paucisque exactis diebus, cùm tum demum classis  
Suetica ad ostium portus appulisset, cum omnibus qui eum in Sueciam  
comitaturi erant, ne quæ inter infensos seditioni occasio daretur, dilata  
in aliud tempus, studio an errore ille tumultus excitatus fuerit, inqui-  
sitione, ciuitate excessit, & in tuguriis (quæ sub Laternâ portus Dantif-  
cani, paucis exceptis, vilia sunt) octo circiter diebus substitit, donec one-  
ratis nauibus parata classis esset. Demum die xv i. Septembris cùm Rex  
& reliqui omnes naues conscendissent, leui flante vento, leuatis ancho-  
ris, in quibus ante portum vniuersa Regia classis steterat, vela explicata,  
signumque itineri datum: circumsonantibus magno fragore tormento-  
rum bellicorum explosionibus, quæ ita ordinata erant, vt naualibus tor-  
mentis, ea quæ in arce, seu Laternâ portus Dantiscani exonerabantur,  
ad numerum responderent. Dies serena admodum erat, nobisque, qui-  
bus incomperta adhuc erat maris varietas, lætam & secundam nauiga-  
tionem spondentibus, risere nautæ, serenitatem eiusmodi ingentis mox  
tempestatis signum esse asserentes: simul apparebant belluæ marinæ,  
quæ idem portenderent. Classis vniuersa sexaginta ferè nauibus maiori-  
bus constabat, quarum circiter erant quadraginta Sueticæ, quæ non nisi  
in puppim vrgente vento cursum facere poterant: commodiores reli-  
quæ Hollandicæ, qualis ea quâ Rex vehebatur, & reliqui alij, qui secu-  
rioris navigationis causâ soluto naulo eiusmodi naues conduxerant.  
Classi præerat Flamingus Sueciæ Regni Trierarchus, vir Regi semper fi-  
dus. Is nauium Magistris præceperat, vt signum quod è puppi nauis Re-  
giæ pendebat, obseruarent, nauesque omnes ordinem præscriptum te-  
nerent; sed id frustra fuit: nam post occasum solis contrarius ita incu-  
buit ventus, vt quamuis demissis velis, tamen retrò classem egerit: &  
cùm nos longiùs promouisse arbitraremur, altero die visis à longè mœ-  
nium turribus, ad littora Gedani tædiosâ velificatione nos errare con-  
speximus. Poterant Hollandicæ naues, quales eæ erant, quâ Rex & nos  
vehebamur, superato Heleni promontorio, vltiùs prouehi: sed dum  
Sueticas naues operiuntur, & ad imperium Præfecti classis se accom-  
modant, ipsæ quoque hædere coactæ sunt. Triduo ventis & tempesta-  
tibus iactata classis Regia, demum ad Helam iactis anchoris stetit: nos  
iactatione & maritimâ aurâ vexati, nauseabundi ocyùs scaphis delati  
terram petebamus; seriùs aliquantò Rex quoque & Regina exscendit.  
Hela oppidulum est iuris Dantiscani, beneficio Regio sub certo annuo  
censu

Rex Dantisco  
soluit.

contrario  
vento retro-  
agitur Regia  
classis,

& tempestate  
iactatur.

Hela oppi-  
dum iuris  
Dantiscani.



cenſu illis attributum, ſterile & arenofum ſolum, piſcatio non incommoda: eâ incolæ vitam tolerant; ædificia, vt in plerifque minoribus Polonia oppidis, humilia. Per aliquot ibi dies claffis ſecundum ventum expectare coacta: demum cùm is die XXIII. Septembris fauere videretur, euulſis anchoris, laxatæ velis habenæ; cùm ecce longè maior quàm ea quæ ſoluentem è portu Gedanenſi claffem vexauerat, exorta tempeſtas, ita vniuerſam claffem diſiecit, vt diuerſi diuerſa littora petere coacti fuerint, plurimi ſupremum vitæ fortunarumque diſcrimen adierint. Regia nauis itemque ea, quæ Anna Infans Sueciæ, Regis ſoror vehebatur, duæ prætereà aliæ, quarum altera Tarnouij Vice-Cancellarij Regni, altera ipſiuſmet Admiralij erat, cùm bis portū Elſnabensem (primus is in ipſo ſcopulorum Sueticiq; littoris aditu Stoccholmiam petentibus ſe offert) ingredi niterentur, bis reiectæ ventis, tandem die XXVII. Septembris ſub ortum ſolis, ſubſidente vento eundem portum ſolæ ex vniuerſa claffi ſe feliciter ingreſſæ ſunt. Portus is, vt dixi, inter exeſas rupes, altioribus in orbem cinctus ſcopulis, non arte, ſed naturâ tutam vel maximæ claffi præbet ſtationem: Stoccholmia inde, ſi quis nauibus prouehi velit, diſtat ſexdecem milliariis, breuius iter terreſtre, naues inter ſcopulos anguſtosque anfractus traducendæ, vt per obliquos meatus remulco eas agere oporteat. Ferunt conſultò obſtructis alijs meatibus Sueciæ Reges, ita hoc iter maritimum accommodaſſe, ne pluribus vijs ad Regiam urbem Stoccholmiam, hoſtili claffi pateret aditus: & vt paucioribus excubijs cuſtodiri, & obſeruari portus poſſit. In eo portu Rex per aliquot dies, quò reliquæ naues eò conuenirent, ſubſtitit; ſed maior pars earum ad diuerſa adaectæ littora, diutiùs commodum nauigandi tempus expectare coactæ fuerunt, pleræque ad portus Danicos delatæ, non modò tutam ſtationem habuerunt, verùm etiam homines noſtri, iuſſu Regis Daniæ benignè excepti tractati que fuerunt; naues etiam quas tempeſtas conquaſlauerat reſectæ: ſed eæ vix altero demum menſe, cùm ſubmerſæ crederentur, Stoccholmiam appulerunt. In portu Elſnabenſi dum Rex cæteram claffem præſtolatur, venerunt ad eum aliquot Senatores Sueci, commeatusque ſubuectus; inde lento itinere claffis Stoccholmiam verſus promotæ, vt non niſi die X. Octobris ad ipſam urbem ventum fuerit. In eo loco ad quem Regia nauis appulſura erat, Carolus Dux Regis patruus, cum Senatoribus Suecis aderat, deſcendentemque è naui Regem veneratus, ad arcem cum toto Regio comitatu deduxit.

In Poloniâ tum ſatis quietæ res erant, niſi quod Coſaci excuſſione in Turcicas ditiones Duce quodam Loboda (tria millia Coſacorum ſub ſignis is habuiſſe dicebatur) Menſe Decembri factâ, Iurgouiam non procul à Baallogrodo ſub ipſum nundinarum tempus diripuiffent, prædamque non exiguam inde impune abduxiffent: id verò contra fœdus factum, ne Turcæ grauiùs acciperent, & de vltione cogitarent, verendum erat. Loboda is Cæſaris Rudolphi promiſſis illectus, ad infeſtandos

Regia nauis  
Elſnabum  
appellit, cum  
paucis alijs,  
cæteris tem-  
peſtate diſie-  
ctis.

portus Elſna-  
benſis qualis;

quantum in-  
de diſtet Stoc-  
cholmia &  
quali itinere.

naues Polo-  
nica ad por-  
tus Danicos  
tempeſtate  
delatæ, quàm  
benignè ex-  
ceptæ.

Reliquum  
Regis Stoc-  
cholmiam  
iter.

eodem ad-  
uentus.

Coſaci Niſo-  
uiam Iurgo-  
uiam Turcicâ  
ciuitatem di-  
ripunt Duce  
Loboda.

dos



dos Turcarum fines credebatur, Chlopicio quodam Polono Ministro, qui vexillum cum insignijs Imperatoris, literas & pecuniam ad Cosacos detulerat, ac multis præterea præmiorum promissis eos onerauerat, consilia etiam cum Moscho contulisse ferebatur: captus is quidem fuit Cracouiæ, sed parum cautè custoditus in Silesiam postea euaserat. Bellum Cæsari cum Turcarum Imperatore erat, siue initia futuri belli: quod ut ad Regnum Poloniæ deriuaret, Polonosque vel inuitos in societatem protraheret, hoc, inconsulto & inscio Rege, Cosacorum auctoramento, eorumque ex finibus Regni in Turcicas ditiones excursionibus, efficere Imperator conatus fuit, nullo sanè suo commodo, & magno Reipublicæ Poloniæ detrimento: nam commota hæc colluies & temere ad signa euocata, non facilè deinceps cohiberi & in ordinem redigi potest. Mense

1594.

*Legatio Cæsarea ad Archiepiscopum Gnesnensem Rege absente.*

*Imperator Polonos in societatem belli Turcici inuitare parat.*

Februario anni sequentis, Cæsarea legatio, nouo quodam exemplo, Rege absente, ad Archiepiscopum Gnesnensem tamquam Regni Primatem missa venit: duo capita eius erant, alterum de prohibendo per fines Regni Tartaris in Hungariam transitu: alterum, cum constituisset Cæsar Legatos mittere, qui de fœdere societateque belli contra Turcas faciendâ, agerent, quærebat quando & quem in locum eos mittere deberet. Literæ & legationis summa ad Regem remissa in Sueciam, Cæsari autem quid esset respondendum, res ad consilium Senatus reiecta, atque eius rei causâ nonnulli Senatores vocati ab Archiepiscopo Varſauiam ad diem XIX. Aprilis conuenerunt. Ex eorum sententiâ responsum Imperatori datum, de societate nouoque in bellum Turcicum fœdere, nihil in vtramque partem Rege absente responderi, ac statui posse, nec locum aut tempus definiri. Tartari si fortè per ditiones Regni transire voluerint, curaturos eos, quibus hoc negotium à Rege & Republicâ demandatum est, ne id fieri permittant: adiectum de Chlopicio, sollicitatis auctoratisque Cæsareo stipendio Cosacis, & in fines Turcicos immisſis, ostensumque Cæsarem rem minùs consentaneam pactis fœderibusque, minùs dignam suâ Maiestate ordiri; nam in alieno Regno exercitu conscripto, ex eiusdem finibus rectâ ducere in hostem, & suo arbitrio vetera, quæ Regno Poloniæ cum Ottomanicâ domo iurata intercedunt fœdera rumpere, id verò nihil aliud esse, nisi Rempubicam cum tam potenti hoste committere, vel potius suum periculum in nos deriuare. Nihil autem indignius Cæsareâ Maiestate videri, quàm ei hominum generi, quod leuissimum est, inniti, Cosacorumque colluie Turcas ab eâ parte quâ potentissimi sunt, expugnari aut labefactari posse credere. Utque Imperatori constaret, quantoperè eo Cosacorum Cæsareo auctoramento Ordines Regni permouerentur, pactisque mutuis id minime consentaneum esse ostenderetur, literæ quoque publico nomine ad Cæsarem datæ: quæ cum ab Archiepiscopo missæ ad Cæsarem essent, ille ita respondit, ut commotorum auctoratorumque suo stipendio Cosacorum culpam omnem in Chlopiciu reiceret; ab eo sibi dictum fuisse



fuisse Cosacos gentem sui iuris esse, nemini parere, neque intra ditiones Regni Poloniae eos contineri. In eodem Senatorum Variavienſi cōventu, Czauſius Turcarū Imperatoris adfuit, Imperatoris literas ad Regē, Ierati Baſſae ad Senatores adferēs; hortabatur ille Regē, & Ordines, vt priſtinæ amicitiae quam & ipſe, & maiores ſui, cum Regibus & Regno Poloniae coluerunt memores, in eā conſtanter perſeuerarent, ſe viciffim idem facturum: bellum in Hungaria ſuſceptum, & Sinano Baſſae demandatum iturūque eodem cum exercitu Hamum Tartarorum ſignificabat, qui ne à Coſacis, aliifue impediretur, neue eo abſente eius ditiones infeſtarentur, poſtulabat: ea ſumma erat literarum Imperatoris ad Regem, Ierati ad Senatores. De amicitia largè reſponſum, daturus Regem & Senatum operam, ne in colendā conſtanti amicitia, ſeruandisque pactis cuiquam priores partes concedant: de Coſacis vt hominum vago genere, quique legitima detrectent imperia, nihil promiſſum, niſi limitaneis Præſectis mandatum iri, vt eos à latrocinio, quo nō magis vicinis quàm Regni ditionibus infeſti ſunt, quantum fieri poſſit contineant: de Tartarorum quoque in fines Regni excuſſione, damniſque per eos illatis adiuncta querela. Czauſius ita dimiſſus. Ad Regem verò ex eodem Cōventu & Turcicae literae miſſae, & nomine totius Senatus petiit, vt cum tot periculis Regnum Poloniae obnoxium ſit, vicinus in Hungaria paries bello graui & periculoſo ardeat, Tartarus Regno immineat, Coſaci tumultuentur, & ad vexillum externi Principis peſſimo & ſeditioſiſſimo quoque euocato, & externas prouincias infeſtent, & Regni ditionibus graues ſint, Reſpublica verò Rege & capite ſuo careat, redditum ſuum maturare velit. Rex cum demum Stockholmiam Menſe Octobri anni præſentis appuliſſet, quietas quidem illic res reperit: nemo erat qui primo aſpectu, non felicem Regni capeſſendi ſucceſſum ſperaret; ceterum mox apparuit aliquid aliud in multorum pectoribus harere, tacitiſque cogitationibus agitari, quàm vt Regem, Regiſque hereditarium imperium, Sueci ſponte ſuſcepturi eſſent, principio à Carolo patruo Regis facto. Is viuo etiam Rege Ioanne agrè tuliſſe fertur, mite illius imperium, ſapiuſque conſilia agitaſſe, de eo remouendo: verum Ioannes ad omnes Caroli machinationes intentus, ſummam Imperij ipſe per ſe obibat; ac populum quidem diuinitate regnandi, ſatiſque accuratā adminiſtratione iuſtitiae ſibi diuinctum tenebat, Caroloque authore ſi qui ex potentioribus, rebus nouis ſtudere vellent, facile eos in officio retinebat, ita vt ne Carolus quidem, quamuis ad omnes intentus occaſiones, ſe commouere poſſet: cum autem animaduertit, ſe vitā ſuncto non quieturos eos, qui ſe viuo reſnouas moliri ſtudebant; magnoperè optauerat, vt dum adhuc in viuſ eſſet, filio pacatam Regni poſſeſſionem traderet. Eo animo Reualiam ad ſe ſuperioribus annis euocatum, ſecum in Sueciam abducere volebat; ſed cum comperiſſet, filium, ſi inconfultis Poloniae ordinibus Regno

*Sub idem  
tempus Tur-  
carum Impe-  
ratoris in Po-  
lonia nunciuſ.*

*Reſponſum  
nomine Se-  
natus nunciuſ  
Turcico.*

*Sub aduentū  
Regis in Sue-  
ciam reſ pa-  
cata erant.*

*Carolus Re-  
gis patruſ  
cauſa difficul-  
tatum qua  
Regi Sigif-  
mundo Sueciae  
Regnum ad-  
eunti obiecta  
fuere.*

*Reualia ciui-  
tas in Liuania.*



excederet, de eo penitus amittendo in discrimen venturum, tum quidem agrè illum ab se dimisit, promittentem simulacres Polonicas constituisset (& iam fama erat Turcarum Imperatorem ad bellum contra Polonos suscipiendum accingi, ac de maiori etiam arte quorundam apparatu, quàm in re ipsa erat, spargebatur consultò tunc rumor) volentibus & permittentibus Regni ordinibus se in Sueciam traiecturum. Ut tamen fauorem Sueciæ Procerum Sigismundus Rex sibi conciliaret, obtinuerat à patre Reualia, vt Senatores quosdam Suecos, res nouas moliri compertos & conuictos, & idcirco capitali supplicio ob læsam Maiestatem Principis afficiendos, veniã in gratiam filij reis datã, dimitteret; denunciante quidem tum patre, malo filij sui eos victuros, negotiumque, si quid sibi humanitùs euenisset, illi grande faceffituros. Diuersa horum à Carolo erant studia, nam isti vniuersam Gustauicam stirpem vel à regimine amouere, vel arctioribus regnandi legibus circumscribere volebant: vtraque factio populi studia fauoresque ambibat, hi libertatis ostentatione, Carolus religionis prætextu, nam Regem Catholicum grauem fore iis qui alterius essent religionis, vique & inquisitione Hispanicã religionem Romanam, eiectionis Lutheranis Ministris, propagaturum ostendebat. Erat in oculis & odio omnium Germanicus Malaspina, Episcopus Sancti Seueri, Nuntius Apostolicus, quem homines ij qui nusquam aliàs vel Episcopum, tantò minùs Legatum Romã missum viderant, suspicabantur omnia arbitrio suo acturum: & ille feruidior quàm in Regno Hæretico fortassis conueniebat, palàm præferre, quid fieri desideraret: sæpiùs ad Regem commere, consilijs publicis quia præsens non poterat, apud eos Italos, qui Stoccholmiæ erant, incautiùs obloqui, quæ illi secreti sermonis impatientes, mox etiam de suo aliquid adijcientes, euulgabant. Accesserunt necessariae quidem, sed eadẽ acres ac vehementes Regij Concionatoris Ecclesiasticæ conciones, quibus ille præsentem Rege, & aulã Regiã in maiori arcis sacello, linguã Germanicã, quæ ferè omnibus Suecis familiaris est, Hæreticorum dogmata exagitabat: cui è contra quidam Schipperus Minister Lutheranorum primariùs Ciuitatis Ecclesiastes, è suggestu Parochialis Ecclesiæ responderebat: eoque res venerat, vt cum Schipperus modestiæ terminos egrederetur, nominatimque Regium Concionatorem conuicijs proscinderet, suggestu & concionis faciendæ potestate interdictum ei fuerit. Et ne quid deesset ad irritandos populi animos res penè ad iustum tumultum deuenerat ex tali occasione. Mortuus erat quidam Bransuicus Louiciensis ciuis, qui priuati negotij causã ex Poloniã ad Regem venerat; eius funus publicè deferri placuit ad Ecclesiam Monasterij, quod quondam Franciscanorum fuit, in Insulã Ciuitati contiguã siti: id verò agrè ferre Sueci, passim fremere, Catholicas Cæremonias palàm exerceri. Et tum quidem res intra fremitum & mussitationem stetit, sed paulò post, cum Musicus quidam Regis, quem vulgariter Souca appellabant,

*Stirpis Gustauicæ in Sueciã Regni.*

*principia Suetici odij in Regem Sigismundum.*

*Nuntij Apostolici incautus sermō.*

*acres conciones.*

*quæ occasio tumultus.*



labant, cultelli ictu à Sueco noctu traiectus esset, parique & ferè maiori pompâ ad eandem Ecclesiam deferretur: Minister Lutheranus qui eandem Ecclesiam curabat, quò Catholicû Sacerdotem, qui funebrem concionem facturus erat, ad suggestum non admitteret, in eo se incluse- rat, foresque pulsanti durius responderat: quamobrem admotâ securi auulsæ fores, Minister inde eiectus; qui fremens frendensque extra tem- plum egressus vim sibi & Ecclesiæ fieri cùm inclamaret, tanta mox orta est seditio, tantusque populi concursus factus, vt nisi ducenti circiter Regij pedites, qui presidio curantibus hoc funus aderant, occupato pon- te, quo Insula Ecclesiæ illius reliquæ ciuitati iuncta est, primum impe- tum arcuissent, ac mox etiam Marefcalcus Regni Sueciæ ad sedandum tumultum accurrisset, id funus multis funestum fuisset. Harum rerum gnarus Carolus, per suos emissarios vniuersum Regnum vano timore impleuerat, monueratque vt ita ad futuram Regis inaugurationem se pararent, ne inuiti patrijs iuribus libertatibusque spoliari, & quod caput est, ad eiurandam religionem cogi possint. Suaferat Regi Tarnouius Regni Vicecancellarius, ne & paterni funeris curationem, & suam in- augurationem differret: fore enim id, quod postea euenit, suspicaba- tur, vt & inter diuersarum nationum diuersorumque non modò mo- rum, linguæ, sed & religionis populos aliquid dissidij oriretur; & ij qui Regem vel non admittere, vel circumscribere nouis legibus volebant, maiorem & Regem inuidiâ onerandi, & eorum quæ destinauerant effi- ciendorum occasionem haberent, Regique omnia deinceps difficiliora essent: sed id consilium neglectum, & non nisi exacerbatis iam animis, ferò admodum primis Februarij mensis (qui quintus erat à Regio in Sueciam aduentu) diebus, & sepulturæ defuncti Regis, & inauguratio- ni Regiæ tempus designatum. Quod vt apperuit, ingens numerus (qua- dringenti censebantur) Ministrorum Stoccholmiam conuenit: deduce- bant ij Regium funus eo ordine, qui à Catholicis vsurpari solet, cereos funales, sed non accensos manibus ferentes: ita Stoccholmiâ Vpsaliam itum. Hæc vrbs quondam Ecclesiâ Metropolitanâ & Archiepiscopo in- signis, primaria totius Sueciæ erat, sed nunc in eâ nihil veteris splendo- ris, nisi nobilis Basilica, & paulò in editiori loco arx siue Regium pala- tium, à proximè defuncto Rege Sueciæ, egregiis & splendidis ædificiis auctum, ac præterea domus Archiepiscopalis visitur; cætera humilia, casæ potius quàm domus. Ad curandum Regium funus præter Regem & Reginam, ac Annam infantem Sueciæ Regis sororem, Ioannem ex posteriori defuncti Regis matrimonio, Regis item fratrem, puerum ad- modum vix quintum annum agentem, Ducem Carolum cum vxore, aderant defunctorum Regum Gustauï & Ioannis Reginæ vxores, Dux Saxonæ Regis consobrinus, qui omnes Regij sanguinis Regiæ mensæ assidebant. Conuenerant & Senatores & lecti è populo, penes quos hîc summa potestas: nam & auus Regius Gustauus, cùm pulso Tyranno,

*Consilium  
Ioannis Tarnouij, quo se-  
cuta deinceps  
difficultates,  
evitari pote-  
rant.*

*pompa fune-  
ris Ioannis  
Sueciæ Regis.*

*Vpsalia Sue-  
ciæ ciuitas.*

*In Sueciâ  
penes populū  
summa pote-  
stas.*



*Anus Re-  
gis Sigismun-  
di Gustauus  
Danos &  
Tyrannum  
e Sueciâ eie-  
cit.*

*nouo exemplo  
Sueci postu-  
lant, vt Regi  
conditiones  
prescribantur,  
quibus Regnū  
suscipiat.*

*compellendis  
Senatoribus  
Suecis & po-  
pulo; effecerat  
Rex res suas  
meliores.*

ac Danis eiectis Regium decus domui suæ assereret, populari fauore id consecutus fuit, & qui deinceps post eum regnarunt, plus populo, quàm nobilitati & fidere & inniti videbantur. Effecerat suis criminationibus Carolus, vt populus omnia sinistra de Rege suspicaretur; tunc quoque Vpsaliæ blandè Ministros (ij popularium consiliorum rectores moderatoresque erant) appellando, ita ad suam voluntatem pellexerat popularem illum statum, vt vni soli fidem haberent, ad nutumque eius parati essent. Ita simulac defuncti Regis corpus tumulo illatum est, cum hoc vnum superesset, vt Rex Regio diademate insignitus fide à subditis acceptâ, Regni iura ac munia capefferet, nouo & in Sueciâ inusitato more, auctore Carolo obstiterunt Ordines, ne prius id fieret, antequàm Rex pactis certis constitutis, fidem suam se illa obseruaturum Ordinibus Regni obstrinxisset. E contra ostendebat Rex nihil nouis pactis opus esse, cum & successionis iure Regnum sibi paternum debeatur, & iam dudum præscriptum constitutumque sit, quibus finibus Regia in Sueciâ potestas contineatur. Nemo tum erat qui Regis consilia moderaretur, rationesque eorum proponendorum tractaret, aut fideliter Regi suppeditaret: intimi quique è Suecis Regem deseruerant; nemo erat qui cum Senatoribus vel populo Regis nomine ageret. Aberat & Tarnouius, valetudine impeditus quò minùs cum Rege simul Stoccholmiâ Vpsaliam proficisceretur; is vt intellexit, in eo statu rem esse, nondum satis curato morbo properè Vpsaliam contendit; eò simulac venit, quantum homini externo foris licebat, notos ignotosque compellendo faciliè deprehendit non tam ea quæ à Rege postulabantur, quàm ambitionem Caroli rebus Regiis obesse: ab eo constabat metu & minis deterritos eos qui vel minimam significationem suæ erga Regem propensionis ostendissent, ne Regi præstò essent, ne consilij copiam facerent, sollicitatos Delegatos populi, & in suam sententiam, confictis in Regem criminationibus, pertractos. Igitur Regi auctor fuit, vt ipse quoque Senatores, quorum plerique vitam, ceteri fortunas suas illi debebant, lenibus promissis permulceret, & nonnihil de iure Regio, se subditorum suorum causâ decessurum ostenderet: denique eò metu quem Carolus consultò augebat, quasi Rex religionis negotium nimis acriter vrsurus esset, omnes liberaret; cum Delegatis etiam populi ipse per se ageret, eosque, vt moris in Sueciâ est, ipse alloqueretur. Quod posteaquam factum est, iam in meliori statu res Regia esse cœperat: sed Carolus omnem transactionem suæ cupiditati inimicam ratus, fretus potentiâ clientum suorum, cum neminem suis destinatis aduersari ausurum crederet, die, quâ summa consiliorum explicari, & ea quæ in disceptationem vocabantur, conciliari debebant, stipatus vniuersis Proceribus, & milite, quem in eum finem secum adduxerat, eo animo in arcem venire decreuit, vt non modò de iis, quæ præter fas & æquum eo auctore à Rege postulabantur, non decederet, verum etiam contentione aliquâ factâ vel cædis initium faceret,

vel



vel Regem in ordinem redigeret. Non latuit id Tarnouium. Igitur re cū Rege communicatā Albertū Lascum Palatinum Siradiensem (venerat is nuper ex Liuoniā priuato nomine & sine vllo comitatu ad Regem) aduocat. Pereundū, inquit, nobis est omnibus, nisi fraudem virtute præueniamus, Carolus & Regi, & nobis, vel cædem, vel tetrū carcerem machinatur; paratior est quā nos, & in suo nido audacior; sed non desunt rationes, vt vel saluā dignitate, nec inulti moriamur, vel certē nos & Regem nostrum ab omni dedecore summā cum nostri nominis gloriā vindicemus. Collatis deinde consilijs placuit, vt in crastinum (dies XXVI. Februarij futura erat) omnes Poloni (vltra quadringētos Hungaros pedites qui in arce excubabant) quotquot arma ferre poterant summo mane in arce essent: honoratiores Tarnouium, & interiora Regij palatij obseruarent, reliqui cum peditatu Hungarico in arē arcis ad nutum Lasci præstō essent, eaq; res quā secretissimē ageretur, ne vllum signum noui apparatus deprehendi possit. Carolus, vt cōstituerat arcem ingressus, deductibus eum omnibus Regni Proceribus, cū omnes qui longo ordine eum præcedebant, quiq; latus illius cingebāt patenti portā admissi essent, milites omnes sclopetarij (ad duo millia erant) qui ponē sequebantur, cū arcem item ingredi vellent, mandato Lasci exclusi, portaq; clausa, & iusto firmata præsidio, admotis etiam maioribus bellicis tormentis, vt si Caroliani vim intentarent, facilius arceri possent. Ignarus earum, quæ à tergo sine vllo tumultu fiebant, rerum Carolus, iam Regium palatium ingressus, primò quidem insolitā, & in arē, & in gradibus ac in ipso atrio palatij Polonorum frequentiam animaduertens, aliquantisper hæsit: sed cū mox nunciatum illi esset, arcis aditu milites suos esse exclusos, portaq; arcis firmo teneri præsidio, tum demum suā fraude se circumuentum agnoscens, pallere trepidareq; mox Tarnouium interrogat, ecquid rei esset, cur sui exclusi, & ipse armatis septus? An nos, inquit Tarnouius, tua destinata, & quo consilio armatis septus arcem ingredi volueris late-re putas? tenentur tuæ fraudes, quibus mox Deo innocentia Regiæ vindice tuo capite litabis: simul vnum ē præcipuis aggressus, hæc, inquit, vestis ingrate, quā cæteris honoratior ornatus incedis, Regio beneficio & liberalitate tuum tegit corpus, eo vos Rex & olim vitā donauit, & postea beneficiis suis prouexit, vt nunc capiti illius insidias strueretis? Nihil iam ad iustum tumultū deerat, nisi vt ab vtriusque arma stringerentur; cū Rex qui consilio Tarnouij in remotius Regiæ cubiculum, sub ingressum Caroli recesserat, consternatione Regiæ, ne orto tumultu aliquid grauius (vterum tunc ferebat) pateretur, motus medium se interponit. Carolo se in potestate Regis esse, & frustra fraudis infimulari assere-re, tandem ad mutuum colloquium re deductā, æquioribus, quā initio voluerat, conditionibus, & Regnum Regi eadem horā delatum, & Coronationi dies prima mensis Martij assignata est: fidesq; data, ea de quibus tum conuenerat rata vtrinq; fore, sancitā etiam mu-

*Consilia Ca-  
roli præuenit  
Tarnouius.*

*Egregius Tar-  
nouij animus  
in tuendā  
Regiā digni-  
tate.*

*Exorto iam  
tumultu Rex  
prohibet ne  
quid grauius  
committatur  
in Carolum,*

*qui eo pericu-  
lo modestior  
efficitur.*



*Coronatio  
Regia Vpsalia  
in Sueciâ per-  
acta, irritatis  
vtriusque ani-  
mis.*

*cuius rei cau-  
sa Suecis tri-  
buenda.*

*Regia beni-  
gnitas Caroli  
cupiditati oc-  
casione præ-  
buit.*

*Diuersus mo-  
dus regnandi  
in Poloniâ  
ac in Sueciâ.*

*Sueci muta-  
tionibus im-  
piorum  
assueti.*

*maritimi po-  
puli ad sedi-  
tionem proni.*

*Rex gnarus  
machinatio-  
num Caroli  
aliquos Polo-  
niæ Proceres  
ad se euocat.*

tuarum iniuriarum vel potius suspicionum obliuione. Mirum fortassis alicui possit videri, tantum tum Polonos pro Rege ausos, vt in mediâ Sueciâ, & longius à portu remoti palàm vim intentarent; sed reputantibus quo in periculo tunc & Rex, & ipsi fuerint, haud incredibile videbitur viros fortes quiduis subire voluisse, quàm vt liberi homines sub arbitrium & potestatem tyranni vltro concederent. Ac nescio, si non melius factum fuisset, si tunc Caroli aliorumque proditorum cæde, quæ satis expedita erat, futuris malis & ingētibus bellis occursum fuisset. Coronatio quidem Regia, mœstis suspectisque vtriusque animis, ipsis Calendis Martij, Anni Millesimi quingentesimi nonagesimi quarti, Vpsalia peracta; nec lätius erat publicum, quod à Rege in palatio exhibebatur eodem die conuiuium: postremò ita inde discessum fuit, vt satis constaret, inter cognati sanguinis Principes, alterius benignitate, alterius ambitione ingentia excreuisse odia, nec quidquam certi de statu illius Regni, sub discessum, qui mox futurus erat, Regis constitutum. Eius rei culpa, non tam Regi, quàm Suecis ipsis imputari debet; ij enim rerum suarum causâ, vt Regem durioribus conditionibus constrictum tenerent, & Caroli ambitionem fouebant, & quasi in partem secessione factâ, nec ope, nec consilio Regi aderant. Religio prætexebatur, cuius tum specioso titulo clandestinæ machinationes tegebantur, quæ res deinceps & statum illius Regni multis calamitatibus afflixit, & iisdem Senatoribus exitium attulit. Neque sanè negauerim, Regis quoque benignum, ne dicam lentum & remissum animum, occasionem præbuisse, & cupiditati Caroli, & Procerum aduersis erga eum studijs: palàm illi tum nobis audientibus dicebant, Regem Ioannem, etsi satis ad omnes casus aduersos instructum paratumque, tamen ita cautè imperio vsum esse, vt quod in prouerbio est, lupum se tenere auribus diceret: filium verò ipsius Sigismundum, adhuc iuuenem, ita freno imperij, Sueciæ Regnum circumagere velle, ac si ea res expedita, & nullius esset negotij, non prehensari ab eo Senatores, non populum blandis alloquijs alligi. Sed ille assuetus in Poloniâ, omnia referre ad Senatum, & Magistratum suorum fidei inniti, perinde in Sueciâ quoque existimabat, se & fide & obsequio subditorum suorum vsurum. Quæ spes quantoperè eum fefellerit, & tum continuò expertus fuit, & tantò magis postea longo experimento comperit: regni quidem Poloniæ, etsi tot externis vrgeatur periculis, non ita grauem esse administrationem; Suecos mutationibus imperiorum assuetos, facilè ad res nouas impelli posse, nisi seueriori disciplinâ coercerentur. Omnes quidem maritimos populos ad seditionem pronos esse, veteres quoque existimarunt, è contra eos qui mediterraneas regiones obtinent, ciuiliores esse solere.

Vpsaliâ Stoccholmiam Rex reuersus, subductis Carolinarum machinationum rationibus, eiusque expensis consilijs, facilè animaduertit, non Regnum modò, sed se etiam, caputque suum ab illo peti. Itaque suæ

secu-



securitati maturè vt prospiceret, Ioannem Veicherum tunc aulicum suum, nunc Palatinum Culmensẽ, rigente adhuc hyeme, necdum solutâ glaciẽ, clauso & nauigationi minimè tunc idoneo mari, terrestri per Daniam, & per fretum Codanum itinere in Poloniam mittit, datis secretis ad eos, quos suâ causâ facturos sciebat omnia, mandatis, quibus explicabat, quo in statu res suæ essent, quidue ab eis fieri cuperet: id autem erat, vt primo vere cum quanto maximo possent comitatu in Sueciam traicerent. Res hæc adeo secretè tractata expeditaque fuit, me vno, quem Tarnouius scribendis Regio nomine literis adhibuerat, conscio, vt non antè Carolus id agi præsentire potuerit, quàm Dantisco Polonos in Sueciam traiekturos naues conscendere nunciatum ei fuisset. Sed interim in Sueciâ nõ sine periculo Regiæ res erant; sæpè vt inter suspectos ad tumultum seditionemque res spectabat, dispiciente interim Carolo à longè (neque enim Stoccholmiæ præsens erat) & ad omnes intento occasiones, si quæ eiusmodi se offerre possent, quibus commodè vti ei liceret: credebanturque ab eo submissi & instructi, qui initia dissensionum inter Polonos & Suecos sererent alerentque. Aberat tunc Flemmingus cui Rex merito ipsius maximè fidebat; classẽ cui præerat in portus Filandicos isthic hyematuram subduxerat, neque citò, quòd eæ regiones magis frigoribus obnoxia, serò admodum tepescant, eam explicare poterat. Ex Poloniâ aliquot nobiles viri, famâ tantum Regij periculi moti, cum vixdum mare nauigationi idoneum esset, sponte, nec à Rege acciti in Sueciam traiecerant: inter quos erat Nicolaus Danielouicius, nunc Supremus Regni Thesaurarius, Felix Kryski, qui postea fuit Supremus Regni Cancellarius, Maximilianus Przerembski, ab Hieronymo Rozrazewio Episcopo Cuiaviensi, iusto comitatu instructus missus, Petrus Choinski; omnes hi tunc erant Regij aulici. Sed ij ad quos Veicherus fuit missus, maioris apparatus in portu Dantiscano speciem præbuerant: Ernestus Veicher Capitaneus Pucensis, pater eius quem in Poloniam missum diximus, quingentos pedites Germanos iussu Regio armauerat; maiorem comitatum duo fratres Andreas & Ioannes Czarnkouij, qui tum nuper hæreditate Gorcanâ aucti inter maiores Poloniæ Proceres eminebant, secum trahebant: Hieronymus quoque Gostomlki Palatinus Posnaniensis, generum suum Adamum Stadnicium cum trecentis armatis expedierat: Stanislaus Bykovvski Castellanus Lanciciensis è Si-radiensi & Lanciciensi territorijs florentissimæ equestris iuuentutis lecta robora, plura trecentis aduexerat: Stanislaus Warsicki tunc Cobrinenfis Capitaneus, deinceps ex Supremo Regni Thesaurario Palatinus Podlachia propè ducentos homines armauerat. Omnium, qui Dantis-ci naues conscenderant, numerus ad tria millia accedebat: ij felici & prosperâ nauigatione vsi, sub finem demum mensis Iunij Stoccholmiam appulerunt; mox duce Flemmingo Sueciæ Trierarcho, classis quoq; Suetica in eodem portu comparuit. Paulò antè Regina partu leuata, filiolum pepererat

*Poloni ad  
famam Regij  
periculi in  
Sueciam  
transmittunt.*



*Carolus à  
Rege inuita-  
tus venire  
abnuitt.*

*Filia Regis  
Catharina in  
Sueciâ nata,  
mortua ibidē.*

*Deliberatio  
Regis cui ad-  
ministratio  
rei Suetica  
committenda.*

*Carolus Regni  
Sueciæ Gu-  
bernator con-  
stitutus ad-  
iunctusq; ei  
socius consi-  
liorum Sena-  
tus.*

*Gubernatio  
Arcis Sto-  
cholmenfis  
Erico Brahe  
commissa, sed  
Gustavo Bra-  
he priores  
partes date.*

pererat, ad quam de sacro fonte leuandam Rex Carolum inuitabat; simulque ostendebat mutuo congressu opus esse, & ad abolendas suspiciones & ad constituendum statum Regni, maximè cum res Poloniæ Regem ita reuocarent, ut diutiùs in Sueciâ morari non posset. Sed Carolus Regis apparatus, Polonorumque aduentum suspectum habens, & ex conscientia meditata perfidia sibi timens, ad Regem venire renuit, leui excusatione usus, quod tunc sibi Regis conueniendi tempus minùs idoneum videretur. Nata quoque nuper filiola Regis, cui maturato Baptismo Catharinæ nomen inditum fuit, non diu superuixit: cuius corpus in Poloniam vectum Regum Basilicæ Cracouiensis tumulo illatum fuit. Absente Carolo, Rex de summâ rei Sueticæ, cui ea sub discessum & absentiam suam committenda esset, deliberabat: per leges Sueticas testamentumque Gustauianum ad proximum ex agnatis id munus spectare dicebatur. Sed Carolus meritò suspectæ fidei erat, quippe iam diu & fratribus non satis æquus; qui ad primum, nempe Ericum Regno exuendum validissimis consilijs antea accurrerat; ad alterum, scilicet Ioannem, tamquam ob nimiam lenitatem demouendum non obscuris molitionibus contenderat, & hunc ipsum Sigismundum nouis & iniquis conditionibus ab hæreditate & possessione Regni amouere laborauerat, ac mox ambitioso perfidoque voto frustratus, Regem inter primas crudasque adhuc Regni curas malignè deseruerat. Præter Carolum ex familiâ Regiâ Ioannes tantum supererat, Sigismundi Regis frater, & Anna soror, hæc sexu & fæmineis titulis, ille puerilibus annis tantæ moli impar. Ne tamen infestum penitus Carolum absenti sibi, sed obligatum potius deuinctumque redderet Sigismundus, ei gubernandi Regni maximam potestatem assignauit, consiliorum tamen socium, adiutoremque Senatui adiungens, quod leges Regni etiam præsentī Regi iniungunt. Sed hoc ab eo qui Regnum mox inuasurus, & non Sigismundum tantum, verum etiam Ioannem, regnandi iure priori ac potiori ex legibus testamenti Gustauiani & consensus publici auctoritate instructum depulsurus erat, pro iniuriâ acceptum est: scilicet quod non solus absque Senatu rerum potiri iussus esset. Eam ob rem postea cauillando relictam sibi potestatem, uti neque honori suo, neque Regni rationibus consentaneam, interdum tamquam abijciens, populum se rogare coëgit, ut resumeret, sed exclusis Senatoribus, non modò à consilijs, sed paulò post à patriâ, dignitatibus, bonis, alijs etiam vitâ, postquam sibi vires terrore & fæuitiâ circumdedit. Secundum Regni administrationem Carolo commissam, primum Erico Brahe Comiti in Visnigsborg Gubernationem Arcis Stoccholmenfis commisit Sigismundus, acceptis super eâ prius literis à Senatu, quia aliàs nullum præcipuum munus Catholicis committere integrum erat. Deinde fratri Erici Gustavo Brahe priores partes gubernationis datæ sunt, ut ex literis & sigillo ipsius, quæ in Cancellariâ seruantur, manifestè constat. Ita rebus Sueticis constitutis, cum Polo-



Polonicae res celerem Regis reditum postularent, pro die xxv. Iulij omnibus rebus in naues comportatis & compositis, paululum è portu & statione Stoccholmensi classẽ promouit Rex & lentâ nauigatione, an-  
 25. Iulij.  
 1594.  
 Rex è Sueciâ  
 mouet.  
 tequàm Elsnabum perueniretur, aliquot dies insumpti. Feruebat tum mare, insolitis sub tempus æstiuum fluctibus iactatum, vt ne in portu quidem ipso, satis tuta classi statio esset, nauesque sæpius colliderentur: iam frequentia fulmina, bis tacta de cælo nauis, quâ Nuncius Apostolicus vehebatur, prodigij loco habebatur: erant qui id magicis præstigijs imputarent, nam id genus maleficij isthic frequens esse dicebatur. Hinc omnes ad preces versi, votaquẽ facta Diuinum Numen placauerunt, & secundo adspirante vento die xiv. Augusti sub occasum solis classis expansis velis è portu educta, & patienti commissa mari felici nauigatione intra quadraginta horas, in portu Gedanensi constitit. Exscensione in littus patrium factâ, læti & alacres nostri, vel pericula quibus perfuncti erant, vel ipsiusmet maritimæ nauigationis, cui minimè assueti erant, victa rædia & molestias inter se referebant, gratulabanturquẽ.





# DE MOTV CIVILI IN POLONIA

*Qui Anno 1606. cæptus ad Annum 1608. perdurauit.*

## LIBER PRIMVS.

*Virum Eccle-  
siasticum non  
deceat historias  
scribere exem-  
plo Sydonij  
Apollinaris.*



*cur tamen  
auctor secus  
faciat.*

*Hor. Od. 1.  
lib. 2.*

*Ibidem.*

*Rem quidem  
incipitem  
aggreditur.*

*ceterum mul-  
tis futuram  
gratam &  
publicè olim  
vilem.*

YDONIVS Apollinaris insignis sui temporis Rhetor & Poëta Auiti Imperatoris Occidentalis (sub quo Romani Imperij, Vrbe ipsâ orbis dominâ à Genferico Vandalò anno Christi quadringentesimo quinquagesimo quinto captâ, splendor omnis & maiestas concidit) gener, & postmodum Episcopus Aruerniensis, non pietatis modò, sed doctrinæ etiam gloriâ clarus, rogatus à Leone Euarici Gottorum Regis (qui Tolosæ in Galliâ sedem regni fixerat) Cancellario, viro item docto, vt temporum suorum historiam scriberet, respondisse fertur; id sibi sacerdotij munere fungenti minimè conuenire. Videbat enim vir magni iudicij, si res paulò antè gestas viuentibus ijs, quorum mentio facienda erat, describendas suscepisset, multorum vel inuidiam, vel odium se incursum, eodemque ordinem sacrum, cui adscriptus erat, oneraturum: nempe aliena vitia exprobrare existimantur ij, qui vera narrant, & in scribendâ historiâ ab hoc tramite discedere nolunt. Liceret & mihi domesticum motum qui proximis his annis accidit, & quo Patria nostrâ internis agitata seditionibus ad exitium penè deducta est, explicare & literis consignare volenti, hâc eadem excusatione vti, si non ijs parere cogerer, quibus iubentibus refragari, aut quidquam negare non possum. Video equidem fore multos qui hoc ipsum institutum meum, redigendi in Commentarios ea quæ proximè apud nos acciderunt, iustâ reprehensione dignum existiment: quòd motum civilem nondum expiatis cruoribus describere aggrediar. Et sanè vel ipse facilè perspicio me satis periculosum munus suscipere, & incessurum per ignes suppositos cineri dolo: nam in tam recenti hominum memoria, & nondum compositis odiis, quibus in mutuam perniciem Proceres nostri exarserunt: ijsque quibus vel laus constantis erga patriam studij, & optimæ voluntatis tribuenda, vel seditionis nota inurenda est, adhuc superstitis, plena res inuidiæ, aut illorum virtutes, aut horum vitia citra adulationis, aut malevolentiae suspensionem commemorare. Sed mihi hoc animo reuoluenti, succurrebat interdum fore nonnullos quibus non ingratus futurus sit qualiscumque labor noster; Patriæ amore,



amore, & eâ animi intentione susceptus, ne res in oculis nostris gestæ temporum iniuriâ intercitant, & ne ceteris, qui nobis fato functis recto iudicio nostra æstimaturi sunt, defuit notitia temporum, quibus nos viximus: quam nos simplici narratione tradere, quantum in nobis erit, conabimur. Non deerunt, ut spero, vel hac ipsâ ætate nostrâ aliorum præclari conatus, qui maiore ingenij acumine, rebus æternâ memoriâ dignis commemorandis, industriam suam Patriæ & posteritati comprobent: quorum ego laudi fauere me profiteor, modò ne ij nostrum quoque studium aspernari velint.

*Hec præfatus  
orditur nar-  
rationem belli  
civilis 1604.*

Agebatur annus à Christo nato supra millesimum sexcentessimus quartus, Imperij Sigismundi eius nominis Tertij Regis Poloniæ & Sueciæ, decimus septimus, res in Poloniâ domi satis erant pacatæ, nec ab exteris hostibus maius aliquod periculum imminere videbatur, cum biennio antè, compressa esset virtute Ioannis Zamoscij Supremi Regni Cancellarij, ac exercituum generalis Præfecti, viri ad salutem Patriæ tutandam nati, audacia Caroli Sudermani: qui Patruus Sigismundi Regis, non contentus quòd paternum eius Sueciæ regnum, fraude interuertisset, Liunioniam insuper Reipublicæ Polonæ patrimonium inuaserat: excubias in eadē Liunioniâ contra furtiuos Caroli conatus agente, Ioanne Carolo Chodkieuicio, viro militiæ gnaro, & ob multas res bellicas præclare gestas, exteris etiam Principibus non ignoto. Moschouia grande rerum Aquilonarium momentum, nouis, iisque domesticis agitari incipiebat tempestatibus, fatales mox eius imperij occasus parituri. Valachia & Moldauia, quibus Sarmatia nostra, à Turcarum imperio tamquam quibusdam parietibus secernitur, ex mente & nutu Ioannis Zamoscij, permittentibus Turcis, regebantur. In Hungariâ, cuius potior pars armis Turcicis premebatur, ij qui Rudolpho Imperatori parebant, Duce Stephano Bockaio, nouas res moliri videbantur. Turcarum Imperator, cui veteri instituto mos est pacem vicinorum, & fœdera suis commodis metiri, alijs interim bellis occupatus erat. Tartaris, ne furtiuis excursionibus fines Regni carperent, vel ipsum Ioannis Zamoscij nomen terrori fuit. Hoc rerum statu atque eodem anno, Sigismundus Tertius Poloniæ & Sueciæ Rex, posteaquàm ab obitu Annæ Austriacæ, Caroli Archiducis & Mariæ Bauariæ filia, viduus, septennio cælibem vitam duxisset; animum ad ducendam alteram vxorem, nouumque ineundum matrimonium appulit. Res ea more institutoque maiorum nostrorum, nonnisi consulto & consentiente Senatu, vel suscipi, vel tractari potuit: non solum quòd de eo antiquissimis legibus cautum esset, verum etiam usu & consuetudine à multis sæculis firmatum, ut Regia conubia, cum à Regis arbitrio, tum ab ordinum Regni consensu dependeant. Neque sanè tum in Poloniâ ullus erat, qui nouo matrimonio orbitati domus Regiæ, quæ vnico tantum filio superstite Vladislao decem annos nato nitebatur, subueniendum non censeret: sed quænam illa esset,

*Et imprimis  
quis in Polo-  
niâ & in vi-  
cinis aliorum  
ditionibus re-  
rum status.*

*Quis in Li-  
unioniâ.*

*Quis in Mos-  
chouia.*

*Quis in Va-  
lachia &  
Moldauia.*

*Quis in Hun-  
gariâ.*

*Quis in Tur-  
ciâ.*

*Quæ pax cum  
Tartaris.*

*Sigismundi  
Regis mens de  
ineundo ma-  
trimonio.*

*Quid seruari  
solum in  
contrahendo  
Regum Polo-  
niæ matrimo-  
nio.*



*Quæ ducenda  
Regi coniux,  
ambigitur.*

*Sigismundus  
Constantiam  
Archiducis-  
sam Austriæ  
prioris vxoris  
sororem duce-  
re in vxorem  
cogitat.*

*De quo mul-  
tò antè cum  
Mariâ Ar-  
chiducissâ  
matre egerat.*

*Rex per nū-  
tios, Senatorū  
de nouo ma-  
trimonio suo  
sensum priua-  
tim exquirat.  
Clemēs VIII.  
Pontifex  
Maximus  
matrimonium  
Regi cum  
Constantiâ  
suadet.*

esset, quæ vt in consortium regni asciscenda, & Regi placeret, & deside-  
rijs Ordinum Regni responderet, ambigebatur: maximè posteaquàm  
is rumor eaque fama percrebuisset, Sigismundum Regem ad Constan-  
tiam prioris vxoris sororem germanam animum adiecisse. Venerat in  
Poloniam quinque abhinc annis, ad cohonestandas Annæ filix suæ &  
Regis prioris vxoris (cuius funus altero à morte anno solemnè pompâ  
Cracouiæ curabatur) exequias, Maria Caroli, vt dictum est, Archidu-  
cis Austriæ vidua, prudens, & non solum præsentium occasionum, ve-  
rùm etiam futurorum euentuum, sagax Princeps: hæc cum propè vnū  
mensem Niepolomicijs filiali obsequio à Sigismundo Rege coleretur, &  
de eius, ac multò magis Vladislai nepotis sui statu sollicita esset, iteran-  
di matrimonij mentione factâ, facilè Sigismundo, in cuius pectore erga  
defunctam vxorem amor, & heroicarum virtutum eius recordatio, al-  
tiores radices fixerat, persuasit; vt suam alteram filiam Constantiam, eo  
tempore nondum nubilem se vxorem ducturum, secretâ pollicitatione  
sponderet. Et hæc quidem pacta ad finem anni Millesimi quingente-  
simi nonagesimi noni, quo item tempore funus defunctæ Reginæ Cra-  
couiæ curatum fuit, constituta fuisse, ipsi inprimis Archiducissæ comi-  
tes, qui complures non obscuri nominis in aulâ eius erant, vulgauerunt,  
& Nicolaus Zebrzydowski supremus eo tempore Regni Marescallus,  
pro munere officij sui quid Rex cum Archiducissâ socru suâ priuatis ser-  
monibus tractaret, ex ipsismet Germanis cognouerat. Quasi tamèn ni-  
hil Niepolomicijs actum esset, ita inde Archiducissa mater, deducente  
eam Rege Sigismundo genero ad fines vsque Silesiæ, discesserat, vt diu  
hæsitarent ij, qui Regem hæc suspitione onerare voluerant, vtrum hanc  
rem alicui ex Senatu communicarit: falsoque deinceps vulgatum fuerit,  
quasi Ioannes Tarnouius Episcopus Posnaniensis, & postea Archiepiscopus  
Gnesnensis huius consilij vel particeps esset, vel auctor: neque  
quidquam deinceps de hoc matrimonio publicè actum, donec Con-  
stantia, quæ eo tempore decimum annum attingebat, adolesceret, apta-  
que matrimonio esset. Anno denique Millesimo sexcentesimo quarto  
cum Rex secretioribus Internuntijs, Senatores primarios certiores fecis-  
set, de suâ ad ineundum nouum matrimonium propensione; adiecisset-  
que Clementem Octauum Pontificem Maximum genti Polonæ addi-  
ctissimum, à se minimè eo nomine appellatum, epistolâ manu suâ scri-  
ptâ sibi suadere, ne de vllâ aliâ coniuge, nisi Constantiâ, vxoris prioris  
sorore cogitaret: se eum nexu Legum sacrarum, quibus tale coniugium  
vetatur, Apostolicâ potestate soluturum. Sed ne quis suspicari posset,  
quò animus regius propenderet, addidit Rex, se hæc de re nihil consti-  
tuere velle, nisi ex Senatus sententiâ, & præter Constantiam Caroli Ar-  
chiducis filiam, Annâ quoque Austriacam Ferdinandi Archiducis Ti-  
rolensis filiam, si consensus Imperatoris Rudolphi, supremi eius tutoris  
accesserit, non grauatè ducturum: seque in hoc matrimonio nihil aliud,  
nisi



nisi salutem Reipublicæ, & prolis regię incrementum spectare ostendit. Hęc tum Rex ad Senatores: neque tamen latere diu potuit, quò animus eius propenderet; cū ijs, quibus maximè fidebat, non obscuram daret significationem, sibi Constantiam cæteris reliquis magis cordi esse. Inter alios qui Regię voluntati obsistere conabantur, fuit Ioannes Tarnouius Archiepiscopus Gnesnensis, vir magni nominis, & eo tempore senatus Princeps: fuit is antea Regni Vicecancellarius, mox Episcopus Posnaniensis, deinceps verò Vladislauiensis, & proximè præterito anno Stanislao Carnouio Archiepiscopo Gnesnensi, viro, si sanctitatē vitæ, si eruditionis præstantiam, si animi magnitudinē spectes, priscis illis Apostolicis Patribus, qui Ecclesiam suis humeris sustentarunt, pari, successor à Rege datus; quem Rex omnino crediderat suis destinatis nō aduersaturum. Et certè ea fama percrebuerat, Tarnouium recenti Regis beneficio auctū, si modò Rex id posceret, non solum ipsius desiderio se accommodaturum; verum etiam ad deducendam sponsam profecturum: sed nos vidimus litteras ad Regem manu Tarnouij scriptas, quarum hæc erat summa; vt cū plurimis verbis Regi hoc cum prioris vxoris sorore matrimonium dissuadere conatus esset ad extremum adijceret, Regē, si in hoc matrimoniali consilio, suo arbitrio vti vellet, vel sibi ipsi discrimen, vel regno Polonia exitium allaturum. Et Tarnouius quidem intra paucos adepti Archiepiscopatus menses, supremo grauatus morbo, magno omnium dolore, quinquagesimo quarto ætatis suę anno, ex hac vitâ Louicij Mense Octobri decessit: virum magnum se in omnibus Reipublicæ functionibus præstitit: iudicio & beneficio Stephani Regis, Referendariatum Regni inuenis admodum adeptus erat: eoque per vndecem annos summā cum laude gesto, in petitione Vicecancellariatus Petro Tilicio tū Regni magno Secretario, gratiā Regis Sigismundi prælatus; in hoc quoque Magistratu, quem septennio gessit, quantum ingenio & virtute animiq; magnitudine præstaret, vniuersæ Polonia testatum fecit. Vt primū cunctis innotuit, Regem omnes suos conatus eò flectere, vt prioris suę consortis sororis matrimonio potiretur; variè ea res affecit animos hominum, vulgò reputantibus, quasi improspere eæ futuræ essent nuptiæ: nec in Summi Pontificis potestate esse, vt in tam arcto affinitatis gradu laxaret Diuini interdicti mandatum. Et quanquā Clemens Octauus Pontifex Maximus, eo nomine minimè à Rege appellatus, vltro id Regi suaderet, minimè tamen dubium erat ab Archiduce socru Regiā, eum hoc nomine sollicitatum fuisse. Sed inter omnes qui ne eiusmodi matrimonium iniretur, contenderunt, præcipuus fuit Ioannes Zamoscus Regni Magnus Cancellarius, & Supremus Exercituum Præfectus, cuius ea tempestate ob eximiam prudentiā, multo vsu rerum quæsiti, & eruditionis laudem, & ob præclara in Patriam, & ipsummet Sigismundum merita, ea fuit auctoritas, tantumque populi vniuersi erga eum studium, vt omnes eius sententiæ assensuri viderentur,

*Quis fuerit  
Tarnouius.*

*Quantus vir  
Carnouius.*

*Tarnouius  
Archiepiscopus  
Gnesnensis  
dissuadet  
Regi cum  
Constantiā  
matrimonium;*

*Qui paulo  
post moritur.*

*Quis populi  
de Regis ma-  
trimonio sen-  
sus.*

*Dissuadet hoc  
idem mat-  
rimonium Regi  
Zamoscus.*

*eius in Polo-  
niā auctori-  
tas.*



*& merita.**eius ad Sum-  
mum Pontifi-  
cem epistola.**Comitia in-  
dicta pro 20.  
Ianuar. 1605.**Ioan Tarno-  
uius Archie-  
piscopus Gnes-  
nensis mori-  
tur.**Huius matri-  
monij inuidia  
in Sigismun-  
dum Mysco-  
uium Regni  
Marescallū,  
quasi eius  
auctorem in-  
cumbit.**Comitiorum  
succesus.**Comitiorum  
irritus euentus.*

derentur. Illius certè curâ & sollicitudine eo interregno, quod mortem Stephani Regis subsequutum est, res Polona stetit; effectumque ne Regē, nisi liberis suffragijs à nobis lectum haberemus: victo acie & capto ad Bycynam Maximiliano Archiduce Austriae, qui paucorum factione, & Cæsareis opibus, per vim ad Regnum adipiscendum aspirauerat. Itaque ille non clam ut alij, sed aperte Regi professus est, se eiusmodi nuptias probare non posse; ad ipsumque Summum Pontificem Clementem Octauum militari & acriori stylo, scriptas dedit publicè literas; quibus eum vehementiùs obsecrabat, ne eiusmodi matrimonium à Regiâ dignitate, & pietate alienum, & Regno Poloniae discrimen summum allaturum, Apostolicâ auctoritate ratum haberet. Indicta erant à Rege, ad diem vigesimam Ianuarij Anni Millefimi sexcentefimi quinti Varlauiæ celebranda Comitia, quæ priusquam inchoarentur, cum pro more institutoque Patriæ, conuentus Palatinatum Prouinciales, in quibus Rex per Nuncios suos, quid in futuris Comitij tractandum sit, proponere nobilitati solet, agerentur: nobilitas cæteris omnibus omissis, eò potissimum incubuit, idque ut in Comitij Nuncij à se ablegandi, vrgerent, postulauit: ne Rex nouis, si altera prioris coniugis soror ducenda esset, nuptijs se inuolueret, Remque publicam in discrimen adduceret. Ac ut nouarum difficultatum obiectu Regem à proposito dimouerent, manderunt Nuncijs suis, postularent à Rege, ut conditiones quibus ei regnum delatum, adimpleret. Haud dubio tales consiliorum fontes, ex mente Cancellarij ortum & principium habuerunt, & ille nequaquam eius inuidiæ immunis esse volebat, palamque testabatur, salutem publicam gratiâ Regiâ sibi potiore esse. Cumque Tarnouius Archiepiscopus Gnesnensis, quem plerique Regijs destinatis fauere crediderant, quarto ante Comitia mense extinctus esset; omnis nouarum nuptiarum inuidia, in Sigismundum Myscouium Supremū Regni Marescallum, nuper titulis Marchionalibus, beneficio externorum Principum auctum, incubuit: in eumque potissimum cum Cancellarij ipsius, tum eorum qui eius partes sectabantur, hoc est totius ferè nobilitatis, odium ferebatur: & si Comitij interfuisset, non procul ab acriori contentione res futura videbatur: sed ille interim morbo pressus, quidquid id futurum erat periculi, feliciter euasit. Comitiorum quidem is fuit succesus, quem perturbato Reipublicæ statu fieri necesse est; certabatur non tantum sententijs, sed & mutuis conuitijs; parumque aberat, quin ad maiorem acrioremque sententiam, inter utrimque armatos res deueniret: nisi Zamoscus, popularium studiorum prudens moderator, ad pacatiora consilia animos hominum flexisset, continuissetque. Itaque cum nec Rex quidquam eorum quæ ab eo postulabantur, equestri ordini indulgere vellet, & Nuncij terrarum id quod illis demandatum erat, acrius vrgerent: ad extremū re infectâ soluta sunt Comitia, in quibus Petro Tylicio Episcopo Vladislauensi, figillum Regni minus deponente, munus Vice-cancellarij Zamoscio



moscio modicè repugnante , ad Matthiam de Buzenin Pstroconium, Matthias Pstroconius Regni Vice-cancellarius renunciatus.  
Episcopum Præmissiensem , virum pium & eruditum , Regio favore  
delatum est. Zamoscius quidem, vt erat illius mos, statim finitis Comi-  
tijs Varſauiâ discessit; quem iussu Pstroconij Matthias Lubienius frater  
meus consecutus, benigneque ab eo exceptus, non solum hoc ab illo ob-  
tinuit, vt diploma Regium, quo Pstroconio munus Vice-Cancellarij de-  
mandabatur, sigillo Regni maiori signaret; verum etiam per eundem ea  
mandata ad Pstroconium daret , quibus se non inimico erga illum esse  
animo ostendebat : petebat autem, vt Pstroconius consilia, quibus salus  
Reipublicæ continetur, secum communicaret; sibi certè in animo esse, vt  
quoad viueret, Regis Sigismundi imperium conseruaturus esset : suade-  
ret vicissim Pstroconius Regi, vt ille desiderijs equestris ordinis pactisque  
conuentis satisfaceret ; vel ab eo nexu, quo Reipublicæ obstrictus est, se  
liberari, & exsolui in publico conuentu peteret. Cæterum Rex, vt dixi-  
mus, solutis Comitijs, maiori parte Senatus retentâ, secretum consilium In secreto consilio de Regis matrimonio tractatur.  
habuit, atque in eo cum alia, tum potissimum matrimonij sui negotium  
Senatorum sententijs pertractandum proposuit : in eam ferè sententiam  
Vice-Cancellario Regni Matthia Pstroconio, nomine Regis, verba facien-  
te: Intellexisse Sacrà Regiâ Maiestatem, Dominum nostrum Clementissimum,  
ex literis Dominorum Senatorum, ante Comitia hæc scriptis, eam ferè esse  
omnium sententiam , vt cum tot annos à morte prioris consortis suæ vi-  
duus viueret , ad iterandum matrimonium animum adiiceret : proinde  
Regiam Maiestatem semper à consilijs Senatus sui dependere solitam,  
pro more institutoque Patriæ, huc flexisse mentem suam, vt ex inclytâ &  
Augustâ Austriacâ familiâ ducendam vxorem destinaret : egisse iam  
Regem & per literas , & per Internuncios priuatos cum Cæsarcâ Maie-  
state, vti domus Austriacæ supremo tutore, postulassèque ab eo vt Sere-  
nissimam Principem Annam Ferdinandi Archiducis Austriæ filiam, Co-  
mitatus Tirolensis hæredem , vxorem se ducere permetteret ; sed Cæsā-  
rem eas ferre condiciones, quæ & Regni, & Regis dignitati minimè sunt  
consentaneæ ; eundem tamen Cæsarem suadere , vt Regia Maiestas,  
Constantiam Archiducis Caroli filiam , prioris vxoris suæ sororem ger-  
manam , dari sibi deposceret : facilè suo , totiusque familiæ Austriacæ  
consensu , eam habiturum. Idem Regiæ Maiestati à Clemente Octauo  
Pontifice Maximo , Regem Sacrarum legum ( quæ tale matrimonium  
vetant) nexu Apostolicâ auctoritate soluente, impensè suaderi : dicerent  
itaque Senatores sententijs suas, & quid facto opus esset, explicarent. Ne-  
mo tum erat in Senatu , qui apertè Constantiam ducendam suaderet:  
omnes solenni legatione Cæsarem compellandum esse , vt æquis condi-  
tionibus Annam Ferdinandi filiam Regij thalami & Regni consortem  
iungendam concederet. Pupugit non mediocriter Senatorum consen-  
sus Regem , iam dudum consilij sui certum , & fide datâ socru obstri-  
ctum : quamobrem accersito ad se Cardinali Maciejouio Episcopo  
Craco-



*Maciejowski  
Cardinalis  
sententiam de  
eodem reperit.*

Cracouiensi, & designato Archiepiscopo Gnesnensi, modicè de eo conquestus, quòd in suà sententià Constantiæ mentionem non fecisset; id ab eo obtinuit, vt veluti repetitā sententiā, publicè protulerit, non absolum fore, si fortè Cæsar obstinatiùs negaret Annam Ferdinandi filiam, Rex, cōsulto priùs pèr literas Senatu, eā cōditione, quæ illi à Cæsare offerebatur, quamque Summus Pontifex acceptandam suaderet, vteretur. Iam non ampliùs cæteri Senatores, qui huic suasioni contradicaturi videbantur, rogati erant, vt sententias dicerent, sed Rex soluto Senatorum conuentu ad sua se recepit, & celeriter Cracouiam versus profectionem instituit, vt inde & ad Cæsarem nouam legationem mitteret, & ea quæ ad apparatus futurarum nuptiarum pertinebant, paranda curaret.

*Mira mutatio  
imperij  
Moschouitici.*

Libet hîc paucis à proposito digredi, & miram Moschouitici Imperij conuersionem commemorare, quæ obscuris & paruis initijs orta talem postremò exitum sortita est, vt vniuersum penè orbem dederit in stuporē. Ioannes Basilij Magnus Moschouix Princeps, quem Rex Stephanus prospero belli successu possessione Liuoniæ deiecerat, duos reliquit filios, Theodorum qui Patri in imperio successit, & Demetrium impubere: sed Theodorus mitis ingenij, & parum ad regendum tantum Imperium aptus, Borissio Hoduno obscuræ fortis homini, cuius sororem (cùm à Principibus Moschouix non ex dignitatis, sed ex formæ commendatione vxores, quoties libuerit, assumantur) in matrimonio habebat, præbuit occasionem affectandi imperij. Ad quam rem obtinendam cùm viuentē Demetrio, cui proxima à fratre successio debebatur, præclusum sibi aditum videret, primùm curante sorore (quæ maritum vxoris imperio sibi obnoxium fecerat) supremum Magistratum, quem

*Borissius Hodunus  
Demetrio vero hæredi  
imperij Moschouitici  
necem infert.*

*quibus artibus  
summam  
rei adeptus.*

Stabuli Præfectum Moschi appellant, beneficio Principis adipiscitur; deinde summā rei in suam potestatem redactā, necem Demetrio molitur, puerumque, qui in contubernio coætaneorum suorum Volecij educabatur, per conficios sui sceleris ministros, clām occisum, sibi ipsi manus intulisse ementitur: postremò omnibus, qui ad spem successionis vocabantur, oppressis, vel vltro metu concedentibus, mortuo Theodoro, Imperio, cuius dudum administrationem sibi vsurpauerat, potitur. Fruebatur satis pacatè compluribus annis, per summum scelus parto Regno Borissius, & non modò cum alijs vicinis Principibus, verùm etiam cum Polonis, quibus cum Moschis perpetuum semper fuit dissidium, pace stabilitā, rebus suis in futurum etiam satis prospexisse putabatur, cùm vindex scelerum Deus, non vltà impij facinoris prædā nefarium alieni inuasorem imperij potiri volens, pœnas dudum debitas ab eo exegit. Gregorius Ottrepouicius (si Moschis credimus) obscuræ originis, primū Græci ritus monachus, dein religionis ac fidei desertor, ætate & formā Demetrio, quem ab Hoduno occisum diximus, haud absimilis, è Moschouia pœnarum metu profugus, & aliquanto tempore religionis specie per Monasteria Volyniæ & Kijouiæ, quæ Regni Poloniæ prouinciæ sunt,

*Falsus Demetrius  
primò in Volyniā,  
post in Poloniā  
se ostendit.*



sunt, vagatus, postremò diu meditati doli artem promit: se Demetrii Ioannis Moschouiae Principis esse filium, e cæde, quam sibi Hodunus machinatus erat, callido quodam pædagogi consilio ereptum. Homini- bus non multum rerum Moschouiticarum peritis, non absimilia vero dicere videbatur: & erat facies liberalis, rerum & antiquitatis notitia maior, quàm homini barbaro conueniret; sermo promptus & expeditus, ac ad conciliandam fidem accommodata oratio. Sed inprimis Dux Vif- niauecius, in cuius hæreditariâ ditione hanc fabulam proximè priori an- no exorsus est, vocatum ad se, & diligentius, quis esset, interrogatum; cum non ambigua referre existimaret, honestiori cultu exornat, ac bono animo esse iubet; dein re cum Palatino Sendomiriensi Georgio Mniszek socero suo communicatâ, vterque de communi consilio Regem certio- rem faciunt, verum Moschouiae hæredem repertum esse. Acciri qui- cumque ille esset in aulam placuit. Ille fortunæ quàm petebat parem animum ferens, vultu non degeneri, sermone promptus, vbi alloquen- di Regis facta potestâs, nefaria Hoduni machinatione cædi se quondam destinatum, diuinitus impias manus euasisse ait; dein profugum diu hinc inde latitasse; posteaquàm ad maturiorem ætatem peruenisset, haud im- memorem quâ stirpe ortus sit, de repetendo Patrio Principatu cogita- tionem suscepisse, non ambitione, sed ne sceleris præmium penes alieni Regni inuasorem maneat; id tacitis Procerum Moschouiae votis flagi- tari, ex ijs habere se multos, cum suæ salutis, tum præsentis consi- lij conscios: omnes vbi incolumem Principum suorum veram sobolem conspexerint, relicto Tyranno ad se transituros: cœpto tantum & mo- dico aliquo præsidio, vt tutò in Moschouiae finibus cōsistere liceat, opus esse, orare Regem, vt communis Principum sortis memor, opẽ sibi ferre velit. Multa præterea antiquitatis exempla adfert, Regum & Principum, qui ad similem, in quâ ad præsens ille esset, fortunam redacti, non mo- dò Paterna Imperia feliciter recuperarunt, verum etiam rebus præclarè gestis, clari & illustres fuere. Cyrum & Romulum pastorum quondam alumnos, sed Regiâ stirpe genitos magna imperia condidisse. Hæc & alia memorans, omnium in se oculos conuerterat: fauor etiam Regis, & commiseratio sequebatur. Sed ne bello parum necessario implicare- tur, liberaliter donatum, & meliora sperare iussu, sine certo responso dimisit; non refragaturus, si quis priuatis opibus auxilium ferret. Eo ta- cito Regis consensu obtento, Georgius Mniszek quò tanti imperij futu- rum Principem, non beneficio solum, verum etiam necessitudine sibi deuinciret; pacto eum ducendæ in matrimonium filiae suæ Marinae, posteaquàm rerum potitus fuerit, obstringit; deinde suâ, amicorum & clientum suorum operâ, quàm maximam potest manum militarem contrahit; tum non diu moratus, mirantibus cunctis, quòd homo eius ætatis, quâ quondam Parthicum bellum Crassum suscepisse auctores prodidère, opus tantæ molis, non modò sine iusto exercitu, verum etiam

*Is ad Regem  
accerfitur.*

*eius indoles.*

*ad Regem  
oratio.*

*Incerto cum  
responso à  
Rege dimissus.  
Rex dissimu-  
laturus erat,  
si qui priua-  
tim illum  
inuarent.*

*Hinc Geor-  
gius Mniszek  
Palatinus  
Sendomiri-  
ensis ei opem  
fert, & cum  
exercitu in  
Moschouiam  
ducit.*



per se artis militaris rudis, aggredere-  
 dit. In itinere ad famam noui motus complures congregantur, sed ple-  
 rumque leuioris armaturæ milites: scriptæ nomine Demetrii ad Proce-  
 res Moschouia literæ, quibus significabatur, venire eum recuperandi  
 Paterni Imperij, & abolendæ Tyrannidis, atque gentis Moschouiticæ  
 in libertatem asserendæ causâ. Hoc specioso titulo præmissô, fines qui  
 eius successus. Polonorum & Moschorum ditiones diuidunt, cum Palatino Sendomi-  
 rienfi transgressus, non ita, vt rebatur, prompta illius gentis erga se stu-  
 dia reperit; vt tamen primis cœptis aliquam suo nomini famam conci-  
 liaret, aliquot oppida temerè munita interceptit, quædam spontaneâ de-  
 ditione vltro se illius potestati permisere. Intereâ Hodunus insolito tu-  
 multu excitus, etsi non ignorabat transfugam exiguis niti viribus; tamen  
 cum ad fictum vetustæ Principum Moschouia stirpis nomen, vulgi au-  
 res patere intelligeret, se populo inuisum, si bellum instaret, vel si Polo-  
 ni maiore vi incumberent, magno periculo obnoxium fore, non cun-  
 ctandum ratus, celeriter parat exercitum, ei que, dubiâ & incertâ aliorum  
 fide, fratrem suum Ioannem Iuanouicium summâ cum potestate præfi-  
 cit; mittit prætereâ in Poloniam Nuntios, qui Regem & Procures icti  
 fœderis admonerent, ac illius qui ficto Demetrii nomine se pro hærede  
 Moschouia gereret, genus ac originem edocerent. Responsum Nun-  
 tiorum, Regem fœderis memorem, afflictô quamuis & opem imploranti  
 auxilium ferre noluisse; caterum in tantâ Nobilitatis Polonæ libertate,  
 eis responsum prohiberi non potuisse, ne aliqui priuatim illi studerent: si qui tamen  
 à Rege. modum eâ in re excefferint, aut aliquid contra pacta admiserint, datu-  
 ros ex formulâ fœderis pœnas. Demetrius intereâ ad famam venientis  
 contra se exercitus, quamuis tantis impar viribus (nam & illi qui paulô  
 antè sponte se ei aggregauerant, siue instantis periculi metu, siue quod  
 stipendia non soluerentur, quotidie dilabebantur; nec cæteri qui maio-  
 ri necessitudine illi obstricti, & immensâ præmiorum pollicitatione al-  
 lecti fuerant, tantum animi habituri credebantur, vt se resque suas il-  
 lius causâ in exitium offerrent) tamen stupendâ quadam audaciâ, aut  
 cadendum aut vincendum sibi dictitans, nec se vel ab omnibus deser-  
 tum retrocessurum, sed aleam fortunæ experturum asserens; simul du-  
 bios suorum animos partim præsumptâ Diuinæ opis fiduciâ, partim in-  
 gentibus promissis firmat. Iam in conspectu erat hostium exercitus, cu-  
 ius numerum non facillè fuerit inire; ita latè patentes campos comple-  
 uerat, vt vel solo conspectu, terrorem aduersarijs incutere, & in fugam  
 eos agere potuisse videretur. Vix credet posteritas, equites non ampliùs  
 septingentos, pauciores etiam pedites, non modò contra tam numero-  
 sum exercitum collatis signis prælium inire ausos grauiter pugnam exce-  
 pisse, verùm etiam submotis loco barbaris, ingenti que pro numero edi-  
 tâ strage, intra munimenta eos se recipere coëgisse. In eâ pugna, Pala-  
 tini Sendomiriensis insignis animi magnitudo, & in dubijs rebus con-  
 stantia

opponit exer-  
 citum ficto  
 Demetrio  
 Hodunus.

mittit in Po-  
 loniam nun-  
 tios fœdus  
 memoraturos.

eis responsum  
 à Rege.

Paulò am-  
 pliùs quàm  
 mille Poloni  
 cum ingenti  
 Moschorum  
 exercitu pu-  
 gnâ com-  
 mittunt &  
 vincunt.

Georgius  
 Mnisek Pa-  
 latinus Sen-  
 domiriensis  
 strenuè Ducis  
 munia obiit.



stantia apparuit, nam contempto omni periculo, & aciem ita struxit, ne pauci à multis circumueniri possent; & fatigatis integros submittendo, ac turbatos ordines suorum restituendo, omnia boni Ducis munia cumulatè impleuit. Caterùm veritus ne postera die hostes conspectâ nostrorum paucitate acrius instarent, miro astu vsus, literas quasi recens à Carolo Chodkieuicio missas fingit, easque aduocatâ concione in castris recitari iubet: significabatur iis venire Chodkieuicium missum à Rege cum iusto exercitu, & breui adfore; eo nuntio nostri exhilarati, siue in re fictâ latitiam simulantes, sono tubarum & tormentorum explosione, voce denique & gestu, quasi recentibus auxiliis, ingens gaudium testabantur. Vagus is consilio Ducis subditus rumor peruenit ad hostes, quibus vel ipsum Chodkieuicij nomen facilè terrorem incussit, reputantibus, si tam pauci Poloni paulò antè adeò fortiter secum conflixerunt, postquam vniuersi exercitus robur cum Chodkieuicio superuenerit, se occisione deletum iri. Quare celeriter motis retro castris, abiêre: nostri instandum, percussis & recenti terrore vten- dum rati, abeuntium tergis insistant: sed cùm hostes nusquam pugnae copiam facerent, postremò artibus Demetrii seditione in eorum exercitu apud Cromanos. (oppidi id nomen) excitatâ, victus Ioannes Iuanouicius Demetrio traditur: quare maiore parte militum, Hoduno relicto, in partes Demetrii concedente, præter spem & opinionem omnium Demetrius tantis auctus copijs maiora moliri cœpit. Et quoniam Hodunus, quem proditione intercipere ob constans erga eum Procerum studium difficile videbatur, bellum reparabat, iam antè Bosmanum quemdam magnis oneratum promissis submittit, qui eum veneno è medio tolleret; quo demum perpetrato facinore, plerique è Proceribus ad Demetrium transfugiunt; plures, quorum præcipui Dux Mscislauiensis ac Suiscius, Hoduni filio nondum satis adulto, imperium deferunt. Ille tantis curis impar, satis se tutum fore existimans, si ipsam Moschouia Metropolim, vbi opes & summa rerum, tantisper in fide teneret, donec maiores copias, à remotioribus imperij partibus acciret, omnes aditus seperat, ne quâ fama rei apud Cromanos gestæ, & proditionis militaris, ad populum peruenire posset. Sed contrâ euenit, nam Michaël Soltitius à Demetrio missus, cùm urbem accuratè custoditam ingredi non posset, ad vicinum mœnibus templum in suburbio Crasnesiolo dicto, æris campani sono, populum conuocat, prolatis Demetrii literis, ad conciliandū vulgi fauorem accommodatis, quibus initio sumpto à Diuinæ voluntatis arcanâ ordinatione, significabatur, Demetrium Ioannis Principis Moschouia filium, qui ab Hoduno occisus putabatur, viuere, vniuersum exercitum in eius fidem concessisse, nihil restare, nisi vt Hoduni inuisâ stirpe sublatâ, eum vti legitimum dominum yltro recipiant. Plebs rusticana, concitato tumultu, portas ciuitatis effringit, ac in urbem irrumpit; vbi eadem ex causâ populo in seditionem acto, auctorem tu-

*Seditio in exercitu Hoduni arte falsi Demetrii excitata, & Ioannes Iuanouicius dux exercitus ei victus traditus, & maior pars exercitus in potestatem Demetrii concessit.*

*veneno sublato Hoduno, imperium eius filio delatum à plerisque Procerum.*

*Sed frustra, nam mox occisus est.*



*Vxor & filius Hoduni necati; & Demetrius imperio peritus.*

multus in ponte, quo atx vrbi coniungitur, loco paulò editiori statuunt, literas recitare iubent, ac statim reintellectâ Boiaros & Proceres, qui Hoduni partes tuebantur, inuadunt; arcem ipsam circumstunt. Eo metu percussa noui Principis mater, cum filio & filiâ supplici habitu, sacras imagines manibus præferentibus, in conspectum multitudinis prodit: sed nullâ maiestatis reuerentiâ habitâ, Masalscio, qui auunculum reperti Demetrii se ferens, clam eius inceptis fauebat, traduntur. Mater & filius paulò post iussu Demetrii strangulantur, filia victoris libidini reseruata. Hunc finem cum stirpe suâ sortitus Hodunus, non vulgare posteritati documentum reliquit, imperia scelere parta diu permanere non posse.

*Litera Regis ad Imperatorem Rudolphum Annam Ferdinandi Archiducis filiam in matrimonium petentis.*

*Responsum Rudolphi Cæsaris.*

*Legati à Rege missi Szyfcouius Episcopus Luceoriensis & Sigismundus Myskowsky Supremus Regni Marescalcus ad petendam in matrimonium Constantiam Caroli Archiducis filiam, prioris vxoris sororem.*

*Quis sensus de eâ re Senatorum;*

*quis populi;*

Sed nos paulò longiùs à proposito digressi ad nostra reuertamur. Rex solutis, vt dictum est, Varſauiensibus Comitibus, Craconiam profectus, vt eorum desideriis satisfaceret, qui iteratâ legatione Cæsaris animum ad concedendam in matrimonium Regi Ferdinandi Archiducis filiam stimulandum censuerunt, Boianouium militem Maltensem, & Commendatorem Polnaniensem, ad Cæsarem, nullis datis certis mandatis, literas tantum Regias vt redderet, mittit. Et Imperator Rudolphus gnarus, quò Regia consilia vergerent, paucis verbis respondit; id quod petitur, certis de causis fieri non posse: sed si Rex innouandæ cum familiâ suâ affinitatis desiderio teneretur, Constantiam prioris vxoris suæ sororem, matrimonio sibi iungeret. Hoc responso accepto, per celeres tabellarios, Regijs literis consulti nonnulli Senatores, significatumque ijs, frustrâ de ineundo matrimonio alia consilia suscipi, cum sola sit Constantia, quæ Cæsaris consensu haberi possit, quamque post priores Clementis Octauî vitâ functi suaſorias literas, nunc quoque nuper electus Summus Pontifex Paulus Quintus, manu suâ exaratâ epistolâ ducendam suaderet. Tabellarij ad Senatores dimissi, vix cum responsis redierant, cum Rex, quò susceptum negotium properaretur, solennem ad petendam sponsam decernit in Austriam legationem, eiusque obeundæ munus ad Martinum Szyfcouium Episcopum Luceoriensem & Sigismundum Marchionem de Miroro Myscouium Supremum Regni Marescalcum defert. Senatores per literas consulti, nonnulli quidem eiusmodi matrimonium sibi non placere responderunt, plerique amplius de eo deliberandum censuerunt, plures vtrò de eâ re ambigendum non esse, ac eâ conditione, in quam animus Regius propenderet, vtendum, consiliumque duorum Summorum Pontificum sequendum suaſerunt. Cæterum à populo, vario rumore accepta est Regis ad ineundum cum Constantiâ prioris vxoris sorore matrimonium inclinatio; reputantibus plerisque, quàm infeliciter cesserit Sigismundo Augusto Regi, cum duabus Cæsare Ferdinando natis sororibus coniunctio. Disserebant contra alij, longè præsentis temporis disparem esse rationem: Regem non priuatâ cupiditate eò agi, sed non tantum indulgente Summo Pontifice,

ce,



ce, tanquàm Supremo sacri iuris arbitro, verùm etiam impensè suaden-  
te eam conditionem accipere, expertum priori matrimonio sanctam &  
castam domus illius disciplinam. Nam mater illustri Bauaricâ familiâ or-  
ta, fœmina cùm prudentiâ, tùm animi magnitudine præstans, ac priscæ  
sanctitatis, eam in educandis liberis curam adhibuerat, vt filia ad exem-  
plum illius institutæ, à summis in Republicâ Christianâ Principibus  
ambirentur, ac præter Regem Poloniae, Hispaniarum quoque Rex  
Philippus Secundus, filium suum tot amplissimorum regnorum hære-  
dem, ex hac, & non aliâ domo vxorem petere voluerit; quare tam illu-  
stri affinitate, stabiliri Regis imperium, & publicæ securitati magnum  
parari præsidium, ominabantur. Erat sanè ingens hominum expecta-  
tio, quò tali rerum statu Ioannes Zamoscius Regni Cancellarius & *quis Zamos-*  
exercituum Dux, sua consilia flexurus esset; quem certò constabat, *cy;*  
has Regias nuptias non probaturum. Nec dubium erat, eum à ple-  
risque monitum fuisse, vt acrioribus consilijs Regia destinata morare-  
tur; & inter alios Ioannes Ostrogus Castellanus Cracouiensis, pro eo, *Quis Ioannis*  
quo in Republicâ fungebatur loco, se, si ita Zamoscio videretur, *Ostrogij Ca-*  
vniuersam Nobilitatem, ad arcendam ingressu finium regni nouam *stellani Cra-*  
sponsam conuocaturum ostenderat. Verùm Zamoscius, non ignarus fa- *coniensis.*  
cilè multitudinem concitari posse, retineri verò in officio, ne ad dete-  
riora delabatur, valdè arduum & difficile, ne quid tale Castellanus  
Cracouiensis moliretur, seriò illum dehortatus est. Quamobrem mi-  
nimè dubitandum fuisse crediderim, si Zamoscius diutius vixisset, il-  
lum & opibus, & auctoritate suâ, reliquos omnes à turbulentioribus  
consilijs & ausis, cohibiturum fuisse: neque siturum, vt quæ pacatis con-  
siliis componi poterant, armatis conuentibus vrgerentur: & ob eam cau-  
sam civile bellum, magno Reipublicæ damno, susciperetur. Sed Za-  
moscius non tam annis (sexagesimum enim tertium ætatis agebat, &  
firmâ satis valetudine utebatur) quàm curis & laboribus confectus, *Mors Za-*  
in ipso Regiarum nuptiarum apparatu, mense Iulio, concessit fatis. *moscij;*  
Vix vnquàm Polonia parem illi viderat, tot in vnum cumulatis Diuino  
beneficio muneribus, quæ si in plures dispersita fuissent, vnumquemque *eius animi*  
magnum factura videbantur: idem prudens consiliarius, idem bella- *dotes,*  
tôr eximius, idem felix fortunatusque belli Dux, & quod mireris, cùm *& felicitas in*  
toties arma cum diuersis Reipublicæ hostibus contulisset, semper *bellis gerendis;*  
acie & bello victor. Reliquit amplissimarum fortunarum Thomam Za- *eius filius*  
moscium, vnicum heredem impuberem adhuc; cuius tutorio iure re- *Thomas Za-*  
gendi curam, Georgio Zamoscio Episcopo Chelmeni, Nicolao Zeb- *moscius.*  
rzydouio Palatino Cracouiensi & Stanislao Zolkieuio Castellano Leo-  
poliensi, exercitusque campestri Duci supremis tabulis demandauit.  
Infregisse mors Cancellarij eorum potentiam, qui Regijs nuptiis ad-  
uersabantur, videbatur; cùm nemo vnus tantâ auctoritate futurus esse  
crederetur, qui Regis destinatis obistere & tanto Senatorum, qui plures  
ad



Nicolaus  
Zebrzydowius  
Palatinus  
Cracouiensis  
Regium ma-  
trimonium,  
maiori parte  
Senatus ap-  
probante, im-  
probare ausus.

Zamosciana  
in Regem fi-  
dei constatia.

occafio, quâ  
conceptum in  
Regem à Pa-  
latino Craco-  
uiensi odium  
erupit.

ad probanda Regis confilia in dies accedebant, consensui refragari au-  
deret. Et fortasse non temerè ea spes concepta fuisset; nisi Nicolaus  
Zebrzydowius Palatinus Cracouiensis, in cuius manus omnis potentia,  
quæ Zamoscij quondam fuerat, tutorio nomine venerat, non cessandū  
sibi in eo casu existimasset. Is dudum Regiâ gratiâ pollens, primū Lu-  
blinēsis Palatinus, dein supremus Regni Marefcalcus; demum cū eum  
Magistratum fastidiret, Palatinus Cracouiensis renunciatus, ac singu-  
lari Regis in eum beneficentiâ ingentibus opibus auctus, magnam sibi  
in Republicâ auctoritatem comparauerat. Sed animo tumens, & cum  
aliorum fortunis, tum præcipuè Sigismundi Myscouij, supremi Regni  
Marefcalci, multis ad eum Regiâ liberalitate delatis opulentis præfectu-  
ris, & postremò morte Zamoscij, Grodecensi Capitaneatu ei collato,  
crescente potentiâ, anxius, postremò tristi quadam in Regem arrogan-  
tiâ, tædium sui mouerat; neque ampliùs pristinum gratiæ locum apud  
Regem obtinebat; hincque cū Regias nuptias disturbare non posset,  
de concitandâ populari seditione confilia agitare cœpit. Credebatur  
etiam olim, dum Zamoscius uiueret, quotiescūque illi cum Rege ali-  
qua intercedebat dissensio, ea confilia Zamoscio suggessisse, quæ ad  
mutandum Regni statum uiam sternerent; sed Zamoscius semper syn-  
cerâ cum Rege fide egit, neque se in transuersum agi patiebatur:  
etiam si ei id quis suaderet, cuius alijs in rebus consilijs niteretur. Urge-  
bat Palatinum, & ad res nouandas sollicitabat, cū innata parandæ  
potentiæ cupiditas, tū de ijs, à quibus se læsum existimabat, & quorum  
fortunas recenter auctas ægris oculis intuebatur, vindictæ sumendæ  
studium. Neque defuturi videbantur ex vnâ parte potentiæ Zamoscia-  
næ clientes, ex alterâ verò hæretici, qui non nisi turbulento Reipublicæ  
statu cristas attollere, & impietatem stabilire solent: iis adiuuantibus  
sperabat se faciliè affecuturum, ut Rege remoto, vel certè in ordinem  
reducto, extinctis Regiarum partium Senatoribus, solus omni Repu-  
blicâ potiretur; id quâ ratione molitus fuerit, suo loco memorabimus:  
nunc quàm leui de causâ, diu conceptum in Regem odium nouissimè  
effuderit, videamus.

Domus erat in Arce Cracouiensi, Palatio Regio vicina, quam Sigis-  
mundus Primus accipiendis externis hospitibus construxerat; eius usum  
Zamoscius Regis Stephani beneficio, quoad uiueret, concessum sibi ha-  
bebat; qui rarus admodum Cracouiæ, Palatino in eisdem ædibus preca-  
riam mansionem indulserat: igitur mortuo nuper Cancellario Rex eius  
domus usum sibi restitui petebat, illius commoditate ad instruendas  
nuptias, & hospites excipiendos usurus. Eâ re se dignitatemque suam  
violari existimans Palatinus, posteaquàm aliquantisper præter ius &  
æquum tergiuersatus esset, ad extremum cū Regem constanter id ur-  
gere videret, summâ cum indignatione Regiæ voluntati cessit, illis apud  
amicos usus verbis: se quidem nunc domo, sed breui Regem regno ex-  
cessurum.



cessurum. Paulò antè venerat Cracouiam, priuati negotij causâ Ioannes Dux Radiuilius Magni Ducatus Lithuaniae Regi à poculis : hic antea quoque Marefcalco Regni, quòd is Præfecturam Solecensem, quam pater ipsius Palatinus Vilnensis Regum Poloniae beneficio tenebat, eo mortuo à Rege obtinuisset, infensus, aliâ quoque ex causâ acrioribus in eum stimulis incitatus est. Iuuenis is & splendore natalium & amplis opibus, tum & rerum bello Liuonico gestarum gloriâ, pridem iam altiores spiritus, quàm qui priuatum decerent, induerat, præcipuè verò in tuendâ & propugnandâ Calvinianâ sectâ, cui à puero innutritus erat, inter alios tam priuatim quàm publicè eminere volebat. Accidit eo præfente Cracouiæ vt sacerdos Sacrosanctam Eucharistiam ad ægrotum deferens, contumeliosius ex ædibus cuiusdam Hæretici interpellaretur; id proximè adstantes Catholici iniquè ferentes, in ædes Hæretici impetum faciunt, ei verò in subsidium famuli Radiuili, (incertum sponte, an iussu domini) accurrunt: mox crescente tumultu, ij quibus à Marefcalco tuendæ pacis & prohibendorum tumultuum officium demandatum erat, armati superueniunt, seditionis auctores comprehensos ac inter eos nonnullos ex comitatu Radiuili in carcerem abducunt: ille contumeliosum id sibi existimans, & à Marefcalco veluti consultò se eâ iniuriâ affectum grauius ferens (quamquàm interuentu communium amicorum famuli in eo tumultu prehensi continuò dimissi fuerint) indignabundus & ex occasione se eam iniuriam vindicaturum minitans Cracouiâ discessit. Æstate eadem crebris Tartarorû incursionibus infestata impune vicinæ Regni Prouinciæ, hominesque complures in fœdam abducti seruitutē, barbaris consuetâ celeritate eludentibus nostrorum militum, qui præsidium in ijs finibus agitabant, tardos ad subueniendum conatus: & exercitus mortuo Zamoscio absque legitimo imperio habebatur. Barbari præter solitam prædæ auaritiam (nec enim labore aut industriâ victum quærere illis mos) exacerbati Cosacorum frequentibus iniurijs (qui hanc ipsâ æstate Varnam nobile Turcarum Emporium, interfectis incolis expilarant) licentiùs procurfabant; maiora subinde agmina submittentes, quò populatio latiùs extenderetur. Tum iussu Regio Stanislaus Zolkieuius Castellanus Leopoliensis, exercituum campestris ductor, contracto in vnum qui in armis erat milite, barbaros prædâ graues affecutus, iusto prælio victos & omni prædâ exutos ad satietatem cecidit; compressa eâ re hostis audacia, & pax restituta; sed id demum proximâ hyeme gestum. Tunc inter alias curas Regem quoque excepit Hungarica legatio: Stephanus Boczkaius proximè superiori anno Hungarorum Rudolphi Cæsaris & Regis Hungariæ Imperium fastidientium seditione ad spem Regni promotus, vt perfidiæ notam à se & gente Hungarâ amoueret, causas eius secessionis proferebat, iniustum & impotentem Germanorû Dominatum & plus quàm Tyrannicū Imperium, Hungaros diutiùs ferre non potuisse, ingentibus exhaustos tributis, ac continuo attritos bello

Vnde inimicus animus  
Ioanni Radiuilo in Marefcalcum.

Incurfiones  
Tartarorum  
in Rusiam  
1605.

Tartari ductu  
Stanislai  
Zolkieuij  
cesi.

Hungarica  
ad Regem  
Sigismundum  
legatio.

cum



*Caroli Sudermani Sueciae Regni inuasoris in Liuoniam Regni Poloniae Prouinciam incursio.*

*Sueci caesi ductu Caroli Chodkieuicij.*

*Friderici Curlandiae Ducis in eo conflictu virtus.*

*Regiarum nuptiarum apparatus.*

cùm nullum exitum malorum viderent, eò demum descendisse, vt frustra sæpè imploratâ Imperatoris ope spreti & contempti, sibi & Reipublicæ suæ aliter consulerent. Petebant à Rege, vt ipse eos hoc nomine excusatos haberet, auctoritatemque suam interponeret, vt Romanorum Imperator postulatis illorum annuere vellet: responsum datum, quo, redargutâ eâ Hungarorum ad rebellionem inclinatione, significabatur nihilominus, Regem cum Imperatore de reconciliandis illi subditis acturum: ita cum bonâ spe dimissa legatio, dataque ad Imperatorem literæ, quibus quid Hungari postularint, perscriptum. Iam Martinus Syscouius Episcopus Luceoricensis, & Sigismundus Marchio de Miroro Supremus Regni Marefcalcus, splendido & numerofo comitatu in Austriam, ad obeundam demandatam legationem profecti erant, cùm ex Liuoniâ nuntiatur, Carolum Sudermaniæ Principem, infesto exercitu eam Prouinciam ingressum ad obsidendam Rigam accingi. Patruus is Regis, sed impiâ ambitione actus, fidem & iura sanguinis (vti alio loco diximus) pridem iam ruperat; occupato per summum scelus regno Sueciæ, mox Liuoniam Regni Poloniae Prouinciam, latrocinij more infestans, aliquot eius ciuitates interceperat, pronis nonnullorum Liuonum, vt Lutheranae sectæ, quâ tota Liuonia infecta est, in eum studijs: & ille vbi vires Polonorum superuenissent, ad naues confugere solitus, numquàm pugnae copiam faciebat. Sed tunc nostrorum paucitate contemptâ, quòd Carolus Chodkieuicius, Magni Ducatus Lithuaniae exercituum Dux, contractis in vnum copijs, vix tria millia equitum peditumque sub signis haberet, ostentare vires, & prælio nostros laceffere decernit. Nec Chodkieuicius, quamuis longè viribus impar (nam Sueticus exercitus octodecem millibus militum constabat) detrectat aleam pugnae; sed raptim acto exercitu, ducit in hostem: ille miratus tam paucos contra tantam multitudinem venire ausos, & victoriae certus dat pugnae signum; nostris paululum moræ attulerunt obiectæ hostium sarissæ, quibus in morem valli protensis pilorum densis ordinibus sese obsepserant; sed ijs effractis, vbi virtuti patuit locus, & cominus eminusque rei gerendæ data facultas, ruptis hastatorum vi hostilium cataphractorum cateruis, facile cæteros in fugam coniiciunt: ac patentibus campis, palantes hostes agunt, cæduntque: nouem millia hostium interfecta: Carolo ipsi vix ad naues effugium patuit: nam equo cui insidebat deiectus, nisi celeriter à suis in alium sublatus fuisset, vel cæde, vel captiuitate suâ tam insignem victoriam nobilitasset. Paulò ante pugnam venerat in subsidium nostris, Fridericus Curlandiae Dux, cum quadringentis militibus, cuius egregia virtus in hoc prælio enituit, nam & per ancipites Dunæ vortices, audaci simul & felici conatu, cohortes vtroque exercitu stupente traduxit, & strenuis secum adductis militibus, ipse manu fortiter pugnam capeffendo, cæteris illustre exemplum, rei bene gerendæ, præbuit. Feruebat intereà Regiarum nuptiarum apparatus, certantibus Regni Proceribus, quo-



quorum primum in Regem studium, quis eorum in tam solenni actu illustrior appareret. Sed priusquam dies nuptijs dicta adesset, splendida legatio à nouo Moschouiae Duce ad Regem venit, eius Princeps Athanasius Vlasieus pro ingenio gentis prudens & cautus. Extincto, ut supra retulimus, cum stirpe Hoduno, impostor, Demetrii Ioannis filij nomine usurpato, ad capeffendum Moschouiae Principatum nostrorum auxilijs se accinxerat; facile id quod animo destinauerat, assecutus, ac ipsa arce imperij potitus, mox sui dissimilis, & posita modestia & virtutis simulatione, in omnem luxum & solita Tyrannis vitia effusus, cunctorum in se odia concitauerat; nam etsi illi vulgo non ingrata eius comitas, prompti aditus, ignotae Moschis virtutes, vitia tamen superabant: inuisi licet Principis Hoduni stupro polluta domus, (nam filiam ipsius inuitam, & scelus detestantem priuatae libidini seposuerat) multorum è primoribus caedes: sed nihil magis Moschos in eum accendit, quam quod à multis retrò seculis sacro & intacto veterum Moschouiae Principum arario manus admouerit. Hinc Procerum in eum Duce Suiscio conspiratio, quae eod die, quo matri (nam Ioannis olim Moschouiae Principis relictam coniugem dudum ab Hoduno monasterio inclusam, inde ut se tamquam mater filium agnosceret, eduxerat) ad tria millia, per speciem pietatis obuiam iturus erat, erupisset, nipa-tesactis coniuratorum consilijs, à tam longinquâ obuiam itione abstinuisset, maioribusque adscitis praesidijs securitati suae consulisset. Mox captis, quos contra se coniurasse compererat, omnibusque clam interceptis, Suiscium, quò clementiae fama quaereretur, precibus Polonorum indulgit; plebem & militem ingentibus donis, & profusa largitione demulcens, atque in omnes occasiones intentus, cum toties Moschorum insidijs peteretur, suspectam illorum fidem habens, alia sibi praesidia quaerenda, ac vitae & incolumitati suae consulendum decreuit. Missa igitur ad Regem legatione, se maiorum suorum Imperio potitum, & de more inauguratum significat, foedera & iura quae Moschouiae Principibus cum Regibus Poloniae intercederent, conseruaturum, ac amicum Regi futurum: tanto magis quò se ope illius adiutum meminerit: interea cum pactam sibi Marinam Georgij Mnizek Palatini Sendomiriensis filiam, foedere matrimonij coniungere decreuisset, petere ut id Rege annuente fiat. Et legatio quidem non ingrata; sed Caesarei, Imperatorij, ac Regij in literis nominis & tituli usurpatio, absurda satis visa, monitusque Vlasieus, ut deinceps non nisi ex veteri consuetudine, Ducis Moschouiae appellatione Demetrius vteretur. Is cum ineptas, & à barbaro ingenio petitas proferret rationes, postremò Georgij Mnizek interuentu, in aliud tempus eius differentiae componendae dilata tractatio; solenni quoque ritu, Rege praesente, Cardinalis Maciejouius, Marinam, Demetrio Moschorum Principi, legato illius nomine sponfionem ratam fore promittente, despondit; datumque negotium Nicolao Olefnicio Castellano Malogostensi,

*Fictus Demetrius imperio Moschouitico potitus, legatos ad Regem mittit.*

*Demetrii vitia.*

*Vnde contra illum Moschorum primò odium.*

*in illum conspiratio;*

*quâ comperit conscios conspirationis punit,*

*& praesidia vitae sua parat.*

*missa legatione foedera cum Regno Poloniae inita se conseruaturum spondet.*

*Ut Georgij Mnizek Palatini Sendomiriensis filiam in uxorem ducere possit. Rege consensum petit.*

*Usurpatio Caesarei ab eo tituli à Rege reprobata.*



Nicolaus O-  
lesnicens Ca-  
stellanus Ma-  
logostensis &  
Alexander  
Gaszewius  
Regis Sigis-  
mundi Legati  
ad nuptias  
Demetrii in  
Moschouiam  
missi.  
Demetrius  
grandem pe-  
cuniam summa  
Palatino Sen-  
domirienfi ad  
scribendas  
militum co-  
pias misit.  
Regina Con-  
stantia cum  
matre & Ca-  
rolo Archidu-  
ce in Polo-  
niam aduen-  
tus.

stensi, & Alexandro Gaszewio, ut ad cohonestandas Regio nomine futu-  
ras nuptias, stabiliendumq; cum nouo Principe foedus, in Moschouiam  
Legati proficiscerentur. Miserat Demetrius Palatino Sendomirienfi grã-  
dem pecuniæ summam (quingenta florenorum millia fuisse fama obti-  
nuit) monueratq; ut in deducendâ ad se sponsâ, talem tantumque comi-  
tatum sibi adscisceret, qui & honori, & præsidio esse posset; quod ab illo  
factum, ac non contemnendâ militû copiarum scriptæ; multi prætereâ illu-  
stres viri, sponte Palatini causâ, ac complures etiam spem vanam animo  
concupientes, fore ut dices inde reuerterentur, vtrò proficiscentium nu-  
merû augebant. Iam dies Regiarum nuptiarum appetebat, cunctiq; qui  
iussi erant, vel qui sponte tam celebris actus illustrandi causâ sese accin-  
xerant, Cracouiam venerant, splendebatque aula nouo apparatu; aderat  
Senatorum tam sacri, quàm alterius ordinis maior pars, tum è nobilitate  
præcipui, cum seriùs aliquantò, quàm initio destinatum erat, Rex certior  
factus, sponsam cum matre Archiducissâ Austriæ, ac Maximiliano fratre  
in itinere esse, Sebastianum Lubomirscium Castellanum Woynicensem  
ire iubet, ut tam gratos & diu expectatos hospites in finibus regni ex-  
ceptos, honoris causâ deduceret; alijque mittebantur minores Nuntij,  
qui singulis diebus, Regis nomine salutarent aduenientem sponsam,  
quæ Lobzouia, vicino Cracouia Palatio substitit, biduoque ibi mo-  
rata, & à Rege ipso priuatim salutata fuit. Demum die quartâ Decem-  
bris, quæ fuit Dominica sacri eius anni Aduentus, in campo qui Lob-  
zouio adiacet, erectis tabernaculis, Rex pulcherrimo Procerum se-  
ptus agmine, Vladislao Principe filio comitatus, vrbe egressus, prior  
in loco constitit; mox explicatis more militari signis, amplissima cam-  
porum planities, ingenti hominum multitudine referta: hinc equitum  
alæ patrio more, viris equisque insignes, aureis argenteisque phaleris  
& torquibus fulgentes, ac vestium splendore nitentes; illinc pedi-  
tum agmina, vtrique in speciem exercitus instructi, decora sanè  
facies, & quæ Germanorum oculos in se vsque ad stuporem rape-  
ret: dies ipsa, quasi ad augendum gaudium, sole illustris & sere-  
na erat, tubarum clangore, & tympanorum sono omnia comple-  
bantur; postea sponsa Regio curru vecta, ad locum in quo Rex consti-  
terat, venit. Ibi in tentorium deducta, Regis nomine Matthias Pstro-  
conius Episcopus Præmissiensis Regni Procancellarius, luculentâ  
oratione aduentum gratulatus, ac felicia quæque comprecatus  
est: dein mutuis salutationibus peractis, sole iam in occasum decli-  
nante, versus urbem iter susceptum, vbi aliquot in locis arcus trium-  
phales erecti, exquisitis artis musicæ modis personabant, vrbe totâ  
faces collucebant, nec quidquam, quod ad testificandam publicam  
lætitiâ desiderari posset, deerat. Horâ demum noctis secundâ,  
ad arcem ventum, ac in Basilicâ Diui Stanislai, & loci sanctitate  
& Regum Poloniae monumentis Augustâ, postquam vnus è Canonicis  
nomine



nomine totius Collegij sponsam oratoriâ salutatione excepisset, religio-  
 sâ veneratione adoratis Superis, gratiisque Deo actis, ad summa pala-  
 tij itum, & post Regales demum epulas, nox quieti data. Octauâ dein  
 die vndecimâ Decembris, solennia nuptiarum celebrata, eo splendo-  
 re eaque magnificentiâ, quæ tanti Regis nomini responderet. Aderant  
 præter sponsæ matrem, Maximilianus Archidux Austriæ, & soror ipsius  
 Christiana, quæ Sigismundo Bathoreo Transylvaniæ Principi olim  
 destinata, irrito postea nuptiarum euentu, pactis matrimonialibus so-  
 luta, in paternis penatibus degebat. Iam Vladislavus Princeps Regis fi-  
 lius, puer adhuc, sed eâ indole, quæ supra ætatem & communem na-  
 turæ cursum longè emineret: ita vultus ipsâ maiestate & decorâ facie  
 compositus, vt diuinum quid in eo elucere videretur; Anna præterea  
 Sueciæ infans, Regis soror; tum Principum Christianorum Oratores,  
 inter quos Bernardus Maciejovius Sacræ Romanæ Ecclesiæ tituli Sancti  
 Ioannis ante portam Latinam Cardinalis Presbyter, Episcopus Craco-  
 uienfis, ac Regiâ nominatione destinatus Archiepiscopus Gnesnensis,  
 Pauli Quinti Põtificis Maximi à latere Legatus, principem locum tene-  
 bat: cæteri item, prout quisque dignitate emineret, locis & ordinibus  
 distincti, celebritatem actus illius cohonestabant. Regi & sponsæ in  
 medio templi sedes eminentior posita: Rex diademate & veste, quâ in  
 inauguratione vti consuevit, ornatus, præferentibus iis, quorum id de  
 more munus, Regni insignia, confedit. Lectum dein Summi Pontifi-  
 cis rescriptum, quo prioris vxoris sorori, ac præterea quarto cognationis  
 gradu sibi coniunctæ nubedi Apostolicâ auctoritate Regi indulgebat po-  
 testatem: tum Cardinali præeunte in verba, quibus sponsi secundum Ec-  
 clesiæ Romanæ ritum, sibi inuicem obligantur, vterque sacramento  
 adaecti. Postremò Petrus Tylicius Episcopus Cuiaviensis, quod Cardi-  
 nalis nondum pleno iure Archiepiscopatum esset adeptus, ac illâ Sede  
 vacante id munus Episcopo Cuiaviensi incumbat, solennibus cere-  
 monijs præmissis, sponsam Regali diademate insigniuit, Reginamque  
 appellauit: Sacrosancto deinde Missæ sacrificio peracto, Rex & Regina  
 Diuinorum mysteriorum, sacrâ synaxi piè & religiosè susceptâ, partici-  
 pes effecti in palatium redeunt, ibi regale conuiuium cunctis magnifi-  
 cè & liberaliter præbitum, reliquumque diei, honestis & ei lætitiæ con-  
 uenientibus oblectamentis transactum, eo modestiæ temperamento, vt  
 nihil alicui intemperantiæ loci relictum, ac præcipuè sacri temporis ra-  
 tio habita fuerit. Plus vno mense Archiducissa mater cum filiâ & filio  
 Cracouiæ mansere, quominus maturius proficiscerentur festo Sacro-  
 sancti Natalis Christi impediti. Interea varia lætitiæ signa edita, sed  
 præcipuum hastatorum inter se concurrentium spectaculum, non in  
 speciem ea concursatio, sed peritorum militum certamen; nam nisi  
 vterque aut alter eorum, aduersarij clypeo, hastæ mucronem (quod  
 summâ certantium dexteritate perficitur) exceperit, res magno peri-  
 culo,

Nuptiæ Si-  
 gismundi Re-  
 gis cum Con-  
 stantiâ Ar-  
 chiducissâ  
 Austriæ.

Principes qui  
 Regis nuptijs  
 interfuerunt.

Vladislai Po-  
 loniæ Princi-  
 pis singularis  
 indoles.

Principum  
 Christianorū  
 oratores itidē  
 aderant.

Legatus de la-  
 tere Pauli V.  
 Cardinalis  
 Maciejovius.

Regina Con-  
 stantiâ à  
 Petro Tylicio  
 Episcopo Vla-  
 dislaviensi  
 Regali diade-  
 mate insigni-  
 ta.



*Archiducissa  
Regina Con-  
stantia mater  
in Austriam  
redit.*

*Comitia  
Varſavia in-  
dicta 7. Mar-  
tij 1606.*

*Varia illorū  
euentus expe-  
ctatio.*

*Ioannis  
Zebrzydowij  
Palatini Cra-  
couiensis co-  
natus;*

*Qui consilio-  
rum socium  
Matthiam  
Smogolecium  
assumit, eiꝯ  
filiam in ma-  
trimonium  
dat.*

*Palatinus  
per Smogole-  
cium maiore  
Poloniam in  
suas partes  
pertrahere  
studet.*

culo, ac interdum vitæ discrimine non vacaret. Anno proximè ineunte, Rex & Regina matrem in Austriam redeuntem, omnibus pietatis obsequijs, vt par erat, prosequentes, ad Silesiæ vsque fines deduxerunt; ibi à Cardinali Dietreſtein Episcopo Olomocenſi, qui securitatis causâ (quòd tum ea itinera, ob suspectam Hungarorum fidem, non satis tuta putarentur) præſidium iussu Imperatoris parauerat, excepta, sospes domum redijt.

Indicta iam erant à Rege ad diem septimam Martij Varſaviæ Comitia, quæ in variâ hominum, prout quis in Regem affectus, vel nouarum rerum cupidus, expectatione erant: quidam initium id fore turbarum præuidentes, se accingebant; alij contrà, inuidiæ iuxta ac Reipublicæ securitati eo remedio consuli censes, in eam spem veniebāt, vt faciliè omnia conuentura existimarent. Erant nonnulli qui differendum Comitiorum tempus, neque recenti inuidiæ Regem & publicas actiones obijciendas, idque magis è Republicâ fore iudicabant. At Palatinus Cracouiensis, toto eo tempore Landſcoronæ arce Cracouiæ vicinâ hærens, & commouendæ Reipublicæ consilia animo voluens, occasiones ex euentu circumſpiciebat; pòst vbi animaduertit Regias nuptias non omni placere populo, eius auræ inanem ventum aucupatus, statuit Proſouiceni conuentu explorare hominum animos, factururus ibi periculum popularis studij, & si prima ex ſententiâ proueniſſent, maiora ausurus. Summa consilij illius hæc fuit, vt præſentis periculi, quod à Regiâ potentiâ libertatibus Regni imminere aiebat, ostentatione commoto populo, eò rem deduceret, vt non per Nuntios tantum, qui pro more veteri è singulis Palatinatibus deliguntur, Comitia agerentur, sed vniuerſa Regni nobilitas ad locum Varſaviæ vicinum sub finem Comitiorum conueniret; vbi ea postulata, quæ Regni Ordines per Nuntios hætenus vrſiſſent, Rex verò contemnere videretur, simulque illa, quæ ex præſcripto pactæ cum Sueticis Oratoribus, & poſteâ in coronatione per Regem approbatæ cōuentionis, Reipublicæ præſtare teneretur, maiore vi promouerent; vel si in proposito obſtinatus maneret, ſibi & Reipublicæ aliter conſulerent. Consilij eius auctorem Matthiam Smogolecium fuiſſe comperio, qui mediocri, & intra equeſtrem cenſum loco natus, sed ingenio acri, quod iuuenis non vulgari eruditione, per diuerſas ſtudiorum artes excoluerat, animi immodicus, & ad adipiſcendos honores nimiâ feſtinatione properans, partis iam Regiâ liberalitate non contemnendis opibus, ac Præſecturâ Bidgoſtienti auctus, quòd in petitione Referendariatus Regni ſe poſtponi videret, in partes Palatini tranſijt: adeò gratus conſiliarius, vt quòd fideliorum eum ſibi deinceps Palatinus redderet, filiam ſuam illi deſponderit. Igitur huic in maioris Poloniæ conuentu, quòd eâ Prouinciâ ortus, multos ſanguinis neceſſitudine ſibi annexos haberet, eius consilij proponendi negotium dat: & cū non ignoraret Proceres illarum partium, conſtanti in Regem eſſe fide,

nec



nec passuros rem sine causâ ad tumultum deduci, pecuniâ etiam ad conducendos pretio homines factiosos, & in consilij societatem asciscendos instruit; ipse in conuentu Prosovicensi idem factururus. Sed quoniam sapius deinceps pactorum conuentorum facienda nobis erit mentio, paucis hîc inferemus, quid eis contineretur, & vnde ijs origo; nam plerique huius ciuilis motus & dissensionis causas ab eo fonte manasse hactenus opinati sunt; cum fortasse, si rem diligentius & sine affectu expendimus, secessionis eius auctores hoc sanè prætextu vsos, longè tamen diuersum consiliorum suorum scopum dudum iam propositum habuisse facillè constet. Interregno quod Sigismundi Augusti mortem subsecutum est, cum multi Principes Christiani regnum ambirent, Henricus Andegauensium Dux, Regis Galliarum frater, cum propensâ Polonorum in gentem Gallicam voluntate, tum propositis ingentibus in speciem magis, quàm vt reuerà illis stare vellet conditionibus, cæteris prælatus, regnum adeptus erat. Eius exemplo Stephanus Rex, similibus promissis vulgi animos ad se traduxerat; inerant quidem nonnulla, quæ ad conseruandas & stabiliendas Equestris ordinis libertates pertinerent, sed pleraque importunè extorta, & quæ non modò Regiâ dignitate saluâ, verùm etiam nonnulla non nisi omnium accedente consensu, alia ex sui naturâ factu difficilia præstari non possent. Sed earum pro quibus Oratores Suetici in electione cauerant conditionum, hæ præcipuè fuere.

& quibus modis.

Quod initium Regis cum Republica pactorum.

Henricus Gallia Princeps Andegauensium Dux multa Polonis promisit dum in Regem assummeretur. Idem fecit Stephanus. pleraq; ab eo importunè extorta.

Promittebant illi Regem Electum eam Liuoniæ partem, quam Suecia Rex Stephano bellum contra Moschum gerente, interceperat, Regno vniturum. Classẽ ad obtinendum maris imperium, suis impensis paraturum. Quinque arces ad intercludendas Tartarorum in fines Regni clandestinas incursiones, opportunis locis extructurum; & omnibello apparatu prouisurum. Iuribus, si quæ ad Regnum & magnum Ducatum Lithuanix prætere possent, summis item & pensionibus Neapolitanis Reipublicæ cessurum. Custodiam corporis, non externis, sed Polonis commissurum, ac Præfectum satellitij ex eadem gente lecturum. Vt pax & concordia inter eos, qui in Regno de religione dissident conseruetur, non modò Regem curaturum, sed etiam eiusmodi pacis auctorem & propugnatorem futurum; ac in eius turbatores ex formulâ, quæ vtrique parti accommodata scisceretur, ac Regi offerretur, animaduersurum. Iura & prærogatiuas, quæ ad propagandas Equestris ordinis libertates Henricus & Stephanus Reges indulerant, conseruaturum. Quarum conditionum cum prima, de reddendâ Regno Estoniâ, viuente Ioanne Rege Sueciæ præstari non posset, in Comitibus Regiæ coronationis, ita de eo inter Regem & Ordines conuenerat, vt non prius ad id faciendum Rex adigeretur, quàm Ioannes Rex Sueciæ in viuis esse desisset, & Regnum Sueciæ pleno iure ad Regem deuolutum esset. Sed de his rebus deinceps

Quæ Regi Sigismundo cum Republica pacta.

De Estoniâ. De classe. De quinque arcibus in consinijs contra Tartaros extruendis. De iure ad Lituaniam & Neapolitanas pensiones in Regnum Poloniae transferendo.

De Custodiis corporis. De pace inter dissidentes de religione. De libertatibus nobilitatis.

Quando Rex tenebatur Estoniam Regno Poloniae restituere.



*Proposita à  
Rege Ordini-  
bus qua in  
Comitijs ve-  
niebant tra-  
ctanda.  
7. Martij  
1606.*

ex occasione vberius differemus; interea quid ante Comiticia incepta gestum sit, prosequamur. Mos est, ut indictis à Rege Comitij priusquam ad ea peragenda ventum sit, in omnibus Regni Palatinatibus minores conuentus instituantur, in quibus Rex per suos Nuntios, ea quæ in publico omnium regni Ordinum concilio tractanda sunt, equestri Ordini proponit, quò is suis, quos ad Comiticia eius rei causâ missurus est Nuntijs, quid de rebus à Rege propositis decerni & statui desideret, consultandum committat. Eiusmodi Regiæ legationis eo anno hæc summa erat: Excusatio inprimis, quod maturius, quam leges regni iubeant, Comiticia indicantur, inde petita, quòd cum ex proximis Comitij rebus infectis discessum, nec contra pericula, quæ vndique imminebant, quidquam præsidij decretum fuisset, adhibuerit Regia Maiestas summam diligentiam, ne quid interim Respublica detrimenti caperet, atque inprimis ad arcendum Liuoniâ hostem exercitum pecuniâ è Thesauro Quartæ Rauensis, accedente Senatus consensu, depromptâ, conductum submiserit, vnde felix & clara victoria cæsis hostibus prouenit. Parte aliâ, cum Tartari hæreditarij huius Regni hostes, non fœdere, nec solitis donarijs contenti, vicinas sibi prouincias infestarent, maturè præmoniti homines huic periculo opportuni, ut sibi rebusque suis consularent: Dux campestris ire obuiam hosti iussus, & residuum Quartæ Rauensis, ad conscribendum militem, impensum: sed in eo parum esse præsidij, cum hostis maiora moliatur, quare & nobis inuigilandum, & seriò consultandum, ut prouideri possit, ne tam frequentibus barbarorum incursionibus Respublica pateat: pacem sine armis confici & haberi non posse, fœdifragum hostem in suo nido quærendum, & ex eo exturbandum esse. Iam partæ nuper in Liuoniâ victoriæ insistendum esse, nam hostis etsi recenti fractus clade, tamen spirat animo ultionem, classe armatâ mare obsidet, portus regni infestat: is quoque è malè parto regno, quod Regiæ Maiestati iure hæreditario debetur, exturbâdus, & materia tot bellorum vno impetu exscindenda. Id Regiâ in Sueciam profectione confici posse, modò Ordines Regni, dum tempus & occasio ultro inuitant, & consensum in eam profectionem præbeant, & auxilium militi, qui proximè in Liuoniâ rem præclarè gessit, meritaque stipendia provideant; cæterum in posterum certa defendendæ Reipublicæ ratio instituenda est, ut sine Comitiorum interuentu, periculis obuiam iri possit; nam cum certos hostes habeamus, præsidium quoque certum & expeditum in promptu ut habeamus, necesse est. Eius rei sciscendæ, ut Nuntij Terrarum plenam potestatem habeant, & postpositis commodiorique tempori reseruatis cæteris minùs vrgentibus negotiis, huic vni pacis & securitatis publicæ causâ ut provideatur, summo studio incumbendum. Fœdus cum nouo Moschorum Principe contra communem hostem inire an expediat. Negotium quod Reipublicæ cum Marchionibus Brandeburgensibus ex causâ prætensæ ab eis in feudum



dum Prussicum successionis intercedit, si ad effectum deduceretur, multum inde praesidij Reipublicae accessurum, de quo proximis Comitibus tractatum, sed rebus infectis discessum erat: cura tamen aegri in Prussia Principis, ex consilio Senatorum à Rege Marchioni Electori commissa, idque ne iuribus Regni quidquam detrimenti adferret, sed eo ipso haecenus magis nomine, quam re, usurpata illius Prouinciae possessio in posterum firmaretur, & non contemnenda Reipublicae prouentuum inde accessio fieret, cautum & prouisum. Iam domesticis priuatum diffidijs, pacem & securitatem publicam saepius turbari, eò quòd nonnulli homines tantum audaciae assumant, ut militem scribere, ac uiscendarum iniuriarum praetextu, bello & acie alterum impetere, ac homines innoxios ultro citroque neci dedere praesumant: peccari eam re in leges, ac magnum inde imminere Reipublicae periculum, ni maturè, ne id fiat, prouideatur. Haec ferè erant quae per conuentus regni vniuersos nomine Regis proponebantur.

Sed omnium ferè oculi in Profouicensis Conuentus euentum erant conuersi; quòd plerique rerum nouarum cupidi, iam antea consiliorum Palatini Cracouiensis conscij, inde fore initium futuri motus non frustra opinarentur. Postquam dies agendo conuentui dicta aderat, Palatinus eodem maturè satis venit, sed ne quid nouum moliri videretur, vel potius ut non antea sua consilia in publicum proderet, quam quorsum studia hominum propenderent, perspectum haberet; excusatione ualitudinis usus, tribus primis diebus domi se continuit; demum cum multos suae sententiae suffragatores adesse, nec quenquam destinatis suis obuiam iturum cerneret, progressus in medium, in hunc fere sensum verba fecit: Libenter in eo loco de ijs quae à Regia Maiestate proposita sunt dixissem sententiam, & de communibus Reipublicae periculis vobiscum initio coepti conuentus consilia contulissem, nisi aduersa valetudo obstitisset; quae cum aliquantisper remiserit, muneris mei, quod in Patriam sustineo, partes, ut teneor pro meo & erga Patriam & vos ipsos, quorum iussu huc veni, studio impleo. Et ne noui & ab hoc confessu alieni moris auctor sim, ea quae à vobis dicta sunt retractando, vel mea posteriori sententia immutando, capita legationis à Regia Maiestate propositae non attingam: ea tantum breui sermone complexurus, quibus ius Reipublicae laesum cerno, ut quid de ijs existimem, pro fide & officio meo aperiam, caetera iudicio & arbitrio vestro relinquens. Non multis morabor, cum pleraque quae Rempublicam urgent, per se pateant, & in hoc conuentu iam à nonnullis luculenter explicata sint: sed & in proximis Regni Generalibus Comitibus hanc de re actum, ac multa eiusmodi in medium adducta fuere, quaesitaque postremo consilia, quibus iis malis obuiam iri possit: sed cur incassum bonorum studia & optimi conatus eo tempore ceciderint, paucis commemorabo. Quòd Respublica ius suum non obtineat, quodque multa in ea non recto ordine

*In Profouicensi conuentum omnium conuersi animi, & quare?*

*Quid in eo Palatinus Cracouiensis egerit.*

*Sermo ab eo in Conuentu Profouicensi habitus.*



fiant, in causâ sunt mali consiliarij; eius rei documento sunt agitata in proximis Comitij consilia; nam cum de ijs quæ Regia Maiestas nobis & Reipublicæ ex pacto præstare tenetur, ageretur; ita postremò conuenierat, ut ea quæ in potestate Regiæ Maiestatis essent, continuò præstarentur; ea verò quæ factu difficilia viderentur, ut Rex à Republicâ sibi remitti & condonare postularet. Non alienum animum ab eo consilio gerere Regia Maiestas videbatur, nisi mali consiliarij id præter dignitatem Regiæ Maiestatis fore persuasissent: eâ re animis hominum exacerbatis, comitia infectis rebus soluta, Respublica verò sine præsidio relicta est. Quantum inde detrimenti postea euenerit, experta est Polonia, quæ proximâ æstate sæuis Tartarorum incursionibus, in extremam vastitatē, ferro & igne hoste barbaro in eam debacchante, redacta est. Nunc etiam homines ingenui fortunis omnibus exuti, maior pars in fœdam seruitutem abducta; matronæ honestæ (dictu nefandum) ludibrio habitæ, & quod inimico libuit passæ; discordiæ nostræ triste & lugubre præbent documentum. Idem mali consultores, Regiæ Maiestati auctores fuerunt, ut eorum consilijs, qui cum prioris vxoris sorore matrimonium dissuadebant, spretis, deinceps quoque eorundem suasiones Reipublicæ salutare, abiiceret: neque de negotijs publicis ad eos referret. Ego ipse qui præsens, dum nonnullæ deliberationes transigerentur, in aulâ fui, quid de ijs statueretur nesciui: decretæ ad externos Principes legationes, factæ de Ducatu Prussiæ consultationes me præsentē, & quid decerneretur ignorante: vobis itaque, Equites, inuigilandum est, ne Senatorum fœcordiâ, vel potius contemptu, Respublica detrimentum accipiat. Ab eodem malorum consiliorum fonte, promanauit hæc Regiæ Maiestatis ad nos legatio, in quâ prætermisissis ijs, ob quæ ex præteritis Comitij, rebus infectis discessum est, hoc vnum vrgetur, ut Comitia inuitis, vel dissentientibus alijs concludantur. Formidolosum id cunctis, qui libertates Regni saluas esse cupiunt, qui, ut è diuersis locis mihi significatur, desperato felici Comitiorum euentu, sub finem eorum in aliquo vicino Varsoviæ loco, conuentum generalem indici flagitant; ut in frequentissimo illo equestri ordinis consessu, de causis quæ Comitia dissoluunt, cognosci, & quid in præsentibus Comitij tractetur, sciri, & cum alia Reipublicæ negotia, tum hoc, quod cum Marchionibus Brandenburgensibus intercedit, expediri, ac cætera omnia ritè perfici: vel postremò, si consultationes in Comitij propositæ effectum non sortirentur, ne quid ex eo Respublica detrimenti capiat, decerni & prouideri possit. Quod nisi fiat, actum est de libertatibus nostris, quibus labefactatis quid aliud nisi bellum ciuile, & Patriæ excidium expectamus? Horret animus, cum ea quæ imminent, & quæ ex dissolutis sine fructu Comitij euentura sunt pericula mecum reuoluo; sed si maturè ijs obuiam eatur, non desunt ab institutis maiorum nostrorum, & ipsâ æquitate petita subsidia, quæ paucis hîc commemorabo. Senatores quos

Ma-

*Suadet con-  
uentum gene-  
ralem totius  
nobilitatis  
indicendum.*



Maiores nostri legum custodes esse voluerunt, ut in aulâ Regiâ certo numero per vices præsentes sint, eorum (absentibus nihilominus consultis) consilio Rex ut Rempublicam administret: ijdem benè vel malè administratæ Reipublicæ rationem reddere, ac ne quid per vim in leges peccetur, providere, tum & mali consilij auctores prodere teneantur. Deinde nos qui Senatorium munus sustinemus, seriò admonendi sumus, ut sacramenti, quo ad obeundam eam functionem obstricti sumus memores, officij nostri partes impleamus, & ne quid & in Reipublicæ administratione, & in munere nostro desideretur, & ut ea quæ hætenus, quominus Comitia optatum effectum sortirentur, obstiterunt, tollantur, adnitamur. Idem quoque Nuntijs Palatinatum iniungendum, peterent à Regiâ Maiestate, ut & officio suo & votis ac desiderijs nostris satisfacere vellet. Ceterum non incongrua videtur ea nonnullorum de indicendo Generali Equestris ordinis conuentu flagitatio; nam eo modo multa absurda tolli, & labanti Reipublicæ subueniri posset, si hinc Senatorum & Nuntiorum; ab aliâ verò parte Equestris ordinis consilia rebus afflictis opem ferrent, & ea quæ in Comitijs expediri non possent, censuræ & arbitrio nobilitatis permitterentur, ac inter alia de negotio quoque Brandeburgico, eadem ratione certi aliquid decerneretur, & hæc omnia Comitiorum demum auctoritate firmarentur, vel si Comitia non ex voto ceciderint, id saltem provideretur, ne Respublica necessarijs præsidijs careat. Inter alia propositum est à Regiâ Maiestate de sciscendo in subsidium Reipublicæ tributo: Miror sanè, cum ex præscripto legum Rex suis impensis nos tueri teneatur; adeò frequenter hoc tributum à nobis exigi, ut quotannis illud iam pendamus; quod si tamen vtiliter in vsus Reipublicæ impenderetur, Deum restor me illud libenter collaturum, sed utcumque sit, ne deinceps quidem dare illud abnuam, si assensus aliorum interuenerit. Illud sanè mihi expedire videtur, ut Regia Maiestas admoneatur, ne hanc Regni partem multis periculis opportunam, Cracouiensem Palatinatum sine præsidio relinquat: quod munitus cum mihi obeundum Sua Maiestas demandaret, ita illud sustinere animus est, ut non modò facultatibus meis, sed ne quidem vitæ meæ, si eâ salus Reipublicæ & vestra securitas representari possit, parcere velim. Dictâ à Palatino in eum modum sententiâ, etsi ij qui Regiarum partium erant, minimè hoc indicendi priuatâ auctoritate conuentus institutum probarent; tamen cum ea esset apud Equestrem ordinem Palatini auctoritas, ut cuncti ab ore ipsius pendere viderentur, ac ipse grata admodum populo suaderet, nemo repertus est qui contradicere illi auderet. Quo successu ille elatus, mox in proximo Corcienfi Minoris Poloniæ Palatinatum generali Conuentu, nobilitatis nomine palàm iam proponit edictum; quo vsurpatis ijsdem rationibus, quas Prosvicijs attulerat, hortatur omnes, ut qui saluam Rempublicam esse cuperent, ad Stęzicam (oppidum id Regium, sed Palatini ditionis

*Residentiam Senatorum in aulâ Regiâ lege præscribendam suader.*

*in aulâ Regiâ lege præscribendam suader.*

*in aulâ Regiâ lege præscribendam suader.*

*in aulâ Regiâ lege præscribendam suader.*

*Pronis auribus accepta Palatini oratio.*

*Ad Stęzicam Conuentus totius minoris Poloniae indicitur.*

aduita-



adualitio iurē, quindecim miliaribus Varſaviâ diſtans) die nonâ menſis Aprilis frequentes adſint. Exeruerē animos qui dudum eam occaſionem ſibi dari votis expoſcebant, ſed præcipuè ij, qui in diuerſas de religione opiniones abierunt: nam cū iſti ea, quæ hætenùs ad ſtabiliendas ſuas ſectas obtinere contendebant pacatis conſilijs & tranquillo Reipublicæ ſtatu aſſequi non poſſent, omneſque eo nomine facti conatus eorum in irritum reciderent, ampliſſimum campum ſe habituros exiſtimabant, per turbas & ſeditiones adipiſcendi ea, quæ tam diuturno tempore fruſtrâ uſiſſent. Pari ratione ij qui largiùs ſuo uſi, & per lucrum aſeſis opibus ac abſumptâ re familiari, ad inopiam redacti extremâ ſpe pendebant, hoc illud tempus eueniſſe arbitrabantur, quo in locupletiorum fortunas inuolare, ac alieno malo perditis rebus ſuis conſulere illisliceret. Nonnulli etiam, ſuperiorum temporum recordatione gnari, pleroſque interregnorum occaſione, ex humili loco in altum proueſtos, inani quoque rerum nouarum expectatione, parem fortune ſibi ſucceſſum deſpondebant. Neque intereâ deerant, qui per omnes Regni partes vel ſiniſtrâ Regiarum actionum interpretatione, vel vano metu terrerent & exſtimularent homines ignaros pleroſque quid ageretur, & quem ad finem conſilia nouo exemplo cœpta deſtinarentur.

*Similiter ad inopiam de-lapſi.*

*Initium Comitiorum ſeptimâ Martij 1606.*

*In his Comitijs Ianuſij Radiuili & Stanislai Stadnicij & Adami Coraſcij temeritas.*

*Senatorum ſententiæ.*

Rex Cracouiâ Varſauiam proſectus, indiſta ad diem ſeptimum Martij obiuit Comitia; aderant frequentes Senatores, & Nuntij: ſed horum nonnulli noui motus initia animo agitant, magis ad diſturbanda Comitiorum conſilia, quàm officium ſuum peragendum animati, & maioribus præter veterem conſuetudinem ſepti præſidijs, ad omnes occaſiones erant intenti. Ex ijs præcipui Ianuſius Radiuilius, Stanislau Stadnicus, & Adamus Goraiſcius Hæreticorum anteſignani, ſeditioſis vocibus palâm, quo eſſent in Regem animo, oſtendebant: cæteri his applaudentes, reliquos, quibus bonum publicum & pacata conſilia curæ erant, facile opprimebant. Propoſitis demum à Rege ijs, de quibus in conſilium iri placeret, dictæ à Senatoribus de more primo loco ſententiæ, multa que præclare ab ijs diſputata de concordia ordinum, de legum & libertatum prærogatiuis, de Reipublicæ noſtræ inſtitutis, & quibus fundamentis compages hæ nitantur: iam quæ Regis, quæ Senatus, quæ Equeſtris ordinis munia & functiones, oſtenſumque ad eam normam Rempublicam noſtram fuiſſe antiquitus redactam, vt libræ iuſtis ponderibus vtrimque inſtructæ, conferri rectè poſſit: eſſe Regem in medio, qui iuris & iuſtitie lancem teneat, ne extrema in aliquam partem deſlectant: eſſe Senatorum munus, ne vel Rex à populo contemnatur, vel hic Regiâ potentiâ opprimatur; huic tam præclaro Reipublicæ inſtituto, egregiè in præſenti rerum ſtatu reſpondere omnia, vel ſi quid deſideretur, facile ad priſtinam normam reduci poſſe, modò pacatè & ſine tumultu publica conſilia tractentur. Hæc tum multis verbis & ad mulcendas populi aures accommodatis orationibus dicta: ſed poſtea-



posteaquàm Nuntij de more in partem secessissent, tractarique inter eos de ijs quæ propolita à Rege fuerant, cœptum, non ea modestiâ, ex quâ felix Comitiorum euentus sperari posset, egerunt: sed continuo non prius de ijs quæ præsens rerum status postulare, se in consilium ituros declararunt, quàm Rex ea præstaret, quæ Reipublicæ ex pacto debet. Quæ res cum mutuis inter Nuntios altercationibus exagitaretur; postremò eò ventum, ut ea omnia scripto comprehensâ Regi ac Senatui offerrent. Longa eius rei series, quam in pauca redactam hîc inferere constitui.

*Nuntij temerarie agunt.*

Dicebatur imprimis pactis, quæ Rex Reipublicæ spondisset, maiori ex parte hætenus satisfactum non esse. Conditiones secundum quas dudum Henricus Rex se regnaturum promississet, & quibus Rex quoque teneretur, postponi: & potissimum in eo illis non stari, quòd cum Senatorum certus numerus ex præscripto earum Regi ad moderanda publica consilia præsens semper adesse deberet, Rex ijs neglectis, Reipublicæ negotia & magni momenti consultationes priuatâ auctoritate expediat. In iure dicendo moram fieri, & iustitiam protrahi. Cum Rex suo sumptu fines Regni tueri teneatur, nihil ab eo in eum usum ex priuato peculio impendi, sumptus omnes ex tributis (quibus continuo conferendis miseri homines nimium grauantur) vel ex Quartæ Rauensis pecuniâ, tam in ordinarios, quàm extraordinarios vsus fieri, & rebus demum perditis sera auxilia parari. In conferendis Magistratibus quos vacare contingit, Regem longâ ultra præscriptum legum uti procrastinatione. Thesauri Regni Supremi Præfecti ius & potestatem in eo violari, quòd cum leges iubeant, vnum esse debere Regis & Reipublicæ peculium, ex consilio senatus, & mandato Regio, per Thesauri Magistrum in vsus publicos impendendum, nunc publica pecunia à priuatis hominibus tractetur, & ad arbitrium Regis distrahatur; inde fit ut vacuo arario, cum vsus & necessitas poscit, Respublica præsidio & subsidio destituatur, & ob egestatem splendor & dignitas Regni diminuatur. Tardâ Estoniæ cum Regno vnione factum, ut in possessionem illius Prouinciæ Respublica venire non potuerit. Pari ratione prono Regiæ Maiestatis in externos fauore, Liuania in discrimen adducta, quòd hominibus nomini Polono inimicissimis, prædia & possessiones eius Prouinciæ, Regio beneficio maiori ex parte, Polonis & Lithuanis exclusis, attributæ fuerint: quorum dubiâ & fluxâ fide hostis abusus, tantum negotij Reipublicæ facessit. Arces quinque, quas Rex ad arcendos Tartaros locis opportunis se constructurum recepit, hucusque ne ædificari quidem cœptas. Iam quòd superiori anno Tartari impunè Russiæ Prouincias depopulati sint, id ob eam causam factum esse, quòd Rex solita præsidia inde deduxerit, & nec donatium Tartaro, nisi serò admodum, nec ad Turcarum Imperatorem renouandi fœderis causâ, Legatum hætenus miserit. Cura ægri in Prussiâ Ducis, cum an ea Brandenburgico.

*Scripto comprehensa quæ à Rege petebantur.*

*De pactis inter Regem & Reipub. constitutis.*

*De residentiâ Senatorum.*

*De iure dicendo.*

*De conferendis magistratibus.*

*De Thesaurario Regni.*

*De Estoniâ*

*Poloniæ*

*vniciendâ.*

*De Liuania.*

*De quinque arcibus ædificandis.*

*De Tartarorum incursione.*

*De curâ*

*Prussiæ Ducis.*



De vectigali-  
bus.

De nummis  
adulterinis.

De magistra-  
tibus in Prus-  
siâ conferen-  
dis.

De lustratione  
bonorum Re-  
galium.

De Commis-  
sionibus si-  
nium regun-  
dorum.

De auctorita-  
te Decretorum  
Tribunalis  
Regni.

De officiis &  
beneficiis in-  
compatibili-  
bus.

De Regio  
diademate  
asseruando.

De Praefectis  
arcium finiti-  
marum.

De Priuilegijs  
quæ Liouoniam  
concernunt.

De Legatio-  
nibus extra  
regnum mit-  
tendis.

De diuersorij  
tempore Co-  
mitiorum.

De discordijs  
inter disiden-  
tes de religione  
componendis.

De composi-  
tione inter  
status.

burgico Marchioni committenda foret, publicè tam Senatorio, quàm Equestri ordine id negotium pertractandum, in proximè præteritis Conitijs propositum fuisset, eo non deciso, à Regiâ Maiestate priuatâ auctoritate ad eundem Marchionem delata. Vectigalium auctione crescente, rerum quæ venum aduehuntur pretium crescere, nec mercatores tantum, sed nobilitatem quoque eâ re grauari. Nummos adulterinos, à priuatis impunè signari, & publicè cufos pondere & grano iusto valori non respondere, atque eâ ex re incredibili damno Rempublicam affici. Priuilegium contra ius, quo vetante Rex nec augere nec imminuere magistratuum officia potest, Iungæ cuidam externo homini datum, quo iurisdictio in Scotos illi permissa est, id vt abrogetur. In Prussiâ, Rege conuiiente, ad Magistratus aditum & dignitates, qui Prussis in Poloniâ omni sublato discrimine patet, Polonis vicissim præcludi. Lustrationem bonorum Regalium, lege sancitam quæ singulis quinquennijs fieri deberet, intermitti. Commissiones ad fines regundos ipsi se dari, & Decreta Commissariorum varijs artibus eludi, ac Regijs mandatis infesta reddi. Decreta Supremi Tribunalis quorum sacrosancta deberet esse auctoritas, Curia Regiæ contrarijs Decretis abrogari, ac nobilitatem citationibus Regijs euocatam, de bonis etiam hæreditarijs, probationibus ex Archiui Regij summarijs indicibus, dudum legibus abrogatis petitis, in discrimen venire. Magistratus diuersæ functionis, & beneficia secularia cum regularibus ad vnum deferri, & distincta officia confundi. Abbatum eligendorum ius violari. Claustra quibus Diadema Regium obseruatum est, sine scitu eorum, quorum fidei id commissum est, reserari. Arcium finitimarum Praefectos, turmis militum præfici. Nouis, quæ ex Cancellariâ Regiâ in contrarium eduntur, priuilegijs vetera rescindi, & in ijs quæ in Liuonicis causis scribuntur, appendicem, quâ iuribus Romanæ Ecclesiæ peculiariter cauetur, periculosè adijci, cum verendum sit, ne eo prætextu Prouincia illa, quondam Ecclesiastici iuris, sed annuente Gregorio XIII. Summo Pontifice, eo abrogato, erecto tantum in locum extinctorum sacerdotiorum Episcopatu Vendenfi, Regno vnita, in discrimen, & ius Regni anticipem disquisitionem veniat. Legatos incio senatu extra Regnum mitti. In assignandis hospitij Varisauæ, dum Comitia habentur, in ciuium ædibus, nec Senatorum, nec Nuntiorum dignitatis rationem haberi; sed priuatos nonnullos longè commodiùs, quàm eos qui vniuersam Rempublicam repræsentant, collocari. Discordiam inter de religione dissidentes non componi, nec pacem, interpositis pœnis, quibus vtraque pars in officio contineatur, sanciri. Vt sacri & profani Ordinis homines, de ijs quæ vtriusque partis iuris prætextu in controuersiam vocantur, conueniant, ac finem litibus quibus Reipublicæ negotia sæpè impediuntur imponant, à Regiâ Maiestate, quod Regij muneris semper fuit, sedulò non curari; id magnâ Equestri ordinis iniuriâ fieri: quòd



quòd is & decimari suos prouentus pati , & iudicato parere cogatur; cum contrà spirituales prouocationibus ad Curiam Romanam institutis , in causis , in personas eorum directis , litis actiones facillè eludant : Nobilitas verò non pari , vt spirituales , præscriptionum beneficio gaudeat , & non modò iurium patronatus prætextu , sed alijs prætereà ex causis in ius vocetur , ac bonis etiam , quæ spirituales emptionibus & cohereditatibus , violentis scultetiarum ademptionibus , occupantes , iuri Ecclesiastico contra leges adscribunt , exuatur. Iustam ex eo habere conquerendi Equestrem ordinem causam , quòd Reipublicæ patrimonium magnà ex parte in priuatos Regis vsus reductum sit , ac benè meritorum præmia fiscus occupet. Nobiliorum & opulentiorum Præfecturarum , quibus onus iurisdicendi incumbit , prouentus vel in partes distrahi , vel in priuatum Regis ærarium inferri. Bona , quæ caduci iuris dicuntur , ad externos deferri ; homines verò nobiles , qui totâ ætate Regis & Reipublicæ negotijs impensâ , patrimonij & rei familiaris iacturam fecerunt , egere. Essè prætereà complura quæ maiorem , quàm hætenùs adhibitâ est , Regis curam desiderant , tot salutare leges , quæ de instituendis emporijs , fluminum accommodandis nauigationibus , de corrigendis statutis , quibus iura Regni continentur , de componendis cum externis Principibus , occasione Regni limitum ortis , discordijs , vtiliter latæ sunt , & quorum executio dudum magno omnium desiderio flagitur , neglectæ. Peti à Regiâ Maiestatem , vt ad ea omnia præstanda & efficienda animum adijcere , & eo ipso non modò muneri suo & promissis iurisiurandi sacramento firmatis satisfacere , verùm etiam subiecti sibi populi studia , in sui & Patriæ amorem excitare velit. Hoc postremò Equestrem Ordinem à Senatu postulare , suam apud Regiam Maiestatem auctoritatem interponere velit , ne in ijs quæ proposita sunt , & quæ vniuersæ nobilitatis vota & desideria exposcunt , præstandis moram faciat. Tam prolixæ & diu meditatæ Nuntiorum petitioni , non facillè , nisi re maturiùs expensâ , responderi poterat. Igitur rogatis Senatorum sententijs , cum singuli quid hac de reserent , promississent ; postremò in eum modum scripto responsum est. Ea quæ per Nuntios proposita sunt accipere Regiam Maiestatem in optimam partem , & paterno planè affectu ; optasse quidem Regiam Maiestatem , vt ita subiecto sibi populo præesset , ne quâ ex parte officio suo deesse videretur , & ne æquabilis ipsius Imperij status in odium cuiusquam veniret ; sed nullum esse ita perfectum , vt non interdum offendat , idque in eis potissimùm euenire , qui cæteris eminent : communem esse eam Regum sortem , quam cum Regiæ quoque Maiestatis decessores experti sint , eandem Regiæ Maiestati subeundam esse. Cæterùm quòd candidus & syncerus ipsius animus cunctis pateat , paucis ad ea quæ proposita sunt respondere , ac simul voluntatem

*De iustitia  
distributivâ.*

*Responsum  
Regium ad ea  
quæ à Nuntijs  
postulabatur.*



tatem suam declarare, palamque facere, quid eorum præstiterit, quæ adhuc desiderantur, quid postremo, quominus nonnullis satisfiat, impedimento sit. Non negare Regiam Maiestatem se ad præstanda ea, de quibus pactis electionis cautum est, teneri. Eorum primum erat de ineundâ contra communes utriusque Regni hostes societate, non per Regiam Maiestatem hæcenus stitisse, quominus id effectum sortitum fuerit, sed quod Regnum illud ipsius hæreditarium in alienam potestatem venerit. Ideo factum esse, quod Regia Maiestas, eo tempore, quo mortuo parente suo, permittentibus Regni ordinibus, protectionem suam in Sueciam, adeundæ illius regni possessionis causâ instituerat, rebus ibi nondum constitutis, periculis huius Regni (quæ ob Tartarorum per fines Podoliæ in Hungariam transitum imminebant) admonita, maturius inde, incerto adhuc & nondum firmato illius regni imperio, ac dubiâ subditorum fide, excedere coacta fuerit. Estoniam ut viuentem & rerum potientem patre regno vniret, Regiam Maiestatem nec si vellet potuisse, nec fuisse obligatam. Eo vitâ functo, quod Carolus cupiditate regnandi accensus, ex eâ occasione initium turbarum quæreret, in primis, quæ post reditum Regiæ Maiestatis celebrata sunt, Comitibus, placuisse Regni ordinibus hanc Estoniæ unionem aliquantisper non vrgeri: verum cum Regia Maiestas videret Carolum suâ in eum indulgentiâ deteriore fieri, & palam regnum affectare, Anno demum Millesimo sexcentesimo primo, datis eo nomine diplomatibus, Prouinciâ eam pleno iure regno Poloniæ attribuit, quod licet maturius etiam fecisset, perinde tamen ut nunc armis ea vindicanda fuisset. Classem & promissa tormenta bellica, nisi recuperato Sueciæ Regno haberi non posse: erepta quidem Moscho ad Vendam tormenta pridem in Regnū illata esse. Pecuniam quam Sigismundus Augustus Regi Sueciæ debebat, remissam dudum esse; simulque pensionibus Neapolitanis Regiam Maiestatem Reipublicæ cessisse. Arces quinque, quod opportuna, in quibus eæ constitui deberent loca, non tam facile monstrari possint, vel priuatorum possessionibus occupentur, hæcenus non esse constructas: sed nullâ in eo Regis culpam, eum & nunc paratum esse ad id præstandum: modò ne impediant, qui priuati commodi causâ, ne fieret, hæcenus obstiterunt. Exteros homines, qui aliquo Magistratu fungerentur, nullos à Regiâ Maiestate esse inductos, paucis Suecis exceptis, quorum operâ in Sueticis negotiis explicandis utitur. Cohortem ad corporis custodiam ex Polonis, Pruthenis, & Liuonibus, qui omnes ciues Regni sunt, constare. Præfectum eorum esse Boianouium in Poloniâ nobili loco natum. Peditatum eundem, quem Rex Stephanus habuerat, esse, paucis in demortuorum loca, ijsque ferè Polonis substitutis: eorum Præfectum Hungarum quidem esse, sed fide conspicuâ, & de hac Republicâ multis expeditionibus ita meritum, ut cum iam domicilium hîc fixerit, de donando eo iure

Cur societas  
intra Sueciæ  
Regnum &  
Poloniæ con-  
tra communes  
hostes init  
non fuerit.

Rex commo-  
dis Poloniæ  
consulendo res  
Sueciæ in-  
compositas  
reliquit.

De Estoniâ  
Regno Polo-  
niæ vnienda.

De classe ma-  
ritimâ in  
portus Polo-  
nicos dedu-  
cendâ.

Debitum Re-  
gno Sueciæ.  
Pensiones  
Neapolitanæ.  
Cur arces in  
confinijs non  
sint constru-  
ctæ.

Nulli sunt  
externi qui  
aliquo in Po-  
loniâ Magi-  
stratu fun-  
gantur.

Custodes Re-  
gis corporis  
omnes ciues  
Regni Polo-  
niæ.

Præfectus  
peditum  
Hungarus  
quidem, sed  
experta fidei.



iure ciuitatis antea deliberatum sit ; si tamen ut is ab eo officio amoueatur , omnino contendat , in eo Regiam Maiestatem non fore difficilem. *Æs* omne alienum , tam militibus , quam personis priuatis publice debitum , iam solutum esse , ita ut nemo eo nomine queratur. Ut inter eos qui in religione dissident pax & concordia conseruaretur , omnem operam à Regiâ Maiestate adhibitam hætenus fuisse ; ut verò formula certa , ex quâ ius eo nomine læsis redderetur , præscribatur , omnium ordinum consensu opus esse. Pari modo earum , quæ inter secularem & Ecclesiasticum ordinem intercedunt controuersiarum sopiendarum rationes , non nisi cunctis consentientibus iniri posse ; proponant modò ordines media , quibus id effici possit , curaturam Regiam Maiestatem , ut ea ad effectum deducantur. Inuitis sanè & refragantibus leges imponi , aut quidpiam statui , non esse ex usu huius Reipublicæ , cuius libertates & prærogatiuas singulorum ordinum Regia Maiestas secundum datam in coronatione fidem non modò integras conseruat , sed & fartas esse cupit. Et quoniam iisdem pactis eæ quoque conditiones , quæ Henrico Regi , dum ab ordinibus in Regem eligeretur , oblatae erant , & per Stephanum approbatæ sunt , continentur , Regia Maiestas iisdem quoque se teneri cum non ignoraret , idcirco quantum in illâ fuit , ut illis satisfaceret , contendit. Saluum in primis est ius Regis liberè eligendi , cum & hæreditarium Regni titulum Rex minimè usurpet , & illo ex hac luce sublato , alterius liberis suffragijs substituendi plena ordinibus relinquatur facultas. In admittendis externorum Principum Legatis , suisque ad eos mittendis , eum modum tenet semper Regia Maiestas , ut quemadmodum iura Regni præscribunt , quæ vniuersam Rempublicam concernunt , de ijs ad publica comitia referat : quæ verò vel diuturnam moram non patiuntur , vel ad priuatum præsentium in aulâ Magistratuum consilium pertinent , ea exploratis eorum , & reliquorum Senatorum , qui tum intersunt , sententijs expediat. In indicendis bellis , iubendâque publicâ expeditione , nihil hætenus à Regiâ Maiestate præter leges Regni factum. Quod verò attinet finium Regni defensionem ordinariam , cuius suis viribus & priuatis copijs sustinendæ onus , tam Stephanus Rex , quam ipsa met Maiestas Regia , in se suscepisse videri possit ; cupere Maiestatem Regiam ut expensis , atque etiam excussis Regni vectigalium & prouentuum rationibus , ordines dispicerent , num Regia Maiestas , etiamsi vellet id præstare , posset. Non eam esse præsentis rerum statu , horum , quibus ararium continetur , reddituum rationem , ut & Regiæ Maiestatis dignitati tuendæ , & alendo tanto exercitui , qui fines Regni perpetuò defendat , sufficiant. Longè factu facilius id maioribus Regiæ Maiestatis fuisse , qui solidos Præfecturarum prouentus in suâ potestate cum haberent , ad suum itidem arbitrium in usus Reipublicæ eos expendebant : nunc beneficio & liberalitate Regum , tribus , vel

*Stipendia militibus persoluta.*

*Quâ ratione pax inter dissidentes de religione conseruanda.*

*Præscribendi modi quibus compositio inter status ineunda.*

*Iisdem conditionibus tenebatur Rex Sigismundus , quibus Henricus Andegauensium Dux fuit in Regno Polonia electus.*

*Ius eligendi Regis Polonis saluum.*

*Quid in mittendis vel recipiendis Legationibus Rex faciat.*

*In bellis indicendis nihil præter leges factum.*

*Defensionem ordinariam finium quare Rex non præstet.*



quatuor eiusmodi reddituum portionibus , priuatis personis attributis , ac Quartâ Rauam inferri iussâ : reliquum quod superest priuatis Regiæ Maiestatis vsibus , publicisque impensis, si quis ordinarios atque extraordinarios Regiæ Maiestatis sumptus ad calculum reuocet, vix sufficit. Nec à Stephano Rege , licet is quoque idem se facturum recepisset , hoc postulatum fuit ; nimirum eiusmodi promissiones , in Electionibus Regum exactæ , eâ conditione factæ fuisse intelliguntur,

*Quid discordantibus Senatorum sententijs Rex facere soleat. Vt Senatores per vices resideant apud aulam placere Regi.*

*In indicendis Comitijs Rex sequitur præscriptum legum.*

*Sigillis Cancellariorum diplomata & literæ signantur.*

*Numerus Magistratuum imminutus habetur.*

*Ad Thesaurarium ab aulâ absentem minutiora negotia nequeunt referri, proinde curia Thesaurarius constitutus.*

*Mineris nemo priuatus.*

*Legum Polonicarum nunquam ex iure civili petitur interpretatio.*

*Rex matrimonium inijt ex sensu maioris partis Senatus.*

*Diadema Regium habetur sub eorum custodia quibus id incumbit.*

vt eas in tantum Rex præstare teneatur , quantum rationes ærarij & prouentuum ferant : quæ cum opinione minores sint, durum fanè & minimè decorum , nec Reipublicæ tutum foret, id à Regibus exposcere , quod illi nequaquam præstare possint. In sententijs Senatorum, vbi discordes fuerint , conciliandis , Regiam Maiestatem eâ vti moderatione , vt non antè vel Senatusconsultum perscribi , vel in priuatorum cognoscendis , iudicandisque causis decretum ferri decernat , quàm dissentientium sententias , iteratis earum rogationibus similes & conformes efficiat . Placere Regiæ Maiestati vt Senatores certo numero per vices designentur , vt præsentibus in aulâ sint , & non modò consilij copiam faciant, verum etiam dignitati Regis inseruiant. Neglectum id hætenus non Regiæ Maiestatis culpâ , sed magis eorum , qui huic muneri destinati quotannis erant, negligentia : daturum insuper ex ærario suo illis annuam pensionem pollicetur. In indicendis tempestiuè Comitijs omnia ex præscripto legum fieri. Annulo & sigillis, in signandis tam literis quàm diplomatibus, non alijs Regiam Maiestatem , nisi quæ fidei Cancellariorum tam Regni Poloniae, quàm Magni Ducatus Lithuaniae credita sunt, vti. Numerum Magistratuum legibus & consuetudinibus Regni præscriptum , nec minui nec augeri , ac vt ij suo munere fungantur , Regiam Maiestatem minimè impedire. Quod verò attinet Thesaurarium Regni , is si præsens in aulâ esset , nemo alius illius officium usurparet ; illo absente , non ferunt publicæ rationes , vt minutiora quæque negotia ad eum referantur : sed & huic rei facillè medebitur , Curie Thesaurario , qui illius maioris vices obeat, constituto. De mineris in priuatorum fundis inuentis interceptis , neminem esse qui queri possit. Ne interpretatione ex iure Casareo petitâ , Regni leges ac Priuilegia Regumque donationes in alienum sensum detorqueantur, Regiam Maiestatem diligentem semper operam dedisse. In ineundo matrimonio nihil à præscripto legum Regiam Maiestatem recessisse; sed consulto primùm Senatu , cum longè maior eius pars consentiret , eorum sententiam secutum esse. Diadema quo Reges insigniri solent, in Thesauro Regni, eorum quibus id munus incumbit , custodiâ asseruari. Reliqui eiusdem generis articuli , qui Regi Henrico oblatis fuisse dicuntur , cum nunc in quæstionem non vocentur , nullâ disquisitione indigent. Ad ea de quibus præterea Nuntij queruntur, ita responderi.

In



In primis in iure dicundo eam à Regiâ Maiestate seruari æquitatem, vt  
 nec sedula diligentia, nec accurata deliberatio desiderari possit: non te-  
 merè, sed iterum atque iterum exploratis Senatorum sententijs decre-  
 tum ferri, ac interdum, idque grauibus de causis, cum vel id de quo agi-  
 tur non satis liqueat, vel discordes de eo sint sententiæ, illud non perscri-  
 bi; non abnuere quin aliqua, quæ emendatione indigent, in accommo-  
 dandâ formulâ Iudiciorum, corrigantur; ac quod ex ordine ius unicui-  
 que reddatur, parque omnium ratio habeatur; ac is index, ex quo in  
 ius partes citantur, diligenti Referendariorum inspectione conscriptus  
 subinde non mutetur. Quod hætenus seruatum fuisse Regia Maiestas  
 existimat: nisi quod interdum vel egentium causæ, vel maioris momen-  
 ti, & ad exemplum pertinentes, vel nonnumquam etiam ipsismet Nun-  
 tijs flagitantibus ex ordine excerptæ, atque alijs prætermiſſis iudicatæ  
 sint, idque ne aliquando eueniat, satis cauere non posse. Temerè existi-  
 mari pecuniam ex tributis publicè scitis collectam, & eam quæ ex quar-  
 tâ Regionum prouentuum parte, Rauam quotannis infertur, non rectè  
 administrari, & in vsus priuatos potius quàm publicos erogari: nam rem  
 eam secus se habere, rationes Thesaurarij, quæ Nuntijs excutiendæ re-  
 linquuntur, ostendent. Non diffiteri Regiam Maiestatem Rauensem  
 pecuniam non in eum modò militem qui in Russiæ finibus excubias  
 agebat, sed in Liouensem quoque erogatam esse, sed lege, dummodò  
 id ex consilio Senatus fiat, non vetante, & ingenti periculo vrgente id  
 factum fuisse. Iam verò quod miles hyberna in Poloniâ egerit, datum  
 id esse precibus Nobilitatis Russicæ, quæ militaris eiusmodi custodiæ sibi  
 molestæ pertæsa, petijt, aliquot antea actis Comitijs, vt is inde abducere-  
 tur. Vacui Magistratus si qui fuerunt, ante Comitia eos iam, subroga-  
 tis tempestiuè in defunctorum locum alijs, expletos esse; si qui prætereà  
 proximè fato functis illis qui eos gerebant, adhuc vacant, durantibus  
 Comitijs, personis idoneis Regiam Maiestatem collaturam. Homini-  
 bus peregrinis, qui ciues Regni non essent, nullas hætenus possessiones  
 in Liouoniâ concessas esse; in eoque strictè scitam hac de re legem ser-  
 uari: arces quasdam quas nonnulli Liouones fidem Regiæ Maiestatis se-  
 cuti, Ioanni Zamoscio belli supremo Duci dediderunt, eorumdem fi-  
 dei, quod ita Zamoscio visum foret, concreditas, nec quidquam præ-  
 terea quod meritò reprehendendum foret, adferri posse. Qui apud  
 Turcarum Imperatorè legationis munere ex dignitate Regis & Regni  
 fungerentur, non faciliè reperiri potuisse; hunc ipsum qui eò iturus est,  
 morbo tardatum quominùs maturè proficisceretur; ne quid tamen ex  
 eâ causâ Respublica detrimenti caperet, missis ad eundem Imperato-  
 rem frequentibus Nuntijs, qui moram hanc excusarent, sufficienter  
 Regiam Maiestatem prouidisse. Frequentes Tartarorum in Podoliam  
 excursiones, vetus à longè maiorum memoriâ, quàm Regiâ Maiestate  
 Imperium moderante, illius Prouinciæ malum immeritò Regiæ Maie-

*In iure di-  
cendo quem  
modum Rex  
teneat.*

*Causa egen-  
tium vel ma-  
ioris momenti  
aliquando nõ  
seruato ordine  
iudicantur.*

*Pecunia con-  
tributa vel ex  
quartâ Ra-  
uens in publi-  
cos vsus con-  
uertitur.*

*Cur miles in  
Poloniâ hye-  
mauerit.*

*Vacantes  
magistratus  
omnes distri-  
buit.*

*In Liouoniâ  
nullæ posse-  
siones nisi ci-  
uibus Poloniæ  
Regni dantur.*

*Cur Legatus  
ad Turcarum  
Imperatorem  
tardiùs mis-  
sus; prouisum  
tamen ne  
quid inde  
damni eue-  
niat.*

*Cur Tartaro-  
rum incur-  
siones cohiberi  
non possint.*



ſtati imputari : cùm hoſtis ille nec fœdere attineri, nec oblatiſ etiam  
 donatiuiſ, vbi luculenter prædæ ſpes & occaſio inuitauerit, deuinciri  
 poſſit. Qui euerant ij aliquantiſper domeſticis fortè motibus retenti, ſi-  
 ue vt cùm minùs timerentur, incautos & ſecuros inuaderent, fineſque  
 nouiſ coloniſ completos, atque antè deſertos, nunc cultos longè la-  
 teque ſub ipſum ferè hoſtiſ aſpectum procurentes campos faciliùs in-  
 currerent. Negotium Pruſſicum ita à Regiâ Maieltate tractatum eſſe,  
 vt nihil temerè vel minùs conſideratè quidquam in eo factum ſit, ſi  
 quis recto iudicio illiuſ progreſſum expenderit, facilè animaduertet. Nā  
 conſeſſionis feudi à Sigifmundo Auguſto in Petricouienſibuſ & Lubli-  
 nenſibuſ publiciſ Regni Comitijſ domui Brandeburgicę factę, & ſub-  
 ſequentium Regum non dubio aſſenſu firmatę, approbationem, quę  
 magnā Regum & Principum Chriſtianorum ſuffragatione petebatur,  
 cùm Regia Maieltas ſine omnium Ordinum ſcitu & conſenſu concedi  
 non poſſe videret, quamprimùm eo nomine publiciſ legationibuſ ap-  
 pellata fuit, ad omneſ Regni particulareſ Nobilitatiſ conuentuſ de eo  
 retulit, vt quid hac de re ſtatuerere vellent, communi omnium ſenten-  
 tiā decernerent. Curam verò ægri in Pruſſiā Ducis vt deferret, ſibi iu-  
 re & exemplo licuiſſe Regia Maieltas exiſtimat; cùm & vſurpatā in  
 Regno, ac legibuſ etiam firmatā conſuetudine, Regij iuriſ ſemper fue-  
 rit, providere ægriſ & pupilliſ curatoreſ: & nouiſſimè Stephanuſ Rex,  
 eo ipſo prætextu eandem ægri in Pruſſiā Ducis curam Anſpachio, nulliſ  
 adiectiſ conditionibuſ, liberam & immunem contulerit. Sed nec eo et-  
 iam iure temerè ſibi vtendum, atque ideò totum hoc negotium proſe-  
 rendum, donec de illā in controuerſiam vocatā feudi conſeſſi approba-  
 tione tranſactum fuiſſet, Regia Maieltas putauit. Ceterum cùm aliquot  
 Regni Comitijſ, in quibuſ citrò vltroque allatiſ rationibuſ de iure eiſ  
 feudi diſputabatur, nihil certi de eo ſtatui potuiſſet, hancque moram  
 Elector Brandenburgicuſ in derogationem prætenſi iuriſ ſui fieri inter-  
 pretaretur, atque per Oratoreſ ſuoſ, Galliæ & Danię Regum, atque pri-  
 mariorum Germaniæ Principum adiunctā interceſſione ſedulò reſpon-  
 ſum vrgeret, Regia Maieltas ne ſi tanti nominis Principes morā reſpon-  
 ſi contemnere videretur, noui & inſperati belli Reipublicę cauſam præ-  
 beret; cùm proximè præterita Comitia, nonnullorum diſſenſu, rebus  
 infectiſ diſſoluta fuiſſent, ex Senatuſ, qui tum frequentiſſimuſ, ac penè  
 eodem numero, quo Comitia obiri ſolent, erat, conſilio, eam ineundam  
 ſibi rationem exiſtimauit, vt ſimul & petitioni tantorum Principum ali-  
 quā ex parte ſatiſfaceret, & iuſ Regni veteremque illiuſ Prouincię poſ-  
 ſeſſionem firmiorem certioremque redderet. Conditionibuſ igitur in-  
 terpoſitiſ, quibuſ & iuſ directi dominiſ, nomine magiſ anteā quā re  
 vſurpatum firmaretur, & Reipublicę ærariuſ impoſito ei Prouincię  
 ſtipendio, non mediocria incrementa ſumeret, hæc ipſa cura & admi-  
 niſtratio illiuſ Ducatuſ Electori Brandenburgico permiſſa eſt, veteri de  
 iure

*Quid in ne-  
 gotio Pruſſico  
 à Rege factū.*

*Ægro in  
 Pruſſiā Duci  
 iure ſuo Rex  
 vſuſ curatore  
 dedit.*

*Ex quaſ ob  
 cauſaſ.*



iure feudi disceptatione, quæ Regni Ordinum in Comitijs generalibus cognitioni reseruat, indecisâ manente. De eorum, qui publica vectigalia exercent, iniurijs & iniquitate, vetus & non noua, atque adeò orbis vniuersi est querimonia: ei vt Regia Maiestas mederetur, præcipuis è Senatu, inter quos Archiepiscopus Gnesnensis & Episcopus Cuiaviensis alijsque magni nominis fuere Senatores, demandauit, vt cum Thesaurario Regni tam vectigalium Præfecti, quàm mercatorum rationes inspicerent; ijsque excussis, atque etiam Priuilegijs & immunitatibus Ciuitatum inspectis, omnia ad veterem consuetudinem reuocarent: grauius & exactè id negotium ab eis tractatum, postea ad Regiam Maiestatem remissum, cum eâ tamen significatione, vt immerito mercatores queri compertum per eos fuisse ostenderetur. *Proposita sed iniusta.*

& audita fuit hæc causa in postremis Cracouiensibus Comitijs, quæ sita media; sed cum mercatores illud vnum, vt ab omni penè vectigali immunes essent, in fraudem & detrimentum fisci, quo potissimum Reipublice rationes nituntur, contenderent, nihil certi statui potuit. Certa nihilominus formula, secundum quam & ij qui publicis vectigalibus præsumunt, illa exigere, & mercatores illa pendere debeant, auctoritate Comitiorum Varſauiensium anno Millesimo sexcentesimo primo ad normam veteris à Sigismundo I. institutæ præscripta est, in quam si quid fortè peccaretur, id iure cuique læso vindicandum relinquitur.

Vt moneta sub nomine Regio signato iusto pondere & valore examinata cudatur, publicis monetarijs à Regiâ Maiestate iniunctum esse; sed eâ re parum profici, nisi in eos qui priuatâ auctoritate falsam cudunt monetam, seriò animaduertatur: quod factum difficile, quia præcipui falsarij eo nomine infames, nobilitatis prætextu pœnas legum eludunt, nec eius criminis, nisi per testes genere nobiles, conuinci possunt: id verò fieri non potest, cum ij operâ potissimum vilium & ignobilium personarum ad eiusmodi facinora abutantur: quorum nonnulli sceleris conuicti dederunt pœnas; auctores, qui Equestri ordinis sunt, omnibus legibus soluti, absque metu impunè abeunt: nouæ itaque sanciente leges & pœnæ forent, quibus, sublato nobilis & plebeij discrimine, cuncti tanti criminis rei tenerentur. De Iungæ priuilegio causâ cognita, id quod æquum fuerit decerneretur. Vt pari iure Poloni in Prussia, quo Prutheni in Polonia quoad dignitates & Præfecturas adipiscendas gaudeant, vbi eâ de re inter ordines conuenerit, Regiam Maiestatem omnium consensui suam voluntatem libenter accommodaturam. Non obstare Regiam Maiestatem, quin quod leges iubent, singulis lustris Regia bona censcantur: id ob eam causam hætenus intermissum esse, quòd Comitiorum rebus plerumque infectis dissoluantur: darent operam Nuntij ne id in præsentiarum eueniat, sed omni ex parte Reipublicæ prouideatur, & hi etiam, qui hoc munus censendorum bonorum ob-eant, auctoritate Comitiorum designentur. Ad fines, vbi ij inter Re-

*De vectigalibus mercatorum querela;*

*sed iniusta.*

*De moneta.*

*Cur falsarij qui adulterinam pecuniam cudunt non castigentur.*

*De Iungæ priuilegio. Polonis in Prussia & Pruthenis in Polonia adipiscendi dignitates par ius.*

*Placere Regi vt bona Regia singulis lustris lustrentur.*



De commissi-  
onibus si-  
nium regun-  
dorum.

Decreta Cō-  
missariorum  
& supremi  
Tribunalis in  
dubium num-  
quam vocan-  
tur.

Pluralitas  
beneficiorum  
Ecclesiastico-  
rum.

Ius eligendo-  
rum Abbatū  
Religiosis  
saluum.

Ne Nobilitas  
ad Curiam  
Romanam  
euocetur, et  
raturum se  
Rex pollice-  
tur.

Homines ri-  
tus Græci non  
habent de  
quo queran-  
tur.

Ecclesiastici  
iuste bona  
terrestria  
emere & Ec-  
clesiæ addicere  
possunt.

Sculteti in  
bonis Ecclesiæ  
cui directo  
dominio sub-  
iecti sunt.

Conditio, sal-  
uis Ecclesiæ  
iuribus, in  
omnibus pri-  
uilegiis adscri-  
bitur.

Nullum peri-  
culum ne quis  
sibi ius usur-  
pet in Liuo-  
niam.

In assignandis  
Varsaviæ  
hospitijs ratio  
habenda eorū  
qui publici  
negotij causā  
veniunt.

gios & priuatorum agros controuerfi fuerint, determinandos, manda-  
re Regiam Maiestatem, vt poscentibus Commissiones è Cancellaria ex-  
tradantur. Decreta quidem ab istis Commissarijs legitimè lata, quem-  
admodum & ea, de quibus queruntur supremi Tribunalis Regni, fuisse  
aliquando vel in dubium vocata, aut contrarijs Regiæ Curiae decretis  
abrogata; pari modo quæ sint istæ Nobilitatis præter ius euocationes,  
aut veterum priuilegiorum recentibus abrogationes, & depromptæ è  
summariis indicibus, siue, vt vocant, Metricâ, ad interuertenda bona  
priuatorum, probationes, non satis intelligere Regiam Maiestatem,  
quando, vel quâ in re id factum existiment. Præstò sunt Magistratus,  
qui in aulâ ius dicunt, ij rationem, vbi appellati eo nomine fuerint, facti  
sui, si quid illis nominatim imputabitur, reddent. Vnum interdum bi-  
na vel plura sacerdotia habere, non nouum esse; id ex arbitrio Summi  
Pontificis, tanquàm bonorum Ecclesiæ supremi dispensatoris, non-  
nunquàm iustis de causis, vel genere vel doctrinâ excellentibus viris in-  
dulgeri. Electiones Abbatum nequaquam à Regiâ Maiestate infringi,  
modò ne Religiosi tantum sibi vsurpent, vt Iuspatronatus Regium inter-  
uertant & extinguant. Ne Equestris ordinis homines in actionibus,  
quas in personas Spiritualium dirigunt, iudicium Curiae Romanæ ex-  
spectare cogantur, sed & eiusmodi causæ hîc in Regno decidentur, egis-  
se Regiam Maiestatem cum Summo Pontifice, deinceps quoque cura-  
turam, vt votis & desiderijs subditorum suorum eâ in re respondeatur.  
Græcæ religionis homines in quo iura & prærogatiuas suas lædi existi-  
ment, omnino incompertum esse Regiæ Maiestati: cùm omnes subdi-  
tos pari complectatur amore, omnium quoque libertates saluas & illæ-  
sas esse cupiat. Vetari non posse ne Spirituales bona hereditaria emant,  
& vsibus pijs addicant, cùm in potestate vniuscuiusque sit rebus suis pro  
suo vti arbitrio, præsertim cùm id nullo Reipublicæ detrimento fiat.  
Sculteti in oppidis & pagis Spiritualium, an directo iure illis subiecti  
sint, eorundemque amouendorum potestatem habeant, vt in re contro-  
uersâ & dubiâ nihil hactenùs decisum. Spirituales quidem eiusmodi di-  
recti dominiij titulum & ius probaturos se recipiunt. Ne finitimarum  
arcium Præfectis turmæ militum, quæ in confinijs excubias agunt, re-  
genda attribuantur (quamuis id vsu veteri receptum fuerit) sed vt quæ-  
que centuria suum Præfectum habeat, assentiri Regiam Maiestatem.  
Conditio saluis iuribus Ecclesiæ Catholicæ, quæ in omnibus priuilegijs  
adscribitur, potissimùm Ecclesiarum iura tuetur; quæ etiam si adiecta  
non esset, perinde tamen intelligeretur Regiam Maiestatem, vt non al-  
terius iuri, sic nec Ecclesiæ derogare velle. De Liuoniæ illiusque Pro-  
uinciæ Episcopatu, non esse verendum, cùm per Sedem Apostolicam  
præsenti illius statu approbato, satis ei rei cautum sit. In assignandis  
hospitijs difficilè cunctis satisfieri posse in tantâ hominum frequentia,  
mandaturum tamen Regiam Maiestatem, vt eorum, qui publico nomi-  
ne



ne huc veniunt, potissima ratio habeatur, quod magis expeditum foret, si ij pauciori comitatu ad consultationes publicas accederent. In ordinandis Regijs redditibus, eâ moderatione Regiam Maiestatem uti, ut neque benè meritorum præmijs quidquam subtrahere velit, & id potissimum spectet, ut servatâ proportionē pro conditione quisque suâ, Regiæ sit particeps liberalitatis, ita tamen ne, si ea fundum exhauriat, Regia Maiestas & ipsa egeat, & cæteris gratificandi omnem sibi auferat potestatem; à nonnullis Præfecturis aliquot abstracta esse prædia fatetur Regia Maiestas, sed id more & exemplo maiorum, atque ipsâ necessitate exigente, quò personæ suæ Regiæ ex dignitate Regni commodius provideatur, factum. Bona Reipublicæ nullâ dote esse onerata, cum morte proximè defunctæ Reginæ, illius dos extincta sit. In conferendis bonis iuris caduci, habere semper rationem Regiam Maiestatem, & legum publicarum, & benè de Republicâ meritorum; idem deinceps quoque esse facturam. Multarum legum salutarium, atque utilium prius iam magni iudicio latorum executio, cuius vitio hætenus differatur, expenderent diligenter ordines ipsi: fuisse quidem aliquoties deputatos, qui hæc ipsa iura reviderent corrigerentque, quid obtiterit quominus id factum sit, nemo est qui nesciat: paratam esse ac semper fuisse Regiam Maiestatem, ijs quæ flagitantur admovere manum, atque poscentibus ius reddere, priuatumque pariter & publicum commodum promovere, illudque in votis Regiam Maiestatem habere, ut hanc inclytam Rempublicam, suo imperio florentem, & omnibus incrementis & ornamentis auctam & cumulatam videat. Cæterum ad id efficiendum ordinum consensu, & conspirantibus bonorum voluntatibus opus esse; darent operam itaque Nuntij, ut sepositis priuatis respectibus in præsentī conuentu publica negotia tractentur, cessura cuncta ex animi sententiâ, totius Reipublicæ expectationi optato & felici euentu Regiâ Maiestate libenter adnitente & promouente responsura. Responso eiusmodi tam miti nequaquam contenti Nuntij, longo & prolixo scripto illud confutare ausi sunt; cuius ea summa fuit, ut prorsus omnes Regias excusationes rejicerent, neque ullis conditionibus acquiescere velle viderentur; ideò fiebat, quòd Palatinus Cracouiensis, cuius omnia consilia in disturbandis Comitijis versabantur, Lanchoronâ iam mouerat, magnaque tam clientum suorum, quàm militum stipatus manu, Stęzicam versus progrediebatur; ut & ijs, qui in Comitijis dissoluendis suam illi operam nauabant è viciniori loco animos adderet, & Stęziciensis conuenticuli indictam à se diem obiret.

Iam præcipui aduersæ factionis Ioannes Radiuilus, cuius suprà fecimus mentionem, Stanislaus Stadnicius Lanczuti Dominus, Petrus Goraiscius, Iacobus Sienieuius, Martinus Bronieuius, Andreas Meczynius, omnes primarij Hæreticorum illius temporis antesignani & propugnatores, futuriq̃ tumultus auctores & litui, nullo Regiæ digni-

*In ordinandis Regijs redditibus quis modus teneatur.*

*Obligatio bonorum Reipublicæ dote prioris Reginæ, morte illius extincta est.*

*In conferendis bonis Caducis quæ ratio obseruetur.*

*Leges cur executioni non mandentur.*

*Regis desiderium ut Regnum Polonia omni felicitate floreat.*

*Tam miti Regis responso apud ordines nihil proficitur.*

*Cuius rei causa Palatinus Cracouiensis.*

*Ioannis Radiuili & affectuum temeritas.*

tatis



tatis & Senatoriæ auctoritatis respectu, ita ea quæ Nuntiorum nomine proponebantur, tumentis & mordaci verborum fastu, atque aculeatâ oratione vrgebant, vt prorsus à pace & concordia alienum eos gerere animû constaret. Radiuilus quidem publicæ causæ prætextu, priuato in Regem odio ferebatur; quòd sua in Rempublicam merita minoris fieri existimaret. Acciderat prætereà vt Rex Carolus Chodkieuicio Supremo in Lithuaniam exercituum Duci Præfecturam Dudensem, quam Radiuilus sui iuris esse contendebat, sed quòd possessionem eius nec viuo, nec vitâ functo patre, legitimè secundum iuris formam adiisset, iure eius excidisse putaretur, conferret. Eâ re, sed multò magis æmulatione eiusdem Chodkieuicij, quòd eum in locum patris sui Palatini Vilnensis, qui summus item exercitus Lithuanici Dux erat, suffectum, & rebus præclare gestis, & Regiâ gratiâ florere videret, iuuenis elati animi accensus & quasi irritatus, omnes eò conatus intenderat, vt quàm maximis viribus excrecentem factionem promoueret, Regique ipsi negotium facefferet. Stadnicus verò dudum inquieti vir animi, discordijs ciuilibus assuetus, factiosus idem & audax, militarisque ferociæ ostentator; dum occasione nouarum rerum quoquomodo crescere cupit, tanto studio in causam eam ferebatur, vt potentiâ & factione primas ferè partes sibi assumeret, nec vt cæteri ambigua differens, sed palàm & apertè hostilem in Regem animum se gerere ostèderet. Cæteri item, quòd eâ rerum, quam sibi animis desponderant, conuersione, ad religionis vel potius hæresis suæ incrementa faciliè, ipsomet Palatino & Catholicis factionis eiusdem, si non adiuuantibus, at certè conuiuentibus se abusuros sperarant, nihil intentatum relinquebant, dummodò rem ad tumultum deducerent. Nemo erat in Senatu, qui impendentis tempestatis, quam apparebat latius processuram, ingentemque calamitatem Reipublicæ allaturam, periculis non moueretur; quamobrem boni omnes, ac quietis & otij amantes, omnes eius auertendæ rationes ineundas esse censebant: præcipuè verò (nam non adeò obstinatum Palatini animum esse plerique veteres eius amici existimabant, vt non, si benignius cum eo ageretur, de sententiâ cessurus, factionemque eam, quæ tota hæreticis constaret, relicturus crederetur) appellandum eum eo nomine secretâ aliquâ legatione consulebant. Rex, etsi pertinaces Palatini sensus satis perspectos haberet, ne quam tamen illius sanandi rationem prætermittere videretur, se eò abduci passus est, vt Petrum Scargam Societatis Iesu Presbyterum ad eum mitteret, cuius persuasioni, quòd admodum familiariter antea illo vteretur, locum daturus putabatur. Summa legationis erat, vt Palatinus ijs quæ eum, qui illo duce & auctore excitabatur, motum consecutura erant, & in quantum Rempublicam & religionem Catholicam discrimen conijceret, expensis, maturè coeptis desisteret, nec priuato odio publicam causam prætexeret, seque seditiosis & hæreticis ad perturbandam Rempublicam ducem ne præberet: id si fecisset, faciliè ea, quorum

*Eius malus in Regem animus, quòd Rex Præfecturam Dudensem ad Carolum Chodkieuicium detulerit.*

*Eiusdè æmulationis cum Chodkieuicio.*

*Stadnicus occasione tumultuum ciuiliū crescere cœpit.*

*Hæretici per occasionem turbata pacis publicæ hæresim augere intendunt.*

*Boni patriæ amatores quid mali ex ijs moribus Polonia impenderet præuidebant.*

*Quibus suadentibus Rex mittit Petrum Scargam ex Societ. Iesu ad Palatinū, vt dispiceret in quantum periculum Rempublicæ & religionem Catholicam conijceret.*



rum causâ malè in Regem animatus esset, sublatum iri. Eâ legatione, quæ cum mitiorem redditura putabatur, factus elatior, non quasi vnus è Senatu, sed tanquàm is, qui solus omnium rerum & consiliorum publicorum arbitrum ageret, Regio nomine compellaretur, respondit: se nullâ priuatâ offensâ commotum, causam publicam suscepisse, vt eorum sententiæ, qui sub ipsis Comitijis Stæzicenfibus conuentum indicendum passim flagitabant, subscriberet: idèò factum esse, quòd ex ijs quæ Regio nomine priuatis in conuenticulis proponebantur, metus quidam magni in Republicâ periculi cunctis iniectus esset, ne spretis ijs, quorum causâ priora Comitia dissoluta erant, futura inuitis ordinibus expedirentur, Rexque velut ijs, quibus illi regnum delatum est, legibus solutus & conditionibus, quarum satisfactio hætenus expectatur, non expletis, absolutè imperium in libero populo vsurparet: maximè cum eò res spectaret, vt inuitis & dissentientibus alijs, paucorum assensu Comitia concluderentur: Conuentum quidem istum Stæzicensem, multis de causis vtilem, & admodum opportunum fore, modò Rex illius commoditate vti velit; nam facilius de sententiâ omnium ea, de quibus in Comitijis conuenire non posset, deciderentur. Suadere itaque Regi, vt ijs ante omnia, quæ meritò ab illo postulantur, satisfaceret, metumque absoluti imperij, qui quorundam aulae Magistratuum insolentiâ, & agresti hominum tractatione augebatur, ex animis subditorum euelleret; vacantes Magistratus ex suâ & Reipublicæ dignitate, viris idoneis & aliorum iudicio probatis conferret: postremò ne tali matrimonio, quod citra multorum assensum cum sorore prioris vxoris iniuit, hacque iteratâ cum domo Austriacâ affinitate, Respublica in discrimen veniat, sufficienter caueret. Eo responso cum non satis explicaret mentem suam, quinam iste esset metus, & vnde profectus, cur cæteris, qui in eadem Reipublicâ speculâ essent, ignotus; fremebant plerique è Senatu, illum vnum tantum prospicere, quantum vniuersi aduertere non possint, & tantum industriæ, & in Reipublicâ custodiâ vigilantia sibi arrogare, vt cæteros vel negligentia vel perfidia damnare videatur; veniret & non è longinquo collegarum iudicia cauillis arroderet, sed coràm in publico Regni consessu, more Maiorum, quid vellet expromeret, hasque ipsas, quas à Rege præstari vult satisfactiones & cautiones vrgeret: si æqua postulauerit, iturum Senatum in eius sententiam, vel si nihil nouum aut maiori dignum consideratione attulerit, inanès metus, & ficta somnia reprobaturum. Quare vt intelligeret ipsius actionibus Senatum permoueri, grauitèrque ferre, ab vno omnibus leges præscribi, è publico omnium consilio Rege annuente missi sunt ad eum è Senatu, Albertus Baranowski Episcopus Plocensis, Stanislaus Krasinski Palatinus Plocensis, Andreas Przyemski Castellanus Gnesnensis, qui publico nomine ex eo causas noui illius in Republicâ motus exquirerent, ac quorsum eius conatus tenderent, explorarent. Non alij, nisi quos Palatinus eò secum ad-

*Hæc legatione  
Palatinus  
factus elatior.*

*Eius respon-  
sum.*

*Alios Senato-  
res malè ha-  
bet, Palatini  
Cracouiensis  
tantum sibi  
vsurpantis  
sactus.*

*Mittitur à  
Senatu ad  
Palatinum  
Cracouiensem.*



*Conuentus ad  
Stezicam.*

*Qui Senato-  
res ei conuen-  
tui interfue-  
runt.*

*Palatinus  
Cracouiensis  
facti sui ra-  
tionem in se-  
creto colloquio  
reddit aliqui-  
bus Senatori-  
bus.*

adduxerat, principio ad Stezicam venerant: sed cum passim vulgaretur, prolaturum isthic Palatinum secretas quasdam, quæ contra Rempubli-  
cam institutæ sunt, machinationes, eius rei curiosi nonnulli, rerum noua-  
rum studio, alij contrà vt gliscentem seditionem suâ præsentia discuteret,  
non plures tamen nisi sex Senatores, inter quos Ioannes Dux Ostrogia  
Castellanus Cracouiensis semper ambigua erga Regem voluntatis, A-  
lexander Romecpolski Palatinus Siradiensis bonarum partium studio-  
sus, & Regi addictus, vt & Stanislaus Bykoroski Castellanus Lencicien-  
sis conuenerunt, quibus tres illi à Senatu missi accessere, ita vt nouem ef-  
sent Senatores. Quorum secreto colloquio petito, Palatinus facti sui ra-  
tionem probaturus, orsus est ab eo tempore, quo Archidux mater ad  
persoluenta iusta filia suæ priori Regis vxori Cracouiam venerat; cum  
Rex cum eâ Niepolomicijs, quò ob pestis suspicionem Cracouia statim  
à funere secesserat, moraretur, passim tum rumorem sparsum fuisse, de  
ineundo cum sorore prioris vxoris matrimonio, pacta firmari, ac quiddā  
maius etiam tanquā de tradendo Austriacis regno tractari. Eā suspi-  
cione se commotum semper, deinceps pro munere Senatorio in omnes  
occasiones intentum fuisse; vidisse Regiam Maiestatem, antiquis consi-  
liarijs spretis, nouos eosque quondam sibi suspectos, & parum gratos ad-  
sciscere, totam aulam, Magistratusque publicos externis promissionibus  
niti, atque cōsilia peregrè petita potissimum valere, eaque vt cæteris alijs  
in rebus, tum in matrimonij negotio obtinuisse: nam licet ter in frequen-  
tissimo Senatu Regia Maiestas publicè declarauerit, se germanam so-  
rorem prioris vxoris non ducturum; ijsdem tamen consiliarijs acniten-  
tibus, & consensum aliorum Senatorum procurantibus, flexit eò mentē,  
vt prætextu quarundam Summi Pōtificis & Imperatoris literarum mu-  
taret sententiam. De quo cum Regia Maiestas secum per literas com-  
municasset, se grauiter commotum, dissuadere conatum fuisse Regiæ  
Maiestati tale matrimonium, atque ne eam pietatis laudem, quam apud  
omnes sibi pepererat, hoc nouo & nulli vnquam, licet consensu summo-  
rum Pontificum initum esset, prospero & felici connubio perditum iret,  
seque exosum subditis ipsis redderet, diligenter & candidè monuisse. Sed  
frustra, obnitentibus ijs, qui malorum consiliorum auctores erant, qui  
inuitato freti, quem ante proximè acta Comitia fieri vidimus, apparatus,  
& potentia fiducia, haud dubiò suos nefarios conatus, malo Reipublicæ  
iam tum exercuissent, nisi eorum alter (Ioannem Tarnouium Archie-  
piscopum Gnesnensem intelligi volebat) diuinitus è medio sublatus, alter,  
Supremus videlicet Marescalcus, morbo prostratus fuisset. Hos eosdem  
Regi persuasisse, illum nullis pactis cum Republica initis teneri: postre-  
mò non debere pati, vt factorum & consiliorum ratio à se exigeretur, non  
defore in Comitijs vires, quibus Cancellario obsistatur, cui nequaquam  
cedendum, neque committendum, vt quemadmodum antea Regiam  
confessionem de initis cum domo Austriacâ, de tradendo illi Regno tra-  
ctatibus



etatibus extorserat, nunc pari ratione simile aliquid attentare auderet. Soluantur licet rebus infectis Comitia, id non adeò magno incommodo futurum, vel si quid aduersi ex eo acciderit, contrariæ factioni & Cancellario imputatum iri: illum interim, vergēte iam ad senium ætate, moriturum, eoque sublato neminem fore, qui destinatis Regijs obsisteret. His persuasionibus obfirmatam Regiam Maiestatem, nec salutaribus suis consilijs, nec vniuersorum ordinum postulationibus in iisdem Comitijs factis locum dedisse: Magistratus Regni, præter omnium expectationem, personis minùs idoneis contulisse; postremò optimis & honestissimis conditionibus promissam iam & ferè pactam Ferdinandi Archiducis Austriæ filiam, sollicitante socru, & id vnum, vt Rex alteram illius filiam vxorem duceret agente, deseruisse, & ad præsentem vxorem prioris sororem animum adiecisse. Curam ægri in Prussia Ducis, priuatâ auctoritate ad Electorem Brandenburgicum detulisse, atque defuncto Cancellario tamquàm malorum consiliorum, & Regiæ potentiae obice, omnem Reipublicæ administrationem ita Regiam Maiestatem in suam potestatem redegissee, vt quibus legibus regnum ad eum delatum sit, omnino oblita esse videatur. Ab eo se quidem & priuatis monitionibus & literis (quarum exempla proferebat) Regiam Maiestatem seriò dehortatum fuisse, acriùs etiam nullo priuato gratiæ respectu, dummodò Senatorio munere defungeretur obiurgasse: sed cùm sua monita contemnerentur, Rexque suspiciones à se obiectas non modò non refelleret, sed tacito etiam assensu quodammodò comprobaret, in eâ opinione se confirmatum, vt eum non tantùm de ineundo hoc omnibus exoso matrimonio, sed & de deferendo atque Austriacis prodendo regno consilia suscipere crederet. Hæc ferè prolixo comprehensa scripto, compluribus suis literis (quas in eâ materiâ ad Regem dederat) Senatoribus ibi præsentibus exhibuit: atque ab ijs qui Varſauiâ venerant, vt hoc ipsum ad Senatum & ordines deferrent, postulauit: verùm illi non esse ex suâ dignitate alienos rumusculos venditare existimantes, id publicè recusarunt; priuatim tamen se cum collegis eâ de re communicaturos receperunt, Palatinumque Cracouiensem, vt, si tantoperè suis istis suspicionibus moueretur, eas aliorum iudicio subijceret, monuerunt. Quæ postquàm Varſauiam perlata sunt, legati que ad Stęzicensem conuentum missi, redierunt, variâ hominum censurâ exagitata fuit Palatini temeritas, quòd leuibus & obscuris motus coniecturis, non modò Rempubicam varijs impleret rumoribus, seditionemque captaret, verùm etiam Regem ipsum immeritò grauissimi criminis reum faceret. Displicere illi matrimonium duobus Summis Pontificibus, quibus id vetandi iubendi que potestas erat, probatum, vniuerso Senatu assentiente initum; id verò insolitum, nec sine aliorum iniuriâ, vnum cunctorum velle esse virtutis & meritorum æstimatorem, eosque ad quos Rex Magistratus Regni detulit, minùs ijs ferendis idoneos existimare non aliam ob cau-



*Comitiorum  
malus suc-  
cessus.*

*In palatio  
Regio tumultu  
incipiunt  
Radiuili.*

*Radiuili ob  
prehensum  
insolentem  
famulum in-  
dignatio.*

sam, nisi quòd suæ factionis non essent; denique illum solum queri quòd non imperet. Nulli patientius reprehenduntur, quàm qui maximè laudari merentur. Id tum egregià animi magnitudine Rex comprobavit, nam tot in se falsis coniectis conuitijs, eà usus est moderatione, ut nulla perturbati animi signa dederit, vnicoque bonæ conscientiae clypeo tectus, omnes inimicæ vocis sugillationes eluserit. Iam ferè præfixum lege Comitiorum tempus exierat, cum varijs altercationibus Nuntiorum, iisdem quibus initio de rebus in cassum disceptaretur: longè quidem eorum maior pars Regiæ declarationi acquiescendum censebat, pauci factiosi futuri motus auctores, rerum nouarum expectatione inescati, omnes concordiae rationes abnuebant. Ac ne quid deesset, quod ad perturbandam pacem publicam, mutuoque irritandos animos pertineret, accidit, ut cum Nuntij in Senatum vocarentur, quò cunctis, qui vel Senatores non essent, vel publico munere non fungerentur, exclusis, soli cum Senatoribus Rege præsentē de ijs rebus de quibus nondum conuenerat, agerent, ac Sigismundus Myszkowski Supremus Regni Marescalcus qui ad fores, ne quis non Nuntius eò ingrederetur attendebat, quendam Zienieuicium, temerè se ingerentem aditu prohibuisset, & magis nitentem seque Radiuili esse familiarem iactantem, verbis & verberē reieciisset, & ille furore percitus, manum capulo tamquàm arma stricturus admouisset, publici apparitores eum prehenderint. Quo Radiuili, qui suis discreti agminibus aream palatij occupant, cognito, tumultum ingentem excitant, aditusque palatij, qui à Regijs satellitibus seruabantur, irrumpere conantur; & nisi Radiuili ipse è fenestrâ suos, ne quid attentarent, inhibuisset, iam tum seditionis & cædis initium factum fuisset. Sedato utcumque eo tumultu, Radiuili in medium progressus fremens fremensque Marescalcum incusat, quòd hominem nobilem nullius criminis reum, non aliam ob causam, nisi quòd suus esset familiaris, verbis contumeliosis affectum ac pulsatum prehendi iussisset, se nomine Equestris ordinis legatione fungi, nullam Marescalci iurisdictionem agnoscere, ac proinde non passurum quidquam grauius in familiarem suum statui, atque inuocato etiam cæterorum Nuntiorum auxilio eius eliberandi omnes rationes initurum. Adstrepēbant cæteri Nuntij suam in eo dignitatem violari asserentes, nonnulli verò dignum facinus hominis insolentis acriori pœnâ censebant; verum Marescalci, qui more maiorum iure in fontem animaduertēre potuisset, facilitas, cæteris, quis acrioris sententiæ auctor esse vellet circumspectantibus, præbuit causam, ut non iudicio, sed amicorum interuentu id negotium transigeretur, ac prehenso deprecatus temeritatis culpam, dimitteretur. Paucis denique interiectis diebus, magno bonorū omnium dolore, irritō effectū, paucis publicę concordie,

ad



ad quam maior pars summo studio ferebatur, obnitentibus: tributo tantum, accedente omnium consensu, ijs potissimum qui hostium incursionibus & periculis obnoxios se esse ostendebant, flagitantibus scito, soluuntur comitia. Cancellarij munus, quod morte Zamoscij vacuum erat, Rex accedente consilio Senatus in his Comitijs ad Matthiam Pstroconium Episcopum Premisliensem proximè Procancellariatus officio functum, hunc verò ipsum Procancellariatum ad Stanislaum Minski Palatinum Lenciciensem nobili & illustri loco natum, eleganter eruditum, ac multis peregrinationibus partâ rerum variarum linguarumque notitiâ clarum, detulit; ac præterea Felicem Criscium vetusti & patricij generis splendore conspicuum, ac in Reipublicæ negotijs strenuè versatum Referendarij honore auxit: cæterosque Magistratus, ne quis eo nomine queri possit, distribuit. At ij quos in Comitijs publicæ omnium concordie refragatos diximus, quasi de eo, quod Rex nullis, ut illi falsò asseriebant, postulationibus, per eos nomine Equestris ordinis in Comitijs factis, & propositis annuere voluisset, conquesturi ad Palatinum solum iam cum suis asseclis illorum aduentum præstolantem se conferunt: simulque in frequentiam eius conuentus conspicati, nec se quidquam posse in eo statuere, eò demum audaciæ progressi sunt, ut unus Senator, & pauci ex Equestri Ordine Senatus & ordinum omnium usurpato nomine, nouo exemplo edictum præscripserint, quo in primis omnia Comitiorum Acta sinistra interpretatione traduentes, quò maiorem Regi apud imperitam multitudinem inuidiam conciliarent, nihil in Comitijs legitimè actum, vi & armis oppressos Equestris Ordinis Nuntios, ac suffragia libera erepta, comminiscabantur. His rebus se permotos, & quòd præterea non leuibis coniecturis, ius liberè eligendi Regis periclitari, libertatesque vniuersæ Nobilitatis in dubium vocari compellerint, non aliâ ratione impendentibus malis obuiam iri posse existimarent, quàm si omnes, qui Rempublicam saluam esse cupiunt, exemplo maiorum, non antea actâ modò ætate, sed nostris quoque, quotiescunque necessitas exposceret temporibus, usurpato, in vnum armati conueniant. Quare ad diem quartam Iunij Lublini Conuentum à se indici, omnesque Regni & magni Ducatus Lithuaniae tam Senatorij quàm Equestris status ordines eò inuitari. Rex cum hæc fieri animaduerneret, ut & ijs mederetur, & confictas in se criminationes amoliretur, simulque de imminentibus ab externis hostibus periculis ordines commonefaceret eorumque subsidium imploraret, ad diem tertiam Iunij particulares per omnes eorum Palatinatum, quorum Nuntij in Comitijs ad sciscendum tributum consentire noluerat, Districtus, conuentus edicit: simulque Senatores per literas monet, ut hos conuentus per se obeant, falsoque vulgatum de Actis Comitiorum opinionem diluant, accuratâ præterea totius Comitialis progressus descriptione per Nuntios suos, non per se stetisse, quominus ijs, quæ proponebantur satisfaceret, vel publica

Finis Comitiorum quæ  
læ.

Regni Cancellariatus  
ad Matthiam  
Pstroconium  
Episcopum  
Premisliensem  
delatus.  
Procancellariatus  
ad  
Stanislaum  
Minski Palatinum  
Lenciciensem à  
Rege delatus;  
& ceteri  
Magistratus  
vacui ritè  
distributi.

Ij qui comitia distur-  
bant, Stazicâ  
ad Palatinum  
Cracouiensem  
se conferunt,  
falsoq; Regis  
actiones in-  
terpretantur.

Palatinus  
cum paucis ex  
Equestri or-  
dine omnes  
ordines ad  
quartum  
diem Iunij  
Lublinum  
edicto conuo-  
care ausus.

Falsa in Regē  
criminationes.

Rex indictis  
per Districtus  
conuentibus  
sparsas ca-  
lumnias re-  
fellit.



blica consilia optatum haberent exitum, edoceant; esse quosdam, qui præsenterum statu non contenti, priuata odia publico prætectu exercere iam dudum in animum induxerant: ab ijs pro libitu conuentus cogi, seditionem excitari, & pernicioso exemplo pacem publicam turbari. Quid tam absurdum, quàm Regem ideò vxorem accipere, vt Regnū prodat, filium Regio diademate insignire velle, vt hanc ipsam dignitatem ad alienos transferat? hæc tamen ab illis sibi inuicem planè contraria fingi, vt fucum faciant: petere Regiam Maiestatem ab ordinibus, ne eiusmodi commentitijs somnijs fidem habeant, quin potiùs hac tam insigni iniuriâ, quam Rex tot immeritò oneratus calumnijs patitur, commoti, temerarias aduersæ factionis actiones publicâ iudicij sui censurâ damnent: testari Regiam Maiestatem, se hoc inclytum Regnum habuisse semper, & demum habiturum carissimæ Patriæ loco, illius iura & prærogatiuas non modò conseruatas, sed auctas etiam esse velle; optare, vt se Imperium obtinente floreat, firmaque sit & locuples, opibus, copijs, & gloriâ vniuersa Respublica; tantum laudis & bonæ apud posteritatem nomini suo memoriæ accessurum, quantò maiora incrementa illa, se imperium obtinente, acceperit. Confidere vicissim Regiam Maiestatem, vniuersos ordines huic optimæ erga Rempublicam suæ voluntati fide Polonâ responsuros, atque vnanimi consensu ad ferendum Patriæ subsidium, præsentemque illius statum, & Regiæ Maiestatis Imperium tuendum, & contra quosuis illius ocores defendendum conspiraturos. Hæc quidem publicè certâ & non dubiâ causæ suæ fiducia à Rege proposita fuere: sed quàm parum illis profectum sit, ex vltiori horum motuum narratione patebit.





# DE MOTV CIVILI

IN POLONIA.

## LIBER SECVNDVS.



VM seditiosorum factio minimè pacatis consilijs contenta fore putaretur, ac turbulenti quique concitantur; Rex quoque suæ incolumitati prospiciendum ratus, Stanislaum Zolkieuium Castellatum Leopoliensem, exercitus campestem, ut vocant, Ducem ad se euocat. Is egregijs animi dotibus instructus, iuuenis adhuc Stephano Regi, non tam Ioannis Zamolscij, cui sanguinis necessitudine coniunctus erat, quàm virtutis & spectatæ indolis commendatione gratus acceptusque, per omnes militiæ gradus, tantum sibi gloriæ pepererat, ut Zamolscius ipse in administratione bellorum, vicariâ ipsius potissimum operâ vteretur, dignumque iudicaret, qui in suum locum succederet. Habebat is vxoris Palatini Cracouiensis sororem in matrimonio, quæ ex affinitate contractâ necessitudo, ne eum Palatino obnoxium consiliorumque fautorem faceret, plerique suspicabantur, ambigebantque quo in Regem animo esset futurus: sed Rex ipsius virtuti confisus, accitum, & Varzauiam venientem honorificè excipit, suisque cum eo communicatis consilijs, quid in præsentis rerum statu agendum foret, deliberat. Ille lætus ex Regis de suâ fide opinione, prolixè operam suam defert, pollicetur se in primis cum Palatino acturum, ne quid ampliùs moliatu noui: quod si is suis consilijs parere noluerit, conatibus eius omni ope aduersaturum, Regique & Reipublicæ præsidio futurum. Multi præterea Russiæ Proceres, Regis moti periculo, ad ferendam illi & Reipublicæ opem sese accingebant; præcipuum istic robur militis, qui præsidij causâ Tartaris in finibus Regni oppositus excubabat: is in potestate Zolkieuij cum esset, facile in Regias partes concessit, magnumque rebus momentum addidit. Interea Lublinensis conuentus auctores, dimissis per vniuersum Regnum Nuntijs & literis, sollicitare homines, his spem præmiorum, illis metum ostentare: multò plura quàm initio de Rege fingendo, simulatione imminentis periculi, ignaris terrorem incutere, id demum postremò agere, ut quàm maximo excitato tumultu, frequentem eum conuentum redderent. Primores eorum militaribus septi turmis, in omnem rei euentum intenti erant. auxerat numerum Castellanus Cracouiensis, qui etsi quo sensu in Rempublicam esset, non se satis explicaret, ac in Regias interdum, nonnunquàm in alterius factionis partes propendere videretur; totoque hoc

Rex incolumitati suæ prospecturus Zolkieuium exercitus campestem Praefectum ad se euocat.

Qui vir fuerit Zolkieuius.

Eius erga Regem animus.

Interim seditionis auctores per totum Polonia Regnum contra Regem homines sollicitabant. Eorum Lublini conuentus. Ioannes Ostrogus Castellanus Cracouiensis sub tempus motus civilis ambiguus.



*Ianusius Ra-  
diuilus con-  
uentus Lubli-  
nensis Mare-  
scalcus.*

*Stanislai  
Stadnicij im-  
pia & teme-  
raria oratio.*

*que sanioris  
consilij.*

*Ea Zolkienius  
Regi signifi-  
cat,*

*suadetq; ut  
vel Craco-  
uiam petat,  
vel aliquo  
munito loco se  
contineat.*

*Regis de ijs  
rebus delibe-  
ratio.*

*Varia Sena-  
torum ea de re  
sententia.*

tumultu ita se gessit, ut neutra pars illi fideret, & nec Regiam gratiam, nec populi fauorem, dubijs eiusmodi actionibus mereretur; Lublini tamen popularem auram captans magnis stipatus copijs, quasi potentiâ suâ nascentem factionem promoturus, consilijs seditiosorum se ingerebat. Venerat eò præterea Stanislaus Zolkienius, iam tum Palatino ipsi suspectus, quasi alienorum à suâ sententiâ consiliorum fautor: cæteri item maxima pars Hæretici, quorum factio cum præualeret, ex eorum sententiâ, potestas regendi conuentus rogandarumque sententiarum (Marescalcum vocant) ad Ioannem Radiuilum delata; qui & potentiâ, & factionis studijs, primas partes tenebat. Palatinus veluti supremus consiliorum arbiter & interpret, breui, nec satis explicato sermone, suæ sententiæ copiam faciens, expectatione alti cuiusdam secreti, suspensos hominum animos tenere volebat; ac cæteris mussantibus, nec quid sibi conuentus ille vellet explicantibus, septimo demum eius die, aliorum ac præcipuè Palatini, ut postea compertum est, instinctu, sub vesperam in maximo hominum, magnâ ex parte temulentorum, tumultu, Stanislaus Stadnicius petitâ dicendi potestate, Regis inprimis nomen incestuoso lacerat ore, impium, periurum appellat, nullo maledicto abstinet, regno, quod pactis initis non steterit, eum excidisse denunciat: se deinceps illius imperio non pariturum, profitetur. Hæc insolens furiosi hominis oratio, seditiosis, & ipsi Palatino grata, ijs verò, qui nequaquam eo animo venerant, ut præsentem Reipublicæ statum immutandum arbitrarentur, noua, & minimè eo confesso digna visa est; sed applaudentibus armatis hominibus, qui Comitium circumsteterant, & incondito sono dicta Stadnicij approbantibus, nemo vnus contradicere, vel maledicta refellere ausus; discessumque eo die è consilio, non dubio quid noua factio moliretur, intellectu. Nam Zolkienius dicta factaque Palatini conferens, nec Stadnicium eò audaciæ progressurum fuisse, nisi Palatini perspectum haberet sensum, coniectans, Regem celeri nuntio, quorsum consilia aduersariorum spectarent, certiore reddit: se in faciendo, & à perniciosis consilijs auocando Palatino operam perdidisse: obstinatum illum in proposito id vnum spectare, ut Regem Regno spoliaret, nunc in eo summam illorum esse consilij, ut vel Regem imparatum opprimant, vel aditu Cracouiæ excludant; suadere se Regiæ Maiestati, ut vel Cracouiam maximis itineribus petat, vel si id tutò fieri non posse existimet, munito aliquo in loco subsistat, se interim militem & præsidia quibus Regi opem ferret celeriter paraturum.

Erant Varsoviæ decem circiter Senatores, consultò à Rege eam ob causam euocati, ne si quid improuisi accideret, omni ex parte imparatus esset: ad eos, cum de eo periculo Rex retulisset, pars illorum maior cedendum, Prussiamque sibi fidam, & munitis oppidis tutam petendâ, donec interim maiora subsidia pararentur; alij contra hostium conatibus obuiam eundum; ac dum eorum nutant consilia, relictis omnibus impe-



impedimentis, Cracouiam penetrandum suadebant. Rex in eo statu  
 nutantibus plerisque ac metu perterritis, ab animi magnitudine confi-  
 lium mutuatus, nequaquam dignitati suæ conuenire hostium minis  
 tantoperè permoueri, vel signa timoris præ se ferre, respondit: proinde  
 iturum Cracouiam solito comitatu, non existimare hostes eò audaciæ  
 progressuros, vt iter suum impedian; quod si id facere conati fuerint,  
 non defore sibi rationes, quibus securitati suæ prospiciat: confidere se  
 virtuti & fidei Polonæ, denique omnia potiùs perpeffurum, quàm vt  
 aliquid se & nomine suo indignum committat. Simul aulicum suum pe-  
 ditatum ad iter faciendum expeditum esse, tormenta currulia ex arma-  
 mentario depromere, aulae vniuersæ comitatus vt in omnem euentum  
 paratus sit iubet, itinera omnia & Istulæ traiectus exploratoribus implet,  
 ac vt hostem contrariâ profectioni suæ opinione distineret, naues ador-  
 nari, & inanibus sarcinis onerari, tanquàm Gedanum, vel Torunium  
 Istulâ nauigaturus mandat, nec profectionis suæ consilium, nisi duabus,  
 antequàm equum conscenderet horis, aperit. Quod vbi pronunciatum  
 est, iterque apparari cœptum, videre erat plerosque varias, ne in eodem  
 essent, in quo Rex versabatur, periculo, subterfugiendæ profectionis  
 occasiones circumspectare; hic morbi simulatione vt, ille negotijs dis-  
 tineri, alius tam arctum pronunciatum itineris tempus incusare, maxima  
 pars temerè, vt illis videbatur, suscepti consilij Matthiam Pstroconium  
 Regni Cancellarium eius suasorem maledictis incessere. Cōtrà alij egre-  
 giâ in Regem fide, pro eius vitâ & dignitate omnibus periculis defungi  
 volentes, vltro eius viæ comites sese offerebant; è quibus Hierony-  
 mus Gostomski Palatinus Posnaniensis, quò sua in Regem esset te-  
 statior voluntas, non seipsum modò exactâ iam ætate & valetudine im-  
 peditum periculo obtulit, verùm vxorem etiam & filios secum duxit.  
 Rex ipse toties denunciati periculi metu numquàm permotus, ac vana  
 hostis terramenta, quæ partium fautores, quò Regem à proposito auo-  
 carent, callidè vulgabant, eosque qui illis fidem habebant, palàm irri-  
 dere solitus, eundem semper animi vigorem ac imperterriti vultus con-  
 stantiam præseferbat. In itinere Stephanus Potocki Felinensis Præfe-  
 ctus, cum instructo comitatu Regem assequitur, Marefcalcus verò Re-  
 gni Myscouius sexto à Cracouiâ milliari, Regi obuiam progressus, egre-  
 giè sub signis instructos quingentos circiter equitum & peditum mili-  
 tes, Regio comitatu adiecit. Octauo demum die solitis itinerum spa-  
 tijs, & ijsdem quibus semper vti consueuerat statiuus, Rex Varfauia Cra-  
 couiam venit; exceptus cum Bernardi Macieioij Cardinalis & Archie-  
 piscopi Gnesnensis, Stanislai Minski Procancellarij, Sebastiani Lubo-  
 mirski Castellani Voinicensis, Ioannis Comitæ Tenczynij aliorumque  
 Procerum, tum præcipuè vniuersæ vrbis eximio quodam applausu, &  
 insolitâ gratulatione. Pridiè quàm Rex eò venisset, præsidium trecento-  
 rum & quinquaginta peditum, quod Palatinus in arce habebat, ad fa-

Regij animi  
magnitudo.

Rex Craco-  
uiam petere  
constituit.

Eius de egre-  
giâ Polonorū  
fide iudicium.

Ad celandum  
hostem Regij  
consilij quid  
fuerit factu-  
rus.

Multis Regem  
deserunt, cō-  
perto eum  
Cracouiam  
prosciscisci.

Illustre fa-  
ctum Hiero-  
nymi Go-  
stomski Pala-  
tini Posna-  
niensis, in con-  
testando erga  
Regem ani-  
mo.

Stephanus  
Potocki Regij  
Cracouiensis  
itineris co-  
mes.

Sigismundus  
Myscouius  
Regni Ma-  
rescalcus cum  
quingentorum  
militum  
agmine ob-  
uiam progre-  
ditur.

Regis Craco-  
uiam aduen-  
tus.

Quò Palati-  
nus Craco-  
uiensis Regem  
præuenire co-  
natur, sed  
mam frustra.



mam Regij aduentus inde exceſſerat : nam Palatinus aliquantò de Re-  
gis Varſaviã profectione edoctus, quò Regem anteuerteter, atque Cra-  
couiã ingreſſu, quoad Reipublicã adminiſtrataẽ vniuerſis Regni ordi-  
nibus rationem redderet, prohiberet, iter eodem Lublino accelerabat;  
ſed certior factus ſe à Rege præuentum eſſe, ne ſuum iſtic præſidium  
interciperetur, vt conſeſtim inde deduceretur imperauerat, ipſe ad  
Zauichoſtum ſpe occupandã Cracouiã deiectus, ſubſtitit. Cæterùm  
priuſquàm ille Lublinenſis conuentus ſolueretur, decreuerunt ad Re-  
gem ſolennem legationem, ſtatuertũque, vt niſi Rex ei pareret, ſub-  
diti fide quã Regi obſtricti ſunt ſoluerentur, atque generalis quidam &  
vniuerſalis conuentus, Rocos, petito ab Hungaris nomine, appellatus,  
ad diem ſextam Auguſti indiceretur, graui & minaci promulgato edi-  
cto, vt omnes quicunque nobilitatis prærogatiuã gauderent, præſtò ad-  
eſſent; militem prætereà Palatinus, Radiuſius, Gorayſcius, Stadnicus  
Reipublicæ præſidio futuri ſcriberent: demum ea auctoritas poteſtaſq;  
erat futuro conuentui, vt eo durante, omnis cunctorum ordinariorum  
Magiſtratum iuriſdictio ceſſaret, iuſtitium publicum eſſet, fora clau-  
derentur, ſumma Reipublicæ in manu & arbitrio armatæ multitudinis  
Equeſtris ordinis conſiſteret: Rex & Senatus, ac vniuerſi Magiſtratus,  
geſtæ Reipublicæ conſiliorum & functionum ſuarum rationem in pu-  
blico illo conſilio reddere tenerentur, laudem inde relaturi vel pœnam:  
qui eò non veniret, bonis conſiſcatis, iure & prærogatiuã nobilitatis ex-  
cideret.

Hæc dictu ſpecioſa, & imperitæ multitudinì, quæ eã ſeditione gaudet,  
& leui de cauſa concitatur, grata erant: cæterùm prudentiores iam tum,  
quàm pernicioſo in Republicã exemplo is conuentus cogeretur, diſpi-  
ciebant: omnes futuros ſine legitimo imperio, exleges & ſui quemque  
arbitrij: quòd ſi moderatio aliqua & forma politiæ in ſpeciem adhibea-  
tur, eos primas partes, concitataẽ multitudinis ſeditioſis ſuffragijs habi-  
turos, qui apud vulgum ſeditionem ipſam ſint concitaturi. Egregios  
verò cenſores, & legum latores, ac totius Reipublicæ reformatores, qui  
non virtute, cuius æſtimatio non ita facilis eſt vt à quolibet diſcerni  
queat, lecti, ſed diſſonis vocibus adſciti, & alijs prælati, ex ſuã libidine  
res ſint æſtimaturi; vix legitimo imperio diſciplinam retineri, nedum  
inter certamina ſeditionum, modeſtiæ, vel quidquam probi moris locum  
habere. Impellere multitudinem quò velis, non arduum; regere & re-  
tinere difficillimum: non fore in poteſtate Palatini, finem his rebus  
quem voluerit imponere, nec eo modo reformandæ Reipublicæ legiti-  
mam rationem iniri, ſed bellum ciuile apparari, cuius ille auctor &  
concitator, Regis deſertor, proditor Senatus, Patriæ hoſtis & pernicies,  
& præſentis, vbi redditã Reipublicæ luce actiones illius excuſſæ fuerint,  
& futuræ ætatis iudicio ſit auditurus. Hæc tum vario hominum ſermo-  
ne agitata, exitus poſteà comprobauit. Scripſerat Rex vniuerſis Senato-  
ribus,

*Prudentiores  
videbant  
quàm exitio-  
ſus Reipublicæ  
futurus erat  
Conuentus  
Lublinenſis.*

*Rocos nomen  
vnde dictum.*



ribus, ut cum tanti momenti Lublino ad se mitteretur legatio, quæ ad Reipublicæ statum pertineret, ad eam audiendam, & quid legatis respondendum foret, consilij copiam facturi ad diem trigesimam Iulij Cracoviam venirent, imminentemque tempestatem, collatis in unum studiis auerterent, Regiæque & suæ dignitati consulere, atque etiam securitati prospicerent. Pauci initio venire ad diem præstitutam, dataque legatis Lublinensis conuentus dicendi potestas, qui ex scripto ea que sibi commissa erant recitarunt. Continebat ea legatio easdem fere, quas in Comitij à Nuntiis propositas fuisse suprà memorauimus, querimonias, sed acerbioribus concepta erat verbis, & mordacibus exiguo Regiæ dignitatis respectu referta sententijs. Postremò illud postulabatur, ut Rex vel in administratione Reipublicæ se errasse, vel consultò & temerariè, data fidei ac iurisiurandi obliuione, leges & libertates Regni violasse, ac pactis conuentis non stetisse fateretur, & vel culpæ vel errati veniam in conuentu illo Rocossiano, quò illum inuitabant deprecaretur, atque insuper Rempublicam metu omni, qui vel ab ijs qui maiorum consiliorum Regiæ Maiestati & absoluti Imperij duces & auctores sunt, imminet, liberaret. Huic tam superbæ denunciationi erant qui pari verborum acrimoniâ respondendum censerent; sed non expedire visum, satis per se exacerbatos, & omnia commouendi, Regemque sinistrè traducendi occasiones aucupantes, intempestiuè irritare: itaque in eam fermè sententiam, Cancellario Regis nomine verba faciente responsum est. Præter omnem Regiæ Maiestatis expectationem, hos extra ordinem conuentus indictos, multaque quæ more & instituto maiorum in Comitij expediri deberent, ibi pertractari; Regemque prætereà immeritò in suspicionem vocari; paratum eum fuisse in præteritis Comitij Regni, Ordinum postulationibus satisfacere, seriò actum de eo fuisse, & nisi ij, qui eo consilio, ut Comitia dissoluerent, remque ad tumultum deducerent, publicam vniuersi Senatus & Nuntiorum cõcordiam, suo dissensu irritam fecerunt, obstitissent, omnia facillè conuentura fuisse. Nunc eò ventum, ut duobus iam actis conuenticulis, neque ijs quæ iactabantur suspicionibus declaratis, tertius insuper is, in quo ut Regia Maiestas postulationibus ordinum satisfaciatur, & secum Senatum sistat, postulant, indiceretur. Non posse Regiam Maiestatem ad ea respondere, nec quidquam in re tam nouâ polliceri, nisi prius Senatu consulto, quem breui frequentem fore sperat: intereà hortari, ne temerarijs consilij Rempublicam in discrimen conijciant, modestiâ potius, quàm pertinaciâ quod velint impetraturos, daturam vicissim Regiam Maiestatem operam, ne quid in suo munere desideretur. Sic legati dimissi.

Sub idem tempus de Demetrio Moschorum Principe fraude subditorum caso, nostrisque istic partim interfectis, partim captis, literæ ad Regem allatæ sunt. Demetrius adepto Principatu minimè tantæ fortunæ capax, suam acerbæ & impotentis Dominationis vim exercuit; nam

*Rex Senatores  
conuocat ad  
audiendam  
ad se missam  
legationem à  
conuentu  
Lublinensi.*

*Contenta cum  
legationis.*

*Ad ea Re-  
gium respon-  
sum.*

*Legatio Mo-  
schonica  
de Demetrio  
Moschorum  
Principe caso.*

statim



statim parto imperio, cædibus illustres familias exhaurire, stupris domos polluere, sacra & profana priuatâ libidine interuvertere, ærario longâ Principum parsimoniâ corraso, & quasi sacro, auidas manus iniicere, ac publicis opibus superiorû Ducum victorijs partis, ex hostilibus copijs cumulatis, tanquàm alienis abuti: hæc hominē ignotæ stirpis, & è tenebris ad tantum fastigium progressum, dudum inuisum reddiderant. Polonorum demum aduentu, & tanto nuptiarum apparatu auctum ei odium apud Moschos, qui fueri antea nonnisi suæ gentis homines, vel rarò exterorum legatos conspiciere, ægrè ferebant nunc tot millia hominum adduci, patere cuncta hospitibus, vel veriùs hostibus suis; eos, ni maturè caueant, Moschorum nomine extincto, rerum potituros. Iam ipsa prædæ occasio, nostris nuptiali apparatu exornatis, inuitare videbatur auidos, & alienis opibus inhiantes, equos, phaleras, vestem sericam, aurum argentumque sibi despondentes. Id auctore potissimum Suiscio agebatur, qui primariâ familiâ ortus, hæreditario iure, & generis prærogatiuâ, sibi Principatum deberi cùm censeret, eum à tenebrione isto interceptum indignabatur: sed cùm palam quidquam attentare minimè auderet, quòd & plebs benigniùs à Demetrio culta, non facilè illum de fertura putaretur, & robur Polonorum, visque militaris, sæpiùs bellis experta terreret, clàm exercitum, qui proximè à Demetrio, noua imperia atque regnum ipsum Poloniae, non obscuris quorundam in eum studijs animo voluente, magnâ curâ conscriptus, ad salutem eius iussu statim habebat, corrumpit. Polonos eo animo venisse vt Moschos opprimant, eorum nunc esse Vrbe in ipsâ aliquot millia, multò maiore numero Duce Chodkieuicio subsequi alios, opprimendos priores incautos, & nuptiarum celebritate temerè securos, priusquàm cæteri veniant; hæc in Polonos tantum apparari simulat; de Demetrio consultò nulla facta mentio. Apparabantur interim nuptiæ, ac sponsa splendido comitatu cum Regijs oratoribus urbem ingressa, nec minori pompâ, ac ficto Procerum applausu excepta, in Monasterio, vbi ea quæ mater Principis esse putabatur manebat, deponitur, tempus inaugurationi futuræ assignatum ibi præstolatura. Vbi dies, quæ fuit feria quinta magna, quam sibi Demetrius aliquot euentis felicem erat expertus, illuxit, sponsa eo quo Moschouitica matrone Principes vtuntur, more inducta, Regio cultu gemmis onerata magis quàm ornata, ad templum deducitur, ibique ritu Græcorum sacris peractis, ab Episcopo qui Patriarchæ nomen, nouâ, vt aiunt, Constantinopoli Patriarchæ concessione, sibi usurpat, inaugurata, & Ducalibus insignijs exornata, futura Principis coniux & Imperij consors, populo applaudente & fidem suam ei obstringente, declaratur: passimque in vulgus aurei & argentei nummi, liberalitatis & magnificentia testandæ causâ, iussu Principis iactati. Postridie demum solennia nuptiarum, sponsis inuicem fidem matrimonij iuramento firmatam sibi dantibus acta, Moschis, quòd ea dies memoria mortis Seruatoris

*Moschis Polonorum illic aduentus inuisus & suspectus.*

*Suiscius Moschus auctor conspirationis contra Demetrium,*

*eiusdem exercitum corrumpit.*

*Aduentus in Moschouiam magnæ Ducissæ Palatini Sendomiriensis filia;*

*Eiusdem inaugurationis;*

*eiusdem nuptiarum;*



uatoris nostri dicata, religiosius cum omnium Christianorum, tum potissimum Moschorum observatione transigi soleat, intempestiuam lætitiæ solennitatem abominantibus. Sed Princeps innatâ superbiâ rebus tum ad votum succedentibus elatus, in ipso temulenti conuiuij strepitu, quod Alexander Gazficius Regis legatus, Cæsareo nomine eum com-  
pellare recusauerit, non in illum modò præsentem, sed in Regem ipsum, à quo in Polonia liberaliter fuerat exceptus, eoq̃ue & conuiuente & fauente tantum Imperium adeptus, sermone procaci inuectus, bello se eam iniuriam vindicaturum minatus, in tantum efferbuerat, vt nisi Palatini Sendomiriensis interuentu mitigatus fuisset, violentas legato manus admoturus videretur. Caterùm Polonorum studia affectans, simulatâ comitate eos sibi conciliare volebat, appellando benignè, atque depositâ Principis personâ, familiariter cum illis conuersando, idq̃ue potissimum extremo infaustæ istius lætitiæ die: quos solennibus epulis instructo conuiuiò, mensæ adhibitos, posteaquàm vino incaluisse videt, mutuis ad compotandum inuitationibus, hilarem & iucundum se exhibens, commilitones, contubernales, suæ fortunæ socios appellabat, illorum operâ se deinceps vsurum dictitans: hæc & id genus vulgo militum grata, dubios interdum de Rege interserens sermones, iactabat. Destinatum erat iam tum Moschis cædem meditatam perficere, sed noctem à nostris conuiuij causâ peruigilem actam, suspectam habentes, in posterum diem destinata distulerunt; erant qui Palatino infidias strui denunciarent, certaqué eius rei indicia proferrent: verùm ille fatali socordiâ hæc contemnens, eosq̃ue qui hæc deferebant, tanquàm temerè pauidos increpans, nihil tale euenturum affirmabat. Ecce verò altero die, instructis paratisq̃ue rebus omnibus, signo maioris æris campani, quod ingentis tumultus est indicium, sole oriente dato, præcipui cum armatis cohortibus arcem, nequicquam satellitibus qui custodiæ causâ excubabant, resistentibus, irrumpunt, fores Palatij Principalis cubiculi effringunt, Demetrium tumultu excitatum ad Bosmanum fidum sibi, qui proximè cubabat, progressum, sed illo iam cæso, in se impetum fieri conspicantem, nec amplius vxori, nisi se quidem fraude proditum esse, illam tamen citra periculum fore prolocutum, rapiunt, ac è superiori loco fenestrâ deiectum, contumeliosè tractatum, ante fores domus, in quâ Palatinus erat (quam veriti ne ea à populo inuaderetur, principalesq̃ue thesauri, qui curribus impositi in Poloniam mittebantur, discerperentur, militari custodiâ initio tumultus sepserant) protrahunt, ibiq̃ue, quò conspectior mors foret, obtruncant. Plebs vniuersa, tanquàm Principem, quem à Polonis inuadi coniurati conclamabant, defensura in eorum hospitia impetum facit, fit vndique atrox cædes, & plurima mortis imago. Dux Visneuecius vir militaris, cum se peti videret, cohortatus suos vltro prorumpit, ingentiq̃ue editâ strage, Moschos reicit, iterumq̃ue inuadere volentes, pari felicitate ita profligat, & in

Demetrii Moschonia Ducis fastus, quem Alexander Gazficius Cæsareo nomine appellare abnuunt.

Demetrius studia Polonorum ambit.

in Sigismundum III. Regem Polonie ingratus.

Demetrium fictum Moschonia Ducis obtruncant Moschi.

inter Polonos & Moschos atrox vtriusq̃ cædes.

Visnieuecij in illo tumultu, & Polonorum virtus.

fu-



Proceres  
Moschi sedare  
conantur  
tumultum.

iurandi ritus  
Moschis.

Palatinus  
Sendomiriensis  
cum Moschis  
transfert.

Poloni arctâ  
ibidem custodia  
circumdati : Suiscius  
Magnus Moschouia  
Dux declaratus.  
Rocossianos  
cum Demetrio  
de tradendo illi  
regno tractasse  
fama erat.  
à Demetrio  
summa centum  
millium  
florenorum  
Stadnicio Regis  
oppugnatori  
destinata, sed à  
Moschis intercepta.

Placuit mitti  
primarios  
Senatores ad  
Rocossianos.

fugam vertit, vt deinceps propius accedere ausi non fuerint : non absimili quoque audaciâ cæteri in sui defensionem prorumpunt, cædeque ingenti editâ, vt ipsi quoque non inulti caderent, efficiebant. Cæso demum Demetrio, Proceres ad sedandum tumultum, quem mutuâ vtriusque gentis pernicië fieri videbant, conuersi, imprimis Galicinus primarius Senator, Palatinum clarâ voce compellans, vt certos homines qui de pace cum Proceribus agerent mitteret, monet, simulque impostorem dedisse pœnas significat occisumque demonstrat, ac exosculatâ cruce (isiurandi apud Moschos ritus) fide datâ firmat. Palatinus circumspectis ijs rebus omnibus, se in angusto videntem, & spem omnem, nisi quam hostis daret, salutis præcisam, acceptis datisque obsidibus, cætera, vt in tali casu, magis ex hostium, quàm suo arbitrio componit. Nostri hospitij datis custodiis coercentur, Suiscius tumultuarijs coniuratorum suffragijs Princeps declaratur. Hæc cum in Poloniam nunciata essent, nemo erat qui non vicem cæsorum captorumque istic doleret, multis cognatos affinesque suos desiderantibus. Constans eo tempore fama erat, nonnullos è factione Rocossianâ promissis Demetrii inescatos, clam cum eo de tradendo illi Regno consilia iniuisse, atque de Lublinensis conuentus euentu, impendentiumque motuum successu, celeriter per dispositos equos misso nuntio, certiorum eum reddidisse : verumne id fuerit, affirmare non ausim; minimè tamen ea quæ tum in ore populi erant, silentio præterire debui : hoc tamen constat impostorem illum, ingentem pecuniæ summam certis hominibus (ac inter alios Stadnicio acerrimo Regis oppugnatori) centum millia florenorum ex thesauro depromptam mittendam destinasse, iamque curribus impositam vt in Poloniam veheretur, per Moschos, eo demum interfecto, interceptam esse.

Deliberabat interea Rex Cracouiæ cum Senatoribus qui frequentes venerant, quid in tali totius Regni perturbatione facto opus esset : mitti itaque placuit Regis nomine primarios è Senatu, mitibus cum mandatis, atque in illo conuentu palam declarandum, Regem in eo semper fuisse, vt & conditionibus, quibus sibi hoc Regnum delatum est, satisfaceret, & iura Regni secundum datam à se fidem conseruaret, actueretur; si quid prætereà desideraretur, non alienam fore Regiam Maiestatem ab ineundis eiusmodi rationibus quibus Reipublicæ satisfiat : modò more maiorum & non per tumultum id sibi proponatur, ostendendum postremò nihil minus Regem, quàm de deferendo hoc Regno, vel (quod absit) prodendo cogitare. Delecti qui legationis munere fungerentur, Petrus Tylicki Episcopus Cracouiensis, Stanislaus Minski Regni Pro-cancellarius, hi ambo Palatino, quod in continuâ eius essent amicitia non ingrati futuri, ac proinde fidem & auctoritatem habituri, multumque priuatis etiam admonitionibus effecturi credebantur. Rocossianæ factionis duces, maturè locum futuro conuentui designatum, armatis hominibus occuparunt; cæteri nouarum rerum studio, plures incerti quâ de cau-



sâ euocati, vnum illud, ne si non comparerent, graui poenâ mulctarentur veriti, nec quid vel à quo iuberentur gnari, certatim se accingebant: is certè erat rerum status, vt vnus in aliquo districtu seditiosus & audax, cæteros quantumuis pacatos, quocumque vellet, traheret: videre erat senio confectos patresfamilias, & longo otio desides, segnem & bellorum oblitam Nobilitatē, arma expedire, mercari equos, & velut hostis adesset, in prælum accingi, bellico apparatu cuncta strepere: pauci admodum, non modestiæ modò memores, ac præsentis rerum statu cōtenti, verum etiam toto eo negotio diligenter expenso, se vnus Senatoris, & paucorum seditiosorum edictis cogi non posse, nec debere considerantes, domi rei familiaris curâ occupati, alienæ vel insanix, vel stultitiæ spectatores esse, quàm focij maluerunt, nec se istis motibus immiscuerunt.

*Ex nobilitate prudentiores illis motibus non se immiscuere.*

E Senatu præcipui quique magnum Equestris Ordinis numerum secum adducentes, Cracouiæ Regi præstò fuere: sed præcipuè Russiæ Proceres Regiarum partium robur, frequentibus bellis assueta armis Nobilitas, equis virisque insignes, ac numerofo comitatu, vt soliti, Regi operam suam deferebant. Stanislaus Zolkieuius Regis & Senatus mandato, militem, qui Regi præsidio esset adducere iussus, atque cum his, qui suâ sponte in gratiam Regis nomina dabant, coniunctis viribus iusto exercitu versus Visliciam progrediebatur, quò Rex copias omnes coire iussit, quòd oppidum illud medio Sendomiriam inter & Cracouiam, & naturâ munito, vastas & imperuias paludes, Nidâ flumine circumfundente loco, fertili ac vberi solo situm, & ad conferenda cum aduersâ factione consilia, rationesque concordix proponendas, ob propinquitatem percommodum, & ad hostes arcendos, si, quod initio se facturos superbis denuntiationibus ostenderant, vim attentarent, & arma versus Cracouiam promouere vellent, valdè opportunum esset.

*Præcipui è Senatu Regi addicti erant.*

*sed maximo subsidio fuere Russiæ Proceres.*

*Stanislaus Zolkieuius exercituum Dux Campes- tris militem è Russiæ finibus præsidio Regi ducit.*

*Vislicia situs.*

Igitur tertio Idus Augusti Reginâ vxore & filio cum iusto præsidio Cracouiæ relictis, Rex cum tribus circiter equitum & peditum millibus, ac magno Senatorum, Nobilitatisque numero, versus Visliciam mouit, ac biduo in itinere moratus, tertijs castris Visliciam peruenit: quò paucis post diebus Russiæ quoque copix, septem millia magnâ ex parte equitum hastatorum, veteranorumque cohortium superuenire. Erat is exercitus, si cum Rocossianorum multitudine conferretur, quorum ad centum millia armatorum fuisse perhibentur, longè numero impar, sed Rocossiani, præterquàm quòd non satis ipsimet concordēs, ac in factiones diuisi, cæteri etiam temerè istic congregati, ipsâ mole ad regendum inhabiles, parumque bello vtiles, numerus magis, quàm exercitus censerì poterant. Regij Duces consentientibus in vnum voluntatibus tumultuantem licet, & seditioni, vt in bellis ciuilibus fieri solet, obnoxium, & partium studijs infectum militem, sed ab vno imperia accipientem facillè in officio continebant, ac quocumque ducere vel- lent, paratum expeditumque exercitum habebant. Non immeritò pu-

*Rex Visliciam versus mouet.*

*Veteranus Exercitus quantus.*

*Rocossianorum multitudo ingens, sed ad regendum inhabiles.*



*Rocossiani  
Zolkieuium à  
deductione  
militis à  
Rusſiâ de-  
hortantur.*

*idem deter-  
rent milites  
à defenſione  
cauſa Regiæ.*

*rationem fa-  
cti ſui reddit  
Zolkieuius.*

*Idem facit  
exercitus.*

*Quis ſuccellus  
legationis  
Regiæ ad Ro-  
coſſianos.*

pugit Rocossianos, hoc tam insigne potentia Regiæ præsidij militaris ro-  
bur; igitur & Zolkieuius imprimis persuadere conati sunt, ne militem  
Reipublicæ stipendio auctoratum, qui finibus Regni præsidio esset, in  
viscera Regni adduceret, secus facturum eum contra officium & iura-  
mentum, meminerit quod onus sustinet, in quo si quid erratum esset, vel  
Reipublica detrimentum acciperet, rationem ei esse reddendam: pari  
modo milites ne se negotijs publicis immiscerent, ne causam commu-  
nem, quæ tuendarum & propugnandarum legum & libertatum studio  
suscepta est, oppugnatum irent, acriter hortati sunt. Hæc tum illi; obli-  
ti nimirum à se primò armorum initium esse factum, scriptum militem, le-  
ctos belli Duces, vsurpataque publica munia, eorum plerosque pereгри-  
no Hungarorum satellitio septos, rerum & consiliorum summam sibi  
vindicasse. Hoc idem in eos retorquens Zolkieuius, se officij sui, in quo  
hactenus ita in Republicâ versatus esset, ut laudem & commendationem  
omnium iudicio mereretur, memorem esse respondit, nemini amore &  
boni publici studio cedere velle, pro patriâ mortem oppetere paratum  
esse: quidquid ad integritatem legum, & libertatum conseruandarum  
pertineret, se libenter facturum; idcirco se cum alijs Rusſiæ Senatoribus  
& flore Nobilitatis huc venisse. Exercitum qui ideò adductum affir-  
mant, ut alienæ pertinaciæ inserviat, & ad opprimendam Nobilitatem  
eo vtatur, eos insignem iniuriam suæ famæ & existimationi, præter vllum  
suum meritum, inferre: officij sui functionem, ex auctoritate Regis, &  
Senatus dependere; hinc cum videret externum militem intra Regnum  
sub signis esse, non longè à finibus alios exercitus vicinorum suspectæ  
erga nos fidei versari, hortantibus, idemque suadentibus vniuersæ Rus-  
siæ ordinibus, se parere debuisse. Iuramenta à belli Ducibus, quibus  
sponderent, se milite in Reipublicæ negotijs non vsuros, interregni tan-  
tum tempore bis teruè exacta: aliam præsentis temporis esse rationem,  
se nullo iuramento obligatum esse, nec prohiberi posse, quin Reipublicæ  
quocumque eius periculum vocat, iubente Rege & Senatu, præsidio  
sit: non commissurum ut factum suum meritò culpæ possint: darent  
illi vicissim operam, ne quo præcipiti consilio communem Patriam in  
discrimen coniiciant. In eam ferè quoque sententiam nomine exerci-  
tus Regij responsum datum, adiectumque immeritò se in eam suspi-  
cionem adduci, tanquam opprimendæ Nobilitatis causâ huc venissent,  
bellis contra Patriæ Christianique nominis hostes (quos non ita pridem  
præclarâ victoriâ Regiæ Maiestatis auspicijs fuderant) assuetos, huc  
venturos non fuisse, nisi publico Regis & Patriæ periculo commoue-  
rentur, his se deesse non potuisse: cæterum nihil à se nisi pacatum expe-

ctandum.

Interea legati Regij postquam ea quæ nomine Regis erant iussi  
proponere, in consessu Conuentus Rocossiani exposuissent, etsi  
res



res omnes, totaque ferme Nobilitas, factionum studijs non infecta, acceptanda ea quæ offerebantur, conditionesque concordia non respue-  
das, deque eo cum Rege & Senatu agendum censeret; primores tamen nequaquam ex dignitate tanti conuentus, cuius maiestas supra Regiam esset, id fore existimantes, si Rex denuntiationibus auctoritate Lublinensis conuentus factis, & legationibus elusis, præsens ipse eò non veniret, & cunctis quæ ab eo postulantur non satisfaceret, seque & Senatum dimisso exercitu, iudicio & arbitrio vniuersæ Nobilitatis non permitteret. In eam itaque sententiam, legatis Regijs post multas disceptationes (contemptis eorum monitis priuatique, quibus Palatinum ad pacatiora consilia traducere conabantur, cohortationibus) demum decimoquinto Calendas Septembris responsum datum, illudque præterea additum, ut nisi Rex ablegato exercitu, vnâ cum Senatu quintum intra diem istic ea, quæ Lublinensis conuentus nomine illi proposita sunt, re ipsâ expleturus comparuerit, se, eo absente, ea consilia quæ præsens Reipublicæ status requirit, amplexuros. Expeditis ita Regijs legatis, quò Nobilitatem vniuersam (quam videbant diu vno in loco detineri non posse) suis consilijs obnoxiam facerent; concipiunt quandam sponsonis formulam (confederationem vocant) quâ ad exemplum cum aliarum, tum potissimum Varsauiensis Anno Millesimo quingentesimo septuagesimo tertio (quâ libertas religionis sancita est) in interregno factæ, cuncti obstringerentur, se ea quæ in illo conuentu proposita essent, & ad firmandas Patrias leges & libertates augendas, erroresque in administratione Reipublicæ corrigendos, pertinerent, constanter promoturos, in eosque qui diuersum sentirent, & eius conuentus auctoritati quoquo modo derogare, vel alios ab eo auocare vellent, licet sanguine & amicitia iuncti essent, ex præscripto legum animaduersuros. In eam cum passim nomina daret Nobilitas, cautiore plerique ita demum eâ se teneri velle subscribebant, ut saluo præsentis rerum statu, Regisque imperio, ea rata esset. Quorum exemplum alij secuti, (præter eos qui rerum nouarum studio tenebantur) cum conceptam formulam subscriberent, eandem adijciebant subscriptionem; quæ cum à Radiuilio & Stadnicio, mussante Palatino, non admitteretur, passimque eâ re offensa Nobilitas dilabebatur, postremò, casu an studio, accidit ut vno die armatis & instructis exercitibus, circumfuso Comitio, siue quod reuera ij qui primas potentia partes tenebant, parum mutuò sibi fiderent, siue ut metum cæteris qui eorum expertes erant consilij incuterent, tantus repente tumultus exoriretur, ut cunctis ad arma conclamantibus parum abfuerit, quin facto aliquo cædis initio, flos ipse Nobilitatis, innoxia temeritatis alienâ culpâ contractæ, poenas sanguine exoluerit. Certatim postea diuturnæ expectationis perosa Nobilitas vrgebat Palatinum, ut ea, quæ secretò com-  
perta habebat, proferret: ille ut semper ancipiti vsus sermone, postea quam delatum ad se exercituum Rocossianorum Imperatoris munus

*Responsum  
Legatis Regijs  
à Rocossianis.*

*Quâ ratione  
auctores mo-  
tus Rocossiani  
Nobilitatem  
suis consilijs  
obnoxiam  
facere nitun-  
tur.*

*Tumultus in-  
ter Rocossia-  
nos.*

*Nobilitas  
vrget Palati-  
num ut quid-  
quid sciret  
contra Regem  
proferret.*



*Responsum  
ad hæc Pa-  
latini.*

*instat acrius  
Nobilitas Pa-  
latino:*

*qua dilabi  
capit.*

*Rex quo Ro-  
cosianorum  
pertinaciam  
sanaret, cau-  
sam suam ar-  
bitrio Sena-  
tus & Eque-  
stris ordinis  
permisit.*

maius esse, quàm ut ab vno sustineri posset, ostendisset; Eò, inquit, il-  
lud grauius est, quantò magis nos mutuâ discordiâ laboramus, incerti  
an omnes qui nobiscum sunt, idem sentiant. Me vnum passim inuidiæ  
obijciunt, tamquàm pollicitus fuerim ultra ea, quæ ad Stæzicâ & Lublini  
in lucem protuli, aliquid secretius aperire, & Regiam Maiestatem accusare:  
nego à me tale quidquâ promissum fuisse, eorumque qui tum mecum fue-  
runt, memoriam appello. Quidquid à me fides Senatoria postulabat, nò  
modò cum fortunarum mearum, sed vitæ meæ, liberorumque meorum peri-  
culo præstiti, nec Regiæ gratiæ, quâ me floruisse nemo ignorat, rationem  
habui, modò bono publico cõsulerem. Quorsum hæc igitur de non mu-  
tando Rege nonnullorum declaratio, cum ego quoque dudum de eâ re sen-  
sum meum aperuerim? Sed si Regis imperio contenti sunt, quare ut ea quæ  
cõperta habeo proferam, vrgent? quando verò id à me postulant, eo ipso  
veram præsentis imperij mutationem flagitare videntur. Ego in hoc puncto  
honoris mei causâ subsisto, quòd si plura exprimere voluerint, & mentem  
suam candidè mihi patefecerint, nec cetera silebo. Eâ ratione id efficere  
volebat, ut si vniuersi se eius cõsilia secuturos, & in eius potestate futuros  
pollicerentur, tum demum secretum illud, cuius anxiam expectatione tam diu  
hominum animos suspensos tenebat, esset reuelaturus. Non fefellit cautos  
hæc tam anceps & dubia illius declaratio, cum passim omnes dicerent, ni-  
mirum illum velle, ut Regis vel amouendi, vel retinendi suum esset arbitrium,  
idque consensu omnium ad se deferretur. Cur enim quidquid illud est in  
medium non proferret? facilius omnes, quàm illum unum iudicatos, an  
Rex tanto se crimine obstrinxerit, ut Regno amouendus videretur: nunc id  
eum postulare, ut de incerto facto prius iudiciu fiat, quàm quale illud sit,  
vel an omnino sit, ostendatur: Rexque optimus indictâ causâ tumultuantis  
populi acclamationibus Regno priuetur. Quare eiusmodi parum sincere  
Palatini progressibus magnâ ex parte offensi dilabi cœpere: quod cum  
à Rocossianis esset animaduersum, veriti ne nullam eius conuentus è  
tantâ quæ initio erat multitudine speciem retinerent, certos ex omnibus  
Palatinatibus homines, quos suorum consiliorum fautores existimabant,  
legendos curarunt, qui finem conuentus præstolarentur, atque absen-  
tium nomine publica negotia tractarent.

Rex postquam suos legatos nullo certo dato responso dimissos esse,  
atque aduersarios temerè in proposito perstare, sui que conuentus igno-  
tam hætenus maiestatem ambitiosè asserere, & nec Senatus iudicio sta-  
re, nec vllas concordie propositas rationes amplecti velle intellexit, re-  
cum Senatu communicatâ, eò descendendum sibi putauit, ut se totumque  
controuersum hoc negotium iudicio Senatus & Equestris ordinis, qui  
frequens Vislicie erat, permetteret. Igitur initio consultationis facto, at-  
que ijs, quæ vel inuidiæ Regi conciliandæ causâ passim iactabantur, vel  
quæ reuerà aliquâ moderatione & correctione indigere videbantur, pro-  
positis, mutuisque deliberationibus pertractatis, cum multa salutaria de-  
creta



creta facta essent, quibus ipsimet aduersarij acquieturi existimabantur, Rex per literas, Ordines ipsi per Ioannem Grzymultowski Castellanum Bidgostiensē, & Stanislaum Zaliwski Capitaneum Varšauiensē legatos suos Rocossianis hoc ipsum significarunt. A quibus postulabatur, ut si bonâ fide salutem Reipublicæ curandam susciperent, suis quoque consilijs locum darent se in frequenti Senatus & Equestris Ordinis consessu de eisdem quæ istuc proposita sunt, & quæ præsens rerum status exposcit, negotijs consultaturos: scirent sibi quoque salutem Patriæ curæ esse, nec minori conseruandarum & augendarum libertatum & iurium quàm illos studio teneri in eo esse Regiam Maiestatem, ut votis & desiderijs Ordinum clementer annuere non recuset: quare non debere illos aspernari, & optimam Regis voluntatem & suum in communi causâ studium, nec à conferendis mutuis studijs abhorrerē: se quantò Regiam Maiestatem, & ad pacificandum Regnum, & ad augendas propagandasque libertates, prouidorem facilioremque experiuntur, tantò constantius more maiorum in fide illius permanuros. Non poterant apertè Rocossiani id, quod tam prolixè deferebatur aspernari; & quamquàm non esse legitimum illum Visliciensē conuentum contendere, multisque conuicijs nonnullos è Senatu, tectis quidem nominibus, sed ita, ut quos designarent facillè appareret, lacefferent, ceterosque qui quamuis culpæ ipsi expertes essent, cum eis tamen consiliorum societatem haberent, grauiter & acerbè incusarent, se tamen expectaturos quid istuc constitutur, nec antè ultimam manum suis consultationibus imposituros receperunt. Vislicia, ut inter eos qui priuatis non dissociantur, accidere solet, facillè de omnibus conuenit, Rege sponte Reipublicæ causâ omnia concedente: illud tamen cauebatur, ut cum eiusmodi extraordinarij conuentus, malo & antehac inusitato exemplo coacti sint, scita quoque eorum non prius auctoritatem & vim legum haberent, quàm ea Comitiorum placito rata esse iuberentur. Inter profanum sacrumque ordinem diu disputatum, cum is quædam in derogationem iuris sui inducta quereretur: postremò ne id ipsum publicæ concordia obstaret, concessis nonnullis vel alij tempori reseruat, profitentibus palàm Episcopis, se ea tantum probare in quæ sacris legibus consentire non prohiberentur, finis controuersia impositus est. Postquàm verò scita Visliciensia Regiâ auctoritate approbata sunt, non antè vulgari ea placuit, quàm secundum quod per legatos promissum erat, Rocossianis exhiberentur: si fortè ij perspecto Regis candore, illis quoque acquiescerent. Quare datum est negotium Henrico Firley Regni Referendario, hæc ipsa scita nomine Visliciensis conuentus deferendi ad Rocossianos: à quibus cum proximi legati, mordaci cū responso, quo & Acta conuentus Visliciensis, & personæ priuatæ exagitabatur, dimissi fuissent, atque Coricinius spectatè indolis iuuenis Secretarius Regis, nomine Regio cū literis eò profectus, in cōfessu illo sibilis exceptus, &

*Id Senatores  
& nobilitas  
Regiarum  
partium Ro-  
cossianis signi-  
ficant, & ut  
consilijs suis  
acquiescant,  
petunt.*

*Rocossiani  
promittunt se  
expectaturos,  
quid in Visli-  
ciensi conuen-  
tu constitua-  
tur.*

*Vislicia facillè  
de omnibus  
inter partes  
conueniunt.*

*ceterum ne  
Ecclesia iuri-  
bus quid præ-  
iudicaretur,  
Episcopi præ-  
cauent.*

*Hæc quæ  
Vislicia con-  
stituta fuere,  
per Henricum  
Firley Regni  
Referendariū  
Rocossianis  
significantur.*



penè ludibrio habitus fuisset : iussus idem ex præscripto datæ legationis eo nomine istic queri, atque rei indignitatem explicare, vicissimque præsentis in Republicâ motus culpâ, quam plerisque Senatoribus illi imputabant, in eius auctores & tanti tumultus nouo exemplo excitati inuentores, retorquere: atque ostendere, hæc quæ illi immeritò obijciunt, seque apud ignaros iactant, multò luculentiùs illis libertatis egregijs (si Superis placet) assertoribus posse obijci, nisi maior publicæ tranquillitatis, & fraterni amoris, quàm priuatorum affectuum ratio haberetur: meliùs itaque eos facturos & Reipublicæ consulturos, si depositis odijs, pereunti Patriæ consentientibus secū (quos pari atque eodem boni publici studio teneri, atque amore Patriæ nemini concedere velle dubitari non potest) animis opem ferrent. Internis quidem periculis, satis his, quæ concordie omnium consensu decrete à se sunt sanctionibus, caueri, mutuumque inter Regem & subditos amorem, sublatis vanis suspicionibus stabiliri, cætera commodiori tempori reseruanda, nec de fore occasionem aliorum defectuum, quibus in præsentia prouideri non potest, sarcindorum. Daturam locum semper Regiam Maiestatem postulationibus ordinum, atque etiam eius rei causâ Regni Comitia maturiùs solito indicturam: in quibus (modò ne ea illi infecta reddere, & auctoritati publicæ, quemadmodum proximè factum est, derogare velint) faciliè, si more maiorum publica tractentur consilia, quassatæ Reipublicæ vulnera, adhibitis remedijs sanari poterunt: orare, obtestari per communis Patriæ amorem, mutuaque vincula, ne hanc Regis propensam erga vniuersam Rempublicam voluntatem, optimumque animum aspernari velint: redderent Patriæ optatam pacem, exercitus plerumque externis hominibus nomini Polono parum amicis constantes dimitterent: ipsi pacatè domi tempus Comitiorum præstolarentur. Denuntiare postremò, si propositis à se concordie & pacis rationibus acquiescere noluerint, præsentem Reipublicæ statum conuellere temerarijs conatibus, Patriam in discrimen conijcere, conditionibus grauioribus (non alio fine, nisi vt supremam auctoritatem deprimant) Regiam Maiestatem onerare, iura Imperij sibi in alios vsurpare, exercitum augere, tributa imperare, legatos externos excipere, & cum eis pacta inire, leges & decreta citra aliorum assensum ferre non destiterint, se sibi & Reipublicæ non defuturos, pro Rege, pro Patriâ, Patrijsque legibus, mæximos licet seditiosorum exercitus non reformidaturos, verùm fortunas, vitam & sanguinem profusuros; legatus nisi intra quartum diem expeditus fuerit, ea consilia suscepturos, vt Reipublicæ in hoc præsentis eius statu prospiciatur. Satis apparebat Rocosianos hac contestatione commotos, & eâ spe, quam initio conceperat, Regios nec constanter in proposito mansuros, nec certam aliquam expediendorum consiliorum rationem reperturos, deiectos; paucis igitur respondent, atque omnem tam seueræ ad se missæ legationis culpam, absoluti imperij auctoribus adscribunt; eos quò meritas pœnas effugiant,

vira

*Responsum  
ad ea Ro-  
cosianorum.*



vim spectare, ut mutuis cædibus absumptâ Nobilitate, ipsi rerum potiantur. De sanctionibus Visliciensibus, cum ij tantum dilapsâ ad præsens obeundorum priuatorum conuentuum causâ Nobilitate, conuentui inter sint, quibus suprema eius directio commissa est, se iudicium ferre non posse, tum demum id facturos, cum rursus omnes (quod sub finem conuentus Rocossiani futurum sperant) redierint. Mittere interim legatos suos, qui vniuersalis huius conuentus decreta Regiæ Maiestati proponant. Eo cum responso cum Firleius redisset, omnesque aduersæ factionis conatus aliò spectare docuisset, quò in omnem futuri casus eventum, ij qui Vislicia erant parati essent, atque & Regis dignitati, & Patriæ saluti prospicerent, vnanimi omnium consensu, mutuâ se fide obstrinxerunt, publiceque proposito scripto, longâ narratione omnium ab initio Rocossianæ sectæ perniciosorum in Republicâ progressuum præmissâ, professi sunt, fidem honoremque suum obstringentes, se mutuò sibi non defuturos: atque ad asserendam Patriæ tranquillitatem Serenissimi Regis imperium, maiestatem & honorem (legibus, immunitatibus, atque iurisdictionibus quibusvis minimè derogando) omnes vires & conatus impensuros: hostium numero eos qui quocumque prætextu, noui quidpiam moliri, & perniciose inire consilia ausi fuerint, nullo sanguinis vel amicitia respectu habituros, atque ut ij, nisi à Regiâ Maiestate postremò moniti paruerint, tanquàm perduelles & hostes Patriæ, supremâ Regiæ Maiestatis & omnium iurisdictionum auctoritate, pœnis legum, quibus se obnoxios reddiderunt, afficiantur, effecturos. Vetus fuit in Poloniâ mos, foedere contra turbulentos ac seditiosos ciues se obstringendi, ut quos leges & Magistratus legitimi coërcere non possint, eos armatæ multitudinis consensus in officio retineat, & effrenatam licentiam extraordinariæ potestatis vi circumscriptam, & in ordinem redactam, legibus parere cogat. Id tum quoque petitis ex veterum monumentis exemplis usurpare placuit: longè quidem diuersum ab eo, quod à Rocossianis initum erat, foedere; nam illud contra Regem & Senatum factum coniuratio potius paucorum machinatione cæteris in errorem inductis, & quam ob causam illud fieret, magnâ ex parte ignaris, dici poterat; hoc legibus & exemplis fundatum, & status præsentis tuendi causâ fuisse sancitum nemo in dubium vocare poterat.

Venerant interea Rocossiani legati Visliciam, quibus cum dicendi in Senatu potestas facta esset, questi à Rege tam diu spes suas frustratas, nec veteres modò iniurias diu desideratâ & flagitatâ satisfactione non abolitas, sed nouis insuper exacerbatos subditorum animos, milite Regio in viscera Regni immisso, & prædas ex bonis eorum, qui consilia publica promouent, agente: patere iam sibi viam, si summo iure uti velint, ad renunciandum Regiæ obedientia, sed nondum eò descendere, quin etiam fidem & obedientiam constanter præstituros, si Regia Maiestas ea quæ in conuentu Rocossiano sancita sunt rata habuerit, quæque postulantur,

Senatores & Nobilitas sanioris consilij mutuâ fide se obstringunt Regi & Patria contra rebelles opem laturos.

Vetus in Poloniâ mos foedere se contra turbulentos ciues obstringendi.

Rocossianorum paucorum coniuratio potius contra Regem, quàm factus dici potuit, nonnullorum machinatione, alijs in errorem inductis.

Legati Rocossiani ad Regem missi Visliciam: quorum legationis summa.



*Summa eorū  
qua à Rocof-  
sianis pete-  
bantur.*

*Ad ea re-  
sponsum Re-  
gium.*

stulantur, continuò præstiterit: sin secus factum fuerit, eos sibi & Reipublicæ aliter prospecturos. Dein productis his ipsis sanctionibus cum perlectæ essent (& erat longa & prolixa earum series,) illud prætereà adiecerant, vte ea omnia Rex non modò probaret, sed & nouo insuper firmaret iuramento, & vadibus ex Senatu datis, ac diplomate denique se omnia præstiturum, Reipublicæ caueret. Multa erant quæ ijs rogationibus continebantur, non ipsi modò Principi, sed vniuersis ordinibus graua; humana diuinæque iura conuulsa, decreta & priuilegia, leges denique abrogatæ; legibus impijs circumscripta religio, sanctiores & augustiores Regni Magistratus in ordinem redacti, vt planè appareret seditiosæ plebis & Hæreticorum ea esse commenta: sed nihil indignius quàm optimū Regem periurij crimine damnari, ad præstandum iteratò iuramentum, vadesque velut suspectâ fide dandos eum cogi: non subditos ad Principem, sed ad hostem talem mittere legationē solere: fremere cuncti & indignari, atque etiam non temerè in eam venire suspicionem, nequaquàm tam exiguam hominum manum tantum ausuram fuisse, ni spe externi auxilij fulciretur, expectatum donec reliqui benè de Republicâ sentientes dilaberentur, vt soli seditionis auctores, quò facilius destinata perficerent, tam grauib; & iniquis propositis conditionibus, omnem spem concordie præciderent; non conditiones, sed decreta proponi, quibus nisi pareatur, extrema quæque denunciari. Quare toto negotio expenso, postquàm interrogati ij qui legatione fungebantur, an id quod proponebatur præcisè vrgerent, nequaquàm sibi quicquam remittendi vel consultandi relictam potestatem retulissent; deliberatum in Senatu quid respondendum tam superbæ & ambitiosæ legationi foret, itumque in eam sententiam, vt tali cum responso legati dimitterentur, vt intelligerent cuncti Regiæ Maiestati curæ esse, & dignitatem suam & Reipublicæ salutem. Igitur repetito toto hoc turbulento tempore partis aduersæ perniciosi temerarium consiliorum conatibus, ostensum quantâ Regia Maiestas in ijs sanandis vsa fuerit benignitate & clementiâ: illos Comitia ritè indicta dissoluisse: varijs suspicionibus pacatos, sed nimis credulos Regni ciues in seditionem egisse, eosque in Stæzicensi Lublinensique conuentu, spe arcani cuiusdam secreti reuelandi elusos, & huc illucque traductos sumptibus exhausisse: hoc deinde Sendomiriensi, cuius nomine sibi applaudunt, indicto conuentu, eoque peregrino milite, machinisque bellicis circumsepto Comitio, seditiosæque actio, incendium ingens, si non ruina (quod absit) Patriæ, certè summo periculo extinguendum excitasse; auctoritatem corrigendi, potestatem statuendi, maiestatem imperandi usurpasse, non Regem tantum ipsum, sed & Senatum falsis & fictis onerasse suspicionibus, quò facilius, exclusis & in odium populi adductis Reipublicæ custodibus, ipsi pro arbitrio innoxia & simplici aliorum credulitate abuterentur, eosque suspensos magis quàm securos, speque libertatis adipiscendæ vel retinendæ accensos, suis destinatis op-  
portu-



portunos redderent. Indixisse iustitium, abrogasse iuris dicundi supremi Tribunalis subfellijs potestatem; noua induxisse iudicia, eaque temerarijs decretis exercuisse, exercitus Duces creasse belli que administrationem hominibus priuatis derulisse. Vnum è suis Regiæ Maiestatis nomen nefariè proscindente, & obedientiam priuatâ auctoritate Regiæ Maiestati renunciantem, non modò non reprehendisse, sed tacito quasi assensu dicta eius probasse. Id quâ fide, quâ integritate, quâ auctoritate ab ijs susceptum actumque sit, præsens satis testatur legatio, quam nec his qui eâ funguntur probari, ac multò minùs ijs qui istie incertis subscriptionibus irretiti nomina sua ei dederunt, probatum iri certò sibi persuadet Regia Maiestas: verùm hanc temeritatem non posteritatis modò damnabit memoria, sed Deus ipse innocentiae vindex & Regiæ dignitatis auctor & assertor poenas exacturus est ab auctoribus violatæ vicariæ suæ in terris Maiestatis. Cæterùm vt tantò magis sua benignitas eluceat, si quid vltra benignitatem præstari potest, quamuis læsa Maiestas Regia, placido sedatoque animo iniurijs in sinu altissimi Regis Regum depositis, vestræ legationi respondet. Quidquid hætenùs vel in Reipublicæ administratione prætermisum, aut studiosè neglectum alicui videri potest, si quæ suspiciones obiectarum leuium coniecturarum à Regiâ taciturnitate ortæ esse dicuntur, eius rei culpam nequaquam Regiæ Maiestati imputari posse. Cæterùm in Reipublicæ functione, atque ijs quæ à supremo magistratu, ac legibus pactisque circumscripto Principe, benè meritis ciuibz debentur, præstandis, quâ voluntate Regia Maiestas fuerit in hoc præsentì conuentu vniuerso Senatui ac Equestri Ordini testatum fecit, quod nunquàm ab inclytâ natione hac, à quâ se Regiâ dignitate cumulatam meminit, animum auersum habuit, numquàm iura & prærogatiuas Regni aliquâ machinatione interuerrere cogitauit, quinimò augere potius quàm violare contendit. Renocarent sibi in mentem, ortus & initia præsentis à se excitatæ in Republicâ tempestatis, quâ curâ Regia Maiestas & suis & Senatus persualionibus ab instituto Stæzicensi conuentu eos auocare studuerit, quâ facilitate se actionesque suas, atque ea quæ Equestri ordinis nomine ab eo in ijs Comitijz postulabantur, arbitrio Senatus & Nûtiorum permiserit, parata id quod illi, se absente, communibus sententijs decreuissent, præstare; an non tum cunctis bonis fauentibus facillè omnia conuentura fuissent, si non præiudicatis planè animis pacata consilia illi reiecissent? Quid in conuentu Lublinensi dissuadendo? valuitne primæ dignitatis Senatorum interposita auctoritas? preces Nobilitatis, in auertendis que Reipublicæ periculis optimi & salutare conatus? Quid in præsentì, vt vocant, generali Rocossiano conuentu Regij legati, Senatores magni nominis, & summis functi Magistratibus obtinere apud illos potuerunt? Experti fuissent Rocossiani, Lublinensis conuentus postulatis non verbis, sed re responderi, nisi temeritas ad destinatum diu meditatorum

con-



consiliorum scopum præcipientes egisset: non tam libertatum cura, quàm concepta odia animum impotentem occuparunt, cupiditate magis dominandi, quàm iurium reformandorum studio acti, nec ratione, sed affectu ducti, nullas Reipublicæ pacandæ rationes admittebant. Malè illos habet, inconcussæ fidei Senatores, maiorum suorum exemplo in hac Reipublicæ perturbatione Regis optimi & innocentissimi motos periculo, salutem fortunæque suas huc detulisse, florem iuventutis ac militare robur ad tuendam Principis dignitatem, arcendæque publica pericula tanquàm ad incendium extinguendum accurrisse, illustrem Equestris ordinis coronam eorum non deceptam promissis, Regis & Patriæ causam tueri. Ipsi interim conculcatis legibus ac libertatibus in contemptum Regiæ dignitatis milite externo ac bellico apparatu septi, audaciæ & licentiæ vexilla proponunt. Illisne vitio vertendum, qui ut Regem Patriamque suam tuerentur, arma ceperunt? an qui peregrinarum legionum fiduciâ vim liberis hominibus denunciant? cui vastatæ & militum prædationibus exhaustæ patriæ, deploranda calamitas imputari debet, nisi ijs qui primi ad arma conclamarunt, & cæteris ut ad vim vi arcendâ se accingerent necessitatem fecerunt? Ostendant quâ potestate iura sacri ordinis & Ecclesiarum inuertunt, religiosos cœtus reformant, pias maiorum dotationes infectas reddunt, novas alias fieri vetant, & pietati modum præscribunt. Eiusmodi ferè sunt pleraque ea quæ vestrâ legatione continentur, de quâ quoniam nec tractandi, nec quidquam remittendi facultatem vobis esse relictam dicitis, nec Regia Maiestas in eâ refellendâ pluribus immorari dignum existimat. Sed si quis exordium & conclusionem huius legationis expendat, non alio fine hæc consilia à Rocossianis suscepta esse aduertet, nisi ut contumelijs & dedecore Regiam existimationem lacerarent, ac conditionibus, quibus satis fieri nequaquam possit, propositis (cùm illis annuere Regiâ dignitate & vniuersorum ordinum iuribus saluis non liceat) Regno exuerent. Nouo sacramento sua inuenta firmare, datis vadibus cauere iubent, ac ni id fiat, aliter se Reipublicæ prospecturos minantur: immemores non eo fine hos initio motus ab eis excitatos fuisse, ut novas leges veteribus abrogatis conderent, sed ut antiquatis & abusu neglectis auctoritatem redderent. Eò usque sua illos prouexit audacia, ut ijs quæ se in lucem prolaturos promiserant, non modò vllò probationis genere non firmatis, sed propè silentio transmissis, decreta nullo legitimo iudicio lata subditi contra dominum promulgent, & quod graue priuatis foret, iniusto Regem ita onerant præiudicio, ut videlicet quasi notatum infamiâ, genti Polonæ liberæ & non nisi dignis Regibus parere solitæ inuisum exosumque reddant. Quamobrem Regia Maiestas supremum cœli testata Numen, præsentisque & futuri temporis memoriam, imprimis nullâ in parte iura & libertates Regni, & Ordinum à se esse violata contendit, deinde Regem se esse profitetur, ius ad se liberis suffragijs delatum tueri vult, ut in per-



personâ suâ futurorum Regum dignitati & auctoritati præiudicaretur non passurum. Monet & seriò hortatur, arma deponant, exercitus dimittant, ijs qui Vislicia facta sunt decreta contenti sint, futura Comitia pacatè præstolentur, certi, si quid prætereà, quod in hoc tumultuario & extraordinario consilio expediri non poterat, à se postularent, istic à se, còsensu legitimo omnium accedente, præstitum iri. Quòd si confestim mandatis suis parere noluerint, se quod muneris Regij est, Regno subditisque suis pacem & securitatem armis asserturum. Hæc tum Regij responsi summa erat: illud prætereà additum; etsi ea, quæ illi postularent talia sint, quæ vniuersum Regni tam sacri, quàm profani ordinis statum concernunt, nec omnibus, quorum nomine proponuntur, satis probata, tamen Regiam Maiestatem hoc quoque concessuram, vt collatis vtriusque partis in vnum consilijs, quantum illis permittendum sit deliberetur. Sed cùm legati nulla alia mandata se habere, nec de ijs quæ conclusa sunt iterum in consilium ituros responderent, dimissi sunt.

Venerat ijsdem diebus Visliciam Ioannes Dux Ostrogia Castellanus Cracouiensis, hætenùs ita in illo conuentu Rocossiano versatus, vt acta quidem illorum non probaret, spem tamen nonnullam Radiuilo, cuius ille è sorore nepos erat, ostenderet, se non esse omnino alienum à suis consilijs, modò ne quid contra Regem moliretur. Is cùm primum inter seculares Senatores locum teneret, opibus verò & potentiâ cæteris omnibus præstaret, ratus id quod erat, se præclaram Reipublicæ operam nauaturum, si infensis vtriusque partis animis medium se interponeret, atque conditionibus æquis propositis inter infensos pacem conciliaret; petito & impetrato à Rege vt priuatim, absente eo, eà de re ad Senatum referre posset, postquàm graui oratione, quæ mala discordia ciuilis Regni afferat, exposuisset, hortatus est Senatum totis viribus adniteretur daretque operam, vt sublati mutuis odijs hoc, de quo disceptatur, negotium pacatis animis diiudicari possit. Æqua visus est postulare: quare quisque pro se collaudatâ illius sententiâ, cùm quibus conditionibus id fieri posset disquirerent, non nemo hoc modo conuenturam subintulit. Non dictorum tantùm, sed factorum ac iniuriarum quibuscumque personis in eâ Reipublicæ perturbatione illatarum obliuio fanciatur; nemo res ablatas iure repetat; nemo illatum damnum queratur; Rex eodem quo antè gratiæ loco, concitatores Rocossiani conuentus, eorumque sectatores & promotores habeat; sumptus ab eis facti vel ex publico tributo vel certè Regiâ liberalitate collatis proximè vacaturis Capitaneatibus bonâ fide fanciantur. Vel ipsum Castellanium Cracouiensem, quamuis impensè quacumque ratione concordiam ineundam suadentem, suppudebat, tales ab ijs, quorum nomine Regem & Senatum exoraturus venerat, condiciones minimè Rege & Senatu dignas ferri. Ditis sententijs, explicatoque iniquum postulare eos qui errati non modò veniam non petunt, verùm etiam excitati tumultus, & turbata Reipublicæ

*Ioannes Ostrogus Castellanus Cracouiensis pacificatorem se horum motuum offert.*

*De eâ re cùm Senatoribus adherentibus tractat.*



*Sed indigna  
poscere visus.*

blicæ præmium flagitant : & proposita tot commissorum flagitiorum illatorumque vastatis passim omnium agris damnorum impunitate , perniciosum in posterum licentiæ & turbandæ Reipublicæ exemplum statui : vniuersus ferè Senatus non aliàs pacis conditiones , nisi quibus abolitis planè falsis suspicionibus ( quibus aduersa pars Regem & Senatum onerauerat & in odium populi immeritò adduxerat ) Regio & suo honori atque existimationi consulere , se suscepturum respondit.

*Rocossiani  
per edictum  
nouum con-  
uentum con-  
uocant.*

*Rex in parti-  
cularibus con-  
uentibus No-  
bilitati ani-  
mum suum  
per nuntios  
declarat.*

*Idem iterum  
facit per  
edictum.*

*ostenditq.  
Nobilitatem  
nullis pactis  
Rocossiani  
fœderis teneri.*

*Rex lustrat  
exercitum.*

Rocossiani interea postquam legati eorum Vislicia redierant , siue ut ferebatur acerbiori Regis responso irritati , siue quia id initio destinatum habebant , promulgato edicto , multa prius de Regis eorumque , qui Vislicia erant , iniuriâ questi , omnes rursus ad quintum Idus Octobris ut armati præsto adessent finem Rocossianis consultationibus facturi , imminentemque à Regiâ factione vim propulsaturi , summam Reipublicæ agi obtestantes , mandarunt : noui id initium tumultus fore , suosque conatus optatum hoc modo progressum habituros opinantes. Rex quamuis paulò antè per omnes Regni conuentus , qui statò die quotannis initio Septembris eligendorum Supremi Regni Tribunalis Iudicium causâ obeuntur , missis opportunè Nuntijs , Equestrem Ordinem & de suâ in præsentî dissensione ad ea quæ legitimè flagitabantur præstanda promptitudine , & de aduersæ partis temerarijs & parum ciuilibus atque etiam non immeritò non sibi tantum sed cæteris etiam benè de Republicâ sentientibus suspectis conatibus edocuerat ; tamen quò illorum calumnias dilueret atque ostenderet , se & Senatum immeritò accusari , iterum nouo proposito edicto , æquitate causæ consiliorumque suorum multis verbis explicatâ , hoc demum testatus est , sibi pacem inprimis curæ esse , turbulentis ciuibus se veniæ locum daturum , libenterque omnes legitimas concordia rationes initurum ; hætenus ab illis nihil æquum proponi ; si in eâ pertinaciâ perstiterint , seditiosis Rempublicam armis vexauerint , se Reipublicæ deesse non posse. Vniuersos prætereà officij sui admonens , ut pacatè se gererent , sibi que potius , si necesse foret , quam seditiosis ciuibus suppetias ferrent , hortatus est : nullis eos fœderis Rocossiani illegitimè facti ac callidè extorti pactis , quæ ex Senatus sententiâ irrita pronunciata sunt , teneri ; ac proinde mandatis priuatorum hominum parere non debere : iussi denique omnes Magistratus , ac iudiciorum præsides munere suo fungi , cum iustitium nullum sit , ius dicere , pacem publicam priuatamque tueri & promouere.

Ea tum commodè ad continendam in officio Nobilitatem , ne inani metu minarum à Rocossianis intentarum moueretur , facta cum fuissent , resque interim vix ad æquas conditiones deduci posse viderentur ; Regijs Ducibus , priusquam castra loco mouerentur , experiri placuit quantum sub signis Regijs militum esset. Igitur Zolkieuius in amœnâ Visliciensis agri planicie vniuersum exercitum more militari instructum , sub conspectum Regi dedit : dies erat serena & sole perlustris : quare fulgor



gor armorum, nutantes hastarum cuspides, virorum equorumque orna-  
tus, copie & numero & robore insignes, miles magnâ ex parte veteranus,  
Duces multis bellis exercitati & periti, tantâ admiratione spectantium  
perfringeabant oculos, ut cuius aestimanti vires Regias, etiam si Rocossia-  
ni initio (qui maximis copijs & multitudine pollebant) arma inferre vo-  
luissent, nequaquam eis pares fuisse futuri viderentur: quanquam Rocof-  
siani Duces postea suâ id modestiâ deberi falsò contendebant, quòd vim  
experiri & in Regem impetum facere volentem, vniuersam Rocossiani  
conuentus multitudinē auctoritate suâ retinuerint. Rex lustrato exercitu  
habebat in animo continuò versus Sendomiriam progredi, quòd faciliùs  
propinquo ex loco cum aduersarijs æquis conditionibus transigere, vel  
certè, si quid noui ij molirentur in officio retinere posset: moram attulit  
aduersa Zolkieuij valetudo, quæ cum ingrauesceret, nec tam citò eius  
recuperandæ spes appareret, aliquot diebus nequidquam eo expectato  
Rex octauo Calend. Octobris Vislicia profectus tertijs castris Polane-  
cium peruenit. In itinere à Castellano Cracouiensi accipit literas, quibus  
quòd non ipse Rocossianos conuenisset, sed generum suum Castellanium  
Kijouiensem ad eos misisset, valetudinis excusatione vsus, significabat  
Castellanum Kijouiensem cum Rocossianis suo nomine egisse, multis-  
que rationibus persuadere conatum fuisse, ut ad concordiam, æquisque  
conditionibus transigendum flecterent animum: illos in eam senten-  
tiam respondisse: ut si Castellanus Cracouiensis ostendere posset non  
fore id contra dignitatem & maiestatem conuentus Rocossiani post ac-  
ceptum tam immite à Rege responsum, nec suâ apud ordines Regni,  
quorum vices videlicet sustinent, existimationi nociturum, assensuros eos,  
ut datis vtrunque arbitris eius quod in controuersiâ est negotij discepta-  
tio illis modò ne definiendi suprema detur potestas, permittatur. Id eos  
velle apparebat, ut frustra propositis conditionibus tempus extraherent,  
donec interim ex copiæ, quas à consiliorum suorum fautoribus celeriter  
collectas breui in subsidium sibi venturas sperabant, coirent, Regiæque  
potentiæ metu soluti, diu meditata consilia continuarent, ac quod non  
obscurè tum præseferebat, abrogato Regis imperio, comitia noui Regis  
eligendi obirent. Grauitè cum eis hoc nomine exposculauit Castellanus  
Cracouiensis, quòd non solùm cõcordiæ rationes amplecti nollent, verum  
etiam moras vltro necerent, & parum necessarijs excusationibus vteren-  
tur: illos esse, qui soli Rocossiani conuentus auctores fuerunt, in eorum  
quoque potestate esse finem illi imponere: arbitros ab ijs dari, qui disce-  
ptent, non qui negotium componant sibi minimè placere, cum nō disce-  
ptationis, sed cõcordiæ causâ tractatus isti institui deberent. Iam nouum  
ab illis indici conuentum, diemque ei præfigi, nihil esse aliud, nisi sopitam penè  
seditionem excitari, facerent, cuiusmodi consilij se eis assensum mi-  
nimè præbiturum. Moti hac persuasione Castellani Cracouiensis (vel quia  
ita videri volebant ut fingerent se eius auctoritate & cõsilio niti; quòd eum

qui, qualis &  
quantus?

Profectio Re-  
gis Vislicia.

Summa lite-  
rarum Ianus-  
sij Ostrogij  
Castellani  
Cracouiensis.

Scopus Rocof-  
siana procras-  
tinationis.

Reprehensio  
Rocossianorum  
facta à Ca-  
stellano Cra-  
couiensi.

Rocossiani  
ostendunt se  
velle de sedan-  
dis tumulti-  
bus tractare.



*Locus huic  
tractationi  
destinatur.*

sibi obnoxium redderent)rescribunt se facturos quod ille vellet, petuntq; vt quâ ratione,quo loco,quâue securitatis cautela tractatus isti expedien- di forent,præscriberet. Ille locum consultandi, vel Iuaniscios, vel Osiecû, oppida,vtrique parti non incômoda,nominat; eò quatuor Senatores,to- tidemq; Equestris ordinis à parte Regiâ; pari numero Senatores,item & Equites,quos illi designandos censuerint, vtrique non maiori ducentorû equitum præsidio venirent:fides securi congressus vtrimque interponere- tur;tam Regis,quàm illorum exercitus pabulationes,non nisi in locis re- tro suas stationes,exercerent. Actum in Senatu de eo,quod à Castellano Cracouiensi proponebatur,in eamque itum sententiam; numerû eorum qui tractaturi essent, præsidijque placere, locum item, nisi,quod Osiecij Rex proximè statiuâ habiturus esset,pro eo Copriumcense oppidum de- signari:nullâ securitatis cautelâ Regios indigere;illis,si id vrgerêt,Regio, quem vocant,saluo conductu satis cautum fore,pabulationes non nisi in hostico permitti, eas in agris prædijsque ciuium ne quis cû iniuriâ priua- torum exerceret,per leges vetari. Ita responsum Castellano, adiectûque prætereâ,daret operâ, vt in eâ retam salutis publicæ, quàm Regiæ digni- tatis ratio haberetur:vtraque ea bono Senatori,& ciui æquè curæ esse de- bere,leges & libertates tueri,Maiestate Principis saluâ; eam nunc diuerso à maiorû nostrorum instituto,grauiter læsam esse. Velle omnino Regem optimè sibi conscium,vt cû tot oneratus sit suspicionibus,& proditi Re- gni insimulatus ab illis crimine,quid hoc tandē illud sit, quod diu partu- riunt,ederent,palamque facerent,documentaque suorum figmentorû & simulati metus proferrent: vel certè, quod speratur futurum,vanæ suspi- cionis manifesti,& bonorum iudicio conuiçti, temerè à se tantos excita- tos fuisse tumultus faterentur. Senatum Regis innocentis causæ deesse nec posse, nec debere; non dubitare Castellanium Cracouiensem, cuius primæ in Senatu essent partes, nemini in tuendâ Regiâ dignitate studio cessurum, collegarumque suorum sententiæ & concordia subscripturû. Hæc cû Rocossianis à Castellano Cracouiensi renunciata essent,illi que maximè cuperent hanc pacis tractationem vel irritam fieri, vel certè in aliud tempus proferri, offensi videri volebant, quod cû Regij nullâ se- curitatis cautelâ se egere dicerent, sibi ea tanquàm inferioris conditionis deferretur: iam verò Rocossiani conuentus rationes à se exigî, & vt arbi- trio paucorum causas,ob quas is conuentus coactus fuisset,expendendas permittant cogi, esse præter Maiestatem Rocossianam; quare his condi- tionibus se ad vllos concordia tractatus descendere nolle responde- runt.

*Sed frustra,  
nam Rocos-  
siani leui vel  
potius nullâ  
de causâ à  
proposito re-  
siliunt.*

*Rocossianorû  
fictæ actiones,  
& consilia  
improba.*

Rex biduo ad Polanecium moratus, atque inde profectus,positis ad Osiecum castris, iterum fit à Castellano Cracouiensi certior; venisse ad se Pækoslauium,Lutomirscium,Iasicium,mislos à Rocossianis:simulque aliâ parte Rocossianos Sendomiriâ cum exercitu Osarouiam versus pro- gredi Regij exploratores referebant. Igitur ancipiti curâ distrahi Rex &



& Senatus cœperunt, apparebat aduersarios tam commodam bonorum votis expetita pacificationis occasionem subterfugere, & aliò eorum consilia spectare, atque idcirco frustrationibus ab eis tempus teri. Missus confestim ad Castellani Cracouiensem Felix Criscius Referendarius Regni, quid postularent Rocossianorum noui isti legati? cur eo tantum numero venissent? quos è Senatu suarum partium arbitros habere vellēt? & an plena potestas de toto negotio concludendi illis permissa esset, exquireret, simulque de eo, quòd Rocossiani susceptam à Castellano Cracouiensi pacificationis curam vilipenderent, spemque omnem concordiae præciderent, quæteretur. Nemini dubium erat idcirco eos, quos supra diximus ad Castellani missos fuisse, ut & illum & Regem spe pacificationis elusos tantisper morarentur, donec affluente factionis multitudine vires Rocossianorum augerentur. Quâ re in consilio propositâ cum diuersis è partibus renunciaretur, missos ab eis qui exercitum scriberent, atque externa auxilia accirent, quorum fiducia quiduis eos ausuros; nouâ illos ciere tempestatem, armatos cogere, prædas agere; Rex maturandum sibi ratus, iter eorum & conatus sibi obseruandos, ac ne eorum temeritate Respublica detrimentum aliquod caperet, providendum statuit. Igitur motis properè castris, eos vnius diei itinere antegressos, explorato & cum curâ coacto agmine subsequēbatur Castellanus Cracouiensis; ut ostenderet non per se stetisse, quominus tentata cōcordia sortita sit effectum, ad Regem in Castra venit, temeritatem Rocossianorum præsumptosque animos accusans. Nemo erat qui non existimaret, ad officium eius tanquàm primarij Senatoris pertinere, non sermone tantum, sed re ipsâ damnare aduersæ factionis temerarios ausus, Regique publicam causam agenti adhærere: sed ipse ingenio suo obsecutus, eodem penè quo venerat momento, non contemnendo militum suorū agmine, è castris Regijs se subduxit. Regius exercitus continuis itineribus progressus, quarto demum die vestigia cedentium Rocossianorum legens, ad Ianouecium, vbi illi in traiectu Vistulæ aliquantum hærebant, eos est assecutus. Missus ad eos Aulicus Regius Gaiowski cum literis, quibus postquàm quo studio & Senatus vniuersus, & nouissimè Castellanus Cracouiensis publicam concordiam promouisset, & quâ temeritate ab illis omnes pacis conciliandæ & Reipublicæ in pristinum tranquillitatis statum reducendæ rationes contemptæ, spretæque fuissent, commemoratum esset, postremò seriò monebantur ut ab armis discederent, exercitum continuò dimitterent, pacem publicam ne turbarent: arma ni ponerent, tanquàm hostes patriæ experturi: in eum quoque ferè sensum ad milites, qui in Castris Rocossianis merebant, scriptum. Iam Stadnicus cum suo agmine Vistulam traiecerat, cum hæ literæ Palatino & Radiuilo redditæ sunt. Responderunt illi se valdè mirari id sibi paucis à Regiâ Maiestate imputari, quod omnium ordinum consilio factum esset: se à concordia alienos non fuisse: cum paucis quorundam con-

quibus Rex obuiam ire statuit.

Ianussius Ostrogus Castellanus Cracouiensis sub tempore belli civilis non impleuit officium suum.

Regis versus Ianouecium iter.

Literæ Regis ad Rocossianos, eos à temeritate detrahentis.

Responsum Rocossianorum ad literas Regias.



filijs vim sibi intentari intellexissent, loco, in quo ab vniuerso Rocossiano conuentu, quasi in speculâ Reipublicæ tanquàm libertatis custodes relictæ erant, cessisse, ne cum exercitu Regio inconsultis Ordinibus congrederentur. Idem & tunc vitare velle, nisi aliter facere cogantur: sibi facile vim inferri posse; expenderet seriò Regia Maiestas, an sanguine paucorum effuso, pacem Reipublicæ sit redditura, & non potius odij & inuidiæ facem, minùs considerato facto accensura: expectaret potius supremam Rocossiani conuentus diem, atque postulatis ordinum, secundùm sæpiùs factas promissiones satisfaceret: se istic quoque rationem factorum, consiliorumque suorum reddituros, atque nomen, quo hostes Patriæ appellamur, in eos, qui huius consilij Regiæ Maiestati auctores fuerunt, retoruros. Die Diuo Francisco sacrâ, paulò ante meridiem Gaiuius cum hoc responso ad Regem redijt, idemque eos traicere flumen renunciauit: quod haud dubiè facturi erant, ni Stanislaus Galski Palatinus Russiæ, primi agminis in exercitu Regio ductor superueniens, eos in ripâ fluminis deprehensos, à proposito fugæ ad meditationem belli reuocasset. Tria millia circiter militum, idque magnâ ex parte equitum, Palatinus & Radiuilus sub signis habebant, cum mille ducentis Stadnicus in alterâ parte Vistulæ non socius, sed spectator alieni periculi futurus confederat. Lata longaque planicies collem (qui in modum coronæ ouali ferè figurâ protenditur) & fluuium interiaceret: iter eius non ubique peruium, cœno alibi interdum profundioribus alueis transitum prohibentibus. ad ipsam fluuij marginem, loco, ex quo nec ad fugam vlla patebat via, nec satis commodè arma expedire, & se tutari possent constiterant Rocossiani, instructi paratique vti copiam pugnæ facere velle viderentur. Russiæ Palatinus etsi ad eos debellandos satis virium haberet, tamen quòd rem sibi cum ciuibus esse sciret, satis habens hostem deprehensum à fugæ proposito reuocasse instructis & ad pugnam capefendam paratis copijs, Regium mandatum præstolabatur. Rex postquam propiùs ad Ianouecium accessisset, compresso parumper sui agminis gressu substitit; accitoque Ianussio Zbarascio Palatino Braclauensi, viro belli artibus domi forisque claro, & spectatæ in se fidei, curam salutis suæ & totius exercitus ad eum defert, eâ vsus oratione. Nunquàm cogitaueramus accidere posse, vt cum ijs qui pro nobis arma ferre, nos verò eos tueri teneremur, bellum gereremus; sed quoniam audax temeritas in præceps iuit, & iustitiæ nostræ quâ nos in conspectu Dei potiores esse confidimus periculum facere vult, eius decreto qui & cor nostrum intuetur, & illorum conatus perspectos habet, nos permittimus: ceterùm si quid sanguinis Poloni in Regni visceribus fusum fuerit, id non nostrâ, sed eorum culpâ euenturum, & Senatum & militarem ordinem qui nobiscum est testamur. His dictis cùm loricam poposcisset, eaque indutus medio agmini se inseruisset, signumque belli proposuisset; tanto ardore pugnandique cupiditate vniuersus exercitus accensus est, vt tanquam

Stanislaus  
Galski Pala-  
tinus Russiæ  
Rocossianos à  
fugâ retinet  
& traiectu  
Vistulæ pro-  
hibet.

Situs loci  
prope Vistulâ  
ad Ianoue-  
cium in quo  
constiterant  
Rocossiani.

Ioannes Zba-  
rascius Pala-  
tinus Bracla-  
uiensis vir  
militaris ex-  
ercitui Regis  
præficitur.  
Regis ad eum  
sermo.

Rex signum  
belli proponit.



quàm cum acerrimis hostibus, non cum suis ciuibus pugnaturi prælium alacres exposcerent, ad vindicandamque Regiam dignitatem ita accingerentur, vt nisi eos belli Duces Præfectique retinerent, iniussi prælium commissuri viderentur. In eo belli ardore Senatores sui muneris non ob-  
Senatores qui tunc adeunt Regiam clementiam implorant;  
 liti, Regem frequentes adeunt, testatam sæpius Regiam clementiam commemorant; ei vel in hoc puncto locum esse ostendunt, hac prius quàm armis rebelles aggrediendos esse consulunt. Ille nunquàm facilius quàm cum sanguini parcendum foret, hoc tantum præfatus, se quidem tot affectum esse iniurijs, vt innatam naturæ suæ patientiam iam  
Quam Rex ostendit.  
 ferè vincant; libenter tamen assentiri vt Senatus ea, quæ expedire paci & publicæ tranquillitati censuerit, suscipiat, & sedulo amore Patriæ curet. Notam esse omnibus suam innocentiam, notum animum pacis & concordia cupidum, totum se eorum arbitrio permittere. Iam vniuersum Regij exercitus robur collem, stationes hostium prospectantem, impleuerat, conspectuque ipso inimicis terrorem incusserat: cum paulò ante temerarij hostium animi flecti & labare cœperunt: milites passim non se contra Regem pugnatos denunciare, se in angustum redactos, etiam si in causâ iustissimâ, veterani exercitus vires sustinere non posse: nunc bellum paucis necessarium, cunctis exitiosum suscipi: irent potius auctores secessionis, ac clementiam Regiam experirentur. His clamoribus propè in seditionem versi, frustra obnitente Palatino, & compertos sibi Regionum animos, nec pugnam capestituros asserente, vtque immoti tantum in acie starent hortante, peruicerunt, vt Palatinus de temeritate non nihil remitteret, eorumque sententiæ vel inuitus accederet: missique exinde ad Regium exercitum qui peterent cum Senatoribus, qui cum Rege sunt, sibi colloquendi fieri potestatem. Profecti confestim ad eos Alexander Chodkieuicius Trocensis, Adamus Sandiuogius Czarnkowski Lenciciensis, Zbigneus Ossolinski Podlachia Palatini, Iacobus Prefic Castellanus Camenecensis: ad quos cum ad tria ferè à suo exercitu stadia Palatinus Cracouiensis cum Radiuilo progressi essent, datâ acceptaque mutuò fide, cum & initia, & Rocossianorum consiliorum progressus, graui oratione Senatores reprehendissent, & ni resipiscerent, atque à concordia, quemadmodum hætenus ab eis factum est, alienum gererent animum, Patriam memorabili clade illos insignituros ostendissent: petierunt postremò hortatique sunt, vt priuatis simultatibus, potiorem Reipublicæ & communis Patriæ salutem haberent. Regem eâ esse facilitate & lenitate, vt promptè æquis persuasionibus & postulatis locum det, multa illum Vislicia vel potius omnia suis precibus indulisse, satis in præsentī motu Reipublicæ cautum videri, cætera in proximis Comitij confici posse. Ad eâ illi, se quoque pacis esse cupidos, nec in eâ Patriæ reddendâ cuiquam primas partes dare velle: id satis ostendisse & antea, cum plerisque in Rocossiano conuentu vim & arma suadentibus obstiterint, neque eâ potentiâ, quam decies maiorem, quàm Regis  
Arctæ res Rocossianorum ad Ianoucium. Milites Rocossiani pugnam detrectant, & auctores Rocossiani ad implorandam Regiam clementiam hortantur.  
Auctores Rocossii colloquiū cum Senatoribus petunt.  
Redarguntur ab iisdem Rocossiani.  
Ad eâ Rocossianorum responsum.  
 fuisse



fuisse constat, uti voluerint, & proximè cum flagitante Senatu, suos qui sopiendæ discordiæ rationes vnirent, designarunt. De negotio quidem, quod non in suâ, sed in omnium esset potestate, conditionibus transigi non posse, oportere ut Rex cunctis, quæ ex auctoritate conuentus Rocossiani illi proposita sunt, satisfaciat: auctoribus eius conuentus securitatem, ut publicè & priuatim indemnes sint, caueat: se debitam tum demum Regi fidem & obsequium delaturos: sin minùs id factum fuerit, sibi potius vitam eripi, quàm ut proposito decederent passuros. Superuenerant huic colloquio Adamus Calissiensis, & Stanislaus Premissiensis Castellani, Stadnicij, ambo Regi addictissimi, & in propugnandâ illius dignitate, acres & constantes: quorum ille prior intempestiuâ Palatini incensus arrogantia, acrioribus verbis in eum inuectus est, hostem & parricidam, auctoremque seditionis appellans: sed Palatinus quasi minùs ea quæ dicebantur intelligens, dissimulato ad tempus vultu, ferociter instantem silentio transmisit: ijque qui aderant Senatores, ne iurgia procederent, opportunè intercesserunt. Palatinus Podlachia ad Regem continuò reuersus, quid Rocossiani postularent Regi præsentibusque Senatoribus retulit. Rex Senatoribus quid fieri oportere censerent, interrogatis, se eorum arbitrio permisit: ij communicatis consilijs, in eam sententiam respondendum concluderunt. Non debere Palatinum & Radiuillum sibi tantum in Republicâ arrogare, ut plus cæteris, qui eiusdem Patriæ membra & ciues sunt, sibi vsurpent: non illis solùm, sed alijs quoque salutem publicam curæ esse: satis Visliciensî conuentu prouisum esse, ne in præsentî statu Respublica detrimentum capiat: abolitæ suspiciones, quæ quosdam inani timore exagitare videbantur: cautum, leges & libertates non modò saluas fore, sed etiam secundùm postulata ordinum ex præscripto sanctionum Visliciensium proposita in Comitijs actum & prorogatum iri. Falsò Regiæ Maiestati imputari, eam absolutâ potestate uti, eius non benignitatem modò, sed & in negotijs Reipublicæ ex consilio Senatus tractandis promptitudinem, cunctis, qui sine affectu res æstimant, nec inuidiâ malâ alienarum actionum interprete obcæcati sunt, perspectam esse. Ne damna ex occasione coacti Rocossiani conuentus priuatis personis illata, eius auctoribus fraudi sint, neue perpe-  
tratorum facinorum causâ in ius vocentur, non posse Regiam Maiestatem eo nomine cauere aut iustitiæ cursum inhibere, suas quidem iniurias facillè eam condonaturam. Non illorum modestiâ factum esse, ut pacatis animis conuentus Rocossianus solueretur, fuisse istic multos, qui præsentem Reipublicæ statum probarent, & à seditiosis consilijs essent alieni; eorum operâ factum, ne cæteri quoque paucorum temeritate concitati in furorem agerentur, & ne eorum qui rebus nouis studebant, perniciofa consilia procederent. Et nisi tanta vniuersi ferè Senatus auctoritas, Equestribusque ordinis militare robur Regi præstò fuisset, nunquàm hac, quam nunc iactant, patientiâ eos vsuros, sed potius eadem temeritate,

Rex Senatorum  
sententias  
quid facto  
opus esset,  
rogat.



meritate, quam in Stazicensi & Lublinensi conuentu plerique eorum præseferabant, in Rempubicam & Regem impetum facturos fuisse. Spreuisse eos & antea sæpè & nouissimè per Castellatum Cracouiensem oblatas concordia conditiones, discessisse Sendomiriâ, armata multitudinis conuocandæ causâ, promulgasse edicta, infestos per Regnum circumduxisse exercitus, necessitatemque Regiæ Maiestati, vt eos cum exercitu insequeretur, atque à perniciosis conatibus auerteret, fecisse. Nunc has conditiones ferri. Diceret imprimis Palatinus Cracouiensis, quid & à quo de tradendo per Regem exteris Regno sciret. Quâ in re absoluti imperij ius vsurpatum exilimaret. Quos in Senatu suspectæ fidei & malorum consiliorum auctores arbitraretur. Deinde ne conuentum Rocossianum denuo concitarent. Edicta promulgata contrarijs editis literis reuocarent. Exercitum dimitterent, homines externos ablegarent, domi pacatè tempus proximè indicendorum Comitiorum expectarent: certi istic Regiam Maiestatem facturam id quod communis omnium ordinum consensus poposcerit. Et quoniam temporis angustia die in vesperam declinante, longos tam multis de rebus tractatus fieri non patitur, nunc ad osculum Regiæ manus venirent, cætera crastinâ die expediri. Hac Senatus mandata cum illis relata essent, tergiuersari Palatinus, tempus locumque eiusmodi iudicijs incongruum causari, denique hoc vnum velle, vt interim liberè fide datâ abire liceret, paulò post ad Regiam Maiestatem redituros, & eâ quâ decet subditos dominum reuerentiâ salutaturos. Hoc Palatinus Podlachia cum Regi Senatoribusque explicuisset, indignè ferre cuncti, & iniqua postulantibus nihil concedendum censere: quare acie iam Regiâ explicatâ, ac proximè succedente, Regio iussu Ioannes Danielouicius Capitaneus Belzensis & Christophorus Zbaraski Palatini Braclauiensis filius, ad eos profecti, qui nunciarent, nisi ijs, quæ per Palatinum Podlachia Regis Senatusque nomine illis proposita sunt, confestim paruerint, signisque & vexillis quæ contra Regem explicarunt complicatis ad osculum Regiæ manus venerint, scirent, non ampliùs secum conditionibus, sed armis certatum iri. Eò faciliùs, vt his mandatis assentiretur, persuaderi sibi Palatinus passus, quò magis milites suos ab ineundâ cum Rege pugnâ auersos cernebat: nam ij non præsentis modò periculi euentu anxij, sed futuræ quoque calamitatis, quæ à Rege victis & perduellibus inferri meritò possit, metu, Regi renunciari iusserunt, se contra Regem dominum suum arma non stricturos, paratos vexilla hastasque suas ad pedes Regiæ Maiestatis abijcere, fidem obedientiamque testari. In ipso demum noctis primæ crepusculo, redijt ad Regem Danielouicius, cætera facturum Palatinum significans, vnum id postulare, vt si Rex equo insideret, illos etiam equites ad se venire, & salutationis officio fungi pateretur: vel si velit vt equis descenderent, Rex quoque idem faceret, atque ex æquo loco ad se salutatum accedentes exciperet. Importuna fastuosi hominis postulatio, alijs

*Conditiones Rocossianis à Rege propositæ ad Ianuæ-*

*Ultimò Rocossiani à Rege monentur.*



*tandem Palatinus cum Radiuilo coram Rege se fiſtunt.*

*Palatini ad Regem oratio.*

*Radiuili item ad Regem oratio.*

rifum, indignationem cæteris mouit; hominem nimis in obſeruandis cæremonijs religioſum, ne eo quidem tempore innatæ ſuperbiæ obliuiſci potuiſſe. Rex verſis in cælum oculis, bone Deus, inquit, vides factum hominis. Interea incerto nuntio, quòd tenebræ proſpectum longiorem arcebant, eos venire ſignificante, conſonis totius exercitus vocibus, concordia, concordia clamata eſt; gratulationes mutuò ſibi applaudentium factæ: vbi verò propiùs ad Regem Palatinus Cracouienſis cum Radiuilo acceſſiſſent, Trocenſis, Lancienſis, Podlachiaëque Palatini, qui vnà cum illis veniebant, equis conſeſtim deſilierunt, ambigentesque num idem facerent exemplo ſuo permouerunt. Paululum pedibus progreſſi, vbi ad Regem ventum eſt, prior Palatinus Cracouienſis Regiâ de more exoſculatâ manu in hæc verba orſus: Sacra Regia Maietas, Deus ipſe ante cuius tremendum tribunal me hac ipſâ horâ dum in acie ſtarem ſiſtendum iri arbitrabar teſtis eſt; me toto turbulento hoc tempore nihil in Rempublicam, nihil in Maietatem veſtram peccaſſe, imò vtriuſque bono & commodò conſulere voluiſſe: idem me deinceps quoque facturum, atque fide ſincerâ Maietati Veſtræ obſequia debita præſtiturum profiteor; modò Maietas Veſtra ſecundùm leges noſtras nobis imperare atque in ijs quæ à Maietate Veſtrâ votis omnium flagitantur (id quod Maietatem Veſtram facturam Senatores ad me miſſi retulerunt) ſubditorum ſuorum iuſtis deſiderijs optatâ ſatiſfactione reſpondere dignetur. Aberat tum Cancellarius, nam cùm acie inſtructâ inermi inter armatos locus non eſſet, in proximum Palatium Ianouecenſe iuſſu Regio ſeceſſerat; igitur eius loco Mareſcalcus Regni, nomine Regis reſpondit. Quo progreſſu, quæue fide hæcque facta ſunt, fierent, nō latebat Regiam Maietatem; indoluit illa ſæpè eiufmodi conatibus Imperium ſibi diuinitus traditum, in turbas & ſeditiones protrudi: id nec ſuâ cauſâ, nec culpâ ſuâ factum eſſe, optimè ſibi Regia Maietas eſt conſcia; ſed quoniam Palatinus, Deo teſte, hæc ab optimo erga Patriam, & Regiam Maietatem affectu, proſecta eſſe contendit, facilè id ita fuiſſe concedit Regia Maietas, nec dubitat eum deinceps conſtanti erga ſe fide futurum. Radiuili poſtmodum Regiâ item oſculatâ manu: Lætor, inquit, me ſaluâ Maietatem Veſtram intueri, Deum teſtem inuoco, me in iſtis publicis actionibus, nec rancore, nec priuato ductum affectu, tantùm exemplo maiorum meorum, iura & libertates, quod bonum ciuem maximè decet, tueri voluiſſe. Cæterùm quo animo, quæue promptitudine id à me factū eſt, parè Maietati Veſtræ, vbicunq; Reſpublica operâ meâ eguerit, deſero. Reſpondit eidem Mareſcalcus. Non ignorare Regiam Maietatem, magnum eſſe libertatis ſtudium: eo pleroſque accenſos diuerſis affectibus agi, his ſi longiùs ab officio ſe ille abduci paſſus ſit, ignoſcere Regiam Maietatem, ac deinceps ſperare, eum boni & fidelis ſubditi munere functurum. Mox equis conſcenſis, Regem in caſtra deduxerunt, Palatinus Cracouienſis & Radiuili tabernaculo Palatini Lancienſis



cienſis ipſius inuitatu recepti, eâ nocte, ne quid illorum reditu in eorum caſtris rurfus moueretur, manſerunt. Poſtero die cùm milites Rocoffiani ſigna militaria tradere iuberentur, ijdemque peterent, ne id quod dedecus & infamiam exiſtimationi ac nomini illorum allaturum eſſet, facere cogerentur; conceſſit Regia Maieſtas, vt compoſitis tantùm vexillis & haſtis curribus impoſitis pacatè abirent. Quod cùm inſpectante Caſtellano Camenecenſi, hanc ipſam ob cauſam ad eos miſſo feciſſent, impetratâ conueniendi Regis poteſtate, præcipui eorum admiſſi, verba primario ex eis faciente, in hunc ſenſum Regem ſalutarunt. Homines liberos, & in libertate natos, ſe ita & parentum inſtitutione, & naturæ inſtinctu animatos fuiſſe, vt libertatis cauſâ non fortunis modò, ſed ne vitæ parcendum exiſtimarent. Id in præſenti rerum ſtatu à ſe præſtitum eſſe: nam cùm accepiſſent, leges & immunitates, libertateſque Patrias in diſcrimen venire, & violari, tanquàm ad commune incendium extinguendum, vt partas maiorum ſanguine libertates tuerentur, accuriſſe. Nunc demum poſtquàm intellexiſſent Regiam Maieſtatem, pium & religioſum Principem, non modò quid eiufmodi in animum non inducere, verùm etiam has ipſas libertates ratas habere, ac ex voto & deſiderio Regni Ordinum eas augere velle, vt ſe tanti beneficij gratos oſtenderent, veniſſe ſupplicatum, dignaretur Maieſtas Regia præteritas ſuas actiones à ſtudio tuendæ libertatis profectas, clementer indulgere: ſibi nunquàm in animo fuiſſe, vel rebus nouis ſtudere, vel quod dictu impium eſt, hoſtile quid in Regiam Maieſtatem moliri: paratos ſe eſſe vbi reſpopoſcerit, pro dignitate Regiæ Maieſtatis vitam profundere, interea petere vt ad oſculum Regiæ manus admittantur. Reſponſum Regio nomine à Cancellario Regni, facilè dare veniam Regiam Maieſtatem, ſi quid ab eis libertatis amore, cuius ingentem eſſe vim non ignorat, parum conſideratè eſt actum, arbitrari, id eos in quo erratum eſt, fide & obſequio deinceps compenſaturos; nunc abirent, & pacatè ſe gererent, nec deinceps hominibus ſeditioſis operam nauarent.

Miſſi deinde ad Palatinum Cracouiſem & Radiuſilum Rogozniſis & Premetenſis Caſtellani, ac Regni Referendarius, ij Regis & Senatus nomine poſtularunt à Palatino atque Radiuſilo, vt ea de quibus pridie actum erat, & quæ ad pacandum præſentem Reipublicæ ſtatum pertinerent, expedirent. Non ſe ſcire nec meminifſe aliquâ de re tractatum heri fuiſſe, reſpondit Palatinus. Immò verò, inquit Caſtellanus Premetenſis, ea quæ per Palatinum Podlachix, Regis & Senatus nomine vobis propoſita ſunt, niſi nox ſuperueniſſet heri facienda erant: ſalutationis tantum cærenionijs peractis reliqui tractatus ad ſopiendos ciuiles motus neceſſarij ad hodiernum diem prorogati ſunt: tu potiſſimùm Palatine docere debes, quis è Senatu abſoluti imperij Regi ſit auctor & conſiliarius, quis de tradendo vel potiùs prodendo exteris Regno, & quæ, quâue ratione conſilia inierit; qui mali conſiliarij, ac ſuſpectæ fidei Senatores:

hæc

*Milites Rocoffiani Regem deprecantur.*

*Conditionibus quæ antea die propoſitæ fuerant ſatisfacere renuit Palatinus & Radiuſilus.*



hæc non solitis inuolucris tegenda, sed in apertum proferenda sunt, si Regiæ dignitati, & Senatus, proditiōis & nefariorum contra Rempubli-  
 cam consiliorum insinulati, existimationi consultum esse volumus. Præterea vos qui conuentuum eiusmodi extra ordinem cogendorum auctores fuistis, ac proximè promulgatis literis, alium eiusdem generis conuentum indixistis, eiusmodi edicta contrarijs literis reuocetis: omnes qui vestris consilijs adhæserunt, vt pacatè se domi contineant admoneatis, acta Rocossiani conuentus Regiæ Maiestati tradatis, fidem vestram, ea quæ hîc aguntur rata fore, Regiæ Maiestati obstringatis. Mirari se respondit Palatinus, ea in præsentiarum proponi, quorû heri factam fuissè mentionem non meminerint: venissè se in Castra Regia, fide Senatus inductos: nec tanquàm bello captis sibi conditiones ferri posse, nec si ferrentur eas recipere velle. Hoc solum est, subinfert Referendarius Regni, quo præsens Reipublicæ tempestas, concitatiq̃ue motus sedari possint; id heri Regio & Senatus iussu per Palatinum Podlachia fuissè inculcatum, & frustra alia omnia futura, nisi hæc continuò fiant: nam Rege & Senatu populari inuidiæ obiecto, & sinistris suspicionibus onerato, non quieturos seditiosos homines, nisi ea, quorum expectatione omnium animi suspensi sunt in lucem proferantur: id vt faciant, non à Rege modò & Senatu, sed ab omnibus etiam ordinibus flagitari. Eos bello captos neminem existimare; non cogi, sed peti ab eis, vt ea pro eo, quem in Senatu & Republicâ dignitatis & auctoritatis obtinent loco, quæ cæteris ignota, illis comperta sunt, edisserant, Regem & Senatum calumniâ liberent, noxios prodant, Reipublicæ hoc ipso sublatis seditionum causis pacem restituant: id in tam frequenti status & Equestris ordinis confessu, ritè & legitimè expediri posse, ne si aliud tempus expectetur, præclara pacandæ Reipublicæ occasio frustra elabatur. Enimuerò causari Palatinus, nec locum, nec tempus his rebus pertractandis vel diiudicandis esse idoneum, quidquid sciat, priuatim Regiæ Maiestati dicturum, ac permissurum statuere de eo quidquid vellet: malle denique in Comitijs Regni se legitimè in ius vocatum, ad dicendam publicè causam cogi: fidem Regi datam nunquàm se fefellissè, & proinde ad eam nouo iuramento obligandam stringi non posse. Subiunxit Radiuilus suam quoque erga Regiam Maiestatem fidem, semper constantem in dubium vocari non debere; suspicionum vel in Regem vel in Senatum iactarum auctorem se non fuissè, nec earum rationem reddere teneri. Acta Rocossiani conuentus, quæ in suâ potestate erant, vnâ cum Nurzynio familiari suo perijsse: nunc dimisso exercitu se pacatè domum iturum, nec ad Comitia, si ita Regiæ Maiestati visum fuerit, venturum. Excepit vtriusque sermonem Palatinus Lenciciensis, qui graui oratione castigatâ istâ Palatini tergiuersatione, ostendit nequaquàm seditiosis, & populum leuib⁹ de causis in seditionem turbasq̃ue propellentibus satisfactum fore, si priuatim tantum ea, quorum causâ motus præsentis excitati



citati sunt, Regiæ Maiestati referantur, facile calumniaturos homines id, quod soli Regiæ Maiestati priuatim communicabitur, aliquid magni momenti fuisse, atque deliberatâ taciturnitate, ne cunctis secretum pateret, suppressum, publicè id in lucem proferendum quod omnes angit, & nisi sciatur, metum incutit: luat quisquis criminis reus est pœnas; innoxij suspicionibus & inuidia liberentur. Ita tum colloquium illud finitum. Perinde placuit Senatui, qui absente Rege, quò sententiæ liberius dicerentur, habitus est, accersiri Palatinum Cracouiensem; qui cum venisset, ac suo quisque loco confedisset, Matthias Pstrokonski Episcopus Premisliensis Regni Cancellarius, qui tum primum in Senatu locum tenebat, omnium nomine, conuerso ad Palatinum Cracouiensem sermone, in quas difficultates Respublica coniecta sit, perlatis ab eo in vulgus primum ad Stæzicam, mox Lublini, postremò in conuentu Rocossiano, nec tamen explicatis suspicionibus, omnes re ipsâ expertos esse commemorat. Obiectam esse absoluti imperij Regiæ Maiestati cupiditatem & usurpationem: regni prodendi & in externos transferendi voluntatem; accusatum sceleris & perfidiæ Senatum: hoc metu perculsos omnes, non timore modò, sed nimia curâ accensos, furere plerosque; nec mirum. quid enim libero homini potius libertate? quis ingenuus eius retinendæ causâ non quiduis audeat? neminem esse ad præsens in Poloniâ, modò se nobilem natum meminerit, quamuis pacatissimi sit animi, & ab omni seditione alienus, qui non hac de re sermones publicè priuatimque instituat, qui non denunciati periculi metu perhorrescat, ac quid tandem illud futurum sit, auidè scire cupiat. Maximè expedire harum opinionum, quibus ortæ sint, fontes & circumstantias aperiri: quamobrem eâ libertate, quæ tantæ auctoritatis in Republicâ primi nominis Senatorem (quem priuato non fuisse motum affectu, sed publicam egisse causam credibile est) decet, quod in Rocossiano cōuentu se facturum receperat, nunc tandem diu celatum aperiret in Senatu secretum: id non magis Regis, Senatus, quàm ipsiusmet, vel potius omnium interesse, velle Regiam Maiestatem multis de causis hoc in præsentī Senatus cōsilio publicè declarari, idem se Senatus nomine ab illo petere, publicum Reipublicæ incendium omnium dudum suspensæ expectationi satisfaciendo extingueret. Ad ea Palatinus, mirum sibi videri, res per se satis claras, & scripto ad Stæzicam proposito à se promulgatas, obscuras à plerisque existimari; quibus elucidandis nec tempus, nec locum præsentem idoneum esse, nec iudicium de ijs hîc institui posse. Temerè sibi imputari rerum nouarum studium; se ea in conuentu Rocossiano sensisse & dixisse, vt qui ea expenderit, longè à perniciosis consilijs se remotum fuisse sit perspeturus: non oblitum esse beneficiorum Regiæ Maiestatis; pacem vt cuius, sibi semper curæ fuisse, tumultus exosos habuisse, sed motum certis coniecturis, grauissimisque suspicionibus impendentis Reipublicæ periculi, hæc quæ comperta habuerit, & quæ saluâ conscientia filere non potue-

*confessus Senatorum Regi addictorum cum Palatino Cracouiensi.*

*Episcopi Premisliensis Regni Cancellarij Matthiæ Pstrokonij ad Palatinum Cracouiensem oratio.*

*Responsum Palatini.*



*Leues suspicio-  
nes ob quas  
Palatinus  
ciuilem motu  
concitauit.*

*Sermonem  
Palatini Cra-  
couienfis ex-  
cipit Hierony-  
mus Gostomf-  
ki Palatinus  
Pofnaniensis,*

*ostenditq;  
quam false  
& leues sint  
conficta in  
Regem crimi-  
nationes.*

potuerit, in medium protulisse; nihil tamen properè vel minùs confide-  
ratè à se factum. Communicatas cum decem Senatoribus in Conuentu  
Stæzicenfis consilij sui rationes, quæ cum non improbarentur, petijisse, vt  
in publico Senatus Comitiorum consilio eas proponerent, paratum se  
fuisse stare iudicio amplissimi eius ordinis, cessurumque fuisse sententiâ,  
si is eam improbasset; sed nescire quo casu factum sit, vt scripta sua Sena-  
tui non exhiberentur, nec de ijs eo loco iudicium factum sit: quare cum  
sua monita & salutaria consilia contemni videret, ad ordinem Equestrẽ  
meritò prouocasse. Non obscuris se motum coniecturis; sed cum vide-  
ret externos homines in Regnum venire, frequentes in aulâ Regiæ Maie-  
statis versari, priuata agitari consilia, grauem sibi inde iniectum fuisse  
scrupulum, quem illis scriptis se protulisse in publicum; quæ per se satis  
clara, maiori non egere explicatione: id tamen, si quis in re apertâ curio-  
sus indagator esse voluerit, se facturum, modò loco competenti, legiti-  
moque instituto iudicio interrogetur: nunc quoque priuatim Regiæ Ma-  
iestati mentem suam explicaturum. Cum hic dicendi finem fecisset, Hie-  
ronymus Gostomski Palatinus Pofnaniensis, vir acer, & qui priuatim  
quoque Rocossianorum aduersis sermonibus sæpè exagitatus esset, suo  
pariterque publico dolore accensus, in eam sententiam prorupit. Impri-  
mis grauius questus est incertis suspicionibus, & Regem in odium, &  
Senatum abrogatâ ei fide in contemptum populi esse adductum, legiti-  
moque sublato Magistratu, & confuso rerum ordine, seditionibus & tur-  
bis occasionem esse datam, ita vt nec Rex, qui inter Senatum & Eque-  
strem Ordinem rerum controuersarum iudex & arbiter esse debebat,  
munere suo fungi possit, nec Senatus suspectæ fidei redditus, si quid in-  
ter Regem & populum in disceputationem venit, consilio moderari; ad  
Equestrum Ordinem, Regiâ & Senatus vniuersi iurisdictione circum-  
scriptâ, & in ordinem redactâ, omnem nouo quodam exemplo transla-  
tam esse Reipublicæ potestatem. Se in illo Stæzicensi scripto nihil perspi-  
cere tale, quo suspensiones istæ firmarentur: id tantum actum, vt nec Rex,  
nec Senatus populi inuidiâ vacaret. Insimulatus Senatus, tanquàm Regi  
absolutè imperandi potestatem vsurpanti faueret, Rex veluti Regnum  
exteris prodere velleret: absurdum sanè videri, nec suâ nec filij causâ, sed  
vt alteri regnum traderet, illud affectasse, vt solum legibus imperium  
haberet, quo ipse breui esset cariturus: illam quoque alteram suspicio-  
nem parum quoque sibi constare, Regem Regnum in externum quem-  
piam transferre velle, simulque de coronando filio consilia inire. Iam ve-  
rò quàm credibile sit, quempiam in Senatu reperiri oblitum posterita-  
tis, qui se suosque omnes sciens prudensque perpetuæ vellet addicere ser-  
uituti. Sed utcunque ea se res haberet, se paratum esse, si quid vel om-  
nium Regni Ordinum, vel selecti consilij iudicio probatum contra se  
fuerit, pœnam capitis luere, dummodò accusator eandem pœnam, si  
falsò calumniatus fuerit, subire non recuset. Quamobrem ederet Pala-  
tinus



tinus Cracouiensis noxios, ac vniuersum Senatum inuidiâ oneratum, Regemque ipsum suspicionibus exsolueret. Vrgebat idem Palatinus Trocē-  
 lis cæterique omnes, & præcipuè Palatinus Podlachia, ostendens summâ  
 Regem & Senatum atque Equestrem ordinem necessitate adductum,  
 vt ad ea, quæ & in Villicienli conuentu suscepta sunt, & in præsentia  
 tractantur consilia, descenderet: sed cùm appareret aduersæ factionis  
 conatus in eo esse, vt in eo demum, qui iam indicebatur conuentu, no-  
 uo Rege electo præsentem Reipublicæ statum mutarent, nemini, qui  
 saluam Patriam vellet, cessandum fuisse. Se quidem faciliè credere, aliâ  
 mente Palatinum Cracouiensem fuisse, cùm eiusmodi conuentibus ini-  
 tia daret, sed idem expendere debebat impetum concitæ simul multi-  
 tudinis non in illius potestate fuisse futurum: extitisse istic iam quosdam,  
 qui palàm Regiæ obedientiæ renunciarent, aliumque Regem eligendum  
 proponerent, & tum eorum insaniam Palatinum reprehendere, & coër-  
 cere vel noluisse, vel non potuisse. Occasionem tumultuum aliter auferri  
 non posse, nisi suspicionibus, quæ Regem & Senatum inuidiâ onerant,  
 explicatis. Nominaret Palatinus Cracouiensis, quos in Senatu suspectæ  
 fidei, quos Regi ad occupandum absolutum Imperium auctores esse scit,  
 dent noxij poenas, seipsum vltro offerre præsentis iudicio, omni aliâ re-  
 nunciare prerogatiuæ, obijciantur & probentur crimina, statuatur pœ-  
 na, non dignitate modò, sed fortunis ac vitâ se spoliari permissurum:  
 subeat eandem accusator conditionem, si obiectum crimen falsò inten-  
 disse compertus fuerit, reddaturque eo ipso Senatui pristina auctoritas.  
 Ostendendum præterea, cum quo, & quâ ratione Rex de tradendo Re-  
 gno consilia inierit; quinam tam subtiles & secreti conatus esse potue-  
 rint, vt nobis inuitis & ignaris Regem daret. Hæc vel probanda sunt, vel  
 si temerè Regiæ detractum dignitati, confessione erroris læsa fama resti-  
 tuenda. Non esse causam, cur id in præsentis confesso fieri non debeat,  
 vbi tot Senatores, tanta Equestri Ordinis frequentia, quorum vel iudi-  
 cio, vel testimonio arcana istarite committi possint: non ampliùs nouæ  
 rei expectatione anxij hominum animi pendeant, aut ad novos tumultus  
 incertis pollicitationibus alliciantur. Aliter optatam tranquillitatem  
 Reipublicæ restitui non posse, nisi ea quæ metum faciunt, in lucem  
 proferantur. Hoc à Palatino Cracouiensi tanquàm huius scenæ auctore  
 postulari, quidquid compertum habet, quidquid timet, quidquid suspi-  
 catur aperiat, nec auidas tumultuantium mentes ampliùs suspensas te-  
 neat. Acriùs Castellanus Calissiensis, Non verbis coloratis, inquit, sed re  
 satisfaciendum esse expectationi hominum, incerta pro certis asseri non  
 conuenire, ne plus nimio sibi assumeret, ne inani fastu tumeret, agnosce-  
 ret errorem idem qui culpam renueret. Mitior Castellani Villicienlis  
 Andrea Comitiss de Taczyn, eodem tamen spectans, fuit oratio. Eo  
 animo nouis suspicionibus concitatos omnes accurrisse, imprimis vt  
 quid id tandem esset quod metum faceret, cognoscerent; deinde impen-  
 dentia

*Vrgetur Pa-  
 latinus Cra-  
 couiensis, vt  
 quidquid con-  
 tra Regem &  
 Senatum  
 sciret, ederet.*

*Idem vrget  
 Andreas Co-  
 mitis à Taczyn  
 Castellanus  
 Villicienlis.*



dentia pericula auerterent, hoc vt aperiat, metuque & solitudine cunctos liberet peti à Palatino Cracouiensi: non fore maiorem hominum concursum, si is conuentus qui ad v. Idus Octobris indictus est, peragatur, quàm qui in præsentiâ conspicitur: esse Regem, Senatum frequentem, magnamque Equestris ordinis multitudinem: boni Senatoris munus esse, quouis in loco aperire Reipublicæ vulnera, pericula auertere, & ne quid detrimenti capiat prospicere, pacatis animis longè aliter, quàm in conuentibus temerè coactis fieri solet, hîc rei propositæ æquitatem discerni ac diiudicari posse, tot Senatoribus (nec enim omnibus perfidiam obijci credibile est) arbitris causam cognoscentibus: palàm igitur fatendum, quod hætenus silentio tectum est, & is scrupulus, cuius causâ vniuersa Respublica in discrimen adducta est, publico consilio discutiendus, ne silentio tectus, nouas pariat suspiciones, ac perturbandæ Reipublicæ rerum nouarum cupidis optatam occasionem præbeat.

*Respondit ad  
superiora  
Palatinus,*

Hic tum erat vniuersi Senatus sensus, vt nemo esset qui non idem à Palatino Cracouiensi postularet; qui, cum cæteri finem dicendi fecissent, Vereor, inquit, vt omnia quæ dicta sunt memoriâ complectar; quare si quid omisero, me admoneri patiar. Existimabam ita nos in consilium ituros, vt citra cuiusquam offensam sententias diceremus, fefellit meam spem acerbior quorundam oratio, me tumidum, me inflatum appellant, qui cum tantos exercitus in manu haberem, pacati consilij auctor semper in Rocossiano conuentu fuissem: errat qui me temerè quidquam egisse existimat, cum certis ex coniecturis Reipublicæ periculum imminere arbitrarer, quicquid hac de re compertum habui, in conuentu Stæzicensi cum ijs, qui tum præsentes erant, priuatim contuli, atque suspiciones meas scripto comprehensas Senatorum iudicio subieci; quas cum illi non esse contemnendas existimarent, vt in Senatu, qui tum in Comitijs erat, proponerentur, postulauit: id cum contemneretur, nullumque fieret Senatus iudicium, ratus id tacito eius ordinis assensu probari, ne muneri Senatorio deessem, vtque fidem Patriæ datam exsoluerem, ad Equestrum ordinem rem totam detuli, quæ plerisque non ita obscura visa est vt maiori explicatione indigeret. Quid enim? an non species absoluti imperij ea est, quod Regia Maiestas à me sæpius literis appellata illis respondere noluerit: quod non eam, quam principio uxorem se ducturum ostenderat, ac in Senatu propoluerat, sed aliam, reclamantibus plerisque è Senatu, in matrimonium assumpserit, ac multa suo arbitrio inconsulto Senatu egerit? De transferendo in alios Regno quod Regia Maiestas iniuerit consilia, se non temerè suspicatum fuisse; nam & Castellanus Cracouiensis in eam adductus opinionem per Stanislaum Sulouium Canonicum Cracouiensem, Regiam Maiestatem, ne id faceret, admonuit. Supremus verò Marscalcus Regni, triennio ab hinc in confessu multorum Tarnouia dixit, id iterum agi, vt Rex Regno

*& origines  
suspicionum  
contra Regem  
ostendit.*



gno alteri tradito, ipse nos deferat; idem etiam hoc ipso anno priuatim Regi offensum, asseruisse Cracouiæ, se multò melius quàm Palatinus Cracouiensis Regis consilia perspecta habere, eaquæ in conuentu Rocossiano aperturum. Hæc erant quæ me permouerunt, vt Reipublicæ consulerem; & cùm alia consilia parum feliciter succederent, indicto hoc extra ordinem conuentu salutis Patriæ prospicerem. Aberat tum fortè Marscalcus in curandâ valetudine occupatus; missi ad eum Premerensis & Rospiriensis Castellani, percunctatum ecquid his de rebus sciret, & an eorum, quæ Palatinus Cracouiensis ab eo dicta asserit, meminere. Ad ea ille, nisi auctores eius fabulæ Palatinus ediderit, necesse erit hæc ab illo falsò conficta esse existimari. Non cunctatus Palatinus Stephanum Casimirski hoc ab eo Tarnouiæ audiuisse, Stanislaum verò Chelmski se eiusmodi Marscalci sermonibus Cracouiæ interfuisse, ac vtrumque sibi id postea narrasse respondit. Absentes nominauerat testes, quibus refellendis cùm ad præsens locus non esset, vocatis ad se Trocensi & Podlachia Palatinis Marscalcus, Exiguam sanè, inquit, Palatinus temeritatis suæ & concitati tumultus prætexit excusationem, meque simul inuidiâ falsâ onerat. Equidem si, vt fingit, hæc ad se ab eis quos nominat delata sunt, prudentis & circumspecti viri officium erat, nonnisi me interrogato an ea dixerim, leuissimorum hominum figmentis præstare fidem, ac tum demum, si ita ex me rem se habere comperisset, testimonio dictorum meorum vti. Cæterùm nec isti narratores, nec ipse Palatinus, nec quisquam hominum id me dixisse probabunt. Hæc tum illi quidem inter se & internuntios, Senatus verò vniuersus nequaquam sibi videri iustam & tantâ re dignam Palatini Cracouiensis excusationem, quamobrem vrgeri omnes, vt si quid maioris momenti haberet, proferret; vel si tam leuibus de causis tantos in Republicâ motus excitasset, hoc ipsum fateretur. Nihil, inquit ille, amplius quod sciam habeo, sed hoc ipsum sufficere arbitror, ne temerè quicquam egisse iudicari possim, conscientia quidem meâ, quæ graui vrgebatur scrupulo, satisfactum esse mihi ipse sum testis.

Hæc ad Regem deferri visum. Ergo aliquot primæ auctoritatis Senatores, è loco, vbi Senatus habebatur, ad Regium tabernaculum missi. Postquàm quibus Palatinus Cracouiensis suas opiniones niti probationibus affirmaret exposuissent; Rex continuò, Quàm leuibus, inquit, homo iste coniecturis fidem nostram suspectam reddit, ipsi cernitis. Nunquàm ad nos à Castellano Cracouiensi Sulouius cum eiusmodi admonitione missus fuit, nihil inconsulto Senatu, in hoc ipso matrimonij nostri negotio egimus: fatemur quidem nos aliquot literis eius non respondisse, sed ideò factum, quòd cùm ille vellet, vt manu nostrâ rescriberemus, ac tam longis nos oneraret epistolis, quibus legendis (nedum vt illi manu nostrâ rescriberemus) satis fastidij erat, numquàm tantum otij habebamus,

*Inter alias  
suspicionum  
origines, dicta  
à Marscalco  
Regni polie  
Palatinus  
Cracouiensis.*

*quæ Marscal-  
cus refellit.*

*Postulat Se-  
natus à Pala-  
tino Craco-  
uiensi, vt si  
quid maioris  
momenti sci-  
ret, promeret:  
qui nihil am-  
plius se scire  
asserit.*



mus, vt huic illius postulationi satisfaceremus. Scripto igitur comprehensas suas istas probationes edat Palatinus, vt & futura ætas, & vniuersi ordines in proximis Comitijis dispiciant, iustamne ille habuerit causam tanti ciendi tumultus, & vniuersæ Reipublicæ perturbandæ. Ea mandata postquàm Cancellarius Regni, Palatino Cracouiensi Regio nomine proposuisset, paratum se ille respondit, ea quæ in Senatu dixisset, scripto attestari. Circumsteterant multi militaris ordinis tabernaculum, in quo Senatus habebatur, scire auidi quidnam illud foret, quod Palatinus in publicum prolaturus esset; quorum plerisque, cùm iam Senatus confurrexisset, tabernaculum temerè ingressis, cæteris quoque idem faciendi data occasio, ad quos conuerso sermone Palatinus Ruffiæ; Est, inquit, cur Deo gratès persoluamus, à quo id factum, vt tanto numero hîc congregati, salutaribus consilijs impendentem Reipublicæ tempestatem, discussâ opinionum nube, auerterimus; patent iam ea quæ diu occulta ancipiti metu cunctos distinebant, & quietos esse non sinebant: non sunt ea tanti momenti, quæ Regiæ Maiestati imputantur, vt meritò in odium subiecti sibi populi venire debeat: salua est Senatus fides & dignitas, nullius fraudis vel minima suspicio in quenquam eorum, ex his quæ à Palatino Cracouiensi dicta sunt, deriuari potest, & Regia Maiestas nullâ in re infregit iura & libertates nostras, & Senatus in illis tuendis semper præclarè suo munere functus est. Quidquid est, quod Palatinum Cracouiensem ad concitandos hos tumultus permouit, id ex scripto eius, simul quàm exigui momenti illud sit, cuncti cognoscent. Cœperunt milites id ipsum confestim ex ore Palatini Cracouiensis scire velle, ac nonnulli militari ferociâ acriùs in eum inuehi, pauentemque, & quid respondeat incertum, vrgere: tum ille non se abnuere, quin totam consiliorum suorum rationem eorum iudicio subijceret, postulare tantùm vt modestiùs agerent, nec sibi Regis & Senatus fidem secuto vim intentarent. Mitigauit animos Palatini Posnaniensis oratio, quæ & Palatinum Cracouiensem omnis periculi securum esse iussit, & militibus ne quid tale postularent, quod postridie erant scituri, persuasit. Soluta Senatu, cœpère eo ipso die nonnulli Rocossianorum militum immixti Regijs, seditionis iacere semina, asserere circumuentum Palatinum Cracouiensem, strui ipsius vitæ insidias, si liberè in confessu militari dicendi facultas illi permetteretur, ostensurum eum auctores perniciosorum consiliorum, petere, ne tanti viri opprimendi adiutores esse, atque oppressis Regiâ potentiâ maiorum suorum partis sanguine libertatibus, malè de posteritate mereri velint. Falsa erant, sed in tantâ hominum frequentia non deerant qui fidem illis haberent. Quare seditioso coacto cœtu, postero die mittunt ad Regem, Palatinum sibi exhiberi postulant; sed irrita mox ea legatio fuit, discusso, eorum qui sanioris consilij erant interuentu, tumultu: simul Iacobus Potocki,

Rocossiani  
milites in  
exercitu Regio  
seditionis se-  
mina spargunt.

Quidquid  
seditionis im-  
minebat Re-  
gio edicto  
discussum.



tock, cui Prætorianus miles ac peditatus parebat, Regio nomine, ne quis miles suo iniussu tabernaculum, in quo Palatinus Cracouienſis erat, adire auderet, edixit; & in auctores ſeditionis, cogendorumque præter militarem diſciplinam clandestinorum cœtuum, ni properè caſtris excederent, ſe animaduſurum pronunciauit: ac ne qua occaſio rerum nouarum cupidis, diuturniori morâ & otij opportunitate, tumultuandi daretur, ſignum profectionis in diem tertium propoſitum. Interea verò ex Senatus conſilio, Rex ad vniuerſos Regni ordines datis literis ſignificat, ſe cum ijs, qui Rocofſiani conuentus nomine in armis erant, benignè tranſegiffe, eos viciffim dediffe fidem, dimiſſo exercitu non ampliùs conuentum eum ſe continuaturos: quare hortabatur, vt cæteri exemplo aliorum domi ſe pacatè continerent, expectarentque comitia, in quibus ſi quid adhuc Ordines à ſe ultra id, quod in Viſlicienſi conuentu eſt factum, poſtularent, ſe libenter morem omnium concordibus deſiderijs geſturum. Perſcriptæ quoque Senatorum nomine literæ, quæ ſeriem rei ad Ianoüecium geſtæ, & quibus conditionibus Reſpublica pacata, ac cum Rocofſianis tranſactum ſit continebant. Simul Palatinus Cracouienſis ſuam, quam in Senatu fecerat coniecturarum & ſuſpicionum, quibus permotus Rocofſianum conuentum indixerat, declarationem ſcripto promulgauit. Radiuſius etiam datâ Regi cautione, pollicitus eſt fide bonâ ſe cum Palatino dimiſſuros exercitus, nullos deinceps concitatuſos motus, cæteris pacatorum conſiliorum auctores futuros, & ad Comitia inermes, more ſolito venturos. Quod cum ſpontè & liberè promiſſum ab vtroque eſſet, nemo tum erat qui non ſincera fide eos Regi reconciliatos eſſe exiſtimaret, priuatim quoque ad Regem, ſeorſim ambo admiſſi, ac benignè excepti, & audiiti, tantò magis Regiâ beneuolentiâ obſtricti credebantur; cæterum longè aliter rem cecidiſſe mox videbimus.

*Iacobus Ptock Prætorianus militis ac peditatus Præfectus.*

*Rex datis publicè literis vniuerſis ordinibus ſignificat ſe cum Rocofſianis tranſegiffe.*

*Senatores quoque per literas ſuas ſeriem rei geſtæ ad Ianoüecium perſcribunt.*

*Palatinus Cracouienſis cauſas ſuſpicionum ſuarum ſcripto declarauit. Palatinus & Radiuſius benignè à Rege excepti, & dimiſſi.*



## DE MOTV CIVILI

IN POLONIA.

## LIBER TERTIVS.

1606. die  
9. Octob.Rex Craco-  
uiam versus  
profectus.Graues ini-  
micitia inter  
Palatinum  
Cracouiensem  
& Marscalcū  
Regni exar-  
sere.Palatinus  
Cracouiensis  
etiam post  
acta ad Iano-  
uecium in-  
quietus.

Ex Rocossianis & vniuerso ferè exercitu dimisso, septimo Idus Octobris ab Ianouecio Cracouiam versus progressus, præter aulæ solitum comitatum, mille equites præsidij causâ, nondum sopitis seditioforum animis, secum duxit: in itinere ad Monasterium Caluimontis religionis causâ diuertit, vbi sacrosanctæ Crucis lignum deuotè veneratus, septimo, postquàm Ianouecio discesserat, die, Cracouiam peruenit. Actæ per vniuersum Regnum indictis supplicationibus Deo gratiæ, consentiente omnium bonorum applausu, & lætitiâ, quod tam grauis & formidolosa tempestas, saluâ Republicâ, incruento euentu disiecta esset: grata erat cunctis Regia benignitas, quietæ vbiq; res, & felix status Reipublicæ. Sed vt publicè sub specie pacis Ianouecio discessum est, ita priuatim graues inter Marscalcum Regni & Palatinum Cracouiensem discordiæ initium sumpserunt: ortæ à Palatini dato Senatoribus responso, ac postmodum literis publicè editis promulgato, quod, vt supra diximus, à Marscalco, velut auctore serij imminentis Reipublicæ periculi, suspensionem coortam sibi Palatinus asseruerat; Marscalcus verò à se quicquam tale fuisse profectum constanter negabat. Sed cum suum nomen publicè circumferri, seque immeritò inuidiâ onerari cerneret, ipse quoque multa de Palatino questus, intentatam sibi ab eo calumniam amoliturus, publico scripto, quo innocentiam suam testaretur, se immeritò non aliam ob causam, nisi vt concitatis à se tumultibus, & in seditionem actâ Republicâ, velamen temeritati prætexeret, ab eo appellatum fuisse ostendit. Responsum à Palatino non modò non seruata Senatoriâ dignitate, verum etiam adeò mordaci vel procaci verius scripto, vt nihil intactum reliquerit, quo fama, existimatio & dignitas Marscalci lædi posset. Præludia ea futuri motus fuere; nam Palatinus Cracouiensis fremens frendensque, se ad Ianouecium magis vi, quàm conditionibus in potestatem Regis venisse, atque istic in ordinem redactum, exprobratum sibi rerum nouarum studium, etsi non perfidiæ, temeritatis tamen Reipublicæ perniciosæ, Senatus grauissimo iudicio notam inultam, imminutam auctoritatem, iam partam Regi clementiæ famam, auersos à rerum nouarum studio animos hominum, multum partibus suis decessisse, plurimum aduersariorum potentiam auctam esse, magnoperèangebatur. Sed vires suas circumspectans, se nudatum populari



populari aurâ, priuatis etiam exhaustum opibus, quiescendum sibi ai-  
quantû ratus, ad Zamoscium, quod tutelæ nomine in eius potestate erat,  
se contulit, vt intereâ opulentis pupilli bonis se comitesque suos susten-  
taret, iisdem paulò post simul & copijs Zamoscianis vsurus. Magnâ curâ  
præcipui è Senatu contendebant, Rege ipso annuente, vt ex inimicitia,  
quæ priuatim inter Palatinum & Mariscalcum erant sopirentur; sed cum  
nihil pacati à Palatino responderetur, frustra tam salutares conatus fuere.

Non minori studio, sed magis præcoci audaciâ, Ioannes Felix Her-  
burtus in Stanislaum Stadnicki Castellatum Premisliensem proruperat:  
is clarâ & vetustâ imprimis Herburtorum ortus familiâ, ingenio egregiè  
studijs exculto, versatili tamen & inquiero fuit. Hunc iuuenem sangui-  
ne sibi iunctum, Ioannes Zamoscus Regni Cancellarius, spectatâ in-  
dole eius delectatus, initio inter intimos amicos habuerat, atque Rei-

publicæ negotijs admotum, protulerat ad studia vulgi, vt passim dignus  
existimaretur, qui in locum eius succederet: mox leuem & tumidum  
expertus, paulatim à contubernio primûm suo, deinde ab amicitia remo-

uerat. Erat ei auunculus Ioannes Thomas Drohoiowski Referendarius  
Regni & Capitaneus Premisliensis, non absimili ingenio; qui cum hære-

ditarias quatuor inimicitias cum Stadnicijs gereret, multæque cædes inter  
eos fierent, denique anno proximè superiore, iusto propè exercitus agmi-  
ne inter se concurrerunt, victor Stadnicus, Drohoiuius hastâ trans-  
fixus, paulò post ex vulnere homo septuagenarius moritur, Herburtus,  
qui cum auunculo militauerat, ægrè fugâ, ne in manus hostis veniret, se  
subduxit. Cæso Drohoiuius Præfecturæ Premisliensis à Rege secundum

mortem auunculi obtinendæ Herburtus spem conceperat: quare initio  
Rocossianorum motuum, primus Palatini Cracouiensis in Stæzicensi  
conuentu conatus acerrimo scripto oppugnauerat, primus quid ille

moliretur, ad Regem detulerat, & ad opem ei ferendam promptum  
alacremque se ostenderat: sed Rex dudum suspectum habens incon-

stantis hominis ingenium, cum aliquantisper expectatione eum suspen-

sam tenuisset, Præfecturam Premisliensem Adamo Stadnicio Castella-  
no Kalisshensi fratri eius, qui Drohoiuium occiderat, confert. Offensus  
eâ de re Herburtus, tacito in Regem exarsit odio, & cum apud Palatinum  
Cracouiensem, suspectum se esse non ignoraret, in aliud tempus & com-

modiorem occasionem ea quæ animo agitauerat, distulit. Intereâ cum  
Gabriele Bathoreo Stephani Poloniae Regis ex fratre nepotis filio, confi-

lia communicare coepit. Bathoreus is beneficio Cardinalis Episcopi  
Varmiensis Patruis sui in Poloniâ educatus, & ad mores Polonicos effor-

matus, postquam iuuenis admodum in Hungariam rediisset, cæso Car-  
dinali ad Bathoreum Essethi Dominum se contulit. A quo eâ conditione,  
vt abiuratâ in quâ natus & educatus erat fide Catholicâ, profanum &  
impium recentium Arianorum dogma amplecteretur, adoptatus, &  
breui mortuo, diuturno xuo quesitarum opum, & pretiosæ suppellectilis

Idem Thomas  
Zamoscij  
tutor,

& à reconcilia-  
tione cum  
Marscalco  
alienus.

Acres inimi-  
citiæ inter  
Stanislaum  
Stadnicum  
& Felicem  
Herburtum.  
eius inge-  
nium.

Eius auuncu-  
lus Drohoio-  
uius.

Is cum Stad-  
nicio infestis  
agminibus  
concurrit, &  
hastâ transfi-  
gitur.

Felix Herburtus  
Præfectu-  
ram Premis-  
liensem am-  
bit.

Leue Herburti  
ingenium  
Regi displicet.  
Herburtus  
Præfecturam  
Premisliensem  
ad Stadnicum dela-  
tam indignè  
ferens, cum  
Gabriele

Bathoreo  
contra Regem  
conspirat.

Gabriel Bathoreus  
quis?  
eius educatio.  
is fidem Catho-  
licam

eiurat.  
Arianus sa-  
ctus à Bathoreo  
Essethi  
Domino ad-



haeres, adfluentibus ad eum seditiosissimis quibusque Hungaris, quibus tum Regnum illud domesticis motibus, & recenti à Cæsare Rudolpho defectione exagitatum plenum erat, magnam sibi potentiam comparauerat: adolescens planè omnium rerum inexpertus, & quâ ratione fortunam suam moderaretur, ignarus, vino & luxuriæ deditus, ac proinde temerarijs consilijs opportunus. Huius temulenti hominis opibus, ad Regis & Patriæ perniciem Herburtus abusus, cum ipse de spe Regiæ gratiæ deiectus, ac are alieno oppressus, desperatione rerum suarum præsentè Reipublicæ manente statu, præceps ad nouandas res ageretur, cum eo consilia conferre cœpit. Ac initio quò apud Regem fidem sibi conciliaret, literas Bathorei ad se binas scriptas ad Regem mittit: eum regnum ambire significat, se ab eo esse appellatum; existimare primarios Rocossiani conuentus concitatores non esse ab eo alienos: eorum sollicitatione factum, ut in spem Regni occupandi veniret, se interea eius fauorem & amicitiam simulaturum, quo conatus eius perspectos habeat. Cæterum ipsius adiutus copijs, cum nongentos circiter milites sub signis haberet, quo tempore Rocossianus conuentus ad Sendomiriam agebatur, Rexque Vislicia esset, ille neutro inclinans fortunam vtriusque partis præstolabatur: donec reconciliatâ cum Palatino Cracouiensi gratiâ, ad Rocossianos flecteret animum, ad omnem occasionem intentus, quâ vetus in Stadnicos odium, ob cædem auunculi & præreptam sibi Præfecturam Præmissiensem exsaturaret. Fractis ad Ianouecium Rocossianorum viribus, pacatâque, ut tum videbatur, Republicâ, cum spe pacis publicæ inde discessum esset, Herburtus abeuntis Stanislai Stadnicij Castellani Premissiensis vestigia legens, eum in villâ Regiâ Chotyniec affecutum, nihil tale cogitantem capit, ac celeriter suo arbitrio sumpturus de eo pœnam, Leopolim primariam Russiæ Urbem abducit. Sed superueniente Adamo Stadnicki Castellano Calissiensis cum longè maioribus quàm Herburtus haberet copijs, dum Ioannis Zamoscij Archiepiscopi Leopoliensis interuentu, conditiones capti Castellani Premissiensis eliberandi feruntur, egregio astu Stadnicus intra præsidia fratris deductus, è manibus ininici elabatur. Id indignè ferens Herburtus, collectis copijs versus Premissiam progressus, dum incautiùs se gerit, à Stadnicijs capitur; ac tum demum necessarijs illi oblatis conditionibus, ijsque iuramento ac sponsione firmatis (quibus illum non stetisse paulò post ostendemus) magis simulatâ quàm conciliatâ gratiâ dimittitur. Hæc licet inter priuatos acta, omittenda non putauimus, quia ad materiam, de quâ agimus, pertinere videntur; publici enim tumultus priuatorum maximè odijs aluntur: idque eò magis cum laxatis licentiæ frenis non iure, sed vi & armis quisque suas iniurias ultum it: quod licet legibus nostris seuerè vetitum sit, ita tamen hac nostrâ tempestate corruptis bonis moribus perniciofa ea consuetudo inoleuit, ut nemo sit, modò tantum virium habeat, quibus vim inferat, qui non iure belli sibi vtendum existi-

*Eius simulata  
erga Regem  
fides.*

*Cum Palati-  
no Craco-  
uiensi redit  
in gratiam  
eiusq. partes  
sequitur Her-  
burtus.*

*Idem Stanif-  
laum Stadni-  
cium Castell-  
lanum Pre-  
missiensem  
capit.*

*Stadnicus  
liberatus.*

*mox ipse  
Herburtus à  
Stadnicijs  
captus & cer-  
tis conditioni-  
bus dimissus.*



existimet. Sed nos institutum nostrum prosequamur.

Venerant per eos dies Cracouiam ad Regem à Basilio Suiscio, qui cæ-  
 so Demetrio Principatum Moschouia inuaserat, Nuntij Gregorius Kof-  
 cieneuicius Wolhomski & Andreas Ioannis; Summa legationis erat: *Moschouitiæ  
legati cæso  
Demetrio ty-*  
 Questi Gregorium quendam Otrepouicium Bogdani filium, malefi-  
 cum, impostorem, transfugam, religiosæ vitæ, cui addictus erat, deser-  
 torem, & apostatam, Polonicis copijs & auxilijs instructum, ad occu-  
 pandam Moschouiam à Rege & Senatu immissum fuisse; non alio ani-  
 mo, nisi ut eâ arte Moschouia amplissimum Imperium, cædibus & in-  
 cendijs vastarent, ac priscum religionis suæ ritum abolerent, quare fœ-  
 dus iuratâ fide ictum violatum esse referebant. Deinde potitum impo-  
 storem Imperio, summâ crudelitate illud exercuisse; opes sacrationis  
 ærarij prodegisse; Moschos conspiratione cum Polonis, sub specie nu-  
 ptiarum eò inuitatis factâ funditus exscindere voluisse. Palatino Sendo-  
 miriensi, nauatæ operæ præmium, Pscouiensem Ducatum & magni  
 Nouogrodi Imperium dare voluisse, ac penitus omnem Moschouiticam  
 Monarchiam euertere in animo habuisse. Moschos re cognitâ meritas  
 tandem ab eo pœnas exegisse; in eo tumultu cæsos quosdam Polonos,  
 qui nullo non iniuriæ genere homines innoxios, dum Tyrannus rerum  
 potiretur, affecerant, sed interuentu Procerum multos seruatos, & Mo-  
 schouia Principem Basilium Suiscium esse renunciatum; cum eo de in-  
 staurando fœdere mutuisque abolendis iniurijs Rex ageret, ut pax utrique  
 genti optata confici, ijque qui detinentur liberari possint. Responsum à  
 Rege, malè illos queri violatum à Polonis fœdus, quod illi ipsi fregissent:  
 Demetrium, seu quisquis ille fuit, qui sub hoc nomine non magis ipsis,  
 quàm Polonis imposuit, non antè à Rege Principis nomine dignatum,  
 quàm ipsorum Moschorum magno numero ad eum confluentium con-  
 fessione, pro certo existimatum fuerit, eum verè esse Ioannis Ducis Mo-  
 schouia filium; fauisse quidem illi quosdam è Polonis priuatim, & ad  
 Imperium aspiranti initio tulisse auxilium; sed mox quamprimùm Ho-  
 dunus de eo queri cœpisset, Regijs mandatis reuocatos: cætera Mo-  
 schorum eum fauore vsum: in eorum potestate fuisse reciperent necne  
 hominem sibi magis, quàm Polonis notum: eorum exercitus & Impe-  
 ratores sponte in illius fidem concessisse: deinde extincto Hoduno, fi-  
 lium quoque ipsius à Moschis fuisse interfectum, portas Moschouia ultro  
 per eos apertas; magno applausu ad eum, quem nunc maleficum im-  
 postoremque appellant exceptum, delata Imperij insignia. Ab eo mis-  
 sos publicè ad Regem & Senatum legatos, sponsam Palatini Sendomi-  
 riensis filiam in matrimonium petitem, solenni que ritu eâ desponsatâ  
 ad nuptias inuitasse: eò, fretos publicâ fide plerosque magni nominis  
 viros, honoris causâ, ut sponsam deducerent iuisse, non prohibitos fi-  
 nium ingressu, sed comiter vbique exceptos, inter ipsa hospitalis mensæ  
 fœdera mactatos, bonis, fortunis exutos, feminas illustres ludibrio  
 habitas:

*Demetrio ty-  
ranno ad Re-  
gem venerunt  
questi fœdus  
à Polonis  
violatum.*

*Responsum à  
Rege datum  
Legatis Mo-  
schouitiis,*



habitas : ac ne quid sceleris deesset , Regios Legatos iure gentium sacro-  
 sanctos violatos , & cum alijs , quos cædes nō absumpserat , sub custodiam  
 datos : hæc certè esse fracti & violati ab eis foederis manifesta signa. Si  
 in Demetrium præcipuo ferebantur odio , potuisse prius , quàm eò Polo-  
 ni venissent , tollere tantoperè sibi inuisum hominem ; sed studiosè hanc  
 dilatam ab eis fraudem , quò suam crudelitatem & avaritiam sanguine  
 & spolijs innoxiorum hospitem explerent : scituros breui quanto se cri-  
 mine obstrinxissent , non defuturas Regi tantæ iniuriæ vindicandæ ra-  
 tiones , eos interim Deum ipsum impij facinoris scelus auersantem , ulto-  
 rem experturos , ac perfidiosè fuso cruori , sanguine suo parentaturos.  
 Vera erant quæ obijciebantur , nec à Legatis Moschis refelli poterant.  
 Igitur postularunt , mitteret ad Principem Legatos Regia Maiestas , il-  
 lum continuò dimissurum eos qui detinentur , & læsis satisfacturum.  
 Huic eorum postulationi responsum. Non expectarent Moschi Legatos ,  
 ni bellum experiri malint ; vix iam cæde & captiuitate cognatorum ami-  
 corum suorum meritò exacerbatos & in ultionem ruentes homines , à  
 Regiâ Maiestate contineri ; eorum animos non nisi libertate captiuorum  
 leniri , & sedari posse : de cæteris iniurijs Regiam Maiestatem per Inter-  
 nuntios suos acturam. Cùm iniecta fuisset obiter mentio de Petro quo-  
 dam , qui se filium Theodori , qui postremus è verâ Moschorum Princi-  
 pum stirpe imperium tenuerat , ferret , ac in finibus Russiæ versaretur : ni-  
 hil se de eo audiuisse responderunt ; ne tamen , si quid moliri conaretur ,  
 Rex illi tanquàm impostori suppetias ferret , submissè petierunt. Non su-  
 perba , more gentis , fuit ea legatio , multa in ea timoris indicia , adeò vt  
 vel tunc appareret , desperatione rerum suarum , plurimùm Moschos de  
 veteri fastu remisisse. Ita tum Moschouiticis Nuntijs dimissis , libera Re-  
 gi & Ordinibus in proximis Comitijs deliberatio relinquebatur , quid de  
 Moschouitico negotio statuendum esset.

*Moschi alijs  
 superbi, tunc  
 modestiam  
 multaq; ti-  
 moris indicia  
 præseferbant.*

*Comitiorum  
 expectatio.*

*quorum ob  
 incommodum  
 anni tempus  
 dilationem  
 Rocossiani  
 malè inter-  
 pretantur.*

Confedissee aliquantisper ciuiles motus videbantur , omnium animis  
 expectatione comitiorum suspensis : ea cùm paulò tardius propter in-  
 commodum anni tempus indicerentur , nacti eam occasionem plerique  
 Rocossianæ factionis , in Cracouienfi & Sendomiriensi Palatinatibus , E-  
 questris Ordinis homines , seditiosis clamoribus ijs qui statis temporibus  
 iuri dicundo præerant , ne ius redderent prohibitis , eò audaciæ deuene-  
 rant , vt Regem contumaci satis & nimis asperâ perurgerent legatione ,  
 ne diutius Comitia differret , obiter etiam censoriâ libertate Regis cum  
 Rocossianis ad Ianouecium transactione perstricta. Pakoslauius eâ lega-  
 tione fungebatur , pridem iam Stephani adhuc Regis tempore , seditio-  
 nibus excitandis infamis : ac ob eam causam cùm inter alios , qui quòd  
 Maximilianum Archiducem per vim Regno imponere niterentur , ho-  
 stes Patriæ erant iudicati , bello ad Bycinam captus esset , eâ conditione  
 fuit dimissus , ne vnquàm Reipublicæ negotia attingeret : sed tum factæ  
 sponfionis oblitus , vt animo & ingenio suo morem gereret , consopitis  
 iam



iam ferè domesticis motibus, ignem subijciebat. Responsum vtrisque, ne tantoperè desiderio Comitiorum angerentur, & his ipsis diebus indicenda fuisse, sed dilata aliquantisper quòd & alieno anni tempore commodè expediri ea non potuerint, & proximis motibus omnium immenso sumptu exhaustorum, habenda ratio fuerit. In maiori quoque Polonia iisdem ferme diebus, paucorum audacià, noua tumultus initia facta sunt, auctore potissimum Petro Lascio, qui inani eorum què diceret faceretue ostentatione, linguà manuque promptus, tantum sibi popularis auræ parauerat, vt quamuis Russia ortus, ac nuper quæsitâ matrimonio certorum bonorum in maiori Polonia hæreditate, Nobilitati Palatinatus Calissiensis insertus, primas tamen sibi partes in conuentibus eius oræ vsurparet. Is Sigismundo Grudzinski Palatino Rauenfi, quem Regi ob negatam bonorum Præfecturæ Sochaceuiensis administrationem, infensum esse non ignorabat, quò renascenti seditioni qualemcunque auctoritatem vnus Senatoris accessione adderet, facilè persuadet, fore, vt Rege pulso, vel in ordinem redacto, ille qui vnus ex Senatu Reipublicæ causam suscepisset, principem deinde in Senatu locum sit habiturus, & ingentes opes nauatæ operæ præmium acquisiturus. Quem callidis consilijs facilè in suam sententiam pertrahit; ambo paucis adiunctis Colum oppidum obeundis maioris Poloniæ conuentibus destinatum, pridie Idus Februarij veniunt, ac de communi consilio, ad Bernardum Macieioium Cardinalem & Archiepiscopum Gnesnensem non longè à Colo in arce Vnieouienfi degentem mittunt; se quidem eo animo huc venisse, vt cum Rempublicam oppressam, nihilque eorum factum, quæ concordi Rocossiani cōuentus cōsensu decreta erant, videant; diem continuando eidem cōuentui præfigerēt: caterum ne qui ex eo motus in Republicâ fierent, hæc extraordinaria remedia non amplexuros, si à Cardinali, tanquam Senatus Principe, his de rebus dato diplomate sibi caueatur. Inprimis Senatores non nisi solito comitatu ad futura Comitia venturos. Regiam Maiestatem nulla externa auxilia in præsentia parare, neque paraturam, nec ijs ad opprimendum ordinem Equestrem vsuram. Scita Rocossiani conuentus, quæ concordi Equestri ordinis postulatio- ne proponentur, in Comitijs approbatum iri. Postremò eis qui indicendi Rocossiani conuentus auctores fuerunt, id ipsum fraudi damnoque non fore. Conatus est multis rationibus persuadere ijs Cardinalis, vt huiusmodi cœptis desisterent, neque temerarijs consilijs se & Rempublicam in periculum præcipitarent: ostendit frustra ea timere illos, quorum nomine sibi cauere postulant; nam neque Senatum pacis & concordie auctorem, cum aliorum animi eodem inclinent, arma sumendi habere causam, neque Regiam Maiestatem in summo suo discrimine, solis gentis nostræ subsidij confisam, atque ijs satis munitam, externis auxilijs, quibus parandis nunquàm animum adiecit, egere, aut hactenus eguisse. Iam vt ea, quæ præsens Reipublicæ status requirit, ritè in Comitijs

causa cur  
comitia cele-  
rius indicta  
non fuerint.

Noui tumultus  
initia in  
maiori Polo-  
niâ.  
Eorum Petrus  
Lascius au-  
ctor.

Eius consilio-  
rum socius  
Sigismundus  
Grudzinski  
Palatinus  
Rauenfis.

Eorum à  
Cardinali  
Macieioio  
Archiepiscopo  
Gnesnensi po-  
stulata.

His cœptis eos  
desistere hor-  
tatur Cardi-  
nalis Macie-  
ioius.



*frustra eos  
dehortante  
Cardinali,  
proposita sua  
urgent.*

*v. Calend.  
Aprilis ad  
Andreouiam  
Rocossiano  
conuentui  
præfigunt.*

*iustitium  
edicunt;*

*sed nemine  
curante.*

*Regis benigni-  
tas ceteros in  
officio conti-  
nuat.*

tij expediantur, ac scita Rocossiani conuentus rata habeantur, in eorum fore potestate, qui in Comitij publica consilia tractabunt, eorum concordia Regiam Maiestatem libere accessuram. Denique eam esse Regiam Maiestatem benignitate, ut facile iniurias animo deponat, usum quoque eadem clementia erga Rocossiani conuentus auctores, Patriæ amore eò progressos, sibi quoque id curæ fore, ut erga illos placatum Regiæ Maiestatis animum reddat. Interim postulare, ut his contenti sint, indictaque iam à Regiâ Maiestate Comitia præstolentur. Cæterum illi, qui non eo animo quod vel cautione aliquâ egerent, vel Principis Senatus consilijs uti vellent, sed ut diu meditati conatibus suis aliquam æquitatis speciem (nempe quod non ex voto sibi à Cardinale responderetur) prætexerent, hæc proposuerant, causati Cardinalem suis postulationibus annuere noluisse, multis, quò Regi inuidiam conciliarent fictis, Reipublicæ periculis commemoratis, actionibusque Regijs sinistra interpretatione exagitis, Rocossiano conuentui v. Calendas Aprilis ad Andreouiam continuando diem locumque præfigunt: hortati omnes, qui saluam Rempublicam esse cuperent, eò ut venirent, finem Rocossianis consilijs & deliberationibus imposituri. Interea quò securitati eorum, qui Andreouiam venturi erant, consulerent, militares Præfectos designant, militemque scribere iubent, binum tributum sciunt, iustitium edicunt, omnibus quicunque genere nobilitatis censerent vellent, tam qui militiæ vel aulae Regiæ adscripti sunt, quam qui Senatoribus ac priuatis personis operam suam addixerunt, ut patronis relictis, ad vexillum libertatis conuolent, mandant. Denique sacri ordinis Præsides & vniuersum Ecclesiasticum statum ad consilij societatem inuitant, amicè de rebus ijs, quæ in quæstione & controuersa sunt transacturi. Recensendo exercitui ad Siradium decimum tertium Calendas Aprilis diem assignant. Hæc verbis magnifica, re prorsus inania, scripto comprehensa publicè proponunt.

Surdæ ad ea hominum aures, qui proximo ad Sendomiriam conuentu, satis re ipsâ experti fuerant, quò talia consilia priuato studio magis, quam boni publici causâ suscepta tenderent: præoccupatæ quoque mentes expectatione Comitiorum, quæ Rex ad nonam Maij Varſauiæ indixerat, importunis seditiosorum sollicitationibus & promissis parum mouebantur. Et Rex quò auerteret dubios, fluctuantisque in fide confirmaret, ac falsò iactatas ab aduersarijs suspiciones à se remoueret, benigno rescripto aculeatis Rocossianorum sermonibus respondit, atque proximè prioris anni, actionum consiliorumque suorum, quibus in pacandâ Republicâ vsus erat commemoratis rationibus, modò pacati esse velint, se in proximis Comitij cunctorum expectationi satisfacturum, & promissa impleturum recepit: Illud postremò contestatus, si qui otij, pacis & concordia pertæsi motus cierent, sibi quoque & animum & rationes non defuturas securitati publicæ prospiciendi, nec dubitare vniuersos



fos Ordines, in afferendâ pace publicâ ac dignitate Imperioque suo ad se concordibus votis, Deo ita volente, delato tuendo sibi præstò futuros, auxiliumque & subsidium contra seditiosos & nouorum consiliorum auctores, laturos. His & similibus verbis ad permulcendos hominum animos accommodatis fiebat, vt non ex voto auctoribus noui motus consilia procederent. Perculit eosdem Russiæ procerum Leopoli sexto Idus Martij pro Rege factus consensus, quo confestim vteius Pro-  
Russia Proce-  
rum insignis  
erga Regem  
fides;  
 uinciæ Nobilitas ad Vîsnâ sexto Calendas Aprilis conueniret armata, promulgatum erat. Cæterum ne nihil agere viderentur, ijdem ipsi qui Colensem conuentum obierant, paucorum accessione aucti prope Si-  
item Nobili-  
tatis Palati-  
natus Sira-  
diensis,  
 radiam copias recensituri, die præstituto conueniunt. Id ipsum verita-  
auctore A-  
lexandro  
Koniecpolski  
Palatino  
Siradiensi.  
 Siradiensis Palatinatus Nobilitas, quæ per hos motus, constantis in Re-  
 gem fidei & pacatorum consiliorum studiij maximam laudem tulit, Du-  
 cibz Alexandro Koniecpolski Palatino Siradiensi, viro auitæ Nobilita-  
 tis, & priscæ erga Reges obseruantix, ac Stanislao Bykowski Castellano  
 Lanciensi & Capitaneo Siradiensi, vtroque belli & pacis artibus insi-  
 gni, frequens ad Siradiam conuenerat eo animo, vt Rocossianorum  
 conuentibus obuiam iret. Itaque vt eos proximè consedissee intellexerunt,  
 legatos suos, quorum princeps erat Georgius Radofzowski Boxa Suc-  
 camerarius Vielunensis, vir in multis Reipublicæ negotijs ab ineunte  
 ætate præclarè versatus, ac tum septuagenario maior, ad eos mittunt, ac  
 principio præfati, sibi quoque publicæ libertatis tuendæ innatum esse  
 studium; cæterum se eorum conatus suspectos habere; quippe cum li-  
 bertatis assertores dici cupiant, primi ipsi illam alijs, dum cunctos dicto  
 suo parere iubent, & priuati homines priuatam vsurpent & in alios ex-  
 tendant, auctoritatem, adimunt; id cum præter institutum maiorum  
 fiat, sibi minimè placere posse, proinde cum nihil commune cum sedi-  
 tiosis hominibus habere velint, fraternè ab ijs postulare, ne in sui territo-  
 rij agro eiusmodi conuentus instituunt, sed quamprimùm hinc exce-  
 dant, Patriam ne turbent, ius exerceri ne vetent, armis positis pacatè se  
 gerant. Pudebat tum Rocossianos suæ infrequentix adeò vt in conspe-  
 ctum Siradiensis Nobilitatis venire non ausi fuerint, nec sanè quidquam,  
 quod ad rem pertineret, legatis responderunt. Itaque cum Siradiensi No-  
 bilitate inuitâ iter versus Andreouiam institutum prosequi non possent,  
quare deuium  
iter suscipiunt  
versus An-  
dreouiam.  
 nec diutiùs eodem in loco hædere auderent, solutis ordinibus quâ quif-  
 que poterat, deuiò itinere superandi fluuij Vartæ causâ digressi, paulò  
 ferius quàm decreuerant Andreouiam venerunt.

Indictis intereà à Rege Comitijs, agebantur more solito particulares  
 Palatinatum conuentus, in quibus Rex per oratores suos rerum tra-  
Indictis à Re-  
ge Comitijs  
peragebantur  
conuentus  
particulares.  
 ctandarum seriem proponens, principio ijs quæ superiori anno turbu-  
 lento Reipublicæ statu gesta sunt obliuioni potius tradendis paucis com-  
 memoratis, pacem publicam stabiliendam esse ostendebat, se quamuis  
 tantis affectum iniurijs, tot oneratum suspicionibus, & immeritò in  
 K odium



*Summa eorū  
quæ à Rege  
in conuenti-  
bus particula-  
ribus propo-  
nebantur.*

*De compo-  
sitione inter  
status.*

*De naviga-  
tione Vartæ  
fluij.*

*De feudo  
Prussico.*

*De arcibus in  
confiniis con-  
tra Tartaros  
extruendis.*

odium subiecti sibi populi adductum, non tam eo nomine queri, quàm quidquid id est iudicandum ordinibus relinquere, an fieri debuerit. Agnoscere Regiam Maiestatem singulari Diuinæ bonitatis erga se Regnumque hoc clementiâ factum esse, ut rebus ferè perditis, & extremâ spe pendentibus, nihil tamen aduersi acciderit, sed pristinus Reipublicæ status conseruatus sit: expertam esse Regiam Maiestatem vetustis annalium monumentis consignatam inclytæ gentis Polonæ erga Reges Principesque suos fidem: eâ re adeò Regiam Maiestatem delectari, ut spectatæ virtuti tam benè de se meritæ gentis, libenter, quod & hætenus fecit, non Imperium modò suum, sed famam, salutem, vitamque suam permittere velit: precari interim Deum Optimum Maximum, ut dissidentibus animis, concordia nexu consociatis felicem & optatum consiliorum effectum largiatur: velle imprimis Regiam Maiestatem, ea quæ Vislicia scita sunt, auctoritate Comitiorum firmari: non abnuere quin & alia, quæ concordie ordinum consensu à se postulata fuerint concedantur atque statuuntur. Habet iam camera Regia, quemadmodum Vislicia postulatum fuit, suum Præfectum, dimissi ab aulâ externi homines, præter paucos Suecos, qui illius Regni negotia curent, ac nonnullos Pruthenos, Liuones, & Æstones, qui cum sint huius Reipublicæ membra, eos pro externis censi non posse. Componendæ eius, quæ inter sacrum & secularem ordinem, diu iam in quæstione est, controuersia rationes plerasque pendere ab arbitrio summi Pontificis: ad eum missum esse Nuntium Regiæ Maiestatis, scriptas Cleri vniuersi nomine literas, petitumque ut eo annuente aliquid de iure decedere liceat: cupere magnoperè Regiam Maiestatem ea ordinum dissidia, quæ magno Reipublicæ incommodo exercentur, tandem aliquando tolli, & componi. Expetitam à maioribus Polonis fluuij Vartæ navigationem, missa ad Electorem Brandenburgicum, qui in suâ potestate ostia eius fluminis habet, oratore, curari. Proximis Comitijis satis explicatum esse quo in statu sit negotium feudi Prussici, quod iure & Regum Poloniae concessione sibi deberi familia Principum Domus Brandenburgicæ contendit. Curam quidem Principis ægri cum diutius proferri non potuerit, ex frequentissimi Senatus consilio & assensu ad Illustrissimum Principem Electorem, interpositis conditionibus & pactis delatam esse, ius verò ipsum feudi, eiusque cognitionem Ordinum Regni iudicio reseruari: actum fuisse aliquoties hac de re, propositis vtrinque rationibus, sed nihil hætenus conclusum, dispicerent Ordines quid de eo statui oporteret. Castris, in finibus, Tartaris oppositis, à Rege ex pacto construendis, loca præfigi, eosque, qui id facerent, atque priuatos à publicis fundis in illâ desertâ, sed si excoletur frugiferâ regione secernerent, publicâ ordinum Regni auctoritate designandos esse. Velle Regiam Maiestatem hac ipsâ ætate dare initium huic rei, sed frustrâ in vastâ illâ solitudine arces construui, nisi eodem quoque coloniarum deducatur; id fieri posset, si hominibus Equestri Ordine natis



natis incerti iuris possessiones hæreditario iure conferrentur, vt simul & arcium præsidij & agros incolentium multitudine, hostes à populatione & vagis excursionibus arceri possint. Disciplina militaris laxatis licentiae frenis dissoluta, quomodo in pristinum statum restitui possit, in eundas esse rationes; ne miles publico stipendio conductus in extorquendâ annonâ adeò sit priuatis hominibus grauis, ne perniciosas contra Patriam conspirationes ineat, & vt ad bella capeffenda promptum se exhibeat, ita vicissim parere imperio discat, curaturam Regiam Maiestatem, vt quò præmijs ad nauandam Patriæ operam allici, & in officio contineri possit, eorum qui sex annorum emerita stipendia habuerint, testimonioque Ducum & militaris fortitudinis & civilis modestiæ laudem tulerint, in conferendis beneficijs prima ratio habeatur. Bona Reipublicæ, doti defunctæ Regiæ subiecta & obnoxia, eius morte immunia facta esse, de quo ne quis ambigere possit, reddituram Regiam Maiestatem in proximis Comitijs in eam rem datâ diplomata; interim postulare, vt præsentì coniugi suæ dotalitia bona, quæ reformationis titulo suæ Serenitatis iuri obnoxia forent, ordines in iisdem Comitijs designare velint. Cum Imperatore Turcarum fœdus quidem non esse hætenùs renouatum, quòd is cui erat mandatum, vt Regis & Reipublicæ nomine apud eum legationis munere fungeretur, primò publicis, quæ cum proximo anno satis exercuerunt, deinde priuatis negotijs impeditus id ex æquo intermiserit; cæterum ne ea mora periculo Reipublicæ esset, satis à Regiâ Maiestate eò missis Nuntijs, qui tarditatem legationis excusarent, cautum esse, eoque factum, vt quamuis tot illatis frequentibus Cosacorum in ditiones Turcicas excursionibus damnis, occasio barbaris data fuisset eas iniurias armis vindicandi, nihil tamen istic motum fuerit. Nunc iam alium legatum missum esse, qui ictum cum Regiâ Maiestate & præsentis Imperatoris patre fœdus, ex veteri consuetudine firmaret: id stabilius certiusque fore, si Cosacorum licentia coërceretur, quæ eò usque creuit vt ex libitu suo bellum inferant, ac prædas agant. Varnam proximo anno nobile Turcarum emporium ab eis direptum esse, decem Turcicas triremes mercibus onustas interceptas; & nisi in legitimam aliquam imperij formam colluies illa redigatur, ingentem Turcici belli tempestatem inopinantibus nobis, eos in Republicâ concituros. Tartarum missis proximè Legatis, pacem petere, & fœdus sancire velle: missum quoque eò esse à Regiâ Maiestate legatum, qui de illatis damnis quereretur, nec antè stipendium solitum illi datum iri ostenderet, quàm is in posterum caueret se suos subditos ab hostilibus in fines Regni excursionibus cohibiturum. Liunioniam Prouinciam sanguine Polono partam, extremam iam opem implorare, eius possessione magnâ ex parte hostem quidem esse exitum, & aliquot nobilissimis victorijs

*De militari  
disciplinâ,  
restaurandâ.*

*De contra-  
dote Regiæ  
mortuæ.*

*De fœdere  
cum Impera-  
tore Turca-  
rum.*

*De Cosaco-  
rum licentiâ  
coërcendâ, à  
quibus Varnâ  
nuper expu-  
gnatâ.*

*De Tartaris  
ab incursio-  
nibus cohi-  
bendis.*



*De stipendijs  
militis in Li-  
thuania mili-  
tantis.*

*De legatione  
Moschouiti-  
câ, & quid  
Moschis re-  
sponsum.*

*De bello  
Moschis infe-  
rendo.*

*De temeritate  
paucorum  
qui nouum  
tumultum  
concitare co-  
nabantur.*

Caroli Chodkieuicij pro Magno Ducatu Lithuaniae exercituum Præfe-  
cti ductu profligatum : sed milite ob non numerata stipendia inde exce-  
dente, Prouinciam omni præsidio esse destitutam, venturam rursus, ni  
prouideatur, in potestatem hostis hanc ipsam illius occupandæ occasio-  
nem captantis. Iam ipsum militem Regijs possessionibus per vim occu-  
patis hæere in visceribus Regni, vastare patrimonium Reipublicæ, exue-  
re miseros colonos omnibus fortunis, nec iam à bonis hominum Eque-  
stris ordinis abstinere : illaturos magnam Reipublicæ calamitatem, nisi  
solutis stipendijs (quæ quâ ratione confici, & repræsentari possint, in fu-  
turijs Comitijs expendendum) exauctorentur, vel iterum militari sacra-  
mento adigantur. Moschouiam cæso eo, qui Demetrii nomine eum  
Principatum inuaserat, ciuili hucusque redundare sanguine : missos inde  
fuisse ad Regiam Maiestatem Nuntios questum, per vim hunc ipsum  
Demetrium à Polonis sibi obtrusum, ac fœdus eo ipso violatum fuisse.  
Responsum illis ita esse, vt omnis fœderis fracti culpa in illos retorque-  
retur; nam, quisquis ille fuerit Demetrius, eum ab illis vt Principem palam  
inuitatum, & eò venientem receptum, eo inaugurato in Poloniam lega-  
tos publicè missos, ad nuptias Regem inuitatum, mox insidiosè multos  
Polonos eorum fidem secutos alios immani feritate cæsos; alios, ac in  
his legatos Regios contra iura omnium gentium in vincula coniectos.  
Ad ea Moschos cum quid responderent non haberent, hoc vnum  
postulasse, vt eò suos Nuntios Regia Maiestas mitteret, quos iam à  
Regiâ Maiestate expeditos esse, qui & iniurias factas quererentur, &  
res ablatas, hominesque interceptos repeterent, pacemque, si quis es-  
set cum quo hac de re agi posset, firmarent. Cæterum tot acceptis à  
gente barbarâ, & nomini Polono inimicissimâ iniurijs, an ad eas refe-  
rendas, dudumque fraude illorum interceptas amplissimas Prouin-  
cias recuperandas, cum ultro præclaræ se pandant occasiones, ani-  
mum adijcere libeat, diligenter esse considerandum. Regiam Maiesta-  
tem esse eo animo, vt hac in parte, modò Ordines Regni studia vo-  
luntatesque suas eò conferant, ostendere velit se Reipublicæ & muneri  
suo deesse nolle. Postulare denique, cum pacandæ Reipublicæ facul-  
tas in concordia omnium sita sit, ei potissimum studeant, Nuntiosque  
quibus id ipsum curæ sit, quique non priuati negotij causâ id mu-  
nus ambiant, designent. His ita perscriptis, nuntio de Golenis con-  
uentus conatibus allato, adiectum prætereà, cum pauci quidam pri-  
uatâ auctoritate, quietis impatientes nouum tumultum ciere mo-  
liantur, vt Rempublicam seditionibus intestinis exagitent, arbitrari  
Regiam Maiestatem eorum perniciofa consilia, & temerarios au-  
sus nequaquam locum apud homines pacis & concordie cupidos,  
Patriæque amantes habituros : fucum eos facere inani libertatis osten-  
tatione, cum indicta sint Comitia, in quibus more maiorum, graui  
Senatus



Senatus & Equestris ordinis iudicio, ficta eorum quæ hætenus iactant somnia, & vanæ suspiciones expendi possint: miscere eos omnia, ac pacatum Reipublicæ statum perturbare velle, quò sublati legibus confuso ordine, abrogatis Magistratibus, ipsi demum seditiosæ concionis decreto, Rempublicam sui iuris & arbitrij faciant, eam ex suo sensu vel potius libidine reformaturi. Peterè ne eis ordines fidem accommodent, quin potius eorum conatibus obsistant, nec si quid contra Regiam Maiestatem molirentur, auxilium ferant.

Hæc ferè summa erat eorum, quæ tum per conuentus particulares Regio iussu & nomine proponebantur. Andreouiam admodum pauci primò ex seditiosis venerunt, ijque potissimum, qui temeritate & audaciâ cæteris præire volebant: non aliquâ virium fiduciâ, quas nullas habebant, sed non ignari mite Regis ingenium, pænè in conspectu illius (nam Andreouia vnus diei itinere Cracouiâ distat) sedem consilijs turbidis proponendis fixerant. Nec sanè eos fefellit opinio; nam cum illi seditionem concitarent, homines armatos cogerent, ac pænè classicum canerent, & in Regem contumeliosis scriptis inueherentur: ille Regio planè animo hæc contemnenda existimans, benignitate potius & clementiâ sanandos, quàm seueritate coercendos putauit. Igitur quamuis eorum insolentia cresceret, atque viribus etiam tumultuario conscripto milite aucti essent, & Ioannis Radiuili, qui seriùs aliquantò eò venerat aduentu, eiusque copijs militaribus intumesceret, Rex tamen misit ad eos Eustachium Volouicium pro Magno Ducatu Lithuanix Referendarium & Georgium Ducem in Zbaras Pinscensem Socaliensemque Præfectum, qui ob suscepta ab eis eiusmodi consilia extraordinariumque coactum conuentum, quæ Reipublicæ domi forisque pericula imminerent, ostenderent: proximè instare Comitiam ab vniuersis Regni Ordinibus flagitata: ea postquam indicta sint, pari omnium consensu approbata, lectos Nuntios, omniaque secundum veterem consuetudinem ac leges & instituta maiorum peracta, non dubiam spem esse in illo publico Regni confessu, Rege & Senatu & Equestris Ordinis Nuntijs adnitentibus, præsentibus Reipublicæ incommodis satis prospectum iri, Regiam Maiestatem ad omnia, quæ concordiam omnium consensu proposita fuerint, præstanda esse & fore paratissimam. Ad ea illi: Sæpiùs iam quidem promissorum Regiæ Maiestatis expectatione, animos conatusque suos suspensos, ac pænè elusos fuisse; cæterum ne omnino indicta Comitiam contemnere viderentur, cum eò etiam accedant multorum Equestris ordinis è diuersis partibus suasiones, se ad v. Calendas Iunij promissam satisfactionem expectaturos, sedemque peragendi conuentus sui proximè Varſauiam translaturus. Constituerat Palatinus Cracouiensis, vt primum (eo haud dubiè clam consilia suggerente) noui motus initia data sunt, quò maiori potentiâ conuentus Andreouiensis niteretur, eò cum copijs suis venire; sed cum suas vires nequaquam ijs, quas Rex omni Russico

Conuentus  
seditiosorum  
ad Andreouiam.

Regis in contemnenda  
Rocofianorum  
leuitate animus.

Regis à temeritate  
dehortantis ad illos  
nuntij.

Responsum  
ad ea Rocofianorum.



*Palatinus  
contra spon-  
sionem factā  
Rocossianorū  
consilia fouet.*

milite ad eum confluente haberet, pares cerneret, verereturque, ne Rex si quid contra pacta Ianouecensia committeret, legitimam in eum seuerius animaduertendi causam & occasionem haberet, maluit alienæ, quàm suæ temeritatis periculo, experiri, quid Rex in animo haberet: quem postquàm lenibus solito vti remedijs cognouit, ipse quoque publicè scriptis editis, & probato Andreouienſi conuentu, palàm quàm mente esset declarauit.

*Potocij parti-  
bus Regis  
stetere.*

*Regis Craco-  
uiā Varſa-  
uiam iter ad  
obeunda co-  
mitia.*

Iam Zolkieuius, iam Potocij Cracouiam venerant, ceterique qui Regiarum partium præsidio militari robur ac firmamentum erant, cùm Rex appetente Comitiorum die, recensito exercitu, atque ex eo, quantum Cracouiæ, vbi vxorem & filium relinquebat, satis præsidio foret relicto, v. Calendas Maij Cracouiā Varſauiam versus profectus est: ac licet Andreouia in ipso itinere esset, tantumque virium haberet, vt facilè conuentum, qui istic agebatur, eâ occasione submouere & discutere posset, tamen ne si nascentem seditionem armis oppressisset, se inuidiæ populari obijceret, consultò declinauit, & ad læuam flexit iter, illud diligenter cauens, ne quod à parte suâ noui motus initium oriretur. Pridie nonas Maij decimo postquàm Cracouiā discesserat die, instructo sub signis exercitu, Varſauiam ingressus est; ac ne noua armatorum Comitiorum facies magis necessitate præsentis status, quàm Regiâ voluntate vsurpata animos hominum turbaret, Rex continuò vniuersum exercitum, quidquid hominum in armis erat, positus extra ciuitatem versus septemtrionem castris tendere iussit, ciuitas ipsa, veluti omnia pacata essent, venientibus ad Comitiam patuit: eo modo & securitati prouisum, & submoto militari tumultu, liberè dicendis sententijs, consilijsque explicandis omnibus amplissima potestas facta. Ita ritè cunctis dispositis, præmissio solenni sacrosanctæ Missæ sacrificio, præsentis frequentissimo Senatu, initia futuræ consultationi data: atque imprimis Terrarum Nuntij, de more eum qui rogandis in eorum confessu sententijs præffet legentes, ad Felicem Criscium Regni Referendarium concordî consensu id munus detulerunt: qui cùm singulari facundiâ atque rerum vsu polleret, semperque optimarum in Republicâ partium auctor promotorque esset, facilè omnes in eam spem adduxit, vt eo publica Equestris ordinis consilia moderante, omnia ex voto & desiderio bonorum esse cessura confiderent. Quam hominum de se conceptam opinionem, eâ oratione, quam primam Nuntiorum nomine ad Regem & Senatum habuit, ita confirmauit atque etiam auxit, vt nemo esset, qui non Regi & Reipublicæ gratulandum existimaret, talem popularibus consilijs, quæ plerumque leui momento perturbantur, rectorem ac moderatorem contigisse. Rex ijs, quorum causâ Comitiam indixerat, breuiter expositis, præsentique Reipublicæ statu recensito postulauit, vt quod è Republicâ ordines censerent, exponerent; se omnia arbitrio ordinum permittere, agerent facerentque illi cuncta, ac liberè statuerent, experturi Regem promptum, paratum-

*Initium Co-  
mitiorum  
Varſauie.*

*moderator  
confessus Nun-  
tiorum terre-  
strium Felix  
Criscius.*

*Propositio  
Regis tra-  
standorum in  
Comitijs.  
Rex quò libe-  
rius sententiæ  
dicerentur,  
illis interesse  
noluit.*



paratumque ad ea omnia præstanda, quæ concors ordinum consensus decreuerit: ac ne sua præsentia, quominus liberè ab omnibus sententiæ dicerentur, obstare videretur, nolle se interesse publicis consilijs, tractaret ea se absente Senatus, accitis Nuntijs. Benignitas ea Regis atque animi moderatio, grata erat cunctis; quare cum dicerentur sententiæ, ex Senatoribus quisque pro se Regi eo nomine gratias agere, laudare pium & paternum erga subditos affectum, sua studia, curas, & vigilias, ad pacandam Reipublicæ præsentem tempestatem polliceri. In ijs tum primò Comitijs introducta fuit ea consultandi ratio, ut vno eodemque in loco Senatus & Nuntij Rege absente conuenirent, faciliusque eo modo discordes Nuntiorum sententiæ, Senatorum accedente auctoritate, conciliari posse plerique arbitrati sunt. Et cum Visliciensis & Sendomiriensis conuentuum rogationes in quæstione essent, hæcque vel illas alterutra factionis pars tuendas suscepisset, ne temerarijs disceptationibus tempus frustra tereretur, ea inita est ratio expediendorum consiliorum: proponebatur negotium de quo utrobique actum, & aliquid sanctum esset, quæsitumque cuiusnam conuentus, Visliciensisne, an Sendomiriensis decreverit probandum foret: eâ de re dictâ ab vno, vel summum altero ex Senatoribus sententiâ, si nemo erat ex Nuntijs qui dissentiret, lex perscribatur: si qui refragarentur, ij vltro citroque propositis rationibus facilè in omnium sententiâ concedebant: fiebatque ut multæ res controuersæ satis, de quibus antea minimè inter Status conuenire poterat, tunc facili quodam negotio deciderentur, multaque Reipublicæ salutaria Senatus consulta perferrentur. Angebat magnopere Rocossianos felix is comitiorum progressus, qui Andreouia discesserunt edicto proposito, quo, quod non Rocossianis consultationibus finem istuc imposuissent, modestiâ suâ factum esse ostendebant; potuisse iam supremæ suæ potestatis decreto prospicere Reipublicæ; sed ne fortè temeritatis arguerentur, etiam hac vice expectare velle, an Rex ea, quæ se facturum recepit, in Comitijs præstaret: nunc eò cum exercitu vniuersos progredi, hortari cunctos se sequi velint, alioqui vel ijs absentibus se ea consilia amplexuros, quæ Reipublicæ status exposcere videbitur. Hæc tum satis pro imperio non multò plures triginta homines, exceptis familiaribus, & iis qui pecuniâ conducti merebant, edicebant: ut tam paucos tantum sibi arrogare ausos vix credibile sit futurum.

Palatinus Cracouiensis, cuius nutu & consilio omnia ista gerebantur, postquam Regem Cracouiâ discessisse intellexit, ipse quoque Zamoscio, bellico instructus apparatu, non ut Comitijs interesset, quemadmodum ad Ianouecium se facturum Regi fide data sponponderat, sed ut Rocossianæ factioni robur & auctoritatem adderet, profectus est. Datæ erant ad eum, cum iam in itinere esset, Senatorum Nuntiorumque omnium literæ, quibus admonebatur maturè ad Comitium venire; id ab eo & Senatorij muneris functionem, & negotiorum consiliorumque, quorum

*Inuitata ante consultandi ratio Senatorum cum Nuntijs Rege absente.*

*Palatinus Cracouiensis vires Rocossianorum sua interuentu augere contendit.*

*Litteræ ordinum Regni ad Palatinum, eum ad Comitium inuitantium.*



*eius respon-  
sum,*

*nihil ad se  
Comitia per-  
tinere dicentis  
ambiguum.*

*quid inten-  
derit ambiguo  
responsio Pa-  
latinus Cra-  
couiensis.*

*Senatuscon-  
sultum factū,  
vt quicunque  
aliqua occulta  
contra Rem-  
publicam  
consilia sciret,  
ad Comitia  
se sifteret, ea  
propalaturus.*

ipse auctor esset, expectationeque eorum suspensos animos ciuium teneret, in Comitij institutam tractationem exigere: nunquam commodius Reipublicæ periculis prouideri, ac internam pacem & concordiam stabiliri posse, quam in eo confesso, qui ritè & more maiorum indictus omnium Regni ordinum auctoritate niteretur. Ad ea ille nihil suâ præsentia istic opus esse respondit: non idcirco indicta Comitia, vt sibi quasi in ius vocato necessitas fieret edisserendi ea, quæ de imminentibus Reipublicæ periculis, proditorijsque consilijs comperta haberet, sed vt Rex promissis suis satisfaceret: callidum & subtile hoc consilij genus excogitatum, vt Rex onere satisfactionis leuaretur, hinc eius consilij auctores fingere, quasi se absente Comitia rectè peragi non possint, non alio fine, nisi vt eo prætextu, si nihil eorum, quæ Rex toties se præstiturum receperat, fieret, expectationem vniuersæ Reipublicæ eluderent. Satis in Stæzicensi & Lublinensi ac postremò Sendomiriensi conuentu ostensa & declarata esse hæc pericula, ac quid Rex Reipublicæ deberet, frustra plura à se postulari, cum hæc sufficere possint: non diffiteri se habere adhuc nonnulla, quæ dudum protulisset, nisi vereretur, ne rem ad tumultum deduceret; facturum tamen si id, quod nollet, speratæ satisfactionis tempus frustra abierit, nec Reipublicæ satis cautum ac prouisum fuerit. Hæc in speciem ab eo ambiguo quodam orationis circuitu dicta, eò tendebant, vt abrogatâ omni Comitiorum auctoritate, omnes inde ad Rocossianum Conuentum euocaret: quod apertiùs paulò antè legatione istic ad Comitia missâ declaratum fuit, postulatūque ne quid inuitis ijs qui auctoritatem præsentium Comitiorum non agnoscunt, decerneretur: quod quidem fieri non poterat, nisi si nullâ factâ conclusione, solutis Comitij discederetur. Cæterum cum tantoperè homines iniectæ à Palatino Cracouiensi arcana cuiusdam Regis & Senatorum contra Rempubicam machinationis, in publicum proferendæ expectatione tenerentur, isque solitis ambagibus promissa sua inuoluens, atque inanem vulgi sciendi cupiditatem eludens, hoc quasi seditionis incendio vteretur; & nisi hoc pateret, nunquam noui subinde tumultus suscitandi occasio defutura videretur, Senatusconsultum fieri placuit in eum sensum: Cum proximi in Republicâ motus inde originem potissimum sumpserint, quod quidam comperisse se assererent, clandestina iniri consilia deferendi per Regiam Maiestatem Regni, eiusque exteris, iure liberè eligendi Regis sublato, tradendi; ac præterea quidam ex Senatu ab ijs insimularentur, tanquam Regiæ Maiestati auctores essent, vt ijs legibus, quibus Regnum ei delatum est contemptis, absoluti dominij imperium vsurparet: isque metus vniuersos, qui nobili & generoso quodam studio ad tuendas in quibus nati sunt libertates, non immeritò exarserunt, sollicitos habeat, Sacram Regiam Maiestatem, & omnes Regni ordines, ne quid tale in animis hominum hæreat, atque istis suspicionibus, & inani metu Respublica liberetur, auctoritate Comitiorum edicere & mandare,



re, omnes cuiuscunque status & conditionis sint, qui eiusmodi clandestinorum consiliorum notitiam habent, & qui Senatorum fidem accusant, ad VIII. Idus Iunij pacatè, nec ampliori comitatu, quàm qui Constitutione Comitiorum Coronationis Regis præscriptus est, Varſavia se ſisterent, fide publicâ dicturi & prolaturi ea quæ comperta habent. Eius rei causa iudices ex Senatu & Nuntijs, quorum fide integrâ, & hoc crimine, quod in quæſtione est, minimè suspectâ lectum iri, qui iurati causam vniuscuiusque accusati cognoscant, accriminis reum pœnis legum subijciant. Accusator si crimen falsum intenderit, pœnâ calumniæ teneatur. Ab VIII. Idus Iunij ad octiduum exercendis istis iudicijs tempus præfiniri: si qui intra hoc tempus comparere noluerint, ac spreto huius Senatusconsulti decreto Rempublicam conturbarint, homines armatos sub signis habuerint, ne quid inde Respublica detrimenti capiat, Sacram Regiam Maiestatem & Ordines Regni auctoritate præsentis conuentus prouisuros.

Hoc edictum octauo Calendas Iunij publicè propositum variè animos hominum affecit; erant qui hanc conditionem Palatinum Cracouiensem non aspernaturum, atque vltro Varſaviam, ne si ea quæ dictum se promiserat, hac oblatâ occasione dissimularet, vanitatis argueretur, venturum existimarent. Sed ille quominus id faceret, nullâ aliâ legitimâ excusatione vsus, nisi quod eo edicto ampla nimis facultas se reos arguendi offerebatur, vt accusatori, ni obiectum crimen probaret, pœna calumniæ subeunda foret, ac pleraque alia obtexens, quasi iam de Republicâ actum esset, contrario edicto omnes Rocossianum conuentum suis viribus fulcirent, frustra, cum nemo responderet, hortabatur. Ac vt quâ mente essent Rocossianæ factionis Principes aperirent, seque Comitiorum auctoritatem nullam agnoscere ostenderent, & ad Senatum, & ad Nuntios terrarum legatos miserunt cum eiusmodi mandatis, vt omnino à Comitijs agendis superſederent, seque ad Rocossianum conuentum transferrent. Multis verbis exagitatam est hac legatione Senatusconsultum proximè in Comitijs latum, eo fundamenta iurium Regni & libertatum conuelli, Regi quiduis liberè agendi frena laxari, Senatoribus & cæteris alijs pernicioſa Reipublicæ consilia euulgandi, eorumque auctores deferendi potestatem eripi, ac metu homines à tuendâ libertate arceri: conditionem, quâ Regi non nisi secundùm iura imperanti parere subditi tenentur abrogari, neminem posthac ausurum propositâ calumniæ pœnâ, liberâ voce Regis vel Senatus in Reipublicæ negotijs actiones reprehendere. Maiores quidem suos longè aliter eâ libertate vsos, ab ijs Henrico Regi abrogatum regnum, nullam aliam ob causam, nisi quod pactis non stetit: liberè Sigismundum Augustum Regem admonitum Parcouiæ, obiectas suspiciones diluere conatum fuisse: Stephanum Regem insimulatum tanquam nepotem ex fratre Balthasarum Batthorem Principem Liuoniæ creare vellet, se id non factu-

Palatinus  
Cracouiensis  
ad Comitiam  
venire ab-  
nuuit.

Auctores Ro-  
cossi nul-  
lam eorum  
Comitiorum  
auctoritatem  
esse contem-  
dunt,

deq; eâ re  
per Nuntios  
agunt.



*Responsum  
ad ea à Sena-  
tu Rocossianis  
datum.*

facturum, cauere Reipublicæ voluisse; postremò Regem præsentem cum multa ei in Comitijs, quæ ab inquisitione nomen sortita sunt obijcerentur, exemplo Sigismundi Augusti rationem factorum consiliorumque suorum reddidisse, id ne in posterum fiat, ac libertates iuraque Reipublicæ Regum ludibrio obnoxia sint, hoc Senatusconsulto cautum esse videri. Non esse æquum libertatum custodes legum laqueis implicari, vel causam publicam priuatorum iure censerì, eam se non deserturos, sed coniunctis animis & viribus propugnaturus, nec passuros vt priuatæ personæ ob susceptum libertatum Patriarum patrociniũ, in discrimen veniant, vel pœnis subijciantur. Si quid in Republicâ secus quàm decuit factum sit, id non à Rege, vel Senatu certis Iudicibus permittendum, sed vniuersæ Nobilitatis generali quodam iudicio discutiendum esse; ob hanc causam institutum esse Conuentum Rocossianum, qui malæ administratæ Reipublicæ consciorum oculos perstringat, vt eius arbitrium effugiant. Is erat eius legationis sensus, quâ postremò postularunt à Senatu & Nuntijs, ne Comitijs agendis tempus frustra insumerent. Responsum ad ea à Senatu, ostensumque inprimis Senatusconsultum, quo illi offenduntur, necessitate præsentis Reipublicæ status expressum, niti legibus patrijs, nec quidquam libertatibus derogare, id solummodò eo caueri, ne quis impunè calumniam inferre audeat; idque non nouum, sed omnium gentium, ac nostris etiam legibus prouisum. Longè à Maiorum exemplis recessisse Rocossianos; Regem Henricum magis suâ sponte, cum expectatus diutius redire noluerit, regno se abdicasse, quàm sententiâ alicuius abiudicatum fuisse. Sigismundum Augustum & Stephanum, si modò id factum fuit, priuatim certè, & non tantis excitatis tumultibus monitos; non iactata in eos crimina, nec vanis suspicionibus populari inuidiæ obiectos. Quid à Regiâ Maiestate in Comitijs inquisitionis ij, qui tum primas in Republicâ partes tenebant extorquere voluerint, meliùs iudicaturam posteritatem; quidquid tamen eo tempore actum est, id auctoritate Comitiorum stetisse. Non vetari eo Senatusconsulto quenquam, si quid vel Regem, vel alium quempiam in leges peccare animaduernerit, quin pro munere suo officij admoneat, sed calumnijs & fictis suspicionibus viam præcludi. Mirari cur selectissimum ex Senatu & Equestri ordine iudicium aspernentur, videlicet meliùs iudicaturam per tumultum concitatam multitudinem, quid æquum iniquumue sit, quàm homines totius Regni primarios. Respicerent suas Regiasque, vel potiùs Reipublicæ partes, hinc Senatum vniuersum, florem Nobilitatis, terrarum Nuntios, publici consilij auctores: si hos vniuersos sceleris & perfidiæ condemnant, quid tandem in Republicâ finceri futurum est? quod si non omnes suspectos habent, cur eorum arbitrio id quod dudum iam circumrodunt, non permittunt? cur nouam & insolitam sibi arrogant potestatem? cur ad extraordinaria iudicia prouocant? Meliùs eos facturos, si priuatis studijs sepositis, publicæ omnium con-



concordiâ accederent, moribus & institutis maiorum acquiescerent, nec secessionem Reipublice perniciosam, vel, quod absit, bellum ciuile excitarent. Se in hac Reipublicæ speculâ positos prospecturos, ne quideam detrimenti capiat, nullos alios conuentus probaturos, comitiarite & legitime indicta peracturos, hortari vt & ij eodem flectant animos suos, neque suâ obstinatione communem Patriam in discrimen adducant. Hoc Senatus & Nuntiorum accepto responso, cum animaduernerent non adeo multum suis persuasionibus promoueri homines, supremam quasi Rocossianis consultationibus manum imposituri, diem xv. Calendas Iulij vulgandis ijs quæ Palatinus dudum se deprompturum pollicebatur, præfigunt, rati eo modo se vniuersos qui in partibus Regijs erant, vel certè magnam eorum partem ad se pertracturos.

*Rocossiani  
quò Regi ad-  
dictos ad se  
traherent,  
euulgandis  
quibusdam  
contra Regem  
arcanis diem  
15. Kal. Iulij  
præfigunt.*

Interea cum iam tempus Senatusconsulto præfixum præterisset, ac nemo, qui vel in Regem, vel in quenquam ex Senatu aliquid proferret compareret: Rex in maximâ Senatorij Equestrisque ordinis hominum frequentia, multis etiam Rocossianorum, qui frequentes sub specie legationis Varſauiam venerant, præsentibus, quàm indignè ab aduersarijs insignem patiatur calumniam ostensurus, omnium in se animos oculosque conuertit. Paucis igitur verbis præfatus, sibi ab eo tempore quo Diuinâ voluntate, & consentientibus ordinum studijs, sceptrâ huius Regni ad se delata sunt, nihil vnquam potius fuisse, quàm vt iura libertatesque maiorum suorum benignitate concessas, conseruaret; & quamuis vt in eâ omnium expectationi amplissimi Senatus (cuius munus est prouidere, ne quid secus fiat) testimonio responderet, adniteretur, non potuisse tamē, Deo ita permittente, effugere improborum hominum maledicas & suâ Maiestate indignas voces, quibus falsò insimularetur earum rerum, quas nunquam in animo habuerit: publico edicto ex Senatus & omnium ordinum sententiâ datam esse potestatem, cunctis in hoc amplissimo Regni confessu, vel se, vel Senatum palam & liberè arguendi: id vt fieret, libenter se, quò magis sua innocentia eluceret, assensisse; si quid præterea ordines postularent, se eorum arbitrio stare velle, omnium interesse vanas istas suspiciones ex animis hominum euelli, & motus Reipublicæ componi. Confidere se, Deum suæ innocentiae testem, breui vniuerso orbi palam facturum, falsas esse aduersariorum suorum calumnias; se sibi optimè conscium esse, nihil à se factum, quod iuramento suo aduersaretur, eius rei Senatum & Ordines esse, & apud posteritatem fore testes; non dubitare daturos operam ordines, vt ea tam insignis læsæ Maiestatis iniuria aboleatur, & maledicæ calumniatorum linguæ, quò in posterum innocentia inter improbos tuta sit, coërceantur. Secundum eam Regis orationem, vniuersus Senatus assurrexit; laudatâque Regis animi moderatione, nunquam sibi optimi Principis innocentiam dubiam vel suspectam fuisse respondit: nec tamen mirari debere Regiam Maiestatem, si pauci reperti sint, qui optimas & Reipublicæ salutares illius

*Rex ipse or-  
dines alloqui-  
tur, & quàm  
falsò traduca-  
tur ostendit.*

*Responsum à  
Senatu Regis  
orationi.*



illius actiones, sinistra interpretatione detorqueant: naturâ comparatum esse, vt ij, qui cæteris eminent, potissimum inuidiæ telis petantur; nec temerè dictum existimandum est, Regium esse, cum benè feceris, malè audire; neminem vnquam fuisse adeò exactæ consummatæque virtutis, qui calumniatorum maledicta effugerit; eam communem Regibus sortem, obeundam quoque Regiæ Maiestati fuisse, vt eo ipso confutatâ inimicæ vocis calumniâ, clarior illustriorque Regia innocentia apparet. Senatum quoque varijs criminationibus exagitaturn, ac fraudis insinuaturn, quamuis nullius criminis consciurn, id tamen concordiæ Reipublicæ condonare, nec turbulento Patriæ statui, priuatam iniuriam vltum iri velle: vnumquemque quamuis in præsentia graui vrgeatur inuidiâ, optimæ erga Patriam voluntatis conscientia tutum fore: iudicaturam posteritatem, odij inuidiæque sepositis causis, quo quisque animo in Rempublicam fuerit. Hæc Senatus nomine: Nuntij quoque terrarum Regis Senatusque innocentiam comprobauere: eorum qui hanc in dubium vocarunt, Regemque optimum & Senatum falsis calumnijs onerarunt, temeritatem detestati. Præclara fuit illius diei rerum facies, cum vel omnium hostium confessione, ij qui inanibus promissis credulum populum ad seditionem concitarant, vanitatis conuicti viderentur.

*Idem Nuntij  
terrarum  
fecere.*

*Principes Se-  
natus ad Ro-  
cossianos pro-  
fecti eos ad  
pacem hor-  
tantes.*

*Sed nihil  
effecerunt.*

*Palatinus  
Cracouiensis  
ea quæ contra  
Regē sciebat,  
edidit in  
conuentu Ro-  
cossiano.*

Quos vt à furore reuocarent, primi è Senatu Cardinalis Macieioius Archiepiscopus Gnesnensis, Petrus Tylicki Episcopus Cracouiensis, Nicolaus Christophorus Radiuilus Palatinus Vilnensis, alijque nonnulli ad eos priuato nomine, permittente Rege, profecti sunt. Suadebant illi Palatino Cracouiensi atque Radiuilo, vt positis armis, æquis conditionibus cum Rege transigerent, operamque suam & vniuersi Senatus in eam rem pollicebantur: sed cum Palatinus difficiles admodum ferret condiciones, neque aliter, nisi Rex omnes Rocossianorum consiliorum progressus probauisset, & quos illi vellent è Senatoribus loco mouisset, atque ipse veluti Regno legitimè priuatus, deinceps quasi precario iure se regnaturum profiteretur, ponere arma ac concordiam inire velle ostenderet, multaque alia absurda postularet, rebus infectis discessum est, mirantibus cunctis, quod tantæ auctoritatis viri, nihil persuasionibus suis efficere potuerint.

Cæterum Palatinus Cracouiensis, quemadmodum se facturum proximè pollicitus erat, ne diutiùs solitâ expectatione omnium spem suspensam teneret, decimoquinto Calendas Iulij aduocatâ concione suorum militum, quæ eò frequentior erat, quod nonnulli etiam ex Regijs castris, cupiditate cognoscendi ea, quæ prolaturus erat Palatinus, eò profecti erant, postquam à Radiuilo cuncti fide & honore obstricti essent, vt quisque quod sciret proferret, Palatinus longâ & prolixâ oratione orsus, à Regiâ Reueliam profectione, eo semper animo Regem fuisse, vt deserto hoc Regno, atque etiam Austriacis, cum quibus eam ob causam binâ affinitate iungi voluit, prodito, in Sueciam abiret. Id probare niteba-

tur,



tur, non alijs, nisi à suspicionibus & coniecturis petitis toties iam antea prolatis argumentis, potissima opinionis probatio, quòd Rex septem abhinc annis, sororem prioris vxoris ducere in matrimonium constituerit, neque eiusmodi connubium, à pietate suâ alienum, & omnibus exorsum dissuaderi sibi passus fuerit: id non aliam ob causam factum esse, quàm quòd Rex familiae Austriacae impensè addictus, Regnum ad vnũ ex eis ea conditione deferre vellet, vt vicissim eorum opera à Carolo interceptam Sueciam recuperet, paternoque contentus Regno, adiectâ præterea Liuoniâ, quietum & ab istis, quibus Polonia obnoxia est, molestijs liberum Imperium istuc obtineret. Ac ne si aperte id moliretur, ij quibus Reipublicae salus est curæ, impedimento forent, voluisse ante biennium in Comitijs ad filium iuuenem, populari fauore subnixum, inconsultis ordinibus, factiosorum hominum assensu Regni insignia deferre, quò is facilius nihil nobis suspicantibus, Austriacis Regnum prode-  
*Leues Palatini coniectura.*

re posset. Leuis ea, vel potius nulla visa est, rem candido & sincero sensu æstimantibus coniectura. Incredibile imprimis Carolum eò adduci posse, vt parto per scelus regno, sponte cederet, vel se Austriacis ac Regi sibi suo merito infesto concederet. Iam filio eâ conditione diadema imponi, vt illud Regij capitis insigne, ad alium deferat, ipse tanti decoris expers mansurus, quis sibi persuaderi pateretur? Acclamatum tamen à Rocossianâ concione, suae expectationi, quamuis nihil noui adferretur satisfactum esse; itaque accensis animis tum discessum, vt omnem pacis & concordiae spem præcisam esse appareret. Iam in exitu erant Comitia, ceteris omnibus ex animi sententiâ confectis, legibus, quæ consensu ordinum proferri poterant scriptis; illud vnum restabat statuendum quâ ratione seditiosi homines ad officium reuocari possent; cum quibus, cum iam ex consilio Ordinum finitis comitijs agi non posset, placuit auctoritate publicâ, certis ex Senatu & Nuntiorum ordine personis, eam dari potestatem, vt quidquid ab eis in eo negotio ageretur, perinderatum esset, atque auctoritate omnium ordinum constitutum fuisset. Id tum per literas, & quàm feliciter Comitiam cesserint, Rex vniuersis Regni Ordinibus significandum putauit, quò cuncti scirent, quid in Comitijs actum esset, & cum ea rectè & legitimè concordiam omnium consensu transacta sint, ne amplius seditiosorum hominum persuasionibus locum darent: pari modo ad eos quoque, qui in exercitu Rocossiano erant, Regio nomine scriptum est, mandatumque vt continuo positis armis pacatè abirent, nec seditiosos coetus agerent, pacem Reipublicae ne turbarent, id si facerent Regiam gratiam eos habituros, sin contumaci peruiaciâ bellum molirentur, impunè non laturos. Iisdem planè diebus arsit Varfauia, vndecimo Calendas Iulij nocte mediâ  
*Varfauia arsit 1607.*

Erat adhuc aliqua spes ineundae concordiae, cum præceptum à Senatu summo studio operam ei rei nanarent. Rexque quâ semper vsus est benignitate,



*Rocossiani,  
temere Regni  
Regi abro-  
gant; iamq;  
spes concordie  
præcisa.*

*Eius temeri-  
tatis auctores.*

*Quanta co-  
pie Rocossia-  
norum: quan-  
ta Regia?*

*spes Palatini  
Cracouiensis  
militem Re-  
gium contra  
Rocossianos  
non pugnatu-  
rum.*

*Quadraginta  
tunc Senato-  
res cum Rege  
erant & flos  
Poloniae &  
Lithuanae  
Nobilitatis.*

nignitate, tum quoque ad condonandas nomini & Maiestati suæ illatas iniurias Reipublicæ causâ facilem promptumque se præberet, cum ecce præter omnium expectationem, Rocossiani Nono Calendas Iulij, nemine tale quidquam suspicante, inauditâ audaciâ Regi regnum abrogant, obedientiæ eius renunciant, iustitium indicunt; qui Regi deinceps adhæserint, hostes Patriæ pronunciant. Huius temeritatis auctores Nicolaus Zebrzydowski Palatinus Cracouiensis, Regiâ beneficentiâ ad eum dignitatis gradum euectus. Sigismundus Grudzinski Palatinus Rauensis, Petrus Strabowski Castellanus Pernauiensis Radiuili stipendiarius, non ita pridem in Senatum adscitus, homo vanissimus, & ordinis sui dehonestamentum; Ianussius Radiuilus generis splendore, & opibus, nec non militaribus studiis clarus, sed qui præcipiti quodam impetu ferretur, neque quenquam sibi in Lithuania honore & opibus æquari dignum censeret, ac præcipuè Caroli Chodkieuicij prosperis successibus, ac bellicâ gloriâ angeretur. Ioannes Felix Herburtus nimium sibi sapiens, & ob eas, quas supra attigimus, causas nouarum rerum cupidus. Erant præterea alij, inter quos Stanislaus Cikowski Succamerarius Cracouiensis, qui cum Regiâ gratiâ floureret, præfecturis duabus ab illo auctus erat, Petrus Laszcz Capitaneus Litinensis, Gasparus Dembinski Succamerarius Mielnicensis, Balthasar Porembski, Tribunus Cracouiensis: Andreas Mæczynski de Korosuanke, Hieronymus Rozrazewski, Stanislaus Morski, Sigismundus Nisicki, Samuel Iasicki, Matthias Smugolecki Capitaneus Bidgostiensis, gener Palatini Cracouiensis; Martinus Broniorski, Procopius Pækoslawski, Stephanus Kazimirski; reliqui ferè omnes Palatini vel Radiuili stipendiarij, ac nonnulli etiam è Cracouiensi territorio, plerique incertæ originis, & quorum maiores mercaturâ faciendâ quæsitis opibus, in Equestrem ordinem se inseruerant. Copiæ militares Rocossianæ factionis, nequaquam Regijs pares; nam licet equitatu non multum inferiores essent, pedites tamen, quorum in exercitu Regio quinque millia erant, paucos habebant, paulò tamen supra mille numerabantur. Sed nihil magis Palatini eiusque sectæ hominum temeritatem aluerat, quàm dudum recepta, multisque clandestinis consilijs & artibus propagata spes, militem Regium, contra ciues Regni causam publicam, ut videri volebant, curantes, non pugnaturum: id animos fecerat, ut nec oblatas pacis & concordie cõditiones expectare vellent, & in abrogando Regi Regno eò temeritatis progredierentur. Postquàm ad Regia castra prolatum est Rocossiani cœtus decretum, admiratio primùm omnes, dein iustus dolor inuasit. Erant tum cum Rege quadraginta & amplius Senatores, inter quos Archiepiscopus Gnesnensis Princeps Senatus, Episcopi sex, Palatini quindecim, reliqui Castellani & Regni Officiales: iam è tota Regni, Magnique Ducatus Lithuaniae Nobilitate flos ipse, & militare robur, belli Duces, ac militum Præfecti multis erga Rempubicam men-



meritis, & bellicæ virtutis gloriâ illustres, qui optimi atque innocentissimi Regis iniuriâ, & quod tam multi à paucis cōtempti, veluti sceleris & perfidiæ damnarentur, iusto dolore accendebantur. Rex in primis luculento scripto calumnijs, quas in eum causas abrogandi Regni prætexentes con-  
 gesserant, respondit: quo cum ostendisset, falsas esse aduersariorum crimi-  
 nationes, & eos rerum nouarum, mutandiq; præsentis status studio, quæ-  
 admodum initio horum motuum cōstituerant, eò audaciæ prolapsos, vt  
 pauci omnibus leges imponant; postremò spectatam gentis Polonæ erga  
 Principes suos fidem, contra paucorum perfidiam, cuius mox, nisi resipi-  
 scerent, pœnas daturi essent, implorabat. Denum communicato cum ijs,  
 quibus auctoritate Comitiorum potestas data erat, cū Rocossianis transli-  
 gendi, vel si obstinatiores forent, grauius in eos animaduertendi, consilio,  
 ex eorum & vniuersi Senatus arbitrio, vniuersos, qui prætextu Rocossiani  
 conuentus arma sumpserunt, & proximè Varſauiam exercitum admoue-  
 runt, sapiusq; moniti à proposito desistere, temerario ausu noluerunt, pri-  
 uatâ auctoritate sibi delatū omnium consensu regnū abrogarunt, ac bel-  
 lum denuntiarunt, concitatores tanti tumultus, & ciuilibus belli auctores,  
 quique eorum sectam secuti sunt, rebelles & hostes Patriæ pronūciat, pœ-  
 nis in iure contra perduelles sancitis puniendos, veniæ loco ijs, qui ad sa-  
 nio-  
 norem mentem redire voluerint, relicto. Senatores quoque vniuersi &  
 Equestris ordinis, qui tum præsentis erant, se Regi præstò futuros, ac vitâ  
 fortunisque Imperium illius propugnatos, mutuo fœdere obstrinxerūt.  
 Iam & Cardinalis Macieioius Archiepiscopus Gnesnensis, cuius, si re-  
 gnum vacare contigerit, munus est interregnū pronūciare, nouiq; Re-  
 gis eligendi conuentū edicere, aliaque Principis Senatus officia obire, tūc  
 damnatâ hostium, in quibus sanandis & à nefario proposito abducendis,  
 ipse quoque omnē operam perdiderat, temeritate, se eorū impium factū  
 detestari, Regisq; optimi imperiū, nequaquam seditiosi cœtus paucorū  
 hominum decreto, abrogari potuisse, professus est. Consultatum inde ab  
 Regijs Ducibus, ut cum pacis spe exclusâ, vtriusque partis denunciatione  
 bellum non dubium esset, protrahi illud, an fortunam experiri magis cō-  
 duceret: expensis præsentis status rationibus, facile in eam sententiā con-  
 cessum est, vt cum hostes non adeò magnum exercitum haberent, breui-  
 que si cessaretur, eorum copiarū seditiosorum hominum è toto regno ac-  
 cessione augeri possent, ac proinde moram hostibus, sibi festinationē uti-  
 lem esse appareret, quāprimū motis castris contra eos iretur. Igitur iussi  
 milites vasa colligere, postquā pronūciatam esse profectiōem intel-  
 lexis-  
 sent, paucis seditionis auctoribus, dudū iā arte Palatini Cracouiensis  
 corruptis, magna pars exercitus iussa abnuī, bellum cum ciuibz geri si-  
 bi non placere ostendens. Ignatis Ducibus quā latè pateret ea seditio,  
 hoste propinquo, & eorum quæ in Castris Regijs gererentur non igna-  
 ro, nihil nouari visum; sed manē aduocatâ concione benignè appellatis  
 militibus Zolkieuius, penes quē in exercitu summa imperij erat, quānam  
 causa

Rex malen-  
 torum calum-  
 nias luculento  
 scripto refel-  
 lit.

Rocossiani  
 prope Varſa-  
 uiam exerci-  
 tum admoue-  
 re ausi.

quos Rex re-  
 belles & pa-  
 triæ hostes  
 pronūciat.

Senatores  
 mutuo fœdere  
 se obstrinxerūt,  
 Regi præstò  
 futuros.

Duces Regij  
 censent pœ-  
 nam sine  
 morâ com-  
 mittendam.

inducitur  
 contra hostem  
 iter.

milites sedi-  
 tiosi in Regio  
 exercitu cor-  
 rupti à Ro-  
 cossianis.



*Zolkieuius vt  
militum sedi-  
tionem sana-  
ret legationē  
militarem ad  
Rocossianos  
decernit.*

*Nuntij mili-  
tares à Ro-  
cossianis non  
admissi.*

causa sit, cur contra declaratum non minùs Regis quàm Reipublicæ ho-  
stem ire nollent, exquirat; tum ijdem illi passim per manipulos dispersi  
acclamant, sibi quòd à bello contra ciues, fratres, agnatosque & consan-  
guineos suos suscipiendo abhorrent, nullam aliam esse causam, quàm  
quòd causam belli ignorarent: obstrepebant alij, non sui iuris esse bello-  
rum rationes expendere asserentes. Cæterùm Zolkieuius non ignarus in  
bellis ciuilibus plus militi, quàm Ducibus licere, veritus, ne paucorum  
pœnâ, multò plurium animi irritarentur, existimasse se dixit, satis iam co-  
gnitam esse omnibus hostium temeritatem; si quistamen censeret, eos  
cùm hætenùs magnorum virorum persuasiones, ac propositas pacis ra-  
tiones reiecissent, militari cohortatione flecti posse, non abnuere, quin ad  
eos exercitus nomine legatio decernatur. Itaque assentiente exercitu, è  
militibus arbitrio Zolkieuij lecti, qui id munus obirent: summa eius lega-  
tionis ea erat. Vix credere milites qui in exercitu Regio sunt, quenquam  
id facere ausum, vt Regi, pro quo toties bellassent, ac felices ipsius auspi-  
cijs victorias obtinuissent, regnum alijs inconsultis atque etiam inuitis  
abrogaret: id si ab illis factum esset, velle scire causam, quâ adducti, tantū  
sibi iuris vsurpassent: eiusdem quippe esse audaciæ, Regis omnium suffra-  
gijs electi obedientiæ renuntiare, ac de altero cum insigni communis li-  
bertatis iniuriâ subrogando, priuata consilia inire. Sibi quoque curæ fuis-  
se, in proximis Regni Comitijs cognoscere, an iustâ de causâ motus isti  
in Republicâ concitati fuissent; sed nihil tale comperisse, quod tantam  
vniuersæ Reipublicæ perturbationem mereretur: vereri ne tantum dis-  
sidium perniciem Patriæ adferat: quamobrem fraternè hortari, ne illi  
quoque pacis condiciones aspernarentur: se Regiam dignitatem, Sena-  
tus & Ordinum omnium proximis Comitijs auctoritate sustentatam ar-  
mis defensuros. Non ex sensu turbulentorum informata ea legatio, quam  
obire iussi consultò ad id lecti integrè erga Regem fidei milites. Quod vbi  
à Rocossianis animaduersum est, veriti ne constans exercitus ad defen-  
dendum Regem conspiratio & concordia, per Nuntios denunciata, suo-  
rum militum animos infringeret, legatos castra ingredi non permiserūt.  
Itaque progressus ad eos Petrus Lascz, cùm quid vellent intellexisset, ne-  
gavit ijs, qui nomine exercitus Regis, iam eo honore abiudicati, legatio-  
ne fungi vellent, potestatem dicendi dari posse. Ita non admissi, irritò co-  
natu rediēre: nec eâ re compressa, sed quodam modo dissimulata seditio,  
hærebat in animis multorum, qui consilij Palatini Cracouiensis imbuti  
clàm illi fauebant.

Pridie Calendas Iulij, Rocossianos proximâ nocte desertis castris iter  
cum exercitu versus Cracouiam instituisse exploratores retulerunt: in-  
censi eâ re militum animi, mox dato profectionis signo, arma expediunt,  
equos conscendunt, veluti fugientem secuturi hostem, nocte & die con-  
tinuato itinere octo miliaribus antegressū, missi leuis armaturæ equites,  
qui abeuntium terga carperent. Rex ipse in Castris sacris operatus, præ-  
missâ



missâ maioris exercitus parte, ipse quoque minimè lento agmine subsequebatur. Castris progresso, & in campis Varšauiensibus signa disponenti, Cardinalis Maciejovius non dignitatis tantum, verum etiam ætatis prærogatiuâ venerabilis, obuiam fit Regi, atque ut erat equo insidens, detestatus inprimis impium & parricidale hostium consilium, Regi necessarium bellum suscipienti bonam fortunam precatus est: illud postremo adiungens, meminisse vellet sibi rem cum ciuibus esse, qui etsi in præsentia à fide recesserint, non desperandum tamen eosdem quandoque patriæ & Regi ipsi utiles futuros, modò Regia Maiestas victoriâ, quam illi communem tuenti causam diuinitus obuenturam certò sibi persuaderet, clementer uti vellet. Rex laudatâ Cardinalis pietate, faustæque comprecationis studio benignè excepto, ita se hoc bellum gesturum respondit, ut non quid hostes sui commeruerint, sed quid se dignum sit, ac pacatæ Reipublicæ rationes exposcant, facturum polliceretur: utrique dicenti obortæ lachrymæ cunctos qui viderant eodem affectu commouerunt. Quinque eo die emensis miliaribus, fesso demum milite, castra serò admodum locata sunt. Non longè aberant Rocossiani, quorum postremos agminis coactores Regij equites assecuti, direptis Palatini Rauenensis curribus & sarcinis aliquot, interceperunt. Postero die horâ ferè tertiâ in conspectum hostis ad oppidum Varcam ventum est, ubi cum Piliza fluius medius interflueret, ripamque aduersam hostes tenerent, reliquo exercitu sub signis retento, Iacobus Potocki cum peditatu progressus, tormentis & ipso militis impetu hostes inde breui submouit, ut ante meridiem satis maturè vniuersus exercitus superato fluuio, multis in locis vadabili, in alterâ eius parte sub signis constiterit. Stabant ex aduerso instructo ad pugnam exercitu Rocossiani, adeò diductis & extenuatis ordinibus, ut totum quâ maximè in latitudinem patet, subiectum campum occuparent: media planicies frequentibus (quos exundâtis hibernis aquis fluij incerti meatus effecerant) alueis, ijsque paludinosus, & tum quoque, quamuis siccâ æstate, equitatu imperuijs, plena difficilem transitum præbebat. Regius equitatus angustia loci denso & quadrato agmine, ad ipsam fluminis ripam constiterat; pedites, quorum in eiusmodi impeditis locis expeditior, quàm equitum opera esse poterat, locis opportunis dispositi. Rex ipse armatus, cum armatis Senatoribus medio in agmine versabatur. Subolfecerat iam antea Palatinus Cracouien-  
Cardinalis Maciejovius Archiepiscopus Gnesnensis Regi in hoste eunti occurrit, oratq, ut futura victoria clementer utatur.  
 Palatinus Cracouien-  
Respondum Regis Cardinali datum.  
 Rex Rocossianos ad oppidum Varcam assequitur.  
 Palatini cum Regis militibus compactum.



equitibus, hoc ipso die diminutas fore, & suum exercitum breui concursu populari auctum iri confidebat; iam verò seditionem militarem tempore & occasione vires sumpturam, & si bellum traheretur, id sibi utile, hosti incommodum, prospiciebat. Igitur fiduciâ denunciatae proditi-  
 tionis, submissi à Rocossianis, qui vagantes in interpositâ planicie milites (& erant plerique eius consilij conscij) alloquerentur; primò amicæ tan-  
 quàm inter notos, cognatosque salutationes, mox coetus & colloquia ha-  
 beri cœpta: miles ab signis, frustra vetantibus Præfectis, passim discedere,  
 turbare ordinem, imperium abnuere. Quod ne fieret, Zolkieuius &  
 Chodkieuicius reuocatis ijs, qui extra ordinem processerant, signum  
 pugnae proponere iubet: ibi verò manifesta perfidia, milites ipsi Præfe-  
 ctos, ne pugnam ineant, monent, se signa sequi nolle, de pace & concor-  
 diâ cum ciuibus libertatis causam tuentibus agi velle profitentur. In soli-  
 ta ea erat affectatio, & nihil minùs quàm eo tempore expectata; sed cum  
 reliquus quoque exercitus specioso pacis, & concordia titulo illectus, ad  
 eandem sententiam propenderet, quod sine periculo negari non pote-  
 rat, sponte concessum est. Itaque ne res arbitrio tantùm seditiosorum  
 ageretur, permittente Rege submissi à Ducibus, qui affectatam per mi-  
 lites pacis tractationem offerrent, oblati vltro citroque conditionibus,  
 ijsque acceptatis, ita postremò conuenit; triginta ex Regio, totidem ex  
 Rocossiano exercitu Equestri Ordinis milites legerentur, ij iure an in-  
 iuriâ Regi abrogatum esset regnum, inquirerent, malorum consiliorum  
 auctores criminis conuictos punirent, totumque turbatae Reipublicae  
 statum suo arbitrio moderarentur, interea vtriusque ab armis cessaretur.  
 Rex ad Varcam, Rocossiani duobus istinc milliaribus exercitus castris  
 continerent. Iniquissima ea videri poterat rerum conditio; cui tamen  
 Rex concordiae cupidus, & à fundendo ciuili sanguine alienus, optimae  
 conscientiae fiduciâ facilè assensum praebeat. At Palatinus longè diuersa  
 consilia animo agitans, eluso eâ arte Regio exercitu, & quod maximè  
 cupiebat ineundae alieno tempore pugnae periculo perfunctus, non mo-  
 dò in tam vicino, quemadmodùm constitutum erat loco, non constitit,  
 sed continuato itinere, septem milliaribus Radomiam vsque progressus  
 est. Id cum per exploratores compertum esset, satisque appareret, hoc  
 ipso facto, à pacis & concordiae consilijs hostes alienum animum gere-  
 re: atque etiam Zolkieuius, proditiōe Ioannis Dalmatae peditum Ro-  
 cossianorum Præfecti, cognouisset, eos constituisse maximis itineribus  
 Cracouiâ, quam non adeò magno praesidio teneri sciebant petere, vt  
 primariâ & omnium opulentissimâ vrbe Regni interceptâ, sedem belli  
 istic figerent; postridie aduocatâ concione, in primis non steterisse pro-  
 missis Rocossianos significat, quid ij moliantur ostendit, literas Dalma-  
 tae ad se scriptas recitat, deinde graui oratione, eos qui hesternâ die  
 inconsultis Ducibus colloquendi cum hostibus initium fecerant, quique  
 seditionis auctores fuerant, perstringit; ac fraudis & perfidia in Regem  
 commis-

militum per-  
 fidia arte Pa-  
 latini.

concordia  
 tractatio ob-  
 lata

respuitur à  
 Rocossianis.

proposita  
 initia  
 - initium  
 - aqua  
 - m.



commiffæ accusat. Adstabat armata concio, parata ad petendam ultionem de ijs qui tam nefando facinore famam & existimationem vniuersi exercitus commaculassent, poscebatque edi eorum nomina. Iam hoc ipsum veriti sex eius factionis capita noctu profugerant, Lesnicki & quispiam Nobilis Lithuanus, cæteris audaciores aderant: qui cum appellati prodirent, obiectumque crimen proditoris negare non possent, parum aberat, quin præcoci militum irâ, strictis in eos gladijs discerperentur, ni Zolkienius extremam vim arcuisset: mox Castrensi iudicio de eis atque cæteris qui profugerant instituto, in Lesnecium capitalis lata sententia; in Lithuanum, quem iuuentæ errore, & aliorum prauis consilijs circumuentum esse apparebat, vt in pugna, quando eius copia daretur, ante aciem progressus, primus cum hoste manus consereret decretum, profugæ infames pronunciati. Ita paucorum pœnâ, egesto quod maximè in exercitu turbidum erat, redijt militibus vigor, & supremi magistratus reuerentia, ac pugna cum hostibus, quos malâ fide secum egisse, ac simulato concordia studio sibi illuisse compererant, ineundæ cupiditas. Igitur vetustissimus quisque castigare tyronum, qui potissimum eius culpæ auctores erant audaciam, & militaris disciplinae inscitiam obijcere: totis castris modesti sermones habiti, milites prompti alacresque Ducibus denunciare, ducerent quò vellent, nusquam pugna, modò in conspectu hostis detur, moram facturos, atque egregio facinore labem contractæ hesterno die ignominia, abolituros. Consultatum dein, an eo quo hostesierant itinere, exercitus ducendus foret, sed cum à Rocossianis ad Iedlinensem pagum, transitum per se satis stagnatibus aquis atque arbutis impeditum, occupatum præsidio teneri relatum esset, ne difficili & hostibus opportuno loco discrimen pugnae subire cogerentur, flexo ad dextram itinere, Przytykum ire placuit. Quò, cum eodem quo Varcâ discessum est die, quinto Nonas Iulij peruentum esset, castris posit, Regijs Ducibus ignaris, quo in loco Rocossiani morarentur, cum eos plusquam duorum dierum itinere antegressos, longè abesse existimassent, redditæ ab eis Zolkieui literæ, quibus Laszcz omnium nomine obiter, cur nuper longiùs quàm constitutum erat progressi essent, significabat. Ex eo qui literas attulerat, cognitum est, Rocossianos paulò amplius duobus ab eo loco in quo Regia castra erant milliaribus, planè in eo loco, quo Regi Cracouiam iter facienti transeundum erat, confedis, id eo consilio ab eis factum esse apparebat, vt vel nolentem Regem ad pugnam elicerent, rati diminutis magnâ ex parte Regijs copiis (nam & Chodkieuiciani ex veterano Liuonenli exercitu, lecta planè robora mille equites, & nonnullæ aliæ cohortes abierant) & nonnullorum militum, quos suis cœptis fauere persuasum habebat perfidia, securi se vel pares, vel viribus superiores fore. Scripserat Zolkieuius ad Palatinum Cracouensem, si fortè propositam ineundæ concordia occasionem non aspernaretur, posse nunc illum eâ vti: verum ille contemptis tam salutaribus

castigati rei  
perfidia milit-  
res.

castigatis per-  
fidis militi-  
bus, ceteri  
obedientiores  
fuere.

Rocossiani vt  
Regi pugnan-  
di necessitatē  
imponerēt in  
eo loco consti-  
terunt, quo  
Regi iter  
Cracouiam  
faciendum  
erat.

Palatinus  
Cracouensis  
à Zolkieui  
per literas ad-  
monitus de  
concordia in-  
eundâ, nun-  
cium eius in  
vincula conie-  
cit.



Rex in hostē  
contendit.

ordo structi  
Regij exerci-  
tus.

quo ordine  
structa Ro-  
cofsianorum  
acies.

Palatinus  
Cracouiensis  
suos milites  
ad pugnam  
hortatur.

Pugna com-  
missa.

amici quondam sui consilijs, eum qui literas attulerat, in vincula coniecit; quæ res inimici prorsus & hostilis animi argumento erat. Desperatâ itaque omni aliâ ratione, cùm Rex dignitate suâ saluâ aliò iter flectere non posset, explorato prius eo quem hostes infederant loco, tertio Nonas Iulij, cùm antè sacrosanctæ Missæ sacrificio deuotè, quemadmodum quotidie mos is illi erat, adfuisset, mox signo profectionis dato, contra hostes contendit: ad quos cùm primum agmen proximè accessisset, vniuersus exercitus substitit. Tum struendæ aciei cura in Duces partita, dextrum cornu Chodkieuicius, sinistrum Zolkieuius tuendum suscepit: in fronte veteranæ cohortes (quarum cura Ioanni Potocio Præfecto Camenecensi, viro multis bellis experto, ac victorijs suo ductu partis illustri, commissa) locatæ, & iustis subsidijs firmatæ. Rex ipse in postremâ acie cum vexillo aulicæ militiæ, sub quo quingenti hastati equites censebantur, vnâ cum Senatoribus qui præsentés erant, & ijs qui extra militiæ sortē Regē comitabantur cōstitit: ante illū Posnanienſis, Siradiensis & Lanciciensis Palatinorum, ac prætereà Marſcalci Regni, & Stanislai Lubomirski Capitanei Sandecensis, equitum itidem hastatorum turmæ, quæque earum sub signis suis dispositæ (octingentorum numerum manus hæ expleuerant) itabant. Regiæ salutis & totius istius agminis cura, ad Alexandrum Komerpolski Palatinum Siradiensem delata: pedites sub præsidio equitum ad vtrumque cornu dispositi, ijsque tormenta maiora commissa. Cæterum cùm dextra exercitus pars loca paludinea & imperuia pro munimento haberet, neque vllis hostium insidijs opportuna videretur, sinistra verò in patentibus campis, magnâ ex parte siluis ad struendas insidias percomodis septis, maiori præsidio egeret, huic duplo maior pars equitum peditumque attributa, Chodkieuicio octo equitum turmæ, mille ducenti pedites sufficere visi: hoc ordine in paulò eminentiori colle totus exercitus Regius locatus erat. Ab alterâ parte Rocossiani Radiuulum Chodkieuicio, Herburtum Zolkieuius opposuerant; mediam aciem veterano milite firmatam Palatinus curandam susceperat, in subsidijs Nobilitas spontè militiam professâ constitit. Inter vtrumque exercitum planicies agro recentibus sulcis rugato, atque ad excitandum puluerem facili sita erat: in eâ dum struuntur acies, procurſantibus vtriusque pugnæ auidis, leues & ferè innoxie velitationes exercebantur. Iam ferme diei medium erat, cùm Palatinus Cracouiensis cohortatus suos, vt itinere fessum Regium exercitum intrepidè aggredirentur: ac quò fiduciam dubijs adderet, complures esse hostium milites, qui à pugnâ ineundâ sunt alieni asseruit, peditatumque, quo Regij potissimum nituntur, nulli in patentibus campis vsui fore ostendit; irent modò, & pro libertate forti animo pugnam capeſſerent, lætam & illustrem victoriam reportaturi. Itaque impetu ab eis factò, nec Regij morati, quin ruentes exciperent, acerrima in fronte pugna vtriusque pro victoriâ adnitentibus: dextrum Regis cornu initio turbatum erat, nam

ineunte



ineunte magno animo pugnam Chodkieuicio, & iam hostibus immi-  
sto, illæ quæ in subsidijs erant, incertum metu an perfidiâ, quatuor tur-  
mæ equitum terga verterunt. Id conspicati Radiuiliiani, primo Chod-  
kieuicij impetu turbati, cum frontem sui exercitus vrgeri à Regijs vide-  
rent, nec retrò fuga ob loca paludinea satis pateret, veluti apertâ por-  
tâ, denso agmine per desertum fugâ Regiarum cohortium locum, eua-  
debant. Id earum vicissim cohortium, quas ante Regem proximè locatas  
fuisse diximus, milites, magnâ parte tyrones vbi animaduertunt, rati  
victo & protrito Chodkieuicio victores hostes eò processisse, ac veriti, ne  
in se impetum facerent, omnes ferè (ijs qui sub Regio vexillo erant ex-  
ceptis) Rege inspectante signa retrouerunt; mox pauore Rocossiano-  
rum consternatorum perspecto, resumptis animis impetu in eos facto,  
multis cæsis, aliquot captis, pugnam eâ parte restaurarunt. Eximia inter  
ceteros virtus eâ die fuit, Matthiæ Pstroconij Episcopi Premisliensis Că-  
cellarij Regni, qui in hac ipsâ consternatione, dum suis animum addit, &  
effusè fugientes retentat, postremò familiari suo Alberto Starzynski ex  
sorore nepoti, vexillum è signiferi manu vi extorquere, illudque in hoste  
ferre iubet; eo audaci facto & præsentis Cancellarij pudore, plurimi à fu-  
gâ reuocati, resumptâ pugnâ rem præclare gesserunt. In eo tumultu cum  
Rex passim cunctis temerè cedentibus defereretur, vexillumque aulicum  
multis ab eo se subducentibus nutare videretur, periculumque esset, ne  
Rocossiani, qui in proximo obuersabantur, in Regium agmen impetum  
facerent, fuère plerique Regi auctores vt ad læuam, vbi tutus erat rece-  
ptus, deflecteret: at Rex constanter se loco quem cepisset non cessurum  
respondit, mansitque intrepido animo suâ tutus innocentia, donec de-  
bellatum est. Non ea in sinistro Regij exercitus cornu belli moles; nam  
Herburtus qui Zolkieuio oppositus erat, quòd plerosque milites Hunga-  
ros aut leuis armaturæ haberet, ne tentato quidem prælio, vbi hostem  
propius subire vidit, in fugam se coniecit. Plurimum laboris in fronte  
erat, eò Palatinus & præcipui quique Rocossianorum incubuerant, im-  
mensus puluis abstulerat visum, vt nec nosci, nec noscere se mutuò pos-  
sent: eadem vtraque acie arma, frequentibus interrogationibus, notum  
signum pugnae: aliquanto tempore varium ancepsque prælium, neutrò  
inclinante fortunâ, donec Potocius submissis nouis subsidijs, submouit  
loco segnius iam nitentes Rocossianos, & in fugam coniecit. Zolkieuus  
primus accurrit ad Regem, ei que victos hostes clarâ voce nunciauit, vi-  
ctoriamque partam gratulatus est. Eo prælio triginta circiter è Regijs  
desiderati, infra septuaginta vulnerati, inter quos maximè insignis A-  
lexander Kalinowski Capitaneus Braclauiensis, cuius præclara virtus  
multis ab ineunte ætate bellis spectata, tum quoque omnium & Regiæ  
inprimis expectationi respondit. E Rocossianis mille ducenti qui in acie  
ceciderant, numerati sunt: quòd tam paucò sanguine bellum constite-  
rit, nemoque ferè ex nobilioribus ceciderit, Rex æquè suorum atque ho-  
stium

multi è Regio  
exercitu terga  
vertunt.

Matthia  
Pstroconij  
Episcopi Pre-  
misliensis  
Regni Can-  
cellarij in  
animandis  
Regis militi-  
bus insigne  
factum.

Regis Sigis-  
mundi in eo  
prælio intre-  
pidus animus.

Aligamdiu  
anceps fortu-  
na pugna  
fuit, tandem  
rebelles prosti-  
gati.

Numerus in-  
tersectorum  
ex Regio ex-  
ercitu 30. &  
rebelliū 1200.



*Rex dissipatos  
Rocossianos  
persequi pro-  
hibet.*

*Regis inuictos  
clementiâ.*

*Procerum qui  
cum Rege  
erant benefi-  
centia varia  
genera in  
victos.*

*Rocossiani  
antesignani  
dissipatâ acie  
diuersa petiere  
loca.*

*Cause per-  
turbati Regij  
exercitus  
tempore pu-  
gnæ.*

*Zolkienij cû  
Chodkienicio  
& Potocios  
emulatio.*

*& diuersa in  
exercitu Re-  
gio factiones.*

stium clade moestus, Diuinæ maiestati acceptum ferebat. Percunctanti-  
bus postea Ducibus, an instare victis, fugientesque longius Rex sequi iu-  
beret, Ne, inquit, dum noxios seditionis auctores persequimur, multi eo-  
rum fraude in errorem inducti simul pereant, sinamus interim omnes  
saluti suæ consulere: eadem clementiâ in captos & saucios vsus, nam &  
ab illis nihil amplius, nisi vt se in fide mansuros, nec hostibus Regijs ag-  
gregaturos, iuramento pollicerentur, & hos impensâ curâ refoueri, æquæ  
ac eos qui in suis castris militauerant mandauit: neque in quenquam ex-  
tra aciem stringi gladium permisit. Certarunt & Proceres, qui in Regijs  
castris erant beneficiâ erga afflictos, nec defuere qui in cooperiendis  
omni vestitu spoliatis militibus, suas vestes impenderent, ægrotos accitis  
medicis & chirurgis refouerent. Chodkienicius inter alios plurimum in  
eam rem operæ & sumptus impendit. Pstroconius item maximè in hu-  
mandis ijs qui in prælio cæsi ceciderant, in expiandis sacrâ exhomolo-  
gesi alijs, qui de vitâ periclitabantur (quod munus inter alios mihi quo-  
que demandauerat) in testandâ erga afflictos humanitate & benignitate,  
nemini primas partes concessit. Rocossianæ factionis antesignani, post-  
quam suos fundi fugarique vidissent, ipsi quoque pernici fugâ saluti suæ  
consuluerunt. Palatinus & Radiuilus simul aliquantisper Ilzam versus  
iter intenderunt, mox veriti ne agmine ipso proderentur, dimisso omni  
comitatu, sparsi per syluas, diuersa petierunt loca.

Sed nos antequam ad reliqua recensenda progrediamur, interim per-  
turbati Regij exercitus, & penè acceptæ ignominie causas paucis attinge-  
mus. Tres erant in exercitu factiones, Chodkienicij vna, qui quod Ge-  
neralis pro magno Ducatu Lithuaniae exercituum esset Præfectus, Zol-  
kienius verò nondum in exercitu Polono eum dignitatis gradum esset  
consecutus, sed vices tantum Supremi Capitanei obiret, primas partes  
sibi deberi existimabat. Zolkienius è contra nihil Lithuano in Polonum  
militem iuris competere, eiusque instruendi & in aciem producendi  
munus ad se pertinere contendebat. Tertia Potociorum factio, potens  
& ista; tum quod Rex illi maximè fideret, tum quod suis suorumque  
clientum & amicorum equestribus turmis in vnum condunatis, & Iaco-  
bo Potocio Regis iussu vniuerso peditatu, qui supra quatuor millia nu-  
merum explebat, attributo, potiorē ferè partem exercitus, suo commis-  
sam imperio haberet. Duo erant fratres, Ioannes Capitaneus Camene-  
censis, vir sui temporis clarus bellicis artibus, sub Stephano adhuc Rege  
ordines duxerat, post deinceps Ioannis Zamoscij Cancellarij Regni par-  
tes secutus, in multis expeditionibus egregiam Reipublicæ operam sæ-  
pius nauauerat, suo etiam ductu in Valachia aliquoties rem præclare ges-  
serat, ita vt omnium testimonio, & præcipuè Zamoscij dum viueret, di-  
gnus censeretur, cui exercitus vniuersi cura rectè & tutò committi pos-  
set: alter Iacobus, quem vniuerso peditatui à Rege præfectum fuisse  
dixi. His accesserat Nicolaus Strusde Komorow, Capitaneus Chmielni-  
censis,



centis, Potociorum è sorore Nepos, eâ ortus familiâ, quæ bellicis facinoribus clara & illustris semper fuit, & ex quâ aliquot æternâ memoriâ digni viri, ad exemplum Deciorum Romanorum deuoto pro salute patriæ corpore, contra religionis Christianæ hostes Scythas fortiter pugnantes in acie occubuerunt. Alexander item Kalinowski Capitaneus Braclauensis, signis Potociorum suas cohortes adiunxerat, acer idem, & manu promptus, & quamuis Struso affinitate coniunctus, eiusdem tamen semper gloriæ æmulus. Denique Stanislaus Gulski Palatinus Russiæ, suos milites regimini Potociorum attribuerat. His illi freti copiis, & vel gloriæ, vel Regiæ gratiæ cæteris præripiendæ cupidi, eò animum intenderant, vt illis solis rei benè gestæ laus attribueretur; itaque & primum in acie locum ceperunt, & si verum fateri licet, suâ virtute & copiis totam pugnæ molem sustinuerunt. Nec Chodkieuicio par animus defuisset, si eas habuisset vires in dextro, quod tuendum susceperat cornu, quæ hosti pares essent, sed præter duo vexilla veterani militis sui octo tantum cohortes tyronum illi attributæ fuerant, & mille circiter pedites, quorum in patentibus campis, equestri commissâ pugnâ nullus vsus esse poterat. Zolkieuius in sinistro cornu firmis cinctus præsidiis constiterat, penes illum Quartani militis robur, & vel totius pugnæ sustinendæ pares vires; venerat certè in eam suspicionem, vt cum summa rei sibi non committeretur, id ageret, vt spectator tantum assent alieni periculi, & turbatis demum rebus opem Regi periclitanti ferret. Hinc inter discordes Duces nulla struendæ aciei cura, non iustis firmata subsidiis latera, diducta acies, & hosti ad Regium agmen patefactum iter, vt Rex ipse, quiq; circa illum erant, in maximo essent periculo.

nulla struenda aciei cura.

DE



## DE MOTV CIVILI

IN POLONIA

## LIBER QVARTVS.

Rex victor  
consilium Se-  
natorum ex-  
quirat.



Gabrielis  
Batthorei lit-  
tera ad Her-  
burtum de  
Regno ad se  
deferendo.

supellex Ra-  
diuili & scri-  
ptura varia  
reperta.

EDATO vtcunque tumultu, cū iam & puluis con-  
sedisset, qui aspectum arcebat, & certò constaret acie  
vicisse Regem, tum demum concursus ad eum fieri  
cœpit; multiq̃ue eodem die, nonnulli sequenti, & ter-  
tio redierunt. Rex non longè ab eo in quo pugnatum  
erat loco, ad villam Vransco positis castris cum Sena-  
toribus biduò termè consultabat, quid hac obtentâ victoriâ disiectis ma-  
gis, quàm cæsis hostibus facto opus esset. Augebant solitudinem varia  
Regi q̃ue ac Reipublicæ periculosa hostis consilia: repertæ in ipso, in  
quo acie certatum erat loco, discriptæ Gabrielis Batthorei Transiluaniz  
Principis ad Herburtum literæ, quibus ille condiciones suscipiendi Re-  
gni Poloniæ, si Rex inprimis eo pelleretur, offerebat, vel potiùs oblatas  
certis adiectis acceptabat: nota manus, notum signum, dubitationem  
omnem eximebat, ne quis ambigeret rem non seriò actam, iam quòd  
Herburtus affinis, & ex intimis Palatini Cracouiensis amicis esset, com-  
muni consilio ea noui Regis, quamuis hæretici, designatio tractata fuisse  
credebatur. In vicino iisdem statuiis præsidio deposuerat Radiuilius res  
suas nonnullas, & ne deprehenderentur, in angusto domus superioris  
contignationis angulo, multo iniecto stramine tegi fecerat: & fortasse  
tam leui munimento tuta mansisset supellex, ni villicus eius rei conscius,  
minaciter interrogatus ab Hieronymo Lasco, qui fortè fortunâ eò diuer-  
terat, an in ædibus illis delitesceret Radiuilius, trepidè & inconsideratè  
illum quidem effugisse, res hîc eius asseruari respondisset. Prolata & ad  
Regem delata non magni quidem pretij supellex, sed plus momenti fuit  
in literis quæ vnâ continebantur: imprimis edictum abrogati Regi  
Regni subscriptum, signatumq̃ue ab omnibus qui eius auctores erant:  
literæ præterea quæ vltro citroq̃ue inter conscios eius seditionis com-  
meabant, ex quibus liquidò apparebat, quid illi initio sibi propo-  
suissent. Et ne quid Regem latere posset, Cholonouius Equestris  
turmæ centurio, qui ad indagandam hostis fugam ad aliquot mil-  
liaria processerat, Ilzæ, quod oppidum est Episcopi Cracouiensis,  
aliquot Palatini Cracouiensis & Matthiæ Smogoletij Capitanei Bid-  
gostiensis, quem huius belli lituum meritò dixerim, currus deprehen-  
dit; quibus excussis, vtriusque secretiores repertas literas ad Regem de-  
tulit. Multa in iis, quæ Regis animum irritare possent, continebantur: lu-  
sus obscæni Smogoletij in Principis & Procerum quorundam personas  
facti;



facti: incestata procacibus scriptis Maiestas Regis, ut ita prorsum odisse Regem videretur, ne vlllo vnquam tempore illi reconciliari vellet; quem tamen non multis elapsis annis, parum abfuit, quin Regni Cancellarium videremus. Et accidit postea, ut non ab similes illi, & qui pari cum eo odio in Regem ferebantur, præcipuos magistratus Regia promotione deinceps capefferent, principemque in Regis gratia locum tenerent, quod Regiæ clementiæ perpetuum apud posteritatem erit monumentum. Tum quidem feruentibus eorum studiis, qui Regiam Maiestatem læsam grauitè ferebant, re ad concilium delatâ, acere & peracerba in Rocoslianos dictæ sententiæ; erant nonnulli, qui omnem spem gratiæ illis præcidendam, bona eorū fisco addicenda, in captos capitali poenâ animaduertendum dicerent: sed vicit paulò mitior sententia, in quam Rege annuente itum, datæque eo nomine rescripta publica; quibus Rex vniuersis Regni Ordinibus facti sui rationem explicabat. Sibi nihil antiquius fuisse pacem, & tranquillitatem publicam, oblatas parti aduersæ æquissimas pacandæ Reipublicæ rationes, sed spretas ab ijs, qui non nisi mutato Reipublicæ præsentis statu quieturi videbantur: paucorum audaciam eò processisse, ut priuatâ auctoritate Regi ab omnibus electo Regnum abrogarent, & Cracoviam arcem & caput Regni occupare vellent. Vocati ab iisdem ad arma homines, imperatum per edicta tributum, iura Maiestatis usurpata, & ne quid inausum intentatumque iisdem seditionis auctores relinquerent, contulisse eos consilia cum Gabriele Batthoreo Transilvaniæ Principe de tradendo illi Regno, ut vel inuitis Polonis Tyrannum imponerent, idque literis authenticis probari posse. Ad eorum improbos & perniciosos conatus reprimendos, necessaria & iusta Regem induisse arma, ut vim vi arceret, legibus de perduellibus Regni & ijs qui cum exteris Principibus cõsilia communicant, quique eo ipso proditiæ Patriæ criminis rei sunt latis, ita iubentibus. Ad Varcam primum eos armatam Regi aciem ostendisse, istic oblatas pacis condiciones, ab eis spretas: sollicitatam Regij militis fidem: interceptum Castellani Leopoliensis & contra iura gentium tractatum pacis causâ missum Nuntium; structas in itinere Regi insidias, firmatos difficiliore transitus præsidij: & cum consultò Rex eorum congressum declinaret, alioque quam illi itinere Cracoviam versus progredieretur, infessos ab ijs transitus, & ad Gusouium armato agmine structâ acie, animis infestis & perpetrando parricidio paratis, Regi eos occurrisse, homines nobiles cepisse, trucidasse, alios vinculis onerasse, postremò impetu in Regem facto, armis discernendi necessitatem imposuisse. Victoriam quidem cessisse Regi, eam tamen ita illum usum esse, ut non modò in quenquam extra aciem gladium stringere vetuerit, verum etiam complures in potestatem suam redactos sponte dimiserit: usum cum deinceps hac quoque clementiâ, si illi, quos impius furor in Regem & Patriam armauit, arma deposuerint, cœtus cogere desierint, contenti præsentis rerum statu, Comitiorum

*Rex aliquos  
qui tempore  
motus civilis  
cum Rocosli-  
anis sensere,  
honoribus  
postea orna-  
uit.*

*Regis ad vni-  
uersos ordines  
Literæ, post  
victos Rocos-  
lianos.*



iudicium pacati expectauerint. Quod si quid illi moliri, coetus cogere, armare multitudinem, seditionem ciere voluerint, hortari in primis Regiam Maiestatem vniuersos subditos suos, ne quis consilia vel arma conlociare, ne auxilio illis esse velit; alioquin vsuram Regiam Maiestatem seueriori in eos legibus Regni permessa, & necessitate ipsa expressa animaduersione, daturamque operam, ne quid illi in perniciem Regni & Regis moliri possint. Et hæc quidem in Castris ad Vranseum, vbi triduo moratus Rex, Octauo Idus Iulij inde mouit Ilzam versus, vbi positis castris triduo item substitit; eo potissimum consilio, vt missis in diuersas partes exploratoribus scire posset, quemadmodum hostes acie victi sese gererent, vbi laterent, quid consilij caperent. De Palatino nihil sciri potuit, consulto ijs, qui in Regijs Castris ob affinitatem eum saluum esse cupiebant, id agentibus, ne fugæ illius vestigia, ne latebræ in quas se receperat deprehendi possent. Radiuillum & Herburtum Lublinum concessisse mox compertum est; illic Radiuillum quidem acerbè in Regem Regiamque sectam concionatum, de strangulato Lesnicio, de cæsis in acie questum, postremò edicto noui Regis eligendi diem ad Nonas Septembris sub Varsauiâ ab eo præscriptum. Herburtum verò excussis mercatoribus Lublineseibus, grandem pecuniæ summam ab eis extorsisse. Hæc ad Regem & Castrense consilium delata exacerbauerunt omnium animos, vt quin grauius in eos animaduerneretur, nemo obstaret. Igitur decernitur auctores seditionis istius, quique eorum sectam secuti fuerint, nisi intra certum diem ad officium redierint Regis & legum Patriarum se obsequentes ciues monstauerint hostium loco habendos; nunc eos priuari omnibus dignitatibus & magistratibus quibus functi sunt, bonis item & possessionibus quas ex patrimonio Reipublicæ beneficio Regum obtinebant; ad decernendas verò grauiores pœnas, bona videlicet eorum hæreditaria fisco addicenda, ipsos capitali sententiâ feriendos, ad Comitia publicumque & solenne Regni Ordinum iudicium remitti. Easdem pœnas eos quoque mansuras, qui impios eorum conatus ope & auxilio iuuerint; gratiæ locum non aliter illis relictum iri, nisi vt singuli damnatâ de abrogando Regi Regno sententiâ, nouo sacramento fidem suam eidem obstrinxerint. Hæc grauiâ fortasse & peracerba videri poterunt, sed si quis expendit illorum temporum conditionem, spretam vel irrisam potius Regiam lenitatem, auctamque mollibus responsis hostium audaciam: denique victos eos & profligatos, superbos nihilominus gessisse animos, minacia edicta, contumeliosas sparsisse literas, neminem fore existimo, qui de hoc ipso decreto, quod magis in speciem ad terrendos obstinatos, aliosque ab eorum societate auocandos, quàm vt reuerà ita Rex animaduertendi animû haberet, promulgatum est, meritò queri, vel Regem Regiumque consilium crudelitatis accusare possit.

cur seuera  
edicta contra  
Rocossianos  
scripta.

His in castris ad Ilzam constitutis, Rex mandatâ Zolkienio curâ coërcen-



coercendorum, & in ordinem redigendorum eorum, qui sub nomine Rocossianorum in varijs locis ad signa coibant, ipse cum parte exercitus & plerisque Senatoribus Cracouiam versus profectus, ex itinere ad Monasterium Calui-montis sacratissime Dominicæ Crucis ligno celebre diuertit. Ibi religiosissimus Princeps victoriæ exiguo subditorum suorum sanguine partæ, suæque felicitatis auctorem Deum professus, pia exoluit vota. Inde iustis itineribus Cracouiam ventum, totâ, lætitiæ causâ, effusâ in occursum Principis vrbe: penè triumpho similis ingressus fuit: Regina, & Vladislaus Princeps filius, venientem Regem excepere: & ille hic quoque pietatis memor, priusquam arcem conscenderet, ad aram Diui Stanislai Regni Patroni prouolutus in genua, preces ad Deum fudit. Et cum omnia præcipue in Palatinatu Cracouiensi ob infectos fauore Rocossianorum animos suspecta essent, nonnullis cohortibus & peditum firmo robore præsidij causâ relicto, reliquam, quam secum adduxerat, partem exercitus in vicinis Hungariæ locis ne quid inde hostis nouare possit, collocat; maximè cum is (licet falsò) sparsus esset rumor, Palatinum Cracouiensem ex fugâ in Hungariam concitandi istic belli causâ concessisse. Zolkieuius motis secundum discessum Regis ab Ilzâ castris, & trajectâ Vistulâ, eadem ad Krasnostaum locat, vbi cum intellexisset Herburtum iam non contemnendam coëgisse fugitiuorum manum, & palam circumferre arma, dat negotium Nicolao Struso, eius in potestatem Regiam redigendi; qui celeritate vsus inconditâ multitudine primo impetu fusâ & disiectâ, Herburtum captum ad Regem Cracouiam mittit. Facile eodem exemplo cæteri quoque in ordinem redigi poterant; sed dissimulatione quorundam factum est, ne & seria, vbi Palatinus lateret, inquisitio fieret, & seditiosorum turmæ impunè grassarentur. Castigabat quidem Rocossianos literis & edictis Zolkieuius, quos armis coercere magis expediebat, solius nempe Herburti vile caput visum, cum Radiuilus ac reliqui palam versarentur, & Palatinus Cracouiensis non ita lateret, quin in publicum ad dicendam causam protrahi posset. Diuerterat is ex fugâ ad quendam nobilem clientem suum, omni à se relegato comitatu: mox ut securior esset, fidei Monachorum Diui Francisci quos de obseruantia vocant, se commiserat, abditus Opatouia in eorum monasterio, incertum an ignaro Castellano Cracouiensi eius oppidi domino. Is certè primus fuit, qui Rocossianorum patrocinium suscipere visus est: ad eum enim Opatouiam venerunt, missi à Radiuilo Petrus Strabonski Castellanus Pernauiensis, Balthasar Poræmbski Tribunus Cracouiensis, Ioan. Felix Herburtus Vexillifer Leopoliensis, Stanislaus Ciolek, Martinus Broniewski, petebat ab eo Radiuilus, suo factionisque suæ nomine, vt pro officio primarij in Republicâ Senatoris, auctoritatem suam interponeret, quo datis mutuis arbitris, de negotio, de quo inter Regem & Rempublicam contentionibus, & postremò armis disceptatum est, indicto Sendomiriæ vel Lublini conuentu, cognitio fieret; &

Rex Cracouiam redit, Zolkieuius negotium dat licentiosos ad officium reuocandi.

Regis Cracouiam reditus.

Palatinus Cracouiensis acie victus Opatouia apud Bernardinos agebat.

Rocossiani à Ioanne Ostrogio Castellano Cracouiensi petunt, ageret cum Rege, vt indicto nouo conuentu concitati motus componantur.



*Qui cum  
Rege eâ de re  
agit.*

*eiusdem ad  
Zolkieuium  
acres litera.*

*Responsum  
Zolkieuij.*

vt idem Castellanus cum belli duce ageret, ne Rocossianos bello prosequeretur. Retulit eâ de re Castellanus Cracouiensis ad Regem, sed ad Zolkieuium acriores dedit literas, cum insectatione & sugillatione quadam eorum, qui Regias partes constanter tuebantur. Respondit vicissim Zolkieuius, frustra & serò eos iudicium poscere, qui hactenus & omnes pacis condiciones spreuissent, & totius Senatus Ordinumque Regni arbitrio stare noluisent: malè illos sibi id usurpare, quasi Reipublicæ partes tueantur, veluti illi soli quid expediat, quidue noceat videant; reliqui omnes in publicis negotijs tractandis excutiant. Id ab iis nunc postulari, vt extra ordinem coacto conuentu, iterum Rempublicam in discrimen adducant, sopitamque seditionem excitent: nec se scire quos habituri vel daturi sint arbitros, quandoquidem eorum qui in præteritis comitijs illis offerebantur, iudicio parere noluerint. Sibi quidem non videri eos æqua petere; proinde non fore auctorem eius consilij, nec suasurum Regiæ Maiestati, vt eiusmodi indulgentia & auctoribus seditionis animos addat, & suam maiestatem priuatorum iudicio submittat, satis perspectam esse Senatui, & ordinibus vniuersis Regiam innocentiam: è contra eos qui illam arguerent, nihil hactenus egisse, quod legibus & institutis maiorum consentaneum esset, multa ab eis seditiosè, multa perperam facta, perturbatum Reipublicæ statum, oneratum Principem innoxium fictis criminationibus, Senatumque vniuersum populari inuidiâ. Nunc Dei hominumque iudicio damnatâ illorum temeritate resipiscerent, si salui esse vellent; & vel victi sapere tandem condiscerent: fidem quam Regi debent, & à quâ temerè recesserunt, profiterentur, Maiestatem supremi magistratus debitâ subiectione venerarentur, domi pacatè se continerent; futura Comitia, nullum interim alium conuentum habituri, expectarent. Ita tum responsum Castellano Cracouiensi, reiectaque importuna affectatio seditiosorum, qui cum armis conatus suos promouere non possent, iterum conuentus priuatos indici, quò plebi fucum facerent, seditionemque cœptam seditiosis in vnum coactis restaurare possent, callidè postularunt.

*Quare nouos  
priuatos con-  
uentus indici  
Rocossiani  
petebant?*

*Nobilitas  
Palatinatus  
Cracouiensis  
Regi victoriâ  
gratulatur.*

Rex interim posteaquàm Cracouiam venit, eò animum intendit, vt commota vulgi studia, diuersasque de præsentis rerum statu suspiciones, amoliretur: palamque faceret, sibi & antea, & nunc in primis publicam salutem curæ esse. In eum finem Nobilitati Cracouiensi Prosouicijs indixit Conuentum: adfuit frequens Nobilitas, pronisq; auribus Henricum Firleium Regni Referendarium Regis nuntium audiuit, explicantem præteritarum actionum causas, & per quos steterisset, vt ortæ inter Regem & quosdam dissensiones, bello finiendæ essent. Acceptata est ea legatio, comprobata Comitiorum acta; scitum insuper tributum, & qui præsentem Reipublicæ statum Regi gratularentur missi, quibus munus id exequentibus responsum est Regio nomine: Peracerbam esse Regiæ Maie-



Maieſtati præteritorum temporum memoriam, indoluiſſe eum ſemper *Iis à Rege  
reſponſum.*  
malis publicis, alienum geſſiſſe animum ab ullâ cum ſubditis ſibi populis  
concertatione: ſed paucorum temeritate factum eſſe, vt cum ij nullâ aliâ  
ratione pacari voluerint, armati conſilia ſua promouerint, arma inſuper  
ſtructamque aciem Regi oppoſuerint, armis quoque cum ijs decernen-  
dum eſſet. Aduerſis hæc imputanda, quæ infelici quodam fato Patriæ co-  
ortâ tempeſtate acciderunt: nunc ſerenato Reipublicæ ſtatu, & in tran-  
quillo portu rebus collocatis, curæ inprimis eſſe & fore Regiæ Maieſtati,  
pacem & tranquillitatem publicam: ad eam obtinendam, vt omnes eò  
quoque ſtudia voluntateſque ſuas conferant, gratiâ & clementiâ vſu-  
ram; modò ij etiam, qui hætenùs ne publica conſilia pacatè tractaren-  
tur, obſtiterunt, quieti eſſe velint: alioquin illis res mouentibus nemi-  
nem moleſtè laturum, ſi Regia Maieſtas ſeriò ad comprimendos eo-  
rum conatus incubuerit, operamque dederit, ne quid Reſpublica de-  
trimenti patiatur. Frequentes deinceps omnium ferè Regni Palatina-  
tuum Regem excepere legationes, plenæ gratulationibus, plenæ ſigni-  
ficatione optimæ erga Regem voluntatis, vt planè appareret, præſen-  
tem Reipublicæ ſtatum omnibus placere: tanta ſecundùm victoriam  
facta fuit animorum conuerſio, vt iidem qui proximè peſſimè de Rege  
ſentiebant, nunc damnatâ partis aduerſæ contumaciâ, eius omnes actio-  
nes probarent.

*Similes miſſæ  
à totius Regni  
nobilitate  
legationes.*

De Palatino interim Cracouienſi nihil certi audiebatur; ſed cum Lan-  
ckorona arx, quam Ioannes Zebrzydouiſ, Palatini filius, beneficio  
Regis cum adiacentibus prædijs obtinebat, quinto ab vrbe diſtans  
milliario, præſidio Palatini teneretur; ne ei res nouanti, & quod ob  
communicata cum Batthoreo conſilia omnia ab Hungariâ ſuſpecta ef-  
ſent, ad exercitum Cracouiæ admouendum, hæc occaſio relinque-  
retur; miſſus eò Stephanus Potocius, dum cum Porebio præſidij Præ-  
fecto de deditioe agit, ambigentemque Regijs territat mandatis, *Lanckorona  
arx Craco-  
uiæ vicina  
Regio præſidio  
firmata.*  
milites præſidarij, quòd plerique è vicinis pagis Regij ſubditi eſſent;  
veriti ne captâ per vim arce, grauiùs in ſe animaduerneretur, reli-  
cto Præfecto ſponte arce exceſſerunt, quam Potocius ingreſſus, Re-  
gio firmavit præſidio. Ad Imperatorem quoque Romanorum Ru-  
dolphum datæ literæ à Rege, queſtumque de Batthoreo Cæſaris ſub-  
dito, quòd is pernicioſa cum perduellibus Regni conſilia contuliſſet,  
Regiam dignitatem affectaſſet: apud eum dici latere auctores ſedi-  
tionis, illumque ne nunc quidem cogitationem depoſuiſſe inuadendi  
Regni: petere Regem ab Imperatore pro mutuâ cum domo Auſtriacâ  
amicitiâ, arctiſſimiſque ſanguinis neceſſitudinibus, & pactis ac fœderibus,  
quibus de pace vtrimque ſeruandâ cautum eſt; vt hominem inquietum co-  
erceret. Summo etiam Pontifici Paulo quinto, & alijs principibus Chri-  
ſtianis, quos motus Regni Regiumque periculum latere non poterat,  
ſignificatum, perduelles Regis & Regni in ordinem redactos eſſe.



*Mors Stanislai Minski  
Regni Pro-  
cancellarij.*

Eodem ferè tempore Stanislaus Minski Regni Procancellarius, Patauij vitam cum morte commutauit; vir singularis ingenij, & eleganter eruditus; iuuenis magnam ætatis partem in visendis lustrandisque exteris nationibus consumpserat, hinc variarum rerum notitiâ partâ, morum institutorumque ac linguarum exterarum nationum scientiâ, pollebat, Palatinus primùm Lenciciensis renunciatus, legatione apud Summum Pontificem Clementem Octauum pro Rege Sigismundo functus, vt Diuus Hyacinthus è Dominicanâ familiâ in numerû Sanctorum referretur, effecerat, dignus cui munus Cancellariatus deferretur, ab omnibus existimatus. Adeptus eum Magistratum dum popularem inuidiam plus æquo timet, impar tantis curis apparuit, quibus intra aliquot adepti muneris menses confectus, dum frustra Palatino Cracouiensi, cuius quondam intimus amicus erat, persuadere conatur, ne Rempublicam perturbet, morbum contraxit: cuius tanta erat vis, vt continuò surdum eum effecerit. Huius morbi curandi causâ medicorum consilio ad thermas vsque Puteolanas profectus, auditum quidem earum beneficio recuperauit, cæterùm læsâ semel grauiter valetudine, eâque nondum satis confirmatâ, dum æstiuis caloribus Româ Patauium proficiscitur, lethalem rursus contraxit morbum; quo grauatus, Patauij mense Iulio extinctus est, quinquagenario minor.

*Potociorum  
familia Regi  
fida & ad-  
dicta.*

*noui motus in  
Valachiâ  
mortuo Si-  
meone Mohi-  
la.*

Regius interim exercitus continebat in officio sparfos per diuersa loca Rocossianos, ne se commouere, ac in apertum prodire possent: præcipuus à Potocijs metus, qui, vt dixi, Regi addicti, ijdem acerrimi dignitatis Regiæ violatæ vindices, timebantur: eâ etiam spe inescati, extincto Palatino, Præfecturam Sinatinentem, sibi beneficio Regis cessuram. Itaque quàm diu isti in exercitu erant, Palatinus Cracouiensis, ne intimis quidem amicis vbi lateret prodere, nec cuiusquam fidei se committere ausus est. Sed accidit vt sub hoc idem tempus, mortuo Simeone Mohilâ Principe Valachiæ, Prouincia ea nouis motibus agitari cœperit: ad quam pacandam, stabiliendumque Constantini Hieremiæ Mohilæ filij iuuenis admodum imperium, Potocij Rege non abnuente maturandû sibi viresque suas eò transferendas existimarunt. Nupta erat Stephano Potocio filia Hieremiæ, & peropportuna erat Potocijs hæc affinitas, ad augendas opes & potentiam: namque Valachiam pacato imperio per plures annos Hieremias cum rexisset, non modò priuatas opes auxerat, sed erga eos etiam quorum ope nitebatur, munificus erat. Potocij vel maximè ab inuito interdum, sed offensam timente, quidquid postulabant referebant, non absque aliorum Regni Procerum inuidiâ. Sed proximè superiore anno Hieremias cesserat è vitâ, cum viuens adhuc Constantinum filium Principem & Successorem renunciare curasset, Turcarumque Imperatoris rescripto Regiâ intercessione obtento, sibi posterisque suis sexus virilis perpetuum in eâ Prouinciâ imperium stabiliuisset. Verùm eo vitâ functo frater eius Simeon Mohila iam ætatis exactæ vir, quem



quem ille quondam suis opibus ad Transalpinæ Valachiæ Imperium euexerat, pulsumque inde comiter & liberaliter apud se habuerat, vxorisque ac liberorum suorum moriens eidem supremis tabulis curam demandauerat, captatâ occasione, quod longius, qui soli timebantur, abessent Potocij, excluso nepote, pulsisque defuncti fratris cum matre liberis, imperium sibi arrogauerat, emercato Turcarum Imperatoris, qui semper venalis est, assensu. Et ne temerè inuito Rege tantum sibi assumere videretur, tempestiuâ legatione suam hanc ambitionem excusauerat. Valachos nempe à viris regnari solitos, pueri & muliebre imperium non laturos, & Turcas ipsos eâ occasione ad turbulentum aliquem hominem, summam rei delaturos fuisse, nisi curam eius Proinciæ suscepisset: se Regi fidem suam satis hætenus testatam fecisse, in eâ deinceps permanfurum, ac obsequio erga Rempublicam Polonam nemini vnquam cessurum. Hanc eius excusationem vt Rex acceptaret, imperiumque contra pacta vsurpatum, ratum haberet, & ij qui Potociorum infractam & debilitatam volebant potentiam euicerunt, & res ipsa, quod veltum maximè seditio Rocossiana ferueret, & quorsum euasura esset incertum adhuc haberetur, Regi vt suæ potiùs securitati quàm alienis commodis consuleret persuasit; maximè cum idem mox interuentu Ioannis Potocij Hieremiæ vxori cauisset, eam se cum vniuersâ familiâ concessis in eum vsum certis possessionibus pro dignitate generis tractaturum, & se vitâ functo imperium ad Constantinum filium ipsius deuolutum iri. Sed Simeone quoque intra decursum anni mortuo, noua rursus eaque muliebris pro filijs exarsit istic ambitio. Hieremiæ vxor Margarita, ereptum à Patruo filio suo Constantino imperium repetebat, altera è contra id secundùm mortem mariti sui Simeonis, filio eius Michaëli deberi contendebat: nec morata diu, cū omnia præsidia in potestate haberet, cunctique veluti proximè vitâ functi Principis vxori fauerent, filium suum Michaëlem, vel hoc ipso nomine quod iam imperio longè quam Constantinus, qui impubes adhuc erat, per ætatem aptior esset, præferendum & Principem renunciandum Valachis persuadet. Itaque voto potita, assensuque Turcarum Imperatoris, simul & ope imploratâ, armis potentiâque Turcarum ad tuendum præsentem rerum statum se munit, Constantino matreque eius & totâ Hieremiæ domo in ordinem redactâ. Ea rerum Valachicarum mutatio exciuit Potocios, vt cum ijs copijs, quas in exercitu Regio habuerant, eò concederent; opem socrui & affinibus laturo. Igitur Ioannes Potocius Præfectus Camenecensis, sub exitum autumnæ Valachiam sub signis ingressus, aduersam factionem, quæ Turcicis Tartaricisque auxilijs fulta, & vniuersâ Valachiâ ad arma excitâ, magnis viribus obuiam ibat, fundit, fugatque, & Constantinum, iuuenem admodum, imperare iubet: ægrè id quidem primò ferentibus Turcis, sed mox muneribus delinitis iisdem, imperium Constanti-

*Ioannis Potocij in Valachiâ progressus.*



*Ad Turcarū  
Imperatorem  
Achmetem  
legatio.*

*quā functus  
Nicolaus  
Danieloui-  
cius.*

*Palatinus  
Cracouiensis  
rursus novos  
motus ex-  
cit.*

ni ratum habentibus, quanquā iam antea Michaëlem in possessionem Principatus per traditionem vexilli, vt mos est, immiserant, & de eo Regem certiores fecerant. Præerat tum rebus Turcicis Achmetes, qui ante aliquot annos Machumeti patri successerat; & cum moris esset, cum nouo Imperatore solenni legatione vetera renouare pacta, amicitiamque firmare, destinatus erat ad obeundum id munus Adamus Stadnicki Castellanus Calissiensis, ac Præfecturam Premisliensem eo nomine à Rege acceperat: sed postea cum is tergiversaretur, periculumque esset ne barbari id in sinistram partem acciperent, moram quidem non missi legati primò per Abrahamum Krzewski iuuenem, & linguæ & rei Turcicæ peritum, deinde per Stanislaum Vitowski Secretarios & internuntios suos Rex excusauerat; cæterum ne diutius legati profectio differretur, Nicolaus Danielouicius Castrorum metator, vir & priscâ nobilitate illustris, & ad res præclare gerendas natus, Rege iubente id munus suscepit ac summâ cum laude eo perfunctus est.

Sed vt ad institutum nostrum reuertamur. Palatinus Cracouiensis simul ac intellexit Potocios per occasionem rerum Valachicarum abesse, & diutius absuturos, solutus eo metu, & quod certò ei constaret, Zolkieuum pro iure affinitatis solitâ conniuentiâ erga se vlurum, ex latebris, in quibus hætenus abditus delitescibat, in apertum prodijt, stipatus seditiosorum turbâ, quæ post Guzouianum conflictum, victor- que factionis Rocossianæ Duces, nullo certo loco consistere ausa, ad rerum nouarum occasiones intenta erat. Partem eius generis hominum iam antea Radiuilus sub signa coëgerat, pars Herburtum secuta, eo capto disiecta fuerat, mox à Palatino signo dato egentes homines, fortunis adesis, & maximè prælio Guzouiano corruptis & amissis, ad spem prædæ conuolabant. Eo fretus præsidio Palatinus, ad Varsauiam confedit, istic resumptâ Rocossianâ auctoritate, quasi intermissum negotium acturus, diem à Radiuilo nouo conuentui iam antea indictum, sed neglectum, se obiturum præseferbat; ratus eâ re fucum se Regi facturum, & nouarum turbarum metu, ad transigendum secum impulsurum. Interea missis ad Senatores literis, pertentabat eorum animos, & in eam partem flectebat, vt quasi ex æquo litem, quæ inter eum Regemque intercedebat, datis arbitris dirimendam existimarent: ac vt indicto conuentu Rex totum hoc negotium iudicio nobilitatis permitteret. Hanc eius postulationem, cum primus Zolkieuus Regi significasset, & indulgendum ei suadere videretur, in eam venit suspicionem, quasi in pari lance poneret Regiam & Palatini dignitatem: id enim Palatino propositum fuisse apparebat, vt coacto Senatorum & nobilitatis conuentu, Rex absens diceret causam: quod perinde erat, ac si sopita & sepulta iam sub ficto nomine tuendæ libertatis seditiosorum auctoritas, quæ antequam armis victa esset, omnia sibi arrogabat, iterum



rum stabiliretur. Igitur Rex obiter refutatis ijs, quæ à Palatino Cracouiensi proposita erant, id verò grauitè se ferre ostendit, quod Zolkieuius se inconsulto à Zauichosto exercitum in interiora Russiæ abduxisset: eo metu solutos Rocossianos arma induisse, armatisque septos iterum seditionem, seditiosaque consilia in perniciem Regis & Reipublicæ promouere, prædas tanquàm in hostico agere. Ea nunc ab illis postulari, quæ saluis legibus, saluâ dignitate Regiâ concedi non possent: vt videlicet leges in proximis Comitijis legitimè latæ, priuati, quem illi flagitant, conuentus auctoritate abrogarentur, vt pœnis, quas ob non illatam Rauam in ærarium publicum ex bonis Reipublicæ pendi solitam quartam reddituum partem meruerunt, soluerentur, vt suarum Regiarumque actionum Comitialiumque Decretorum lecti ab illis arbitri, auctoritatem illis præbente seditiosorum cœtu, iudices essent. In solitam eam & perniciosam esse publici consilij cogendi rationem, vt Rege viuentè & incolumi, quiuis alius conuentui præsit: facile sanè apparere, quid Palatinus velit; nempe vt remoto præsidio Regio, ipse armatis septus, omnia pro arbitrio suo ageret; & si occasio daretur, inermes opprimeret. His per Stanislaum Sulouium Secretarium suum Rex ad Zolkieuium mandatis datis, illud prætereà adiecit: se quidem hætenus Zolkieuij solius fidei salutem suam permisisse, proinde curæ illi eam esse debere, ita vt existimet, & dignitatis simul & securitatis Regiæ rationem sibi esse habendam: nunc & eos quos Regi infensos esse constat, ambiguos de Rege spargere sermones, & Batthorem Transilvaniæ Principem palàm præfessè, se eorum conatibus non defuturum: videret Zolkieuius, ne si ille tam graues iniurias, salutisque Reipublicæ discrimen diutiùs dissimulet, Rex alia præsidia sibi parare, & suæ, & Reipublicæ securitati aliter prospicere cogatur. Pupugit ea legatio Zolkieuium, maximè cùm non ignoraret, se maleuolorum sermonibus peti; suspecta quoque illi erat Potociorum factio, Regi impensius addicta: his rem Valachicam esse permissam, exercitus attributos, sprete in eo sua consilia: suadebat enim Regi, & quidem, vt exitus postea docuit, prudenter, ne nostri Valachiam attingerent, ne Constantino armis eum Principatum assererent, ne Turcica arma irritarent: hæc & alia remissiorem eum faciebant, quominus promptè Regiæ voluntati se accommodaret. Ita tamen ad ea quæ Sulouius Regis nomine ad eum detulerat, respondit: imprimis petebat, ne Rex quidquam de fide suâ addubitaret, quadraginta annorum obsequio ac toties pro patriâ fuso sanguine, partum decus sibi ita carum esse, vt vitæ potius quàm existimationis discrimen adire velit. Se non ignorare Regiâ salute & dignitate omnium salutem contineri, ad eam tuendam, nec animum nec vires sibi defuturas: adductum in Russiam exercitum, quod ijs apud quos ad Zauichostum castra posuerat,

*Regis ad Zolkieuium mandata.*

*Causæ cur Zolkieuius remissus erat in coercendis Rocossianis.*



*Explicat  
Zolkieuius  
quid Palati-  
nus Craco-  
uiensis inten-  
derit.*

posuerat exigendâ annonâ grauis esset, frequentesque de eo ad se quere-  
læ nobilitatis deferrentur; sed si Palatinus ceterique Rocossiani quid  
moliri velint, in promptu fore cohortes, ad eos in officio retinendos. Et-  
iam si Palatinus tergiueretur, diuersaque consilia per occasiones captare  
videatur, contentum tamen fore datâ à Rege præteritis suis actionibus  
veniâ, etsi præterea sufficienter illi caueatur, quod legibus præscripto  
tempore, pensionem quartanam non soluerit, id impune fore, neque eo  
nomine se in ius attractum iri: certò præterea constare sibi Palatinum  
expertem esse cuiusvis in perniciem Reipublicæ cum Bathoreo conspi-  
rationis. Hæc quidem tunc Zolkieuius, at Palatinus quasi harum rerum  
ignarus, per omnes occasiones aliam dabat significationem voluntatis  
suæ; idque imprimis sibi curæ esse ostendebat, ut pro auctoritate perso-  
næ, vniuersam Rempublicam representantis secum ageretur. Adhuc  
Radiuilus arma non deposuerat, & licet Carolus Chodkieuicius illi ita  
immineret, ut se loco mouere non posset, tamen fouebat adhuc clande-  
stina consilia, eaque cum Palatino communicabat, misso ad eum Sigis-  
mundo Niscicki, homine sectæ Calvinianæ, quem tamen Palatinus  
quamuis Catholicæ religionis quondam acerrimus vindex, suorum con-  
siliorum moderatorem habere videbatur: ita ut sub eius nomine rescri-  
pta responsaque darentur eius conuentus, in quo reliquæ Rocossiano-  
rum continebantur.

*Bernardus  
Macieiouius  
Cardinalis  
& Archie-  
piscopus Gnes-  
nensis Syno-  
dum Petrico-  
uiæ celebrat.*

*causæ conuo-  
cata Synodi.*

*Controuersia  
equestris or-  
dinis cum  
Ecclesiastico.*

Bernardus Macieiouius Cardinalis & Archiepiscopus Gnesnensis, sub  
initium mēsis Octobris Synodum Prouincialem Petricouia obibat. Ad-  
erant ferè omnes Episcopi Regni, & è Clero præcipui; nam cum in  
præteritis Comitij Varfauiensibus multa ab equestri contra sacrum or-  
dinem iactata essent, quasi is prærogatiuâ iuris sui cæteris grauis esset:  
vehementerque flagitatum esset, cum hætenus Ecclesiastici contende-  
rent, bona sacris vsibus semel adscripta, etiam si diuturno tempore à sæ-  
cularibus possessa, tamen neminem posse etiam longissimi temporis cur-  
su vsucapere, hæreditatesque sacras sine legitimâ causâ olim interuersas,  
semper vindicari posse; ut tandem Rex lege datâ statueret modum &  
tempus, quo constaret, quæsit quoquo modo iuris possessio. Deinde  
sæpè euenire, ut equestris ordinis homines, grauibz iniurijs à spirituali-  
bus afficiantur; id tamen impune fieri, quod eo nomine accusati, ad  
Curiam Romanâ prouocando, actores quibus & Canonicum ius igno-  
tum est, & ad tam longinquum iter suscipiendum, iurisque impensas  
sumptus non suppetunt, palàm eludant: cum è contra spirituales iure  
Regni facilè iniurias suas vindicent: iniquum sanè videri non omnes qui  
eodem corpore Reipublicæ continentur, pari eodemque iure censeri.  
Cæterum cum ordo sacer hoc nomine in Comitij compellatus, nihil se  
hac de re nisi ex Synodi sententiâ respondere posse ostendisset, eò tota  
ea quæstio reiecta fuit: simul ut istic ex ordine sacro legerentur, qui cum  
secularibus de abolendis componendisque mutuis controuersijs agerēt,  
statue-



statuerentque & cum iam antea in Comitibus ordo Equestris suos quoque ad hoc negotium tractandum conficiendumque plenam cum potestate Commissarios dedisset. Hoc eodem tempore Palatinus Cracouiensis nouos ad Varlauiam coetus cogebar, quare rati Episcopi ad munus suum pertinere, si eam aliosque qui illi adhaerebant, interposita sacri ordinis auctoritate admonerent, ut a coepto desisteret; talem ad eos dederunt epistolam. Sibi in Synodo res Ecclesiasticas tractantibus, non abs re visum, *Epistola Episcoporum ex Synodo ad Palatinum Cracouiensem.* ad praesentem quoque afflictam Reipublicam statum oculos reflectere. Eo quidem ut primum harum dissensionum initia oriri ceperunt, se in magno metu fuisse, ne patria supremum discrimen adiret, cum & Seruator ipse omne Regnum civili discordia distractum, periturum verissime pronunciauerit, & tot clarissimorum regnorum euerforum exemplis doceamur, absque concordia nullam Rempublicam stare posse. Nihil haecenus a se praetermissum, quod ad conciliandos animos in mutuam perniciem exacerbatos pertineret, sed irato ob scelera hominum Deo, non esse datum locum monitis suis. Eo postremo ventum, ut armis & aperta acie decertaretur, & ea fierent, ac nunc etiam fiant, ut in ipsis Patriae visceribus talia a ciuibus ciues patiantur, quae bella secum adferre solent, ac Respublica suis nudata praesidijs, vilibus etiam hostibus pateat. Lituoniam ardere bello, captum a Sueco Bialocamenum, eundem hostem imminere Rigae, alijsque eius Prouinciae oppidis & arcibus, infestam esse maritimam oram, infestos portus Regni, quibus amissis, aut impeditis, actum fore de nostris facultatibus: nunc certe vniuersam Reipublicae salutem periclitari. Quae ecquis Patriae amans siccis oculis conspiciat? quis non ingenti dolore afficiatur? Se quidem quibus functio spiritualis diuinitus demandata est, Deum testari, nihil sibi optabilius esse salute Patriae, in qua nati essent, cuius beneficio viuerent, nihil carius libertatibus equestris ordinis, quarum auctores fuisse maiores suos probe nossent: in ijs tuendis conseruandisque suum officium desiderari, etiam si quoduis discrimen subeundum foret, se passuros non esse: nunc si quid tale vrgetur, leuioribus remedijs sanari posse. Ad ea ut animum adijcerent, arma deponerent, nouos coetus ne cogerent, ac etiam atque etiam dispicerent, quid incommodi secum adferant, quanto solatio hostibus nostris sint acerbae & sanguinolentae civiles discordiae, hortari se & monere. Synodum quidem diu teneri non posse, ceterum ad Cardinalem Macieiouium, ad quem cura eius rei, pro eo loco, quem primum in Republica tenet, pertinet, referrent de hoc negotio, qui cum alijs, quorum copiam habere poterit Episcopis, se medium interponet, Regemque subditis conciliare, totumque hunc motum componere adnitetur. Moderarentur illi vicissim suis affectibus, voluntatesque suas, etiam si non nihil de iure decedendum esset, mitioribus consilijs accommodarent: multa tempore ipso sanari, & ubi pax constituta fuerit facile reliqua confici posse. Se deinceps ad ea omnia quae Reipublicae bono peti & postulari



lari poterunt, obtinenda, auctores adiutoresque futuros : Interim vestem istam mutua societatis ne discinderent, lacerarentque.

Non iniucunda fuit Palatino Craconiensi ea legatio, ad mentem planè eius, à nonnullis ex ordine sacro qui ei clàm fauebant, & ob veterem amicitiam non omnino depressum volebant, conscripta & composita. Perhonorificum enim illi videbatur, se ab ordine Ecclesiastico ambiri, neque sua destinata ab eo palàm damnari, vsurum se deinceps eius auctoritate, vel ad commouendum populum, vel certè cum maiori auctoritate ad transigendum cum Rege. Igitur oblitus eorum quid Zolkienius cum eo, quid ipse vicissim cum Zolkieuio egisset, quid Zolkienius pro eo Regi sponderet, aliam concordiae telam ordiri cœpit. Itaque literis Episcoporum responsum ex sententiâ Palatini datum nomine Rocossianorum est eiusmodi : commemoratis ijs quæ hætenus acta sunt, ostendebant se omni culpâ vacare, & frustra tentatis omnibus medijs, quibus Regem ad satisfaciendum Reipublicæ erroresque corrigendos adducerent; ad extremum cum nihil monita proficerent, ac nouis in dies iniurijs animi hominum exacerbarentur, iure ad abrogandum illi imperium processisse. Non sibi, sed Regi imputari debere, ea quæ postea euenerunt, se tamen iam ultro recedere à decreto abrogati Regi regni, & libenter permissuros causam Reipublicæ quam hætenus promouerunt, arbitrio status Ecclesiastici : cum Cardinali hac de re omnium nomine Palatinum Cracouiensem, cui totius conuentus intentio optimè nota est, acturum. Legationis verò ad Cardinalem missæ hæc summa erat. Gratum esse sibi hoc status Ecclesiastici Reipublicæ pacificandæ studium, cuius auctorem fuisse ipsummet Cardinalem minimè dubitarent; facturum eum officium Principis Senatus, si seriò ad eam rem animum adiecerit, quod eo modo fieri posset. Vocaret vniuersum Senatum Cardinalis ad locum aliquem tutum in centro ipso Regni, istic consilium iniretur, & rationes pacandæ Reipublicæ præscriberentur, ac quid Rex Reipublicæ debeat declararetur; Cardinalis deinceps more maiorum, qui vel inuitos Reges cgebant ad præstanda ea quæ ex pacto & legum præscripto debebant, Senatus vniuersi auctoritate fretus, officij sui Regem admoneret. Rex captos Herburtum & Pekoslauium dimitteret. Bona ablata restitueret. Negotium Abbatissæ Tinecensis ( de eâ inter Stanislaum Sulouium, Regiâ promotione nitem, & Albertum Baranouium Monachum à Monachis electum lis erat ) relinqueret. Securitati eorum qui partes Rocossianas secuti sunt caueret. Id effecturum Cardinalem, & nisi id fiat, vel si remissius hoc negotium tractetur, aut si Senatus suo munere non defungatur, se alijs medijs vsuros, & fore nouissima peiora prioribus. Quoniam scita præteritorum Comitiorum à multis improbantur, efficeret Cardinalis, ne ij qui ad leges corrigendas, componendasque inter spiritualem & secularem statum differentias, auctoritate Comitiorum designati sunt, suscepto munere fungantur,

*Responsum  
literis Episco-  
porum à Ro-  
cossianis.*

*Summa lega-  
tionis Rocos-  
sianorum ad  
Cardinalem  
Macieioium.*



tur, fore ei rei aliud commodius tempus, posteaquàm Respublica pacata erit. Ad ea Cardinalis Palatino Cracouiensi respondit. Eam & suam, & aliorum Episcoporum fuisse mentem, vt Rocossianos ab extraordinarijs conuentibus dehortarentur; hactenùs quidem in eo erratum fuisse, quod passim hominum cœtus cogerentur, vt tumultu magis quàm consilio negotia publica à priuatis hominibus tractarentur, se auctorem non fore rerum nouarum, nec Senatum priuatâ auctoritate conuocaturum, cum id Regium munus sit. Comitia potiùs more maiorum indicenda, atque in ijs publica tractanda negotia, interim pacatè se gererent ij qui extraordinarios eiusmodi cœtus flagitant, quorum securitati datis à Rege literis satis iam cautum esse. Bonis quenquam spoliatum esse sibi non constare. Turbulentos homines captos, liberos fore, si quis cauerit eos modestè se gesturos. Litem de Abbatia Tinecensi iudicio Summi Pontificis decisiurum iri. Eos qui ad corrigendas leges, & ea de quibus inter Ecclesiasticum & Equestrem ordinem disceptatio est componenda designati sunt, non esse causam cur quis munere suo defungi prohibeat: cum id negotium diu iam flagitatum, & magno Reipublicæ incommodo neglectum, nunc tandem vt definiatur maximè optandum sit.

*Responsum  
adhuc Car-  
dinalis Ma-  
cieioij.*

Cum verò Zolkieuius, quasi à Cardinali & Episcopis pacis tractandæ negotium, quod ipse antea inchoauerat interceptum esset, cum Cardinali datis literis exposulasset, respondit ille: non eo animo suo aliorumque Episcoporum nomine conuentum Rocossianum compellatum fuisse, vt sibi aliquid in eo negotio, quod probè nossent à Zolkieuius inchoatum, & propositis acceptisque conditionibus penè ad exitum deductum esse usurparent, sed vt propensos ad concordiam Rocossianorum animos confirmarent: quare vrgeret ille cœptum opus, exigeretque eas conditiones, quas iam acceptauerant. Sed Palatinus cum animaduerneret, Cardinalem minùs spe suâ opportunum esse destinatis suis; & vt res erat, quod Cardinalis cum in aula Regiâ maneret, non ex propriâ sententiâ responsa dare videretur: primum quidem Petro Tilicio Cracouiensi, & Alberto Baranouio Cuiuiensi Episcopis, qui Varsouiam nomine Cleri ad componendas cum Equestri ordine controuersias venerant, persuadet, vt propositas Cardinali conditiones vrgerent; sed cum horum quoque iudicio meritò reprehensa fuisset minùs æqua postulatio, ostensumque quò eiusmodi Palatini arrogantia tenderet, ille rursus vniuersum Senatum ac Nobilitatem per literas certiore facit, Regemque hac onerat inuidiâ, quasi is propositas ab ordine Episcoporum pacis conditiones respueret, simulque petit consilium, an sibi ab ijs resilire liceat. Docet quantum inde libertatibus Regni immineat discrimen, si earum defensor in ordinem redigatur, si ad mandatum Regium Senator quasi præteritarum actionum rationem redditurus se sistere cogatur. Se hactenùs in hoc negotio cum dispendio non modò fortunarum, sed gratiæ

*Littera Zol-  
kieuij ad  
Cardinalem,  
eiusq. respon-  
sum.*

*A Petro Tyli-  
cio Episcopo  
Cracouiensi  
& Alberto  
Baranouio  
Vladiſlauiensi  
reprehensa  
postulatio  
Palatini  
Cracouiensis.*

*Palatinus  
Cracouiensis  
Senatus &  
Nobilitatis  
consilium ex-  
quirat, quid  
ulterius fa-  
ceret.*



cum omnes  
Senatores  
Palatino  
Cracouiensi  
suadent, ut  
pacis condi-  
tiones am-  
plectatur, so-  
lus Castella-  
nus Craco-  
uiensis alte-  
rius est sen-  
tentiae.

Annus  
Christi  
1608.

Bernardus  
Macieiovius  
Cardinalis  
Archiepisco-  
pus Gnesnen-  
sis obit.

Eius dotes.

Idem in nu-  
ptiis Regis  
fuit Legatus  
de latere.

Palatinus  
Cracouiensis  
Regi se sub-  
mittere cun-  
ctatur.

etiam Regiæ versatum esse, vitam ipsam potius profundere, quam tute-  
lam libertatum Regni deferere paratum fuisse. Facile quemuis animad-  
uertere posse, salubre & rebus praesentibus accommodatum fuisse con-  
siliium, Senatus conuocandi, sibi ab Episcopis propositum, Regi quoque  
ipsi magis expediebat in eo confesso negotium hoc definiri: ceterum ex-  
plicarent illi quid hac de re sentirent, idque eo candore, & eâ erga Pa-  
triam fide, quæ non modò posteritati placeret, verum etiam cuius in  
exacto Dei iudicio essent rationem reddituri. Ad eas literas omnes ferè  
Senatores in eandem responderunt sententiam, suaseruntque Palatino,  
alijs postpositis consilijs, pacis conditiones per Zolkieuium propositas  
amplecteretur. Solus Ioannes Ostrogus, Castellanus Cracouiensis Pa-  
latini postulatis se obsecundaturum, & nisi Cardinalis Senatum conti-  
nuò conuocet, id se pro eo loco, quem in Republicâ tenet, facturum  
Regi significauit.

Annus Christi supra Millesimum sexcentessimus octauus iam inchoa-  
tus erat, ad cuius initium primis Ianuarij diebus Cardinalis Macieiovius  
Archiepiscopus Gnesnensis lentâ tabe consumptus cessit è vitâ, vir pius  
magis, quàm tractandis negotijs Reipublicæ idoneus, floruit & popu-  
lari fauore & gratiâ Regis, à quo ex Episcopatu Luceorienfi primò ad  
Episcopatû Cracouiensem, dein ad Gnesnensem Archiepiscopatum pro-  
motus, primas in Senatu partes tenuit, & licet tot auctus esset opibus,  
multisque extraordinariè subsidijs iuuaretur, semper tamen egere visus  
est. In nuptijs Regijs Legati (quem de latere vocant) munere functus,  
cùm deinceps Sedem Episcopalem, protenso supra velò, ad instar eius  
quo Reges vti solent, ex aduerso Regiæ sedis posuisset, idque decus Car-  
dinalitiæ & Episcopali dignitati deberi contenderet: Rex è contra id  
pati nollet, re ad Summum Pontificem delatâ, iussus est Cardinalis ve-  
lamen illud honoris tollere, & hæc prima fuit illi cum Rege dissensio:  
vnde postea fauisse Rocossianorum conatibus existimatus est: creditum  
etiam à nonnullis contumaciam Palatini Cracouiensis, eius conuiuentiâ  
fotam fuisse. Ac Palatinus quidem omnium Senatorum acrioribus li-  
teris perstrictus, & à Zolkieuius potissimum liberiùs pro iure amicitiae  
obiurgatus, hærebat tamen; sed cùm Zolkieuius minacibus literis col-  
luuiem militum, quorum fiduciâ Palatinus in Stazicensi Præfecturâ  
subsederat, disiecisset, Zamoscium concessit, tutum munitumque op-  
pidum, in eo loco præstolaturus, si quæ occasio rei nouandæ se offerret,  
vel si Castellanus Cracouiensis, ut se facturum receperat, publicum con-  
uentum ediceret. Meritò iam Regi mora ea suspecta esse cœperat, ve-  
rendum enimerat, ne factiosi homines resumptis viribus adscito Castel-  
lano Cracouiensi, iterum nouas turbas cierent: præsertim cùm Zolkie-  
uius, etsi optimâ fide in negotio pacificationis versaretur, tamen quòd  
vel à Palatino illuderetur, vel ipse etiam ob arctas sanguinis necessitudi-  
nes minùs acriter cum eo ageret, parum hætenùs effecisset. Itaque Rex

vt



vt aduersariorum machinationibus vires opponeret, & arma ostentaret, Ioannem Potocium è Valachiâ cum ijs copijs quas istic habuerat euocauit, & ad vniuersos Senatores dedit literas, quibus monebantur, vt contra conatus aduersæ partis sibi præstò essent. Nec Castellanus Cracouiensis, quemadmodum se facturum ostenderat, Senatum conuocare ausus; cum videret omnes, Palatino Cracouiensi excepto, in aliâ esse sententiâ, ac neminem suis edictis commotum iri: ac prætereâ vereretur, ne si rerum nouarum auctor esset, alijs omissis ipse ab exercitu Regio peteretur. Igitur Palatinus, cum parum prosperè ea quæ destinauerat procederent, simul se desertum vident, totum se postremò Zolkienij potestati permisit. Conditionum quibus Regi reconciliaretur, hæc summa erat. Vt ne amplius priuatâ auctoritate conuentum illum vel indiceret, vel indici postularet. Ad Regem veniret, errati veniam peteret, fidem renuntiata obedientiâ labefactatam, resumpto iurisiurandi sacramento firmaret. Rex vicissim benignè eum ceterosque qui in hac dissensione sectam eius secuti fuerant reciperet. In Comitijs proximis legitimis postulatis, si quæ talia fuerint, arbitrio Senatus & ordinum Regni annueret; sancitâ omnium rerum ac iniuriarum obliuione.

Ceterum cum sub idem tempus non solum à domesticis internisque moribus, nondum sedatis, & quodammodò recrudescantibus, Reipublicæ immineret periculum; verum & cum vicinis Hungaris Moschisque incerta pax, in Liunioniâ verò apertum bellum esset, consilij capiendi causâ, Rex ad se primarios Senatores euocauit, diemque vigesimum quartum Mensis Aprilis, quâ Cracouiam venirent, designauit. Venerunt frequentes satis, pertæsi tot molestiarum, quibus finem dari nemo erat qui non cuperet; maximè quod cum Palatinus Cracouiensis diuersum Rege absente conuentum vrgeret, hic legitimè indictus, quem tamen ille subterfugere vel calumniari non posset, necesse erat vt indiceretur. Hæc autem erant quæ in consilio nomine Regis proponebantur. Quibus modis & rationibus pax interna componi posset. Quibus conditionibus auctoribus præteritæ secessionis indulgendum, veniaque illis danda esset, & è contra qui pertinaciùs arma retinerent, qualiter in ordinem redigendi. Liunioniæ bello Suetico laboranti vnde præsidium parandum, pecuniæ in eum vsum ex ærario Rauensi depromenda, an potiùs aliunde acquirenda, & num Sueco petenti dandæ induciæ. Temerè sub signis ditiones Moschouiticas infestantes quomodo coercendi, & an Internuntijs rediuiui Demetrii fides habenda, ijque vt à legitimo Principe missi tractandi. Priuatorum Procerum domestica dissidia, audacesque in mutuum perniciem armatorum insultus, vt coercendi. Dictis à Senatoribus sententijs, conclusum est, clementiâ potissimùm Regiâ domesticum tumultum sedandum, petendumque à Rege, vt publicæ quietis causâ suas iniurias benignè indulgere velit, spemque faciat breui Comitia indicturum, & quæ ordines vniuersi legitimè à se petierint facturum. Intereâ

*Rex consilij capiendi causâ præcipuos Senatores ad se euocat.*

*Summa propositorum à Rege in consilio.*



monendum Palatinum Cracouiensem, vt Senatus arbitrio se permitteret, & secundum oblatas à Zolkieuio conditiones, acceptatasque Regi reconciliaretur. Alios item eiusdem secessionis auctores & comites, pari modo admittendos; aspernantes verò Regiam gratiam, & novos tumultus cientes, praesidio legum, & si necesse foret, armis etiam coercendos. Ad scribendum in praesidium Liuoniae exercitum, ex Cracouiensi thesauro monilia depromenda, ipsique pignori datis, pecunia quae centum millium florenorum summam expleret acquirenda: eo etiam residuum ex arario Rauensi pecuniae impendendum. Negotium induciarum Sueticarum Carolo Chodkieuicio committendum. Ne quis sine scitu Regio signa ditioribus Moschouiticis inferret edicto publico prohibendum. Internuntios Demetrii placere admitti, auditos autem tantisper retinendos, donec coeptum habeatur, quod noui istius impostoris conatus euadant: interim literas nomine Senatorum Regni ad Proceres Moschouiae dandas exquirendumque; cur legatos Regios contra ius gentium detineant, aliosque nobiles viros in nuptiis Demetrianis interceptos non dimittant, eo adiecto, id praeter scitum & voluntatem Regiam fieri, quod aliqui ex nostris hominibus ad famam rediitui Demetrii eò concesserint, sed & hos Moschouiam omisso, si vicissim ipsi, qui citra ullam culpam istuc detinentur dimissi fuerint. Priuatos priuata arma circumferentes, monendos Regis & Senatus nomine, vt continuo arma deponant, si parere noluerint, in ius vocandos, contumaciores verò etiam acrioribus modis coercendos. In eum sensum facto praescriptoque Senatusconsulto, prima ea cura Senatui fuit, vt Palatinum Regi reconciliarent. In grauem is inciderat morbum, & crescente eo in dies, viresque depascente, ita conciderat, vt publico concilio interesse non posset, & lecto affixus, aegre responsa daret: Neque tamen ea res impedimento fuit, quominus Senatus coeptum pacis conciliandae opus prosequeretur, scriptis omnium, qui praesentes erant nomine, ad Palatinum Cracouiensem hoc sensu literis. Quibus haec tenus medijs usus sit Senatus, vt eos qui in ciuili dissensione à publico consilio secessionem fecerant, ad concordiam adduceret, non latere Palatinum: spretas fuisse fraternas suas cohortationes, armatisque cohortibus temerè conceptas opiniones promotas, excitatum in Republica tumultum, & postremo acie de iure certatum: id cuius culpam euenisset, Deum qui meliori parti fauit indicauisse. Sed deinceps quoque & Regiam semper omnibus qui in contrariis erant partibus patuisse clementiam, & Senatus in conciliandam eam singulare enituisse studium; dimissos à Rege fuisse exercitus, nec in victos fauitum: omnes haec tenus id votis omnibus exoptasse, vt pax Reipublicae restitueretur; ipsum Palatinum nonnullis significasse, se arbitrio Senatus statuturum; eandem Palatini voluntatem senatui & Palatino Kijouiensi (Zolkieuus secundum mortem Constantini Ostrogij proximè eam dignitate à Rege ornatus erat) explicatam esse. Nunc igitur conditionibus, de quibus

*Littere à Senatu ad Palatinum Cracouiensem.*



quibus hactenus actum est ad trutinam iudicij expensis, censuisse Senat-  
tum, ut Kiiouiensis Cracouiensi Palatino eas nomine publico offerret.  
Non dubitare senatum amplexurum secuturumque Palatinum Craco-  
uiensem concordē amplissimi ordinis consensum, desiderioque omnium  
statuum satisfacturum, nec Regis gratiam aspernaturū. Veniret itaque,  
seque ad diem decimam sextam Maij sisteret, spondere senatum, si eius  
voluntati paruerit, ac præscriptis conditionibus satisfecerit, non modò  
eum securum fore, sed pristinum etiam dignitatis gradum recuperatu-  
rum, & Regiam clementiam experturum. De ijs quæ hactenus in discep-  
tatione fuerunt, in Comitijs proximis actum iri, eâ esse Regem volunta-  
te, ut ad præstanda ea quæ ordines Regni legitimè poposcerint, promptū  
paratumque se fore profiteatur, vniuersum denique Senatum in eisdem  
Comitijs libenter sua studia ad obtinenda decernendaque ea, quæ expe-  
dire publicæ salutis videbuntur, accommodaturū: cætera ex Petro Ozga  
Iudice Leopoliensi, per quem eiusmodi literæ mittebantur, quæ ad  
hoc negotium pertinent, Palatinum intellecturum. Simul scripto con-  
ceptæ conditiones, quibus ad Regis conspectum admittendus esset Pa-  
latinus, eius tenoris missæ. Pacatus, & eo comitatu, quo antea uti consue-  
uerat, Cracouiam veniret. Nullos milites, nullum bellicum appara-  
tum secum adduceret. Publicè & in præsentem Senatorum consessu, &  
postea in proximis Comitijs fateretur, sciretne ultra ea quæ iam in Ro-  
coslianis conuentibus vulgauerat aliqua, quæ palàm proferri oportere-  
ret, & si nihil reliquum tale, quod hactenus in suspensionem vocabatur  
superesset, id ipsum declararet, nec amplius inani expectatione vulgi  
animos detineret, aut ad rerum nouarum studium cuiquam occasionem  
præberet. Ad Regis conspectum & in Senatum admissus tali vteretur  
oratione. Serenissime Rex, Domine Clementissime, In omnibus præte-  
ritis actionibus destinatisque meis, non ea fuit mens mea, ut maleuolo  
animo erga Maiestatem Vestram essem, dignitatemque eius, quam vi-  
tæ salutisque meæ dispendio paratus semper fui tueri oppugnarem: sed  
quia ita mihi priuatim videbatur, quasi publicæ salutis discrimen immi-  
neret, neque à Maiestate Vestra conditionibus, de quibus inter eam,  
& Ordines Regni in Comitijs Electionis conuenerat satisfaceret. De eo  
quoniam aliter & Senatus, & Ordines Regni iudicant, ego eorum  
secutus sententiam nihil amplius mihi arrogabo. Peto à Maiestate  
Vestra, ut & ea quæ hactenus à me suscepta gesta que sunt, benignè  
mihi indulgeat, & deinceps gratiâ Regiâ me complectatur; ego  
vicissim recipio me non modò destinata mea à quibus iam recedo  
non promoturum, sed etiam fide integrâ & humillimis obsequijs  
gratiam Maiestatis Vestræ promereri adniscurum. Et non solùm ipse  
id facturum me polliceor, sed alijs auctor futurus sum, ut depositis re-  
rum nouarum studijs iurè & legibus Regni præscriptis medijs, sub feli-  
ci Maiestatis Vestræ imperio contenti sint, neque ullos conuentus agant,

Conditiones  
quibus ad  
Regis conspe-  
ctum admis-  
sus Palatinus.

Verba Pala-  
tino à Senatu  
præscripta,  
quibus Regem  
deprecaturus  
erat.



& si quid tale à quoquam tentatum fuerit, me pro officio fidelissimi Maiestatis Vestrae Senatoris, sincere opponam. Ac si fortè cui videor, eò quòd in conuentu Rocossiano obedientiae Maiestatis Vestrae renuntiauerim, semel datae fidei derogasse, nunc me fidemque meam obstringo denuo & vinculo sacramenti ad parendum Maiestati Vestrae obligo. Reliquae conditiones hae erant. Scita praeteritorum Comitiorum arbitrio futuri conuentus relinquantur, si quid in ijs mutandum videretur. Iam verò quia priuatâ auctoritate indicti conuentus & cœtus coacti, tantorum motuum Reipublicae maximè perniciosorum causam praebuerunt, deinceps Palatinus non modò se illis aperto vel tacito fauore non immisceret, verùm etiam vnà cum Rege & Senatu eis obuiam iret: per hoc tamen nihil derogatum censeatur, praescriptis legibus Regni tuendarum legum & libertatum modis. Priuatas quae Palatino cum Senatoribus ac Regijs magistratibus interueniunt inimicitias, eas iudicio Senatus definiendas permetteret, ipse interim pacatè se gereret, cum vicissim & illi idem facere teneantur. Eos qui in hac secessione Palatino adhæserunt, fidemque abrogato temerè Regi regno exuerant, postquam eam dato nouo iureiurando resumpserint, ac legitimis medijs gratiam Regiam quaesierint, facilem & promptum ad eam aditum habituros. Conditiones istas simul cum literis nomine Senatus scriptis, detulit Petrus Ozga ad Palatinum, qui cum idem sibi in votis fuisse respondisset, breui & succinctae praeteritarum suarum actionum factâ commemoratione, constanter affirmavit, eò etiam omnia sua destinata spectasse, vt saluis Regni iuribus imperium Regium firmum esset: nunc tam amicâ Senatus inuitatione vocatum, se, quamuis aeger sit, venturum, & eò libentiùs omnes rationes Regis placandi amplexurum, quando intelligat Senatu ipsum affirmante & pollicente, Regem paratum esse, in ijs de quibus haec actum est voluntati & desiderio ordinum Regni sese accommodare.

*Palatinus  
Cracouensis  
Regem depre-  
catur.*

*Regis nomine  
Cancellarij  
ad Palatinum  
oratio.*

Venit tandem Cracouiam die decimâ sextâ Maij, quem Zolkieuius obuiam progressus, ad conspectum Regis deduxit. Rex tum diuturno acrioris febriculæ morbo debilitatus, cum non satis vires, vt in publicum prodiret suppeterent, sede sedentariâ elatus exlanguis & pallidus, Senatui praesedit. Ad ingressum Palatini assurrexit Senatus, & ille in primo limine subsistens, ex praescriptâ formulâ verba ad Regem fecit. Respondit Regis nomine Cancellarius Regni, Vel ipsa, inquit, perturbati Reipublicae status commemoratio, grauis & peracerba est Regiæ Maiestati: vnde cunq̃ue illa ortum habuit, omnes certè in summum adduxit discrimen, dignitas Regia violata, depressa auctoritas Senatus, leges consuetudinesque Patriae immutatae, libertas in licentiam versa, salus patriae periculosi certaminis aleae obnoxia facta, fides Principi debita, quâ semper ceteris nationibus praecellere existimati sumus infamata. Si quae suspicio imminentis periculi animo obuersabatur, cur ea Senatui non patefacta



facta est? cur in Comitijis more maiorum non proposita? cur iudicio & examini eorum quorum id in Republicâ munus est non subiecta? sed priuato magis arbitrio fidere visum, & extraordinarijs vti medijs, quibus id effectum est, vt tot Reipublicæ calamitates, & cruenta dissidia, vix satis deplorari possint. Eò maiorem dolorem ex eo capit Regia Maiestas, cui Rex Regum curam salutis publicæ in hoc Regno per liberam electionem ordinum tradidit, quominus sibi conscia est, se vnquam muneri suo deesse voluisse aut aliquam iustam causam tantis moribus dedisse: cumque Rex semper paratus fuisset, iustis postulationibus subditorum annuere, vis certè ad ea obtinenda vel extorquenda minimè fuit necessaria. Et quoniam superiorum actuum te ipsum pænitet, & saluis legibus fidem tuam Regiæ Maiestati obstringis, vicissim & Regia Maiestas, cum salutem publicam priuatis suis iniurijs libenter antepondere soleat, benignè ea omnia quibus se offensum meritò arbitratur, obliuione perpetuâ abolita esse vult, rata pari, qualem antè expertus est, sinceri animi voluntate, te erga se deinceps futurum. Deumque precatur, vt his quas in vindictam scelerum immisit pœnis exolutos, nos pacato & florenti Reipublicæ statu perfrui concedat. Versus deinde Palatinus ad Senatum, *Palatini Cracouiensis ad Senatum sermo.* Volui, inquit, iam pridem in hoc amplissimo confesso comparere, ni quædam hætenus impedimento fuissent, idque in meliorem partem interpretentur. Cæterum cum me arbitrio Senatus paritum recepissem, feci id quod vobis visum fuit, & cætera me executurum polliceor. Et quoniam id à me postulatum fuit, hîc vt proferrem, si quid prætereà quæ in anteactis conuentibus à me vel scripto vel dicto vulgata sunt superesset, quod patefacere oporteret, ingenuè fateor, nihil tale reliquum esse, & ea quæ hætenus à me prolata fuerunt, ex sensu priuato opinioneque meâ originem habuisse. Existimaui summam Reipublicæ agi, & eius quod illi imminere arbitrabar periculi auertendi causâ, Deum restor me omnia fecisse. Nunc id mihi optatissimum est, vt meâ curâ Respublica pristina tranquillitati restituatur, si quid præter vestram intentionem hætenus à me factum gestumque est, id mihi fraternè indulgeri peto. Ad ea Ioannes Zamoscus Archiepiscopus Leopoliensis quod primum tunc in Senatu teneret locum. Aduersa Regiæ Maiestatis valetudo breui sermone me vti iubet, nec ego facundiam vnquam exercui. Gratulatur sibi Senatus non frustra susceptos fuisse labores, in conciliando te Regi, multis læso iniurijs; vtilius certè tot curæ & sumptus alibi impendi potuissent, quod & tibi honestius fuisset, & Reipublicæ magis salutare: præstitit sanè is ordo quod sui muneris fuit. Hæc est dies quam fecit Dominus, exulemus & lætemur in eâ. Satis quidem hætenus magnum documentum dedimus fidei nostræ erga Principem, satis in curandis Reipublicæ vulneribus sumptuum impendimus, neque ordinem istum amplissimum, vel salutis, vel fortunarum, vel existimationis, quæ maxima meritò censi solet iactura detertere potuit, quin munus suum ex-

*Nomine Senatus eidem responsum.*



queretur, & dissociata diuulsaque membra vinculo charitatis adstringeret, obliuioneque potius, quàm vindictâ, tot acceptas iniurias aboleret. Quantum eo nomine Senatui debeas, qui maiorem tuæ securitatis & dignitatis, quàm ingentium offensarum rationem sibi habendam existimauit, velim tecum ipse expendas: maximè cùm negari non possit, tuis actionibus & priuatim, & publicè omnes meritò fuisse offensos: utque hæc semper Senatus improbauit, constanterque damnauit, ita nunc nec tibi ipsi, ea quæ à te suscepta gesta que sunt, placere existimat. Ac quemadmodum hîc proximè passus es, nihil te scire ampliùs, præter ea quæ scripto & sermone in præteritis conuentibus in medium attulisti, id & in futuris Comitijis te facere, palamque fateri oportebit, ne deinceps quifquam inani opinione ad tumultus ciendos feratur. Sed tot perfunctos periculis & calamitatibus, id vel maximè solatur, quòd Regia Maiestas senatus sui preces aspernata non fuerit, priuatas offensas Reipublicæ cōdonauerit: hunc Regium animum & præsens ætas summâ veneratione prosequetur, & posteritas nostra gratâ recolet memoriâ. Cætera Regi cum alijs communia sunt, sic bellici decoris partem Duces, partem milites sibi vsurpant, clementiam & benignitatem, quâ erga ciues vteris, tibi soli Serenissime Rex acceptam ferimus, simulque eo nomine vniuersus Senatus tibi gratias agit, & rogat, vt non defatigeris in conseruandis viris bonis; eâ re & vniuersum Polonum nomen tibi ad obsequium obstrictum reddes, & Diuinum fauorem heroicâ istâ animi magnitudine, ac verè Regijs virtutibus promereberis.

*Rei gesta series edito  
Regio ad notitiam omnium deducitur.*

His eo die peractis mox consultatum conclusumque fuit, vt tota rei gestæ series, in modum edicti & Senatusconsulti promulgaretur. Explicatum eo fuit, Regem vt hactenùs nihil non egisse, quo pax Reipublicæ restitui posset, ita postremò arbitrio Senatus totam eam causam permisisse: venisse & Palatinum Cracouiensem in Senatum, & postquàm conditionibus à Senatu præscriptis satisfecisset, receptum esse à Rege in gratiam, reliquis, si idem fecerint, aditum quoque patere, nec quenquam exclusum iri. Seditiosos turbulentosque manere pœnas legibus præscriptas, eas, nisi resipuerint, & ad officium redierint Regem executurum irrogaturumque: nec siturum, vt impunè quis deinceps vel armatos cœtus cogere, vel Rempublicam seditiosis conuentibus perturbare audeat. Comitia potius proxima vnusquisque expectaret, in ijs actum iri de his, quæ adhuc vel corrigenda, vel de nouo statuenda ordinibus Regni videbuntur: quorum legitimum concordemque confessum, Regem libenter comprobaturum, nec vllas rationes pacandæ Reipublicæ, stabilendæque pacis cum incremento iurium & libertatum Regni non acceptaturum. Dimisso eo conuentu, noua quædam Reipublicæ facies & spes affulgere visa est, certatim Rocossianorum partium hominibus ad reconciliandum Regem confluentibus; nec vllus fuit, quem indignum veniâ Rex censeret; etsi atrocibus quorundam dictis, à famosis libellis

*Summa benignitatis in Sigismundo III. exemplum.*

læsus



læsus esset. Inter alios etiam Herburtus, qui nefariæ cum Batthoreo Transilvania Principe in Regem conspirationis conuictus erat, qui priuatim multas cædes fecerat, Lublinum aliaque nonnulla oppida excussis mercatoribus fortunis spoliauerat, ac liberis hominibus pecunias imperauerat, datâ cautione quod deinceps quieturus esset, dimissus est. In eo etiam conuentu Alberto Baranoui Archiepiscopo Gnesnensi renunciato, in Vladislauensi Episcopatu successor datus est Matthias Pstro-  
konski de Buzenin, Episcopus Premisliensis Regni Cancellarius. Sed nos id quod nobis propositum fuit executi, finem scribendi facimus, hoc tantum adjicere libet; his ipsis diebus cecidisse è vitâ Mariam Caroli Archiducis Austriæ olim vxorem, Constantiæ Reginæ Poloniæ matrem. E Bauaricâ familiâ illi genus fuit, nupta, vt dixi, Carolo Archiduci, & numerosâ susceptâ sobole, marito vitâ functo, liberorum curam gessit, in quibus educandis ita versata est, vt domus ea pietatis, & omnium virtutum sedes esset. Virilis planè animi matrona, & cui Respublica Christiana debet, præter filios summis imperijs destinatos, tres præterea Reginas magnorum Regum matres, Annam & Constantiam Sigismundo Poloniæ, Margaritam Hispaniarum Regibus nuptas.

Matthias  
Pstrokonski  
Episcopus  
Premisliensis  
Regni Cancellarius  
Episcopus Vladislauensis Nominatus.

Mors Mariae  
Bauaricæ Archiducissæ  
Austriæ.

*Causa cur Sigismundus Rex Polonia bellum Moschis intulerit  
ad Imperatorem Matthiam missæ.*

**S**ARMATICIS populis, qui partem eam Orbis quæ Septemtrio dicitur, & longè lateque etiam in Orientem protenditur infederunt: eadem origo, lingua moreisque semper fuerunt. Et quamuis ij diuersis nominibus insigniti imperia diuisa haberent, cognati tamen sanguinis necessitudo, nunquam ita vel mutuis odijs, vel æmulatione quæ inter pares maximè locum habet extingui potuit; quin mutuis foederibus societatibusque iuribus se obstringerent, affinitatibus coniungerent, & quodammodo vnius originis populum se esse profiterentur. Ante mille annos etsi obscura Sarmaticæ gentis rerum gestarum memoria exstet, quod nemino esset qui eas literarum monumentis consignaret, tamen ex bellis quibus illi Imperium Orientis sæpè infestarunt, & ex vestigijs propagati Imperij apparet, Russos potentia & opibus multum valuisse. Summæ rei præerat is qui Kijouiam in potestate habebat, quo nomine quidquid modò Moschorum appellatione censetur, continebatur. Nec pigebat Basilium & Constantium Orientis Imperatores, datâ Volodimiro Kijouiensi Duci, Suentoslai ex cōcubina filio, acri & bellicoso viro in vxorem sorore Annâ, pacem initâ affinitate redimere; quod accidisse circa annum Domini Nongentesimum septuagesimum primum, vel paulò infra Scriptores tradunt. Sed cum Volodimirus vt rebus gestis, ita prole felix duodecem reliquisset filios, atque Glebo & Borysso Kijouia &

Sarmatæ  
Orientis imperium infestant.

Inter Sarmatas Russi potentia & opibus multum valuerunt.

Chiouiensis nationis nomine quidquid modò

Moschi tenent continebatur.

Basilius & Constantius

Orientis Imperatores

Volodimiro

Kijouia Duci sororem suam

Annam in matrimonium

dederunt Anno 971.

Volodimirus

inter filios dominum

quid-

patris.



inter eos discordia.

Suentopelcus

Chionia Dux

Boleslai Chrobri

Poloniae

Principis

Vasallus

anno

1008.

Iaroslauus

Suentopelci

frater

rebellis

à Boleslao

victus & tributarius

effectus.

Iaroslai sororem

accepit

in matrimonio

Casimirus

ex

Monacho, dispensatione

Apostolica,

Poloniae Rex.

Boleslaus Audax

Isaslaum

Ducem Chioniensem

deiectum restituit,

& vectigal Regi

Poloniae solvendum im-

ponit.

Boleslaus

Kriouustius

aliquoties

rebelles Russos

domuit; idem

fecit Boleslaus

Crispus

Tartari Rus-

siam incur-

sarunt &

duodecim

Russie Duces

vno praelio

deleuerunt, &

partem Rus-

sie occuparunt.

Aliqui Rus-

sie Principes in

ditionem Po-

loniae conces-

serunt, aliqui

à Lithuanis

subiecti.

Lithuania

Regno Poloniae

vnita.

quidquid modo Russiæ, Podoliæ, Belzensi & Kiouienfi Palatinatibus censetur concessa, cæteris filiis alias regiones, nempe Nouogrodum, Poloscum, Turouiam, Rostoniam, Muromum, Dereum, Vlodimiriam, Porocanum, Smolenscum, Plescouiam, Votiniam attribuisse; orto mox inter fratres dissidio Glebo & Borysso cæsis, Suentopelcus etiam expulsus est. Qui cum ad Boleslaum cognomento Chrobri Regem Poloniae confugisset, atque ope illius cæteris fratribus victis Principatum Kiouiensem recuperasset, Vasallum & fiduciarium Principem se Regi & Regno Poloniae fore professus est; quæ sub annum Domini Millesimum octauum acciderunt: quo tempore Poloni Christianam religionem paulò antè initiati, Regioque decore parto, virtute & rebus gestis clarescere cœperunt. Decimo post anno cum Iaroslauus Suentopelci frater Kijouiensium Dux, rebellasset; victus is quoque ab eodem Boleslao Rege, leges conditionesque pacis quas victor dedit, accepit, tributumque se depensurum pollicitus est. Huius Iaroslai sororem Casimirus Monachus Rex Poloniae cum in vxorem duxisset, indulgentius erga affinem se gessit, atque aliquantisper de summo iure decessit; neque aliud ab eo nisi contra omnes hostes auxilia exegit. Boleslaus audax, Casimiri filius matre Russa genitus, Isaslaum Iaroslai filium, à fratribus Kijouienfi Principatu exactum restituens, Regni quoque Poloniae maiorumque suorum ius asseruit; namque victis ijs qui Isaslaum Principatu deiecerant, eum summæ rei præesse iussit, & vectigal Poloniae Regibus solvendum, non pecuniæ tantum sed rerum etiam omnium ad victum cultumque corporis pertinentium imposuit: quæ ab anno Millesimo sexagesimo nono compluribus deinceps consequentibus annis gesta fuisse memorantur. Hæc sunt vetusta Polonici Imperij in Russos iura, quæ longo temporis tractu istuc propagata viguerunt, neque vnquam ex integro interuersa sunt; nam & Boleslaus Kriouustius aliquoties rebellantes Russos armis fregit, & Boleslaus Crispus cum victore exercitu ad Kijouiam usque mœnia progressus, à victis condiciones exegit. Accidit aliquot post annis, vt Tartari Scythica gens immani mole effusa Russiam imprimis ingenti clade affecerit: duodecim Principes vno praelio victos conciderit; vastatisque Poloniae & Hungariæ Regnis, terrorem nominis sui Europæ intulerit: ac postremò partem illam Russiæ quæ in Orientem & Septemtrionem vergit in suam redactam potestatem, graui seruitute oppresserit. Cæteri Russiæ Principes partim in ius ditionemque Regni Poloniae cesserunt, partim à Lithuanis subiecti sunt, nam ij Smolenscum, Poloscum, Rostoniam, Vlodimiriam, Magnum Nouogrodum, & vniuersum Seueriensem Ducatum tenuerunt; vniuersasque has Prouincias cum Vladislaus Jagello ad regnum adscitus esset, Reipublicæ Polonæ vnà cum Lithuania addixerunt. Anno demum Millesimo quadringentesimo septuagesimo primo Casimiro Jagellonide rerum in Polonia potiente & bellis Pruthemicis Hungaricisque occupato, Ioannes Moschouia



Moschouia Dux excusso Tartarico iugo, occupato imprimis & omnibus thesauris spoliato magno Nouogrodo, partisque ingentibus opibus; Vlodimiriensē, Tuerensē, Mosaiscensē, Sudailisaisensē, Pscouiensē, Rosanensē, & magnam partem Seueriensis Ducatus, partim dolo, partim vi, nonnulla etiam falso successionis nomine occupauit, & patrimonium quondam Regni Poloniae, Magnique Ducatus Lithuaniae, maiorum sanguine partum, ad se transtulit. Idem Alexandro Regi, cui filiam matrimonio iunxerat, immemor affinitatis Anno Millesimo quingentesimo Drohobusum, Toropetum, Biallam, Branscum genero abstulit. Seueriensēque Duces leui de causā Regi offensos, & iam antea suis ditionibus à Moscho exutos, in suam fidem (sed cui mox illi sanguine litant) pertraxit. Eius filius Basilius Anno Millesimo quingentesimo decimo tertio Smolenscum arcem longā obsidione fatigatam, Glinfcio transfugā & proditore Russis qui in praesidio arcis erant prodicionem suadente deditibus fraude intercept: & procul dubio promouisset ulterius vim potentiamque suam, nisi Sigismundus Primus, felicissimo ad Orsam praelio, octuaginta Moschorum millibus partim caesis, partim profligatis incensum regnadi libidine animum ambitiosi hominis compressisset, atque ad petendam deinceps pacem coegisset. Hæc est illa hæreditarij & internecini belli, quod inter Moschos & Polonos hoc tracto seculo vario euentu gestum est, causa. Nec nunc de intercepta ab ijs auulsaque à Regno Liuania querimur: nam hanc ac præterea aliquot arces à Lithuania abstractas recentibus Stephani Regis Poloniae victorijs fractus, Ioannes Basilij biennialibus vix impetratis inducijs restituere coactus est. Filius istius Ioannes Theodorus, mitis ingenij Princeps & religioni ad superstitionem vsque addictus, fraude Hoduni vnā cum fratre Demetrio adhuc impubere, extinctus est. Hodunus rerum potitus viginti annorum cum Rege Sigismundo III. inducias iecit, sed fraude partum imperium diu retinere non potuit: nam sceleris sibi conscius ad falsam rediuiui Demetrii famam concidit, moxque veneno sublatus perit. Pseudo-Demetrius procul dubio ignotæ stirpis homo, & vt postea compertum est, monasticæ vitæ quam primò professus erat desertor, non tam Polonorum ope, (quamuis hac quoque priuatorum studiis comparatā eum subnixum fuisse negari non potest) quàm Moschorum fauore Principatum adeptus, de nouis cum Regno Poloniae foederibus sancendis consilia inire coepit. Missæ eius rei causā publico Principis Procerumque nomine Moschouia solennes legationes, petita dataque à Regiā Maiestate facultas, accipiendæ nouo isti Demetrio in vxorem Marinae Georgij Mniszek Palatini Sendomiriensis filia: constituta pacta matrimonialia, inuitata Regia Maiestas, ac nobilissimi è gente Polonā ad cohonestandas nuptias. Cuius rei causā cum & legati Regij, & multi nobiles Poloni, illustri loco nati, freti nouæ amicitia, gentiumque iure, eo profecti fuissent, inter ipsa hospitalis mensæ sacra, concita-

*Ioannes Moschouia Dux magnam Russiæ partem occupauit.*

*Idem Alexandro Polonia Regi genero suo aliquot arces abstulit, & Seueriensē Duces ad se pertraxit.*

*Basilius Moschouia Dux arcem Smolenscensem prodicione intercept 1513.*

*Aliquot arces in Liuania & Lithuania abstractas Stephanus Primus Polonia Rex à Moschis recuperauit.*

*Ioannes Theodorus Moschouia Dux excinctus fraude Hoduni, qui veneno sublatus.*

*Demetrius impostor Moschouia Ducatum adeptus.*

*Idem in vxorem accipit filiam Georgij Mniszek Palatini Sendomiriensis filiam.*

*Demetrius cæsus est.*



*Moschorum  
in legatos cæ-  
terosq; Polo-  
nos crudeli-  
tas.*

*Suiscius rerū  
potitus, Mo-  
schis inuisus.*

*Moschi Sigif-  
mundum  
Tertium ad  
Moschouia  
Ducatum ca-  
peſendum  
inuitant.*

*Cauſa profe-  
ctionis Sigif-  
mundi Regis  
in Moscho-  
uiam.*

tâ à Suiscio ſeditione, cæſo inprimis Pſeudo-Demetrio, legati Regij vio-  
lati, & ſub cuſtodiam dati, alij crudeliſſimè cæſi, omnes bonis exuti in  
carceres coniecti ſunt. Poterant Moſchi, ſi Demetrius iſte nouus ijs in-  
uiſus fuit, priuſquàm eò Poloni veniſſent excutere impoſtoris iugum, &  
ſe in libertatem vendicare; ſed occaſionem exſaturandi in genus Polo-  
num odij præſtolantes, amicitiaſpecie deceptos & irretitos oppreſſerūt;  
vt quâ fide cum vicinis agere ſoleant teſtatam facerent. Licuit tam in-  
ſigni acceptâ iniuriâ Regiæ Maieſtati bello proſequi fœdifragos, contu-  
meliamq; vlcifci: nec enim quiſquam fœdere cum Hoduno icto, quod  
cum perſonâ illius extinctum erat, eum teneri dicere potuit. Sed cùm  
non temerè ſibi eò deſcendendum exiſtimaret, iureq; potiùs quàm vi  
experiri mallet: legatos nouos, qui & ius gentium violatum quererentur,  
& res clarè repeterent eò miſit; qui & ipſi à Suiscio ſub cuſtodiâ habiti,  
& vltra annum detenti ſunt. Captorum cæſorumq; in Moſchouiticis  
nuptijs iniuria cognatos affinelq; eorum ita affecit, vt de eâ referendâ  
conſilia inire cœperint. Hi inſciâ Regiâ Maieſtate, & inconfultâ, atque  
etiam, cùm id palàm factum eſſet, ſeuerè prohibente, coadunatâ mili-  
tari manu, fines hoſtium tranſgreſſi, tantos mox progreſſus fecerunt, vt  
cæſis aliquot Moſchorum ( quid enim virtuti iuſtò accenſæ dolore ar-  
duum & difficile eſſe poteſt? ) exercitibus, ſub ipſâ Metropoli Moſcho-  
uiæ conſtiterint: intra mœnia hoſtem ſubmouerint, ac penè obſeſſum,  
pedem ex vrbe efferre prohibuerint. Hac neceſſitate fractus & adactus  
Suiscius cum legatis Regijs agere cœpit de pace conſtituendâ: erat iam  
inuiſum nomen Suiscij apud Moſchos, paſſimq; Tyrannicum & im-  
potentem eius dominatum Proceres aſpernabantur: quippe eâ crudeli-  
tate imperium exercuerat, vt quadraginta & ampliùs hominum millia  
Senatorij & militaris Ordinis ſuâ ſententiâ diuerſis temporibus capitali  
ſupplicio addiderit, multa alia inaudita ſæuitiæ facinora ediderit, omnia  
cæde & ſanguine compleuerit. Quare multi ijque primarij viri egerunt  
cum legatis atque alijs Polonis, quos Suiscius ſerò ductus pœnitentiâ, &  
vinculis dimittebat, ſuaderent Regiæ Maieſtati, vt ad capeſſendum Moſ-  
chouiticum imperium, extinctâ veterum Ruſſiæ Ducum ſtirpe, illi ipſi  
maternum genus ſecundùm Iagellonicam domum ex eadem gente du-  
centi debitum animum adiiceret. Hæc cùm ad Regiam Maieſtatem de-  
lata eſſent, & ſatis appareret, exacto, quod futurum erat, Suiscio, Princi-  
patum illum vel ad Demetrium, quem cæſo illi priori impoſtori quo fu-  
cum imperitiæ multitudini facerent ſubrogauerant, deuolutum iri: vel  
certè Moſchos deſperatione adactus ſub Turcicum aut Tartaricum im-  
perium, quemadmodùm antea fecerunt, conſeſſuros, aut denique Prin-  
cipem aliquem externum nomini Polono inſenſum adſcituros: perſua-  
deri ſibi paſſa eſt Regia Maieſtas, vt hac de re ex publico ordinum Re-  
gni conſenſu cogitationem ſuſciperet. Proſecta itaque eò eſt Regia Ma-  
ieſtas cum exercitu, à Moſchis ipſis accerſita, & rei benè gerendæ præ-  
clarâ



clarâ occasione inuitata ; primò quidem vt vetustum ius regni tot sæculis non temerè vsurpatum, sed legitimè quæsitum firmaret, deinde vt interceptas auulsasque à Regno & Magno Ducatu Lithuaniae ditiones recuperaret ; tum vt illatas iniurias violatumque temeritate Suiscij ius gentium vindicaret : postremò quæ prima & potissima ipsius protectionis fuit causa , ageret curaretque ne mutatio illius Septemtrionalis Imperij, cui tot Principes, Catholici & Christiani nominis iurati hostes imminabant, aliquod detrimentum Reipublicæ Christianæ adferret. Non latebat Suiscium plerosque è suis pronis in Regiam Maiestatem animis pro-  
pendere, suamque Tyrannidem vulgo inuisam esse : igitur circumspici-  
enti cuncta consultissimum visum, cum Carolo Sudermano, Regiæ  
Maiestatis hoste consiliorum societatem inire : ratus hunc & opportu-  
num fore suis rebus, & omni ope adniscum, vt Regiæ Maiestatis cona-  
tus in irritum reciderent. Nec inanis hæc erat opinio, nam Carolus alie-  
nis opibus suum in Regiam Maiestatem odium expleturus, acceptâ  
grandi à Suiscio ( qui tot sæculis à Principibus Moschouiae congestam  
rem in eum vsu effudit ) pecuniæ summâ, militē ex Germanis, & Gallis  
atque Hollandis magno numero primo quoque tempore conscriben-  
dum curat : partem istius exercitus in Liuoniam ad stabiliendas res suas  
eo vsurus mittit, longè maiorem in Moschouiam transportat. Ac in Li-  
uoniâ quidem virtute Caroli Chodkieuicij Lithuanicarum copiarum  
supremi Præfecti effectum est, vt nihil memorabile exercitus is efficere  
potuerit ; imò pluribus amissis, irritò vbique conatu inde excedere,  
& in Moschouiam signa transferre coactus fuerit. Cæterum Suiscius  
tantis auctus subsidijs, non modò subditos se in fide & officio continere  
posse confidebat ; verum etiam omnino sibi persuaserat, id se tantis co-  
pijs, quas selecto ex Moschis quadraginta millium exercitu firmauerat  
consecuturum, vt Regiæ Maiestatis & Polonorum vires breui in angu-  
stiam redactas minùs sibi formidabiles efficeret. Iam Regia Maiestas  
Smolenscum eo tempore obsidione magis, quàm oppugnatione preme-  
bat ; salutari sanè consilio, ne militem suum, munitissimæ arcis impedi-  
to & difficili accessu in discrimen conijceret ; spēsque interim affulgeret  
ex successu rerum, hostes depositâ pertinaciâ ad æquas condiciones de-  
scensuros ; sed creuerunt obsessis mox animi, postquàm intellexissent De-  
metrium Suiscij fratrem cum exercitu potenti ad soluendam obsidio-  
nem venire. Quadraginta Moschorum, (vt dixi) octo externi militis erant  
millia, non deerant qui relicto Smolensco contra hostem totis viribus  
eundum esse censerent, contrâ magis ex dignitate Regiâ visum conti-  
nuare obsidionem, parte exercitus ad arcendos hostes missâ. Partitis  
itaque copijs Stanislaus Zolkieuius Palatinus Kijouiensis Regni militiæ  
Magister ire contra hostes iussus, summâ curâ & celeritate effecit, vt  
prius ad hostem perueniret, quàm is quenquam sibi oppositum iri, &  
pugnæ copiam facturum, suspicari potuisset. Commisso itaque ad Clu-  
sinum

*Suiscij cum  
Carolo Su-  
dermania  
Duce conspi-  
ratio.*

*Smolenscum  
obsessum à  
Rege.*



*Capto Suiscio  
& exercitu  
Moschouitico  
fato Moschi  
Principem  
dari sibi pe-  
tunt.*

*Moschi se nul-  
lius imperium  
nisi Vladislai  
Principis  
agnituros fi-  
dem dant.*

*contra quod  
postea tumult-  
um excitant.*

sinum praelio, quamuis Regius exercitus hostili longè numero impar ef-  
set, Ducis tamen prudentiâ, & virtute militum, fusi fugatique hostes,  
exutus externis præfidijs & à Moschis destitutus Suiscius, in potestatem  
Regiæ Maiestatis vnâ cum duobus fratribus redactus, ad Castra Regia  
transmissus est. Soluti metu & imperio Suiscij Moschouix Proceres, con-  
tinuò cum Zolkieuio agere cœperunt, de stabili aliquâ certâque trans-  
actione constituendâ, quâ exclusis impostoribus Regij sanguinis Princi-  
pem habere possent, Serenissimumque Poloniæ Principem Vladislaum,  
quidam fide integrâ, nonnulli fraude, quod mox ex euentu patuit, dari  
sibi petebant. Sed cum paulò iniquiores condiciones proponerentur, de-  
que illis inter Zolkieuium, & eos conuenire non posset, reiecta ea res ad  
arbitrium Sacræ Regiæ Maiestatis. Interea quò animum suum erga Re-  
giam Maiestatem & Serenissimum Principem Vladislaum, & quâ men-  
te essent, palàm testarentur; vniuersi populariter fidem dederunt, nul-  
lius vnquam se imperium agnoscere velle, nisi Serenissimi Principis  
Vladislai: adiectæ condiciones, firmata & stabilita pacta; ac ne quis  
ambigere posset eos integrâ fide agere, immisum vltro in Vrbem, re-  
ceptumque Regium præsidium: communibus copijs submotus grauis  
Metropoli hostis impostor Demetrius: denique nihil suspectum, sed  
omnia pacata & tranquillâ videri poterant, ijs qui fraudis Moschouiti-  
cæ ignari, rem ex præsentis statu æstimarent: Missi ad Regiam Maiesta-  
tem legati, qui condiciones, secundum quas Imperium Vladislao Princi-  
pi deferrebat proponerent, darique eum sibi Principem postularent.  
Erant eius legationis Principes Galicinus, & Mikiteuicius Metropolita  
Rostouiensis, quorum ille Principatum ipse ambiebat, hic quò defun-  
ctis Moschouix Ducibus affinitate connexus esset, ad filium suum supre-  
mam potestatem deferri cupiebat: vterque priuatas spes agitantes, clan-  
destina fouebant consilia. Quare fines mandatæ legationis transgressi,  
non modò de conditionibus quò ad eorum voluntatem scriptæ, non im-  
meritò Regiæ Maiestati suspectæ erant, quidquam remittere volebant,  
sed res quoque ex suo sensu interpretantes omnia turbabant. Moniti de-  
nique ab ijs qui in Moschouia summæ rei præerant, vt voluntati Regiæ  
Maiestatis se accommodarent, non modò non paruerunt mandatis su-  
premi consilij; verum etiam ita se gesserunt, vt non obscure appareret  
eos res nouas moliri. Eorum clandestinâ machinatione effectum est, vt  
populus rei ignarus, factâ conspiratione seditionem mouerit, atque in  
Regium, quod in ipsâ Metropoli volentibus Moschis relictum erat præ-  
sidium, impetum fecerit: paucos à multis facile opprimi posse credide-  
rant; sed tantâ virtute veteranus multisque bellis exercitatus miles, con-  
citatum multitudinem sustinuit, vt multis millibus cæsis reliqui vrbe ex-  
acti, vrbs ipsa flammis absumpta fuerit. Quod damnum ingens sanè, &  
vel hostibus ipsis luctuosum suæ imputent Moschi perfidiæ; ab ijs enim  
orta seditio, concitatusque in perniciem Polonorum tumultus, non nisi  
incendio



incendio & nobilissimæ vrbs excidio cohiberi, & vis extrema arceri potuit. Atque hæc est Moschorum perfidia, quâ in Regiam Maiestatem, & Serenissimum Principem Vladislaum vsi sunt; & quidem non omnes, nam fuerunt multi clari & illustres viri, quibus constanter seruata fidei laudem libenter Regia Maiestas attribuit. Posarscius postremæ notæ homo, & Trubecius specimen desertorum priuati commodi causâ credulo nimis populo imponunt, vt ipsi rebus præsint, atque Rempubli-  
 cam sui arbitrij faciant, nihil intentatum faciunt, dummodò impedi-  
 ant, ne Principatus ille, sub legitimi imperij ius potestatemque ve-  
 niat. Dicant quid velint, comminiscantur rebellionis causas, nullam  
 iustam legitimamque inuenient, quam æquo rerum aestimatori proba-  
 re possint, atque perfidiæ & periurij crimen à se amoliantur. Regia Ma-  
 iestas, ius Regni, & magni Ducatus Lithuaniae, quin vrgeat, intermit-  
 tere non potest, recuperatas arces & ditiones quæ suis præsijs tenen-  
 tur, cum ea retroactis seculis iuris Reipublicæ Poloniae fuerint sibi eripi  
 non finet, eos qui fidem suæ Maiestati dederunt, & partes Serenissimi  
 Principis Vladislai secuti sunt, deferere, alienum à suâ dignitate existi-  
 mat. Interim ij qui istius negotij moderandi componendique sibi par-  
 tes deposcunt, diligenter dispicerent, expenderentque quid potissimum  
 ex vniuersæ Reipublicæ Christianæ vtilitate fieri oporteat. Cui rei cum  
 omnes conatus suos laboresque susceptos Regia Maiestas deuouerit, si  
 quæ rationes ad hoc accommodatæ proponuntur, eas se, vbi illis publi-  
 cæ salutis, tranquillitatisque ac suæ dignitati, & Reipublicæ Poloniae iuri-  
 bus satis prospectum consultumque viderit, libenter complexuram  
 profitetur.

*De rebus Silesiacis Discursus.*

**I**VRE merito Serenissimus Princeps Dominus Sigismundus Poloniae  
 & Sueciæ Rex commoueri debuit, cum intellexisset status & Ordines  
 Silesiæ, nouâ quadam confœderatione vrgeri & cogere ordinem  
 Ecclesiasticum, ad præstandum secundum formulam ab ijs conceptam  
 iuramentum; neque enim vel ipsi Silesij diffiteri possunt, liberalitate Re-  
 gum Poloniae, ortum habuisse primas in Silesiâ Ecclesiarum fundatio-  
 nes, illis quoque earum patrociniū deberi: & tot transactis seculis, Sere-  
 nissimos Reges Poloniae difficillimis quibusque temporibus, vt patronos  
 non potuisse intermittere, quin periclitanti in eâ Prouinciâ rei Ecclesia-  
 sticæ opem ferrent; maximè cum intelligerent, nihil istic nouari potuisse,  
 quin id mox ad perturbandum statum Regni sui deriuaretur. Hinc gra-  
 fante Hussitarū rabie, ne pestis ea Silesiam inficeret, ne quod in alijs Bo-  
 hemiæ Regni Prouincijs factum est, in Catholicos & viros Ecclesiasti-  
 cos sibi arceat.



*Iurisdictio  
Episcoporum  
Poloniae per  
Silesiam;*

*& Episcopi  
Vratislauien-  
sis in Polonia.*

*Abbas Pa-  
radisiensis  
possessiones in  
Silesia.  
Ecclesia Or-  
louiensis in  
Silesia, Abba-  
tis Tinecensi  
subest.*

*Præpositus  
Ninensis &  
Bitomiensis  
subiectus Præ-  
posito Mie-  
chouienfi.*

*Silesia olim  
pars Poloniae.*

cos fauaret, obstitit auctoritas Vladislai Jagellonis Regis Poloniae: & merito quidem, si enim id fieri fuisset, simul iurisdictiones Archiepiscopi & Episcoporum Poloniae, quæ per eam prouinciam latè extenduntur, violari permisisset. Habet Episcopus Cracouiensis in Silesiæ partibus per Ducatum Teschinentem, & Dominium Ptinense, vicinamque Seueriensi Ducatui oram, amplam iurisdictionem. Eodem nomine Episcopus Posnaniensis magnam Silesiæ partem Posnaniensi Palatinatui confinem complectitur. Vicissim Episcopus Vratislauiensis (qui Archiepiscopum Gnesnensem vti Suffraganeus Metropolitanum agnoscit) per ditiones Regni Poloniae Territorij Vielunensis, Ostresouienfis, & aliquâ ex parte Palatinatus Calissiensis iurisdictionem itidē exercet. Abbas Paradisiensis bona præcipua foundationis suæ in Silesiâ possidet. Abbas Tinecensis Ecclesiam Orlouiensem in Ducatu Teschinenti Abbatia itidem titulo insignem, immediatè Monasterio Tinecensi subiectam habet. Præpositus Miechouienfis Ordinis Canonorum Regularium Diui Augustini, Sepulchri Hierosolymitani Custodam Generalis Præfectus, & Patriarchæ Hierosolymitani Vicarius, eiusdem Ordinis Præpositos immediatè sibi subiectos Ninensem videlicet & Bitomiensem ordinat, instituit, & summâ cum potestate illis præest. Hæc communis iurisdictionis vicissitudo, hic coniunctarum prouinciarum nexus præter communia vicinitatis iura suo iure postulat, ne quid Silesij decernant, quod statum Regni Poloniae perturbet; quod Ecclesiasticam iurisdictionem afficiat, ne Serenissimus Rex Poloniae ferri leges Ecclesijs suo patrocínio subiectis, bona earum diripi, personas ad iniqua iuramenta cogi patiatur. Meminisse autem Silesij deberent, vnde exciderint, cuius olim corporis membra fuerint, quid Poloniae, quid Regibus ipsis ob sanguinis communionem, ob vicinitatis iura, ob mutuorum commerciorum vsum debeant: quæ si rectè expenderent, animaduertent profectò, maiorem sibi habendam fuisse rationem paternæ cohortationis, quàm Serenissimus Rex Poloniae eos à turbulentis consilijs abducere conatus est. Eadem plus quoque ponderis habuisset apud ipsosmet status & Ordines Regni Bohemiæ, si iidem vetustæ amicitiae iura potius tueri, quàm nouis consilijs vicinorum Principum, animos irritare maluissent. Aiunt illi quidem non coactos sed persuasione inductos esse, Prælatos, Abbates & reliquos omnes Capituli Vratislauiensis templi Cathedralis Canonicos, ad firmandum cum ijs, qui aliter de religione sentiunt fœdus: hoc quàm verum sit testatur decretum sub nomine Principum, Ordinum ac statuum Augustanæ confessionis, in vtraque Silesiâ vltimo die Mensis Septembris Anno Millesimo sexcentesimo decimo nono publicatum, in quo inter alia hæc continentur. Simili modo ad eandem diem vigesimam primam Octobris (sic tamen vt pridiano vespere urbem ingrediantur) peremptoriè & sub pœnâ confiscationis omnium



omnium bonorum, beneficiorum, reddituum, & facultatum citabuntur omnes Catholici status tam spiritualis, quàm secularis, excepto tamen vnico statu Ducatus Teschinentis, vtpote cuius administratoribus huius negotij per peculiarem conuentum curandi facultas commissa est. Præterea etiam omnes commendatores & status minores, omnes Canonici Capituli sancti Ioannis & sanctæ Crucis, alijque Prælati, Abbates & Catholici religiosi Ciuitatis Vratislauensis, qui ad eum vsque terminum dilationem sui iuramenti impetrarant; hi omnes ad dictam & constitutam diem confœderationi iam sæpius monitæ sua nomina dare, eamque solenni iuramento confirmare tenebuntur. Hæc est vestra inclyti Ordines suasio, imperare, cogere, vim, exilium, bonorum ademptionem minari: & horum metu, liberos homines ad sancendum Catholicæ veritati contrarium fœdus, ad iuramentum vestræ voluntati consentaneum præstandum adigere. Crediderim ego nullum, cui aliquid Catholici vigoris inesset, sponte tam indigno Christiano nomine periurio, se conscientiamque suam contaminaturum fuisse, omnesque, qui in vestras iurarunt leges, simul ac liceret fassuros, se inuitos metu propositæ pœnæ iurasse. Sponte videlicet iurarunt, quibus atrox pœna proposita fuit, & qui iam prius vestris Decretis Magistratu moti, officijs & dignitatibus exuti fuerunt: quos, quantum in vobis fuit, nullum ob crimen, nisi quòd Catholici essent, indignos qui aliquo loco censerentur, quibus rectè quid committi & credi posset, quique aurâ Patriæ fruerentur iudicastis. Vestra Decreta sunt, in Ducatibus hæreditarijs non nisi Euangelici Capitanei tolerantur: item quacunque in vrbe hætenùs Senatus saltem ex Catholicis constitit, deinceps tot Senatores Euangelici illi adiungantur; sic tamen vt Consules semper Euangelicæ confessioni addicti, & ad gubernacula rerum necessarijs dotibus instructi sint. At verò in locis & Ciuitatibus quæ frequentiam Euangelicorum gaudent, de expressâ sententiâ confœderationis, subfellia, Senatus, aliaque Urbana officia tantum Euangelicis cedere & permitti debent. Et ne verbis id magis quàm re agere videremini, eodem Decreto maioris Glogouiæ Senatu Catholico exauctorato, in locum eius Euangelicos subrogari mandatis. Taceo in multis locis, acerbè & contumeliosè tractatos sacerdotes, bonisque omnibus exutos: in exilium actos monachos Branouienſes, per tormenta de thesauris Ecclesiæ interrogatos: & cum cupiditati quæſitorum supellex Ecclesiæ non responderet, grauissimè in eos sæuitum: pulſos reliquos, sacrû Monasterij patrimonium in priuatos vsus redactum. Hæc est merces vestræ societatis, hæc fides iacti fœderis, hæc constantia recensinitæ cum Catholicis amicitia: eò nempe vestra spectarunt consilia, vt odio in Ecclesiam Catholicam concepto, nomen ipsum Catholicum aboleretis: idem mox in Lutheranos decreturi, quos nunc blando & communi vobiscum Euangelicorum nomine mulcetis. Et vt eò reuertar, vnde



orsus sum, nec potuit nec debuit Serenissimus Rex Poloniae intermittere, quin Status & Ordines Ducatum Silesiae, acerbissima quæque in Ecclesiasticos & Catholicos decernentes, Regum Poloniae vetustas foundationes abolentes admoneret, ne quid hac in re nouarent. Episcopus Vratislaviensis tota Diocesis, quæ Metropolitana iure Ecclesiae Gnesnensi subest, filia matris opem, Episcopus Suffraganeus Archiepiscopi Gnesnensis & Primatis sui auctoritatem implorat. Illustrissimus Dominus Archiepiscopus Gnesnensis pro munere suo ad Regium confugit patrociniū, petitque ne optimus Princeps iura Prouinciæ suæ Metropolitana conuelli, ne Prouinciā ipsam, vni semper Primati à tot seculis subiectam discerpi & dilacerari, ne iurisdictionem spiritualem patiatur confundi. Defuisset profectò Serenissimus Rex muneri suo, si tacitus hæc spectaret, si eiusmodi rebus nouis se permoueri non testaretur. Accipiant id in quamcunque velint partem Silesiæ, ac ipsimet Status & Ordines Regni Bohemiæ, vniuerso sanè constabit orbi, constabit & posteritati Serenissimum Regem Poloniae iura Ecclesiarum, quibus patrociniū debet, salua esse voluisse; ad quæ tuenda & conseruanda, communicato cum ordinibus Regni sui consilio, nec animus, nec facultas illi deerit.

*Responsio ad septuaginta rationes, quibus ficti nominis Eques, dum Serenissimo Regi & Polonis, ne se motibus Hungaricis & Bohemicis immisceant persuadere conatur, falsis rationibus iura Regni interuertere nititur.*

**A**VDACIAMNE tuam magis an inscitiam mirer, quisquis es? qui veluti quidam nouus consiliarius Serenissimo Regi Nostro, cur nos motibus Bohemicis immiscere non oporteat, septuaginta rationes, longè quidem à rectâ ratione, cui fœdera regnorum, vicinorum Principum coniunctiones, salus denique publica innititur, alienas obtrudere ausus es. Pudet te nominis tui, in tenebris videlicet natum, nec in publicum prodire ausum. Caluinum certè oles, licet Polonum & Equestri loco natum, te esse profitearis. Ego verò te, si Silesius es, fœdifragum & rebellem; si Polonus, iurium Patriæ proditorem dixerim: nec molestè ferre debes, si te his nominibus cohonestauero, cū verum nomen tuum latere volueris. Sed vnde iste animus tibi? cū tot Regium latus cingant Senatores vsu rerum periti, auctoritate graues, ætate venerabiles, in consilijs capiendis, & explicandis sagaces, Patriæ optimè cupientes, fide integrâ salutem Reipublicæ curantes, tu tenebrio omnium rerum imperitus, inter tot lumina facem seditionis accendere, Regiam Maiestatem procacibus dictis incestare, amplissimum Ordinem inuidiâ grauare, denique omnis dissensionis semina spargere audeas? Tu Deo, tu Regi,

tu



tu Patriæ fidelis ? fidei Catholicæ hostis , Regis osor , Patriæ , quam tuis consilijs perditum is , proditor , tu pacis audus , cui id vnum in votis , vt ciues optimè inter se consentientes mutuis odijs accendas ? Præfari principio te conscientia stimulis , Religionis Catholicæ zelo , eâ , quâ Serenissimo Regi te obstrinxisti fide , studio denique erga domum Regiam , & amore Patriæ adductum , ad dissuadendum , ne Hungari & Bohemi bello à nobis laceffantur , processisse ; laudarem animum tuum & institutum , si sincera ageres fide : sed cum blando velamine tectus simiam agas , præclarus videlicet libertatum , & iurium Reipublicæ custos ( oppugnatorem rectius dixerim ) detrahenda tibi larua ista est , ac tua detegenda mendacia . Graues istas & arduas rationes tuas , ex penetrali , vt tu existimas doctrinæ ciuilibus , & moderandæ Reipublicæ petitas omnes facili negotio tibi concedam .

Bellum non esse mouendum libens volensque audio , addo etiam delirare ( vt tu principio asseris ) eum , qui alieni ( quemadmodum tu facis ) negotij patrocinium suscipit ; neque ea refellam , quæ de bellorum temerè susceptorum incommotis à te adferuntur . Quis enim ignorat , motis semel armis , quantæ calamitates mox Regnis & imperijs immineant : euerfiones urbium , populationes prouinciarum , status Reipublicæ mutationes , hæc & alia bella secum adferunt . Neminem ego esse arbitror , qui Serenissimo Regi nostro suasor sit , belli contra Boëmos suscipiendi ; sciunt omnes quibus pactis & fœderibus , pridem iam regna ista mutuo obstricta sint : ijs denique legibus Regia apud nos potestas circumscripta est , vt non sit integrum supremo Principi arbitrio suo , & inconsultis ordinibus omnibus bella suscipere : sed enim nec pactis , nec iure gentium nos prohiberi , quin vicinorum & amicorum Principum stipendio inuitati , militiam priuato nomine profiteamur , tu solus id ignorare videris ; non est nostrum iudicare , quis , quo iure nitatur , quis iustius induat arma , Boëmine , qui datam fidem Regi fregerunt , an Cæsar ? qui ius suum maiorumque suorum vindicat , dum ea lis sub iudice est , licuit licebitque iure pactorum quæ inter laudatissimæ memoriæ Poloniæ & Boëmiæ Reges icta sunt , militare Polonis sub signis Regis Bohemiæ , contra omnes illius hostes . Hæc pauca de bello .

Silesiam à Regno Poloniæ ita auulsam esse , vt nullus eius prouinciæ recuperandæ iurisque asserendi locus nobis relictus sit , Episcopatumque Vratislauensem beneficio & liberalitate Regum Poloniæ fundatum dotatumque negare , impudenter mentientis audacia est . Quis vnquam præter te , homo sine fronte dixit vel scripsit , primum Episcopum Smogorouensem à Miecislao Rege Poloniæ vt Doctorem tantum , non vt Episcopum , Regni Senatorem , cuius in Senatu primæ secundum Episcopum Cracouensem , qui tunc Archiepiscopali dignitate fulgebat , partes essent , institutum fuisse ? Excute omnia vetustatis monumenta , maiorum traditiones , priuilegia Episcopatus Vratislauensis , vniuersæ Silesiæ iura ,

*Poloni priuatim sub signis vicinorum Principum militare possunt.*

*Silesia olim pars fuit Regni Poloniæ, & Episcopatus Vratislauensis à Regibus Poloniæ fundatus.*



iura, instituta, Principum denique si qui adhuc vetusti ortus supersunt, ut quidem superesse nonnullos non inficior, origines, hos omnes sanguine beneficio Regum & Principum Poloniae in lucem prodiisse, nisi caecus es, perspicias; & Episcopatum Vratislaviensem beneficio Regum Poloniae creuisse, illustratumque & principali dignitate donatum, vel inuitus fateberis. Quidquid nunc Silesiae Ducatus nomine continetur, olim in ditione Regni & Regum Poloniae fuisse, clarius est, quam ut probatione egeat. Sed cum Anno 1140. secundum Boleslai Criuousti mortem, filij ipsius partito Principatu ob ambitionem & impotentem dominatum Vladislai natu maioris, dissiderent, ac postremo pulso Vladislao, cum is ditionem paternam armis frustra repeteret, eò communium amicorum interuentu res deducta est, ut fratres Principes exulem & opis alienae egentem in gratiam reciperent, portionemque hereditatis paternae, non eam quae iure naturae, iuxta praerogatiuam aetatis, illi debebatur, sed quae victoribus accommodatior visa est, Silesiam videlicet vniuersam, quae Maioris Poloniae pars fuit, assignarent; cuius quidem possessionem filij demum ipsius eo vitâ functo, adierunt. Tres hos fuisse memoriae proditum est, Boleslaum, Miecislauum & Conradum, vulgò

*Filij Boleslai Criuoustij discordes, quorum maiori natu Vladislao Silesia à fratribus assignata.*

*Quae postea inter filios eiusdem Vladislai tripartita diuisa.*

Lasconogum dictum (agnosce, si Polonus es, Polonica nomina & cognomina) ij ex consilio patruum Boleslai Crispi supremi Regni Poloniae Monarchae, Silesiam inter se eâ lege partiti sunt, ut imperium supremum in Polonia Monarchae, (qui Regiâ dignitate, ob cædem Diui Stanislai Episcopi Cracouiensis per Boleslaum Regem cognomine Audacem perpetrata, abrogatâ, omnibus Prouincijs ad Regnum pertinentibus, summâ & Regiâ potestate praeerat,) agnoscerent, & inter fiduciarios Regni Principes censerentur. Et Boleslao quidem Vratislaviensis tractus, Miecislao Ratiboriensis & Opoliensis; Conrado verò Glogouiensis & Crosnensis obtigit, tota verò eorum ditio ad Bohemorum, Morauorum, Misnensium, & Saxonum fines extendebatur, à reliquâ Polonia interiectis siluis diuisa. Et hæc quidem gesta sunt, cum iam ante centum annos Casimirus eius nominis primus Rex Poloniae, sedem Episcopi, quae primùm Smogorouiae, deinde Bicinæ fuit, Vratislaviam transfulisset: cuius tu dotationem Henrico Duci Silesiae adscribis, ei ut dies & annus in diplomate à te prolato adscriptus, indicat, qui Henrici Barbati & Heduigis, quam Christiani Catholici inter Diuos relata piâ veneratione colunt, filius & paternarum ditionum hæres cum esset, Tartaris, qui tum vniuersam Poloniam cæde & ferro vastabant, exercitum ex toto Regno Poloniae collectum, ad Legnieiam anno Christi 1242. obiecit, ab ijsque in acie fortiter, ut sanguine Regum Poloniae ortum Boleslai Criuousti abnepotem decuit, cæsus pugnans occubuit. Sed ego non temerè suspicor te cum antiquitatis testimonio niti velles, cumque expilato Archiuo Ecclesiae Vratislaviensis hoc diploma surripuisses, Henrici IV. Henrici III. filij, nomine magis quam re dicti Probi, huius qui

*Casimirus primus Rex Poloniae sedem Episcopalem Byczyna Vratislaviam transfulit.*

*Henricus filius S. Heduigis cum Tartaris depugnans periit gloriose.*

ad



ad Legnitiam occubuit, Principis pijsissimi nepotis, qui circa annum Christi 1283. Thomam Episcopum Vratislauensem bonis spoliavit, ætate esse abulum, diplomatiq; falsum adscripsisse annum. Multa sunt quæ tuam arguunt fidē: primum est quod is, cuius profers privilegium, Ducis Cracoviæ & Sendomiriæ titulum usurpat; at Henricus qui circa annū 1240. vixit, nihil vnquam iuris sibi in istis provincijs usurpasse legitur; eius demum filius Boleslaus Caluus, qui itidem Thomam primum Episcopum Vratislauensem captum bonis omnibus exuerat, à Proceribus Cracoviensibus sub absentiam Boleslai Pudici accitus, alienum imperium inuaserat, eoq; mox eiectus, titulum tamen amissorum Ducatum retinebat. Similiter & Henricus IV. anno Christi 1289. proditione civium Cracoviensium, cum eiecto Vladislao Loetico Cracoviam occupasset, licet mox ab eodem pulsus, inani tamen alienarum ditionum titulo nomen suum illustrari voluit. Hunc eundem esse auctorem à te prolatis diplomatis verba ipsa in eo contenta testantur. Meditantes, inquit, & sollicitā reuoluentes indagine, qualiter per nos, & nostros progenitores Ecclesia Beati Ioannis in Vratislaviā, nec non bona, possessiones ipsius Ecclesiæ atque Monasteriorum, aliorumq; piorum locorum possessiones & prædia, quæ eidem Episcopatu sunt subiecta multiformibus ac diversis iniurijs, pressuris, & grauaminibus infinitis in nostræ salutis dispendium hactenus fuerunt desolata, quorum etiam damnorum æstimationem, propter infinitatem ipsorum ad certam non possumus reducere quantitatem, in satisfactionem damnorum ipsorum, & restorationem violentiarum illatarum, tam personis, quàm prædijs supradictis, pro salute animæ nostræ ac progenitorum nostrorum, in remissionem peccatorum, quæ quacunque temeritate commisimus, & quæ sequuntur. Hanc tu liberalissimam Henrici (qui quotus in ordine fuerit, idcirco non exprimis, vt, quemadmodum dixi, falso adscripto anno, vetustatem huic privilegio arroges) Ducis Silesiæ Episcopatus Vratislauensis dotationem appellare audes, cum idem ipse ingenuè profiteatur Ecclesiam eandem suā suorumq; progenitorum iniuriā infinitis affectam fuisse damnis, & nunc non dotari (nec enim vel vnico auctam esse prædio contextus privilegij ostendit) sed quasi in integrum restitui & ijs libertatibus, quæ Deo consecratis personis, bonisq; Ecclesiæ vlibus adscriptis, omni iure debentur donari: nisi restitutionem Bandouicensis districtus dotationem interpretari volueris. Quibus autem iniurijs Ecclesia Vratislauensis à progenitoribus Henrici IV. & ab ipso affecta fuerit, & nos suprā attigimus, & qui hæc plenius explorata habere voluerit, euoluat annales temporum illorum. At verò Henricus secundus, à quo, vt ratio anni à te (nec enim dubito, quin dolum machinatus fueris, & falsum anni numerum supposueris) in privilegio falso illi adscripto conuincit, hoc idem privilegium datum esse deberet, non erat cur quidquam iniuriæ Ecclesiæ Vratislauensi à se vel à progenitoribus illatæ agnosceret Pius iste & nomine

*Henricus Dux  
Silesiæ illatā  
Ecclesiæ Vra-  
tislauensi  
damna com-  
pensat.*



Iaroslau  
Episcopus  
Vratislauiensis  
Silesiae Dux  
Henrici Se-  
cundi patrum  
patrimo-  
nium suum  
Ciuitatem  
Nyssam cum  
suo territorio  
Ecclesia Vra-  
tislauiensis  
donauit.  
Regum &  
Regnorum  
iura priuatis  
transactioni-  
bus nequeunt  
transferri.

Anno 1180.  
Silesiae Du-  
ces comitijs  
Lenciciae cele-  
bratis inter-  
fuerunt:

ibi acta Syno-  
do Episcopus  
Vratislauiensis  
interfuit.

Item Anno  
1222. Maso-  
uia Duci  
contra Prus-  
sas bellum ge-  
renti ad-  
fuere, & fun-  
dationem E-  
piscopatus  
Culmensis ra-  
tam habuere,  
Episcopus,  
Palatinus, &  
Castellanus  
Vratislauiensis.

mine & re Princeps optimi Patris Henrici Barbati filius, nihil vnquam tale non modò facto, sed ne animo quidem designauit. Patruì verò ip-  
fius Iaroslai Episcopi Vratislauiensis beneficio, eadem Ecclesia insigni-  
ter aucta est; nam cum is Boleslai cognomento Proceri, filius, ac Boles-  
lai Criuoustij Monarchæ Poloniae pronepos esset, & ex paternâ in Silesiâ  
ditione Nissensis ciuitas cum territorio iure hæreditario illi obtigisset,  
totum illud patrimonium Ecclesiæ Vratislauiensi iure perpetuo donauit  
& adscripsit. Sed hæc ad conuincendum te, fidemque scripto tuo de-  
mendam sufficiant. De iure, quo Silesia in potestatem Regum Boemiar  
venerit, addam nonnulla; illud initio præfatus, Regum & Regnorum  
iura priuatis transactionibus transferri nō posse, cum patrimonium Rei-  
publicæ alio iure quàm priuatæ possessiones, censeatur, nec vllam aliam  
diuisionem admittat, nisi eam quâ integrum nihilominus permaneat,  
spondentibus partialibus Vafallis, se in potestate Supremi Regis vel  
Principis permansuros. Hac lege Silesiæ Duces Poloniae Principibus ob-  
strictos fuisse, & ducentis propè annis, ex quo sortitione filijs Vladislai,  
Boleslai Criuoustij filij, Silesia cesserat, inter Principes & Vafallos Re-  
gni Poloniae conscriptos mansisse, omnia vetustatis monumenta testan-  
tur. Itaque vt eiusdem sanguinis Principes, quotiescunque de salute  
communis Patriæ consilium capiendum erat, simul conueniebant, &  
Comitia obibant: vt cum anno Domini 1180. Casimirus Boleslai Cri-  
uoustij filius Monarcha Poloniæ ea Lenciciæ indixisset, aderant fiducia-  
rij Principes, ac inter alios Boleslaus Procerus Vratislauiensis Dux, Hen-  
rici Barbati pater: ibi quoque actæ Synodo Ziroslaus Vratislauiensis E-  
piscopus interfuit, tertium ab Archiepiscopo Gnesnensi locum tenens.  
Anno item 1222. Principes Poloniæ Lesco Albus, Henricus Barbatus  
Vratislauiensis, Conradus Masouiae, alijque cognati & fiduciarij Regni  
Duces, cum Prussi eo tempore nondum sacris Christianis initiati Cul-  
mensem & Lubauensem tractum à Regno per vim abstraxissent, bello  
illis indicto, ditiones ab hostibus occupatas armis recuperarunt: ac par-  
tâ tantâ victoriâ, ne erga Deum, quem in bello feliciter conficiendo  
propitium experti sunt, ingrati viderentur, Conradus Masouiae Dux, ad  
quem interceptæ & recuperatæ ditiones pertinebant, Culmensem Epi-  
scopatum, attributis illi compluribus eius oræ territorijs, liberaliter dota-  
uit, assentientibus & priuilegium signantibus Lesco Albo & Henrico  
Barbato. Hoc idem priuilegium inter alios Episcopos Poloniæ in Syno-  
do Louiciensi, eius rei causâ à Vincentio Archiepiscopo Gnesnensi in-  
dictâ, sigilli appensione comprobauit Episcopus Vratislauiensis; ac in-  
ter eos qui præsentibus aderant Senatores recensentur, Derfco Palatinus,  
& Sobellus Castellanus Vratislauienses: communi videlicet consilio  
bellum susceptum, communibus viribus gerebatur; neque eo tempore  
Silesij alio quàm Poloni nomine censebantur, fraternâ vt inter Principes,  
sic inter subditos constante amicitia & societate. Paulò posteriori quo-  
que



que tempore, nimirum anno 1226. cum Suentopelcus cliens olim & subditus Regni, Pomeraniam, cui beneficio Lesci Albi præerat, alio quam fiduciario iure sibi usurparet, imperiumque detrectaret, Lescus communicato cum Henrico Barbato Vratislaviensi Duce consilio, Comitiam Gansanæ (vicus is est Tremesnensis monasterij) in maiori Polonia prope Znenam indicit, ad eaque vniuersos Principes & Senatores Regni euocat: aderant omnes, & inter Senatores Episcopus quoque Vratislaviensis. Istic dum de Republicâ consultatur, in funesto balneo Suentopelcus, qui adesse iudicio, & causam dicere iussus erat, ex improviso incautos Principes circumuenerat. Cæsus Lescus Albus, Henricus verò Vratislaviensis vulneribus affectus, & mortuus existimatus, fidissimi aulici sui corporis obiectu, extremam perniciem vitauit. Neque tamē ea res Henricum Vratislaviensem deterruit, quin secundum infelicem Lesci Albi exitum, delatam ad se, Procerum Regni & Grimillauæ matris voluntate, filij ipsius Boleslai, (cui postea perpetuò seruata castitas Pudici nomen peperit) tutelam, contra Conradum Mazouiæ Ducem, idem ius ambientem, susciperet: quam & gessit optimè, & fortiter pupillum tutatus est, legibusque optimis sancitis, cum iam Boleslaus adoleuisset, munere tutorio se abdicauit, liberam administrationem hæreditariarum ditionum illi relinquens. Mox idem, inclinantibus ad eum odio Vladislai Sputatoris Proceribus maioris Poloniae, earum ditionum magnâ ex parte possessionem adiit, & anno Christi 1238. cum è maiori Polonia in Silesiam proficisceretur, in itinere Crosnæ è vitâ discessit. Neque tamen morte illius societas illa discerpta est, adeò vt aliquot post annis Tartaris, gente immanissimâ, immensis agminibus Poloniam, Silesiam, vicinasque Prouincias vastantibus, ac Boleslao Pudico Monarchâ Poloniae intra munitiones se tenente, vniuersa propè Polonia sub signa Henrici Pij concesserit: qui factâ ad Legnitiam Barbaris copiâ pugnae, fortiter quidem, sed non satis felici successu depugnauit, vniuerso propè exercitu ad interuersionem cæso, ipse quoque gloriosè in acie vitam profudit. Et hætenus quidem fida inter Silesios Polonosque Duces mansit societas. Quamuis enim Boleslaus Caluus, Henrici, qui ad Legnitiam occubuit filius, ad Cracouiensem Principatum, absente Boleslao Pudico, euocatus esset, possessionemque eius adiisset; tamen mox pulsus, eâ quoque maioris Poloniae parte, quam auus ipsius Henricus Barbatus quæsierat, excidit. Dissidio deinde Ducum Silesiæ, potissimum turbante res Henrico Duce, Bohemiæ Regibus via patefacta est, dolis & malis artibus interuerrendæ & occupandæ Silesiæ. Quod eò facilius factum fuit, cum in diuersas factiones diuiso Regno Poloniae, primum quidem Principes inter se capitalibus odijs dissiderent, deinde infelicitè per Præmisslaum Maioris Poloniae Ducem, Regiâ dignitate resumptâ, & mox eo cæso, ad Venceßlaum Regem Bohemiæ, factione paucorum, ficto iuris titulo translata, nemo esset qui summam rei capefferet. Quamuis enim Vladislauus,

Comitijs  
Gansanæ actis  
interfuit  
Henricus Bar-  
batus, ibiq;  
vulneribus  
affectus, &  
Lescus Albus  
accisus.

Henricus  
Barbatus  
Vratislaviensis  
Dux, Bo-  
leslai Pudici  
tutor.

Henricus  
Pius à Tar-  
taris cæsus, vt  
suprà relatu.



dislaus, cui exigua statura corporis Loctici, siue Cubitalis, nomen dedit, Siradiensis Dux, vir animi excelsi, maiora viribus suis ausus, secundum mortem Lesci Nigri fratris sui, eiusdemque Regni Monarchæ, Regni habenas capeßere conaretur, & bis rerum potitus, bis imperio, semel priuatâ factione, iterum Boëmorum armis deiectus, tertio demum confirmatis viribus, omnia in suam redeßisset potestatem; non eæ tamen eius vires erant, vt distractum scissumque in diuersas partes Regnum vnire Duceßque cognati sanguinis dicto parentes reddere posset: imò ijdem crescentem Vladislai fortunam peroli, exarsere animis, & paucis exceptis, ferè omnes alienâ ab eo erant voluntate. Iam antea Boleslao Pudico regnante, Ottocarus Rex Bohemiæ Opauiam interceperat, mox Henricus Probus Vratislauiensis Dux, dum omnia miscet, & aliorum inhiat ditionibus, Venceslai Regis Bohemiæ adscitâ societate, Casimirum Opoliensium Ducem metu suæ potentiæ, vt se ditionemque suam Boëmo subderet, adegit anno Christi 1289. Et de interceptâ quidè Oppauia expostulauit Boleslaus Pudicus cum Rege Boëmiæ, mutuo ob eam rem Oppauia Anno 1223. facto conuentu: sed in viginti annos factis inducijs, disceptatio quoque de iure eius ditionis dilata & suspensa est. Sed, vt paulò antè commemorauimus, Vladislao Loctico rerum in Polonia potiente, cum non æquis oculis felicitatem ipsius Silesij Duces, cognati ipsius aspicerent; &, quod mirandum, Mazouij Principes patruales ipsius prosperis illius ausis nimium inuiderent; ad Ioannem Boëmiæ Regem è Lucemburgicâ familiâ, conspiratione factâ, inclinare cœperunt. Nec defuit sibi Boëmus in tam opportunâ occasione, captandis Silesiorum animis, cum ijdem etiam inter se dissiderent, vt parricidali bello tota arderet Silesia, Henrici Quinti Vratislauiensis Ducis filijs, partito patrimonio inter se, quâ dolo, quâ apertâ vi decertantibus; Boëmo interim res suas alendis inter fratres discordijs agente. Iam antea Venceslaus Boëmiæ Rex, ijdem ferè artibus nonnullas in Silesiâ ditiones interuerterat, & sui iuris, sublati veris Dominis, sanguine Regum Poloniæ ortis, fecerat: reliqui erant Vratislauiensis, Legnicensis, & Bregensis Ducatus; quos inter se fratres Henrici Quinti filij, Henricus, Boleslaus, & Vladislauus partiti, dum reliqui adesis opibus patrimonium prodegerunt, in Henricum, cui Vratislauia obtigerat, conspirant: in primisque Boleslaus, suasu & ope Ioannis Regis Boëmiæ fretus, negotium illi facessit, ditionemque fraternam latrocinij more incurfat. Implorat Vladislai Regis Poloniæ cognati sui opem Henricus, seque & sua omnia eius fidei committit. Vindicat ille clientem, recipit in potestatem Vratislauiam, & compescit audaciam Boleslai; cæterum dedititium Principem Henricum res suas sibi habere iubet, quem mox Boëmus ad se accersitum, & blandè acceptum, commemoratione fraternæ iniuriæ, cuius ipsemet incensor & auctor fuit, eò perculit, vt Closko accepto, Vratislauiam sibi cederet. Ijsdem artibus cum Vladislauum cum Boleslao commisisset,

Vladislaus  
Locticus rerum  
in Poloniâ  
potitus.

Ottocarus  
Rex Bohemiæ  
Opauiam in  
Silesiâ vi occupauit.

Silesij Duces  
ad familiam  
Lucemburgicam  
tunc in  
Bohemiâ regnantem  
declinant, inter  
quos Bohemus  
discordias  
excitabat.

Venceslaus  
Rex Bohemiæ  
quâ ratione  
Vratislauia  
potitus.



set, Legnicensi quoque ditione potitus est. Atque hæc sunt Boëmici, vel potius domus Lucemburgicæ (huic enim soli Principes Silesiæ se deditisse diplomata deditum, quorum complura in Regio Cracouiensi archiuio reperiuntur, testantur) in Silesiam iuris initia, quæ legitimane sint, sub iudice lis est. Ais tu Casimirum Regem Poloniæ de Silesiâ cum Ioanne Rege Boëmiæ transsegisse, & iure omni se abdicasse: neque ego nego; sed an id fieri potuerit, & an id, quod eo tempore inter Reges actum est, ratum esse possit, discutiendum est. Et ipsa quidem, quæ in medium à te profertur iuris abdicatio (quanquam dubito an syncerè proferatur, cum in Archiuio Regni Poloniæ nihil tale continetur) nihil aliud in se continet, nisi priuatam Regis Casimiri cum Ioanne Rege Boëmiæ, & Carolo ipsius filio transactionem, quâ ius suum tantum, & non Regni, præfatis Regibus, & non Regno Boëmiæ, condonat, quibus & hæredibus illorum extinctis pristino iuri Silesia restituenda est. Et cum hæc ipsa transactio publico Regni Ordinum consensu approbata non sit, cum personis contrahentibus eam extinctam, putandum est: neque enim in potestate Regis ullius fuit patrimonio Reipublicæ priuatas offensiones redimere, maximè talibus prouincijs, quæ non armis quæsitæ, nec dediticiæ, sed ex corpore Regni sunt, qualis est Silesia vniuersa, quales erant Duces Silesiæ, qui & iure naturali (Regibus enim Poloniæ orti erant, & portionem Regni tenebant) & iure scripto, quo tanquam fiduciarij Principes Regno obstricti erant, in ditionem alterius, se ditionesque suas transferre non poterant; nec à toto Regni corpore, ex quo creuerant, vlllo pacto alienare: vt deditio illorum, quâ domui Lucemburgicæ se adiunxerunt, etiamsi id vel armis coacti, vel sponte fecissent, rata esse non possit. Quanquam ne tum quidem vniuersa Silesia cessit in ditionem domus Lucemburgicæ: Bernardus enim Suidnicensium Dux, idemque Vladislai Regis gener, mansit in fide, quâ Regno Poloniæ obstrictus erat, & Wschouense siue Frauenstatense territorium, cum Ciuitate eiusdem nominis, à Casimiro Rege armis recuperatum, hætenus etiam in ditione est Regis Poloniæ, vt & Ducatus Osuencimensis & Zatoriensis; Seueriensis item à Sbigneo Olefnicio Cardinali & Episcopo Cracouiensi à Duce Thesinensi emptus ac Regno vnitus. Non latebat quidem Reges Bohemiæ, non plus iuris deditios Silesiæ Principes ad eos transferre potuisse, quàm ipsi habuerint, & cum vetusto iure Prouinciæ eæ ad Regnum Poloniæ pertinerint, perfidiâ eorum qui illas obtinebant à toto corpore auelli non potuisse: itaque crebris transactionibus inanem iuris titulum firmare voluerunt, Regno Poloniæ, extinctâ stirpe Regiâ, ad externos Ordinum voluntate translato, qui iuris Regni minùs curiosi, passi sunt domus Lucemburgicæ in Silesiâ imperium propagari. Quanquam Vladislauus Iagello Poloniæ Rex non aliter fœdus cum Venceslao Imperatore,

*Silesij Duces  
soli Lucem-  
burgicæ fami-  
liæ se deditere.*

*Transactio  
Casimiri Re-  
gis Poloniæ  
cum Ioanne  
& Carolo  
Regibus Bo-  
hemie an va-  
lida?*

*Transactio de  
Silesiâ inua-  
lida esse osten-  
ditur.*

*Pars Silesiæ  
hætenus est  
in ditione Re-  
gis Poloniæ.*

*Reges Bohe-  
miæ ius suum  
in Silesiam,  
quod nullum  
erat, crebris  
transactioni-  
bus firmare  
voluerunt.*



*Venceslaus  
Imperator  
ratione Sile-  
sia subsidia  
contra omnes  
hostes Vladis-  
lao Iagelloni  
pollicitus.*

*Ipsimet Bohe-  
mi Casimiri  
Poloniae Re-  
gem Silesia  
haeredem sa-  
tentur.*

*Idem aliis  
occasionibus  
faciuntur.*

*Cur Poloni  
haecenus Sile-  
siam non re-  
petierint.*

tore, eodemque Rege Boëmiæ sancire voluit, nisi ut is illi nomine Ducum Silesiæ, cum sexcentis lanceis, & totidem balistarijs, se contra quemuis hostem auxilio futurum polliceretur; cuius rei extat diploma in Archiuio Cracouiensi Anno 1395. conscriptum. Eidem contra Cruciferos bellum gerenti anno 1414. (ad quod vniuersos Regni Principes exciuerat) aderant & Silesij Duces, Bernardus Opoliensis, Ioannes Ratiboriensis, Boleslaus Cessinensis, Conradus Olesnicensis, Venceslaus Zeganensis, Ioannes Lubinensis, Conradus Albus Kozlensis, & Venceslaus Opauiensis. Denique Sigismundus Imperator, idemque Rex Boëmiæ, eidem itidem Vladislao Regi, si Agathiam viduam, quæ cum Venceslao Rege Boëmiæ proximè vitâ functo nupta fuit, in matrimonium duxisset, dotalem Silesiam vltro offerrebat. Hæc circa annum 1421. acta fuisse monumenta legationum testantur. Eiusdem Vladislai filius Casimirus, penè adhuc puer, à Bohemicis accitus, & Rex ut esset postulatus, Silesiorum inprimis Ducum fauore, ad eam dignitatem promouebatur: & tum quidem Alberto Austriaco potiores partes tenente, Regnum adeptus non est, sed aliquot post annis, ductâ eiusdem Alberti iam tum vitâ functi filiâ Elizabethâ; secundum mortem fratris coniugis suæ Ladislai Vngariæ & Boëmiæ Regis ac Boëmiæ Regni, ex transactione dudum cum domo Lucemburgicâ inita, materno iure (Sigismundi enim Imperatoris eiusdemque Regis Boëmiæ filia fuit) hæredis, agnoscentibus idipsum Bohemis per coniugem filiosque suos eam regni hæreditatem creuit. Fassi sunt idipsum Regni Boëmiæ Proceres, qui publicâ ad Regem Casimirum missâ legatione, literis etiam in Nouâ-domo Sabbato post festum SS. Philippi & Iacobi Apostolorum anno 1467. scriptis Elizabetham Reginam Poloniae filiosque Casimiri Regis, veros & legitimos Regni Boëmiæ Provinciarumque ei adiunctarum hæredes agnoscunt, & ad capeffendum regnum inuitant, idemque datis ad Proceres Regni Poloniae literis, profitentur. Mox aliquot annis transactis, iidem Regni Boëmiæ Ordines, anno 1471. in Comitijs Cutnensibus Vladislaum Casimiri filium uti hæredem Regni (verba expressa in priuilegio Electionis) Regem Boëmiæ renuntiant, cuius ille possessionem adiit, & ius hæreditarium, ad filium Ludouicum, & ad filiam etiam Mariam Ferdinandi Imperatoris vxorē, transmisit. Fratres quoque suos primò Ioannem Albertum, deinde Sigismundum, quorum vterque Reges Poloniae deinceps fuerant, collatis illis nonnullis Ducatibus in Silesiâ, in societatem eius hæreditatis adsciuit. Et mirabitur quispiam siluisse tanto temporis spatio Polonos, nec ius suum vrisse, cum Reges eorum ad hæreditatem Regni Bohemiæ vocarentur, cum quodam modo interuersum ius in pristinū statum eâ ratione restitui videretur. Hæc quæ à me allata sunt, non idcirco dicta putes, quasi classicum canere velim, & Polonos meos ad ius armis recuperandum incitare,



incitare, sed vt ostendam te rerum ignarum, falsò asseruisse, ita nos Silesiæ imperio excidisse, vt nunquàm aspirare ad illud nobis liceat. Veniet sanè tempus, cum vel Silesij ipsi memores vnde exciderint, ad sua redibunt principia, neque Polonis vel nunc desunt, vel impòsterum deerunt rationes asserendi iuris sui, quod nec temporis præscriptione auferri, nec priuatis transactionibus interuerti potuit. Paci publicæ à nobis consulitur, & vbi arma nostra exerceamus, satis superque occasionum nobis est. Non temerè Poloni in Christianos stringunt gladios, barbaris vndiq; cincti nationibus, quas virtute & sanguine suo arcent, ne totis agminibus in Europam se effundant, ne cædibus & incendijs omnia misceant. Nec sanè in Moschos pruritu vel dominandi libidine arma sumpta à nobis sunt, vt tu asseris; fuerunt iustæ & legitimæ causæ, quæ nos eò impulerunt, vt gentem solo nomine Christianam, cæterum feritate barbaram, moribus incultam, pacta & fidem datam ad temporum & occasionum momenta accommodantem, Turcicâ & Tartaricâ societati superbientem, Christiani nominis inimicam, bello impeteremus: cuius suscepti & gesti, non adeò, vt tu reris, nos pœnitet; etiam si aliqui non desint, qui consilia euentu metientes mussitent & obmurmurent; ignari quanti momenti res sit, receptis amplissimis prouincijs, quæ dudum à regno auulsæ erant, ferocem & hæreditarium hostem, eneruatam viribus ita coercuisse, vt pacem penè supplex peteret, præscriptasque acciperet condiciones. Est, eritque immortalis Sigismundi Regis hæc gloria, quòd suo filijque sui Vladislai ductu, tantas res in eà vultâ Septemtrionis parte gessit, quantas vel quouis maximus Princeps gerere vnquam potuisset. Sed ad Episcopatum Vratislauensem reuertar. Smogorouia hic primò institutus fuit à Miecislao Rege, non, vt tu nugaris, vt Episcopus esset scholæ Rector, sed eadem quæ cæteri in Polonia dignitate & prerogatiua Episcopi, Regni Princeps & Senator, qui & sacrorum Præses esset, & quotiescunque res posceret, Principibus consilij copiam faceret. Eius Episcopi sedem Casimirus primus Rex Poloniae, qui anno 1040. Regni habenas suscepit, quique ducentis propè annis eos, quos tu Ecclesiam Vratislauensem dotasse fingis, præcesserat, quæ, vt dixi, Smogorouia erat, primùm Bicinam, mox Vratislaviam transtulit, cuius sanguine ortus Iaroslavus Episcopus Vratislauenfis, Boleslai Proceri filius, & Boleslai Criuustij pronepos, Nissam paternam videlicet suam portionem ei, vt tu non negas, attribuit.

Subest & hætenus Episcopus Vratislauenfis iure Primatiali Archiepiscopo Gnesneni, & semper eius iurisdictionem agnouit, & dubijs aduersisque rebus suis patrocinium quoque expertus est. Vt cum Boleslaus Caluus anno Christi 1257. Thomam Episcopum Vratislauensem, templum Gorcenſe ritu Christiano dedicantem, nefariè cepisset, & in vincula coniecisset; Fulco Archiepiscopus Gnesnensis impium Episcopi violatorem diris deuouit, consultoque Summo Pontifice Alexandro IV.

Iaroslavus Episcopus Vratislauenſis  
Nissam, patrimonium suum, Ecclesie Vratislauenſi donauit.  
Episcopus Vratislauenſis Suffraganeus Archiepiscopi Gnesnensis.  
Archiepiscopus Gnesnensis Episcopum Vratislauenſem semper protexit.



militiam cruce signatorum, per totam provinciam contra eum promulgavit, atque ad transactionem cum Episcopo ineundam compulit. Huius Boleslai impium facinus, cum Henricus cognomento Probus, re ipsa turbulentus & seditiosus Princeps, Vratislaviensis Dux æmulatus esset, ac circa annum Domini 1283. Thomæ II. Episcopo Vratislaviensi, illius quem Boleslaus Caluus ceperat, ex sorore nepoti, grandem pecuniæ summam imperasset, eaque negatâ ditiones Episcopi & sacri Ordinis inuasisset, & mox Decimas omnes usurpasset, Iacobus cognomento Suinka Archiepiscopus Gnesnensis, coactâ Lenciciæ Synodo, de sententiâ consilij, Henricum communione Christiani populi exclusit, ac Vratislaviensi civitati, cæterisque qui in ditione illius erant sacris interdixit: nec antea pœnâ solvit, quàm Henricus Episcopo satisfecisset, illo privilegio, cui tu falsò, vt antè ostendi, annum Domini 1240. quo Henricus Pius à Tartaris ad Legnitiam cæsus, rerum potiebatur, adscripsisti. Successu temporis cum Ioannes Rex Bohemiæ, occupatâ magnâ parte Silesiæ, Episcopo Vratislaviensi Nancero grauis esset, multisque eum iniurijs affecisset, eo demum vitâ functo, Pretzlaus Pogorelicius Polonus, gente Grimalius, Episcopus Vratislaviensis, nolens volensque ita transegit, & in Patronum Ioannem Boemiæ Regem adoptavit, vt iura Ecclesiæ Metropolitanæ salua manerent, quibus, etiam si maximè vellet, Episcopus Vratislaviensis derogare non potuit, sed nec voluit quidem: quàm productum à te deditionis Episcopalis diploma vereor an verum sit: solum enim Grotkouiensis Arcis & oppidi, à Boleslao Bregensium Duce empti nomine, Pretzlaum in fide & clientelâ Regum Boemiæ se fore professum esse Annales tradunt. Et cum aliquot exactis annis Carolus Quartus Imperator, idemque Boemiæ Rex, à Clemente VI. Pontifice Maximo contenderet, vt Episcopatus Vratislaviensis Archiepiscopo Pragensi subijceretur, obstiterit Casimirus Rex, ac per Legatum suum Albertum, Cancellarium Dobrynensem, à Pontifice obtinuit, vt ius Archiepiscopi Gnesnensis ratum esset. Nemini itaque mirum esse debet, si nunc Episcopatus Vratislaviensis Hæreticorum armis oppressus, opem Regis nostri implorat, si Rex noster se ei deesse non posse profitetur, si suam auctoritatem, ne vis ei fiat, interponit: nam vt antiqua illa, vnde fluxerit fundatio Episcopatus Vratislaviensis taceamus, certè iurisdictionem Archiepiscopi Gnesnensis tueri ad Regiam dignitatem & officium pertinet. Addo nihil in Episcopatu Vratislaviensi, nihil in Silesiâ Poloniæ vicinâ, in statu Ecclesiastico novari posse, quod connexas illi Regni Poloniæ Ecclesias & ditiones non afficiat, quibus certè Rex patrocinium debet, nec permittere illi licet, vt Archiepiscopi Gnesnensis primatialis prerogativa, vt Episcopi Cracoviensis, Episcopi Posnaniensis, ea quam in plerisque Silesiæ partibus habent iurdictio violetur: vt bona Abbatiarum Poloniæ, quæ in Silesiâ sunt, per vim occupentur: nisi fortè falsò de vi

Hæreti-

*Causa ob  
quas Rex Po-  
loniæ Episcopo  
Vratislaviensi  
patrocinari  
debet.*



Hæreticorum Clerus Silesiæ queritur, & ea, quæ ab eo extorta sunt  
 impia iuramenta, sponte præstitit, & non denuntiata bonorum adem-  
 ptione, confiscatione (vt ex decreto in consilio Principum & statuum  
 Silesiæ die ultimo mensis Septembris Anno 1619. edito apparet) adactus  
 coactusq; est. Quæ cum omnia fiant eo potissimum fine vt extincta Catho-  
 licâ religione, oppresso & exacto Clero, Episcopatus Vratisslauiensis, no-  
 bilissima Metropolitana Prouinciæ Gnesnensis portio, de medio tollatur,  
 & quod in alijs Germaniæ partibus factum, possessiones Deo consecratae  
 in profanos cedant vsus; meritò Illustrissimus D. Archiepiscopus Gnes-  
 nensis modernus, exemplo maiorum suorum, Fulconis & Iacobi Ar-  
 chiepiscoporum Gnesnensium, à quibus violatores Ecclesiæ Vratissla-  
 uiensis, grauissimâ censurâ notatos fuisse, supra memorauimus, nunc  
 quoque si ij, qui nunc impijs decretis in Silesiâ Ecclesiam Catholicam  
 oppugnant, Hæretici non essent, gladium spiritualem in eos stringeret,  
 dirisq; omnibus deuoueret: sed cum illi excusso semel obedientiæ  
 freno, sacra diuinaque omnia contemnant; quod Turcis vel quibusuis  
 barbaris Ecclesiam Vratisslauiensem occupantibus faceret, Principis, cui  
 ad tuenda iura Ecclesiarum gladius datus est, & qui magnorum quon-  
 dam in Poloniâ Regum, Episcopatus Vratisslauiensis fundatorum & pa-  
 tronorum, sedem tenet, quique vel eo ipso nomine quod Catholicus sit,  
 tutelam & patrociniū Ecclesiæ debet, opem implorat. Nec Serenissimo  
 Principi Carolo Archiduci Austriæ, Episcopo Vratisslauiensi, vitio quis-  
 quam vertere debet, quod in literis (quas tu nescio vnde, & quâ fraude  
 surreptas, ad concitandam optimo Principi inuidiam, publici iuris fecisti)  
 ad Illustrissimum Archiepiscopum Gnesnensem datis, ingenuè profitea-  
 tur, Ecclesiam Vratisslauiensem filiam esse Gnesnensis Metropolitanae, à  
 Regibus Poloniæ foundationes accepisse. vtrumque enim adeo verum est,  
 vt qui id negare voluerit, idem proprium esse asini rudere negauerit.  
 Illud fortasse tibi displicet, quod idem Princeps feuda caduca rebel-  
 lum in Silesiâ vasallorum, nostris hominibus offerre videatur; & quan-  
 quam ille per modum consilij id proponat, tamen ego te hac vice isto  
 libero metu. Non ita appetentes sumus alieni, vt inuitante occasione  
 ad prædam præcipientes ruamus. Sed vt his omissis ad alia veniamus; in-  
 terrogo te, quo autore fretus asserere audes, Serenissimum Regem  
 nostrum, patrium & hæreditarium Regnum Sueciæ iam olim ob reli-  
 gionis persecutionem amisisse? quem ille persecutus est? Recense, in  
 quem Suecum, eò quod non Catholicus esset, mucro Regius desæ-  
 uiit? Audeo affirmare nullum esse, quem non eodem, quo Catholi-  
 cos complecteretur fauore, modò fidem datam seruaret. Possum enu-  
 merare complures illustres viros Suecos, lumina nobilitatis illius Regni,  
 quamuis non idem cum optimo Principe de religione sentientes Re-  
 gi tamen addictissimos & fidelissimos esse & fuisse; Ericum Spa-  
 rium Regni Cancellarium, columnen Suetici Senatus, à Carolo Suderma-



*Carolus Su-  
dermanus re-  
gnandi cupi-  
ditate Suecia  
regnum inua-  
sit.*

*Aurei velleris  
insigne detu-  
lit Sigismun-  
dus Primus  
Polonia Rex  
& Sigismun-  
dus Tertius.*

no ob seruata Regi fidem, lqualore carceris diu maceratum, po-  
stremò cæsum. Hanc eandem sortem subierunt alij Senatores fideles  
Regi, &, quod mireris, Abrahamus Archiepiscopus Vpsalien-  
sis, quamuis Lutheranus. Non religionis causa in Sueciâ agebatur:  
regnandi libido Carolum eò impulit, vt legitimi Principis impe-  
rio abrogato, nefariè patruus nepotis, subditus Domini, fractâ  
fide, violato sacramento, Regnum inuaderet, & ius alienum con-  
tra omne fas vsurparet: quod vt ille, ita & filius ipsius, non fa-  
uore populi, non amore ciuium, sed, vt tyranni solent, stricto tue-  
tur ense. Sed tu patronus rebellium Bohemorum, hoc quoque ar-  
gumento vti voluisti, quo illi, prout & Sueci nonnulli suam perfidiam  
excusant. Crudelis, vt ais, Ferdinandus in Bohemos, acerrimus Pro-  
testantium hostis, cùm tamen neminem proferas quem occiderit; quem  
bonis in Bohemiâ spoliauerit; quem in exilium egerit. Vestra sunt ista,  
& vestri similia. An non ab authoribus seditionis Bohemicæ, ijsque  
priuatis hominibus, armis Pragæ obsessa curia, violati & è fenestris  
præcipitati concilij Regij Præsides, exuti & spoliati bonis Catholici,  
expilata templa, profanata monasteria? Hoc iure vos potiores estis, si  
fraus, periurium, & vis, alicuius iuris nomen meretur. Pergis, & Sere-  
nissimo Regi inuidiam apud tui similes conciliare vis, quòd ille Iesuita-  
rum consilio nitatur, quòd Aurei velleris Princeps sit, quòd fama sit  
eum nouæ militiæ nomen daturum, & hæc quorsum? Ad extirpationem,  
inquit, Hæreticorum ista omnia collimant. Quis vnquam Chri-  
stianorum id in votis non habuit, vt extirpatis hæresibus vna in vniuerso  
orbe sit fides, idem omnium de religione sensus? Tibi, vt video, schis-  
mata, tibi hæreses placent; placent igitur dissensiones, placent bella,  
quæ hoc fonte oriri ipsa docet experientia. Sed Iesuitæ ab alijs luculenter  
defensi, quorum officium non aliud, nisi vt aliarum religiosarum per-  
sonarum, quæ ornamenta sunt Ecclesiæ Catholicæ, doctrinâ & exem-  
plo propagare pietatem, ac cultum diuinum, hæreses impugnare, &  
monstrare iter rectum ijs, qui errore seducti à veritate Catholicâ aberrarunt:  
in quo munere cùm ij sedulò versentur, offendunt aduersarios, vt  
eos æquis oculis intueri nequeant, & eodem quo lupi canes ouium cu-  
stodes amore prosequantur. Habet Rex Consiliarios ex sacro & profano  
ordine lectos, habet Magistratus Aulæ: horum, non Iesuitarum, con-  
silijs negotia publica tractantur, & expediuntur. Sed hæc non noua ca-  
lumnia, & sæpius, vt dixi, refutata. Aurei velleris insigne Serenissimus  
Rex volentibus omnibus Ordinibus Regni in Comitibus Varsauiensibus  
ritè & legitimè suscepit, exemplo Diui Sigismundi Primi, Aui sui, qui  
eumdem honorem non est aspernatus. Sed tu frustra suspicaris, eum  
hoc nomine magis addictum & obstrictum ad tuendam rem Catholi-  
cam existimari posse. Iam inde ab ineunte ætate ita ille animatus, vt  
pro fide Catholicâ, quam materno suxit ex ybere, vitam & sanguinem  
profun-



profundere, si id necessitas poposcerit, non indignum Maiestate suâ censeat. Quæ res ut ad adipiscendum regnum Poloniae illi potissimum suffragata est, ita nunc quoque Maiestatem ipsius tuetur, & amorem subditorum conciliat. Quod quidem te acerrimè, ut video, torquet, torquebitque malos omnes, eò magis, quò illustriorem coronam pietati Regiæ fata destinant.

Filios Regios ingentium terrarum Dominos, delectabili opinione constitui, tu primus interpretis mentis maleuolæ stultè iocaris: sunt eruntque illi tales, ut quivis Reipublicæ Christianæ benè cupiens, eos publicæ saluti natos libenter fateatur. Sciunt omnes eâ felicitate à Regibus Poloniae suscipi liberos, ut eos tuendæ rei Christianæ impendant. Nec plura quæsieris; Vladislaus Iagiello reliquit filium sui nominis, qui pluribus de Turcis partis victorijs, ad extremum memorabili ad Varnam pugna, gloriôsè occubuit. Pronepotem Ludouicum Hungariæ & Bohemiæ Regem, qui ad Mohacium contra perpetuam Solimani felicitatem decertans pari fato occubuit. Casimirum Sanctum ob virtutes Christiano Principe dignas, inter Diuos relatum. Sigismundum Primum, sui aui Regem Regum, Patriæ Patrem: nec vllum è gente Iagiellonicâ nominare licet, qui non propriâ eâque præclarâ laude floruerit. His maioribus, eo sanguine Serenissimi Principes nostri orti crescunt, (rumpantur ut ilia Codro) eâ spe ut Christiana Respublica, non minimum subsidij ab ijs expectare possit. Tuus iste nouus Carolus Magnus, quid Reipublicæ Christianæ causâ præstiterit, an vel semel contra Turcas & Tartaros aliosue barbaros in acie steterit, nusquam audiui. Serenissimo Principi Vladislao nostro non nouum iam æstates & hyemes continuare bello, pati incommoda militiæ, versari in acie, laceessere hostem, pugnam conferere. His virtutibus Magni nomen Carolum primum sibi peperisse, non nego: Poloniam ab illo fuisse subiugatam, nemo verè dixerit; idem enim ostendere deberet, quo tempore Polonia iugum imperij excusserit. Sed de antiquitatis memoriâ, & quæ in hoc genere in vtramque partem dici credique possunt, tecum non contendam: tu interea tuo isto nouo Carolo ne nos terreas, nec tantos nobis finge metus, ut nouas istas contra legitimum Magistratum conspirationes, vel Turcas ipsos, quos à seditiosis Bohemis & Hungaris in perniciem Reipublicæ Christianæ euocari fama est, veriti, non nisi ex tuâ proditoris sententiâ dignitati & saluti nostræ consulamus. Non ita acisæ nostræ vires sunt, & quamuis non adeò florente Reipublicæ statu, qualem Platonis finxit sententia, gloriemur; habemus tamen rationes tuendi iuris nostri; neque hætenus quisquam (absit dicto inuidia) impune nos lacessuit. Sed Poloni tuo iudicio horrendæ idololatriæ obnoxij commouere nos non debemus. Scio quid tu nomine idololatriæ cauilleris. Hæreticum est, & iam non nouum, Catholicos hoc nomine allatrare: sed vel ruptis licet inferni claustris ipse triceps prodeat Cerberus,



rus, latrare quidem poterit, Catholicam tamen Ecclesiam à Christo ita fundatam, ut ne portæ quidem Inferi quidquam in eam possint, erroris convincere non poterit. Quæ de statuum Regni nostri, pacis interregni tempore tuendæ causâ, factâ confœderatione in medium adducis; ea perinde ad externos quosvis pertinent, ut lyra ad asinum. Verborum, eæque leues, hætenus inter Catholicos, & eos qui diuersum ab ijs sentiunt, intercesserunt concertationes, de vi, de cæde numquam ne per somnium quidem cogitatum: verum tui muneris est hæc ipsa inculcare, & consentientes optimè Ordines falsis suspicionibus, quasi dato belli signo, inter se committere. Sed nihil agis furialis Aleæto, pacata sunt Polonorum ingenia, & licet interdum non idem sit omnium de religione sensus, omnibus tamen constant iura, amicitia, & fraternus amor. Id tu æquo animo pati non potes, ac ut & Regem & Senatores apud imperitum vulgus in suspensionem voces, multa clam fieri, non omnes Senatores ad consilium adhiberi, paucorum eorumque seditiosorum sententias exquiri, sceleratè fingis. Exemplum adfers superiori anno concessam facultatem Humanaio militis conscribendi, in scio, ut ais, Senatu; quem consultum fuisse, Regiæ literæ (quas te fraude surripuisse, cum talia consilia maioribus tantum Senatoribus communicari soleant, fatearis necesse est) à te typis excusæ testantur: nec est quod cauilleris, non ad omnes datas fuisse, cum nemo sit qui hoc nomine queratur. Quos autem seditiosos Senatores denotes nescio; eos fortè, qui, à tuis nefarijs consilijs cum alienum gerant animum, salutis & dignitati patriæ optimè consulunt. Verum non mirum à te Optimates nostros ita tractari, cum nec Regiæ Maiestati parcas, cum Regem officij sui lineas enormiter transilisse, iura Nobilitatis, permissâ Iesuitis bonorum coëmptione, grauiter læsisse, ab eodem ob religionem ius inæquabiliter dici, impuro ore blateres, dignus qui læsæ Maiestatis pœnas exoluas, quæ te Deo ipsi Regiæ dignitatis vindici exoluturum non dubites. Postremò dirum superiore anno arsisse cometam, Regum interitus & Regnorum mutationes portendentem; quiescendum igitur, & tantisper dum hostes communes nostri, maiores vires sumant, indormiendum ex astrorum signis mones. Alios ista terreant; nobis tu non persuaseris, ut tantoperè istis permoueamur, ac salutem publicam non à Dei potius voluntate, quam ab astris dependere persuaderi nobis patiamur. Non cometa, sed regnandi libido seditionis facem in Bohemiâ accendit, cuius qui futurus sit exitus, incertum est, nisi quod animus non temerè prælagit, optimæ causæ Deum perfidiæ ultorem non defuturum. Quis autem isthic primus induit arma? quis supremum Magistratum violauit? quis fidem datam rupit? quis denique alieni regni ius usurpauit? Notum est orbi vniuerso: nec excusationes Bohemorum, Cæsarem Ferdinandum non legitimo iure adepti regni, vel crudelitatis accusantium, tales sunt quæ perfidiæ notam ab illis amoliantur. Non nouum hoc Bohemis oppugnare Reges:



Reges; & vt vetustiora taceamus, à ducentis annis vix vnum vel alterum Regem Bohemię fuisse Annales testantur, qui non vel à subditis captus, vt Venceslaus Rex, vel non oppugnatus, vt Sigismundus Imperator, Ladislaus Alberti filius, Vladislaus Casimirides, (cuius filius Ludouicus ob non missa à Boëmis subsidia ad Bohacium concidit) Ferdinandus Imperator, Rudolphus, Matthias, postremò Ferdinandus, ritè iam coronatus. Infelicitasne sit ea gentis vt tales Reges habeant, cum quibus semper decertare necesse sit; an ij mores, vt facilè datæ fidei obliuisci non ingloriosum nec turpe existimetur, æquis censoribus iudicandum relinquo. Ad te finem scriptioni meæ impositurus redeo, quisquis es; si Silesius vel Bohemus, non miror quòd hostis noster cum sis, perniciosa consilia nobis suppedites, ac malè de nobis, iuribus nostris, & de domo Regià sentias. Si Polonus (quanquàm dubito vllum adeò malà mente esse, vt patria iura falsis argumentis conuellat) dignum censeo, qui proditionis conuietus, dignas pœnas scelere tuo luas.



DIS



## DISSERTATIO

## DE IVRE REGNI POLONIÆ

## AD RVSSICAS MOSCHOVITICASQUE DITIONES.

Suentoslai  
Kijouienſium  
Ducis filij



Quos Principi-  
patuſ geſe-  
runt?

Volodimirus  
caſis ſtatibus  
vicinos popu-  
loſ domat,  
Corſonum  
Imperator  
Conſtantino-  
politano eri-  
pit.

Volodimirus  
duodecim  
filioſ reliquit.

VENTOSLAUS Kijouienſium Dux, Iori & Orgæ filius, è Piecingis eiſ oræ quâ Danubius in Pontem influit populis, duos ex iuſtâ vxore Iaropelcum & Olgum, tertium Volodimirum ex concubinâ ſuſceptum, reliquit filioſ. Hunc circa annum Domini noningentefimum ſeptuageſimum primum Nouogrodenſibus petentibus Principem dedit; Iaropelcum Kijouienſibus, Olgum Pereſſlauienſibus præfecit. Sed Olgo à Iaropelco occiſo, Volodimirus vir magni animi, caſo itidem Iaropelco, vtriuſque fratris Principatum occupauit; ac vicinis populis Bulgaris, Croatis, Dulopijs, Iaſiſ, domitis, Corſonum Imperatori Conſtantinopolitano eripuit: mox Annâ Baſilij & Conſtantini Imperatorum, qui anno Noningentefimo ſeptuageſimo quinto regnare cœperunt, & per annos quinquaginta Conſtantinopolitanæ rei præfuerunt ſore, in matrimonium anno noningentefimo nonageſimo ductâ, ſimulque Chriſtianâ religione ſuſceptâ; reddidit. Is quoque Premyſſiam & Czeruenum arceſ Mieciſlao Regi Poloniæ eripuit. Cùm duodecim filioſ procreaſſet, viuens adhuc Principatum inter eaſ partitiſ eſt: fuerunt autem populi & vrbeſ, quæ in diuiſionem ceſſerunt, Kijouia, Nouogrodum, Poloſcum, Turouia, Roſtaua, Maromum, Dereui, Vladimiri, Torocanum, Smolenſcum, Pleſcouia, Volhinia. Cæterùm Patre mortuo, orto inter fratres bello, Suentopelcuſ Kijouiam, Glebo & Boriſſo fratribus dolo occiſiſ, occupat: mox ab Iaroſlao fratrum necem vlcifcente ſuperatuſ, & Kijouienſi Principatu eiectus, ad Boeſſlaum cognomento Chrobri Regem Poloniæ confugit. Is eâ occaſione ereptam Patri ſuo Premyſſiam recuperaturuſ, anno Milleſimo Octauo, fineſ Ruſſiæ ingreſſuſ, victo Iaroſlao, Kijouiam fame adactam, in ſuam poteſtatem redigit, & Suentopelco reſtituit: ac Iaroſlaum viribuſ recuperatiſ bellum inferentem, iterum proſſigat. In Kijouienſeſ parum ſyncerâ fide Suentopelco ipſo conniunte ſecum agenteſ, ac militeſ ſuoſ clâm trucidanteſ, animaduertit, urbem ipſam diripit, arcem communit, obſidibuſ acceptiſ, ac tribuſ in Boryſthene fixiſ columniſ regreditur victor.

Boeſſlaui  
Chrobri Iaro-  
ſlaui ad Bu-  
gum proſſigat  
anno 1018.

Anno Milleſimo decimo octauo idem Boeſſlauſ Iaroſlaum occupatâ Kijouia, bellum Poloniſ inferentem, ad Bugum ingenti prælio ſuperat: ac victor paciſ fert conditioneſ, tributumque imponit. Boeſſlao mortuo, cùm Ruſſi Iaroſlao & Mieciſlao Ducibuſ rebellaſſent; Mieciſlauſ

Rex



Rex Anno Millesimo vigesimo sexto, arma in eos sumpsit, ac interceptas quidem ab eis arces recuperavit; Iaroslauum tamen in ordinem non redegit, qui mortuo fratre, Monarchæ, seu Iedinowladec titulum primus usurpauit, ac potentiam auxit. Id Miecislai Regis, Rixæ vxoris imperio obnoxij, ignauia factum. Pulso demum cum Rixâ matre Casimiro, Russis diuturno interregno adeo animi creuerunt, vt penitus Polonicum Imperium excusserint. Casimiro deinde restituto, accisis Regni viribus, non armis, sed conditionibus cum Iaroslao rebeli transactum: ac vt pax firmior esset, Casimirus sororem illius matrimonio sibi iunxit, iusque auitum & paternum (auxilijs tantum contra omnes hostes pactis, quæ Iaroslauus contra Maslaum rebellem Casimiro tulit) affini remisit. Iaroslauus vniuersæ Russiæ Monarcha quinque filios reliquit, qui cum inter se de Principatu certarent, Isaslauus natu maior Kijouien- sis Dux pulsus à fratribus, ad Boleslai Audacis, Casimiri Monachi filij, cognati sui opem confugit: qui auiti iuris asserendi causâ, vltro eam occasionem arripiens, magno exercitu Russiam ingressus, Viaslao Poloscum fugiente, Kijouia spontaneâ deditione potitur. Poloscum per legatos in suam potestatem redigit, ac Isaslauum regnare iubet; hæc anno Millesimo sexagesimo nono gesta fuisse scribuntur. Mox pulso iterum Isaslao, iterum clienti fert opem Boleslaus, cæsis Russis, Kijouiam diutius obsessam, postremò vi capit. Isaslauum, imposito ei non tantum pecuniæ, sed rerum etiam omnium, ad victum cultumque corporis vectigali, Monarchiæ Russiæ præesse iussit. Is ex consilio Regis cognati inter filios, Regi fidem obstringentes, partitus Principatum, Stopelcum Polocensibus & Nouogrodensibus, Vladimirium Smolenscijs, Iaropelcum Vissogrodensibus præficit: sibi summo Imperio, & cum adiacentibus Prouincijs Kijouia reseruata. Exacto ob eadem Diui Stanislai Boleslao Audace, Russi penitus defecerunt; idque impunè ob quietum Vladislai Hermani ingenium. Anno demum Millesimo centesimo primo, Boleslaus iuuenis Criuouisti Russos Poloniam hostiliter ingressos fudit: & cum postea Zbitislauam Suentopelci, siue Stopelci, Kijouienfis Ducis filiam in vxorem accepisset, foedus cum Russis pepigit. Inuaserat Kijouiensem Principatum Vladimirus Iaroslai Vladimiriensis Ducis & Zbitislauæ Reginæ Poloniæ patruus; cuius insidias veritus Iaroslauus anno Millesimo centesimo decimo octauo ad Boleslaum affinem fugit: quem cum Boleslaus Vngaris in auxilium aduocatis restituere vellet, Anno Millesimo centesimo vigesimo tertio arma sumit: Iaroslauum cum septem millibus nostrorum præmittit: eoque minùs cautè hosti oblato cæso, Boleslaus Kijouiam obsidione cingit, & nonnisi donis & muneribus exoratus, pacem hosti dat, pactis contra quosuis hostes auxilijs; quæ cum sæpiùs imperaret, Russi anno Millesimo centesimo trigesimo quarto auctore Iaropelco Vlodimiri filio Kijouienfi Duce rebellant: hunc Boleslaus alijs interim bellis occupatus, astu Petri Vlostoicijs capit: & graui ære accipit.

Boleslao mortuo Russi rebellant, unde bellum cum eis gessit Miecislauus anno 1026. Iaroslauus Kijouie Dux Monarcha, seu Iedinowladec titulum usurpauit. Russi Polonorum imperia excusserunt. Casimirus Primus conditionibus cum Iaroslao transiit. & sororem eius in vxorem accepit. Iaroslauus Russiæ Monarcha quinque filios reliquit; qui cum de Principatu certarent, Boleslaus Audax Isaslauum aliquoties iuuat, & ius regni in Russiâ asseruit Kijouia in potestatem redactâ. Idem Boleslaus Isaslao tributum imposuit. Isaslauus imperium inter filios partitus. Pulso ob eadem S. Stanislai Boleslao Russi penitus defecerunt. Boleslaus Criuouistius Russos Poloniam hostiliter ingressos fudit, & post Stopelci Kijouienfis Ducis filiam in matrimonium accepit.



*Eiusdem cum  
Russis bella  
vsque ad an-  
num 1138.*

*Boleslai Crispi  
pro Isaslao  
conatus.*

*Distraeto di-  
uisionibus  
Chijouienfi*

*Ducatu Ha-  
licienfium  
potentia cre-  
uit.*

*Casimirus  
Iustus Miecif-  
laum Hali-  
cienfium Du-  
cem pulsum  
restituit.*

*Vlodimirus  
Halicienfium  
Dux fidem*

*Polonis iurat  
1185. & Casi-  
miro pugnan-  
ti suppetias  
fert 1190.*

*Idem fecit  
Romanus Vlo-  
dimiriensis  
Dux.*

*Victo & occi-  
so ad Zau-  
chofium Vlo-  
dimiro Lescus*

*Polonia Mo-  
narcha Colo-  
mano Hun-  
garia Regis*

*filio cum Sa-  
lomea sorore  
Halicienfe*

*Regnum do-  
tale dedit.*

*Pulsus Colo-  
manus, &  
restitutus à*

*Polonis, à  
Russis veneno*

*sublatus.*

*Daniel fictè  
eiurans schif-  
ma, à Legato*

*Sedis Aposto-  
licæ Regis ti-  
tulum obti-  
nuit, sed rur-*

*sus in errorem  
relapsus hostis  
Polonorum  
fuit.*

ære mulctatum, cum is in fide & clientelâ Regum Poloniae se fore iura-  
ret, dimittit; sed foedifragus Vngaro quodam Villiciam prodente, mul-  
tis hominibus caesis, vel captis diripit. Eum ulturus Boleslaus infesto  
agmine Russiam petit, ac longè lateque populationem extendit, mox  
inde fraude Russorum Haliciensium in insidias præcipitatus, ignaviâ cu-  
iusdam Palatini malè pugnat: circa Annum Domini Millesimum cen-  
tesimum trigessimum octauum, Boleslaus Crispus, pulsum Kijouienfi  
Principatu Isaslao restituere conatus, ob eius ignaviam re infectâ re-  
dit, Anno Millesimo centesimo quadragesimo septimo. Paulò ante hæc  
tempora distraeto Ducum diuisionibus Kijouienfi Principatu, Hali-  
cienfium potentia creuit; quorum Dux Mecislaus quasi nothus à fratri-  
bus Wseuoldo Betzensi & Vlodimiro Halicienfi pulsus, ad Casimirum  
Iustum confugit; qui magno prælio ad Haliciam Russis superatis, Me-  
cislaum fide ab eo acceptâ Haliciensibus præfecit, Anno Millesimo cen-  
tesimo octuagesimo secundo, magnamque partem Russiæ suæ potesta-  
tis fecit. Sed Mecislao non multò post veneno sublato, Vlodimirus ope  
Polonorum eiectis Vngaris, qui Haliciam interceperant, Principatum  
adeptus, iurauit fidem & obsequium Polonis, atque Anno Millesimo  
centesimo nonagesimo ex foedere Casimiro pugnantem præstò adfuit:  
quod & Romanus Vlodimirienfis Dux in Mosgauienfi prælio ex formu-  
lâ itidem foederis præstitit; ob quam causam Anno Millesimo centesimo  
nonagesimo septimo mortuo Vlodimiro, acceptâ prius ab eo fide, Ha-  
licienfibus à Nicolao Palatino Cracouiensi Lesci curatore præficitur.  
Sed dum immemor beneficii bellum Poloniae infert, ad Zauichostum  
victus & occisus est. Inde cum Lescus Colomano, Andreæ Regis Vn-  
gariæ filio, cum Salomea sorore Halicienfe Regnum dotale dedisset, is-  
que ab Episcopo Cracouiensi coronatus esset, Russi omnes externi Prin-  
cipatus & religionis odio in Colomanum conspirant, ac eum pellunt,  
regnumque auxilio Polonorum & Hungarorum repetentem vincunt,  
iterumque restitutum veneno tollunt, Daniele Romani filio rem stre-  
nuè gerente, qui postea quoque Halicienfe Regnum occupauit, ab Opi-  
sone Legato Sedis Apostolicæ fictâ schismatis eiuratione obtento Regis  
titulo. Sed Gracâ fide in errorem relapsus, religionis Christianæ hostes  
Lithuanos & Tartaros, quò Polonorum vires infringeret, ad infestan-  
dam Poloniam incitauit. Paulò antè Potoucij in Russos Tartaros immi-  
ferant, qui caesis duodecim vno prælio Russiæ Ducibus, totam pænè à  
stirpe gentem deleuerunt; eamque partem Russiæ, quæ in Septemtrio-  
nem & Orientem vergit, vectigalem fecerunt: quæ in eâ seruili condi-  
tione vsque ad Ioannem Moschouia Ducem, qui circa annum Domini  
Millesimum quadringentesimum septuagesimum nonum primus bar-  
baræ seruitutis iugum excussit, permansit. Cæteri Russiæ Duces, vel in  
noui Haliciens Regni corpus coaluerunt, vel Lithuanis adhæserunt:  
qui quondam Russorum humiles & abiecti serui, dominorum suorum  
clade



clade elati, & breui partâ potentiâ, primò quidem cum Russis initâ so-  
 cietate, Suarnone & Mendaco (hic ille est qui mentirâ Christianâ fide  
 Rex Lithuaniae est renunciatus) ducibus, maxima damna nostris, contra  
 quos (Russorum, in nomen & religionem Polonam capitali odio flagra-  
 tum, persuasionibus) euocati erant, intulerunt. Zemouitum Ducem  
 Masouiorum cum Conrado filio interfecerunt. Sed cum à Polonis for-  
 titer reprimerentur, Russorum paulò antè socij in eosdem arma vertunt;  
 & partim spontaneâ concessione, partim vi, Kijouiensem, Nouogroden-  
 sem, in Seueriâ Kiernouiensem, Lucensem, Vladimiriensem, Branscen-  
 sem, Polocensem, Vitepsensem, aliasque vicinas Russiae prouincias sub-  
 iugant. In eo rerum statu cum florentissimum quondam Russiae Impe-  
 rium versaretur, Haliciensum regnum, Leone Danielis filio steriliter è  
 viuis sublato, ad Troidemi Masouiorum Ducis filios, Mariâ sorore Leo-  
 nis genitos, deuenit: quorum maior natu Boleslaus aditâ secundum  
 auunculi mortem hereditate, cum fraude Russorum vno religionis no-  
 mine ipsis inuisus, dato veneno extinctus esset; frater ipsius similem ve-  
 ritus casum, in Casimirum Regem, acceptâ ab eo terrâ Belzensi, ius he-  
 reditarium transfudit: cuius prae-textu ille vetustum ius Poloniae assertu-  
 rus, Anno millesimo trecentesimo quadragesimo, meridionalem Rus-  
 siam totam armis subactam, in formam prouinciae redegit. Et cum reli-  
 quam Russiae partem Lubartus Gedimini filius dotis prae-textu vsurparet,  
 idem Casimirus Anno millesimo trecentesimo quadragesimo nono, eie-  
 ctis Lithuanis recuperauit; ac cum Rege Hungariae, vt titulo Russiae  
 deinceps abstineret, transegit. Certatum deinceps vario euentu cum Li-  
 thuanis de Russiae possessione, post mortem Ludouici Regis proditione  
 Hungarorum, quos in praesidijs arcium Ludouicus reliquerat, ad Li-  
 thuaniae Duces translata; donec adscitus in regnum Vladislaus Iagiello,  
 in cuius coronatione feudales Russiae Duces, nimirum Nouogroden-  
 sium, in Seueriâ Kiernouiensium, Lucensium, Vlodimiriensium,  
 Branscensium, Kijouiensium, Regi, Reginae Hedvigi & coronae  
 Regni Poloniae fidem & obsequium iurarunt. Id attestantur com-  
 plura diplomata in Archivo Cracouiensi, quorum indices infra re-  
 ferentur. Mox à coronatione missus à Rege Vitoldus, Poloscum & Smo-  
 lenscum in potestatem Regis redegit. Anno deinde millesimo trecente-  
 simo nonagesimo secundo, Theodoro Duci Vladimiriensi, Iagiello Rex  
 Poloniae Seueriensium Ducatum, acceptâ ab eo fide quod in potestate  
 Regum Poloniae mansurus esset, attribuit; missoque Vitoldo, Orsam &  
 Vitepscum recuperat, ac Odruscensem & Smolenscensem Ducem in fi-  
 dem recipit. Postremò Glebum Ducem Smolenscensem, sæpius rebel-  
 lem, Magistratu mouet, & cum Basilio Moschouiae Duce amicitiam cō-  
 trahit; cuius nomen circa hæc ferè tempora, obscurum antea, innotef-  
 cere cœpit. Nam non multò post, idem Vitoldus recepto prius Anno  
 millesimo quadringentesimo tertio Smolensco, Anno millesimo qua-  
 dringente-

Lithuani ma-  
 gnâ parte  
 Russia po-  
 tiuntur.

Haliciensum  
 regnum ad  
 Masouiae Du-  
 ces deuolutū,  
 quorum vnus  
 illud Casimi-  
 ro Poloniae  
 Regi concessit.

Casimirus  
 Polonia Rex  
 Russiam in  
 formam pro-  
 uincia redegit.

Inter Polonos  
 & Lithuanos  
 de possessione  
 Russiae certatū  
 eam post mor-  
 tem Ludouici  
 Regis Hunga-  
 ri ad Lituanos  
 transferunt.

Vladislao Ia-  
 gielloni Russiae  
 Duces fidem  
 iurarunt.

Moschouia  
 Ducis nomen  
 clarescere cœ-  
 pit.



dringentesimo sexto superato flumine Vgrâ , in Moschos vnâ cum Zbigneo Brzezio Marschalco Regni, ac multis Polonis expeditionem suscepit : & abactâ prædâ , iterum anno sequenti vsque ad Occam fluuium populabundus peruenit , Rozanensemque ditionem populatus , conditiones pacis Basilio Moschouia Ducis dedit. Eo tempore Branscum , & Starodubum arces in Seueriâ, Suidrigelo beneficio Regis Vladislai tenebat : neque enim eâ tempestate dubium erat Regis Poloniae in illas gentes imperium ; quod Iagiello matre Mariâ Tuerensium Ducis filia genitus, ipse postmodum Sophiâ, Kijouienfis Ducis filia & vnicâ reliquâ superstitite, vxore ductâ, susceptis ex eâ filiis, tantò magis quæsitum dudum olim Boleslaorum labore Regno Poloniae ius, sibi posterisque suis firmauerat. Vitoldus verò aliquoties infestis armis terrorem nominis sui in eas partes ita pertulit, vt ipsi Nouogrodenses, liber & immunis Russiae populus, maximis viribus & opibus pollens, pacem mercari, ac ingentibus donis victorem placare coacti fuerint. Sed enim Vitoldo Duce & Vladislao Rege Poloniae fatis concedentibus, neglecta admodum res Russica fuit, dataque occasio nascenti tum primùm Moschouiae Principum ambitioni, noui proferendi imperij. Nam Vladislaus Iagellonides in ipso ætatis flore, felicissimis successibus Poloniae & Vngariae regnum adeptus, ad domandos Turcas animum adiiciens, vt cætera alia, ita curam in Septemtrionem vel retinendi vel proferendi imperij intermisit. Casimirus item frater ipsius dum pænè eodem consilio, Hungaricum & Bohemicum regnum, hæreditario vxoris suæ iure asserere, illudque in filios suos transferre nititur; magnâ auitæ ditionis iacturâ fecit. Nam Ioannes Moschouiae Dux, eo potissimùm imperante, Anno 1471. excusso iugo Tartarico, occupato inprimis & omnibus thesauris spoliato Magno Nouogrodo, partisque ingentibus opibus, Vladimiriensem, Ioroslauensem, Tuerensem, Mosaiscensem, Sudalscensem, Pscouiensensem, Rosanensem, ac magnam partem Seueriensis Ducatus, partim dolo, partim vi, nonnulla etiam falso successionis nomine, interuertit ; & patrimonium quondam Regni Poloniae, Magnique Ducatus Lithuaniae, maiorum sanguine partum, ad se transtulit. Idem quoque postea Alexandro Rege ( cui filiam suam matrimonio iunxerat ) rerum potiente, immemor affinitatis, Anno millesimo quingentesimo Drohobusum, Toropetum, Biallam, Branscum genero abstulit ; agrumque Smolenscensem populatus est, Seueriensisque Duces leui de causâ Regi offensos, & iam antea suis ditionibus à Moscho exutos, in suam fidem ( cui mox illi sanguine litarunt ) recepit. Cuius filius Basilius Anno millesimo quingentesimo decimo tertio, Smolenscensem arcem longâ obsidione fatigatam (proditionem Gliriscio proditore, Russis qui in præsidio arcis erant suadente, fraude dedentibus) cum præsidiarijs interceptit : & procul dubio vlteriùs promouisset arma, nisi Sigismundus Primus, felicissimo ad Orsam prælio, tot millibus Moschorum cæsis, incensum regnandi libidine ambitiosi hominis

*Vitoldi contra Russos progressus.*

*Vladislao Iagellonide ad domandos Turcas & Casimiro fratre eius ad asserendum regnum Hungariae & Bohemiae intento noui Moschouiae Duces magnam Russiae partem ademerunt.*

animum



animum compressisset; atque ad petendam deinceps pacem coëgisset.

Et ex his quivis facile colligere potest, quàm vetusto iure regnum Poloniae Russiae terras sibi subiectas habuerit, & quibus vicissitudinibus legitima possessio interrupta fuerit. Quae omnia abolita fuisse, Russiamque uniuersam iterum in ius potestatemque regni, deditioe eorum, qui Iagiellone Rege Regiâ dignitate aucto coronae Regni Poloniae se adiunxerunt venisse, infra adscripta diplomata sufficienter conuincunt. Cum enim probè nossent maiores nostri, Patrimonium Reipublicae Russiae Ducatus, qui olim bello & successionibus parti, imperio Regum Poloniae subiecti fideque & obsequio obstricti erant: partim Ducum quorundam secessione, partim Lithuanorum, qui excusso iugo seruitutis, eos, quibus olim tributum pendebant, in suam potestatem redegerant, vi & potentia, iniquissimis Reipublicae nostrae temporibus à reliquo Regni corpore auulsos, & abstractos fuisse, eâ conditione Vladislauum Iagiellonem Hedugis haeredis Poloniae regium connubium, & regnum ambientem votis potiri permiserunt, ut ea quae tunc in potestate ipsius fuerunt, regno restitueret, ac suas insuper ditiones in vnum Reipublicae corpus coalescere pateretur. Hinc Octo Duces Lithuaniae in ipso Coronationis Regiae actu Regi, Reginae, regno, fidelitatem iurant: hinc ea rata fore vades dati Duces Vitoldus, Skirgello, Fieodor, Luchardi Dux Lucensis, cuius rei testimonia extant, literae eorundem Ducum, qui hoc, ut vocant, obstagium in se recepisse agnoscunt.

Ac praeterea Demetrius Koributh Vladislao Regi, & Hedugis Reginae, & Coronae Regni fidelitatem pollicetur, & se regno vnit. Datum in Lucko die B. Seuerini Anno millesimo trecentesimo octuagesimo sexto. Idem alio diplomate hoc idem spondet Anno millesimo trecentesimo octuagesimo octauo.

Skirgello Dux Lithuaniae Vladislao Regi & Hedugis Reginae ac Coronae regni Poloniae homagium praestat, fidem & obedientiam pollicetur; semper se adhæsulum regno cum castris & possessionibus, & si sine prole decesserit, ditiones suae ad Coronam regni pertinebunt, ita tamen ut liceat sibi Ecclesiae contribuere. Datum in Lida feriâ terciâ post festum B. Viti, Anno millesimo trecentesimo octuagesimo septimo.

Alexander, alias Wigmont, Dux Kijouiensis, Vladislao Regi & Hedugis Reginae, ac Coronae Regni fidelitatem promittit, se & terras suas, regno Poloniae perpetuò subiecit. Die Inuentionis sanctae Crucis Anno millesimo trecentesimo octuagesimo octauo.

Simeon Laguni, post commissam sibi à Rege Vladislao magnam Nouogardiam, promittit Regi, ac regno cum omnibus subditis suis fidelitatem, Anno millesimo trecentesimo octuagesimo nono.

Simeon Iurgiewiez Dux Vladislao & Hedugis ac Coronae regni Poloniae homagium fidelitatis praestat, ac se regno incorporat. Datum Sandomiriae



domiriæ in octauâ Resurrectionis Domini Anno millesimotrecentesimo octuagesimo nono.

Idem datus hominibus de magnâ Nouogrod in Tutorem & Gubernatorem, Vladislao Regi & Heduigi Reginæ, ac Coronæ regni Poloniæ se adhæsurum perpetuò pollicetur. Sendomiriæ die Dominico Conductus Paschæ Anno millesimo trecentesimo octuagesimo nono.

Vitoldus Dux Lithuaniae, indultâ sibi à Rege culpâ rebellionis; ac restituto sibi patrimonio per Vladislaum Regem, conformat se voluntati ipsius, Heduigi Reginæ, & Coronæ regni Poloniæ se cum omnibus bonis suis subijcit. Datum in Ostrowo die Sancti Dominici Anno millesimo trecentesimo nonagesimo tertio.

Anna Ducissa Lithuaniae pro Alexandro Vitoldo marito suo, Reginæ Heduigi cauet, eum omnia impleturum, quæcunque Vladislao Regi & regno promisit. Datum in Ostrowo die. vt suprâ.

Theodorus Dux Vlodimiriensis, fatetur se terram Seueriensem à Vladislao Rege & Heduigi Reginâ & Regno Poloniæ ac Principatu Lithuaniae ad gubernandum suscepisse; promittitque se Regi & regno adhæsurum. Datum Vislicia feriâ sextâ post octauam Ascensionis Anno millesimo trecentesimo nonagesimo tertio.

Est præterea diploma Ruthenico idiomate scriptum cum hac annotatione: Quinque Duces Russiae Regno Poloniæ fidem suam obstringunt.





## STANISLAI ZOLKIEVII

GENERALIS EXERCITVVM REGNI POLONIÆ

D V C I S

*De bello Turcico Epistola deliberatoria,  
ab Auctore in Latinum versa.*



SIGILLVM Regni monile à Regiâ Maiestate Vestrâ fidei meæ concreditum, nolui committere huic periculo; ad quod subeundum non inuitus accingor. Explicauit alijs literis causas, cur omissis tutioribus fortiora consilia amplectar. In hoc Reipublicæ statu plerisque omnia in deterius interpretantibus, & obstinato animo recta consilia damnantibus, aliter fieri non potest. Priuati quoque mei respectus eam mihi necessitatem imposuerunt, opprobria, detractiones (ad ferendum vel magnis animis molestissimæ) passim contra meam culpam in me iactatæ. Nunc etiam nisi Valachis petentibus suppetias ferrem, daretur occasio sermonibus maleuolorum quibus ego potissimum peterer. Eò res deuenit; vt aut (quod Deus largiatur) vinces hos, vel (quod auertat) ille nos vincet. si (quod absit) aduersa Reipublicæ fors ceciderit, nolo superstes esse: diu id iam in votis mihi fuit, & volens extremum subibo fatum, pro fide sanctâ Catholicâ, pro Maiestate Vestrâ, pro Republicâ, licet ab hac laborum & periculorum eius causâ susceptorum gratitudinis loco opprobria retulerim; non possum tamen nisi optimè cupere Patriæ meæ. Eorum quæ optimo animo à me facta sunt, præmium in cælis me consecuturum confido. Quod si, vt spero, Deus nostris contra hostem conatibus fauerit, ad minus mordaces peritiorum linguæ conticescent. Hæ sunt præter alias causæ, cur hoc consilium secutus sim, vniuerso consentiente exercitu: reliqua quæ euentura sunt, secreto Dei arcano continentur. Habes, Serenissime Rex, Domine mi, magnum negotium. Bellum cum Turcis non est ludus. Vel Turcarum conatus, qui ad nostræ Reipublicæ & totius orbis imperium adspirant, refrenandi sunt, vel tibi, si (quod absit) Respublica perierit, regnum amittendum. Hic, Serenissime Rex, oportet intendas vires animi & ingenij tui. Non desunt, fauente Deo, in hoc amplissimo regno rationes, modò eas amplecti velimus, his periculis obuiam eundi; sunt facultates tanto bello sustinendo pares. Argumento sint superioribus annis in vno panè momento tot milliones pecuniæ coaceruati, quibus à milite fœderato Rempublicam eliberauimus: præter extortam



ab ijs annonæ & victus nomine à subditis magnam pecuniæ partem. Huius tamen tam ingentis exactionis nulla in Russiâ signa apparerent, nisi in locum eius perpetuæ Tartarorum illius prouinciæ populationes successissent. Tantò magis nunc cùm agitur de extirpatione cultus Dei nostri, id quod barbari intendunt, agitur de incolumitate & salute Reipublicæ, de libertate; denique cùm omnia quæ unicuique cara sunt in discrimen vocantur, non est parcendum fortunis & facultatibus. De modo & ratione huius belli gerendi iure meo dicere possum, me diuturnâ experientiâ aliquid assecutum esse: legi multa, in promptu habeo exempla plurima: possem aliquid consilij adferre, sed res non est eius epistolæ, tantæ molis minimè capax, præsertim cùm in conspectu sit hostis, & ego in ipso discrimine plura scribere non possim. Dico simpliciter, si Respublica Patria mea carissima, defensiuo bello intra fines Regni, idque viritim imperatâ publicâ expeditione, eaque legibus in Conitijs Electionis Henrici Regis circumscriptâ, Turcicum bellum sustinere decreuerit, actum est de nobis, perijmus. Quòd si hostem, ditiones eius ingressi, adoriemur, & infestabimus; non est desperandum de victoriâ. Et quis scit an non is modus sit, quo Deus decreuit de hac barbarâ & abominandâ gente, pœnas sumere, & Christianos è turpi liberare seruitute? Mentionem fecit Illustris Dominus Palatinus Posnaniensis, in scripto typis euulgato, me viuente Rege Stephano conscius fuisse secreti consilij, de bello, quod ille Rex contra Turcas meditabatur, communicatis cum Sixto Quinto Pontifice Maximo, & Philippo Hispaniarum Rege consilijs; Moschos quoque per Ioannem Petri Suyscium, arcanis practicis plerosque suis conatibus fauentes effecerat. Poloni (quantum mihi scire licuit) quatuor tantum eius consilij conscij fuimus. Nondum ea destinata ita maturuerant, vt Regni Ordinibus communicari & proponi possent; mors deinde Regis Stephani omnia hæc dissoluit. Ita tamen inter socios belli conuenerat: Rex Stephanus cum Terrestribus, Dux Parmensis cum naualibus copijs in Græciâ ad Hellespontum, siue Archipelagus, conuenirent, viresque coniungerent ac simul terrâ marique hostem oppugnarent. Per Valachiam nostris finibus vicinam propterea Rex Stephanus exercitum ducere nolebat, quòd vereretur ne ab hoste, ripam Danubij tenente, transitu prohiberetur: quod nobis nunc minimè timendum; cùm tot Cosacos naualis rei peritos, qui Danubio cymbis constrato exercitum traducere possint, habeamus; quorum illo tempore vix centesima pars erat. In summâ is belli gerendi modus, ea vnica via salutis. Concludo hanc epistolam, tibi que Serenissime Rex, Dominem, valedico. Conscius mihi sum, idque ad Tribunal Dei mox compariturus, confirmo, me fideliter & syncerè Maiestati Vestræ seruiuisse: si quâ in re (homo enim sum) id quod debui non præstiti, veniam det mihi Maiestas Vestra, & filium meum, si fortuna belli ei pepercerit, Regio patrocinio complectatur. Deus Optimus Maximus Maiestatem Vestram

*Sixti V. Pontificis Maximi de inferendo Turcis bello cum Stephano Polonia Rege consilium.*



Vestram seruet in longæuum tempus, ad propagandam gloriam nominis sui, & Rempublicam hanc augendam; denique Maiestatem Vestram sanctam vitam, participem faciat æternæ beatitudinis, ubi ipse viuit & regnat cum Filio & Spiritu sancto verus & æternus Deus. Bari in ipsâ ad ipsum exercitum profectio, die vigesima quinta Augusti Millesimo sexcentesimo vigesimo.

Maiestatis Vestrae fidelis consiliarius, & humillimus seruator, Stanislaus Zolkiewski Cancellarius & Supremus exercituum Regni Capitaneus.

## EPISTOLA,

*Narrationem belli Turcici ad Chocimum gesti continens, ad GREGORIUM XV. Summum Pontificem, nomine SIGISMUNDI III.*

*Polon. & Sueciae Regis scripta.*

**C**UM dubijs & aduersis rebus meis regnorumque meorum periculis, quæ ob illatum mihi à communi Christiani nominis hoste Turcâ bellum imminebant, Sanctitatem Vestram summo perè de me fuisse sollicitam satis compertum habeam; ad illam etiam imprimis de præsentis rerum mearum statu referre volui: Magnum id equidem fuisse periculum, & maius reliquis omnibus, quæ vnquam Respublica Christiana sustinuit, facile quivis ex eo collegerit, quod in perniciem meam, vel potius totius Europæ, duo potentissimi hostes Turca & Tartarus, ambo ingentium exercituum Imperatores, & debellati orbis terrores, vno eodemque tempore conspirauerint, vires coniunxerint, copias omni apparatu bellico ac eâ militum multitudine, quam nunquam hætenus Europa vidit, instructas, finibus ditionum mearum admouerint; eo animo, vt vno impetu, quasi nemo illis esset repugnaturus, omnia sub suam potestatem redigerent. Fateor, Beatissime Pater, me expensâ periculi magnitudine, meritò initio addubitalle, an solius regni mei viribus, vel primum hostis impetum sustinere possem. Videbam tot Reges, tot Imperatores ab eo hoste longè minoribus copiis cæsos, victosque, vel certè turpi conditione pace redemptâ acerbissimum barbaricæ seruitutis iugum subiisse. Caterum cum semper eâ voluntate fuerim, vt optarem, vel capitis mei periculo, omne Catholicæ religionis & communis salutis discrimen excipere; eo animo venienti inimico obuiam eundum decreui, vt ille intelligeret rem sibi esse cum eo Principe, qui & superbi hostis minas contemneret, & armati potentiam non reformidaret. Exercitu itaque comparato, Ducibus ijs, quorum præclaram sæpius in re militari virtutem expertus fueram, mandavi vt in hostem ducerent: filium etiam meum Principem Sigismundum Vladislaum, summo cum imperio ad exercitum misi: ipse denique aduocato



Procerum regni consilio, comitijsque eius rei causâ indictis, vniuersis regni ordinibus adnitentibus, bellum totis viribus gerendum decreui. Maturauerat hostis aduentum suum, eâ vsus celeritate, vt non modò vsurpatæ à Tureis profectionis morem non obseruauerit; verùm etiam famam ipsam, nuntiosque omnes prauenerit. Id ita fore suspicati Duces mei, inuocato Dei nomine, exercitum Catholico more lustratum expiatumque, transmisso fluuio Tyrâ, qui meas hostilesque ditiones dirimit, in hostico collocarunt, castra, loco ad arcendum hostem peropportuno posuerunt, eaque vallo & aggere munierunt. Vix crediderat hostis suis nostrorumque viribus expensis, nostros vel comparere ausos, falsoque sibi renunciari existimabat, eos ultro obuiam processisse: cæterùm cùm in conspectu vterque esset exercitus, quasi destinatam sibi prædam conspicati barbari, ita clamore excitato in exercitum meum impetum fecerunt, vt non nisi victoriâ potiti pedem relaturi viderentur. Sed enim ea fides, constantia, & virtus meorum militum fuit; vt non solùm vanam barbarorum vociferationem contempserint, verùm patefactis portis temerè subeuntes, pecudum instar ceciderint, longè à vallo submotos, fugientesque in castra compulerint, cadaueribus hostium campos interiacentes strauerint. Irritauit ea res barbari iuuenis bilem, vt in eos quidem qui loco cesserant acerbissimis sæuiret pœnis, alios verò propositis ingentibus præmijs ad capeffendam pugnam alliceret: sed factò sæpius eius rei experimento, totiesque magnâ strage repulsis, & toto campo palatis Turcis cùm appareret copijs tantùm eos superiores esse, cæterùm vbi ad arma ventum fuerit, & virum viro contuleris, non animo, non armis, non arte belli, non vigore aut viribus corporis parem Polono esse Turcam; ad alias conuersus artes barbarus, atque quò nostros eâ quâ abundabat multitudine circumueniret, longiùs à castris protrahere conabatur. Sed is quoque patuit dolus, nostri enim gnari quò hostiles tenderent conatus, explicatis sub vallo copijs, pugnae aleam se subire paratos esse ostenderunt. Ita cùm hostes sæpius fusi fugatique propiùs accedere nollent; & nostri vicissim non nisi sub ipsis castris armatam explicatamque aciem tenerent, leui deinceps certamine res acta. Ad extremum fessi hostes, & spe deiecti, cùm quotidie suos non in acie modò cadere, sed ex diuturno castrorum situ vulgatis passim morbis absumi, meque vniuersâ Nobilitate excitâ in itinere esse cernerent, primi per internuntios pacis mentionem fecere; superbis primò, vt barbarorum mos est, propositis conditionibus; mox ijs acceptis, quas eius rei causâ ab Ordinibus Regni destinati bellici Consiliarij tulerunt. Is exitus fuit tantorum conatuum, quibus barbaries vniuersa in perniciem meam, regnorumque meorum hoc anno incubuerat. Recepit se Turcarum Imperator priorque ex campo (hæc enim vna ex conditionibus latis erat) suas subduxit copias; amissis præcipuis quibusque militibus, & belli Ducibus, amisso aut corrupto belli apparatu, victo similis. Sed ego Diuinum recolo



recolo & agnosco patrociniū, Deo salutē partam me debere profiteor. Scio me plenam non consecutum victoriam, sed tamen id adeptū quod hactenū Principibus Christianis in votis fuit: vt tantus hostilis apparatus frustra esset, & ambitiosis inflatus victorijs, tandem vincere dedisceret, atque ne palmo etiam terrā ē meis ditionibus adempto arma deponeret. Neque scio an in præsenti rerum Christianarum statu magis id optabile non fuerit, quā ipsā potiri victoriā: non enim is est Turca, qui semel victus vires resumere non possit: non armis, sed sæculis vincendus est. Eius rei documento esse possunt vel Romani Imperatores, de Hungariā cum illo ambiguo semper Marte certantes, vel potentissimi Persarum Reges tot iam sæculis dubio euentu bella cum eo hoste gerentes. Descendissem ego in certamen socialium virium fiduciā, sed quā eā dubiā, quā incertā sint, quā periculosē ijs credi possit, animaduertit Sanctitas Vestra. Ardet internecino bello Germania vniuersa, ac Hungarię Bohemięque vicina regna. Serenissimus Imperator Romanorum, cognatus & affinis meus, ita domesticis distinetur armis, magis vt ipse auxilio egeat, quā vt alteri opitulari possit. Cæteri Principes Christiani, vel à nobis imminentique ditionibus nostris periculo remoti, vel priuatis bellis occupati, nihil certi pollicebantur. Sanctitas Vestra ipsamet tot periclitantis & penē labentis Reipublicę Christianę distracta curis, quantum præstare posset, iam antea mihi declarauerat. Continuis præterea bellis, & acceptā superiori anno clade, vires regni mei accisę; in comparando quoque nouo exercitu, bellicoque apparatu ita exhaustę erant, vt maioribus ijsque diuturnis expensis minimē sufficissent. Ab alterā parte Suecus perduellis meus, Hæreticus, idemque Turcarum iuratus socius, traductis per mare copijs, Liunioniam iuris Polonici prouinciam hoc ipso tempore infestabat: demum à rebellibus Cæsareis, ijsdemque Catholici nominis hostibus, Hungaris, & Bohemis, omnia suspecta erant. Pacem itaque pacisque conditiones à meis præscriptas, & à Turcā acceptatas probaui. Factum meum is reprehēderit, qui à periculo remotus, alieno discrimine famam fortitudinis captare vellet. Sanctitatem Vestram non dubito in optimam partem accepturā pro publicā salutē sollicitudinem meam, & eam quam secutus sum conseruandi mei regnorumque meorum status, consiliorum rationem. Filius meus Princeps Vladislaus, ita in hoc bello versatus est, vt eius virtus hostibus ipsis admirationi fuerit: hæc sunt Regiæ eius indolis rudimenta, hæc heroici animi facinora; quæ ille tot iam bellis exercitatus, & ad virtutem formatus, Reipublicę Christianę & imprimis Catholicę religioni iuuandę, deinceps deuouet. Hunc ego ex me natum, ijs eruditum monitis, quæ ad salutem publicam curandam pertinent, præceptis paternis obsequentem, & nomini Catholico deuotum, Sanctitati Vestrę tanquā communi parenti filium commendo. Viuat in sinu Ecclesię sanctissimisque Sanctitatis Vestrę benedictionibus cumulatus, totum se publicę



publicæ vtilitati impendat. In eam spem & reliqua mea succrescit soboles, & ego ipse quâ mente iuuenis fui, & nunc prouectâ ætate idem sentio; dulce, decorum, & optabile esse pro religione Ecclesiæque Catholicæ mori. Eâ voluntate vt reliqui quoque Principes Christiani sint, consentientibusque studiis ad salutem communem tuendam incumbant, ego & opto inprimis, & me, quotiescunque res poposcerit, & securæ sacri fœderis proponantur conditiones, si non ducem, socium certè rei gerendæ fore polliceor. Quod reliquum est me, regnæque mea gratiæ Sanctitatis Vestræ diligentissimè commendo.

*Imperatori Romanorum FERDINANDO II. de eodem bello relatio, facta à SIGISMUNDO III. Polonia & Suecia Rege.*

GRAVIS quædam periculosissimi belli tempestas, & proximè superiori & hoc anno incubuerat regnis ditionibusque nostris, vniuersâ propè barbarie ad inferendum nobis bellum conspirante. Iam antea certiore feceramus Maiestatem Vestram, quantum ex eo nobis, quantum deinceps vniuersæ Reipublicæ Christianæ impenderet periculum, cuius etiam admonueramus præcipuos quoque Christianos Principes. Atque vtinam nostra ad extinguendum commune incendium, apud omnes, eum quem deberet habuisset locum cohortatio, iam dudum ij qui Maiestati Vestræ rebelles sunt, positis armis ad officium rediissent: & si cæteri Principes ad animum reuocassent, dum nos bello petimur, ijs quoque par mox imminere supremi exitij & barbaricæ seruitutis discrimen, Turcicæ res temeritate huius, qui nunc isthic rerum potitur, si maturè & seriò id à reliquis Principibus Christianis animaduersum fuisset, fatali periodo succubuissent. Scimus Maiestatem Vestram toto hoc tempore fraterno affectu sollicitam fuisse de statu nostro: nam hoc coram eo qui legationis munere nostro nomine apud Maiestatem Vestram nuper functus est, & sæpè per internuntios literasque declarauit: & procul dubio omnia quæ à supremo rei Catholicæ Præsidente in tali rerum statu expectari poterant, auxilia Maiestas Vestra præstitisset, nisi ob domesticorum perduellium arma, eam curam quam publicæ saluti debet ad priuatum statum dignitatemque tuendam referre coacta fuisset. Nos itaque deserti ab omnibus, solius huius regni viribus, ingentis huius & periculosi belli molem sustinendam suscepimus, & Deo nobis opem ferente sustinui-  
mus. Quantis viribus iuratus Christiani nominis hostis nos aggressus fuerit, quàm ingentes exercitus finibus nostris admouerit, vix ij credent qui remotiores sunt: Maiestati Vestræ ea res ignota esse non potest, cum internuncius Maiestatis Vestræ, qui in aulâ Constantinopolitanâ versatur, magnam partem earum copiarum ac bellici apparatus viderit. Tantus certè fuit exercitus quantum hætenùs trecentis istis annis, ex quo Ottomanica potentia Christianis innotescere cœpit, vix vnquam Europa viderit,



derit, idque vel ex eo conijci potest, quod duo terrores orbis Turcarum & Tartarorum Imperatores in vnum coierint, exercitus coniunxerint, & amplissimas ex totâ barbariâ collectas vires, Valachicis Moldauicisque auctas copijs in vnum contulerint. Contra tantam vim & truculentos immanium hostium conatus, nos vicissim primo verè comparatum exercitum, maturè expediimus, viribus quidem & numero longè minorem, sed ad omnem subeundum casum animo parem. Ac vt & subditis nostris & vniuerso orbi constaret, nobis in tali casu nihil antiquius fuisse publicâ salute; filium nostrum Serenissimum Principem Sigismundum Vladislauum, Maiestatis Vestræ sororium, ad subeundum primum discrimen belli morandosque hostiles successus, & vt nostro nomine exercitui præflet misimus, ipsi subinde vniuersâ Regni Nobilitate viritim euocata subsecuturi. Cum verò ij quibus secundum filium nostrum cura exercitus à nobis mandata erat animaduertissent, hostem celerius quàm quiuis suspicari potuisset traiecto pontibus Danubio Valachiam exercitibus suis, vt in fines nostros erumperet, impleuisse, ipsi quoque Tyrâ fluuiio, qui nostras, Turcicasque ditiones dirimit superato, loco satis tuto & opportuno castra, quâ hosti Cameneciam oppugnaturum transeundum erat, posuerunt, eaque vallo modico fossaque cinxerunt: eo animo vt vel pro castris explicatis copijs pugnae copiam hosti facerent, vel si maior vis ingrueret intra munitionem, (intra quam etiam Chocimum, arcem exiguam illam quidem, sed naturâ propè inexpugnabilem, quæ antea iuris Turcici fuit, receperant) se continerent. Et hostis nihil moratus vltimis Augusti Mensis diebus, castra sua nostris admouit, victoriæque & prædæ certus, vniuersis copijs ea oppugnare adorsus, tantâ mox acceptâ calamitate à nostris reiectus, & in sua castra repulsus est; vt promptissimo quoquo è suis amisso animaduerneret, cū viris fortibus rem sibi esse. Cumque iterum & deinceps sæpius, vt mos barbaris est, assultibus terreret nostros, neque tamen iustâ acie decertare vellet; postremò quadraginta & aliquot dierum continuis, ijsque non leuibus, velitationibus fatigatus, plurimis & in oppugnatione castrorum campestribusque congressionibus, & fœdâ quæ exercitum barbarorum inuaserat lue amissis, speque eâ, quâ & exercitum nostrum vno impetu se deleturum, & finitimas regni nostri munitiones expugnaturum superbè crediderat, deiectus, primus per internuntium vt vtrunque suspensis armis de pace ageretur poposcit. Audiuerat iam nos in itinere esse, & eum quem vniuersâ Regni Nobilitate excitâ paraueramus ducere exercitum; quæ res ne à nostris qui in Castris erant sciri posset, interclusis omnibus itineribus curauerat. Itaque ij qui neque de aduentu nostro certi aliquid comperit habebant, & licet iam in itinere nos esse suspicabantur, seriùs tamē nos venturos sciebant, cū hostis eas quas nostri ferebant, & quibus hactenus inter Poloniae Reges Turcarumque Imperatores pax stetit, acceptaret condiciones; & cū denique à nobis & vniuersis Regni Ordinibus



nibus id ij quibus summa rei commissa erat, in mandatis haberent, ne in præsentis rerum statu oblatam pacem aspernarentur; fecerunt id nobis quidem inconsultis, ut satis æquis conditionibus cum hoste transigerent: ea inter alias adiecta, ut hostis, ne pax extorta videretur, prior castra moveret, exercitumque abduceret. Itaque die nonâ Octobris ambo Turcarum & Tartarorum Imperatores, pactis iureiurando confirmatis, abducto exercitu è conspectu nostrorum abierunt. Neque sanè nos existimamus quenquam benè sensatum, & præsentis status totius Christianitatis gnarum improbatum hoc consilium à nostris susceptum, & per nos comprobatum: id enim reliquum erat, ut etiam si noster exercitus diutius sustinuisset hostes, ad extremum irritatis animis discederetur, nosque bellum haberemus: & vel exercitum magnis, & ijs quibus accisæ continuis bellis regni nostri copiae pares non essent impensis, in hibernis retinere, vel certè Tartaris maiorem ditionum nostrarum partem vastandâ relinquere coacti fuisset. Paranda iterum erant alia arma, noui in ætatem scribendi exercitus, nisi fortè quis inani socialium armorum & subsidiorum spe nos lactare voluisset. Sed enim & Maiestas Vestra imprimis ita domesticis distinetur bellis, ita impijs perduellium subditorum oppugnatur armis, ut suo arbitrio rem gerere integrum illi non sit: & reliqui Principes Christiani non satis intelligere videntur, quantum periculum ijs, si (quod absit) nos succubuerimus, si is Sarmaticus paries qui hætenùs immani barbariei ne se totis in perniciem Europæ effundat agminibus obstitit, corruerit, immineat. Quanquàm non tantoperè istam pacem foedusque ictum efferimus, ut ei plurimùm confidamus: scimus à barbaris pacta, etiam iurata, temporibus accommodari; scimus fluxam & dubiam eorum esse fidem. Interim tamen dum vniuersus Christianus orbis bello civili & domestico distinetur: dum nusquam auxilia conspiciamus, dum à plerisque inuidis, & nostræ cum Maiestate Vestrâ coniunctionis, & imprimis Catholicæ religionis osoribus, nos aperto bello peti, & in perniciem nostram, regnorumque nostrorum consilia cum barbaris, societatemque belli nefarij iniri animaduertimus; dum denique & alijs & hoc bello fessi, & exhausti, ad resumendas vires aliquantisper quiescendum nobis ducimus, pars consilij fuerit, honestæ pacis prætextu ita cum barbaris transegisse, ut ij tamen iam experti quid nos armis possimus, non ita promptè in posterum suo arbitratu nos bello petant. Erit aliud tempus, alia occasio, quam dudum vniuersus orbis Christianus expectat, eamque dari votis desiderijsque exoptat, quam barbaricâ seruitute fratres nostri pressi præstolantur; cum Principes Christiani, positis civilibus armis, seriam cogitationem de extirpandâ hac nefariâ impiorum hominum peste suscipient. Imprimis autem Maiestatem Vestram ea cura & sollicitudo maximè condecet, tum quòd pro eo loco quem in Republicâ Christianâ tenet salutis publicæ præcipuam debeat tutelam, tum verò quòd ipsa, regnaque ipsius hæreditaria,



ditaria, æquè ac nostra, serpenti latè incendio, barbaricæque immani regnandi cupiditati maximè obnoxia sint. Nos sibi is hostis destinatus, non prædæ modò & proferendi imperij causâ, verùm quòd satis exploratum habeat, si vel Poloniam (quod Deus auertat) subiugauerit, se in penetralia Germaniæ & transmarina etiam regna facilem aditum habiturum; vel si reliquias Hungarici regni sui iuris fecerit, non magno negotio reliqua adieciturum. Ad nos quod attinet, si ita acciderit, ut nos primos impetus hostis excipere necesse fuerit; non recusabimus supremum subire discrimen, nostroque periculo publicæ salutis fortunam experiri. Quod quidem in eo quo proximè perfuncti sumus periculo, promptè & nos præstitimus, & Serenissimus Princeps Vladislaus filius noster, qui impetum hostilem primus sustinuit, & qui in acie ipsâ contra barbaros stans Orbi vniuerso testatum fecit, sibi vitâ ipsâ cariorem esse salutem & dignitatem Reipublicæ Christianæ.

*De Statu rerum Polonicarum ac militari confœderatione, quæ Anno MDCXXII. accidit, Dissertatio, & querela.*

**I**NTEMPERANTIS iudicij fuerit, profiteri se scire omnes causas præsentium calamitatum, quibus Sarmaticus noster orbis iactatur: latent illæ in arcano Dei secretario; nos ignari pœnas pendimus, vel, ut Christianè loquar, patientiæ rudimentis imbuimur, & exercemur. Caterùm nemo vitio verterit, si quis priuato studio & patriæ afflictæ amore inquirere velit, non illa arcana quæ nostram fugiunt notitiam, sed hæc quæ cuius nota & obuia sunt: scitum est enim Deum ipsum hæc immittere flagella arbitrato suo, sine optimo. Quid enim aliud à summo bono proficisci potest? Ita tamen eundem hæc ipsa moderari, ut ratione & discursu quiuus indagare possit: fontem & originem malorum, quæ semper emanare solent vel ex publicis, quibus impunè Diuina Maiestas læditur, sceleribus, vel ex eorum qui Reipublicæ præsumunt erroribus. Ac regnum quidem vel Respublica nulla adeò felix fuit, ut omnino careret ijs, qui priuatis in Diuinas humanasque leges actionibus committerent: ne illa quidem Hebræa gens à Deo electa, sanctificata, & legibus diuinitus datis erudita, immunis fuit ab hoc hominum genere, illo etiam tempore, cum penè præsentem quotidie cerneret Deum, cum cælesti cibo pasceretur, cum paternè ab eo foueretur. Sedenim nihil deterius fieri potest, quàm si cuius impunè peccare liceat, si soluta frænâ legum avaritia, in fortunas, sæuitia & libido in corpora palàm grassetur; si deterrimus quisque tantum audeat, quantum ei libitum fuerit. Id verò est quod omnis execratur barbaries, viuere ferarum more, ut illi prisci, qui passim culta incultaque loca peruagantes vnguibus & pugnis, dein



fustibus, atque ita porrò *pugnabant armis, quæ post fabricauerat usus*. Expendamus paululùm statum Reipublicæ nostræ. Inconsultus libertatis amor, dum iidem leges ferunt, qui pœnis obnoxij sunt, & impunitatis desiderio, iuris, quo tot sæculis patria stetit, conuellunt fundamenta, nos eò redigit, vt liberi pessimo cuique seruiamus. Nulla legum, nulla magistratus reuerentia, nulla posteritatis verecundia: tantum quisque audet quantum habet virium. Dudum iam agricolas miseros aspero seruitutis iugo pressimus, nunc ijs orti vicem nobis rependunt, armati & militiæ adscripti lixæ calonesque in nos sæuiunt: egentiores hætenus potentiorum erant obnoxij iniuriæ, hi dum frustra implorant tarda legum subsidia, nunc agmine factò graues sunt omnibus, nec iure sed vi rem reperiunt. Quanquàm ferendum esset, si læsi tantùm suas vltimùm irent iniurias: non ij qui innoxij sunt, tantas darent pœnas: non plebs culpæ omnis expers, fortunis ante alios exueretur, ad supplicium deposceretur, rapereturque. Sed perturbato statu legibus quondam firmatæ Reipublicæ, non mirum si nullo ordine fiant omnia, si non fontes, sed ij qui magis iniuriæ obnoxij sunt, potissimùm petantur; si scelerata manus sacra prius quàm profana impio ausu contaminet. Dico & prædico ijs, qui nunc alienas calamitates securi intuentur, fore mox tempus cum eadem in illos redundabunt. Omnium rerum vicissitudo est; nunc hi, nunc illi sub incudem tribulationis mittuntur: nec finet æquus rerum arbiter, vt parte vnâ saluâ altera exitio detur. Peccauimus omnes, omnes etiam subituri sumus pœnas: nunc fluunt egentiorum lacrymæ, squalidi Sacerdotes visuntur & gementes: à domo Dei exoritur Diuini iudicij vindicta: sed istæ lacrymæ vnum petunt fontem, ex quo bibent omnes peccatores terræ: ac ij potissimùm qui dum possent his malis obuiam ire, non iuerunt. In nullius iniuriam dictum velim, dicendum est tamen, malè à plerisque accusari leges nostras; quanquàm enim perniciosus (vt ita loquar) rogationibus & scitis vigor earum eneruatus sit; cæterùm tenenti imperij habenas & prudenter eas moderanti, haud arduum fuerit his ipsis legibus, addo & libertate saluâ, nauis Reipublicæ cursum salubriter moderari. Sedenim dum placidi regiminis normam vsurpamus, nec timemur, nec amamur: hisque sublati licentiæ retinaculis, toto impetu fertur rapidus torrens improbitatis. Olim ressecanda erant hæc vlcera, nec malo fauore blandiendum improbis: spectauimus adulteria, periuria impunè fieri: fuitne quisquam nostrum qui hæc crimina lege & pœnis coërceri peteret? Iam nundinationes iudiciorum & corruptelas, Senatorum artibus tractari, publicas in fauorem vnus ad perniciem priuatæ personæ leges publicâ comitiorum auctoritate ferri, bonis omnibus gementibus vidimus. Casta fortè & integra sunt Comitij iudicia: sed vbi apertior fauor, vbi perniciosior dissimulatio inualuerit, publica scelera an  
ex



ex præscripto legum punienda sunt deliberatur: non quod res non li-  
 queat, sed ut peracti moræ iudicialis ij qui ius implorant deterreantur.  
 Inter tot lumina Regni lecti Senatus, fauor apertus, si amici causa inci-  
 derit, si de facto consanguinei quaeritur, gratia imprimis locum habet:  
 nec pudet supremæ potestatis iuratos Iudices, dispendio existimationis  
 passim alienæ culpæ inuidiam ultro subire, deprecari crimen, excusare  
 scelus, denique ut manifesti flagitij conuicti rei videantur innocentes,  
 fiunt nocentes Iudices. Illud ipsum sanctius Regni Tribunal quàm in-  
 cestum, quàm perniciosum sit, nemo non videt. Imprimis ambitio in  
 legendis Iudiciis manifesta, priuatarum causarum patroni & prius-  
 quàm iudicijs præfunt iam empti & corrupti iudices destinantur. Vidi-  
 mus non pecuniâ modò, sed illecebris etiam, ne dicam stupris nobilium  
 matronarum sententias addici, adolescentes imperitos, iuris ignaros, im-  
 petuosos, suo lucro, suæ libidini addictam habere vitam, honorem, for-  
 tunas optimi cuiusque, & annuo illo regno ita innoxijs grates esse, ut  
 vel iniquissimâ conditione transigere potius expediat, quàm iustissimam  
 etiam rem iudicio eorum permittere. Regiæ Curiae iudicia si modò ex-  
 pedita essent, si istis quoque lites ob Principis occupationes facilius ad  
 iudicium admitterentur, longè reliquis integriora censeripossent. Quan-  
 quàm & ea nimiam Præsidum iuris usurpatione, & arrogantia exasperari  
 nonnemo queritur, sed cum peruersâ iudiciorum normâ, omni iniusti-  
 tiâ, omni iniuriæ aditus pateat, cum passim innocentium fama & fortu-  
 nâ calumnijs obnoxia sint, cum impunè grassetur libido, dominetur  
 licentia, ij qui curam salutis publicæ se gerere iactant, omnia alia accu-  
 sant, & hæc quæ cuius nota sunt dissimulant: at certè si rem certè expen-  
 deris perniciosi morbi originem, quo patria nostra laborat, ad vnum cor-  
 ruptelæ iudiciorum fontem faciliè reduceris. De Rege eiusque munere  
 non est meum disquirere, sacrum id nomen & venerandum, nec temerè  
 in suspicionem vel inuidiam vocandum. Errant qui mutatione Princi-  
 pis statum Reipublicæ corrigi posse existimant: quem enim alium repe-  
 riant omnis prorsus expertem culpæ? arma felicius & expeditius tracta-  
 bit, sed ab armato periculum libertati imminebit: liberalior erit, sed  
 patrimonium Reipublicæ profundet: in explicandis consilijs cunctatio-  
 nem non adhibebit, sed idem mox, temeritate pessundabit: denique  
 blanditijs & speciosis munusculis, verborumque illecebris dementatis  
 animis subditorum, crudelitate Neronem, impietate Copronymum, fla-  
 gitijs Heliogabalum, referet. Postremò illud menti infixum sit, Reges  
 diuinitus dari, nec depelli posse, nisi Deo annuente, errores eorum fe-  
 rendos esse, ut reliqua quæ fortuito euenire solent. Sed profectò frustra  
 queri videmur, in plerisque deesse muneri suo Regem; cum ille in omni-  
 bus à Senatus arbitrio dependeat; nihilque suscipiat, nihil nisi ex com-  
 muni omnium sententiâ decernat. Caterum in consilijs suscipiendis tra-  
 ctandisque, non quid Reipublicæ expediat, sed quid priuatim commo-  
 dum

*Causa prae-  
 cipua malorum  
 in Polonia,  
 corrupta iu-  
 dicia;*

*priuati com-  
 modi studiū.*



*Militaris  
avaritia.*

dum sit, ab alijs spectari manifestum est. Illud vinculum, quo salus rectè gubernatarum ciuitatum nititur, nimirum amor publici boni, procul exulat, nec in Patriâ nostrâ locum habet. Nemo gratis esse probus vult, nemo nisi emptus nauare Patriæ operam: omnes præmium expectunt, nullus laborem: auctorati ciues ære, non amore, Rempublicam suam perinde curant, vt alienum, scilicet mercenariâ fide & animo. Equestris & militaris ordo in obeundo munere, in bellis gerendis, non militare decus, non ex victo hoste spolia, non insignia gloriæ, sed domesticam cogitat prædam: hac saginatus prodit in aciem, hanc in castris tacitâ conspiratione sibi ante omnia deuouet, & antequàm mereatur, in immensum aucta stipendia numerat. His rudimentis tiro imbuitur, idem veteranus audaci temeritate vsurpat, lixæ denique & calones cæteræque castrenses sordes id impijs votis præsumunt, vt bello quoquo modo finito, conspiratione factâ, alienas fortunas prætextu hybernæ stationis abligurare, & ciuium facultatibus ditescere liceat. Vidimus nostro seculo ditissimum Moschouæ imperium expilatum à milite nostro, tot seculis congestos thesauros in prædam ei cecidisse, nihil tamen eorum in Patriam relatum; egentes & nudos excessisse homines nostros, & quâ facilitate opes quæsierant, eadem illas ipsas prodegisse. Nuper quoque Hungaria, Bohemia, Silesia, Austria, etiam prædæ nostris fuerunt: iidem tamen mox longè egentiores, quàm eò profecti erant, domum inde redierunt, inopes ac famelici. Proximâ æstate miles noster septem circiter menses in cogendâ annonâ exegit, mox non nisi per vnum mensem in castris parum castis habitus adeò acrem sensit famem, vt maior pars exercitus eâ interierit: non quòd id quod opus erat, & eo amplius, non habuerit, sed assuetus rapto viuere, & corrumpere annonam, eadem ratione corruptâ castrensi disciplinâ quæsitâ prodegit, vt iterum auidius aliena rapiat prodigatque. En nunc tot mensibus reparat vires, haurit & deglutit Reipublicæ patrimonium, sacræ profanæque opes ei in prædam cesserunt, pecunia omnis eò congesta publicè & priuatim imperata, tributaque exacta. Voraginem potius & immensam Charybdim dixeris, quàm homines; nam hi iam dudum tot rapinis expleti satiatiq; fuissent, & vel communis humanitatis reputatione, calamitatibus aliorum hominum eiusdem linguæ, eiusdem gentis, conciuum suorum indoluissent: hi acerbiores indies crudelioreſque cædibus, flagitijs, expilationibus, grassantur; nec iam quærunt an sit quod rapiant; extorquent potius & abradunt, non quæ in vsum cedant, sed vt calamitatem calamitati accumulent, idque præcipuè spectare videntur, vt quàm pessimè de genere suo & de patriâ mereantur. Vnde isti nati? quâ gente? quo sanguine? quibus imbuti disciplinis? facinora expende, animumque immani crudelitate ferocientem, dices barbarorum esse progeniem, nam maiores nostri longè aliter animati arma tractabant. Experimento comper-  
tum est, quoties ij vicinis externisque vel Hungaris, vel Germanis misceren-



miscerentur, benigniores, mitioresque cæteris se præbuisse: vt præ aliis soli exutâ omni barbarie Christianis moribus imbuti esse viderentur. Et tunc nullæ leges erant quæ modestiam militi imperarent, nunc postquam ex tanto numero in publicâ monumenta relata sunt, cùm plena legum militarem disciplinam iubentium & præscribentium volumina habeamus, omnia in peius ruunt, & immanis crescit licentia. Mores nempe alios induimus, & externâ feritate imbuti, à priscâ humanitate recessimus: & cùm antea non tam disciplinâ, quàm ingenij & naturæ bonitate præclarè nos gereremus, nunc iis quæ in nostros feruntur mores legibus efferamur, & cùm contra eas nitimur, immanitate omnem barbariem superamus. Neque est cur id crimen parentibus imputemus, quasi nos vitiosiores genuerint: aliunde & alio fonte hæc deriuata perniciēs animos gentis nostræ infecit: quamdiu apud nos viguit auctoritas Principum, legitimi quæ Magistratus potestas, erat quoque vel inter ipsos milites certamen virtutis, studium pietatis, amor Patriæ, adipiscendi per rectè facta honoris desiderium, animus nobilis, & ingenua quædam benè de salute publicâ merendi cupiditas. Sed qui primus militi maius stipendium numerauit, eum corruptorem bellicæ disciplinæ dicere fas fuerit. Necessitas eò impulit plerisque dum post excessum primum Sigismundi Augusti, deinde Stephani Regum res ad interregnum rediit: sed prius illud sine armis solâ disceptatione ciuili transactum est, & citra belli discrimen stetit; in hoc posteriori ita partium æmulatione, vel potius ambitione certatum est, vt ne ipsa quidem Regis electio, nisi ab armatis & infestis institui transigique potuerit. Sic dum vtraque factio vires copiasque quibus se muniat, auget, licitationi occasionem dedit militum ad incrementum stipendij flagitiosè signa transferente, maximè quod ij qui Austriacum Archiducem fouebant Germanicis opibus abundare existimarentur. Hoc inescatus lucello miles, ne in aliis quidem bellis augendi stipendij cogitationem deposuit, hincque ortum habuit prima illa conspiratio; præsertim quod plerique (quia eis non benè cum Rege conueniebat) ambitiosius quàm par fuit fouisse militares conatus existimati sunt, patiente & ferente Principe. Crescebat interim militaris audacia; maximè posteaquàm primæ conspiracy auctori id impune cessit: dixerat is causam in Comitibus, sed dum alius in alium confert culpam, & nonnullis non ingratum esset, Ioannis Zamoscij Regni Cancellarij, eâ ratione infringi potentiam, non tam absolutus quàm iniudicatus discessit, pessimo & pernicioso ad posteritatem exemplo. Mortuo deinde Zamoscio, per occasionem Rocossiani tumultus plurima militi indulta, id etiam permissum, vt publicis consultationibus misceretur: id verò incitamentum fuit seditiosis animis ad augendam audaciam, adeò vt cùm Rege præsentem ad Varcam pugnandum esset, palàm flagitauerint rem controuersam suo iudicio permitti, Regiumque & Senatorum capita sui iuris & arbitrij vt essent. In tantum certè ea seditio creuerat, vt nisi statim

*Quo tempore  
& quare  
maius stipen-  
dium militi  
concessum.*



petentibus id concessum fuisset, Regem & Senatores contrariæ factioni prodituri viderentur; sed prudenter, quamvis inania postulantibus indulgendo elusa sunt militaria studia, ac sequenti die aliquot seditio-  
 nis auctoribus supplicio affectis corruptæ disciplinæ consultum. Secundum prælij ad Gusoniam commissi euentum, cum varia spectaret miles, eâ spe aliquantisper hæsit, quod crederet bona aduersæ factionis prædæ cessura. Interim nata Moschouitici belli occasio distraxit coalescentes occasiones. Pars magna, Ducum priuatorum suasu, ad ficti Demetrii famam militiæ nomen dedit: quod inconditâ multitudine, & quidquid maximè turbidum & seditiosum in utroque exercitu fuit, concedente, Respublica veluti sentinâ leuata aliquantisper respirare potuisset; nisi mox publico quoque regni nomine bellum Moschis inferri placuisset, non antea legitimè ad calculum deductis impensis, quibus tantæ molis res perficienda foret. Hinc sæpè importunè flagitatum stipendium dilatumque: spe etiam stipendiorum illecti illi qui Demetrio militauerant: denique tot promissis largè militi factis, onerata Regia & Reipublicæ fides, ut modum omnem excederet. Et quamvis ij qui Regi Smolenscum obsidenti à consiliis erant, cum ab illis ratio promissorum peteretur, dicerent, ita Regiam fidem obligatam esse, ut præcipua stipendiorum pars ex ærario Moschouitico peteretur; tamen miles æmulatione & discordiâ Ducum exacerbatus, conspiratione factâ signa infesta Patriæ intulit, promissaque stipendia per vim solidè exegit, ac impunitatem sceleratæ coniurationis pari ratione extorsit. Nec postea cum ij qui capita factionis erant in ius vocarentur, eâ quâ oportuit seueritate in illos animaduersum; nonnullis contendentibus fidem datam seruari oportere: aliquorum tamen famæ nota iniusta, magis noxij appellati quidem, ut facti perniciosi rationem redderent, sed vel in ipso Senatu non deerant, qui tanti criminis reis patrocinaarentur. Aliquot deinceps intercesserunt anni, cum semper miles memor rapinarum idem spectaret, idem affectaret, ut conspiratione factâ ius fasque omne exueret. Sed dum viueret Zolkieuius, idem acerrimus talium factionum osor & impugnator, idemque ultor metuebatur; hinc pessimi cuiusque ortum in eum odium, causam quoque exitio tanti viri præbuisse existimari potest. Eo cæso cum primum bello Turcico urgente miles ad signa vocari cœpit, nulla alia vox magis frequens fuit, quam confœderatio: eam non infimus quisque tantum, sed præcipui in ore habebant; illi etiam qui eam horrebant, vel se horrere simulabant. Nondum exactè putatæ erant rationes, quantus exercitus esset futurus, quibus impensis colligeretur, quanto tempore bellum esset duraturum, & tamen conspiraturos milites, vix aliquis erat qui non auguraretur. Sed ecce opinione omnium celerius confecto bello multum superesse patuit collectæ ad impensas eius belli pecuniæ. Magna ea erat communis lætitiæ accessio,



accessio, quod & duo nominis Christiani hostes, vel terrores potius, incassum, nec sine suo damno nos lacefferint: & Respublica soluta omni aliâ curâ nihil militi deberet, imò ad alias etiam expensas satis prouisum esset. Verùm insederat animis multorum expedire, vt miles con-  
 spiratione factâ nouum aliquid flagitaret: posse eadem ratione Regem in ordinem redigi, & interim tale aliquid euenire, quod res nouas cupientibus commodum esset. Sensit id miles, & in castris adhuc non obscurè præsetulit, quid animo volueret: nec deerant rationes impediendæ tam nefariæ conspirationis, si vel vnus fuisset, qui curam ei rei impenderet. Præerat exercitui Stanislaus Lubomirscius Pocillator Regni: secundâ famâ, & vera reputantibus conseruati exercitus & rei gestæ illi palma debebatur; nam Chodkieuicio cùm summa rei com-  
 missa fuit, socium laboris Rex ei addiderat Lubomirscium: mortuo verò Chodkieuicio, in illum omnis cura incubuit, qui Turcis pacem vel poscentibus vel offerentibus, Castrensis consilij sententiam secutus, acceptauerat. Quæ res cùm Regi & plerisque aliis parum grata esset, vulgoque iactaretur, si res seriò acta fuisset, debellari potuisse, factum est vt curâ exercitus in alios translatâ, coiret nefaria conspiratio, cui pauci imprimis maximè seditiosi nomina dederunt: & in iis qui à Rege ad soluenda stipendia, exauctorandumque militem missi fuerant, non erat ea auctoritas, vt gliscentem coniurationem cohibere possent. Tum verò vniuersus exercitus, postquàm primis coniurationis auctoribus cuncta impunè cessisse, plerosque è proceribus fau-  
 tores adesse, multos è Nobilitate res nouas poscere animaduertit; spretâ Regis & legum maiestate, specioso nomine quasi Reipublicæ statum reformaturus, nefariam conspirationem init; Alexandrum Ko-  
 uenecium, iam antea priori conspiratione prædis publicis inescatum & iisdem inhiantem, ducem legit; Magistratus item nouos, consilia-  
 rios bellicos, iudices, è corpore suo constituit, armatas cohortes per prouincias spargit, Regiis Ecclesiasticisque colonis vt quisque iugera-  
 tim decem florenos soluat, imperat, imperatumque tam immensum tributum, ad amissum cum incremento duorum florenorum, quos impij exactores victus nomine sibi deberi confinxerunt, per vim extor-  
 quet: grauissimis præterea exactionibus, concussionibus innoxiam plebem mulctat: denique iam securitatis certus leges Regi & Reipublicæ præscribit, se non quieturos, nisi quina stipendia trimestria sibi soluta fuerint; ea sibi deberi, quod vallum castrense præter morem Equestris militiæ tutatus fuerit, multa passus, multis damnis affec-  
 tus: postulare præterea vt Comitia indicantur, in quibus & impu-  
 nitas conspirationis sanciat, caueaturque, & leges ad discipli-  
 nam militarem conseruandam olim latæ abrogentur, Respublica & Nobilitas maioribus libertatibus augeatur, rationes exactorum tri-  
 butorum à publicis Quæstoribus reddantur, Regis Senatusque pote-  
 stas

Stanislaus  
 Lubomirscio  
 rei ad Choci-  
 mum contra  
 Turcas gesta  
 gloria debe-  
 tur.

Militaris  
 conspiratio  
 quomodo  
 coaluerit.



*Quomodo  
fuit.*

stas circumscribatur. Cum eiusmodi denunciatoriis mandatis missi ad Regem Nuntij permouerunt demum aulicum consilium ad seriam de publicâ salute suscipiendam cogitationem. Sed circumspicientibus cuncta, deerant aliæ rationes sedandæ multitudinis, nisi vt præcipuos quosque eorum promissis allicerent, Stanislaum Lubomirscium aliosque huic turbulento negotio componendo adhiberent: ita per Nuntios Regios gratiosis diplomatibus largitionibusque delinito animo pessimi cuiusque id impetratum, ne miles Regios reditus, quemadmodum iam destinauerat, interciperet: & vt non alienum animum à concordia ineundâ se gerere ostenderet. Lecti Senatus Principes qui eius rei curam susciperent, sed plerique detrectauere negotium, quod desperarent aliquid effici posse: & fortasse erat nonnemo, qui non ingratum haberet eam conspiracyonem, grauem Regi, perniciosam Ecclesiastico ordini. Kiiouienfis & Lublinensis Palatini, aliquot præterea ex assignatis à Rege, venerunt Leopolim, cum militibus acturi: sed præcipua in Lubomirscio vis, qui & partâ proximo bello auctoritate, & priuatis largitionibus perucit vt miles certis conditionibus se in potestate Regis futurum polliceretur. Conditionum hæ præcipuæ: tertium trimestre stipendium exercitui vt ultra id quod promeruerat solueretur; impune id fore quod exercitus conspirasset Principes Senatus vt cauerent, Rexque ipse id ita fore Regio verbo polliceretur: in proximis Comitibus publicâ auctoritate vt ea securitatis cautio comprobaretur: militum deinceps vt maior ratio haberetur, essentque certi menses, in quibus vacantia beneficia solis militibus conferrentur. His aliisque similibus mandatis instructi militares Nuntij, vnâ cum Senatoribus aliisque, qui Regio nomine cum militibus transigebant, iuerunt ad Regem Varsouiam. Interea tamen nulla miseris agricolis requies, grassante vbique milite, & signa circumferente. Annus est is, in quo præter solitum, pretium annonæ excreuit; nam & segetes malè prouenerunt, & pleraque sata messisque iam paratam exundantes fluminum aquæ abstulerunt. Hinc grauior acerbiorque ea exactio accidit, vt passim homines fame enecentur, rapiente milite si quid vspiam parati est, sauiante etiam in corpora, vbi rapinæ non est materia. Seruilem patientiam mirari vel detestari potius libet: flagitiosè imperantibus turpiter paretur ab omnibus: pauci Principes Senatus precariam immunitatem obtinuerunt: nemo vnus reperitur qui palàm hæc militiæ dedecora aspernetur: regij consilij moderatores penes supplices sui rationem haberi ab incondita multitudine petierunt: reliqui omnes (heu turpem nostrorum temporum notam!) saluis legibus, saluo Reipublicæ statu, foedissimi cuiusque libidini & auaritiæ obnoxij sumus; lixæ calonesque in nos ius exercent. Quamuis enim Rex indulserit omnia ferè ea quæ ab illo petebantur, promississentque seditionis Duces interea militem à prædis extorquendâque annonâ cessaturum; nihil tamen ea res auxilij tulit, reputante pessimo quoque leges & magistratus timidorum repagula



la esse, perpetratum admissumque scelus facilius veniam habere. Sed libet paucis perstringere summam responsi à Rege confederatis militibus dati. Imprimis ostenditur, etsi miles præter ius & consuetudinem ea sibi arroget quæ ad illum non pertinent, tamen Regem id temporum iniuriæ tribuere. Causæ exponuntur cur Comitia, quæ miles indici flagitauerat, non fuissent indicta, nempe quod annona carior solito sit, & opes Regni exhaustæ; memoraturum tamen Regem nec dilaturum comitia, quamprimum commoditas eorum celebrandorum venerit, atque satisfactorum desiderio hac in re exercitus, quod publicâ auctoritate in Comitij securitati militum caueatur: interea acturum Regem effecturumque ut ij Senatores, quos miles nominatim ut securitatis datæ cautioni subscriberent, poposcerat, id faciant, cum id & ipsemet Rex, & qui præsentibus aderant Senatores iam fecissent. Neminem ad Comitia militum citatum iri, id Regem prohibiturum, neque literas mandati ex Cancellariâ suâ edisiturum; postulatum terni trimestris stipendium militi ut ad diem nonam Iulij ex integro repræsentetur; Regem curaturum: cautio securitatis data à Rege, & manu eius subscripta, quamvis à nemine in dubium vocari possit, id ipsum tamen ratum fore Regem sponione manus, & verbi publicè professum esse, & fidem suam nominatim Stanislao Lubomirskio eo nomine obstrinxisse. Legibus, quibus militaris ordo se coarctatum queritur, non nisi in Comitij derogari posse; daturum operam Regem ut eiusmodi leges, in proximis Comitij abrogentur, reliqua quoque quæ non nisi in Comitij præstari possunt, eò rejci, ut ea quæ de præmijs militum, mensiumque in quibus beneficia vacua solis tantum militibus conferrentur assignatione, & cætera huius generis quæ à militibus postulabantur. Interea iniuriam à confederato milite passi, arbitrio præsidij factionis militaris ut damna sibi resarciri petant, curaturosque eosdē ut quisque tuto adire militare illud iudicium queat: curæ hætenus fuisse & deinceps fore Regi, incrementa libertatum Equestris ordinis, quibus nihil esse derogatum vult. In redimendis ab hoste captiuis, Regem nunquam priuatis facultatibus quantum ea permitterent pepercisse, idque eum deinceps facturum, & Ecclesiasticos viros hac piâ liberalitate se à nemine vinci situros. Arcibus ad fines Tartarorum Turcarumque positis, deinceps Regem eos præfecturum, qui præsentibus istic excubias obeant. Responsum hoc actis Cancellariæ Regiæ insertum iri; unde sigillo Regni signata exempla & transcripta, cunctis poscentibus authenticè extradentur: eorum quorum exercitus rationem à Rege haberi petit, non irritas preces fore; gratificaturum ijs Regem per occasiones quæ interea se offerrent. Eos denique qui ob priorem Moschouiticam conspiracy in ius vocati sunt, non amplius eo nomine appellatos iri, nominatim Cieklinckio & Iaykouio (ambo erant conspiracy Moschouitiæ antesignani, & ob id famosis decretis notati) Regem in Comitij indulgentiam facti impetraturum. Nolo meum

inter-



interponere iudicium, sed dispiciet posteritas, an ex usu Reipublicæ fuerit tam demissè, tam indulgenter omnia permittere militibus. Simi verum fallus vates, ceterum euentus docebit irritamentum id fore pessimo cuique ad similes ausus. Frustrà ab hoste externo pericula metuisimus, cum domi flagiosa indulgentiâ, & indignâ viris fortibus patientiâ seditionis semina fouemus: erumpent hæc mox in perniciem Patriæ, nisi maturè prospicimus.

*Anno Domini millesimo sexcentesimo vigesimo secundo prodierat in lucem nomine Dignitariorum, Officialium, & Nobilitatis Palatinatum Posnaniensis & Calissiensis, acris quadam & libertates status spiritualis conuellens protestatio: ad eam tum hortatu Illustrissimi Archiepiscopi Gnesnensis Laurentij Gembicij, Auctor respondit, & postea, cum Polonica esset, in Latinum traduxit.*

**N**ON est nouum regna & imperia Catholica, mutuis inter se dissidijs agitari, & sæpè vnum contra alium statum, potissimum cum aliquid ab illis poscitur, insurgere, oneraque alterum in alterius humeros deriuare. Iam olim apud nos idem accidit; sed modò sub titulo & nomine Dignitariorum, Officialium & totius Equestris Ordinis, Palatinatum Posnaniensis & Calissiensis, nescio quis dedit in publicum, contra Catholicam Ecclesiam, contra ordinem Ecclesiasticum, acere quoddam & inuidiosum satis, & ad tollendas ac cassandas leges, & libertates, huic sacro ordini non solum in hoc inclyto Regno, verum etiam in alijs vicinis Christianis imperijs à tempore cuius memoria non extat irrogatas & liberaliter donatas, scriptum, illudque Actis ijsdem publicis insinuauit. Hunc ego nunquam Catholicum esse crediderim, nec agniturum eiusmodi figmenta ex suo prodijisse cerebro. Sciunt illi qui verè sunt Catholici, quid Ecclesiæ, quid Ordini spirituali debeant, vt iura vetusta tueri teneantur: vident furore Hæreticorum noua condita statuta, quæ in seriem legum irreperunt, nusquam vim legitimam tenuisse, & semper illis obnuntiatum fuisse; nec denique usu forensi approbata esse. Non ad Catholicos igitur verto sermonem meum, sed ad istos qui ob diuersos de religione sensus à cæteris Catholicis se seiunxerunt, qui in diuersas scissas sectas, in variasque distracti opiniones, planè nihil credunt, nihil in vnũ sentiunt, nisi si quæ occasio offertur nocendi Ecclesiæ, à stirpe euellendi spirituales ordinem, qui non solum in Republicâ, sed & in Ecclesiâ oderunt Clerum, & frustra ali existimant. Ad Catholicos hoc tantum dixerim, si quis inter istos Schismaticos reperitur, (quamquam ego neminem ibi reperiri existimo) quòd non sit Catholicus; ijs enim assentitur, quibus status spiritualis odio est, altare sacrum abominationi; sa-



cro sanctum Sacrificium & cæteri Christiani ritus, dum donationes vetustas adimunt, & sub potestatem legum secularium spirituales redigunt, contemptui. Sed hæc, ut dixi, non faciunt veri & synceri Catholici, sed alij hostes nostri. Non est mirum quod impugnent sacerdotes, qui olim contra ipsum cælum pugnare ausi fuerant, ipsumque folio deturbare Iouem. Foetida & abominanda proles Gigantea, iam dudum quatit cælum, & infernalibus aucta viribus, quidquid veneni in se habet, illud totum vomit contra Ecclesiam, contra fideles; neque vnquam vllum tempus fuit, quo Ecclesia Dei ab illis non infestaretur. Quid, Deus bone, vtrumne ita semper vexabimur? Respondet præclare Apostolus: Oportet hæreses esse. Equidem regnum hoc inclutum propè per sexcentos annos ab hoc infelici lolio immune fuit; cauit semper ne fæce abominandæ hæresis inficeretur: quod piæ eiusdem leges & Priuilegia sanè diuinitus scripta testantur. Priscis illis temporibus non videbatur angusta maioribus nostris Polonia, & quamuis arctioribus circumscriptæ terminis, abundè suppetebat contra hostes vires, nomenque eius cunctis circumiectis nationibus formidabile fuit. Simul atque arctissima legum claustra, quibus regnum hoc fuit septum Hæreticorum audacia perfregit, & foedam religionem huc intulit, hoc quod hætenus nos exercet malum creuit etiam si ne cresceret omnibus legibus Regni prohiberetur. Illæ solennes statuum & Ordinum vnanimi consensu factæ confæderationes, hæreticum omnem pro hoste habituros, vitam & bona ipsorum confiscaturos, nec vllum ciuem non Catholicum viuere passuros, huc spectabant, ne quenquam vel clàm vel palàm esse Hæreticum sinerent. Sed ego in memoriam reuocare constitui nonnullas conciuuium meorum contra statum Ecclesiasticum flagitationes, quæ potissimum vltimis Imperij Sigismundi Primi annis, & multò magis tempore Augusti, Stephani, & modernæ Regiæ Maiestatis exortæ sunt. Cætera deinceps ad hoc genus pertinentia non dissimulanter tangam.

Grandis & horribilis erat illa coorta contra Ecclesiam tempestas, cum Martinus Lutherus monachus libidinis priuatæ explendæ causâ signum contra eam extulit, bellumque aperto Marte gerendum indixit: citò deinceps huius peruersæ doctrinæ venti ad nos penetrarunt, ac animos pios impio veneno infecerunt. Primo impetu contra Ecclesiam facto, præcipuum illud hæreticorum studium fuit, ut legibus iniquis Status Ecclesiasticus circumscriberetur, ut iurisdictioni seculari subijceretur, & ad onera personalia ferenda cogeretur. Nec deerat occasio cum Solimanus Turcarum Imperator inauditâ felicitate elatus, contra Christianos vertit vires: à quo capto anno millesimo quingentesimo vigesimo primo Castro albo in Hungariâ, dein Anno millesimo quingentesimo vigesimo secundo Rhodo insulâ, demum Anno millesimo quingentesimo vigesimo sexto Ludouico Hungariæ & Bohemiæ Rege, Sigismundi Primi ex fratre nepote, ad Mohatium cæso, vniuersi Principes Christiani, sed in-

primis



*Bonorum  
Ecclesiastico-  
rum taxatio  
tempore Si-  
gismundi  
Primi quam  
causè facta.*

*Quæ praiu-  
diciose Eccle-  
sia leges.*

primis Regnum Poloniæ meritò ob tam vicini parietis casum contremuit. Et quamvis Solimanus calente adhuc victoriâ, è castris misisset literas ad Sigismundum Primum Poloniæ Regem, quibus casum esse in acie Ludouicum magno suo dolore significabat, cæterum ne de amicitia suâ addubitaret Sigismundus, rogabat; insuperque sesquimille Hungaris captiuis se spectante decollatis, Pilecium & Macieioium Polonos in gratiam eius signumque constantis amicitiae vitâ donasset; tamen prudens & bellicosus Princeps nequaquam fidendum sibi existimauit: verum de bello & defensione Reipublicæ cogitare cœpit. Inter alias defendendæ Patriæ rationes ea imprimis fuit inita, vt publica bonorum æstimatio fieret, atque secundum eam quisque sumptum ad bellum conferret. Hæc bonorum æstimatio Anno millesimo quingentesimo vigesimo septimo consensu omnium permessa fuit, & spirituales bona sua taxari permiserunt: sed vide quàm cautè, & citra præiudicium iuris eorum; verba legis sunt: Licet bona Ecclesiastica nunquam aliàs subiecta erant oneri bellicæ seruitutis, vt quæ per Serenissimos Prædecessores nostros Poloniæ Reges & Duces sunt ab initio foundationis Ecclesiarum ad vsum duntaxat & onera Ecclesiæ collata, &c. Lege hæc vberius in ipso Legum contextu. Hæc igitur taxatio ita cautè perscripta est, vt ius nostrum minimè lædere videatur; nam & personæ spirituales quæ huic taxationi præessent, ex spiritualibus lectæ, & Nobilitas, præter hanc subditorum suorum taxationem, etiam onere publicæ expeditionis tenebatur. Summa necessitas id à nobis, vel potius maioribus Nostris exegit, quæ omnem frangit legem: sed cum Equester ordo eiusque subditi idem tunc onus ferrent, non querimus hanc legem esse perscriptam, sicut nec aliam Anno millesimo quingentesimo quadragesimo quarto, vbi lustratio bonorum omnium tam Regiorum & Spiritualium quàm Nobilium decreta fuit: quia, vt suprà dixi, æquè Nobilitatis subditos ac nostros stringebat. Cæterum si his etiam temporibus vrgente summâ necessitate fraternè talia à nobis peterentur, qui sanguinem ipsum Nos Patriæ debere profiteamur, non essemus alieni, quin vel bona Ecclesiæ taxarentur, vel subditi nostri par obsequium Reipublicæ atque subditi Nobilium præstarent. Verum posteriori tempore alterius generis & longè ab illis diuersæ constitutiones iniquæ & spiritualibus graues in volumen legum irrepsérunt, videlicet, Anno millesimo quingentesimo trigesimo octauo, ne Spirituales Notarij sint. Anno millesimo quingentesimo quadragesimo tertio statutum de Cortefanis, & quid ad iudicium Spirituale pertineat, de Annatis. Deinde Anno millesimo quingentesimo quinquagesimo, de alendis per Abbates filijs Nobilium, de foro Spiritualium in actionibus tam ciuilibus quàm criminalibus, cum personis Spiritualibus intentantur, de excommunicationibus & iurisdictione spirituali, de Decimis. Et vt cæteras legum constitutiones, quas meritò exleges dixeris, silentio prætereamus, Anno demum millesimo sexcentesimo septimo, & millesimo



millesimo sexcentesimo nono , dum illa fatalis rerum in Poloniâ commotio subsecuta est, omnem furorem hostes nostri in nos effuderunt, ferentes leges plenas iniquitatis, plenas iniustitiæ ab odio Hæreticorum profectas contra omnia iura spiritualia & temporalia, statum ipsum Reipublicæ vniuersalem conuellentia, nobis contradicentibus & publicè reclamantibus. Vis illa omnino fuit, & in seditione potius quàm in fraternâ concordia latae leges; in Sacerdotes Christi & in ipsum summum caput Ecclesiæ concepta rabies ab his qui nouas doctrinas nouamque religionem secuti, nihil aliud spirant, nisi vt statum spiritua-lem nouis legibus circumscribant, pulsaque & in exilium actâ vetustâ religione & pietate, novos spargant errores. Ex hoc fonte prodijt hæc ipsa contra ordinem nostrum iniquissima & impia protestatio, quæ quia velut vno tractu omnes Ecclesiarum immunitates à radice ipsa excindit, paucis ad eam respondere conabimur. Inprimis id quasi certum & indubitatum asseritur ab ijs qui hanc protestationem concinnarunt, solos spirituales liberos esse à bello gerendo, subditos eorum eodem quo secularium hominum onere teneri. Deinde aiunt in præteriti anni expeditionem, dum ipse Turcarum Imperator ad Chocimum bellum nobiscum gereret, nihil omnino à statu spirituali collatum impensumque fuisse; non ex bonis in vsum Ecclesiarum coemptis expeditionem vllam factam, non Scultetos eò missos: denique quòd longè maiorem partem bonorum spirituales in Regno habeant, & nulla ferè onera sustineant. Sed nos à primo puncto ordiamur. Apparet eos, qui hanc protestationem condiderunt, aliud quidpiam quàm leges cogitasse, odio mero ductos. Aliter certè eà de re iura disponūt. Repetamus animo illud tempus, quo maiores nostri Euangelium & lumen Catholicæ veritatis Româ missum receperunt: quis credet quòd viros Apostolicos conscientiarum suarum rectores ita admiserint, vt eos, quos tanquàm cælo missos venerabantur, seruitute tam personali, quàm reali, ac bellicis denique oneribus obstringerent? Exstant tot Priuilegia Regum & Principum, quibus Archidia & Metrice Ecclesiasticæ refertæ sunt; Spirituales & Spiritualium subditos à bello & belli obsequijs immunes esse. Illud ipsum Statutum Sigismundi Primi, cuius proximè mentionē fecimus, sub nomine Taxatio fundorum, latè & sufficienter hoc idem explicat his verbis: Bona Ecclesiastica nunquàm subiecta erant oneri bellicæ seruitutis. Et paulò inferiùs: Domini spirituales permiserunt non grauati bona sua Ecclesiastica, hætenùs semper libera, cum his quæ ad defensionem obligata sunt, in præsens taxari: ita vt Dominorum secularium taxabuntur. Quid clariùs? quidûe illustriùs dici potest? vnde maior differentia bonorum Nobilium à Spiritualibus declarari? hæc ab illis gubernantur, qui altari Diuino addicti sunt, cætera omnia ij gubernant, quorum professio & munus ipsum bellum est, qui vltro hoc onus in se susceperunt, vt suis suorumque impensis Patriam vniuersam tueantur, vt statum Spiritua-



& Ecclesias armis suis propugnent: res quidem hæc clara apertaque est, nec magnâ indiget explicatione.

Alterum punctum est spirituales in anni præteriti contra Turcarum Imperatorem vniuersali expeditione nihil omnino præstitisse, nihil in sumptus belli impendisse. Dicitur equidem potest liberè & ingenuè, nullum vnquam tempus fuisse, nullum Reipublicæ periculum, nullum motum priuatum, quin spirituales ad eum componendum, vbi necesse erat, quâ pecunijs conferendis, quâ alijs subsidijs præstandis, concurrerint; quod & leges ipsæ & publicè actæ illis gratiæ testantur. Sed hæc ab ingratissimis filiis perinde accipiuntur, ac si Patres isti petentibus ingratissimis filiis ouum porrigerent scorpionem. Non considerat Nobilitas spiritualium subditos in militare stipendium tot contulisse tributa, inusitato antiquis temporibus exemplo, nam is contribuendi modus tum primùm institutus est, cum Nobilitatem domesticæ quietis dulcedo, & bella viritum gerendi tædium subiit. Oblita est, quàm insignem pecuniæ summam subsidij nomine status Ecclesiasticus Reipublicæ donauerit. Ignorare videtur hac eadem expeditione bona Ecclesiæ, cum in eius ciuitatibus, oppidis, villis collectus miles commeatum contraheret, seque reficeret, ad extremam penè vastitatem redacta esse, totamque huius expeditionis molem maiori ex parte solos Ecclesiæ & Regios subditos tulisse. Ad extremum quis nescit spiritualium Principes magnam istius belli partem capessuisse? Archiepiscopus Gnesnensis cum Cuiauiensi & Plocensi Episcopis, toto huius expeditionis tempore in aulâ Reginalis Maiestatis versati sunt: Episcopus Cracouiensis, ut Cracouiæ præesset & fines Hungariæ tueretur, ibidem iusta præsidia tenuit. Quid dicam de Illustrissimo Episcopo Cuiauiensi? qui sumptu maximo supra tercentum homines cum Serenissimo Principe Vladislao ad castra misit? Eorum tamen iuuandæ Reipublicæ studium potius vituperatur quàm laudatur. Erant in ipsomet exercitu supra centum Sacerdotes, qui sine præmio seruiuerunt, gratuitamque operam saluti animarum impenderunt. Sed Ecclesiasticæ possessiones in oculos multorum potissimum incurrunt: hæc profecto sunt pretia peccatorum, sunt vota fidelium: quorum pars Academijs, Vniuersitatibus, ad fouendos Magistros & Præceptores, qui instituendæ & erudiendæ iuuentuti dent operam; pars Monasterijs, in quibus magnus numerus Equestris ordinis hominum religiosa instituta sequentium continetur; pars Xenodochijs, Nosocomijs, egentibus, ægris, & quauis calamitate pressis sustentandis cessit. Quidquid hoc nomine ad Ecclesiam venit, Deo sacrum est, neque Polonico, neque vnquam vllò iure vetitum. Nouæ istæ sunt, nec maioribus nostris vnquam vsitata querelæ, grauem esse sacrum ordinem seculari statui, plus iusto & nimium Ecclesiam possidere, eiusque possessionum amplitudinem in publicæ defensionis iacturam vergere. At vellem hi qui ita queruntur considerarent, quantoperè antiquæ Ecclesiarum, Monasteriorum,



rum, foundationes diminutæ sint : quantæ possessiones ab ijs alienatæ : quot bonis nunc potitur Nobilitas quæ olim Ecclesiæ addicta fuere: cuius quidem rei vel sola Tinecensis Abbatia, vt alias Ecclesias taceam, testimonio esse potest, quæ ex amplissimis Regum liberalitate primitus habitis possessionibus, vix tertiam portionem duabus amissis, & in ius Equestris ordinis iniquitate temporum & diuersis calamitatibus traductis retinet.

Verùm iniustæ contra Ecclesiasticos querelæ caput est, de Scultetis, siue Aduocatis bonorum Ecclesiæ bellum non militantibus vti debent, cùm iuxta legem à Rege Casimiro latam, tum eremocidium ( astitum terminum Iurisconsulti Polonici vocant) quo Ecclesiastici, rerum potente in Poloniâ Sigismundo Augusto, damnati sunt, quòd ad diem producendis immunitatum & libertatum Priuilegijs constitutam indictamque non adfuerint. Risum mihi mouet ille velut astitus terminus, vel vt Latini loquuntur eremocidium, in quod Ecclesiastici Rege Sigismundo Augusto inciderint. Quasi verò maiores nostri ad eiusmodi concertationes iuridicas descenderint; eoque se ij qui Principem locum in Regno tenent demiserint, vt more priuatorum hominum lite cum Nobilitate contenderint. Quare omisiss his quæ vana & inania sunt, potiùs ad explicanda Casimiri Magni Statuta ac edisserendum, vnde & quando sint orti in Poloniâ Aduocati, siue Sculteti, quod illorum fuit officium, quo tempore cæteris Regni Nobilibus eos in bonis proprijs instituere primùm licuit, & quomodò deinceps illorum conditio mutata.

Ingens error est quorundam, qui existimant fuisse aliquando in Regno Poloniæ talem militarem ordinem, qui militiam ferret, qui equum conscenderet, ad bellum iret, & cætera officia præstaret. *Que origo Scultetorum in Poloniâ.* Prima & antiquissima Scultetorum seu Aduocatorum initia, sub Boleslao Pudico Poloniæ Principe fuerunt, circa annum millesimum ducentessimum quinquagesimum. Id patet ex plurimis Priuilegijs circa ea tempora datis, quæ ego non solum apud Nobiles, verùm etiam in Regio, & aliquarum Ecclesiarum archiuis vidi. Non absimile vero videtur Henricum Barbatum Ducem Vratislaviæ, cùm pro Boleslao Pudico iuvene adhuc tutorio nomine Poloniam administraret, & deinceps quoque Posnaniensem & Calissiensem Ducatus in suam potestatem redegisset, veluti Teutonici iuris & peritum & scientem, huc secum ius Teutonicum & Scultetos ac Aduocatos intulisse. Id pro comperto ferè habetur, Cracouiam Urbem Poloniæ nobilem à Boleslao Pudico fuisse ornatam iuris Teutonici prærogatiuâ, eamque auctam à Lesco Nigro, Anno millesimo ducentesimo octuagesimo quinto, totumque Urbis eiusdem regimen ciuibz nationis Germanicæ commissum, eò quòd contra Conradum Masouiæ Ducem, arcem & fidem illi seruassent, multisque alijs modis de eo præclare meriti essent. Quod genus regiminis Teutonici in alia oppida villasque Regias introductum, deinceps etiam sensim à spiritualibus, & secularibus, qui



tali iure desiderabant gubernari villas suas, fuit expetitur, moxque à Ducibus & Regibus benignè concessum: cuius quidem concessionis ea forma fuit, vt Princeps diceret se transferre hanc vel illam villam ex iure Polonico in ius Teutonicum. Quale autem quondam fuerit ius Polonicum ita habet: Olim illà pietate vixerunt Maiores nostri vt dominus cum subdito in ius veniret, Iudicem Regium adiret, ius posceret: eius rei extat exemplum in praxi iuris nostri Polonici etiam his temporibus. Introducto verò iam iure Magdeburgensi, cum aliquis ius suum petebat, illud quilibet, siue villanus, siue vrbānus aduocatus, Regiā auctoritate datus Iudex, reddebat. Sed cum id tandem laxis graue visum esset; lata lex est de iure Polonico locando, in causā cædis & vulnerum: Ius autem Polonicum tale est, vt ciuitas vel dominus subditi inculpati in fundo bonorū suorum tres nobiles sistat, quorum vnus Iudicis, alter subiudicis, tertius Notarij vices obeat, qui in fundo seu loco delicti iustitiam in causis cædis & sanguinis administrent. Habetur hac de re Statutum Casimiri in Nieszoua Anno millesimo quadringentesimo quinquagesimo quarto, & Sigismundi Petricouiz Anno millesimo quingentesimo trigesimo octauo. Patet itaque iam olim sub Casimiro Magno Scultetos fuisse introductos, potissimum ad præsidium rusticorum contra Nobiles, qui in plebem rusticam nimium sibi vsurpabant: origo nominis illorum vel ex Latino sermone Auscultatores, vel ex Italico simpliciter Scultatores. Afflixerat præterea supra modum vniuersam ferè Poloniam ingens illa & fatalis incurisio Tartarorum, qui sub Annum Christi millesimum ducentessimum duodecesimum se in Europam effuderunt, lateque ferro & igne multos per annos in Christianos sæuientes, vniuersam Poloniam, Vngariam, Bohemiam, & cæteras prouincias Germanicas deuastarunt; ad extremum impunè per Poloniam grassati, cum Anno millesimo ducentesimo quadragésimo secundo ad Legniciam Henricus Pius S. Hedwigis filius, ingenti ex reliquijs Polonicis, qui adhuc supererant, fortium virorum quos poterat collecto exercitu, se illis opposuisset, ingenti terrore fumiferæ imaginis afflatu nostris iniecto, fraudè diabolicā victoriam obtinuerunt, ipsumque imprimis Henricum Ducem crudelissimè necauerunt, promiscuum denique vulgus donec supererat passim interemerunt. Tanta Poloniæ per Tartaros deuastatio, causa fuit, vt huc Germani euocarentur: nam cum illi Polonis in agro colendo sagaciores & multò diligentiores sint, eos Maiores nostri ad rem agrariam constituendam euocarunt, tribuendo etiam iisdem villarum & agrorum locatoribus iurisdictionem, quò rem familiarem curando, agros colonis diuiderent, censum ab eis exigerent, iustitiam cooptatis sibi ex villarum incolis Scabinis administrarent. Fiebat id auctoritate Principis; nam tam Ecclesiastici, quàm etiam seculares viri inde legebant, inde deducebant homines certos, qui partem aliquam etiam ingentem fundi apud Nobilem emebant, sed decima v. g. pars fundi emptori iure perpetuo cedebat, ille



ille verò vniuersum agrum domini colendum suscipiebat, in eo ædificabat, rusticos alios locabat, & tanquàm paterfamilias suæ domi agebat: nisi quòd census domino debitos ad diem certam reddebat. Ijdem, vt supra diximus, læsis iustitiam implorantibus, accitis duobus ad se Scabinis, administrabant: hic est verus & genuinus Scultetorum seu Aduoca-<sup>vera scultetorum origo.</sup> torum fons & origo. Prodeat nunc aliquis & dicat vtrùm Sculteti aliquando in bello fuerint? vtrùm peditatum suppleuerint? vtrùm aliquando in acie steterint? & sunt nonnullæ descriptiones vniuersi exercitus tempore expeditionis publicæ quas vnicuique videre licet. Intelligere inde quiuis poterit, quali quis equo federit, vt in acie steterit, denique quis & alterius latus custodire debuerit. Maiores nostri selectam quandam militiam habuerunt, nec eam rusticæ genti vnquam communicare voluerunt: equite non peditate in bellis utebantur: ipsa Nobilitas arma insignis militare tenebat, rei agrariæ curâ aduocatis Scultetis & rusticis relicta. Idque non sine causâ Maiores nostri faciebant, nam si Nobilitati rustici mixti fuissent, Nobilis desertæ stationis accusatus, parem sibi genere non habuisset, quem testem adhiberet se in bello eum locum qui ei obtigerat tenuisse: quæ quidem causa etsi nobis valdè leuis videtur, cæterum illis temporibus, quibus alius bellandi modus erat, valuit. Primum sub Casimiro Magno vltimâ domus Piaſtanæ progenie, ea aucto-<sup>Quando Plebeij ad militiam admisi.</sup> randi militis ratio mutata est: dispersas etenim reliquias regni cùm persequeretur, & intra angustos terminos hostibus resisteret, Russicæque imperia, quondam suum labore Boleslaorum, Vladislaorum, Casimiro-<sup>Qualis olim militia in Polonia fuerit.</sup> rum conquisitum patrimonium, recuperaret & Coronæ Polonicæ iungeret, ex hominibus conditionis plebejæ, colendis agris tam Regijs quàm spiritualium & secularium adscriptis, exercitum collegit. Atque inde illud statutum de subditis tam spiritualium quàm secularium creuit, quod æquè Nobilitatem ac statum Ecclesiasticum affecit. Idque testatur eiusdem Casimiri factum ad ciuitatem Pyzdry: nam cùm ibi ingentem Cruciferorum exercitum sustinere non posset, rusticos vndeque ad se aduocauit & vallo inclusit. Denique idem eò tandem progressus est, vt successu temporis subditos spirituales & seculares ad locanda castra, struenda valla, & quæuis similia opera adhiberet. Quæ quidem seruitus necessitate & vi (fatendum enim est) sub Casimiro primum inducta, postea desijt. Inter cæteras Equestris ordinis prærogatiuas & libertates, quas idem status à Ludouico dicto Lois accepit, hæc erat vna eaque præcipua, quòd sublati omnibus oneribus, quæ hunc ordinem & eorum subditos grauabant, solam duorum grossorum contributionem de quolibet manso agri pendere tenerentur, sumalia ista dicebantur: vice versâ militaris ordo spon-<sup>que</sup> dit se onus militiæ contra omnes hostes sponte sine omni exceptione laturum. Hinc nullus Historicorum, tam frequentibus generalibus sub Vladislao Iagiellone Rege bellicis expeditionibus, mentionem facit Scultetorum spiritualium & secularium; iura-



que omnia silent, de tali ad bellum rustico apparatu. Sed potissimum ad Gruneualdum, ubi ordinatissima fuit publica expeditio, ac optime qualis species exercitus, quis & quo loco pugnaverit, qui fugerint, qui subfiterint, quis & à quo captus fuerit descriptum est, mentio aliqua rusticorum vel Scultetorum facta fuisset; quam tamen nullam usquam reperiri certissimum est. Rectè expendit Matthias Smogolecius in eo libro quem de exorbitantijs Spiritualium prudenter scripsit, unde ille qui passim obijcitur paragrahus in Casimiri tertij statutum irrepperit? Przytuscius hæreticus id imprimis telum protulit non ex statuto, ut postea ipse & Herbortus fatetur, sed ex registris Cancellariæ. Erat fortasse aliquis qui futura belli cum Turcâ pericula expenderet, eaque conciperet scripto, quod postea in Cancellariâ inter alia reliquit. Metus ingens post eadem Vladislai ad Varnam omnes inuaserat, nec deerant, qui quâ priuatim, quâ publicè de bello eo loquerentur; sed aliquid certi hac de re statutum fuisse haud scio. Denique etiam si hac de re in aliquo consilio publico actum fuisset, certi nihil statui poterat, nisi id quod publico assensu comprobatum fuisset: præsertim in re tam incongruâ & absurdâ, ut Sacerdotes & eorum subditi ad militandum cogerentur. Plena sunt Archiua Ecclesiarum clarissimis munimentis, quæ nos bonaque nostra hac seruitute eximunt; & res in vniuersum absurda est, Clericum vestiri armis, vel curare ea quæ ad arma pertinent. Sciuisset olim Sigismundus Primus utrùm Sculteti Patre suo regnante bellum gesserint; sciuisset & adhuc memoriâ tenuissent eo tempore Maiores nostri, qui sub Casimiro totum penè imperij tempus publicis expeditionibus exegerunt, nec vnquam in volumen legum inferi passi fuissent hæc verba. Bona Spiritualium Ecclesiastica numquàm subiecta erant oneri bellicæ seruitutis, ut quæ per Serenissimos Prædecessores Nostros Reges Poloniae & Duces sunt ab initio foundationis Ecclesiarum ad vnum duntaxat, hoc est ad onera Ecclesiæ, collata, multisque immunitatibus donata. Id ut vides non ex registris Cancellariæ, sed ex legum statutorumque medullâ depromptum, satis magno præsidio Spiritualibus esse potest, nec alio egent munimento. Quod si quispiam statutum illud Casimiri Magni producat, quo omnes tam Spiritualium quàm Secularium Sculteti ad labores militiæ coguntur, an non videt eodem suos subditos, quo & Spiritualium cogi, & ipsummet Equestrem ordinem quasi in laqueum seruitutis præcipitari? Excitate igitur, si vobis placet, à mortuis vestros Scultetos, eosdemque in antiquum statum restituite, producite in aciem, pugnate; tum demum nos Spirituales cum nostris Aduocatis subsequemur: quæ res quàm absurda quamque grauis esset nemo non videt. Vetus iuris est regula; neminem antiquum & præscriptum possessorem iura sua exhibere teneri: aduocati & Sculteti semper fuerunt & existimati sunt subditi dominorum suorum, & res ipsa loquitur Scultetum esse alicuius domini & villæ scultetum, ut relatiuè sibi cohæreant. Ita disponit Statu-



Statutum Casimiri Magni his verbis: Cùm officium Scultetorum semper existat seruale, & ad officium dominorum suorum stare & facere iure teneantur. Et Vladislaus Iagiello eos æquiparat colonis, quos nostri Emetones vocant. Cùm Scultetus, inquit, vel emeto de agro seu hereditate suâ absque culpâ domini fugerit, &c. Vides apertè quo nomine vel eo ipso tempore, cùm nascerentur & cùm in Colonias deducerentur, appellarentur: vili planè & ignobili tanquam gens solo addicta & bello inepta, & præterquam parandæ annonæ vt emetones cæteri idonea. Nec diu quidem inter eos & maiores nostros stetit concordia; nam cùm hi qui quodammodò gradum aliquem nobilitatis conscendisse sibi videbantur, altius se erigerent, iniurias & molestias inferrent, interdum Aduocatas potentioribus inuitis dominis venderent, & nō pro subditis sed pro vicinis se gererēt, publicè supplicauit Nobilitas in Comitijs Anni millesimi quadringentesimi vigesimi tertij Vladislao Iagielloni Regi Nobilitati impensè fauenti, vt statutum de inutili & rebeli Sculteto conderet, scultetumque siue Aduocatū rebellem ad domini potestatem redigeret. Quamobrem is eam sanxit legem, vt deinceps Scultetus inutilis ad ius terrestris vocatus summam quam in Scultetiâ inscriptam haberet tolleret; domino bonis cederet. Hoc iure freti maiores nostri, tam Seculares quàm Spirituales, incontinenti repeterunt à suis subditis bona sua, idque tanquam directi domini, & iure communi adiuti. Quòd si quis obiecerit, videri Nobilium quidem Scultetias ad eximendum propositas, de Spiritualibus sileri; Respondeo, Ne hos quidem exceptos esse, & vbi lex non distinguit nec nos distinguere debemus: & præsertim in verbis legis generalis de materiâ rei in quâ nulla est differentia vel distinctio loquentis; cùm præsertim ex iure nostro antiquissimo, pari iure Spirituales & Nobiles bona sua regant, iurisdictioneque & dominio eodem planè vtantur. Diuturnâ proinde consuetudine firmatum fuit, vt Spirituales æquè ac Nobiles restitutâ pecuniâ bona sua ab aduocatis seu Scultetis redimerent. Officia eorum, vt ex præscriptis prærogatiuis & priuilegijs patet, erant vel sementem agri dum seminatur custodire, vel census à subditis exigere, vel siluarum curam gerere, vel itinera expedire, vel (idque rarò & in abundantioribus foundationibus) cum domino, ad fines regundos aut etiam ad bellum proficisci; sed hæc postea in alios vsus, in quos dominis visum fuit conuersa sunt. Pleraque Aduocatiæ restant adhuc in bonis Regiæ Maiestatis, & nonnullorum Spiritualium; Regiæ quidem in præmia benè meritorum cesserunt, præsertim ditiores: hæc quæ in bonis Spiritualium inueniuntur, quis alius tenet, nisi fratres nostri viri nobiles & benè meriti, qui cum alio nomine expeditionem ad bellum faciunt, quid plura ab eis exiguntur? Cæterum libenter status Spiritualis benè meritis de Ecclesiâ elargitur eiusmodi agri portiones: quòd si quis intemperantiùs se gesserit vel domino molestus fuerit, vocatur in

*Vnde statutum de inutili Sculteto.*



ius, & velut indignus beneficio priuatur, id quod rariùs fit, sed hac de re satis. Habet ad extremum hæc ipsa protestatio, mentionem proximè præteritæ bellicæ expeditionis, nec ego de eâ silebo. Frustrà de eâ incusant Sacram Regiam Maiestatem: fêcit plus quàm potuit, certè plus quàm debuit; misit filium suum eximiæ planè indolis iuuenem, misit, inquam, carissimum pignus in ipsam belli flammam, misit ad exercitum iam vndique ab hostibus cinctum. Quid istic egerit? quàm sedulò rem gesserit? vt hosti ipsi terrori fuerit? narrent alij qui præsentés erant. Quàm pauci, quæso, reperti sunt, qui Regio filio, & Patriæ vitam fortunâque in eo periculo deuouerint? non inficior quidem, fuisse inuentos aliquos æternâ memoriâ dignos, qui eo animo Principem secuti sunt, vt pro eo & patriâ vitam & quidquid fortunarum habebant amitterent: ceterùm ex tam numerosâ Nobilitate paucissimi ij fuerunt. Non defuit tamen Patriæ Ecclesiasticus ordo; nam & Serenissimum Principem stipendio Pauli Wolucij Episcopi Cuiariensis auctoratum militum robur ad castra euntem secutum est, & ex contributione aliorum Spiritualium auctior istic numero stetit exercitus: reliqui in præsidijs non inermes manserunt. Rex postea, non eo quo decuit apparatu instructus, inter hosticos exercitus iter fecit: alij sunt subsecuti, sed non eo numero, non eo ordine, quo tenebantur. Ditiores Nobiles passim coëmerunt bona pauperiorum, neque erubescunt sine debito comitatu expeditionem publicam exequi, immemores olim Casimirum Magnum statuisse. Tenetur igitur quilibet miles secundùm quantitatem & possessionem bonorum suorum & reddituum ad Rempublicam certis armatus hominibus ire. Nunc aliter omnia fiunt, is qui decem villas habet, & qui vnam tantùm vel dimidiam pari numero comitatus it ad bellum, ordo nullus, necessitas nulla, quæ intra septa cogat dissolutos. Inde prouenientes iacturas sacerdotali militiâ sarcire impium & abominandum. Fungantur potius Sacerdotes intra Ecclesiæ septa officio suo, Deumque nobis impetrent propitium: Rustici & omne Emetonum genus agrum aret, & excolat; miles bella tractet: bella gerant fortes, ita constabunt & cohærebunt omnes Reipublice partes: Spirituales interim non deserent Patriam: sed id faciant rogati non coacti, nec legibus perniciosis, reclamante & contradicente ordine Spiritualium promulgatis, circumscripti, iuribus immunitatibusque suis semper saluis. Sed illud imprimis mirum est, hos Patriæ amatores, qui hac protestatione statum Ecclesiasticum accusandum censuerunt, solius Ordinis sacri errores notasse; ea quæ ante omnia censuram poscebant, silentio præterijisse. Belli quidem expeditio proximè præterita exacta & ordinata haud esse potuit: nam insolita hostis urgente celeritate, properè excita sedibus suis tarda & bellorum oblita Nobilitas, non ita armata, non ita instructa, non ita in ordinem redacta & composita, vt olim Maiores nostri, bellum actura ibat. Ceterùm non Sacerdotes tantùm, quibus solis vacatio belli



iure competit, sed integræ etiam Prouinciæ cùm bellandum esset sua priuilegia, suas prærogatiuas obiecerunt; & tamen isti magnifici censores, Sacerdotes tarditatis accusant; alios ne nominant quidem. Vbi illa tandem decoris bellici æmulatio? vbi illud certamen? cùm integri Palatinatus contenderunt vt ipsi primi in acie conflicerent, vt pro Patriâ, pro Rege, pro Republicâ, sanguinem profunderent? Nunc quantum de generauimus! Vellemus vt in primâ acie starent Sacerdotes, rustici, Sculteti, ipsæ denique mulieres. Opto equidem Patriæ meæ & fratribus meis aliam mentem, eosque animos, quibus olim Maiores nostri formidabiles erant cunctis gentibus. De eo cogitandum, de eo consulendum esset: Protestationes discordiarum semina, perniciem patriæ allatura serunt, quare illas iurisperitis relinquamus; consilia verò nostra eò vertamus, vt omnes vnanimis, omnes omnium Ordinum status Rempubicam capeffant, Patriamque labentem fulciant: stet Sacerdos ante altare Dei, & incruentum sacrificium offerat; laboret arator, & victum competentem suppeditet; Ordo militaris armis & fortitudine Patriam tueatur.



AMICA



## THOMÆ ZAMOSCIO,

*Dum Regni Vice-Cancellarius renunciaretur, data.*

CIO ego magnos & industrios viros, quos præclaræ virtutes magis quàm fauor vel aura popularis, summis admouent magistratibus, non egere alienis monitis, sed per se satis sufficere & esse perspicaces, ad exploranda omnia muneris sui officia: neque tamen ignoro, sæpè eosdem intra modestiæ fines ita animum continere, vt non agrè admodum ferant, se moneri, præsertim ab ijs, qui proximè eodem magistratu functi, recenti memoriâ tenent, quibus potissimum ex causis, in tractandis maioris momenti negotijs, soleant minùs præuisæ exoriri difficultates; vt interdum etiam vel oculatissimos rerum ministros grauitè offendere, & in suspensionem non rectè gesti muneris venire contingat. Ego iure me id vsurpare posse mihi videor, quod ij qui nuper procellosum emensi pelagus, varijsque iactati tempestatibus, interdum ad scopulos leuiter allisâ naui, eâ tamen saluâ, portum iam tenent: tales enim sine reprehensione cuiusquam, cæteros è portu in altum vela dantes suo iure non solùm monere, sed etiam summo studio ijs præcipere debent, & tempestatum rationem, & prædonum & locorum: quòd naturæ ipsius ductu, ijs faueamus, qui eadem pericula ingrediuntur, quibus nos perfuncti sumus; eosque nostro periculo doceri cupiamus, quid cauendum, quid fugiendum, quidue sequendum illis sit; quâ arte tumescentes frangendi fluctus, vela vt ventis accommodanda, vt vel eminentes, vel cæci scopuli euitandi; quali velificatione, dum minùs secundi spirant venti, vtendum. Possem & ego te, Thoma Zamosci, dum delatum tibi Regio & Senatus iudicio in his Comitijs munus Vice-Cancellarij cæteri gratulantur, paucis admonere eorum, quæ mihi eundem magistratum gerenti in considerationem ex vsu rerum venerunt. Id vt faciam & obseruantia, quâ te mihi ob heroicas tuas virtutes colendum venerandumque iam pridem desumpsi, & multò magis amor impellit. Nec tamen à me expectes, vt tanti officij omnes partes complectar, nec enim eæ sunt meæ vires, vt tantum mihi assumam; & procul dubio ea res longiorem & acuratiorem posceret lucubrationem, euagandum enim esset per omnes Reipublicæ recessus, explicandæ publicorum consiliariorum rationes, leges Patriæ, mores & instituta maiorum, indaganda, sed tu hæc omnia vex te petes, vex illo omnibus numeris absoluto, rectè & magistratus & Reipublicæ gerendæ exemplari,

Illustri



Illustri Ioanne Zamoscio Patre tuo. Ego ea tantum commemorare institui, quæ quotidiani usus sunt, & quæ magis te ipsum munus hoc gerentem, quam Reipublicæ statum concernunt.

Inprimis igitur enitendum tibi erit, ut te talem in hoc magistratu exhibeas, qualem te vota publica iam pridem animis designarunt, salutem publicam plus quam priuatam curantem, Regiæ dignitatis studiosum, ad omnes Respublicæ partes intentum, imminetia pericula è longinquo indagantem, remedia malis publicis maturè providentem, assiduâ curâ ne quid Respublica detrimenti capiat prospicientem. Hæc quotidiana tua meditatio sit, Vice-Cancellarius Regni sum; Respublica, salus, dignitas Regis & Patriæ, custodia legum, pax & tranquillitas publica, curæ meæ commissa est. Ego arbiter & æstimator meritorum ac virtutis optimi cuiusque: per me Regi innotescere debet industria eorum, qui Patriæ operam nauare & possunt & cupiunt, qui præmijs ornandi, qui magistratibus gerendis idonei: per me preces omnium Regijs auribus insinuandæ, & quasi ostium liberalitatis aperiendum: ego calamitate & iniuriâ pressis præsidium, pupillis & viduis patrocinium debeo: à me Rex, qui me in tanti magistratus fastigio collocavit, à me Senatus, cuius concordie suffragio locum hunc conscendi, summam rei deposcit; me ciues, me socij intuentur; de me meisque actionibus hostes & inuidi sententiam ferunt; meæ omnes actiones cunctorum censuræ obnoxie sunt. Ita expensis minimis officij tui momentis, eò omnes tuos intendes conatus, ut muneris tui partes impleas. Omnibus quidem, qui te negotiorum suorum causâ conuenire voluerint, domus & porta tua pateat, sed præcipuè ijs qui aliorum iniurijs pressi tuo patrocinio eguerint, quique per te sua desideria ad Regem deferri petierint; quæ iusta ne sint an verò minus æqua non tantoperè tibi expendendum censuerim, habeant hoc sanè miseri, & ij qui in publicis, & præcipuè bellicis obsequijs, ad esis opibus, nonnumquam minus opportunè satisfieri sibi flagitant, solatium, ut non repulsi, sed in meliorem spem erecti à te & ab aulâ recedant. Neque enim mihi eorum probantur mores, qui primo aditu spem petentibus præcidunt, & non satis meriti vniuscuiusque ratione expensâ, ferunt sententiam, repulsamque, quæ per se satis grauis est, acerbior ipsâ vultus austeritate faciunt. De quo genere multa dici possent, sed ego haud ignarus eximie humanitatis tuæ, quâ dum singulos complecteris, summum omnium amorem hætenus tibi conciliasti, parcius de his ad te. Collega tuus Iacobus Zadzik Episcopus Culmensis, nuper supremus Regni Cancellarius renunciatus, vir clarissimus, tibi que (quis enim te, nisi qui ipse amari indignus sit, non amet?) sincero animi affectu coniunctus, eam omnium consensu existimationem sibi peperit, ut nemo illo conciliandarum amicitiarum peritior esse censeatur, quibus quam multos in toto hoc Regno complectatur, & vicissim quantoperè ipse ambiatur, nemo non videt. Pares quidem sunt vestræ & eiusdem potestatis

*Quid curandum Cancellario & Vice-cancellario.*



statis functiones, sed ille iudicijs imprimis præest, eaque ita moderatur, ut dum præsens in aulâ versatur, omnia decreta Regia sub eius censurâ & nomine prodeant. Ad eum pertinet externorum Principum missas ad Regem legationes excipere, responsa dare, legatis Regijs mandata legationum præscribere, rationes obitæ legationis ab eis reposcere, consilia publica in Senatu auspicari, quæque in consilium veniunt, Regio nomine proponere, Comitiorum apparatus omnem expedire. Hæc illo absente omnia quoque ad te pertinebunt, sed & illo præseste, si aliqua pars huius oneris exceptis iudicijs (neque enim ea communicari solent) Regiâ voluntate tibi deferetur, per te sustinenda erit. Neque ego metuo, ne quod sæpè fieri videmus, ex æmulatione aliquâ inter vos voluntatum dislocatio oriatur. Scies tu pro tuâ prudentiâ & animi moderatione, tantum deferre prærogatiuâ honoris & ætatis maiori Collegæ, quantum & mos antiquus expolcit, & tua dignitas patietur: ille vicissim, tanquam accuratissimus amoris parandi magister, & constanti sinceritate ab omni simulatione alienus, quique nullo magis detrimento, quam amicorum, quos penè in sinu fouere ac tanquam auri talenta custodire consuevit, iacturâ commoueri solet; & qui aliquando magno cuidam viro querenti per eum amicos à se abduci, Fateor, inquit, id fieri, cum à te eos facillè & temerè deserui videam, responderit; talem se tibi præstabit, ut nullum unquam alium desiderare possis tanti magistratus socium. Et quidem non ita te aulæ addiximus, non eo fine togati magistratus dignitate auctum ornatumque voluimus, ut discinctum gladio, exarmatum & rude donatum censere quisquam posset. Sæpius ab aulâ recedendum, & arma tibi tractanda ac bella gerenda erunt, quibus ab ineunte ætate assueuisti, quæque summâ cum tuâ laude, & eorum quorum ductu res gesta fuit commendatione gessisti: prædicant omnes, vel in ipsis periculis tuam animi magnitudinem, & periculorum contemptum, dum morte venale decus heroicâ æmulatione sectaris. Sed & illa non minùs præclara, & ut veriùs dicam, propria tua laus, quod licet opibus & copijs plerisque par fueris, plures etiam superaueris, semper tamen modestiæ tuæ memor, ad parendum magis, quam aliquid plus tibi arrogandum te comparaueris; palamque non magis verbis, quam re professus fueris, te vel tuo Clienti, si eum Rex exercitui præfecerit, pariturum, & sub eius signis militaturum. Nemo sanè existimauerit eam vocem humilis aut abiecti animi esse; enimuerò magnifica ea professio est, & militari Patriæque amante viro digna, non multum sibi arrogare, ubi salus publica poscit; submittere fasces magnitudinis suæ; nec æmulatione gloriæ corrumpere publicam utilitatem; fouere aliorum industriam; pati ut minores per virtutem ad præclaras actiones enitantur. Audisti ipsè & meritò execratus es, impiam ambitionis vocem, cum non nemo diceret, non se siturum, ut alter militaris gloriæ decus, quasi sibi vni debitum, suffuretur, ut in consortium famæ rerum præclarè gestarum veniat. Detestabilis est hæc & pernicio-



nicioſa admodum Patriæ inuidia, tu vt facis fouebis beneficiâ tuâ apta idoneaque & ad præclaros pro Patriâ & religione conatus ſulciendos nata ingenia, eoſque qui de Republicâ optimè mereri poſſunt, non ſolum non deprimes, ſed ab ipſâ tolles humo, & in theatro rei benè gerendæ collocabis. Hoc heroës, hoc maximè vel magnos decet, hoc dum tu facis parem te ijs exhibes, quos ob æquanimitatem vtilem Reipublicæ, gratiſſimam bonis omnibus, mirata & venerata eſt priſca ætas. Ibis deinceps & tu pari animi æquitate, per hunc virtutis tramitem, ad ſummum illud gloriæ decus, quod Pater tuus vir verè magnus totius orbis teſtimonio conſecutus fuit. Sed hæc non huius temporis. Pietas ſyncera ſemper tibi cordi fuit: hæc vel vna effecit, vt omnium bonorum conſenſu magiſtratu hoc dignus cenſereris; hæc tibi vniuerſi ſtatus Eccleſiaſtici & piorum omnium ſtudia conciliaſti: igitur & dum hunc magiſtratum geris, omni ſtudio enitendum tibi cenſebis, vt piorum & pietatis ſis promotor, vt iura & immunitates Eccleſiaſticae, quæ legibus Regni cõtinentur, tuo patrocinio tutæ ſint, vt vniuerſus ordo ſpiritalis, quæ prima & præcipua Reipublicæ pars eſt ſalutis & dignitatis ſuæ aſſertorem & propugnatorem te habeat, & tibi deſenſorum iurium prærogatiuarumque ſuarum debeat beneficium. Caue autem ne in hac re imiteris eos, qui vt populo ſe venditent, nõ ſeriam, ſed quodammodo ambiguam ſuſcipiunt ſacri ordinis deſenſionem, ac vtrique parti ſe venditant; quaſi verò dubitandum veniat, vtri parti fauendum ſit. Nam ſi rem benè expenderis, ſacraſque illas maiorum noſtrorũ leges, ex ipſis pietatis & religionis Chriſtianæ fontibus propagatas, accuratè inſpexeris, facilè animaduertes, nunc delicta maiorum à nobis lui; & niſi templa refecerimus, iuriſdictionem ſacram ſacro ordini reſtituerimus, belli exactionumque militarium bonis Eccleſiæ adſcriptis immunitatem, quæ pridem legibus noſtris indulta eſt, tribuerimus, Rempublicam noſtram violatæ pietatis, oppreſſionis iurium Eccleſiaſticorum argui poſſe, nec facilè felices belli paciſque tempore ſucceſſus habituram, & delicta maiorum luituram, niſi hæc vulnera, quæ libertatibus Eccleſiaſticis illata videmus, legitimâ ſatisfactione conſolidet; debeat, inquam, inter alios tibi hunc magiſtratum gerenti Eccleſia hoc beneficium, quod tibi viciffim ſacris comprecationibus & ſanctiſſimis ſacrificijs rependat. Magnum hoc erit rerum gerendarum ſubſidium, te dum vel arma tractas, vel publica geris negotia, piorum votis ambiri, ad tuam intentionem & deſiderium preces ſacras fundi, ſacrificia offerri. In gerendo magiſtratu præter pari poteſtate Collegam, alios muneris tui ſocios & miniſtros habes, inprimis in iudicijs, quæ tibi abſente Collegâ exercenda erunt, ad ea iure & inſtituto maiorum adhibebis ante alios Regni Referendarios, vel alterum eorum. Ita ſanè antea in uſu fuit, vt Referendarius accitus ad iudicia à Cancellario ſtatim veniret, & in hac parte voluntati illius ſimul & muneri ſuo ex præſcripto legum ſatisfaceret, nec integrum iudicium aſſeſſoriale cenſeretur,



*Rescripta  
Referendariorum  
censura  
Cancellarij  
vel Vice-  
cancellarij  
subiungunt.*

*Latinitatis  
studium in  
Cancellaria  
Regia, &  
qualis.*

retur, nisi praesente Referendario. In quo quidem iudicio eius officium est, non solum ut interrogatus dicat sententiam, verum etiam ut ex indiculo, in quo causae iudicandorum inscribuntur, eosdem servato ordine per praekonem acciri iubeat, ac denique decretum quale Cancellarius ex sententia consiliariorum, quam tamen, si aliter illi visum fuerit, sequi non tenetur, pronuntiauerit, partibus referat. Iudicia quidem Cancellariorum summæ olim potestatis erant, neque enim illi, quemadmodum alij magistratus qui delegatâ potestate iudicant, per citationem compelli possunt, ut sententiae latae rationem reddant; vltro tamen appellanti Regem parti, ob reuerentiam Principis, interdum deferunt, nisi vel causa similis iudicata fuerit, vel binæ conformes inferiorum subselliorum sententiae praecesserint, vel denique res de qua lis est minoris pretij & aestimationis fuerit. De iudicijs pauca hæc innuisse suffecerit; hoc vnum addam: omnia Referendariorum rescripta, quæ non nisi in causis colonorum & glebæ in bonis Regalibus adscriptorum sub eorum subscriptione emanare debet, censuræ Cancellarij aut Vice-Cancellarij obnoxia esse, & in illorum errores iustâ liturâ animaduerti posse. Regentem Cancellariæ opto ut talem sortiaris (quem iure tuo tuâque voluntate sortiri tibi fas est) qui omnes in scribendo tuos sciat & possit leuare labores: penes te sit censura illius scriptorum, quæ ut tersa & Latina, nec tamen affectatæ elegantiae, quam scholis delegare solemus, sint, curæ semper fuit maioribus nostris, passimque Cancellaria Polonica apud externos Principes iam inde à temporibus Petri Tomicij, quem Cancellariorum normam & quasi Patrem veteres dicebant, satis elegans & erudita censebatur. In omnibus quidem rescriptis, quæ sub nomine Regio prodeunt, ne legibus contraria sint seriò animaduertendum est. In ijs autem quæ ad externos Principes, siue officij causâ, siue in Reipublicæ aut priuatorum etiam negotijs, scribuntur literis, tum in formandis legationum praescriptis, dignitatis Regiæ & Reipublicæ habenda est ante omnia ratio. Regens autem Cancellariæ tuæ vellem ut à te vno dependeat, à te promotionem expectet, nec sine te aliorum affectet suffragia, semper ad nutum tuum paratus exequi quidquid mandaueris, nihil ad scribendum Regi offerat, nisi quod tu antea videris & probaueris; neminem Regi, idque nomine tuo tantum, commendet, nisi quem tu commendandum iusseris; in omni ad Regem accessu reuerentiali timore illum perfundi velim, ut qui non suo sed tuo iure cum Rege agendi potestatem habeat, tibi que vni rationem reddere teneatur. Quâ de re non te ego commonefaciendum putarem, qui omnis elegantiae, quæ magnum & eruditum virum decet, affectator es; sed quia publicam causam agimus, hoc quoque intermittendum non censui. Quantum in te erit enitere, ut omnia quæ tuo nomine, & ex tuâ Cancellariâ prodibunt, graui & accurato iudicio, tersa & usu receptâ elocutione scripta, siue Latinâ siue Polonicâ, prodeant: & ut talia sint, etsi Regentis id munus sit, illiusque censura sufficere videatur, tu tamen ipse, quantum



tum fieri poterit, censebis & corriges, existimabisque etiam in minimis rescriptis existimationis ac dignitatis tuæ causam agi. Sigillum Regium ex priscâ Cancellariæ disciplinâ nulli vnquam ita concredebatur, vt absente Cancellario eo signare posset: præsentem itaque te idque solo, & omnes signandas literas ex indice quotidie conscribendo recensente, vir spectatæ fidei ceræ signum Regium imprimat, officio suo functus, sigillum tibi à te solo seruandum restituat. Nullas autem omnino literas, nisi à certis Notarijs antea subscriptas, ad signandum recipiat; tales autem qui subscribant ipse deliges, quorum & industriæ & fidei tutò tuam dignitatem credere possis. Velim eos elegantia scriptionis (nam in omnibus etiam priuatis, quamuis patrij idiomatis, rescriptis eius rationem esse habendam cenſeo) cæteris præstare, iuris patrij notitiâ non vulgari præditos esse, nullo omnino priuato commodo à recto iudicio & officio abduci: sed tu quotidianus eorum cenſor, si quem eorum incertiâ labi compereris, admonebis; si aliqua fraudis suspicio apparuerit, iure subscribendi priuabis; quâ in re serio & seuerò iudicio te vt i volo, vt in vnum animaduersione cæteros metu contineat, sciantque omnes te & officij & dignitatis tuæ esse curiosum. Tribus id munus aut ad summum quatuor committere suffecerit; alij omnino, etiam si sibi sapere videantur, ab subscribendi audaciâ arceantur. Metricæ Regiæ (vsitatis enim vtendum est verbis) talem præficies, qui ex præscripto legum, contractuum omnium scribendorum plenam notitiam habeat: is quoque fide emineat, eamque tibi sacramento obstringat; omnia Priuilegia, Regiorum beneficiorum rescripta, etiam & mandata maioris momenti ad acta referat, eaque singulari curâ conseruet, & tu nempe iubebis, vt is qui Regio sigillo signat literas, nullum omnino Priuilegium nisi actis Metricæ insertum extradat. Iudiciali Notario eodem, si fors iudicandi tibi contigerit, vteris, quæ Collega tuus huic negotio adhibet: est is sanè vir probus, & eius artis peritus, dignus qui tuâ benignitate foueatur. Magna quoque pars laboris tui erit in subscribendis manu tuâ ijs rescriptis, quæ more institutoque maiorum signata è Cancellariâ Regiâ prodeunt. Longum esset percensere omnia, neque certis finibus ea contineretur, & persæpè arbitrio Cancellariorum vel errore officialium hæc mutantur, vt interdum Regi ad subscribendum ea obtrudantur, quæ à Cancellarijs subscribi debuerant. Mandatorum quidem omnium, quibus magistratus ciuitatum & Oppidorum Regia decreta exequi iubentur, subscriptione nunquam olim Regia manus fatigabatur. Ex eodem genere censerì meritò possent, mandata ad iurisdictionem vrgendam exercendamque iustitiam pertinentia. Eius generis & formæ omnia rescripta, ne Regi ad subscribendum porrigerentur, & olim ita fiebat, & ego dum hoc Magistratu fungerer, ordinaueram. Tu facilius, quod Collegam habeas prisci instituti gnarum, & tecum consentientem, statues hac de re quod expedire magis vtrique vestrum visum fuerit. Tutoris dandi ius arbitrio Cancellariorum



*In tutoribus  
dandis quid  
aduertendum.*

permissum. Magnâ hîc quoque cautelâ vtendum est : nam plerique vt pupillum expilent , vt puellam suâ potestatis factam venali & conditionali desponatione bonis paternis & maternis spolient , hoc onus ambiunt , vt inter cætera publicæ iniustitiæ ( quam totius Patriæ exitio vereor ne aliquando expiare cogamur ) argumenta , hæc tutelarîs fraus censerî debeat. Additur quidem semper clausula , vt is qui tutelam petit eius gestæ rationem reddere teneatur , sed quàm multas vias malitia hominum & iniquissimorum legum interpretum audacia reperit , ad omnes iuris & æquitatis rationes infringendas , ita vt sæpè etiam ij quibus iure proximæ cognationis tutela debetur , ( quæ clausula semper in rescripto tutoriæ adijcienda est ) prætextu dati à Rege tutoris , vel potius eius potentiâ excludantur ? Vix quidem caueri satis potest , vt hac in re non erretur : illud vnum censuerim , vt vbi suspicio nimis affectatæ tutelæ apparuerit , aliquis ex eodem districtu vir bonus adiungatur. Vitrico & Nouercæ ( odiosa sunt hæc & defunctis parentibus & superstitibus liberis nomina ) ne vnquam hoc munus demandetur. In ciuitatibus & oppidis tam Culmenfis quàm Mariæburgensis iuris tutorem dat magistratus ; qui si segnior fuerit , iubetur id facere mandato Regio interdum & decreto. Rescripta quæ vocamus Subleuantia diuersi generis sunt : ea quidem quæ in causis ciuilibus eduntur , subleuationis nomen propriè sibi vendicant ; ciuilem proscriptionem ob contemptum decretorum iudicialium vel Castrensi vel Supremi Regni Tribunalis decreto factam suspendunt ; parti quæ proscriptæ & condemnatis in iudicio comparendi , & contumaciam suam vel ignorantiam editarum citationum , vel malè & per errorem obtento processu excusandi potestatem faciunt. Eadem vis est saluorum conductuum quibus ij releuantur , qui ex causis in iure expressis , interdum etiam fraude aduersariorum , infamiâ quæ apud nos capitalis pœna est , iudiciali decreto notantur. Sed interest an decreto Comitiali , quis infamis pronuncietur ; tali enim , nisi ex consensu omnium ordinum in alijs Comitij beneficiu salui conductus dari non potest. Castrenses & Tribunalitiæ infamiæ censuræ Cancellariorum aliquâ ex parte subsunt , vt si quis per fraudem & in ius legitimè non vocatus circumuentus sit , beneficio Regij salui conductus comparendi coram iudicio & illegitimè se condemnatum fuisse , allegandi facultatem habeat : sed necesse est , vt merè , & vt vocant in contumaciam iuris processus obtentus sit ; nam si vel per procuratorem à se constitutum , vel per se in aliquo iuris termino comparuisse reus conuictus fuerit , terminus ille rei iudicatæ vim habet , nec subleuatione vel saluo conductu sisti infringiue potest. Itaque talia beneficia legitimè conuictis amplius concedi non possunt , quamuis vltimus bannitionis vel infamiæ terminus absente reo exierit , si fortè is in anterioribus iudicijs personaliter vel per procuratorem comparuerit , ac de termino conseruato ita ei constiterit , vt eius ignorantiam legitimè opponere non possit. Habet quoque iure victus

iur

*Rescripta  
subleuantia  
quotuplicia  
& quibus  
concedenda &  
quæ in omni-  
bus rescriptis  
diligentia ad-  
hibenda.*



ius querelæ contra Procuratorem, si is sine mandato, & ut præsumitur, fraude & cum parte aduersâ factâ conspiratione, tuendum sibi eum suscepit, & per collusionem vinci se passus fuerit; & quamvis vix vnquam talis insimulatio vera esse reperiatur, subuenitur tamen eo modo iure victo Regij rescripti subleuatione, vel in causâ criminali saluo conductu. Obseruari tamē vidi, & ipse quoque secutus sum, ut si in causâ cædis Procurator rei scrutinium in iudicio produxerit, illoque lecto reus condemnatus fuerit, perinde sit, ac si per procuratorem inscriptum comparuerit, beneficiumque salui conductus illi amplius concedi non debeat. Itaque diligenter & accuratè euoluenda & exploranda sunt munimenta processuum iuridicorum, indagandumque num aliquid in ijs lateat, ne error aliquis subrepat: nam nullâ in re sagaciores sunt iudices supremorum Tribunalium, quàm in notandis Cancellariæ Regiæ erroribus, obliti quidquid auctoritatis habent hinc ad illos deriuatum fuisse. Dantur & salui conductus Regijs subditis contra possessores Regiorum fundorum, ciuibus & oppidanis contra magistratum (quâ in re peculiare ius habent ciuitates maiores Prussiæ) dantur & in Ducali Prussiâ Nobilitati, ne Princeps vel eius vicaria potestas facto, sed iure contra eos procedat. Subditis verò Nobilium & Ecclesiasticorum, tam oppidanis, quàm glebæ adscriptis, contra dominos ne dentur salui conductus, legibus vetitum est. Interdum etiam si pars iure victa satisfactione, & tam rei principalis, quàm mulctarum legalium solutione in integrum restitui velit, huic quoque, etiam si vetustior & præscripta bannitio fuerit, non negandum videtur subleuationis beneficium; cum veteri iure cautum sit, & quotidianâ praxi idem confirmetur, bona in perlucris obligata præscriptione amitti non posse. Abolitis vel per decretum, vel factâ inter partes compositione (quæ authenticè exhibenda & videnda est) bannitionibus, restituitur in regnū Regio rescripto bannitus, similiter & infamis, nisi cædis perpetratæ reus fuerit & proinde publicæ pœnæ obnoxius, de quâ transigere legibus prohibitum est. Priuilegia item faciendi præconis publici, quem Ministerialem vocamus, ex Cancellariâ Regia indiscriminatim dantur, non inserto eius qui creandus est nomine, & absque connotatione diei quo tale diploma editur. Vsu antiquo id inductum, cum aliàs nullæ omnino literæ ex Cancellariâ emanare debeant, nisi integris lineis & absque lacunis, in quibus deinceps aliquid inscribi possit, denique mense, die & anno quo scriptæ sunt adiecto. Ad commoditatem celerioremq; cursum eorum qui vel in priuatis Regijs negotijs, vel in publicis mittuntur, institutæ sunt subuectiones, quas Regia & nonnulla etiam Spiritualium oppida magno cum onere præstant ij qui tali vecturâ vtuntur, necesse est ut exhibeant mandatum Regium, Cancellarij aut Vice-cancellarij manu subscriptum, quale te nunquàm nisi iussu Regio concessurum persuasum mihi est. Vix ad alia quàm quæ commemoravi Cancellarij manum suam admovent, oculis tamen omnia lustrare debent: ipsas etiam cita-



tiones, quamuis ab alijs visas & probatas, Comitiales quoque, ne talis error obrepat, qualem nuper accidisse vidimus, cum Episcopus criminis vis perpetratae accusatus, tanquam aliquis è plebe contra sacri ordinis dignitatem & libertatem, dicaci & probrosâ dicâ proscinderetur. Scio & alia exempla. Itaque meritò Petrus Tilicius, dum Vice-Cancellariatum deponeret, gloriatus fuit, nullam vnquam etiam citationem signatam fuisse quam non viderit legeritque. De me idem confirmare possum, nunquam me redargutum fuisse, quòd aliquid me incio Regio sigillo signatum fuerit, & certè nunquam me puduit mei iudicij, nec sedulitatis & diligentiae poenituit: semperque in promptu mihi erant rationes, si quis fortè quereretur, (neque enim qui immeritò querantur, deesse possunt,) quas opponerem, meque iure fecisse ostenderem. Magnus is labor, sed vt existimatio tuta sit, quæ etiam fidelissimis vix tutò vnquam conceditur, enitendum est, vt ei par esse possis. Commissiones ad fines inter bonam Nobilium quàm Ecclesiasticorum & Regia, regundos; Reuisiones quibus bonorum ab vtrunque Regionum fines statuuntur; mandata item, quibus Capitanei ex lege animaduertere in bannitos iubentur, itemque ad cognoscendas appellationes, quæ à Magistratu vrbis Cracouiensis interponi solent, (quas Rex nisi Cracouiæ sit præsens iudicare non potest) deputatio Iudicum, hæc & his similia manu alicuius Secretarij aut Notarij subscripta, & sigillo Regio signata è Cancellariâ eduntur; sed commissiones ad regundos fines, vt non nisi interrogato Rege extradantur, vsu receptum est. Prolixus essem, si omnia persequi vellem: puto me tamen magis notiora, quæ in vsu sunt, attigisse. Ipse vsus tibi reliqua ob oculos ponet, quæ omnia referes ad normam iuris & legum, non solum nostrarum, sed quæ ipsis pandectis Codicibusque Imperatorijs continentur, & quæ Saxonici, quæ Culmensis iuris auctores condiderunt. Denique ad ipsos Sacrorum Canonum fontes interdum recurrendum, & ex ipsis salutaris consilij principijs consilia petenda. Id maiores nostri fecerunt, qui talibus institutis volumina legum Patriarum constare voluerunt. Riserunt hæc corrupti æui nostri tempora: sed prudentiores intelligunt, prudentissimè à maioribus nostris publicæ salutis prouisum fuisse. Illud prætereà nec sine causâ adiiciendum putaui, præter Senatorium munus incumbere Cancellarijs necessitatem quandam tuendæ Maiestatis Regiæ, & eorum iurium, quæ ad eandem Maiestatem conseruandam pertinent: si quis ea infringere voluerit, publicè & priuatim enitendum tibi censeas, vt Regiæ dignitatis defensor sis & habearis. Bonorum prætereà Regionum iuriumque contra eos, qui peruersâ legum interpretatione ea interuertere nituntur, accuratum custodem & defensorem. Liceat alijs Senatoribus, quanquam nemini id licere existimandum sit, vel auræ popularis captandæ causâ, vel certè quia nonnunquam ignorant, quantum Reipublicæ intersit Regiam conseruari dignitatem, & possessiones reditusque Regios non diminui, interdum sententiam suam flectere ad fauorem

*Commissiones ad fines regundos & similes quomodo extrahenda.*

*Cancellarij Regiæ dignitatis defensores esse debent.*



rem priuatorum, & leuitate iudicij labi; Tu in eiusmodi Regijs causis, quæ maioris momenti fuerint, quæque patrocinio magistratus tui defendi debent, publicam sustinebis personam, ac paratus meditatusque dices sententiam. Cuius rei gratiâ si quid tale vel in iudicium vel in disceptationem Comitalem adducendum erit, tu te ab iurium Regionum defensore, quem Instigatorem appellamus, maturè admoneri curabis; ne si incautus talia negotia tractanda susceperis, vel ignorantia vel erroris argui possis, & serò te poeniteat, quod magnis & præcocibus ingenijs sæpè accidere videmus, dictæ sententiæ, cùm Cancellariorum dictatati- quàm oracula quædam excipi, & in vtramque partem notâ censoriâ signari soleant. Id verò facies magnorum Cancellariorum exemplo, quibus curæ fuit eximiae cuiusdam prudentiæ opinionem tueri, & non solum ea quæ voluminibus legum continentur complecti, sed illa etiam quæ diuturno vsu, quem legum optimum interpretem meritò dicimus, introducta & quasi per manus ab ijs qui olim hunc magistratum gesserunt tradita sunt, constanter defendere. Pater tuus laudator semper fuit priscorum institutorum, quæ diuturno Cancellariæ vsu, dum adhuc iuuenis esset, hauserat. Errabimus & nos, si ab ijs recefferimus. Tu ea tueberis, semperque existimabis legibus antiquis virisque Rempublicam nostram seruatum iri. Tueri autem potes præsentem Reipublicæ statum, cùm & illustri loco natus sis, & inter multos non sis inferior opibus, & si omnia circumspexerimus, non admodum inuidiâ præualente graueris, nihilque in præteritum reprehendendū, multa laudanda habeas. Quod si maiores respexeris, si vetera Zamoiscianæ Tarnouianæque familiæ decora intuitus fueris, magnam tibi necessitatem imponi senties, in hoc magistratu sedulò capeßendæ Reipublicæ: illa trophæa & triumphi, quos tui paterni maternique sanguinis maiores, victis Reipublicæ hostibus, gloriosè ad æternam posteritatis memoriam fixerunt gesseruntque, te ad pares pro patriâ ausus suscipiendos incitabunt, tibi que addent calcar ne vllâ excusatione, dum Regis & Patriæ salus tuam poscet opem, te tuearis, ne priuatorum negotiorum moles, ne vel ipsius vitæ discrimina te auocent à curâ & custodiâ Reipublicæ. Vides quantis viris debeas ortus & sanguinis tui initia: patrem habuisti & Cancellarij & Supremi exercituum Ducis summâ cum laude munere functum, nunquam victum, semper victorem, ad extremum vsque vitæ spatium rerum præclarè gestarum prosperitate fruente; eundem non magis in armis, quàm in togâ, ad quam natus esse videbatur, egregium ciuem. Quanta in vno homine notitia antiquitatis; quanta literæ; quanta legum non magis Patriarum quàm exterarum scientia? idem miles acerrimus, belli dux prudentissimus, Senator grauissimus, & ad quosuis magistratus capeßendos maximè idoneus. Quid de Tarnouiâ, quæ mater tua, speculumque sanctitatis muliebris fuit, dicam? hæc eâ familiâ orta est, quæ fecunda fuit magnorum virorum, qui per omnia quæ monumentis maiorum



nostrorum continentur tempora belli pacisque artibus floruerunt: sed  
 vel vnus Ioannis Comitis à Tarnow supremi exercituum pro Regno  
 Poloniae Ducis, clarum & illustre nomen suffecerit, quod suo splendore  
 ita domi forisque claruit, ut exteri quoque laudum ipsius celebritate ad-  
 ducti eum monumentis ingeniorum suorum ornandum existimarunt.  
 Te talium familiarum illustrem surculum, quid agere, quo animo esse,  
 quantâ contentione ad summum decus eniti oporteat, præclare tu qui-  
 dem per te ipse expendis, facisque ut nemo non fateatur, te maioribus  
 tuis esse dignissimum, & mox celebrem eorum gloriam adæquaturum.  
 Ea quidem tua est indoles, ut etiam si in aliâ familiâ eluxisses, tuis viribus  
 summum decus adepturus esse videreris: vixdum iuuenis & iam iudicio  
 Regis maximi Senator, amplissimarumque prouinciarum Præses & Pa-  
 latinus factus, ibi rudimenta ponebas futuræ tuæ magnitudinis, ubi alijs  
 defuisse satisfuerit, ut non immeritò nos tum dixerimus celeriore esse  
 virtutis tuæ quàm ætatis cursum. Talis olim fuit Regis de tuâ industriâ  
 existimatio, tale nunc postremò eiusdem accessit iudicium, & quidem  
 omnium bonorum calculo approbatum. Quis non libenter vidit te  
 Vice-Cancellarium renunciari? admoueri tuas opes, tuam industriam  
 publicæ salutis, te, quem cæteri si in otio viueres felicissimum putabant,  
 negotijs onerari? Arcent alij Principes penè à conspectu suo eos qui opi-  
 bus excellunt, quorum industria eminet, suspecta illis est optimi cuius-  
 que virtus. Te Rex optimus, verus Pater Patriæ, ultro acciuit, nec tuas  
 opes, nec tuam dignitatem suspectam habuit, sed virtutem adamauit.  
 Tu vicissim, prout hætenus fecisti, te totum Patriæ, cui natus es, Regi,  
 qui te iudicio suo ornauit, Ecclesiæ, cui obsequium debes, impende. Sed  
 ego te currentem cur moneo? rogare magis debeo, ut in optimam par-  
 tem accipias monita mea, ab optimo affectu profecta; quæ si tibi grata  
 fuisse comperero, monebo ampliùs, reprehendam quæ improbanda  
 censuero, laudabo quæ digna commendatione existimaui, assenta-  
 tionis expers, verus amicus tuus.



ERRATA IULII BELLI  
 LAVREÆ AVSTRIACÆ SCRIPTORIS,  
 TAXANTVR.



ON eo animo Lauream Austriacam à Iulio Bello Iuriconsulto concinnatam, belli in Germaniâ gesti ab Anno MDCXVII. narrationem continentem, legendam susceperam, vt quidquam in eâ notarem, quod hominis à liuore & inuidiâ alieni censurâ dignum videretur: semper enim aliena minùs scrutanda rimandaque censui, permittendumque vnicuique scriptori, vt suo arbitrio tantum pro laude gentis suæ nitatur, quantum res ipsa, illi meliùs quàm nobis, qui ab aliorum narratione pendemus, nota finit. Enimuerò si Auctor ille intra cancellos suscepti negotij se tenuisset, si Regni & Regis Poloniæ vel nullam mentionem fecisset, vel certè & veritatis & Regiæ dignitatis, & nominis denique Poloni, aliquam rationem sibi habendam duxisset, non solùm intacta sua maneret Laurea, verùm etiam nobis suffragantibus & tantis Ferdinandi Augusti Imperatoris rebus gestis, & bello victorijsque post hominum memoriam maximis, parto decori fauentibus, splenderet, eadem nouis illustrata triumphis: cui nos quoque nihil detractum volumus, sed quosdam falsarum narrationum næuos, qui illius obscurant nitorem, abolendos suscipimus: illud initio præfati, nostra nos tantùm agere, veritatem, vt nihil ampliùs dicam, odio obfuscata, veriori relatione illustrare, calumnias quibus Regis & gentis nostræ dignitas perstringitur, abstergere velle, in alienâ tamen Republicâ & Historiâ curiosum esse nolle.

Video Bellum, etsi sæpè fateatur commodè & opportunè Polonos Casari auxilio fuisse, eosdem tamen frequentius latrocinij nomine insignire, illis cades innocentum, incendia, populationesque oppidorum, Silesiæ Moraviæque vastitatem imputare. Ignarum denique quam gentem maledictis incessat, Cosacos Polonosque confundere. Scire equidè *cosaci quod genus hominum, vbi domicilium habent.* debuerat, Cosacos gentem quidem esse quæ Polonico imperio continetur, sed sedem domiciliumque suum in finibus Regni, Turcico, Tartarico, & aliquâ ex parte Moschouitico Imperio obiectis habere, sæpè terrâ sed frequentius mari rem gerere, furtiuis excursionibus, potissimum ijs in quorum cōfinijs versantur Christiani nonnisi hostibus graues molestosque esse; si exercitu, cui pares non sunt, maioreque hostili vi utgeantur, intra vastos Borystenis (qui nobilissimus est Europæ fluuius ac inter arduas & inaccessibiles rupes multis effectis insulis, pluribus ostijs



*Cosaci unde  
Nisouij dicti.*

in mare Ponticum effunditur) recessus se recipere: illic tutos esse, nec fame (nam pecore & carne ferinâ piscibusque abundant) ad deditionem cogi posse, ab antiquis Græcis Nisouios, quasi Insulanos, appellatos; Scriptoribus priscis notos, cum sæpè commemorant hoc genus hominum paruis cymbis, quarum singulæ non plures quadraginta milites capiunt, per ostia Borystenis egressum, Asiæ minoris Thraciæque littora peruagatos esse, ac excursionem factâ vrbes & oppida expilasse, ipsi Regiæ vrbi Constantinopoli non semel terrorem incussisse, quod & hisce annis aliquoties factum fuisse scimus. Id hominum genus ex varijs diuersisque nationibus, plurimum tamen Slauonicâ coaluit: interdum & Turcæ, & Tartari, Valachi, Hungarique ad eos transfugiunt; si quis capitis pœnam scelere commeruit, ex toto Polonico Slauonicoque Septentrione ex Thraciâ, Moldaviâ, Valachiâ ad tutum impunitatis asylum eò se confert. Religio omnibus vna, nempe ea quam in secessione ab Ecclesia Catholica & vniuersali Constantinopolitani Patriarchæ Schismaticis ritibus variarunt: pro eâ se mori paratos esse profitentur, nec quenquam eorum qui aliter de religione sentit ad suum admittunt consortium; Slauonicâ tantum lingua omnes loquuntur. Fidem Regi & Reipublicæ constanter semper seruarunt: cæterum quadraginta proximis istis annis, numero & fortunis quas ex Asiaticis prædis corradunt aucti, prædia quoque & domicilia in oppidis Regijs & nobilium habere cœperunt, in quibus & vxores & res pretiosiores deponerent, cumque & locorum Domini, & Regij Præfecti eos censu ac tributis grauarent, & quasi in seruitutem redigere vellent, irritati, sæpe illis rebellarunt: ita orto ex libidine & cupiditate priuatorum dissidio, aliquoties eos publicis armis & impensis coërcere opus fuit. Genus militiæ eorum potissimum pedestre, singuli sclopeto longiori & frameâ armantur; castra quæ curribus ac maioribus tormentis tam in fronte quàm per latera muniunt, mobilia habent, seruatisque curruum & structæ aciei ordinibus, hostem adoriuntur, interdum, si res poscit, venientem excipiunt pugna stabili. Sed de Cosacis gestisque eorum longior esset instituendus sermo, si omnia exequi vellemus. Ad Bellum redeo, qui Polonos à Cæsare in Austriam euocatos Cosacos appellat: aliud illud militiæ genus fuit, equitum leuioris armaturæ, vsitatum nostris, maximè contra Moschos & Tartaros, agminibus in gyrum actis, pugnam nunc cedendo nunc instando ciere adsuētis. Sed in Moschouiâ ab annis viginti sex tumultu (cui se nostri spontaneâ militia impostori cuidam qui se filium Basilij Moschouiæ Ducis finxerat, operam nauantes ab initio immiscuerant) excitato, dum quisque rem strenuè gerere nititur, fuere nonnulli, qui celeri per vastum illud Septemtrionis Imperium excursu, nouâ quadam bellandi arte militem imbuerent. E quorum numero Lisouius nobilis Lithuanus, per aliquot annos non contemnendi agminis ductor, arma per totam Moschouiam nusquam fixa sede circumtulerat, hostem multis damnis affecerat, militem



militem suum prædis agendis exercuerat. Eo vitâ functo postquam pactis cum Moschis publico nomine inducijs, omnes exercitus Regio mandato inde excedere iuberentur, Lisouiani (nam hac denominatione in memoriam Ducis sui appellari voluerunt) aliquanto licentiosius à signis discedere nolentes, in Regno versati sunt: postremò cum multi de ijs quererentur, legeque latâ, nisi intra certum tempus arma deponerent, omnes infami proscriptione notarentur, decretum fuisset, in partes Cæsaris primùm, in Hungariam factâ irruptione, mox per Silesiam ac Morauiam Viennam vsque transgressi sunt: acciti ab ijs qui nomine Cæsaris militem inscijs Ordinibus Regni & Rege potiùs dissimulante quàm concedente ad signa cogebant. Facit eius rei mentionem Bellus dum libro primo suæ Historiæ scribit: Regem Poloniae validam militum manum Cæsari contra Bohemos submissurum fuisse, nisi Tartaricâ impressione aliò hos milites destinare coactus esset. Sed Cæsar non amplius nisi id de quo pactis inter Reges & Regna Poloniae & Bohemiae dudum cautum erat, videlicet ut si necessitas postularet liceret vtrisque in mutuis conditionibus ad suum usum militem scribere, eumque sine signis, sine agmine, ne occasio damni daretur educere, postulare poterat. Vñus est Cæsar non sine ingenti nostro damno hoc iure, dum in Bohemiâ Austriaque bello à seditiosis impeteretur, dum ab excursionibus Hungarorum ne ipsa quidem Viennæ suburbia tuta essent, dum Cæsaris res in angusto versaretur: vñus inquam hoc iure est magis, ut dixi, dissimulante quàm permittente Rege, qui hac in re per leges Regni non nisi consensu Ordinum accedente vicinorum Principum desiderio se accommodare potest. Sed liceat nobis vel serò queri, ita ab illis quibus in Poloniâ militis auctorandi negotium à Cæsare mandatum erat, erratum fuisse, ut nunquam miles legitimus sed temere lectus ad signa Cæsarea cogere-  
Pacta inter Polonia & Bohemia re-gna de scri-bendo milite.  
 tur, stipendia potiùs promitterentur quàm exhiberentur, Duces & Centuriones è voluntarijs prædæ spe excitati manipulos rapacium agminum, non antè in Cæsaris ditiones inducerent, quàm nudos & egentes prædis domesticis satiaffent. Sæpè ipsa cõtremuit Patria, suas exhauriri opes, infame militiae genus ad nutum Cæsaris moveri; intereà Legum seueritatem & disciplinam militarem contemni ac euerti: denique decus illud pristinum armis à Maioribus nostris partum, hoc militiae genere pessum ire, & non immeritò sæpiùs ab ipso Laureæ Austriacæ Scriptore latrocinij nomine insigniri. Sed heus mi Belle, cur igitur toties à nobis isti latrones expetiti? cur eorum ad signa Cæsarea cogendorum non postremæ auctoritatis viris negotium demandatum? cur denique sæpè, ut tu ipse fateris, Cæsar per legatos, per literas, sibi eos submitti petijt? nempe ut latrocinio istic grassarentur, ut nullus eorum in bello vsus esset. At sanè Cæsar ipse ingenuè fatetur, semel atque iterum eorum hominum operâ salutem suam conseruatam, imperiumque assertum. Tu hæc ignoras? accipe rei gestæ seriem. Cùm, ut tu ipse non diffiteris, Cæsaris res in arcto essent,



*Polonorum  
militum pro  
Cæsare con-  
tra Hungaros  
egregia facta.*

fent, Ducesque eius castris exuti, ægrè mœnibus Viennensibus & suam & Cæsaris salutem tuerentur, ac ingentibus copijs ex vniuersa excitis Hungariâ Betlemius grauis esset Aultriæ, impuneque per eam cædibus & incendijs grassaretur, nemo negauerit furorem impetumque ipsius fractum & reuocatum fuisse, excursionem Lisouiorum in eam Hungariæ partem, quam vti Regno Poloniæ confinem Transylvanus grandi munierat præsidio, exercitu septem millium Hungarorum Duce Racocio finibus Regni admoto. Tanto tum impetu hi, quos tu latrones vocas, ut Cæsari quem premi sciebant gratificarentur, in Hungaros irruerunt, ut quamuis multò pauciores hostibus essent, nec sex millium numerum explerent, protritit tamen hostibus, & fugato Racocio longe lateque populationem extenderint: atque eiusmodi per Hungariam sparserint incendia, ut ad ea extinguenda ex Castris Gaborianis nec imperio nec ordine seruato properandum Hungaris fuerit: ipseque Gaboreus penè ab omnibus suis desertus retro cedere, & Austriam deserere cogeretur. Erat tunc occasio præclarioris in gratiam Cæsaris nauandæ operæ, id enim huic militi Lisouiano destinatum erat, amoto præsidij Racociani obice, ingenti que excitato tumultu, per ipsam perrumpere Hungariam ac Gaborem insperato territum casu, & frustra de retinendis copijs laborantem aggredi: sed emulatione vnus ex Ducibus qui rei militaris ignarus penè inuitis ab ijs qui priuatâ ducti ambitione, alienæ virtutis & industriæ decus nomini suo adstruere nitebantur, obtrusus, factum est, ut excitatâ discordia, excussoque iugo imperij eius, qui illud sibi arrogauerat retro conuersis signis eò vnde progressi erant reuerterentur. Hæc mense Nouembri Anno MDCXIX. acciderunt cùm Comes Altenius Cracouiæ hæreret, ac nomine Cæsaris renitentibus nobis, eiusmodi homines sponte militiam professuros ad signa vocaret. Ingemuit tunc Patria nostra, attrita solutæ disciplinæ militis damnis & iniurijs: benè quidem omnes cupiebamus Cæsari, à suis oppresso subditis, & pium bellum gerenti, sed interim iure querebamur Cæsareos Legatos in cogen- dis copijs excedere fines fœderibus præscriptos: intra fines Patriæ nostræ vexilla licentiæ erigere, nostris infestos agris, suis parcere, militem non pecunijs sed promissis auctoratum, incolarum Regni fortunis per vim ereptis vestire, armare, & saginare. Itaque Rex ipse quem semper Cæsari fauisse, & porrò fauere sciunt omnes tot commotus suorum iniurijs, coactus est armatâ manu admota, metu eiusmodi colluuiem magis terrere, quàm ad officium reuocare: quæ versus Silesiæ fines aliquot agminibus itinere suscepto, cùm ijsdem diebus nunciaretur, Cæsarem non tantum ab hostibus vrgeri, sed ob suspectam Viennensium fidem in summo esse, ni citò sibi subueniretur periculo, licet tota contra Cæsarem in armis esset, vnà cum adiunctis Prouincijs Bohemia, passimque transitus omnes armatis tenerentur præsidijs, illi inquam latrones frustra prohibentibus Cæsaris hostibus armis sibi viam patefecerunt, tantum-  
que



que itineris spatium quo Vienna à finibus Poloniae remota est, quinque diebus emensi, quasi diuinitus delapsi insperatum Caesari praesidium attulerunt: quam grati eo tempore hospites, testatur oratio quâ nomine Caesaris excepti fuerunt. Itaque Viennam immissi tantum terrorem ciuibus incusserunt, ut arma ponere, eaque in manus eorum quibus hoc negotium à Caesare demandatum erat tradere coacti fuerint. Tangit hanc Historiam Bellus sui Commentarij libro IV. sed ut ostendat quàm parum faueat nomini Polono satis ieiunè & perfunctoriè, quasi nihil actum fuerit eorum militum aduentu, neque Caesar in summis angustijs constitutus eorum operâ conseruatus. Pari ratione cùm Historiam victoriae ad Pragam per Bauarum de Bohemis partæ exequitur, *Ad Pragam in conflictu cum Bohemâ à Polonis initium victoriae factum.* nullam penè mentionem facit eorum, quæ à Polonis præstita fuisse constat, nempe Equitatum Hungaricum, in quo maximam spem rei benè gerendæ Bohemi collocauerant, pulsum profligatumque, huiusque victoriae initium factum, Bohemis fugâ sociorum territis, Bauaricis verò tanto facinore animis auctis. Non negat Bellus Hungaros Polonis in acie fuisse obiectos, sed ne quid laudis illis tribueret, scribere maluit Hungaros Panico potiùs quàm Polonico terrore motos loco cessisse. Non referam alios præclaros Lisouiorum in Bohemiâ ausus, sæpeq; eos non inuitos iussu Caesarianorum Ducum hostem aggressos, eximia militaris fortitudinis specimina edidisse, sæpè periculis consultò obiectos in ipsa ruisse pericula. Sed qualescunque illi fuerint, certè natio Polonica in vniuersum non meruerat ut sub nomine Cosacorum vel Lisouianorum à Scriptore Laureæ Austriacæ carperetur. More (inquit idem) gentis capto nouo Hungariæ oppido debacchati sunt; sæuitum cæde immani etiam in foeminas & impuberes, loca ipsa Deo consecrata polluta stupris. Hiccinè Polonorum mos est, ea videlicet religio & pietas, quam in hoc Septentrione soli ita retinent, ut nullis perfidiæ Lutheranae facibus se inquinari vnquam sinerint, numquàm à professione Catholicae veritatis recesserint? Nec sanè perspicio cur Bellus potissimùm Polonos crudelitatis & sæuitiæ crimine oneret; quasi verò vel Dampierus vel Buquoius mitiores fuerint, blandiùs cum hostibus Caesaris egerint: omnes nempe qui Caesaris stipendia merebant ad bellum, ad cædem, ad incendia, ad populationes conducti euocatiq; fuerant: is rem strenuè egisse putabatur qui plures Bohemos & eorum socios occidisset, expilasset, fortunis spoliasset, latiusq; populatione extensâ Caesaris hostibus terrorem incussisset. Id cùm Poloni agerent iubente & volente Caesare se agere sciebant, cùm cæteri quoque Caesaris militares Duces exemplo ijs præirent, & quâ parte poterant hostibus damna inferrent. Risum mihi sæpè interdum & bilem mouit, auctoris in describendis rebus ad bellum illud spectantibus inscitia; inter Archiducem Carolum & Principem Vladislaum pactionem factam fuisse de auxilijs subministrandis, quis credet nisi



nisi status iuris nostri ignarus? Triginta Cosacorum millia à Rege Poloniae finibus Silesiacis admota, alibi etiam eosdem multorum millium numero vel Hungariam vel Silesiam vix ingressos caesosque. Si à te Indica Historia Belle scriberetur, impunè tibi talia proferre liceret, nec enim quisquam nostrum eò sciscitatum profisceretur, vtrum ea quæ narrares vera essent: nunc cum rem temporibus & penè in oculis nostris gestam fide Cæsarei Historici ad notitiam posteritatis prodis, à nobis in ijs quæ notissima sunt facillè refutari potes. Neque ego amplius commemorabo ea quæ tu fide tuâ in Austriâ, Bohemiâ, Moraviâ, & Silesiâ gesta fuisse asseris, neque ea quæ contra Polonos scribis magni deinceps aestimabo, nec denique expendam aliquidne operæ isti siue Cosaci, siue latrones à Cæsare euocati Cæsari nauauerint: ad ipsam venio Poloniam, & tua in Patriam meam maledicta paucis perstringam. Inprimis autem à te peto cur tibi in mentem venerit, vt Lauream quam capiti Austriaco neçtere instituisti, dedecore nostro vndique conquisto augere volueris? quasi verò in solâ erretur Poloniâ, & nulla sit Respublica quæ quandoque aduerso euentu non labore. Nimiùm tuis Germanis faues, & ita in amorem Patriæ effusus es, vt cæteros floccifacere videaris: vereor ne in te id aptè dici possit quod in quendam Historicum ingeniosus scripsit Poëta: Nec malus es ciuis, nec bonus Historicus. Itaque extra Germaniæ fines egressus, quasi Rubicone superato veritatis aleam in dubium euentum ieceris, quidquid in buccam venit promiss. Anno Domini MDCXVIII. Turcarum Imperatorem Cosacorum prædis & rapinis irritatum, fœderi quod cum Rege Polono haberet renunciaſſe, ingentemque Turcarum exercitum adiunctis quadraginta millibus Tartarorum, in fines Poloniae immiſſe; ab his maiora hominum memoria Podoliæ arma illata, & insuper Præfectum Regionis qui cum tribus millibus militum illis se obiecerat, ita profligatum, vt omnibus amissis tribus tantum socijs comitatus fugâ euaserit. Siste stylum mi Belle, & vnde ista habeas recense, nos qui tunc in Poloniâ viximus nihil tale vidimus, nihil audiuiſimus. Irritari à Cosacis Turcarum rabiem, eorumque fines hostiliter inuadi, non nouum, nec primùm eo anno factum: Tartaros furtiuis excursionibus prædas ex agris qui in finibus vasti & parum culti longè lateque patent, agere propè quotidianum. Acciderat aliquid eiusmodi illo anno, vt maioribus viribus is hostis ad populationem vicinarum sibi Prouinciæ accinctus in nos incubuerit, sed in ipso Regni limine Stanislaus Zolkieuius Regni Cancellarius & exercituum Dux, castris positus ita compressit hostilem audaciam, vt non multum circumactò agmine iter vertere, & partim accepto partim illato, quod à vago ac fugitiuo hoste vix caueri potest damno regredi coactus fuerit. Cæterum tunc nec Prouinciæ Præfectus nec tria militum millia cæsa sunt. Idem



si veritatis violatæ argui noluiſſet Principis Vladislai in Moſchouiâ progreſſus vel ſiluiſſet vel diligentius rei geſtæ ſeriem indagafſet. Penuriâ annonæ Principis exercitum laboraſſe. Comitijſ Maſhæ ( crediderim huius nominis oppidum nullibi exiſtere ) habitis noua auxilia illi decreta fuiſſe, illum denique irrumpentibus in Poloniam Turcis & Tartaris conſilium belli contra Moſchos gerendi deſerere coactum fuiſſe: quæ omnia proſectò à veritate remotiſſima ſunt. Mox libro III. Principem Vladislaum pactis cum Carolo Archiduce mutuis auxilijs Sileſiâ exceſſiſſe memorat; cùm eâ de re nec actum quidquam fuerit, nec agi potuerit. Eodem libro Regiam cum Senatu per literas de motibus Tranſyluanicis & Bohemicis inſtitutam deliberationem ita procul vero narrat, vt planè appareat eum in alienâ & ſibi ignotâ verſari Republicâ. Non perſtringam omnia, vnum ſaltem ſcire cuperem; cur taceat, Carolum Archiducem Episcopum Vratiſlauienſem, tunc ingenuè faſſum eſſe, & Episcopatum Vratiſlauienſem beneficio Regum Poloniae, qui olim legitimi domini totius Sileſiæ fuerunt dotatum fuiſſe, & deſenſionem iurium ſuorum ad Regem Poloniae pertinere? Paulò poſt idem recenſet ſedecim & mox viginti millia Polonorum Duce Humanai in ſuperiorem Hungariam & Tranſyluaniam irruiſſe, ſed ſubductis rationibus conſtat non plures quinque millibus fuiſſe qui id facinus auſi, Ordinibus Regni minimè probantibus temerè priuato conſilio pacem publicam turbari. Ditrichſtemium in Poloniam cùm à Morauis in ius vocaretur transfugiſſe, & opem Regis imploraſſe nemo noſtrûm audiuit. Polonos à Præfecto Caſſouienſi ad Zipsium cæſos, ad fictam belli fabulam pertineat: vt illud penè eodem folio, quaſi triginta millia Polonorum Sileſiæ finibus imminerent, à Rege iſthic collocata, vt terrore Bohemos & Sileſios in fide Cæſareâ continerent. Mox idem ſcribit Regem Poloniae quieti ſe dediſſe, & Heiducis mandaſſe ne Turcas infeſtarent. Nec memor Bellus (vt ſæpè labens memoria) quod paulò antè militaſſe ſub ſignis Humanai dixerat Polonorum ſedecim & aliàs viginti millia, libro IV. contrahit calculum, & non niſi ad quatuor mille redigit, qui in obſequio Humanai & Alteinani fuerant, eos ad Cæſarem opportuno & neceſſario illius tempore veniſſe, cùm fatetur agnoſcit beneficium gentis maiorem Cæſaris quàm Patriæ curam habentis. Nihil ampliùs dicam de proſperis Polonorum ſub ſignis Cæſaris ſucceſſibus, de cæde eorum in Sileſiâ & Morauia; vbicunq; occaſio data eſt Bello Polonici nominis gloriam obſcuſcandi non parcit ſtylo, pungit acriter, & à Cæſare euocatos Cæſari operam nauantes prædones latroneſq; nominat. Interea, inquit Bellus, contigit Magnum Moſchouiæ Ducem decedere anno nempe MDCXX. ſed parce mi Belle, res longè aliter ſe habet. Poſt Borriſſium Chodunum primus in Moſchouiâ (ſi impoſtores, qui duo pari auctu ac felicitate ſolium illius imperij conſcenderant, excipias) imperauit



Basylius Suiscius, qui virtute nostrorum tyrannidem eiurare coactus, ac captiuus Regi Sigismundo publicè in Comitibus Varſauiensibus, nuper amplissimarum Europæ & Asiæ ditionum Regnator traditus, mox anno post in carcere vitam cum morte commutauit, cum priusquam captus esset, vniuersa Moschouia sacramento fidei Serenissimo Principi Vladislao Regio filio se obstrinxisset. Res iam in tuto esse videbatur, Principem eo Imperio potuisse potiri: neque sanè pauci rebelles qui suis rebus studebant, ac Michaëlem Fedorouicius, qui nunc vsurpat Imperium, promouebant obstitissent, ni Rex Poloniæ suis potius quam filij auspicijs rem gerere maluisset: etenim periculosum videbatur iuueni adhuc Principi laxare fræna, ne imperio gentis nondum satis domitæ se, suosque in exitium daret. Itaque dum ipse Rex tardiori apparatu in Moschouiam expeditionem molitur, gens fidei non admodum tenax, Patrem in locum electi à se filij sibi dari causata, ad arma conclamat; Moschouiam Metropolim gentisque caput quæ præfidijs nostris tenebatur, prius in Vrbe excitato tumultu, dein cum nostri in interiores munitiones se recepissent, strictâ cingit obsidione; quâ ultra vnius anni decursum continuatâ, nostros iam fame enectos & arces Moschouiae in deditiorem recepit. Regnat iam ibi Michaël Federouicius annis fermè quindecim, neque interim quisquam qui se Moschouiae Principem dicere aliquo prætextu posset vitâ functus est, nemo Cracouiæ qui Imperium Vladislao, iam pridem à Moschis adscito, sed perfidè deserto deferret, comparuit. De Marschalco Regni, quasi per eum Rex Poloniæ Carnouensem in partes suas pertrahere rebellibusque Silesijs receptum & patrocinium offerre voluerit, ea quidem talis fabula est, vt ne Cæsarem quidem qui Regis nostri candorem perspectum habet fidem ei habiturum existimem. Ad describendam Polonorum in Valachiâ cædem quæ Anno MDCXX. Mense Octobri acciderat, dum se accingit Bellus, imprimis Historiam de Gratiano texit, à veritate omnino alienam; neque enim Gratianus suspicione amicitiae Poloniæ in odium Turcis venerat, sed cum iuberetur, ad bellum Polonis inferendum in aduentum Turcarum commeatum parare, Prouinciasque quibus præerat ad arma cogere, detestatus impium pro Machometanis contra Christianos bellum Valachis ipsis auctoribus, & fidem se illum non deserturos dantibus, rebellionem à cæde mercatorum Turcicorum qui lassus (oppidum id vbi Principes Valachiae sedem & domicilium habere consueuerunt) negotiabantur, orsus est: ac Stanislao Zolkieuio Regni Cancellario exercitusque Generali Præfecto scripserat, se paratum esse cum vniuersâ Valachiâ in fidem & clientelam Regis Poloniæ concedere. Non erat præceps Zolkieuij consilium, audiuerat à maioribus natus, nunquam prosperè cessisse Polonis Valachiae vsurpationem, ipse quoque cum propè ad septuagesimum

Gratianus  
Moldauiae  
Palatinus cum  
totâ Molda-  
uiâ in clien-  
telam Regis  
Poloniæ se  
concessurum  
pollicetur.



gesimum annum accederet, multa viderat, multa legerat. Veniebat in mentem veterano & perito Duci, Turcas in proximo esse, facile Tartaros acciri posse, Valachos quos Gratianus adfore & in castra ipsius, modò Tyram fluvium transgrederetur venturos pollicebatur nihil contra Turcas aufuros, & fidem citò mutaturos: se non amplius tria millia militum sub signis habere, tantundem ex voluntarijs amicorum, quorum plerique magis fortunam eius, quàm ipsum amabant haberi posse: denique receptis in clientelam Valachis parum inde emolumenti ad Rempublicam redundaturum: cùm ea Prouincia summo discrimine è faucibus Turcicis eripienda foret, & bellum contra tam potentem hostem, cui Principes Christiani haftenùs obsistere non potuerunt, diuturnum ac inexplicabile suscipiendum. Ne tamen occasione rei benè gerendæ deesse videretur, rem ad Regem detulit. Erant in consilio Regis qui tum Varavia agebat, nonnulli pacati viri qui suaderent extra fines quibus Regnum terminatur, non esse exercitum ducendum, sua potius tuenda, quàm aliena inuadenda: Gratiano, vt sæpè aliàs eiusmodi transfugis receptum sine noxâ Reipublicæ dari posse, Valachiam tam exiguis copijs occupari non tutum videri. Denique exercitum eum qui nunc sub signis est florem esse militiæ Polonæ, nec temerè hosti obijciendum, ne si succubuerit, præcipuæ vires veterani exercitus succidantur. Sed cùm vnus consilij aulici princeps bellum spirans tunc quoque frustra militem haberi nisi bellum gerat disleret, potiusque arma expedienda, in hostem eundum, Valachiam hosti eripiendam, sedemque futuro bello ibi parandam suaderet, in eam sententiam scriptæ ad Zolkieuium à Rege literæ, permissum tamen eidem vt rem suo arbitrio gereret. Ille verò non ignarus suam socordiam in aulâ notari, non vltra moratus, versus fines Valachiæ mouit. Putares illum motæ mentis fuisse, qui cùm filium vnicum & alterum ex fratre nepotem, ambos Zolkieuios præstantis indolis iuuenes, & Stanislaum Koniecpolium generum suum militiæ Campestris Præfectum, ac suum in bellis vicarium secum traheret, non tamen de augendo exercitu cogitasse, non militem suâ pecuniâ quæ illi ex amplissimis opibus suppetebat conduxisse, denique fallacibus Gratiani promissis plectum & fidei illius innixum non explorato hostilem terram intrasse. Venit & Gratianus in Castra, inuidiosas opes quas breui corraferat secum trahens, desertus à suis & exiguo domesticorum comitatu septus: simulque nuntiabatur Turcas Scanderbego summo militiæ Thraciæ Præfecto, & Tartaros fratre Hani Ducibus magnis in nostros effundi agminibus. Vltra sexaginta millia hostium erant; tertia pars tanti exercitus è Turcis, more suo armatis, ac bellicas maiores minoresque machinas secum trahentibus constabat: eò iam processerant nostri, vt regredi nec tutum, nec honestum esset; igitur consultantibus de rationibus expediendæ publicæ priuatæque salutis, tutissimum visum,

*Zolkienius  
Moldauiam  
cum exercitu  
ingressus;*



Eius cum  
sexaginta  
millibus  
Turcarum &  
Tartarorum  
conflictus ad  
Czoczoram.

vetus Czoczoræ munimentum, quod olim Ioannes Zamoscius dum à Tartarorum Principe iisdem in locis premeretur, infederat, & summâ cum laude hostis conatus eluserat, occupare, ducto restauratoque vallo. Assultabat hostis interim timoremque nostris exprobrabat, illi vicissim extra munimentum productis copijs, semel atque iterum non infelici ausu cum hoste conflixerant, multos è barbaris ceciderant, sed postremò cum sinistri lateris acies productior esset, nec suis constaret numeris, in eam Turcæ facto impetu perruperunt, & se nostris immiscuerunt: turbati isthic ordines, & qui è nostris memores militaris decoris resistere ausi sunt cæsi (non plures quadringentis) cæteri intra vallum amissis aliquot signis se receperunt. Quiete vnus diei interpositâ, nam & hostes non sine ingenti damno multis è suis amissis, pluribus vulneribus debilitatis abscesserunt, iterum nostri cum appareret hosti in patienti campo resisti non posse, nec diu commeatum Castrensem si obsidionem tolerare necesse foret duraturum, consultant de modo subducendi in tutiorem locum exercitus. Erant plurimi nobiles viri in exercitu, nam præter Zolkieuios & Koniecpolium Valentinus Kalinowski Præfectus Camenecensis, Martinus Kazanowski, Samuel Korecki, Volmarus Ferensbach, Stephanus Chmielecki Potocij duo & reliqui turmarum quas partim Reipublicæ stipendio, partim suis sumptibus auctoratas ducebant Præfecti, non satis inter se concordēs & plerique Zolkieuiο infensi. Consilium illius erat per aliquot dies eludere munimentis hostis impetum, eum mox fatigatum & commeatu destitutum, prædæque magis quàm pugnae audum abscessurum: interim ex euentu se prospecturum quæ consilia deinceps capere oporteat, sibi quidem in animo esse ferro per hostem viam aperire, modò paulisper animi militum perturbati in spem & audaciam erecti fuerint. Idem ferè sentiebat Chmielecius quo nemo melius Tartaricorum stratagematum gnarus putabatur. Sed Kalinouius vir aliàs bello strenuus tunc vel fatali necessitate, vel vt Zolkieuij consilio improbato eum desertum ab omnibus hosti proderet, contradixit. Se vnum scire, quâ parte hoste non sentiente, vniuersi securè euadere possent, fluuium Diesam qui partem castrorum ambibat, quamuis vliginosus & lutulentus sit, vno & altero loco vadabilem esse: se habere Valachos quibus transitus omnes benè noti sunt; ijs ducibus se vsurum. Fauorabili persuasione non solum Gratianum, sed & alios plerosque traxerat in suam sententiam, vt Zolkieuiο tam timidum & periculosum facinus improbanti obstreperent, moxque veluti signo dato qui salui esse vellent vt se sequerentur conclamarunt. Iam sol ad occasum vergebat, cum à conscijs per castra discurrentibus vox spargi cœpta, deferi exercitum fraude Ducum, sibi quemque consulere oportere: sic tumultu excitato vniuersi veluti panico timore consternati, ruebant eò, quò iam Kalinouius quasi noto suis vado

Persuasione  
Kalinouij  
multi ex Re-  
gio exercitu  
deserto Zol-  
kieuiο fugâ  
sibi consulere  
volunt;



vado se in flumen præcipitem iecerat. Accurrit Zolkieuius signoque quo à cæteris dignosci poterat erecto se vniuersis conspiciendum præbet, flagitiosum consilium detestatus, eos qui nondum in alteram ripam euaserant, vel aquis absorpti non fuerant, partim imperio, partim pudore à turpi fugâ reuocat, periculum præsens, in quo illi qui primi euaserant versarentur, demonstrat: & iam audiebantur gemitus eorum, qui in angustiis itinerum à Valachis præoccupatis immani cæde ingulabantur. Tanta erat in castris confusio, is tumultus, ut si hostes id scire potuissent, facili negotio ad internecionem vel omnes deleuissent; sed attoniti quoque ij, & dolum suspicati, euentum rei præstolabantur. Id conspiciatus Chmiecieus qui septingentos sub signis habebat per medias hostium armatus euasit acies, suis omnibus saluis, existimantibus barbaris aliquid aliud agi, & in suam perniciem clamorem tumultumque excitatum. Noctem eam insomnem egit Zolkieuius, dum timidos, dum variâ suspitione suspensos firmat, & ad meliorem spem erigit, ipse multa per se, cætera per Koniecpolium exequitur. Orta lux detexit quantum exercitui virium detractum esset, nam præter eos qui in acie fortiter occubuerant circiter bis mille & quingenti in tumultu & fugâ vel flumine merfi, vel ab hoste impio trucidati numerabantur. Constitit deinceps neminem eorum euasisse, cum nec pretiosiora quæ auro repensâ fuissent Kalinouij & Gratiani cadauera reperiri potuerint: in castris solitudo ingens, vix duo millia militum supererant: sed in vallo lixæ & calones steterunt, reliqui extra munimentum egressi hosti quasi pugnx copiam facturi ostentabantur. Et is seriùs aliquanto compererat suo voto fauere fortunam: magis igitur quàm antea adsultabat castris, vimque maiorem admouebat, sæpe elusus, sæpe victo similis abscessit. Nulla nostris via alia salutis patebat, nisi quam manu & armis aperirent. Igitur septimâ obsidionis die, relictis & igne corruptis impedimentis, armati extra vallum egressi in conspectum hostium venerunt, densâ acie, nec vsquam hosti opportunâ, & ubi is propiùs copias admouebat sclopetorum ictibus arcebatur. Per aliquot dies frustra assultu hostis aciem rumpere voluerat, multos è suis amiserat, postremò cum iam reducere copias vellet, iamque in tuto ad ipsos Regni fines nostri se esse existimarent, à lixis & mancipijs ingens in castris orta est seditio: verebantur ij ne in tumultu ad Czechoram rerum direptarum ratio ab illis repeteretur, & fortè aliquis ex Ducibus id parum opportunè minatus fuerat. Non deerant hostium in castris exploratores, qui confusas res, alios fugere, alios turbari, neminem imperio contineri nuntiarent. Scitum est vulgatumque sæpiùs, multos à paucis vinci posse; fama fert non nisi quadringentos Tartaros tunc irruisse, qui beneficio noctis vsi palantes disperfosque ad libitum ceciderunt, præcipuos quosque captiuarunt. Zolkieuius cum

*Sed à Valachis cæsi in fugâ, alij à Zolkieuo reuocati.*

*Id inscio hoste accidit.*

*Exercitus Polonicus ad summas reductus angustias instructâ acie ad fines Poloniae contendebat.*



*seditionem  
in exercitu  
calones exci-  
tant, quâ ho-  
stes vsi nostros  
profligarunt,  
cæsus & ipse  
Zolkieuius.*

*Semper im-  
prosperè Prin-  
cipes Chri-  
stiani cum  
Turcis bella  
gesserunt.*

nec fugere honestum putaret, nec in manus hostium venire vellet, ver-  
so in hostem vultu, & ignoratus quis esset, pugnans, aliquot acceptis  
lethalibus vulneribus occubuit, cum maior pars militum quibus vita  
decore militari fuit potior, fugâ euassisset. Hæc est clades illa quâ ma-  
iores nostri nunquam maiorem acceperunt, non quod, vt Bellus re-  
fert, viginti millia militum perierint, cum etiam si captiui ad numerum  
cæforum adijciuntur, plures tribus millibus non occubuerint, sed quia  
alter è Ducibus cæsus, alter captus, & flos nobilitatis, ac veteranæ mi-  
litæ valdè succisus fuerit, denique tantum auri argenti que in redimen-  
dis captiuis expensum, quantum magno aliquo bello parando satis es-  
set. Inter cæsos, inquit Bellus, ipsius Magni Cancellarij filius fuit. Za-  
moscius quidem Cancellarius decimo quinto ante acceptam eam cla-  
dem anno obierat, vnico relicto filio, qui in omnibus Patri simillimus,  
non solum viuit, sed etiam virtute propriâ ad paternum decus capef-  
fendum viam sibi patefecit: iuuenis adhuc Senatoriâ dignitate iudicio  
Regio ornatus, & deinceps Regni Procancellarius renunciatus. Nar-  
rat deinceps Bellus, paulò antè (dicere debuisset paulò post) Regem Po-  
loniæ Comitæ Regni Varfauia habuisse. Quæ in ijs ad consultandum  
proposita fuerint mendosè recenset, vt & illum nefarij parricidij quo  
Regis caput à motæ mentis homine appetitum fuit, conatum, multis  
farcit fabulis. Vratislauia originem refert auctor ad Vratislauum primum  
Silesiæ Ducem. Perstringit huius Scriptoris oculorum aciem, Poloni-  
ci nominis memoria. Vratislauum nescio quem fingit Vratislauia condi-  
torem Polonum, sed eum supremum fuisse Poloniæ (cuius nomine &  
Silesia cum alijs latè patentibus Prouincijs continebatur) Monarcham  
non asserit; fatetur tamen olim (dicere debuerat semper) Silesiam fuisse  
iuris Polonici. Addo ego iniquissimo iure à Regno auulsam domus  
Lucemburgicæ, quæ in Bohemiâ eo tempore regnabat, sed præcipuè  
Ioannis Regis & Caroli IV. Imperatoris eius filij, astu deceptis Ducibus,  
& callidè eò inductis vt crescentem Vladislai Loctici Regis Poloniæ  
Patruelis sui gloriam, secessione ab Imperio Polonico imminuerent, se-  
que domui Lucemburgicæ subijcerent. Sed hac de re alij vberius. Re-  
gem Poloniæ à Cæsare viginti quatuor millia militum auxilij nomine  
contra Turcas petiisse firmat Bellus libro v. Commentarij sui. Sed ad  
propiora veniamus, non tuum est Belle magnitudinem belli & periculi  
quod non magis Regno Poloniæ quàm Reipublicæ vniuersæ Chri-  
stianæ Anno MDCXXI. à Turcis imminabat, ne dicam describere, sed  
etiam animo comprehendere. Repete, si vis, acta superioris æui, in-  
uenies quotiescunque Turcarum Imperator, ex eo tempore ex quo in  
Europam pedem intulit, contra Christianos in acie præsens stetit toties  
cæsos exercitus, prouincias vel munitissimas arces amissas fuisse. Si-  
gismundus Romanorum Imperator idemque Hungariæ & Bohemiæ  
Rex,



Rex, quamvis propè vniuersam Germaniam accito etiam Ioanne Burgundiae Duce in armis haberet, adeò tamen infelicitè in campis Nicopolensibus cum hoc hoste pugnavit, ut vniuerso amisso exercitu, ac Duce Burgundiae capto, vix ipse exigua cymba euaserit. Vladislao nostro ad Varnam contra Amurathem decertanti, nec inuicti animi robur, nec plurimae de Turcis partae victoriae suffragatae sunt, quominus aduersae fortunae succumberet, & velut innocens victima ad aram caesa saeuientis hostis impetum quo ad extinguendum nomen Christianum ferebatur moraretur. Pari fato occubuit Ludouicus noster ad Mochacium, qui fiducia consanguineorum, impar certamen cum potentissimo hoste susceperat, ac ab eis desertus, à suis verò (liceat vera fateri) proditus fatali Hungariae occasu concidit. Vos ipsi imperante Rudolpho Secundo Machometi Tertio Agriam oppugnanti & expugnanti obuiam iuistis, bini Imperatorij exercitus, Germaniae Bohemiaeque robora: Duce Maximiliano Archiduce vniuersa Hungaria, ac Sigismundus Batthoræus cum copijs Transylvanicis sub signis erant: victi hostes per vniuersam Germaniam nunciabantur; interim Agria munitissima arx amissa, Maximilianus castris exutus, amissis impedimentis agrè saluus euasit. Non exprobrandi causâ hac à me commemorantur, sed tamen unicuique aestimanti periculi magnitudinem facile apparebit cum maiori potentia quam vsquam aliàs Christiani oppugnati fuerimus, cum maximi Turcarum Tartarorumque Imperatores, ad delendum euertendumque funditus Regnum Poloniae, triennali apparatu Asiae Europaeque militaria agmina finibus nostris admouerint, cum nos ipsi & superioris anni clade perculsi, & tunc ab omnibus socijs destituti, à Sueco etiam foederato barbarorum amico oppugnati fuerimus, nos primos diuino fretos auxilio docuisse, eum hostem vinci, illius audaciae frænum obduci, crudelissimum impetum cohiberi posse: nihil ille eorum obtinuit quæ voluit, ne vnus palmi spatium ex agro nostro decerpset, & qui antea victis conditiones dare solebat, eas victo similis, caesis è suo exercitu plus quam sexaginta millibus accepit: denique qui neminem nisi fugatum victumque in acie videre assueuerat, ipse nostris arma tenentibus primus ex acie cedere coactus est. Conditiones in speciem magis scriptae, neque tamen quidquam in ijs adiectum quod veteribus pactis non contineretur, vel barbaro hosti ad votum cederet. Denique is exitus eius belli fuit, ut Turcae eam expeditionem exosi, auctores eius grauissimis poenis multauerint, Osmanum ipsum Imperatorem Regno deiectum primâ nec antea vnquam audita seditione mactauerint. Hoc decus, ea gloria Deo duce, Sigismundo III. & Vladislao eius filio ac genti Polonae feliciter obtigit: hanc tu, sed frustra tuis falsis relationibus obcurare nifus es: sed etiam si Septentrio noster non tam illustribus abundet

*Primi Polani  
Turcas vinci  
posse ostende-  
runt.*

*Turcae odio  
infauste in  
Polonos ex-  
peditionis  
Osmanum  
Imperatorem  
interfecerunt.*



Feudum  
Prussicum  
extinctum  
bis, iteratò ad  
Electores  
Brandebur-  
genses trans-  
latum à Si-  
gismundo  
Tertio.

abundet Scriptoribus, fama tamen ipsa seræ posteritati tradet, quantum nos eo bello de vniuersâ Christianâ Republicâ meruerimus, quantum-que ij nobis debeant, qui si nos occubuissemus nostrâ casuri erant ruinâ. Viuet perpetuò (etiâ si obganniat inuidia) eius rei memoria, atque clarescet sæclis innumerabilibus. Deinceps leuiter & ieiunè attingit Bellus insigne Regium beneficium, quo Rex & Regnum Poloniæ Georgium Vilhelmum Marchionem Brandenburgensem hoc anno ornauit. Poterat sanè si non tantoperè gentis Poloniæ dignitate offenderetur, altiùs repetere originem Feudi Prussici, iam secundò, cum priùs à Sigismundo Primo domui Brandenburgicæ collatum extinctum esset, ad Electoralem domum liberalitate Sigismundi Tertij translaturum: poterat meminisse & conditionum quibus Electoralis domus genti nostræ obstricta est, & quo splendore Elector ipse priusquam Varsauiam ingrederetur, à Rege exceptus fuerit, cum non quingenti Cosaci, vt ineptè Bellus refert (nec enim aula Regis Poloniæ è Cosacis constat) sed bis mille splendidissimorum Equitum per turmas diuisa agmina, totidem pedites, Rex cum Senatu extra Urbem obuiam progressus Electorem in campo salutarit exceperitque. De pactorum cum Turca sancitorum conditionibus meliùs siluisses, quàm vt apparet, ignarus quid ipsis contineretur multa de tuo sensu adiecisses. Quæ de actis cum Rex Poloniæ Gedani Anno MDCXXIII. esset scribit, ponamus nonnulla ab eo verè dici; illud sanè vix credi potest, Regem eâ Maiestate, eâ ætate, eâ in omni vitâ modestiâ, choreas duxisse saltantemque in publico se spectandum præbuisse, credat Iudæus apellæ, non ego. Sed si indulserit aliquantisper huic honestæ oblectationi Princeps multis oneratus curis, ideòne id Commentarijs tuis inferere debueras quasi nihil aliud esset in quo sty-lum exerceret? sed sicco (quod aiunt) pede transis virtutes, imitamenta vitiorum in publicum prodis. Multa prætereo in quibus admoneri posset Bellus ne alienæ messi falcem imponat, ne bellis à nostris gestis sinistra relatione detrahat. Non ille nos æstimauit quales sumus, quid possimus, quantum & quam ob causam de nobis Suecus aliquid abraferit, quàm longè ab eo distet, vt potentissimi Regni opes eius nefarijs ausis succumbant. Nescit, vt video, Bellus latè patere Regnum Poloniæ; Tartariam Cracouiâ centum quinquaginta Germanicis miliaribus distare: coarctat ille hos terminos, & Tartaros viginti miliaria intra fines Regni progressos quindecim tantum à Cracouiâ miliaribus abfuisse narrat. Ad pacem cum Sueco constituendam non alio fine mentem flexeramus, nisi vt exemplo maiorum cum barbaris potiùs, quàm cum Christianis bellando arma exerceamus: pactæ erant annuæ induciæ volente etiam Rege, de perpetuæ pacis conditionibus tractatus suscipi debuerant. Sederat quispiam qui ostenderet non benè consuli Domui Austriacæ, si Suecus arma quæ in Liuoniâ tunc habebat, in Germaniam



niam transferret, seque cum Cæsaris hostibus coniungeret: aliud proinde suadebat, vicitque hæc sententia. quare nobis acceptum ferre debet Austriacæ Laureæ quòd tam diu Suecum, ne cum cæteris Cæsaris hostibus socialia arma coniungeret, distinuerimus. Carptim percurrimus vanitates Belli, qualis illa; Arnoldinum conscribendorum in Poloniâ militum causâ à Cæsare ad Regem missum. Polonos in Valachiâ à Bethlehemo victos cæsosque. Ducatus in Silesiâ Oppoliensem & Ratiboriensem cū comitatu Glacensi iuniori Poloniæ Principi in feudum à Cæsare collatos. Graues & asperas condiciones eidem Principi dum in Episcopum Vratislaviensem eligeretur à Capitulo latas præscriptasque fuisse. Vnum Cosacum ex iis quos Solinscius in Silesiâ astu concidit, viginti auri myriades pro suâ vitâ obtulisse, apud reliquos ducenta aureorum millia reperta, alios Cosacos à Tartaris Turcis proditos cæsosque. Hæc & alia cur Austriacæ Laureæ cū multis sint referta mendaciis inseruerit, mirum meritò videri debet. Leuiora hæc & silentio transmittenda. Illud quod suauiter & cum quodam gustu refert Bellus; Mense Martio Anno M. DC. XXVI. magnam Polonorum stragem à Suecis editam fuisse; Ducem quoque periisse; sex mille equos, sexcentos currus, opulentam prædam abductam. Sed quis ille Dux? quasi ignota hætenus fuerint eorum qui exercitui apud nos præfuerunt, nomina. At ego ingenuè & constanter assero, nullum isthic Ducem Polonum, vix quemquam è Polonis militem fuisse. Ioannes Sapieha è Lithuanis Proceribus non amplius bis mille equites peditesque sub signis habebat. cum his gloriolæ captandæ causâ propius ad ea loca quæ ab hoste tenebantur accesserat, incautè & non exploratis insidiis confederat. Notum id erat hosti, qui per sylvas & niues eluctatus semisopitos inuasit dissipauitque: nec tamen Dux ipse (vt Bellus ait) nec quisquam è nobilioribus cæsus, aut captus, nec equi aut currus intercepti: fugâ turpi vniuersa ea Lithuanorum manus eò se subduxit quò hosti aditus amplius non patebat, & suis qui metu perterriti flagitiosam fugam consciuerant, mens non læua fuisset, hostis in ipso victoriæ ardore ad internecionem deleri potuisset. Nulla isthic interuenit proditio, nec quisquam ex Senatoribus eo nomine insimulatus. & Rigenfes quinto ab eo tempore anno iam erant in potestate hostis, qui tamen ob prodicionem pœnas luisse, auctore Bello, dicuntur. Transit deinceps Bellus cum Sueco in Prussiam, eaque vt ab hoste occupata fuerit, paucis perstringit: vno verbo dicere potuisset nullam aliam machinam admotam fuisse, nisi fraudem, & eorum qui in præsidiis erant prodicionem. Tuta erant littora Prusiæ, si portus Pilauiensis meliùs custoditus, si Suecus Electori Brandenburgico affinitate coniunctus, si non à Germanis eiusdem cum Sueco religionis ea ora habitata fuisset. Patuit Sueco Pilauia, patuit Elbinga, patuit Mariæburgum vbique à ciuibus Hæreticis libenter exceptus. Quid multa? intra dies duodecim plura munitissima oppida vix quoquam resistente in suam redegit potestatem. Quòd si

fides



fides eorum qui præfidiis præerant non tam adeò hosti fauens fuisset, vel in capiendò Pilauienti portu, vel in Elbingâ aut Mariæburgo expugnando, multum illi sudandum fuisset. Nec proditores eâ exultatione uti possunt, quasi de subsidio desperassent, nam & Prussica Nobilitas intra vnum mensem in armis erat, & Rex celeriter actò delectu, magno animo hosti obuiam iuit: captam itaque Elbingam dicere nefas esto, proditam ut & alias arces concedo. Quæ deinceps subsecuta sunt, quidue hostis egerit, ut nostri illi obstiterint, ut variâ fortunâ bellum ductum fuerit, cæsi hinc & inde multi, sæpè Suecus periculosè infestatus, bis corpore plumbeam glandem exceperit, aliquoties penè è manibus Polonorum euaserit, non est huius loci narrare. Nusquam alibi quàm in bello fortuna suum exercet lusum: non eo inficias nos quoque toto triennio variè iactatos fuisse: si quis causam scire velit cur non iis viribus quas per alias occasiones exercere consueuimus, huic hosti restiterimus, hanc ego assigno: inuitis ple-risque Ordinibus Regni id bellum gestum fuisse, nunquam consentientibus omnium voluntatibus decreta subsidia, Duces belli lectos, qui à Germanicis, iisque Hæreticis penderent consiliis, sæpè desidiâ, sæpius perfidiâ laboratum, multæ occasiones rei benè gerendæ intermissæ. In vniuersum tamen rebus consideratis non rectè existimat, si quis credit solidam bellicæ virtutis gloriam ex hoc bello Suecum decerpisse: cæsus & in dediti-onem acceptus ad Hamersteinum vniuersus eius exercitus; signa peditum equitumque propè triginta relata: Strefelius & Teifelius capti & in triumpho ostentati: Gustauus ipse ad Meuum primo assultu ita repul-sus, ut ferè nando ad naues in Vistulâ euaserit; ad Dirschauiam sclopeto ictus in conflictu: ad Margeburgum eius prætoria cohors profligata; Baudisius & complures alij capti: supra mille quingentos cæsi; postremò ad Graudentum cum vniuersæ eius copiæ in fugam actæ fuissent, adeò ipse in periculo fuit, ut multos ictus corpore exceperit, bis prehensus, tō-ties è manibus elapsus, ad extremum amissis omnibus impedimentis, bel-licoque quem secum habebat apparatu, trepidus euaserit. Non propterea hæc à me dicuntur quasi eo bello parem quam olim Maiores nostri ex hostibus referre soliti fuerant gloriam nomini nostro pepererimus, mul-ta sunt quæ culpari possunt, nec faciliè excusari queunt: quanquam non adeò difficilis adiici posset excusatio, neque enim, ut antè dixi, concordi omnium sententiâ hoc bellum gerebatur, nec vires belli hosti pares suppeditabantur; maximè quòd ille talia loca infederit, quæ non nisi numeroso peditatu adiri expugnarique possent: in quibus ita hæsit, ut nunquam in aciem, apertosque campos prodire, numquam pug-næ copiam facere voluerit, carptim & per opportunas quas capta-bat occasiones, extra fossas progressus nostros infestavit. Auget qui-dem numerum militum nostrorum Bellus, ut eâ re nostrum augeat dedecus, ut cum in oppugnatione Pucensi ex vniuerso Polonico ex-ercitu decem millia à Suecis trucidata fuisse refert; sed uti aliàs, hîc quoque



quoque multum à vero aberrat. Vniuersum Pucense præsidium octingenti erant milites à Sueco impositi, ij ne excurrere & impunè grassari possent, iussu Konięcpolij Lanckoronscius cum mille ducentis maiori ex parte peditibus, prope ipsum oppidum hyberna struxit castra: inde sperabatur Suecos si ab excursionibus & prædis agendis arcerentur fame ad deditiōem cogi posse: euentus spei respondit, nam cum milites Suetici hyberno tempore mari sibi commeatum submitti non posse viderent, & extra munitionem pedem efferre non possent, quarto ex quo intra munimenta compulsi erant mense, vitam pacti, traditis transfugis & ijs qui auctores erant oppidi Sueco prodendi inde excesserunt. De tot millibus Polonorum cæsis, qui fuerint, & à quo cæsi dispiciat deinceps Bellus, & falsas res pro veris narrare desinat. Sed pergit, & Regem re malè gestâ Dantiscum profectum, mox nescio ad quod Sauium, nam eius nominis nullum isthic extat oppidum, nullus locus, copias recensuisse, & triginta millia in ijs numerasse audacter asserit, credo vt ficto tanto numero, parum cōtra Sueticum exercitum nostros potuisse ostendat. Comitia Torunensia sine aliquo decreto subsidio soluta fuisse, & rem ad proxima quæ Varſauia, auctore Bello, tertio post mense indicta erant reiectam fuisse narrat, & nullâ habita temporis ratione ad circumforaneos rumores Historiæ Cæsareæ dignitatem accommodat, vt magis rumigerulus quàm Historicus dici mereatur. Tale illud est quod initio Lib. XII. narrat mille quingentos pedites in maiori Insulâ cæsos, Regem Regni (belli dicere debuisset) administrationem Konięcpolio demandasse, ad Vormitum, ad Vendam (propè septuaginta magnis milliaribus hæc oppida ab inuicem distant) à Suecis feliciter, idque successiue penè intra spatium vnius septimanæ rem gestam, & vtrobique cæsos Polonos, eosdem ad Puckum magnam accepisse cladem, obsidionemque soluere coactos. Comitia Anno M. DC. XVII. Mense Februario Varſauia celebrata fuisse. Si ad numeros veritatis hæc examinare velimus, reperiemus omnia aliter facta, nec semper, vt ille prodit, prosperos Suecis fuisse successus, sæpè aduersam quoque expertos fortunam, & quod rei caput est, dum malam tuentur causam, dum iniusto & nefario conatu aliena inuadunt, non bellicæ virtutis famam, sed latrocinantis militiæ infamiam, iudicio seræ posteritatis relatueros.







STANISLAI  
 LVBIENSKI  
 EPISCOPI PLOCENSIS  
 OPERVM POSTHVMORVM  
 PARS SECVNDA.

MONITA

DE EPISCOPATV

RECTE GERENDO.



VI ad Episcopale munus vocantur, eos summâ ope  
 niti oportet, vt & functionis eius magnitudinem, &  
 suas vires diligenter expendant. Rectè enim ij existi-  
 mant, qui huius dignitatis amplitudinem & potesta-  
 tem humanâ voce explicari non posse censent. Diui-  
 num est quod suscipiunt, arduum & difficile, quod  
 se effecturos profitentur. Eorum est Dei in terris obire vices, curare & <sup>Episcopale</sup>  
 efficere, ne quis eorum, qui illorum fidei commissi fuerint, pereat; vt <sup>munus quale</sup>  
 omnes rectam & Orthodoxæ fidei, & Christianarum virtutum, quæ so- <sup>& quantum</sup>  
 læ hoc nomine ritè censentur, normam teneant, denique vt sicut in cæ-  
 lo, sic in terra fiat voluntas Dei, nomenque ipsius sanctissimum hono-  
 rificetur. Et muneris quidem istius rectè obeundi rationes satis sacris in-  
 stitutis præscriptæ sunt, neque necesse foret aliunde eas petere, si sedulò  
 incubuerimus ijs non tam euoluendis, quàm opere exequendis; sed  
 nescio cur ea magis animo obuersentur, quæ ipsi ab alijs accepta, non  
 solum ad mentem, sed ad calamus etiam reuocauerimus. Quod te &  
 fecisse, & facere scio. Ita enim simul ac munus Episcopale suscepisti, ad  
 illud ritè gerendum animum te adiecisse video, vt omnes diurnas no-  
 cturnalque horas ei solitudini impendendas ducas. Testis ego sum eius  
 studij tui, quod ne alios quidem latet, biennio isto, ex quo Episcopus  
 factus es, vniuersam lustrasti Dioecesim, nullus remotus locus, nullus  
 adeò abstrusus angulus, quem non inspexeris, salutaribusque monitis  
 & institutis non correxeris. Neque id in laudem tuam à me dictum  
 quisquam

*Sedulitas in  
 visitandâ  
 Diocesi sua  
 Martine Lu-  
 bienski tunc  
 Episcopi  
 Chelmen.*



- quisquā existimet, vera quidem illa & solida est gloria, quæ ex rectè factis petitur, sed eam alij suspiciant, narrentque: mihi, qui me, te alterum esse volo, parcius de tuis virtutibus dicendū est. Satis inuidiæ, nescio an merito nostro vtrique nostrum incumbit: minùs æquo animo ferre videntur plerique, duos fratres nouo & hætenùs in Poloniâ vix audito exemplo, Episcopos & Senatores esse; nec desunt, qui initia fortunarum nostrarum accuratiùs inspiciant, nosque nimium creuisse tacitâ indignatione mussitent: ignari videlicet quæ rationes nostrorum incrementorum fuerint, quibus laboribus, & quanto tempore, totâ ferè ætate in obsequiis Ecclesiæ & Reipublicæ actâ, quidquid id est quod nobis inuidetur, parauerimus. Sed sinamus eos suo indulgere genio, cum è contra non desint Principes, Senatus, quibus aliquando in publicis functionibus nostra qualiscunque industria placuit. de fide quidem nostrâ nullus vnquam vel questus fuit, vel dubitauit: vtriusque nostrum, postquam priuatâ optimorum parentum cura, studiorum occupationibus perfuncti sumus, institutio domestica Matthiæ Pstroconij auunculi nostri disciplinâ formata est; qui vir qualis quantûsue fuerit, faceßat modò alienæ virtutis pessima æstimatrix inuidia, vel futura ætas fatebitur. quanquam & multi viri graues, eo iam vitâ functo, quando liberum & suspitione adulationis solutum est vniuscuiusque iudicium, satis luculentum dederunt virtuti eius testimonium. Et ne alios recenseam, suffecerit Regis nostri Sigismundi III. censura, qui tantum solet tribuere Pstroconio, vt & Senatorem illum prudentem, & optimum Episcopum fuisse confirmet, plurimumque & virtutis & meritorum eius memoriâ delectetur, tantique illum faciat, vt & nos sanè libenter fateamur, plurimum Regiæ gratiæ nobis Pstroconij nomine accreuisse, facilioresque ad honores liberalitatēque Principis aditus, nos eo titulo, quòd ex eius institutione prodierimus, habuisse. Petrus Tylicki Episcopus Crac. quamuis olim Pstroconio ex æmulatione partium parum æquus, vitâ functum non alio nomine nisi religiosissimum sacerdotem, optimum Episcopum, eum appellare solebat. Stanislaus Zolkieuius supremus Regni Cancellarius, Exercituumque Capitaneus, cuius virtuti ne aduersa quidem fata quidquam detrahère potuerunt, Cassandram Polonicam Pstroconium appellabat, quòd prudentissima illius consilia, & verissimæ de rebus futuris coniecturæ minùs æquis auribus acciperentur, parumque, vt in corruptâ Reipubl. euenire solet, efficaces essent. Sed Pstroconius, vt probè nosti, nostris etiam scriptis ab inuidiæ morfu & obliuione vindicatus est. Cæterum ita totius vitæ studiorumque illius rationes accommodatæ fuerunt, vt nihil spectasse vnquam aliud, nihil cogitatione complecti existimari potuerit, nisi, cui materno voto puer sacratus dicatusque fuit, sacerdotium. Et quamuis optimo & ingenio & iudicio pollenti, non deesset variarum rerum notitia, eâ tamen potissimum excellere contendebat eruditione, quæ ad ritè sacerdotalis Episcopalisque functionis munus

4  
Matthias  
Pstroconius  
quantus vir  
in Ecclesiâ &  
in Repub.

5  
De eodem iudicium  
Sigismundi  
Tertij Regis  
Poloniæ;

Petri Tylicki  
Episcopi  
Crac. & Stanis-  
lai Zolkieuij  
Cancellarij Regni  
Pol.

6  
Matthiæ  
Pstroconij  
studium sa-  
cerdotio ac-  
commodatū.



nus obeundum maximè esset idonea. Itaque adolescens eos & in celeberrimâ Cracouien. Academiâ ingenij sui formatores ac magistros delegerat, qui non minùs pij quàm eruditi essent; & Romæ, posthabitis alijs occupationibus, soli sacrorum Canonum studio acquiescebat. A Stanisla<sup>o</sup> Karnkouio Archiepiscopo Gnesnen<sup>si</sup> postea euocatus, & Ecclesiasticis functionibus admotus, nullâ alia re magis optimo Principi & sacrorum Præsidi placuit, quàm quòd videret eum doctum, prudentem, piùmque esse sacerdotem; idoneum, qui arduum quoduis in Ecclesiâ munus obeundum susciperet. Talis in aula Regiâ, ad quam à Ioanne Tarnouio Regni Procancellario necessario suo, vocatus fuit, de eo fuit opinio, omnes vti virum sacris addictum, ab omni labe immunitatem pudicamque suspiciebant. Testis & ego sum, sæpè illum cùm curis publicis distineretur questum fuisse, quòd non potius sacerdotij munia obiret, quòdque ijs magis occupationibus, quæ ad curam Reipublicæ pertinerent, quàm sacris Sacrificijs vacare cogeretur. Quanquàm ille nullis vnquam arduis etiam occupationibus impediri potuit, vt non plus temporis sacris functionibus, colendæque & exercendæ pietati impenderet: sciebat optimè meliores secernere horas, quas sacris orationibus & sacrificijs, cæteris solutus curis, tribueret. Vacabat sæpè sacris etiam lectionibus, ac inter alios Diuinarum rerum interpretes, potissimùm delectabatur aurei oris lacteo fonte D. Ioannis Chrysostomi eloquio, eius laudatos ab omnibus de Sacerdotio libros, nocturnâ diurnaque versabat manu, tantumque illius assiduâ lectione profecerat, vt quotiescunque vel in publico, vel in priuato colloquio, de Sacerdotio sermo incidere<sup>t</sup>, Pstroconius Chrysostomi ore loqui videretur: parciùs quidem dum adhuc in aulâ esset, hac de re miscebat sermonem; sed renunciatus Episcopus Præmysliensis quòd me & te iam tum probè Regi notos, & in Reipublicæ negotijs aliquot annis, sub disciplinâ Pstroconij & Tarnouij versatos, secum duxerat, cæteris alijs postpositis curis, in eam solam incubuit, vt iniunctum susceptumque Episcopale munus rectè obiret, atque ita curandæ subditorum saluti ritè incumberet, ne suæ deesset. Multa ille sæpè nobiscum hac de re contulit; sed ego habitum ab illo Brzozouïæ sermonem, cùm memoriæ, quæ tum tenax erat, mandauissem, dandum hoc putavi & nomini illius, & nostro fraterno amorì, vt cùm ambo, quod ille futurum dixerat, ad gerendos Episcopatus vocaremur, illius dicta & salutaria monita scripto comprehensa, tibi in memoriam reuocarem. Meminisse autem te arbitror, cùm primùm ad Dicecesim accessisset, & Brzozouium, quod oppidum est ditionis & iurisdictionis Episcopi Præmysliensis venisset, statimque Lublinum, quòd ad corrigenda Patriæ iura eorum periti, Comitiorum auctoritate lecti, conuenturi erant, quod ipse quoque ex eorum esset numero, ire cogeretur: ex suscepto itinere, quòd Lublinum hoc tempore de peste suspectum esset, reuersum, quasi in quodam portu ex periculosa tempestatis

*Eiusdem adolescentis institutio.*

*Primo à Stanisla<sup>o</sup> Karnkouio Archiepiscopo Gnesnensi;*

*Deinde à Ioanne Tarnouio Vice-cancellario Regni in aulam Regiam euocatus.*

*7  
Libri Diui Chrysostomi de Sacerdotio quam illi familiares.*

*8*

*Eius iam Episcopi Præmysliensis frequens de Episcopatu sermo à Stanisla<sup>o</sup> Lubienio scripto comprehensus.*



*Annus Christi  
1601.*

iactatione collectum, cœpisse seriò secum expendere muneris Episcopalis dignitatem, dignitatique adhærentia onera. Annus is erat sexcentessimus primus supra millesimum, isque in exitu, cum ego tum grauissimo mense Nouembri oppressus catarrho, oculis annuo morbo lippientibus admodum laborarem. Cupiebat eo tempore Pstroconius adire Cathedralam suam, & initia Episcopatus sui feliciter auspicari; sed cum Præmyssia ob suspicionem pestis vitaretur, ille interim dum ea lues defæuijt, vnus mensis otium nactus, ad piam laboris qui impendebat meditationem conuersus, vt plerumque solebat tempora bonis conatibus impendere, sic hoc quoque ita transegit, vt fructum secreti sui nobiscum communicare vellet. Vtroque itaque nostrum accersito, ita incipit:

*9  
Dissertationis  
de Episcopatu  
munere Exor-  
dium.*

*Sororem de-  
functam  
Pstroconius  
per quietem  
vidit, quæ illi  
totam vitam  
seriem &  
superuenturos  
honores, ac  
mortem deni-  
que prædixit.*

*10*

*Sanctissimos  
quosque Epis-  
copalem di-  
gnitatem de-  
clinasse.*

Non ego vos arctâ sanguinis necessitudine mihi coniunctos idcirco legi, curarumque mearum socios esse volui, vt tantum vestra vterer opera, longè aliud est quod prospicio & auguror, neque me, vt probè nostis, mea fallunt auguria: sæpè enim, vt scitis, dixi vobis, tum cum adhuc spes parua esset, me in Collegium Episcoporum cooptatum iri. Iuueni mihi admodum, cum de vitæ statu ineundo solida agitarem consilia, sororem meam, quæ intra pubertatis annos, non sine sanctitatis opinione, è viuis excessit, in somnis visam, eamque non solum quod vitæ genus legerem monuisse, meque & Sacerdotem & Episcopum futurum prædixisse; verum etiam, quod hætenus vos celauit, & à vobis silentio celatum esse volo, Episcopatum Præmyssiensem non esse supremum dignitatis, quem fata mihi destinant gradum: ad aulam mox reuocabor, Vice-cancellarius & Cancellarius Regni futurus; cumque vtroque hoc Magistratu difficillimo Regis & Reipubl. tempore (ciuili parricidiali que bello arsuram Patriam scitote) non sine laude perfunctus fuero, in ipso ad eum locum, qui meritis meis debebitur ingressu, hæsurum me suspicor, & vereor ne cursus vitæ meæ idem sit, qui & aulicarum functionum. Aliam, vt video, quietem spondent mihi fata: nihil quidem temerè affirmare ausim, sed nescio quid portendit subitus, nec sine meo horrore sororis, posteaquam hæc, quæ dixi, mihi ostendisset, à me discessus: statuatur sanè de me Deus quidquid voluerit: ego me vitamque meam ad nutum ipsius ita componam, vt nec viuere tædiosum mihi sit futurum, nec mori formidolosum. Sed ad vos redeo, auguror, inquam, vos, posteaquam ad maturiorem ætatem perueneritis, vtrumque dignitatem Episcopalem & Senatoriam adepturum, rem nescio magisne appetendam, an omni conatu fugiendam. Video sanctissimos quosque viros tantoperè delatum eiusmodi honorem aspernatos fuisse, vt in speluncis latere, vitæ quoduis periculum adire, patriam extorres esse, & voluntarium pati exilium maluerint, quàm tanto oneri subijcere ceruicem. Sanctus Nilammon cuius nomen fastis Ecclesiasticis ad diem octauam Idus Ianuarij adscriptum legimus, cum è solitudine, in qua sanctissime vixerat, per vim traheretur Episcopus Geris in Ægypto renuntian-



nuntiandus, tanto pauore consternatus esse dicitur, ut inter trahentium magis, quàm deducentium manus, fufis ad Deum precibus, impetrato fine vitæ, mori potiùs, quod & obtinuit, maluerit; quàm discrimen salutis ex suscepto Episcopatu adire. Illud sanctissimum Ecclesiæ lumen, Diuus Ioannes Chrysostomus, quantoperè eam functionem vitarit, ut Sancto Basilio piâ fraude imposuerit, luculenter ipse testatur. Taceo Ambrosium, Gregorium, & multos quos recensere possem, qui pari obstinatione delato honori se subduxerunt: nostra sanè ætas vix vnquam tale vidit exemplum, & plerumque non tam opus laborque quàm opes appetuntur. Neque tamen plerisque vitio vertendum censeo, quod inter minùs dignos petitores vtrò nomen suum profiteantur, ut eos, qui cum pares ad tantum munus ferendum non sint, summo tamen studio importunis precibus, nonnunquam etiam, prò dolor, pretio ad obtinendum Episcopatum adspirant, salutari intercessione, excludant: modò ne ij quoque aliâ quàm virtutis & pietatis commendatione enitere, cæterisque humilitate Christianâ saluâ præferri contendant. Sed de adipiscendo Episcopatu vberior erit dicendi locus: in eum enim sermonem impetus quidam animi mei & amor vtriusque vestrùm me adducit, ut ea quæ de rectè gerendo Episcopatu, non modò lectione multorum sacrarum literarum & Canonicarum sanctionum Interpretum meditata habeo, verùm etiam quæ ab alijs summis quidem viris, cum quibus ab ineunte ætate vixi, vsu didici, institutâ oratione exequar. Vos attentas adhibete aures ijs audiendis, quæ vobis vel potiùs illis, quibus præfuturi estis Ecclesijs, olim vsui & commodo futura sunt. Ac ut ea quæ dicturus sum faciliùs à vobis percipi possint, infixaque memoriæ fortiùs hæreant, certâ mihi methodo vtendum video, & more Rhetorum partienda oratio mea. Dicam igitur qualem esse oporteat eum qui Episcopus renuntiandus est: quâ ratione ad gerendum hoc munus vocandus: quid oneris ritè ordinato Episcopo incumbat, qualemvé ille se & in Ecclesiâ & in Reipub. functione præstare debeat. Graue onus me suscepisse videtis, ampla enim & augusta est materia, si dicendo explicare & definire voluero tanti muneris vel excellentiam vel functionem.

Episcopi nomen olim quoque Græcis Latinisque Scriptoribus notum fuit: quotiescunque enim illi aliquem maiori cum potestate, quæ supra reliquos præfides esset, designabant, Episcopum appellabant. Sic Cicero ad Atticum: Vult Pompeius me esse, quem tota hæc Campana & maritima ora habeat Episcopon, ad quem delectus & summa negotij referatur. Scio à plerisque alijs magni nominis auctoribus id nomen aliâ functione designari, eos videlicet propriè dici Episcopos, qui præsumpti & cæteris rebus venalibus, quæ in ciuitate populis ad quotidianum victum necessariae sunt. Sed hæc vtræque significatio optimè congruit functioni Episcopali; ita enim ille præesse debet, ut pascat & nutriat subiectum sibi populum: præcipuè tamen illius officium in speculatoria

11

12

*Propositio.*

13

*Dicendorum  
partitio.*

14

*Nominis  
Episcopi notatio.**Lib. 7. ad  
Atticum  
Epist. II.**Episcopus in  
Ecclesia sua  
speculator.*



& pastoralis functione consistere videtur. Speculatorem, inquit Dominus apud Ezechielem, constitui te. Et cum Petrum Dominus ad huius muneris supremam cum potestate obeundam functionem vocaret: *Palce*, inquit, oves meas, *palce* agnos meos. Et quidem non qualemcumque Speculatorem agere vult Dominus eum, qui in hac specula constitutus est, non otiosum alieni periculi spectatorem, sed ita de aliena salute sollicitum, ut si quid alicui ex ijs, qui illius curae commissi sunt, infautum acciderit, si vel in potestatem hostis venerit, vel lethali vulnere ictus fuerit, Speculator qui maturè periculum non denuntiavit, suo sanguine, sua vita, neglectae custodiae culpam eluere debeat. Non enim in hac spirituali lucta defunt acerrimi & infensissimi hostes, qui in singula temporum momenta vitae, omnium infesti insidias struant, interdum etiam structas sub signis infernalibus acies producant: neque unam pugnae speciem expectaueris, & nisi ad omne belli gerendi genus instructus paratusque sis, nihil aliud nisi tuum interitum, omniumque crudelissimam evulsionem mox euenturam cernes. In bellis quidem, in quibus nobis cum hoste visibili res est, aut navali apparatu, si à mari periculum timeatur; aut equitum peditumque turmis, si per patentes campos hostilis exercitus se effundat, nos instructos esse oportet, sagittarios sagittarijs, hastatos hastatis, equites equitibus, pedites peditibus opponimus: insidias vel insidijs eludimus, vel aperto Marte excipimus: denique curam belli in Duces & Centuriones partimur, & plerumque de euentu securi, pugnae aleam læti alacresque subimus, tuta latera, tuta frons, extrema quoque exercitus pars, suos habet defensores. Contra veteranum hostem dolis insidijsque assuetum Diabolum nihil securum, nihil satis tutum existimandum est. Episcopo ipsi armato verbo Dei omnia obeunda, omnia munia sustinenda sunt, ille necesse est, ut & speculatoris accuratissimi & Ducis simul & militis fortissimi officio fungatur: nam si ille cessaverit, vel inducijs fraudulentis, sibi ab hoste imponi fuerit, vel denique omne genus luctus spiritualis non calluerit: novit hostis vel parte unâ, si ea fortè neglecta fuerit, pyratibusque suis eiusmodi praeda inhiantibus immixtis, perfringere munitiones: imbelles & pavidum pecudum genus ferro ferire, dente lacerare, & partem victoriam omni crudelitatem scire. Sed si iuxta verbum Dei fortis armatus benè munitam custodierit civitatem, pacata quidem erunt omnia, hostis verò frustra rectè custoditis insidiabitur mœnibus, irrisus contemptusque ab ijs, quos obsidione cinxerit; sin autem Speculatore sopito murum perfoderit, etiam si reliqua munitio integra maneat, semel reperto, per quod intret, foramine, vix aut ne vix quidem, serò è somno euigilans Speculator idemque belli Dux Episcopus illius impetum retuderit. Neque sola eaque accurata custodia suffecerit, nisi idem qui id munus sustineat omnes pugnandi artes, quibus hostis instructus est, noverit, & arma quae commodè cuique arti & fraudi hostili opponat, prompta expeditaque habuerit.

Quid

Ezechiel. 3.  
vers. 13. &  
33. vers. 7.Ioan. 21.  
v. 15. & 17.In Episcopa-  
tu plurimum  
solicitudinis  
& periculi.Episcopus  
speculator  
quasi belli  
Dux & Miles  
fortissimus;

Luc. 11. v. 21.

Nosse debet  
hostes.



Quid enim profuerit vel Lutheranis vel Calvinistis, vel ipsis Arianis, quorum fraudulentum virus altas in Poloniâ egit radices, obstitisse, eorumque pestilentem morbum, ne sacræ oues eo inficiantur euitasse, si ij qui sub specie recti in Republicâ regiminis, quoddam aliud religionis genus introducunt, quæ sanè hæresis latissimè patet, facto agmine irruerint? Serpit hoc virus iam dudum, quod primis adhuc Sigismundi Augusti Regis annis pullulare cœpit. Ex hoc genere illi erant, qui potestate Regiâ nationale Concilium, ad definiendas sacræ fidei res indicipostulârunt, qui non sacrum modò in hoc Regno ordinem, sed ipsum summæ Romanæ sedis Præsidentem, temerarijs legibus circumscribere ausi sunt. Hinc illæ sanctiones, quibus, uti extra territorium latis impunè non paretur; Militet sacerdos, idemque seculari pareat iurisdictioni. Decimarum ius, etsi Diuino, Ecclesiastico, Patrioque iure Clero debeatur, in suspenso sit, neque ius legitimum petenti Sacerdoti, patrijs legibus uti liceat. Iudicia Ecclesiastica, quibus hætenus adulteria, incestus, periuria, hæreses, & similes animarum pestes coercerantur, magisne impiè an perniciosè, abrogentur. Ne promoti ad Episcopatus ad summum Pontificem se referant, sed ut fisco Regni primi anni proventus, quorum aliqua pars in signum subiectionis, more institutoque Catholico Romam mittitur, inferantur. Postremò, ut cuius quiduis in Poloniâ credere liceat; in Deum ipsum Diuolque blasphemii, ut hoc ipso nomine quòd tales sunt, peculiari lege impietatis securitatem habeant. Videtis & nunc multos esse, quorum in Conuentibus, in Comitijs, non alia auditur vox, nisi Clerum nouis legibus esse circumscribendum, coercendam Ecclesiastici iuris potestatem, prædia & possessiones sacris vsibus dicatas, vel militari seruitio, vel pensionibus grauandas, easdemque per vim & fraudem interceptas, ne repetere liceat, & sexcenta eiusmodi: idque hominibus Catholicis auctoribus dici & promoueri cernitis. Vereor ego ne ab hac peste in hac charissimâ Patria nostra Religioni Catholice, & ipsimet Patriæ supremum periculum eueniat. Hoc quidem Rege, quem diutissimè Religioni Catholice tuendæ Deus conseruet, imperante, facile Ordo noster tueri potest iura sua: pietas enim optimi Principis constanter obsistit eorum ausibus, qui malè erga Ecclesiam Catholicam Ordinemque sacrum affecti sunt: ceterùm eo vitâ functo, magnum discrimen & periculum imminere video, nisi Episcopi sacri Ordinis Duces, seriò in eam curam incumbant, ne vel sibi imponi, vel se ac iura sua per vim opprimi patiantur. Neque putandum est facile expeditumque id certamen fore; experti sunt maiores nostri, quorum plerosque ego noueram, quàm anceps sit istius disceptationis alea, cum ab vnâ parte factor populi contra Ecclesiam militet, ab aliâ Hæretici insultent, à fronte verò hi quos Politicos vocari vsus obtinuit, aerem faciant impetum. Hic, inquam, hic animis & viribus opus, & non pastoralis modo, sed penè militari industriâ, quali olim maiores nostri vsi sunt, agendum inuigilandumque

18

*Pseudo-Politi-  
ci hostes  
Ecclesiæ ac-  
cerimus;*

*Eorum leges  
contra im-  
munitatem  
& dignita-  
tem Ecclesia-  
sticam sub  
Sigismundo  
Augusto re-  
merarie.*

19

*Eorundem  
conatus impij  
his temporibus  
contra  
Clerum.*

20

*Ab ijs extre-  
mum Reli-  
gionis & Pa-  
trie imendit  
olim exitium.*

21

*Contra hæ-  
iusmodi Po-  
liticos pugna  
difficilis.*

*Quales Epi-  
scopos iis op-  
poni oporteat.*



22  
*Stanislaus  
 Karnkouius  
 Archiepiscopus  
 Gnesnensis  
 talium  
 Episcoporum  
 norma.  
 Egregia eius  
 pietas & li-  
 beralitas.*

23  
*Collegium  
 Calisijense à  
 Stanislaeo  
 Karnkouio  
 fundatum.*

24  
*Cura pasto-  
 ralis & do-  
 ctrina.*

25  
*Dicendi vis  
 in Senatu &  
 auctoritas.*

26  
*Hieronymi  
 Rozdra-  
 zewski Epi-  
 scopi Vladis-  
 lauiensis ex  
 vite innocen-  
 tia & sancti-  
 tate nomen  
 magnum  
 apud omnes.*

dumque est. Olim erat familiare Episcopis nostris ijs eminere dotibus, quæ vulgi animos conciliant, auctoritatemque pariunt, sinceram videlicet pietate, eruditione, & liberalitate. Videtis Stanislaum Karnkouium Archiepiscopum Gnesnensem, senem illum quidem, sed ita animi robore vigentem, ut nec Ecclesiæ, nec Reipublicæ desit: ita verò Principis Senatus munus tuetur, ut locus is illi vni conuenire videatur: non affectata est pietas eius, sed sincera; liberalitas verò ita latè se diffundit, ut non præsentis modò ætati, sed futuræ etiam suffectura videatur: ornauit, ditauitque amplissimis opibus sponsam suam Ecclesiam Gnesnensem effecitque, ut auctis stipendijs longè frequentius sacrum illius Ecclesiæ Collegium redderetur, & triplo plures quàm antea isthic essent Sacerdotes, qui rei sacræ ritè peragenda diebus ac noctibus incumberent. Iam verò Calisij, loco satis opportuno, nobilissimo Collegio Religiosorum Societatis IESV Sacerdotum collocato, & dotato, totque Gymnasijs constructis, magnam etiam eaque perpetuò duratura in eos impensa facta, qui ex egentiore iuuentute Polonâ, optimis disciplinis incumberent, & olim vsui Ecclesiæ & Reipublicæ essent, an non satis declarauit, quàm liberali esset animo? opes quidem omnes non augendis & ditandis propinquis consanguineisque suis, sed egentioribus subleuandis impendit. Nemo illi sordes obiecerit, nemo quod maiorem frumenti & pecoris, quàm animarum Christi sanguine redemptarum curam gerat; quod in prædiorum quàm in Ecclesiarum putandis rationibus frequentior sit, improperauerit. Tuetur dignitatem auctoritatemque suam, optimis & magno viro, magno Senatore dignis artibus: nec verò ille, ut cum Catone Ciceroniano loquar, in luce modò atque in oculis ciuium magnus, sed intus domique præstantior. Qui sermo, quæ præcepta, quanta notitia antiquitatis, quæ scientia iuris Pontificij, multæ etiam ut in homine nostro literæ, ita omnia memoriâ tenet, non domestica modò, sed etiam externa bella; ego ita eum dicentem audio, ac si eo extincto neminem essem habiturus, à quo discerem. Hoc & aliorum de eo est iudicium. Itaque quotiescunque dicit sententiam, omnes ab ore dicentis pendere videntur; plena enim est notitiæ antiquitatis istius senis oratio, ita ut vnus & legum nostrarum patriorumque institutorum origines scire; & fœdera cum externis Principibus & tuendæ salutis communis, conseruandique præsentis status rationes optimè perspectas habere videatur. His ille rebus tantam sibi parauit auctoritatem, ut omnibus sit venerabilis, ut ad conspectum tanti viri osores Ecclesiæ iurium, ne hiscere quidem audeant. Nuper quoque Hieronymus Rozdrazeuius Episcopus Vladislauiensis non eloquentiâ, hæc enim in homine apud exterarum nationes ab infantiâ ita educato, ut Polonicum idioma ægrè efferret, quæ esse potuit? non liberalitate, etsi enim ab avaritiâ & ab omni turpi questu remotus esset, parsimonia tamen magis, quàm moribus nostris congrueret, addictus, tenacior rerum suarum existimabatur, vnicâ tantum sanctitatis & pietatis opinione,



ne, ita gratus & amabilis omnibus erat, ut nemo esset, qui non eximiâ animi eius excellentia permoueretur. De Tarnouio meo, qui ei in Episcopatu Vladislauensi proximè subrogatus est, dicere incipientem, moeror, & futuri mali præfaga mens perturbat, nec ea quæ sentio fari permittit. Magnus hic est vir, & ad magna natus. Ut ille, cum Vicecancellarius Regni esset, egregiâ dexteritate, orientes ciuiles motus compressit: ut Collegæ prærogatiua senectutis & rerum gestarum gloriâ, plus sibi arroganti restitit; ut denique nuper cum Episcopatum Posnaniensem gereret, Optimates Maioris Poloniæ in admirationem venerationemque sui conuertit, & tanquam inter eos, vel ex eis natus, eximiâ animi magnitudine parem se cunctis reddidit. Summum locum illi deberi non dubito, etsi longiorem vitam fata indulserint, magno Ecclesiæ & Reipub. præsidio, futurum certo scio. Sed quæ spes nostræ? quàm fallaces? quàm nullæ? eloquar an fileam? Ostendent terris hunc tantum fata, neque ultra esse sinent. Ex vate ista. Sed utinam ego sim falsus vates. Tarnouium meum, vix dum Archiepiscopum Gnesnensem renunciatum, & eius dignitatis possessionem adeptum, fatali iectum morbo in complexu meo è vita cessurum. Mortem eius vel inimicis ipsis, ne dicam amicis acerbam fore video, liuor iste qui nunc viuum arrodit, quiescet post fata; virtus eius maximè tunc desiderabitur, cum turbatis in Patriâ nostrâ rebus, non seditio modò, sed bellum ciuile excitabitur. Videre videor totam è sede moueri Poloniam, exercitus duci & reduci, Patriam vastari, infausti nominis campos, quorum appellatio à liuidis tumoribus & vulneribus originem trahit, ciuili sanguine fœdari. Parce miles ferro, parce ciuibus: viueres Tarnoui ad ea tempora, clauumque Reipubl. teneres, non hæc fieri permitteres. Tu ipse Zamosci, decus Patriæ nostræ, mora fatorum, si superstes esses, non sineres alumnum tuum furere, vel tuo nomine ad concitandam seditionem abuti. Scio certè te & fato functum, grauiter laturum sinistrâ supremæ voluntatis tuæ interpretatione, tuis copijs, tuis opibus Regem & Rempub. oppugnari, quem & quam tu semper saluam esse voluisti. Sed ego tacenda locutus, vos arcto silentij sacramento obstringo, illud tantum addam, mihi ac vobis, quos ego laboris mei socios destino, magnam istarum calamitatum partem exsorbendam esse, meum potissimum petetur caput, in me vnum tota incumbet inuidia: ac utinam meo tantum sanguine furor is sopiri posset, non mihi acerba mors pro Ecclesiâ, pro Rege, pro Republicâ esset, libens volensque subirem fatum. Summorum virorum commemoratio, me à proposito sermone paululum seduxit; redeo & confirmo, nullum grauius aut periculosius fuisse & esse certamen, quàm id quod in ordinem nostrum à Politicâ hæresi instruitur: ad illud sustinendum magnâ prudentia, magnâ dexteritate opus est, nec ad pugnam magna nomina maiorumque imagines; sed vitæ inculpatæ sanctitas, eruditio, comitas, liberalitas adferenda, amorque & fauor ciuium conciliandis, potissimum

27

Ioan. Tarnouius Episcopus Vladislauensis Ecclesiæ & Reipub. propugnator acerrimus.

28

Prematura mors tanti viri à Pstrotonio prædicitur vna cum bello intestino in Poloniâ.

29

Ad Guzonit pugna.

30

31

32

Iterum declarat quales Episcopi contra Politicam hæresim essent obijciendi.



tissimùm studio earum rerum tuendarum, quæ felici & florenti Reipub. statu expetuntur; sit libera, nec ad adulationem composita in Senatu vox Episcopi; ille ante omnes re ipsâ comprobet sibi curæ esse publicam salutem, hæc vna ars est ad reprimenda inuidorum studia, ad tuendam Ordinis sacri dignitatem, ad propugnanda sacrosancta Ecclesiæ iura.

33  
*Episcopi Pa-  
stres.*

Sed à militiâ ad pascuarias artes reuertamur; non enim speculatoris tantum & Ducis in bello, sed in pace etiam, imò semper pastoris officio vult fungi Episcopum Dominus, & quidem ardentissimâ cupiditate quadam; cum enim terras relicturus cum discipulis fermocinaretur, ac eâ charitate, quæ tum ex recentibus manuum, lateris, & pedum vulneribus emicabat, illorum animos in sui mutuuum amorem inflammasset; Petrum maiori præ reliquis æstu flagrantem: Amas me, inquit, Petre, siue affirmatiuè, siue vt amoris eius, qui scientem omnia non latebat, professionem eliceret, interrogauit: cumque respondisset Petrus optimè consciuum esse Dominum sui in eum amoris, non vt mortem pro gloriâ nominis sui subiret, non vt ieiunijs corpus maceraret, non vt continuò vigilaret, non vt iniuriâ grauatis opem ferret, non vt orphanis patris, viduis mariti loco esset, iniunxit; sed pascere, inquit, gregem meum. hæc erit certissima tui erga me amoris tessera, si te vitamque tuam pascendo meo gregi impen-deris, amoremque illum, quem ego sanguinis mei effusione erga hunc eundem gregem testatus sum, heroicâ imitatione expresseris: si igitur amas me, pascere gregem meum, vt liquidò omnibus constet, me à te ama-

34  
*Pastoris mu-  
nus difficile,  
in charitate  
fundatum.*

1. Reg. 9.

ri. Magnum & excelsum, imò arduum & difficile munus Dominum designare voluisse apparet, cum trinâ professione amoris Petrum ad illud suscipiendum sibi obstringeret. Itaque charitate, quæ summam omnium virtutum complectitur, cæteris emineat Pastor Dominici gregis, non vt olim Saül, quem ad simile munus vocatum humeris reliquo Israëlítico populo altiore fuisse sacræ literæ testantur, nam hæc corporis elatio mutabilis erat; charitas verò nunquam excidit, sed semper eadem manet. Tantum verò eâ Episcopus præ cæteris flagrare debet, vt longè alios post se relinquat. Neque enim illi aduersus lupos, qui videri & arceri pos-

35  
*Quæ partes  
sunt veri Pa-  
storis seu Epi-  
scopi.*

Eph. 6. v. 12.

*Quæ mala  
Pastori à gre-  
ge Christi  
propulsanda.*

sunt, vigilandum depugnandumque est, nec irrationabile pascendum pecus, cuius etiam si pastor per secordiam iacturam fecerit, vel leui pœnâ, vel æstimabili mulctâ Domino gregis satisfaciet, sed Episcopo rationabilis Christi grex pascendus est, & contra inferni belluas, ad quas ar-cendas ne adamantina quidem mœnia satis tuta sunt, continuò decer-tandum. Non est, inquit Apostolus, nobis colluctatio aduersus carnem & sanguinem, sed aduersus principes & potestates, aduersus mundi re-ctores tenebrarum harum, contra spiritualia nequitiae, in cœlestibus. Si oculis cernere liceret infernales istos lupos, & immania monstra, quanto horrore corriperemur, tetras istas phalanges intuentes, non ferro qui-dem cinctas, sed dolis armatas, contra quas nemo certare potest, nisi qui arma, Diuinâ fabricata manu, è cælo missa induerit. Grande pericu-lum



lum ab externo isto hoste; sed vide alia his nequaquam minora, Paulo Apostolo monstrante: Manifesta sunt, inquit, opera carnis: quæ sunt fornicatio, immunditia, impudicitia, luxuria, idolorum seruitus, veneficia, inimicitia, contentiones, æmulationes, iræ, rixæ, dissensiones, sectæ, inuidiæ, homicidia, ebrietates, comestiones, & his similia. Neque enim necesse fuit, ut omnia eius generis vitia scripto comprehenderet, cum his enumeratis, illis paria & ab eodem deriuata fonte, deprehendi possint. Hæc tam perniciosæ pestes, æquæ gregem ac ipsum inficiunt pastorem; cum alioquin luem, quæ ouium corpora infestat, pastor citra noxam tractare possit, fomenta adhibere, vlcerà purgare. In curandis autem animæ oculis vlceribus, cautè admodum Episcopo versandum est, tum ne quid ipse labis ex infectis ouibus contrahat, tum ut prudenter fomenta contagiosis morbis admoueatur, denique ut radices ipsas malorum diligenter inuestiget. Neque tamen temerè curationi, quæ sectione peragi solet, manum admoueatur, ne si æger contumaciter restiterit, malum magis exasperetur, vulnusque recrudescat, quod dum conscissum disrumpitur, deteriorem facit scissuram. Maximè autem discretione eum uti oportet, & dispicere, num is, qui curandus est, vltrò morbum suum fateatur, opemque medici imploret; an, ut plerique, quibus & generis splendor, & partæ opes ingentes animos faciunt: quos si redarguere, & iusta castigatione coercere volueris, excandescunt, magisque irritantur. Hi blandis appellandi verbis, & leuiori tractandi manu, ut aliquando errore & morbo, quo laborant, cognito, lentis remedijs se curari patiantur; vel denique lachrymis & sacrificijs exorandus est Dominus, ut det illis animum notitiæ sui studiosum. Quid verò dicam de his, qui se ab unitate Christi ouilis segregarunt, quorum mentes impijs dogmatibus sathanas infecit, qui non doceri, sed docere volunt? Non possum celare animi mei lætitiā, quam inde capio, quod videam singulari quadam prærogatiuā gentem Poloniam à Deo donatam esse. Non patitur is ut homines nostri, vel facile in errores, quibus orbis Christianus, & maximè vicina nobis Germania infecta est, labantur; vel si quis fraude hostili seductus succubuerit, diu ut in errore perseveret. Quanto labore in alijs Regnis contra hanc pestem frustra pugnatur, quantum sanguinis ciuilius eius rei causā in Gallijs & Belgio fluxit? quot bella exorta? cum è contra in Poloniā sponte quadam hoc malum subsidat, & aboleatur. Ante annos quadraginta, ita ea lues inualuerat, ut Senatus quidem maior pars ex Hæreticis constaret, iidem inter Equestrem ordinem non quidem numero, sed ad quasvis functiones obeundas dexteritate emerent, primasque & in priuatis, & in publicis consilijs ac Conuentibus sibi partes vendicarent. Nunc ad paucos ij redacti, & nisi nostros istos Ruthenos Græco schismati addictos, in subsidium adsciscerent, vix in publico comparere auderent. Sed & hi (ita benè sperare libet de gente nostrā, & de singulari Dei erga nos gratiā) redibunt ad officium, & ad

Galar. 5.  
v. 19.

36

Eadem ipsi-  
met Pastori,  
nisi caueat si-  
bi, timenda.

37

Quā pruden-  
tia morbos  
anima in  
subditis cura-  
re debeat.

38

Hæresis inter  
anima pestes  
facile in Po-  
loniā curabi-  
lis.



- 39 *Si sedulitas  
Episcoporum  
adsit.* sacrae Matris gremium, modò Episcopi, quorum id præcipuum mu-  
nus est, sedula cura eò incumbere velint, idque sibi persuaderi patiantur,  
*Ars artium  
cura anima-  
rum;* reliquas omnes virtutum species alijs communes esse; curam animarum,  
quam rectè Diuus Gregorius Artem artium dixit, Episcopis propriè cõ-  
petere. Propterea Dominus Seruator noster, cùm eos alloqueretur, quos  
ad tanti muneris fastigium euehere volebat, his vsus est verbis: Quis, in-  
quit, est fidelis seruus & prudens, quem constituit Dominus super fami-  
liam suam. Etenim qui animũ suum excellentibus excolit virtutibus, qui  
Matt. 24. sanctitate ceteris præeminet, meritò quidem is omnium oculos in se con-  
v. 45. uertit; sed tamen sibi ille magis, quàm reliquis utilis est: at labor ille, quem  
*Præuata san-  
ctitati præ-  
fertur:* seruus fidelis & prudens, iubente Domino, curæ pastoralis impendit, om-  
nium inseruit salutis, & benè expenso talento, vberimum adfert lu-  
crum. Rectè igitur Dominus, pastoris studium erga gregem impen-  
sum, amoris & charitatis erga se symbolum esse dixit. Ac optimè qui-  
dem nobiscum ageretur, si hac flammâ amoris accensi ad sacerdotium  
40 accederemus; nam proculdubio sic animatos, Diuina gratia ijs quoque  
*Etiã perfe-  
ctionem An-  
gelicam ante-  
cellit.* instrueret ornamentis, quæ summo fastigio digna sunt. Plus quàm An-  
gelicam ambiunt perfectionem, qui sacerdotij & Episcopatus dignita-  
tem suscipiunt. Etenim sacerdotium ipsum in terrâ quidem & in conspe-  
ctu hominum peragitur, eius tamen functio ad cœlestium rerum clas-  
sem ordinemque referenda est: non enim homo, non Angelus, non quæ-  
uis alia creatura, potentia huiusmodi dignitatis auctor fuit; sed ipse Spi-  
ritus sanctus, qui & nunc inuisibiliter ordinatam à se functionem exe-  
quitur, & eam mentem mortalibus inspirat, vt Angelorum ministerium  
animo concipiant. Quæ olim mandante Domino ad ornatum Ponti-  
ficem prisca legis adhibebantur, ea omnia umbræ erant futurae sanctita-  
tis, quæ animas Episcoporum noui Testamenti exultas esse debere, Do-  
minus designabat: illa tintinnabula, mala punica, lapides pectori sacer-  
dotis, itemque alij humeris eius superpositi, mitra, strophium, vestis ad  
pedes vsque demissa, lamina aurea, sancta sanctorum, ingens intus  
quies & silentium, sacrificij sacrosancti designabant præstantiam, ad  
eius tamen dignitatem minimè accedebant. Libenter, vt scitis, bo-  
nas horas impendo legendis libris Diui Ioannis Chrysostomi, ex quo  
42 *Eius sanctitas  
& sacrificij  
excellentiã à  
D. Chrysosto-  
mo expensa.* pleraque ea quæ attuli, sumpta sunt. Sed libet iam eius verbis, insi-  
gnem sacrificij & sacerdotij excellentiam explicantibus, meum ad  
vos exequi sermonem. Tu Stanislae, (nam ego dicendo fessus sum)  
Chrysosto- cape librum & lege. Tum ego ab eo, quem ille indicauit loco, orsus  
mus de Sa- lentâ voce pronuncio. Dum conspicias Dominum immolatum, sa-  
cerdot. lib. 3. cerdotem sacrificio incumbentem, ac preces fundentem, tum verò  
turbam circumfusam pretioso illo sanguine intingi ac rubefieri, etiamne  
te inter mortales versari atque in terrâ consistere censes? an non potiùs  
è vestigio in cœlos transfereris? an non carnis cogitationem omnem  
abijciens nudo animo, mente purâ circumspicies, quæ in cœlo  
sunt?



sunt? O miraculum! ô Dei benignitatem! qui cum Patre sursum sedet, in illo ipso temporis articulo omnium manibus pertractatur, ac se ipse tradit volentibus ipsum excipere ac complecti! Fit autem id nullis præstigijs, sed apertis ac circumspicientibus circumstantium omnium oculis. Num tibi ista contemptu ac despectu digna esse videntur? aut eiusmodi ut possit quis contra ea attolli atque insurgere? Visné & sancti-  
 moniæ istius excellentiam alio miraculo perspicere? Ponito ob oculos <sup>43</sup> *Typus Helia sacrificantis.* Heliam illum, & præterea infinitam turbam illam circumfusam, & sacrificium lapidibus superpositum, tum verò reliquos omnes admodum quietos ac taciturnos, solum autem Prophetam preces fundentem, secundum id flammam derepentè è cœlo delabentem sacrificiumque ipsum lambentem. Mira sunt ista profectò, ac stupore omnia plena. Ab illis ergo sacris, ad nostratia sacra te transfer: nec ea mira modò esse videbis, sed etiam omnem stuporem excedentia. Adest enim Sacerdos, non ignem gestans, sed Spiritum sanctum, is preces diuturnas fundit, non quo flamma cœlitùs delapsa sacra apposita absumat; sed ut gratia in sacrificium influens, per illud ipsum omnium animos inflammet, & puriores reddat argento igni excocto purgatoque. Hoc ergo mysterium  
 omnium maximè horrendum verendumque, quis tandem, qui sanus idem minimè sit, quique è potestate non exierit fastidire ac despicere poterit? Ignoras futurum nunquam fuisse, ut humanus animi captus, sacrificij ignem illum sustineres, sed funditus omnes tunc fuisse interituros, nisi magnum Diuinæ gratiæ auxilium adfuisset? Nam si quis consideret, quantum id sit mysterium, ut is scilicet, qui homo ipse sit carne ac sanguine etiamnum constans, isque inuolutus, beatæ atque immortalis naturæ illi fieri propior queat: tum probè intelliget, quanto sacerdotibus honore, quantâ dignitate Spiritus sancti gratia dignata fuerit: operantibus enim illis, tum sacra hæc, quæ dico, initiantur perficiunturque,  
 tum etiam alia his nihilo inferiora, quæ ipsa ad dignitatis salutisque nostræ rationem spectant. Etenim qui terram incolunt, atque in eâ versantur, his commissum est, ut ea quæ in cælis sunt, dispensent: ijs datum est ut potestatem habeant, quam Deus Optimus, neque Angelis, neque Archangelis datam esse voluit. neque etiam ad alios dictum: Quæcun-  
 que alligaueritis in terra, erunt alligata & in cœlo; & quæcunque solueritis in terra, erunt soluta & in cœlo. Habent quidem & terrestres Principes vinculi potestatem; verum corporum solum: id autem quod dico sacerdotum vinculum, ipsam etiam animam contingit, atque ad cælos peruadit, vsque adeò, ut quæcunque infernè sacerdotes confecerint, illa eadem Deus supernè rata habeat, ac seruorum sententiam Dominus cõfirmet. Etenim quidnam hoc aliud esse dicas, nisi omnem rerum cælestium potestatem illis à Deo concessam? Quorumcumque enim, ait, peccata retinueritis, retenta sunt. Quænam obsecro, potestas hac vnâ maior esse queat? Pater omnifariam Filio potestatem dedit: cæterum video  
 ipsam



ipsam eandem omnifariam potestatem à Deo Filio illis traditam. Nam quasi iam in cælum translati, ac supra humanam naturam positi, atque nostris ab affectibus exempti, sic illi ad principatum istum perducti sunt. Quid multa? Rex aliquis, si cui ex subditis suis honorem hunc detulerit, ut potestatem habeat quoscunque velit in carcerem conijciendi, eosdemque rursus laxandi, beatus ille & admirandus iudicio omnium fuerit: at verò qui à Deo tantò maiorem accepit potestatem, quantò cælum terrâ pretiosius est, quantò etiam animæ corporibus præstant, hic vilem eò usque dignitatem accepisse nonnullis videri debet, ut vel in illorum cogitationem descendere queat: reperiri quandoque posse vnum aliquem ex eorum numero, quibus tanta illa quæ paulò antè dixi fuerint à Deo concredita, cui ipsi munus suum sordescat, quique donum sibi à Deo datum despiciat? Procul, procul hinc, facessat huiusmodi infania. Infania enim manifestaria despiciere tantum istum principatum, sine quo neque salutis, neque promissorum bonorum compotes fieri possumus. Nam si non potest quis in regnum cælorum ingredi, nisi per aquam & spiritum regeneratus fuerit: & Qui non manducat carnem Domini, & sanguinem eius non bibit, æternâ vita priuatur: omnia autem hæc haud aliter quàm per sacrosanctas illas manus perficiuntur, manus, inquam, sacerdotum; quæ fiet ut citra illarum opem, aut gehennæ ignem euitare quis possit, aut repositæ in cælo coronæ præmia consequi? Hi enim sunt, hi sunt, inquam, quibus tum concredita sunt spirituales parturigines, tum etiam baptismatis partus à Deo est commissus: per hos ipsos Christum induimus, vnà cum Dei Filio sepelimur, & beatæ carnis illius membra effici-mur: quo nomine Sacerdotes meritò non modò plus vereri debemus, quàm vel Principes vel Reges; verùm etiam maiori honore, quàm parentes proprios honestare. Hi enim ex sanguinibus & voluntate carnis nos genuerunt: illi verò auctores nobis sunt natiuitatis eius, quam à Deo habemus, beatæ regenerationis illius, libertatis veræ, atque adeò adoptionis eius, quâ nos per gratiam Filij Dei sumus effecti. Corporis lepram purgare, seu veriùs dicam haud purgare quidem, sed purgatos probare, Iudæorum sacerdotibus solis licebat, neque nescis quantâ cum ambitione, quanto cum studio ac concertatione sacerdotalis dignitas id temporis acquireretur. At verò nostris sacerdotibus, non corporis lepram, verùm animæ sordes, non dico purgatos probare, sed purgare prorsus concessum est. Quare iudicio quidem meo, qui istos despiciunt contemnuntque, multò sceleratiores, ac maiori supplicio digni fuerint, quàm fuerit Dathan vnà cum suis omnibus. Illi enim, tametsi Principatum ad se non spectantem sibi vendicabant; tamen miram quandam de eo Principatu opinionem animo conceperant: id quod declarauit ingens rei concupitæ studium: hi autem tum cùm iam sacerdotalis honos incrementum, ornatum, præstantiam magnam accepit, contra quam illi, sed tamen multò maiora audent. Neque enim perinde est, ad despicientiæ ratio-

*Quam infanus est qui despiciat.*

*Ioan. 3. v. 5.*

*Ioan. 6. v. 55.*

47  
*Sacerdotum honor.*

48  
*Contemptores Sacerdotum quanto scelere se obstringunt.*



rationem subducendam, honorem aliquem indebitum appetere, & tot tantaque bona fastidire: verum facinus hoc tantò illo est grauius, quantò inter se dissident intervallo, fastidium & admiratio. Quis ergo tam infelici genio natus, tot tantaque bona fastidiat? Et quidem neminem existere talem dixerim, nisi quis furiarum œstro percitus sit.

Plura legere volentem, interpellat Pstroconius, Cessa, inquit, & lip-  
 pientibus parce oculis, ego reliqua exequar. Hæc & multò plura S. Chry-  
 sostomus, dum causas explicat, cur Episcopatus munus suscipere no-  
 luerit. Et ille quidem tantus vir, cuius sanctitatem, eruditionem, elo-  
 quentiam, Diuinarumque literarum notitiam, & illa ætas, quâ vixit, ad-  
 mirata est, & omnis deinceps posteritas communi comprobauit con-  
 sensu, indignum se profitebatur, & minimè idoneum ad obeundam  
 functionem Episcopalem: nos, qui ne vmbram quidem, vel doctrinæ,  
 vel pietatis, si cum eo conferamur, habemus, vtrò nos non vocati ob-  
 trudimus. De alijs nihil dico, de me apud vos pauca. Cum me non mea  
 voluntas, sed quadam vitæ ratio, & cum aliorum, tum præcipuè Tar-  
 nouij mei, simul ac Vice-cancellarius Regni renunciatus est, de me opi-  
 nio, ad Aulam Regis euocasset, ita duodecim continuos annos in eâ exe-  
 gi, vt semper mihi viderer alienum à me gerere negotium; cumque iudi-  
 cio Optimi Principis, post multos exantlatos labores, binæque in Sue-  
 tiam nauigationis tolerata pericula, Referendarius Regni renunciatus  
 essem, & omnes imprimis Tarnouius suaderet, ne ab Aulâ me re-  
 mouerem: feci illo inuito, simul ac occasio sese obtulit, vt rude me do-  
 nari peterem, ac vt Episcopatum Præmysliensem acciperem; non opum,  
 hæ enim exiguæ sunt, magnitudine adductus sum: sed diu iam infede-  
 rat animo, omnes alias præter sacerdotalem functionem minimè dece-  
 re eum, qui ab ineunte ætate materno etiam voto sacris obeundis addi-  
 ctus est. Ætas ipsa quinquagesimi anni monebat me, ne inter seruitia  
 Aulæ versarer, ne isthic conlenescerem; & quoniam aliâ conditione in-  
 de me explicare non poteram, nisi vt Episcopatum acciperem, feci id,  
 veluti inuitum me deducantibus eò fatis. Scitis ipsi qualis fuerit ambi-  
 tus noster, quos prensauerimus, quorum suffragia implorauerimus. Illi  
 ipsi, qui minùs æquo animo ferebant, nos Magistratu aulico ornatos, ad  
 alios subinde honorum gradus succrescere, quibus suspecta erat indu-  
 stria nostra, auctores accipiendi Episcopatus, promotoresque mei fue-  
 runt, maturè cauentes, ne quando illis anteponeremur. Sed hæc à Di-  
 uinâ pendent voluntate, ad cuius nutum me actionesque meas compo-  
 nere hætenus semper studui. Hanc ipsam ad Episcopatum Præmyslien-  
 sem promotionem meam, licet ea amicis quibusdam nostris, minor spe  
 nostrâ esse videatur, ita accipio, vt ab eo profectam, qui in vineâ sua vni-  
 cuique certum stabilemque assignat locum, in quo, & suæ & aliorum  
 salutis curam gerens, diurnum denarium mereri possit. Diligenter sanè  
 omnibus, qui Episcopi renunciantur, curandum est, vt recta eorum sit

49

S. Chrysost.  
indignum se  
censet Episco-  
patu.

50

Pstroconij  
qualis apud  
aulam Re-  
giam vitæ  
ratio.

51

Eius ad Epif-  
copatum  
promotio.

52

Ad Episcopa-  
tum temerè  
electi, inutiles  
& inepti sunt  
ad res geren-  
das.



Lib. 3. de Sa-  
cerdotio.

Lib. 4. Epist.  
52. ad Chil-  
deb. Regē  
Francorum.

ac legitima vocatio. Diuus Chrysostomus, sui temporis calamitatum omnium causas, ad temerarias Episcoporum electiones refert, id quod pulchro capitis & reliqui corporis firmat exemplo. Caput, inquit, valentissimum esse oportet, vt prauas exhalationes ab inferiori reliqui corporis parte sursum ascendentes dispensare, easdem ritē atque ordine componere possit. Nihil verò deterius fieri potest, quā cū Episcopi culmen honoris præcipiti saltu conscendunt. Et vt S. Gregorius ait; Qui discipulus non fuit, inconsideratā ambitione magister efficitur, & quod possit docere non didicit, sacerdotium tantū gerit in nomine, nam laicus in sermone pristino perseuerat & opere. Quomodo ergo pro aliorum peccatis intercessurus est, qui sua primitus non defleuit? Talis enim pastor, non munit gregem, sed decipit, quia dum contradicente verecundiā non potest alijs hoc quod ipse non facit, persuadere, quid est aliud nisi vt plebs Dominica prædonibus populanda remaneat, & inde sumat interitum, vnde salutiferæ protectionis magnum deberet habere subsidium? Hæc ille. Nec quisquam sibi de fauorabili populi testimonio blandiatur, quem propria occultorum criminum arguit conscientia.

53

Qua ratio ad  
Episcopatum  
vocandi Episcopi  
futura:  
Canonica  
electio,  
Regius fauor;

Sed iam de modo adipiscendi Episcopatus, quod secundum fuit eorum, quæ dicenda proposuimus, dicamus, de quo multa adferri possent à sacris præscripta Canonibus. Olim equidem maiores nostri, non per aulicos ambitus, nec per indigna nomine sacerdotali obsequia aulæ foribus impensa, sed ritē & Canonicè factā electione, ad functionem Episcopalem vocabantur; non tamen negauerim, Regio quoque fauore optimos Episcopos adiutos. Sic olim Aaron Abbas Tinecensis, Casimiri Primi Regis voluntate, ad Episcopatum Cracouiensem promotus fuit. Et Zbigneo Olesnicio, nauata in Gruncualdensi bello Vladislai Iagello ni opera, ad eandem Cathedram aditum fecit. Vt meritò dubitari possit, iurenē Cromerus noster tantoperè deploret, translatam à Collegijs Sacerdotum ad Reges Episcoporum designationem. Eo equidem, & paulò superiori tempore, quo ille scripsit, multi Regiā abusi gratiā, perperam sedes Episcopales occupabant. Casimirus Tertius, primus iura Ecclesiarum frustra obnitente Pontifice inuasit. Quanquā & Vladislai Iagello, plus sibi in abrogando Episcopatu Cracouiensi Petro Visso, & in eius locum Alberto Iastrzembecio ambitioso homine, eodemque rapaci substituendo, iuris, quā Regibus conueniret vsurpauerat. Sed Casimirus nullā habita ratione, vel Sacrorum Canonum, vel Iuris Ecclesiæ, vel denique summi Pastoris auctoritatis, ita Ioannem Gruscinium Regiā potestate Episcopum Cracouiensem renunciauit, vt simul sacrilegas manus eiiciendis ex Ecclesiā, Collegij Sacerdotum Basilicæ Cracouiensis viris sacris admoueret, Iacobum Sienienium Pontificis Romani auctoritate nitentem, armatā vi oppresserit, eieceritque & proscripserit. Hæc minimè Christiano digna principe ab eo facta, posterique quoque imitati sunt. Et Sigismundi Primi, quanquam aliàs religiosissimi

Regis,



Regis, temporibus, scimus ambitum plurimum valuisse, cum nonnulli muliebri etiam favore, ad adipiscendos Episcopatus miterentur: deinde Sigismundo Augusto, res Regni moderante, ut alia ordinis nostri dedecora fileam, & Ioannes Droïovius Episcopus Vladislaviensis, Hæreticorum fautor, non sine causâ, ut hæreticus audiit: & Iacobus Vchanscius, Romanâ notatus censura, Regiâ & laicali potestate fretus, eundem Episcopatum Vladislaviensem per vim inualit. Nec Stephanus Rex eâ suspitione caruit, quasi quendam Episcopatum, largitione flexus, contulisset, viro quidem digno, sed corradendis coaceruandisque pecunijs nimium intento. Longè à nostris temporibus ea labes, nec alia Principis nostri mens, nisi ut maturâ deliberatione, meritisque & virtutibus expensis dignos præficiendos Ecclesiæ curet Pastores. Sed ut electio non semper optimum inuenit, ita Principum quoque iudicia interdum citra eorum culpam falli & decipi contigit. Aliquando enim generis splendor, nonnunquam emendicatus fautor, & ambitiosa eorum, qui in Republicâ plurimum possunt commendatio, obtrudit parum idoneos, Principique facit necessitatem, tales renuntiandi Ecclesiarum Præsides, quorum cum ipsum deinde pœnitet. Nollem morem hunc inolescere, qui iam paulatim serpit, priuatim Principi quidquam largiendi; etsi enim optimo animo, nec malo fine ea fiant, nec aliter existimare oportet vel de Principe, vel de liberalitate eorum qui largiuntur; sed nescio cur apud inuidos & ignaros malè res ista audiat, & plerique eas donationes sinistrè interpretentur, dicantque inter dantem & accipientem naturalem quandam citra omnem consensum nasci obligationem. Neque placet nimia quorundam in obsequijs aulicis sedulitas, & ita iactata merita, ut sub eorum nomine magis digni & idonei deterreantur; sunt qui in Aulâ consenescere velint, quos conuersatio interdum sacerdotio minime digna delectet, qui in eligendis & reiiciendis Episcopatibus fastidiosi sunt: hunc nolo quod multum negotij habeat, illum ut opulentiorum appeto. Nec Tylicius noster nuper adepto Episcopatu Varmiensi, satis existimationi suæ consuluit, quod munus Vice-cancellariatus, quem admodum iure nostro præscriptum est, non deposuerit, id quidem, quoniam volente populo & Rege fecit, rectè se fecisse existimat: sed omnis in patrias leges præuaricatio mihi minimè probatur, & vereor ne olim existant, qui ad eius exemplum pessimis artibus idem usurpent, minis & terroribus, alieno Reipublicæ tempore, cum summâ ordinis nostri inuidia, suam stabiliant coniunctam avaritiæ ambitionem. Mihi de Tylicij magni in Ecclesiâ & in Repub. viri factò parcius idcirco dicendum videtur, quòd in proximis Comitij hominum opinione, nescio an Regiæ voluntati consentaneâ, illius in hoc Magistratu successor designarer: verum ille feliciter fungatur hoc munere, ego me illius industriæ admiratorem magis, quàm osorem semper præstabo; nostro quoque labori non deerit campus, dum interim in Ecclesiastica functionis palæstra desudamus.

55

*Hic temporibus correctus.*

56

*Donationes Aulicæ.**Obsequiorum sedulitas importuna.*



- 57 *Aulicorum negotiorum experimenta.* mus. Cæterum, ut nunc is est rerum status, non omnino improbauerim hunc quoque ad Ecclesiasticas functiones adipiscendas per aulicorum negotiorum experimenta cursum, per quem summos plerisque viros optimos Episcopos euasisse videmus: Lubricus equidem ille est, & si rem accuratiùs expendere voluerimus, vix ab ambitionis labe immunis, & idcirco ferè sacris legibus vetitus. Sanctus Gregorius triplex Simonie genus statuit: Aliud, inquit, munus est ab obsequio, aliud munus à manu, aliud munus à lingua. Munus quippè ab obsequio est, subiectio indebitè impensa, munus à manu, pecunia, munus à lingua, fauor. Pulchreque idem sanctus Doctor ostendit excussas ab omni eiusmodi munere eum habere debere manus, qui sacrae functionis alteri conferendæ habet potestatem. Neque tamen id ita accipiendum censuerim, ut omne obsequium damnem. Si oculus tuus, inquit Saluator noster, simplex fuerit, totum corpus lucidum erit. In omni humanâ actione finis est, qui vel laudem vel vituperium operibus nostris conciliat: nam si quis eâ intentione ad Aulam accederet, ut nudo obsequio Principi impenso, sacerdotium sibi deberi existimaret, is fortassè illiciti ambitus meritò suspectus haberetur. Sed enim cum obsequia Principibus nostris omnes debeamus, eaque cum illis præstamus, per diuersas functiones vel Patriæ, vel Ecclesiæ, utilem nauamus operam: quæ etsi non eo fine impenditur, ut in locum mercedis sacerdotium vel Episcopatum exigamus; tamen rectè & licitè Principis voluntas & liberalitas ad eos potissimum extenditur, quorum diuturna experientia exploratam habet industriam, pietatem, doctrinam, quos scit functionis Ecclesiasticæ & Senatoriæ munus præclarè gesturos, idque in Republicâ nostra locum potissimum habet: non enim Episcopi nostri satis suum munus explent, si in Ecclesiasticâ functione, ita, quemadmodum sacris Canonibus præscriptum est, versati fuerint, alia quoque negotia illis tractanda, alia onera sustinenda incumbunt, de quibus infra vberius agemus. Non placet mihi, quod plerique iuuenes nostri Clero adscripti, simul atque è scholis excefferint, statim ad aulam Regiam se conferunt, & Ecclesiasticarum functionum ignari, secularibus occupationibus assuescunt. Antea quidem Episcoporum contubernia, scholæ erant iuuenum Clericorum, recepti inter Episcopi familiares erudiebantur, instruebantur, formabanturque ad omnem pietatem, non segni otio, non turpi defidia transigebantur bonæ horæ. Carnouius meus, Archiepiscopus Gnesnensis, cui ego, ut cætera omnia, ita iuuentutis quoque meæ prima debeo rudimenta, solers accuratusque fuit in tractandâ & erudienda optimi cuiusque indole, neminem segnem, neminem otiosum esse sinebat, cum semper plurimos haberet, alios sacris ordinibus destinatos, alios iam Presbyteros, cohortem ille hanc suam Prætoriam appellabat; tali comitatu illustrior erat, quàm si nescio quâ phalange armatâ septus esset. Possem recensere plurimos eius institutionis alumnos, partim viuos, partim iam vitâ functos, qui ab eodem
- 58 *Nisi recto fine fuerint temperata.*
- 59 *Alias reddunt Ecclesiasticos Senatoriæ dignitati idoneos.*
- 60 *Quod familiare fuit Stanislao Carnouio Archiepiscopo Gnesnensi.*



in lucem producti & monstrati, satis summis in Repub. Magistratibus functi sunt, & adhuc funguntur, neque quenquam hactenus p̄mituit institutionis Carncouianæ. Vigebat & adhuc viget (quanquam nunc <sup>Eius mirā Ecclesiasticæ nobilitatis per varias functiones exercitatio.</sup> optimus senex annis fessus languere videatur) in aulâ Carncouij, non industria modò tractandis quibuscunque arduis negotijs par, verum etiam singularis omnium virtutum æmulatio: itaque multi viri, non modò doctrinâ, sed generis etiam nobilitate præstantes, sibi eum Ducem & Magistrum legebant, ille vicissim optimi cuiusque ingenij indagator accuratus, vnumquemque cui negotio aptus erat, admouebat: vegetior aliquis erat, eius operâ in obeundis legationibus, in sacris ad populum faciendis concionibus utebatur, alium literis suo nomine scribendis, hunc maiorum monumentis euoluendis, illum præsentis æui rebus gestis memoriæ mandandis præficiebat, omnes sedulò operi esse intentos cogebat, singulorum laboris pensa frequenter exigebat. In eiusmodi palæstra virtutis & industriæ nos exercitati serò ad aulam Regiam accessimus, & quamuis in Comitijs adhuc coronationis moderni Regis, in numerum <sup>Ab huiusmodi exercitatione Carncouij accessit ad aulam Regiam Pstroconius;</sup> Regiorum Secretariorum, Carncouij & Hieronymi Rozdrazeuij Episcopi Vladislauiensis commendatione relatus essem, non nisi quarto post anno, cum Tarnouius necessarius meus Regni Vice-cancellarius renunciatus, ut publicis Cancellariæ functionibus moderandis præessem, voluisset, vocatus ad Aulam veni. Quæ res non magis mihi, quam Carncouio decori fuit, quòd ex eius contubernio productus, multis veteranis Regis Secretarijs prælatus essem. At nunc, qui per alias vias Aulæ se insinuant, eos videmus vel nullis adhiberi negotijs, vel certè impensis fessos, factâ patrimonij iactura, inglorios domum redire. Quod si qui sunt quibus ampliores facultates ad faciendos sumptus suppetunt, ij pessimâ aulicæ vitæ consuetudine corrupti ad comessationes, ad indecentes familiaritates, ad indignas sacro ordine occupationes se transferunt: hos, quamuis olim (potest enim id fieri) ad Episcopatus promouebuntur, putatisne vnquam hominibus persuasuros, ut de eorum vitæ puritate solidam concipiant opinionem? Ex Episcoporum itaque institutione satius est prodire, quam in Aulico otio corrumpi, & semel factâ existimationis iactura vilem fieri.

Sed & ad aulam nollem nisi vocatos venire clericos, eosque tales, qui <sup>62</sup> negotijs tractandis adhiberi & præfici possint, ætatè maturâ & initiatos ordinibus, quos non pudeat (pudet enim plerisque id re profiteri, quod nomine præseferunt) frequenter ad Altare Dei comparere; sacris sacrificijs faciendis instare; denique in omni genere pietatis exercendo sedulos esse, non vanæ opinionis & sanctitatis aucupandæ gratiâ (absit impia hypocrisis) sed quia id maximè decet Sacerdotes, hoc munus, hæc gloria illorum est. Memini cum Hieronymus Rozdrazeuius ex Pij V. Pont. Max. institutione, ab Henrico Rege euocatus ad Aulam venisset, ac ut in illâ pietatis officina didicerat & assueuerat, quotidie sacrosanctum <sup>Et Hieronymus Rozdrazeuius ex curiâ Pij V. Pont. Max.</sup> sacrificium



sacrificium offerret, primò quidem non modò apertis pietatis osoribus id mirum visum, sed nonnullos etiam Ecclesiasticos viros ægrè tulisse, illum vnum reliquis alijs eminere velle; verùm postquam solida magni viri patuerunt pietatis fundamenta, tùm demùm non Aulici modò, sed ipse Rex Stephanus plurimi eum facere cœpit, adeò vt mox multis, qui annorum & meritorum prærogatiuâ præstare videbantur, prælatum eum Episcopum Cuiaviensem renunciauerit.

63  
Idcirco etiam  
Matthias &  
Stanislaus  
Lubienij à  
Pstroconio ad  
domesticam  
institutionem  
ab aulâ euo-  
cati.

Ioannes  
VVezyk pari  
modo apud  
Ioannem  
Tarnouium  
institutus.

Libenter vobis talia propono exempla, & alios magis quàm me ipsum: quamuis vobis ipsis satis notum sit, mihi quoque pietatem semper cordi fuisse, & in eâ palàm exercenda inuidiorum vuculas contempsisse. Ego vtrumque vestrum ab Aulâ idcirco abduxi, quòd eâ adhuc essetis ætate, quæ accuratiùs formanda instituendaque est, sed spondeo & polliceor, olim vberimos fructus ex hac meâ conuersatione vos percepturos, facilioremque ad omnia aditum habituros. Laudo & probo, quòd noster Ioannes Wezyk, cum quo vobis, non modò quòd eiusdem sit Sieradiensis Territorij, sed magis deinceps in studijs scholasticisque exercitationibus arctior contracta familiaritas intercedit, non tantoperè ad Aulam properet, malitque in consortio Tarnouij Episcopi Vladislauiensis subsistere; ius summâ integritate pro eo dicit, & in scribendis nomine eius Epistolis operam ei nauat: Ingenium eius mihi valdè placet, parcus sermone, sed quotiescunque verba facit, licet ea titubanti linguâ, quod vitium iuuentutis magis quàm naturæ in eo est, proferat, ex ijs tamen apparet acre illius iudicium, eruditio singularis, humani diuinique iuris notitia. Quid multa? Hic quoque non in aulâ modò gratus honoratusque erit, sed fortasse olim parem cum Tarnouio sortietur fortunam, ego certè quantum in me erit, eius fauebo incrementis. Neque tamen inficias iuerim, etiam ab aulicis exercitationibus crescere posse virtutem & pietatem, sed id rarò admodum, & certè tales nonnisi singulari gratiâ Dei adiuti, naufragia aulicæ nauigationis euitare, & se in portu pietatis collocare possunt. Ex eo numero his ipsis diebus renunciatus est Episcopus Culmensis Laurentius Gembicius, in quo quid priùs mirer nescio: eruditus est, pius, prudens, eloquentiâ verò ita præstat, vt ab in-eunte ætate feliciter Suadæ litasse videatur. Ibit & is per omnes honorum gradus, gratus Principi, gratus populo, & olim turbatis Reipub. rebus, comi & affabili sermone militares componet motus, gestisque magnis Magistratibus, in summo fastigio honoris positus, magno omnium bonorum dolore cedit è vita; vobis ipsis me vitâ functo, sub eius tutelæ præsidio viuendum erit, & contra omnes inuidiorum insultus delitescendum. Nec Petrus Tylicius Episcopus Varmiensis Regni Vicecancellarius, vel Italiam, vel Germaniam vidit vnquam, non studia vel Philosophiæ, vel iuris, vel Theologiæ primis quod aiunt attigit labris, totus quantus est, creuit in aula Regiâ, & tamen priuato eoque diuturno studio, in eum euasit virum, vt eum vel in Senatu sententiam dicentem,



tem, vel nomine Regio responsa dantem, nemo non miretur, grauis & dignitatis plena eius Oratio, ita placide in aures hominum fluit, vt solus decorum illud dicendi & persuadendi, in quo omnis vis orationis consistit, tenere videatur. Spectata verò eius pietas, candor animi, virtutum omnium studium, ita illum exornant, vt quamuis asperior moribus esse videatur, sæpeque irâ, nemini tamen noxiâ, commoueatur, vix tamen quisquam est, qui illum non amet. Paucis adumbraui vobis iter, quod hactenus ij qui ad Episcopatus euecti sunt institerunt, vobis quoque per eandem gradiendum erit viam, eò vos & fors vestra, & vitæ genus, & mea denique promotio ducet, quæ omnia perinde accipere debetis, ac si Deum vocantem sequeremini, ille enim his medijs & modis quos antea destinat in Candelabro Ecclesiæ suæ collocare consuevit.

64

*Electio Canonica in Polonia in Regiam nominationem transiit. Inquisitio in vitam nominati. Bulla que incipit: Onus Apostolicæ seruitutis.*

65

*Nominatus nihil iuris habet in bona Ecclesiastica ante Papæ approbationem.*

*Abusus non sine nota auaritia.*

*Factum præclarum Laurentij Goslicki ex Præmyssliensi in Posnaniensem Episcopatum migrantis.*

66

Electio Capitularis præsertim veræ vix iam vllibi aliquod extat vestigium, in cuius locum in Polonia, Regia designatio seu Nominatio successit: hanc Reges nostri initio temerè usurpatam, postremò concedentibus Summis Pontificibus sui iuris fecerunt. In designati Episcopi genus, vitam, moresque inquiritur, ab ijs quibus id negotium ex præscripto Sacrosancti Concilij Tridentini incumbit; nuper quoque cum ego postremò Romæ essem, piæ memoriæ Gregorius XIV. amplissimo dato rescripto, hunc ipsum inquisitionis modum luculenter definiuit. Interea antequam summus Pontifex Regiam approbat designationem, grauissimarum poenarum denuntiatione interdictum est, ne designati in Ecclesias bonaque illis adscripta, quidquam iuris sibi arrogent: sed præceptum habendi desiderium protrudit plerosque vt omnes poenarum obices audacter transiliant, & dū priuilegium anni gratiæ, quod solis vitæ functis debetur, in subsidium cupiditatis suæ adsciscunt, duos in solidum, dum ex vno in alium transferuntur, Episcopatus tenent: neque ingeniosis defunt illicitæ possessionis fucata nomina, priorem Episcopatum retinent, sub titulo exigendorum reddituum, meritis suis debitorum, alterum custodia eorum causâ quæ illis post obuentura sunt. Auaritiæ hæc sunt noxia velamenta, quibus & nonnulli iam vsi sunt, & alij fortassè quibus eadem frons, deinceps vtentur. Aliter mecum egit Laurentius Goslicki, proximè ex Præmyssliensi ad Posnaniensem translatus Ecclesiam: nam cum eo prætextu reddituum Episcopatus Præmyssliensis semissem à me petere potuisset, iocatus aliquantisper mecum quasi aliquid esset exacturus, postremò non tam meis rationibus, quàm rei veritate & æquitate adductus fassus est, minimè æquum videri, tali pensione egentiorum Episcopum Præmyssliensem ab Episcopo Posnaniensi grauari: sic ille, sic alij, qui ab omni auaritiæ suspitione alieni esse voluerunt, factitarunt; nec quisquam hactenus quod sciam fuit, qui ex Episcopatu Russiæ ad opulentiores Regni Episcopatus promotus exactiōe eiusmodi onerare præsumeret successorem.

Sedijs quos in eo gradu excellentiores & heroicæ quædam virtutes collocâ-



*Vocationis  
diuina in  
ambiando E-  
piscopatu  
habenda sin-  
gularis ratio.  
Homines ma-  
nifestè im-  
probos non  
dignatur  
Deus tali vo-  
catione.  
Matt. 7.*

*Quod per  
eiusmodi mi-  
nistros diui-  
nus cultus vi-  
lesceret.*

*3. Reg. 13.*

*67*

*Sine vocatio-  
ne Dei Epi-  
scopatum an-  
helantium  
triplex indi-  
gnitas.*

*Leuit. 21.*

*In primâ  
parte Curæ  
Pastoralis  
cap. 11.*

collocârunt, vt omnium opinione digni Episcopatu censeantur, imprimis diligenter attendenda spectandaque est Dei vocatio, quæ licet non per ea signa quibus & veteris olim legis præcipui, & Christi coruscante fide plerique ad hoc munus gerendum designati & pertracti sunt, diuinitus monstrata appareat, multis tamen se prodit modis, vt eum, qui se Diuinæ voluntati totum commiserit latere nequeat. Et imprimis sciendum est à Deo non vocari manifestè indignos, nec tacitis inspirationibus tales præueniri, vt supremam istam dignitatem desiderent: si enim ille vetat dari sanctum canibus, & mittere margaritas ante porcos, quomodo impulsu tacito accerset eos, qui adinstar vel rabidorum canum irâ exæstuant, vel impurorum porcorum impuri & sordidi fædâ libidine diffluunt? Nouit ille peccatores vocare vt tales esse desinant, & efficere vt iusti atque ad omne opus & munus sacrum obeundum idonei fiant: eos verò qui sponte & libenter sceleribus se inquinant, nec resipiscere volunt, non inuitat ad sacrum ministerium, sed potius futuros peccatorum medicos ab omni crimine puros esse vult, & saltem tales, quos præteritorum actuum syncerè pæniteat. Ieroboam quondam Apostatarus decem tribuum Israël Rex, vt cultum Diuinum viliorem redderet, Deoq; maiorem inferret contumeliam, faciebat de nouissimis populi sacerdotes excelsorum: quicunque volebat implebat manum suam (oleo videlicet, quod erat signum vncti sacerdotis) & fiebat sacerdos excelsorum: sic ille ad falsorum Deorum cultum viles adhibebat sacerdotes. At Deus noster, & dum lex quondam naturalis vigeret, & postea dum scriptam idem traderet, dignitatis in eligendis sacerdotibus primam habuit rationem, de qua re dicam postea. Sed ij qui non vocati ambiunt Episcopatum, aut propter improbitatem suam vitamque sceleratam sunt indigni, aut alio quàm decet fine, ob terrenum nempè aliquod commodum adspirant, aut medijs modisque illicitis nituntur; & ferè semper hæc tria in idem recidunt, nec enim vir probus & Deum timens, vel commodi causa ambiuerit Episcopatum, vel ambitum, modis illicitis obtinere contenderit. Tales erant quos in veteri Testamento ab altaris accessu seuerò interdicto arcuit & exclusit Dominus. Omnis, inquit, qui habuerit maculam de semine Aaron sacerdotis, non accedet offerre hostias Domino, non accedet ad ministerium eius, si cæcus fuerit, si claudus, si vel paruo vel grandi vel torto naso, si fracto pede, si manu, si gibbus, si albuginem habens in oculo, si iugem scabiem, si impetiginem in corpore. Quæ omnia corporis vitia rectè animaduertit S. Gregorius spirituali sensu ad animæ maculas denotandas, à quibus puros esse vult Dominus nouæ legis sacerdotes, & tantò magis Episcopos, transferri posse. Non sit cæcus, non lippus, non albuginem in oculis, non impetiginem habens in corpore Episcopus, id est, non sit ignorans, imprudens, & cuius oculos proprij amoris inordinatæ passionis ceu quædam cataractæ obfuscârunt, quique perpetuâ libidinis impetigine exæstuet.



stuer. Non sit idem claudus, aut fracto pede, vel manu, scilicet qui non recta iret per viam mandatorum Domini, vel robore animi, magnis operibus gerendis & sustinendis pari non excelleret. Curuus denique ne sit, hoc est ad res terrenas ne continua propensione feratur, sed caelestia potius illi curae sint, ad eaque & ipse omni contentione adspiret, & ceteri ut id faciant, dux & auctor illis sit. Ad extremum, non vocat Deus eos, qui ambitionis vel dignitatum, vel fortunarum studio & desiderio impulsus ad Episcopatum adspirant, qualis ille erat Simon Magus, qui munus Apostolicum vendibile esse putans, obtulit pecuniam ad mercendam sacram dignitatem, cui recte S. Petrus respondit: Pecunia tua tecum sit in perditionem. recte & ambizioso dici potest: Ambitio tua tecum sit in perditionem; quoniam putasti ambitu humano parari posse donum Dei: quales erant Dathan & Abiron, qui cum non essent de tribu Leui, id est, de generatione quaerentium Dominum, quaerentium faciem Dei Iacob, ambizioso summum affectarunt sacerdotium: quos disrupta terra sub pedibus eorum, & aperiens os suum deuorauit cum tabernaculis suis, & vniuersa substantia eorum, descenderuntque viui in infernum. Viui certe descendunt in infernum, quos libido, quos furor, quos radix omnium malorum auaritia, & nullis terminis habendi cupiditas circumscripta, ita infernali mancipauit carceri, ut cum inde se explicare nec velint, nec possint, recte certissimas Orci victimas eos appellare possimus. Nec solum ad terrendos vos haec a me dicta existimatote, verissima ea esse facile exemplis conuincere possum, non remotis tantum, sed recentioribus etiam. Vdo ille Archiepiscopus Magdeburgensis, quem ferunt sanctissimae Virginis beneficio, & ingenij, quo antea carebat, excellentis acumen, & dignitatem Episcopalem consecutum, cum deinceps libidinosè viueret, ac tertio diuinitus monitus, non resipisceret ab impuro Monachae complexu, tractum ad iudicium Diuinum, accusatum, scelerisque conuictum, & dignitate Episcopali exutum, aeternis addictum fuisse inferni supplicijs, remque hanc adeo manifestè actam, ut eam Deus a pio sacerdote, nocturnis precibus in Ecclesia vacante, spectari oculis, ac denique signa fuso ex cruore occisi cadaueris, in marmoreo templi pavimento perpetua extare voluerit. An non similis exitus Zauis-  
se Curosuancij Episcopi Cracouiensis? illustri quoque is in hoc Regno loco natus, sed iuuenis, & ut reor, illicito ambitu, fratre Castellano Cracouien-  
si alijsque cognatis, quorum tunc erant praecipue in Republica partes, adnitentibus, Episcopatum adeptus, illicitis indulgens voluptatibus in Dobrouodensi praedio, forte rusticanam puellam altius a terra eleuatam, aceruum feni componentem conspicatus, dum per scalas conscendit, & iam in cupitos ruit amplexus, in ipsa obsceni actus lucta, lapsus ab alto, fracta ceruice expirauit. Curatum eius funus, in Ecclesia Cathedrali Cracouien-  
si celebri pompa ab amicis ferunt: sed nec tetros abfuisse Cadamon-  
es, ei-  
que qui viuus secretis libidinibus satiari non potuit, sed pa-  
lam

68

Act. 8. 11. 18.  
& 20.Eorum vita  
indigna, mors  
infelix.

Num. 6.

Quod ostenditur  
ex exemplis.Ac primò V-  
donis Archie-  
piscopi Mag-  
deburgensis.

69

Specul.  
Exempl. dist.  
9. Exem. 175.

70

Zauisse Cu-  
rosuancij E-  
piscopi Cra-  
couiensis.



71  
*Petri Gam-  
 rati ob so-  
 lennes & lar-  
 gas eleēmo-  
 synas felicior  
 post vitam  
 licentiosam  
 exitus.*

*Psal. 40.*

lām cunctis inspectantibus, non vt homo, quem rationalis pudor abstra-  
 hit à flagitio perpetrando, sed vt bellua quædam scelus impurum exequi  
 voluit, cum infelicibus tripudijs parentasse: auditosque fuisse palām  
 concinentes impuram (quam fortasse Episcopus viuus occinere sole-  
 bat) ad meretricandum inuitationem. Tales sunt eorum exitus, qui,  
 vt sacra eloquia testantur, in bonis ducunt dies suos, & in momento la-  
 buntur ad tartara. Dicam vobis, quod narrante Carnouio didici: Pe-  
 trus Gamratus Archiepiscopus Gnesnensis, idemque Episcopus Craco-  
 uienſis, illicitā ambitione geminas opulentas dignitates consecutus, vt  
 prodigus & libidinosus palām audiebat: aderat comitatus qui Episco-  
 pum minimè deceret: mensam, vt cum Plauto loquar, strues patinaria  
 ornabat vel onerabat potiùs: aderant symphonistæ, parasiti, sycophan-  
 tæ, mimi, ludiones, meritò ab Italis bufones appellati; strepebat Aula il-  
 licitis clamoribus, Baccho & Veneri indulgebatur. Denique in eā erat  
 apud omnes opinione, vt nemo de Gamrato benè existimaret, cuncti,  
 vt perditè flagitiosum execrarentur, cuius cognomen etiam nunc tur-  
 pibus & obscænis facinoribus vocandis vsurpatur: vnum erat in quo  
 non Gamratum, non lurconem, non ganeonem, sed Episcopum agno-  
 scere posses. Pauperum & egentiorum singularem gerebat curam, sin-  
 gulis diebus ex eo numero centumerant, qui Episcopali mensā & fer-  
 culis reficiebantur: dum iter faceret, duo currus onusti lineis indusijs,  
 & laneis tunicis, vel si hyems esset, ex pelle ouinā confutis vestibibus, se-  
 quebantur, nudus vel malè vestitus, si quis opem implorans obuius erat,  
 vestiebatur, viatico etiam donabatur: hic mos, ea consuetudo familia-  
 ris Gamrato erat, cū alioquin ipse in tantis opibus, vt prodigi solent,  
 egeret, ac semper ferè in dies viuens alieno ære grauatus, vsuras depen-  
 deret. Iam senior, iam morti proximus, nihil ex illicitā victus & prodi-  
 galitatis ratione remittebat, &, vt opinari licet, præteritorum facinorum  
 recordatio præcipitem eum, non ad spem misericordiæ, sed ad salutis  
 desperationem agebat. Sed verissimum esse quod Spiritus sanctus per  
 os Dauid Regis locutus est: Beatus qui intelligit super egenum & paupe-  
 rem, in die malā liberabit eum Dominus, Gamratus quoque expertus  
 est. Nam cū annis fessus, &, vt dixi, morti esset proximus, neque tamen  
 de supremo vitæ exitu admodum esset sollicitus, accidit vt in peruigilio  
 festi cuiusdam diei ad vespertinas preces audiendas ad Ecclesiam iturus  
 accingeretur, paratusque in cubiculo aliquantis per solus subsisteret, ecce  
 nota illi viri cuiusdam nobilis Curossij, iam diu fato functi persona ap-  
 pareret: familiariter secum mutuorum conscij facinorum diu vixerant; ex-  
 horruit tamen ad visam rediuiui hominis speciem Episcopus, cumque  
 ille vt metu posito secum ageret hortaretur, paululum resumpto spiritu  
 Gamratus, etiamné tu viuus? & in quo tandem loco es, mortali perfun-  
 ctus vitā? Respondet ille: Viuo, longeque feliciori quàm vos fruor aurā.

Tum



Tum Gamratus: Tunc quem flagitijs grauatum, & turpibus libidini-  
bus me, pro dolor, conscio fatentem è vitâ excessisse constat, inter eos  
sis, qui felices sunt? vix credo. Credes, inquit ille, mox, paulisper modò su-  
stine. Iuuenis admodum cum in Germania essem, incidi in quendam, qui  
sacrilego ore Sanctissimam Dei Matrem Virginem incestabat: ego flagi-  
tij impatiens, colaphum homini impingo; nec mora, ille, vt erat arma-  
tus, manu ad capulum admotâ, duellum mihi denuntiat; ego non seg-  
niùs stringo ensẽ, congregimur, nec diuturnum fuit certamen, nullo  
accepto vulnere sacrilegum conficio. Et tunc quidem ne homicidij &  
duelli crimine succumberem, fugâ mihi consului. Deinceps vix aliquan-  
do ea res mihi in mentem venit, sed cum suprema adesset hora, anima  
quæ è corpore exitura, insultantibus infernalibus hostibus conflictaretur,  
& ego exitij certus nullam reliquam spem haberem; ecce mox noua af-  
fulsit lux: Regina cæli Angelicis choris stipata præstò aderat, diffugiunt  
infernales belluæ, nescio quid horrendum frementes freudentesque:  
at illa vultu benigno flexit in me misericordiæ oculos: Milesne, in-  
quit, meus, defensor honoris mei peribit? Absit. Tum versa ad Filium:  
En vterus in quo conceptus es, en vbera quæ suxisti, hunc ego militem,  
quibus olim te stringebam brachijs complexum tantisper tenebo, tu san-  
guinem, quæ ex meis traxisti visceribus stilla: ego efficiam vt ex eius ocu-  
lis vberes fluant lachrymæ, abluendis sceleribus sufficientes. Dixerat, &  
ego ex detestatione antea actæ vitæ intimo concepto dolore singultibus  
concutior, lachrymas fundo, Patrem optimum me offendisse agnosco, &  
annuente Sanctissimâ Patrona mea, ingenti illius amore exardesco, affe-  
ctu non voce, nã morbi vis vsum linguæ interceperat, atque ita supremis  
meis castissimâ Virgine assistente exspiro. Anima è corpore egressa, Ange-  
lorum ministerio fertur in cælum, illic non meritis meis, nam ea vel nulla  
vel satis exigua erant, sed Diuinâ misericordia, mihi per Patronam meam  
conciliatâ, æternam adeptus felicitatem verè viuo. Inde ad te nunc mis-  
sus sum, vt te supremorum tuorum admonerem: dudum iam merueras,  
vt tot beneficiorum acceptorum ingratus, morte ferali, ad exemplum Vo-  
luptarij Vdonis mulctareris, tuæ largitiones in egenos factæ, illæ epulæ  
quotidianæ mendicis exhibitæ, illæ vestes, quibus nuda Christi membra  
texisti, ne ex meritis tuis in te Diuina sequeretur iustitia, prohibuerunt. Scito  
autem, te ab hinc sexto mense (tantum tibi indulget clemens Pater)  
moriturum, expende & dispice, quid te interim agere oporteat, nam  
venia adhuc superesse locum, vel meo doctus exemplo, ne diffidas.  
His dictis ille quidem disparuit. Episcopus in lachrymas resolutus,  
neque eo die in publicum progressus, diutiùs solito solus mansit, & nisi  
serò, quid sibi accidisset, ijs, quibus maximè fidebat, patefecit. No-  
uerat Carnouius plerosque qui cum Gamrato familiariter vixerant,  
qui que supremis eius adfuerant, confirmabant illi ita vltimos sex il-  
los menses, ab eo exactos fuisse, vt verè & ex animo peccata detestan-



Hebr. 10. 11.  
31.

72

73

*Parentum,  
non suâ vo-  
luntate facti  
Ecclesiastici,  
parum felici-  
ter cedunt.*

tis hominis omnes numeros impleret : denique sanctissimis Sacramentis ritè expiatum , cum optimâ æternæ salutis spe eum cessisse è vitâ testabantur. Fabulas videor vobis narrare , quæ tamen luculentis testimonijs probari possunt , sed cernitis diuersos hominum exitus , & Dei miserentis inperscrutabilia iudicia : Horrendum est incidere in manus Dei viuentis, nec minùs timendum, ne facillè veniam desperemus. Ex occasione Curosuanscij, venit mihi in mentem vt expendam, plusnè utilitatis an incommodi Ecclesiæ obueniat, ex promotione eorû, qui maiorum illustria nomina præferunt, & numerant pro dote triumphos. Possem multa adferre exempla, maioribus ferè semper dispendijs & iniurijs res obnoxias Ecclesiæ fuisse, cùm tales illis præessent, qui solâ generis & stemmatum commendatione Episcopalem dignitatem adipiscerentur : ferè enim euenire solet, vt immaturâ ætate panè adhuc pueri, & quantum onus humeris suscipiant ignari, obtrudantur Ecclesiæ, vel amicorum, vel Principum potestate, & molliusculè educati, deinceps posteaquàm adoleuerint, & statum Ecclesiasticum fastidiunt, & ad militiam obeundam parum apti sunt. In Germaniâ conuulso religionis statu, Principes Hæretici iura Ecclesiarum inuaserunt, se tamen dici Episcopos volunt. Non dissimiles ijs nonnulli Catholici, qui pari ausu, concedentibus Romanis Pontificibus (quid enim illis negarent) liberos fratresque suos talari veste indutos, nec quidquam aliud Ecclesiasticum præferentes, Episcopos renunciant, qui deinceps adulti, & pane sacerdotali pasti, tum demum deliberant, quid facto opus sit : & si alia occasio status sui tuendi non suppetit, serò demum ad rem Ecclesiasticam animum applicant. E nostrorum Regum filijs, vnum scio Fridericum Casimiri Tertij filium sacris initiatum. Hunc, cùm cæteri fratres militari-ter educarentur, mater Elizabetha Regina Poloniæ indulgentiùs habuerat, & multis annis apud se tenuerat, & ille assuetus muliebri confortio, difficulter postea meliora suadentibus obsequi voluit. Anno quidem ætatis suæ decimonono, Episcopus Cracouiensis, potissimùm matre adnitente, renunciatus fuit. Huic Petrum Tomicium, virum doctum & pium, nuper è Bononiensi studio, summâ cum laudis & eruditionis opinione reuersum, Casimirus Rex adiunxerat, vt esset actionum studiorumque illius inspector & moderator : sed quamuis ille seuerâ quadam Tomicij grauitate permoueretur, eoque veniente, pocula quibus cum sodalibus euacuandis meliores horas impendere consueuerat, citò auferri iuberet ; nihilo tamen melior factus in omnem mox erupit licentiam : mors denique eius infamis fuit, quasi ex turpi infectæ lue venereâ mulieris consuetudine contracto morbo accelerata esset. Cromerus noster hoc elogio eum prosecutus est : Fridericus procerâ statura, aspectu decoro ac dignitatis pleno, cæterùm ingenio nullo, iners, ignauo otio, crapulæ & assiduis computationibus in fumo & sordibus cum gregalibus suis quibusdam marcescens, & ad extremum morbo Gallico



Gallico confectus, teste Matthia Miechouienſi medico. Haftenùs ille. Et mirum eſt, reliquos eius fratres omnes Regijs virtutibus excelluiſſe, vnum ex illis vitæ ſanctitate, vt ſtatim à morte inter Diuos referretur meruiſſe, hunc è contra ſacris addictum, paterno maternoque voto dicatum in meliorem frugem euadere non potuiſſe; ſic vſu venit ijs, qui non ſuâ ſed parentum voluntate, ſacris functionibus admouentur, vt quaſi auro Tholoſano afflati, parum felices habeant ſucceſſus. Quis nuper non indoluit funeſto Andreæ Cardinalis Bathorei Epifcopi Varmienſis exitu? is quoque voluntate Patruſ Regis Stephani ſumptâ togâ ſacerdotali, primò Canonorum Regularium Sepulchri Domini Cuſtodum Miechouien. Præpoſitus renunciatus, & ad Cardinalitiâ dignitatem, adiuncto Epifcopatu Varmienſ. promotus, Rege Stephano mortuo, ſemper aliam vitæ ſuſcipiendæ rationem ſpectare videbatur; cumque iuſſu Clementis VIII. Pontificis Maximi, Germanicus Malaspinga Epifcopus S. Seueri, cum ſacro Diaconatus ordine, & voto non amplius nubendi obſtrinxifſet, tum quoque teſtatus eſt, ſe panè inuitum eò adigi, & mox leuitate patruelis ſui Sigifmundi Tranſyluanicæ Principis, à fœdere, quod cum Rudolpho Cæſare icerat, temerè recedentis excitus, poſita Cardinalitiâ Regalem purpuram induit: ſed Tranſyluaniam iuſſu Cæſaris Michaële Valacho cum exercitu ingreſſo, fraude ſuorum proditus & occiſus, documentum grande poſt ſe reliquit, ſeriò rem Diuinam eſſe tractandam, nec ad leuis auræ ſpem ſtatum Eccleſiaſticum deferendum. Veriſſimè enim Seruator noſter: Nemo, inquit, manum mittens ad aratrum, & Luc. 9. v. 26. reſpiciens retrò aptus eſt ad regnum cælorum. Ad extremum, vt hanc vocationis Diuinæ neceſſariam conſiderationem finiamus, certiffimò ſtatuendum eſt, eos qui ſtatum Epifcopalem affectant, vt dignitatibus, honoribus, & opibus augeantur, à Deo non vocari: eos autem, qui vniuerſalis Eccleſiæ vtilitatem proximorumque commodum, præcipuum ſuſcipiendæ tam ſublimis functionis ſcopum ſibi proponunt, certos eſſe debere, ſe motu cælitus immiſſo agi & vrgeri. Diligenter tamen & his expendendæ & ſupputandæ ſunt (idque iuxta Domini conſilium) ſedendo Luc. 13. rationes, an ſumptus ad turrim altiffimæ perfectionis extruendam illis ſuffecturi ſint. Sed iam tranſitum ad ipſa functionis Epifcopalis munia faciamus: dabitis autem veniam ſi longiori feſſi ſermone, reliquum hodiernæ diei tempus relaxationi animi & virium conceſſerimus, cras ſi liberum nobis erit, cætera exequemur.

Moris erat Pſtroconio pariori ſumptâ cœna, & aliquo pio ſermone, 76 cum nullâ re magis quàm verborum ne dicam obſcœnitate, ſed ſolutioribus etiam iocis aures eius offenderentur, mediâ circiter horâ impenſa, Pſtroconij optima vitæ conſuetudo. mox peractis, quibus flexis in terra genibus operam dabat precibus, & ad trutinam totius diei geſtis, ſtriçto & accurato examine reuocatis, veniaque à Domino petita, maturiùs cubitum ſe conferre; lectus non molli plumâ ſtratus, ſed culcitra aſperiori ſuppoſita, dormiturum excipie-



excipiebat, ita & semiieiuno & durioribus stratis incumbanti, parciore quoque qui modo naturæ sufficeret somnus erat, & si priori peracto somno expergisceretur, toto corpore in terram proiecto aliquantulum sacris precibus vacabat, somno interim, si necessitas postulabat, non nihil indulgens, sed ita ne ultra septem horas in lecto hæreret. Tum quoque mature è somno expergefactus, ut aliàs semper facere solebat, nos accersiri iubet, ad dicendum secum sacri officij nocturnas horas; quibus dictis, cum iustum temporis spatium ad sanctissimi sacrificij celebrationem solitæ, & piæ præparationi impendisset, nos sonitu campani æris signo dato adfuimus. Ille sacris operatus, ut semper aliàs, iterum ad preces versus, tacitâ mentis consideratione expendebat accepti beneficij magnitudinem, suauitate odoriferâ vini illius optimi perfusus, quod cælestis sponsus dignum iudicat dilectis suis ad potandum, & dentibus eorum ad ruminandum, atque in secretum cubiculum mentis suæ ingressus, præsentî Domino supplex suas & Ecclesiæ suæ necessitates eidem offerebat. Denique sepulchri Domini memor, quod cum repositum in eo esset corpus Domini, munitum fuisse signatis lapidibus, appositosque custodes, refert Euangelista, ipse custodiam Angelicam cordi suo apponi precabatur. His peractis, progressus in publicum, cum paululum expectasset, & interrogasset, an esset aliquis qui negotium haberet, qui suam opem & operam posceret; cum constitisset neminem ad præsens adesse, iterum ad cubiculi sui vicinum Musæolum se retulit, ceterisque exclusis, & nobis manere & sedere iussis, hesternâ die intermissum sermonem tali executus est oratione.

*Deuotio  
Pstroconij  
erga Sepul-  
chrum Do-  
mini.*

77

*Dicendorum  
in hac tra-  
ctatione ca-  
put alterum.*

*Quid oneris  
ritè ordinato  
Episcopo in-  
cumbat.*

Ioann. 21.

Confusus hesterno die rem actam esse à me, quam initio proposueram non diffiteor, nec enim solum ea dixi, quæ de hac materiâ dicenda erant, quamuis multò plura & alio fortassis ordine dici poterant, verum etiam cum pleraque occurrerent ab instituto dicendi genere non abhorrentia, ea quoque prætermittenda esse non putavi: neque enim præceptis solum imbuendi estis, sed tantò magis exemplis, quæ plerumque & infixæ memoriæ hærent diutiùs, & ad omnes præclaras actiones summâ cum laude suscipiendas expeditum monstrant iter. Nunc propositi mei memor, caput illud aggredior, in quo à nobis agetur de functionibus Episcopalibus, quæ Episcopo, posteaquam cura animarum illi iam demandata est, possessionemque Episcopatus ritè adiit, incumbunt. In eâ verò amplissimâ materia, non me penitus demittam eò, ut singula quæque perenseam, dictaque auctoritate sacrorum Canonum confirmem; in ijs, quæ omnibus apparent, versabitur oratio mea. Si fortè hæc ipsa accuratiùs & subtiliùs pertractata scire volueritis, ad eos vos remitto, qui ingentibus voluminibus, Praxes Episcopales vulgò inscriptas, editis, quidquid hac de re dici potuit, complexi & executi sunt. Ego verò illud vnum Seruatoris dictum ante oculos habens, quod posteaquam renunciatus sum Episcopus, semper videtur insonare auribus meis, Pasce oves meas



meas, in tam paucorum verborum consideratione subsistam, & rudiori stylo Episcopum, qui idem sit Senator, vobis depingere adnitar. Primo tamen recensendæ mihi sunt virtutes, quibus Pastorem animarum exornatum esse oporteat: cum enim is ardui muneris functionem subiturus sit, & gregem Dominicum per viam mandatorum Domini deducturus, errabit proculdubio, & alios errare faciet, nisi iter tam anceps & difficile, illi antea optimè notum & sæpè tritum fuerit. Perfectionis statum profitetur Episcopus, ad eum autem communi Theologorum sententiâ tribus ascenditur gradibus, per vias quas purgatiuam, illuminationem, & vnitivam vocant, dispositis. Hanc Apostolus insinuare videtur illis verbis: Finis præcepti est charitas, de corde puro, & de conscientia bonâ, & fide non fictâ. Amatur puritas animæ, & splendor bonorum operum, & fides ac fidelitas in coniungendo se Deo. & hinc perfectam fuisse trinam illam Domini interrogationem amoris, ut Petrus ceterique futuri animarum piscatores intelligerent, se debere esse eminentes in cordis puritate, ab omni culpâ & imperfectione liberos, quantum fragiles humanæ vires sinunt. Eisdem non eis tantum virtutibus, quæ præceptis Divinis comprehensæ sunt, nam sine his puritas animæ haberi non potest, sed longè excellentioribus & heroicis operibus præditos esse oportet, quibus exculti & ornati, perpetuam habeant cum cælesti sponso unionem, qui pollicetur se dilectos suos sibi sponsaturum in fide, in iustitiâ, in misericordiâ. Excellere autem dico Episcopum debere, ac subditis suis perfectiorem esse, eâ perfectione, qua Magister discipulos, qua Pastor oves superat: quod sanctus Gregorius bonorum Pastorum idea verissima, pulchrè his explicat verbis: Tantum debet actionem populi actio transcendere Præsulis, quantum distare solet à grege vita Pastoris. oportet namque ut metiri se sollicitè studeat, quantâ tenendæ rectitudinis necessitate constringitur, sub cuius æstimatione populus grex vocatur. Sit ergo, necesse est, cogitatione mundus, actione præcipuus, discretus in silentio, utilis in verbo, singulis compassione proximus, præ cunctis contemplatione suspensus, benè agentibus per humilitatem socius, contra delinquentium vitia per zelum iustitiæ erectus, internorum curam, in occupatione externorum non minuens; externorum providentiam, in internorum sollicitudine non relinquens. Hæc est illa Angelica (Angelos enim Dominus Episcopos in Apocalypsi appellat) perfectio, quam tantus vir Spiritus sancti instinctu descriptam nobis reliquit. Ac ut magis appareat Episcopos ad hanc esse obstrictos perfectionem, ex ipsiusmet Servatoris verbis eam colligamus, quibus sublimia illa beatitudinis consequendæ monita, in personis eorum, quos in montem excelsum seductos informabat, futuris quoque præscripsit Pastoribus; voluit enim eos esse pauperes spiritu, mites, elurientes & sitientes iustitiam, lugentes eius defectum, misericordes, mundos corde, pacificos, & patientes persecutionem propter iustitiam. Eandem Pastorum

78

*Quibus virtutibus clarescere debeat.**Episcopus perfectionem professus.*

79

*Quam sublimem.**Osee 2. v. 20.**2. Pastor. c. 1.**Panè Angelicam.**Apocal. 2.*

80

*Ad eam quomodo obligati Episcopi.**Matt. 5. v. 3.*



Matth. 5.  
v. 19.

81

*Eiusdem per-  
fectionis ty-  
pus in legis  
antiquæ Pon-  
tificis vestitu  
adumbratus;*

82

83  
*In Pontifice  
Iesu Christo  
crucifixo ma-  
gis expressus.*

1. Cor. 1.  
v. 23.

perfectionem ad tres gradus superius notatos reductam, ijs expressit similitudinibus. Vos, inquit, estis sal terræ. Ad quid? nisi ut corrupta putredine & tabo diffluentia vulnera, admoto hoc salutari condimento siccent, purgent, & sanent. Vos estis lux mundi, ut & ipsi luceant, & alios splendere faciant: vos estis Ciuitas supra montem posita, in quâ tota perfectio, & illa cum Deo vnio comprehenditur, quam olim in veste poderis totius orbis imagine sculpta, referebat summus Israëliti populi Sacerdos. Et quoniam vestimentorum sacerdotalium, quibus ut antea ex Diuo Chrysostomo annotauimus, sanctitas Sacerdotij nouæ legis designabatur, facta est mentio, inspiciamus tam pretiosi ornamenti Diuinum opus, in quo duo consideranda veniunt, alterum est pretiosissimū & electissimum stamen, byssus retorta, hyacinthus, purpura, coccus bis tinctus, fila aurea; alterum pretiosi lapides in varios distincti ordines, nam in ipso pectoris cooperimento, erant duodecim lapides, in quatuor ordines distributi, tres in singulis inclusi auro, & in eis sculpta erant nomina filiorum Israël, in singulis lapidibus nomina singulorum per duodecim tribus. Erant & alij duo lapides, magni pretij auro inclusi, quorum alter dextro, alter sinistro humero ita erat affixus, ut in illo quidem sex natu maiorum filiorum Israël nomina, in isto totidem iuniorum essent expressa. Huius tam pretiosi ornatus, cum consecramur peculiari precatione fit mentio his verbis: Ut quidquid illa velamina in fulgore auri, in nitore gemmarum, & in multimodi operis varietate signabant, hoc in eius (videlicet qui consecratur) moribus actibusque clarescat. Splendere in Episcopis debet, ex intellectu & sententiâ sancti Gregorij, byssus retorta, puritas scilicet conscientiæ, adhibitâ mortificatione earum rerum, quæ possent eam aliquâ culpæ macula inficere. Hyacinthus, intētio cælestia spectans, terrena contemnens. Purpura Regium indumentum asperius quidem, ut patientiam designet, dominium tamen ac robur ad molestias magno animo ferendas præbeat: Coccus bis tinctus charitatis Dei proximique amore eiusdem penè coloris notatus. Aurea fila ad contemplationem sapientiæ cælestis referuntur. Iam in lapidibus singulis, singulas ut percenseamus notatas virtutes, longioris sermonis tela esset texenda. Sed ipsum exemplar perfectionis Iesum Pontificē, in Arâ crucis sacris operantem aspicere suffecerit: ornatus eius nuditas & paupertas: si carnis oculis credere & decipi velimus, Iudæis scandalum, gentibus stultitia; sed credentibus en pectus ornatum rationali ornamento, lapidibusque pretiosis distincto. Sardius imprimis splendet, qui coloris est ignei, terretque feras, est feruens zelus, qui instar ignis contendit omnia vitia adeò strenuè comburere, ut terreat peccatores, & ipsos peccatorum auctores Dæmones. Topazius à Plinio omnium lapidum pretiosissimus existimatus, incensus Dei & proximi amor, & ipsemet charitatis actus, ex quo oritur zelus omnium virtutum præstantissimus. Smaragdus viridi eoque excellenti colore, spem designans futu-



futurorum bonorum. Carbunculus noctis discutiens tenebras & circumstantes illuminans : Saphyrus cælesti splendidus colore, quo tamen nouæ legis Nazaræi pulchriores esse debent : Iaspis solidus & fortis ad columnas muri cælestis extruendas idoneus, quique phantasmata depellendi, id est, falsas de fide opiniones euellendi, habet vim. In tertio ordine Lygurius siue Lynacrius, huic cum Lynceis vrina congelata sit origo, humilitatem significet, conuenit; hæc enim licet pretiosa sit, oritur tamen ex consideratione propriæ vilitatis, quæ vix nisi Lynceis oculis qui non falluntur, nec falsâ tumoris imagine seducuntur, videri & agnosci potest. Non libenter enim audimus : Pulvis es, & in puluerem reuerteris. Acha- Gen. 3. v. 19.  
tes suâ nigredine poenitentiam designans, aliquibus tamen qui ei insunt circulis albis, candorem indulgentiæ præferunt. Chrysolitus velut aurum perlucidum, similis colori marino, paupertas spiritus & contemptus rerum omnium, cum generosâ quadam animi magnitudine; talis erat Angelus quem Daniel vidit, cuius corpus erat quasi Chrysolitus. Onychi- Dan. 10. v. 6.  
nus cuius color & figura vngui adfinis est, nisi quod eximio candore niteat, quo castitas rectè designatur. Berillus colorem habens inflammatum adinstar aquæ, in quâ sol suos reflectit radios, virtutis temperantiæ & abstinentiæ symbolum. Hæc sunt intimi Pontificis nostri pectoris ornamenta : en exemplar monstratum in monte Caluariæ, ad illud se conforment omnes Episcopi, & insuper utriusque humero, Dei proximique charitatis geminas imponant gemmas margariti inæstimabilis. Paucis hæc ego vobis ex Ethymologicis Isidori libris; si tamen maturus & exactius ea expendere volueritis, vberiores inde thesauros vobis haurire licebit. Sed fortassis licebit nobis non solum splendorem vestitus Pontificalis tot collucentibus lapidibus illustrati, sed onus etiam eorundem lapidum considerare, qui tanto pondere gestantem premunt, ut quamuis Gigas sit, gemere eum oporteat. Magnæ & Gigantæ magnitudinis fuit mulier illa, quæ Lunâ habebat sub pedibus suis, & sole erat amicta atque ipso capite stellas contingebat, nihilominus gemebat & clamabat parturiens, & cruciabatur ut pareret : Nempè quia Draco nefarius hianti ore partum eius deuoraturus in conspectu erat. Gigas erat sanctus Paulus, qui tamen iterum Galatas parturiens, se doloribus partus cruciari testatur. Ille denique Gigas, qui exultauit ad currendam viam, cuius à summo cælo egressus, qui perditam primò, mox repper- Luc. 15. v. 6.  
tam ouem humeris referens tanti oneris pondere, & in horto sanguineum sudat sudorem, & crucis grauatus magnitudine, succumbit in viâ, licet aliàs cæli terræque Principatum suis sustineat humeris. Summa dignitas est pretiosis auro insertis fulgere lapidibus, quales sunt animæ Christi sanguine redemptæ, sed si thesaurum istum vasis fictilibus inclusum expenderis, rem magni periculi esse cognosces, & Aetnâ grauius hoc onus esse fateberis. Audiamus Moysen virum mitem, virum populum illum amantem, virum Diuini honoris zelo ardentem : hic tamen 84  
Muneris Episcopalis splendorem onus amplius expenditur. Apo. 6. 12.  
Gal. 4. v. 14. Psal. 18. v. 16.  
85  
Quam graue sit & periculosum, etiam exemplis illud fugientium commonstratur.



Num. c. ii.

In Reg.  
Mon. c. 15.  
Tom. 4.86  
Episcoporum  
potestas &  
iurisdictio.

87

tantus Gigas, ut sub pondere quod ex curâ salutis animarum illi incumbat gemit, & penè sui oblitus vociferatur. Cur, inquit, afflixisti seruum tuum? & cur imposuisti pondus vniuersi populi super me? nunquid ego concepi omnem hanc multitudinem, vel genui eam, ut dicas mihi: porta eos in sinu tuo, sicut portare solet nutrix infantulum, & defer in terram, pro quâ iurasti Patribus eorum? Non possum solus sustinere omnem hunc populum, quia grauis est mihi: sin aliter tibi videtur, obsecro, ut interficias me, & inueniam gratiam in oculis tuis, ne tantis afficiar malis. Sic ille: sic reliqui, qui tanto pondere vel inuiti humeros supponebant, vel quantum poterant, in abditas etiam se condendo speluncas, onus Angelicis etiam humeris formidabile fugiebant: ut ille de quo scribitur, cum electione legitimâ Episcopatus illi delatus esset, illeque periculum expendens, Abbatem virum sanctum & Prophetiæ spiritu præditum, acceptandumne esset Episcopatus, consulisset: iussus ab Abbate altum quoddam tectum, quadratum tamen & planum, nec ullis septum repagulis conscendere, & in eo posito corpore volutari; cumque id faceret, & margini proximus cessaret, Perge, inquit Abbas, semel & iterum voluere. Non audeo amplius, respondit ille, nam proximus precipitio sum: deductum inde mox, cum in humili & patenti loco idem facere iussisset, illeque citra periculum longius se volutasset; Vade, inquit Abbas, & in acceptando Episcopatu vtriusque loci discrimen ante oculos habeas. Ita ille repudiato Episcopatu deinceps vitâ functus apparuisse dicitur, & narrasse se, si Episcopus factus fuisset, peritulum fuisse. Neque ad terrendos vos hæc dico, sed ut admoneam cautè nimium & cum timore ac tremore ad hoc onus acceptandum vnumquemque accedere debere. Sed iam acceptato onere Pastoralis, quid potissimum hoc onere contineatur videamus. Et imprimis potestas & iurisdictio amplissima. Sunt enim Episcopi in cœtu Presbyterorum, ut Principes, decernuntque & leges ferunt suo arbitratu, maximè in Concilijs generalibus, ut ex illo Calcedonensis Concilij edicto probatur. Foras superflui, Concilium Episcoporum est: & Concilij Basiliens. decreta, idcirco vim suam non tenuerunt, quod in eo admitterentur simplices Presbyteri ad decidendas fidei causas, & plures essent Episcopis. De Abbatibus secus fortassis existimandum est; nam in Concilio Tridentino cum ei præsedisset CCLV. Patres, dicantur, nequaquam is numerus conficeretur, nisi & Abbates, & Ordinum, & religiosorum Præsides computarentur. Sed hac de re aliorum sit iudicium. Habet præterea Episcopus thronum vel solium in Ecclesiâ altiùs eleuatum, supremæ dignitatis signum; olim ante Cardinales Presbyteros & Diaconos locum in Concilijs generalibus habebant. Habet item Episcopus potestatem ordinis & iurisditionis. Ordinis ad conficiendum Chrisma, & alia sacra olea, ad conferendos omnes sacros Ecclesiasticos ordines, ad Ecclesias, altaria, virgines consecrandas, polluta cœmeteria & templa reconcilianda, Sacramentum

Confir-



Confirmationis conferendum, ad actuale Clericorum depositionem, & his similia. Neque enim omnia explicare nostri est instituti, uti nec iurisdictionis terminos oratione nostra exequi necesse est; multis enim & pænè infinitis numeris ea constat: neque enim Ecclesiastica solum causa Episcopi iudicio subijciuntur, sed quidquid ad rationem curandæ salutis pertinet, etiam si extra territorium fori Ecclesiastici esse videatur, huc reuocandum est: ita sacra, ita profanae leges voluerunt, hoc pij & optimi Principes sanxerunt. Reuoluite non amplissimos Imperialium modò legum Codices, sed Statuta nostra, piasque maiorum nostrorum sanctiones: reperietis, quantum Principes, quantum maiores nostri permiserint Episcopis, quibus olim spirituale gladium stringentibus, cæteræ omnes iurisdictiones parebant, ac iussa exequiebantur. Hoc primum sæculo, ac pænè nostrâ memoria, impietas extorsit hunc mucronem salutis è nostris manibus. Videlicet pessimè habebat diabolum esse in hoc Regno, qui summâ cum potestate, & ex nobili, ut Iurisconsultorum verbo utar, officio, Hæreses, blasphemias, adulteria, veneficia, incantationes, incestus, periuria, & id genus infernalium monstra, quæ nunc impune perpetrantur, punirent. Libertas à plerisque prætenditur, cui scilicet graue erat potestati sacrae submittere caput, cum Principes Christiani optimi quique eâ corripere & puniri ab Episcopis voluerint, soli ij, quibus pietas non erat cordi, iussa & monita eorum respuerint. Nec ad externa vos vocabo, domesticis contenti erimus. Boleslaus, cui res præclare gestæ Audacis nomen pepererunt, à S. Stanislao Episcopo Cracouiensi monitus, ut eius dicta spreuerit, ut irâ exarserit, ut sanctum Pontificem parricidiali cæde & morte sustulerit, notum est orbi vniuerso. At Vladislaus Jagello, Neophytus licet, cum Gnesnæ ob pignoras ab eo facultates adscriptitiorum Ecclesiæ, Nicolaus Strosberg Archiepiscopi in spiritualibus Vicarius, sacris Ciuitati in qua Rex morabatur, interdixisset, non modò æquo animo id tulit, verum etiam res interceptas restituit. Acres item illæ Zbignei Cardinalis expostulationes in Senatu factæ, etsi non nihil molestæ eidem Regi fuerunt, tantum tamen abfuit, ut eas vlisceretur, ut etiam moriens, & munere quod charissimum habebat, Zbigneum cohonestaret, & obiurgatorem suorum criminum, eundem liberis suis supremæ voluntatis suæ declaratione, tutorem constituerit. Sic fecerunt reliqui omnes: ut Theodosius reprehensus ab Ambrosio, & ab ingressu Ecclesiæ, ob cædem Thessalonicae factam, prohibitus, non erubuerit prosterni coram Episcopo, supplex veniam & poenam ad expiandum delictum, ut sibi imponeretur, petere. Noster quoque Casimirus Tertius huius nostri Regis Sigismundi proauus, post illam ad Choyniciam infelicem pugnam, cum passim carperetur, quasi ob eius minus æquum imperium, pauperumque exactionibus militibus oppressionem, ea clades accepta esset, idque Deus cuidam Sardiugio Theologo Canonico Gnesnensi, viro pio & religioso manifestasset, iussisset.

88

*Impietas seu  
temporum  
iniquitas plu-  
rimum de  
libera agendi  
potestate E-  
piscopis dera-  
gavit.*

89

*Eximia Epi-  
scoporum li-  
bertas in ca-  
stigandis  
Principum  
delictis.  
Grata Vla-  
dislao Jagel-  
lom.*

90

*Theodosio  
Imperatoris  
Casimiro III.  
Regi Polonia.*



- 91 *Sigismundo Augusto.* iussissetque vt Regem adiret; ille cælestibus parens monitis, impetrauit à Rege, vt exclusis arbitris cum eo agere posset. Ibi iussu Rege vt surgeret, & stans mandata Dei audiret, magna Dei beneficia, & ipsius ingratitudinem peccataque exprobrauit, & ni mutaret mentem, grauiora cõminatus est; æquo animo ferente Rege, acerbiorẽ admonitionem melioraque de se pollicente. Et quoniam nostrorum Regum facta est mentio, Carncouius quoque cùm adhuc esset Episcopus Vladislauiensis, cumque spargeretur Sigismundum Augustum Regem in proximis, quætum futura erant Comitijs, nescio quid in fauorem hæreticorum decreturum, & suam quoque sententiam de religione explicaturum, exarsit zelo tuendæ religionis Catholicæ, Regemque acrioribus literis & hoc nomine, ac item quod eius libidines magno subditis essent scandalo, accusauit. Quod Rex suâ manu Episcopo rescripsit, obiurgationem Episcopalem sibi gratam esse, eamque perinde accipere, ac si paterna voce moneretur; religionis negotium se attingere nolle, præsentem vitæ suæ statum sibi vel maximè displicere, & daturum operam, vt iuuante Deo, deinceps secundiori famâ reliquum vitæ transigeret. Libenter & hoc exemplum superioribus adieci, quòd non modò ad Sigismundi Augusti Regis, sed ad Carncouij quoque mei laudem spectat. Vtilis semper erat & Regibus & Regno libertas Episcoporum, cùm ij non ad adulationem composito sermone, non vt Principis animum irritarent, vel odium illi conciliarent, sed vel priuatim semotis arbitris agerent, vel publicè etiam, ne quid cum detrimento Reipublicæ fieret, obliterent. Feruentior hæc in re & acrior fuit Ioannes Lubranski Episcopus Posnaniensis, meus, vt scitis Proauunculus. Nam cùm Ordines Regni à Sigismundo Primo vehementius vrgerent, vt vectigal quod à mercibus, quæ in Regnum inducuntur & hinc educuntur, Reipublicæ condonaret, Rexque renitens & pænè iratus capulo ensis manu admotâ sibi id eripi nõ siturum ostendisset; enimverò surgens è sella Senatoria Lubranscius, & fenestram, ex qua in circumiectam aream prospectus patebat, effringere conatus, magnâ voce vim à Rege Senatui fieri inclamat. Rex modestior & intemperie Episcopi pænè in risum solutus: Sedete, inquit, Domine Episcope, sit pax rebus, vis procul abierit. Sed hunc vitæ suæ sanctitas & existimatio, quâ æuum illud illustrauit magnum, & posteritati memorabilem fecerunt. Illud verò præclarum & sacro ordine dignum Episcoporum Poloniae factum. Casimirus, cui cognomen Magni, non tam Regiæ virtutes, quàm procera corporis statura pepererat, otiosis libidinibus magis quàm bello aptus, turpi transactione coactis Vladislauia Comitijs Anno 1343. totius Pomeraniæ possessione Cruciferis cesserat, eque sigillo Regni titulum quoque eius Prouinciæ eraserat, oblitus patrem suum Vladislaum Locticum testamento cauisse, filijque & Procerum Regni fidem iuramento obstrinxisse, ne vnquam patrimonio suo terrâ Pomeraniæ cederent, ablataque & auulsas per fraudem à Cruciferis Regni Pro-

93  
Factum excellens Episcoporum Poloniae in Senatu.



Prouincias, armis vt vindicarent. Sed tum Vladislauia, & post Calisia, vbi diplomata confecta sunt, nemo Regi oblistere ausus, non Senatores, non Duces Masouia, soli Episcopi dedecus tantum abominati, Regi nequidquam frementi obnunciarunt: datoque publicè scripto & dissensu suo manifesto, totum turpis transactionis negotium infectum reddiderunt. Quæ res tunc fortassis parui momenti videbatur esse, sed deinceps maioribus nostris ad recuperandam eam Prouinciam armis & iure adspirantibus, magno adiumento fuit ea Episcoporum renitentia, & contestatus dissensus, ad ostendendam & comprobandam causæ & iuris quo respublica nitebatur, æquitatem. Extat nunc quoque in Archiuij Cracouiensis scrinio hæc ipsa contestatio, à solis tantum subscripta & signata Episcopis, nam ceteros Senatores metu Regiæ offensæ, ne hiscere quidem ausos fuisse, credibile est. Et hæc occasione per vim ereptæ Ecclesiasticæ iurisdictionis hæc à me dicta sunt, quæ alio loco commodiùs dici poterant.

Quæri quoque solet, humanonè tantum, an Diuino iure Episcopus semper in Diocesi suâ esse, & per se munus Pastorale obire teneatur, & hanc posteriorem tutiorem esse sententiam, communis Theologorum opinio meritò existimat. Sic olim Deus in veteri Testamento Aaroni eiusque filiis præcepit: Excubate in custodia Sanctuarij, & in ministerio altaris ne oriatur indignatio super filios Israël. Et alibi scriptum legimus: Agnosce vultum pecoris tui, & greges tuos considera. Hinc illa Dei apud Ezechielem expositulatio: Errauerunt greges mei in cunctis montibus, & in vniuerso colle excelso; & super omnem faciem terræ dispersi sunt, & non erat qui requireret. Illud verò ipsum terribile quod Dominus per Zachariam minatur negligentibus Pastoribus, deserentibusque gregem suum. Sume tibi, inquit, vasa Pastoris stulti, quia ecce ego suscitabo Pastorem in terrâ, qui derelicta non visitabit, dispersum non quæret, & contritum non sanabit, & id quod stat non enutriet, & carnes pinguium comedet, & ungulas eorum dissoluët. O Pastor & idolum! derelinquens gregem, gladius super brachium eius, & super oculum dextrum eius. Quid enim aliud est Episcopus tiarâ & baculo ornatus, si non fungitur suo munere, nisi idolum quoddam, cui sine vlla causâ, nisi quodd extrinsecè niteat, honor exhibetur? Denique Pastoris nomine non dignatur eum Dominus, qui lupo viso fugit, tantò minus eum, qui nullo metu, nullaque de causâ gregis sui custodiam deserit; nam & hic merus est mercenarius, cum pastoris sit officium, proprias oues vocare nomine suo, educere eas ad pascua, illisque ducatum præbere. Causam autem cur tam accuratâ diligentia opus sit, explicat S. Paulus Apostolus: Attendite, inquit, vobis & vniuerso gregi, in quo vos Spiritus sanctus posuit Episcopos, regere Ecclesiam Dei, quam acquisiuit sanguine suo. Grande Christi gregis pretium est sanguis ex eius fusus corpore, ex eo si quid Pastoris socordia perierit, meritò Dominus ipsius quoque

94

Diuino iure  
videtur tene-  
ri Episcopus  
ad residentiâ,  
vt patet ex  
multis S.  
Scriptura  
locis.  
Prou. 6. 27.

Ezech. c. 34.

Act. 20.



95 sanguinem in vltionem tanti detrimenti reposcet. Nec tamen ego adeò  
*Episcopi non* strictam rationem residentiae ab Episcopis nostris exegerim, vt si interdū  
*residentes non* Reipublicae causā à Dioecesi abfuerint, illos continuò damnandos cen-  
*omniñd* seam. Comitia Regni obeunda illis sunt, sēpē ad Aulam veniendum, in-  
*damnandi in* terdum grauis aliqua legatio nomine Regis & Reipub. obeunda; sed hāc  
*Poloniā.* omnia cū Ecclesiae ipsiusmet causā fiant, nec alio fine ab Episco-  
*Residere pa-* pis suscipiantur; perinde est atque praesentes essent in suis Ecclesijs.  
*rum est nisi* Sed neque ij qui resident, eo ipso existiment suo muneri à se satis fieri. Re-  
*munus Epi-* sidentia enim vsum & exercitium ministerij in se comprehendit, nec enim  
*scopi vnā ex-* ad nudum nomen demonstrandum Episcopi dicuntur, sed ad actiones  
*erceatur.* illorum muneri incumbentes strenuē obeundas: vnde Seruator noster,  
 non dixit Petro, sis Pontifex; sed pascue oues meas: & qui vocatur ad Epi-  
 scopatum, non ad Principatum vocatur, sed ad seruitutem totius Eccle-  
 siae; & propter officium datur beneficium. Ita quoque Cap. Quia non-  
 nulli, de Clerico non residente. Alexander III. in Concilio Lateranensi  
 decreuit: His tantū dandum esse beneficium, qui residere in loco, &  
 curam animarum per seipsos exercere possint. Recteque concluditur ad  
 residentiam duo copulatiuē requiri, alterum vt is qui beneficium habet,  
 in eo resideat; alterum vt Ecclesiae in suo ordine inseruiat. Ad eiusmodi  
 residētiam Episcopos obligari, satis luculentis sacrae Scripturae testimonijs  
 docuimus, id & ratio ipsa suadet. Est enim Episcopus sponsus Ecclesiae, is  
 autem diuinā humanaque lege pactis matrimonialibus tenetur cohabi-  
 tare coniugi suae, vt eam totamque familiam suam gubernare possit, ne  
 ex diuturnā absentiā eueniat, vt illa fidem frangat, ad instar illius mu-  
 lieris, quam Salomon refert, iuuenem inescatum blandimentis meretri-  
 cijs, ad suos illexisse complexus, hoc adiecto suae nequitiae praetextu. Non  
 est vir in domo suā, abiit viā longissimā, sacculum pecuniae secum tulit, in  
 die plenae lunae reuersurus est. Ita vicissim euenit, vt per absentiam Epi-  
 scopi, plura spiritualia admittantur adulteria, quae praesente Pastore eui-  
 tari potuissent. Est item Episcopus Ecclesiae nauis gubernator, quae  
 cū semper procellosis iactetur fluctibus, ne puncto temporis à regi-  
 mine illius abesse licebit. Sic olim Noë arcam ingressus, semper in eā  
 mansit, & quamuis cessasse diluuium, aquas ficcatas esse, euidentibus  
 experimentis didicisset, non antē egredi voluit, quā Dei voce vt egre-  
 deretur monitus esset. Est Episcopus Dux exercitus spiritualis, semper  
 in acie existentis, hunc instruere, hunc ordinare debet, idem belli  
 signum dare, primusque in acie stare, & hostilem impetum sustinere  
 tenetur. Alioquin vbi non est gubernator, ait Salomon, populus cor-  
 ruet. Horrendum est exemplum, quod Scriptura refert. Moyses à Deo  
 euocatus, vt legem acciperet, & per aliquot dies isthic moratus, satis  
 prouidisse videbatur populo Dei, ne per suam absentiam aliquid pa-  
 teretur; namque suas partes demandauerat duobus, quibus maximē  
 fidebat, & quorum exploratam habebat industriam, Aaroni fratri suo  
 &



& Hur. Sed populus pertæsus, ob diuturnam absentiam sui Ducis, noua consilia agitare cœpit. Petierunt, inquit, ab Aaron, vt faceret ipsis Deos, Exod. 32. qui eos præcederent. Resistere poterat sacrilegæ cupiditati, sed veritus ne vitæ subiret periculum, petijt ab eis in aures, quas cùm accepisset, fecit ex eis vitulum conflatilem, quem omnes adorauerunt. Tam breuis igitur, tam iusta absentia Pastoris, tanti lapsus occasionem gregi præbuit. Et quis est, qui meliora sibi polliceatur, si Episcopatum deseruerit? Sed quia interdum abesse oportebit, illud saltem seruetur, vt 97 *Quibus ex causis possint a sua Ecclesia abesse.* nisi ex ijs causis, quas Concilium Tridentinum expressit, à Diœcesi nostrâ abeamus. Abire autem licebit, si Christiana charitas, vrgens necessitas, debita obedientia, euident Ecclesiæ & Reipubl. vtilitas impulerit: idque sciente & consentiente summo Pontifice, eâ adhibitâ cautela, ne quid per absentiam Pastoris, oues detrimenti accipiant; & si non meliores, at saltem feliciores, quàm olim Moyses fuerunt, curæ pastoralis Vicarij relinquuntur. Cæterùm huius functionis, quæ in præsentia Episcopi consistit, munia potissimum consistere videntur in sanctissimis sacrificijs quotidie offerendis, in prædicatione verbi Dei, ac in frequenti à sacris Canonibus præscriptâ totius Diœcesis visitatione. 98 *Residentis Episcopi quæ munia.* Omnis Pontifex, inquit Apostolus, ad offerendum munera & hostias Hebr. 8. v. 3. constituitur. Et alibi: Omnis Pontifex ex hominibus assumptus, pro hominibus constituitur; vt offerat dona & sacrificia pro peccatis. Hebr. 5. v. 1. Missam igitur qua intimè Deo coniungimur, quotidie Episcopus legitimè non Sacris quotidie operari, vel interesse. impeditus celebret, luminis illustrationem non sibi tantum deposcens, sed etiam pro grege sibi subiecto, preces fundens pio gemitu, & religiosâ supplicatione Deum exorans, vt ablatis peccatorum nubibus, rorem suæ Diuinæ gratiæ & misericordiæ in agrum Ecclesiæ suæ effundat. Et ob eam causam domi capellam magnificè extructam habeat, vbi quotidie Missam vel celebret, vel audiat. Idem autem solennioribus diebus publicè in Ecclesiâ faciat. Concionandi munus adeò olim Episcopis familiare fuit, vt solis id competere videretur. E nostris Episcopis duo, quod sciam, supersunt, qui non erubescunt Euangelium: Carnouius meus, & Ioannes Demetrius Solikowski, ambo & Archiepiscopi, ambo pij, eruditi, & cæteris ad imitationem propositi. Sequor ego, & sequi adnitur quantum Dominus facultatis indulserit, cùm natura denegasse videatur illam Diuinam Eloquentiæ vim, nec hætenus acceperit exercitatio, quam vobis diligentissimè commendo.

De visitandâ Diœcesi commissoque curæ Episcopali grege vniuerso 100 *Visitare Diœcesim.* lustrando, exactas accuratasque regulas sacri Canones nobis proposuerunt, atque adeò eius functionis curam & executionem Episcopis demandarunt, vt si omnes Pastoralis muneris rationes expendere voluerimus, potissimum visitandæ totius Diœcesis functionem, & à sacris Canonibus iussam esse, & ad officium Episcopi pertinere reperiemus; adeò vt ipsamet residentia nullius frugis censeatur, nisi omnis



nostra occupatio visitationi præcipuè deferuiat : ac cætera quidem alieni ministerij auxilio nonnunquam licebit exequi , vicariaque demandatâ functione partem oneris in idoneos transferre sacri operis co-operatores : at lustrare Diœcesim , singularum Ecclesiarum explorare statum , inquirere in vitam moresque quarumcunque personarum , vitia extirpare , plantare virtutes , nosse faciem ouium suarum , adeò proprium munus Episcopi est , vt per alium vix ac ne vix quidem rectè & tutò expediri possit. Cuius quidem visitationis ex sacris literis duplicem significationem colligimus , nam & vindictam quandam , poenæque commeritæ exactionem denotat , vt illud Exodi 20. Visitans iniquitates Patrum in filios vsque in tertiam & quartam generationem : & pacis salutisque allatæ indicium est. sic Psalmo 58. Intende ad visitandas omnes gentes : & Psalmo 105. Visita nos in salutari tuo : & in Cantico Zachariæ : Visitauit nos Oriens ex alto. Vtrumque visitantis munus , qui & salutes medicinalesque animi morbis infligit poenas , & aduentu suo latificat corda subditorum , quos fideles , & muneri suo intentos reperit , complectitur , vt visitatio non ineptè definiri possit ; Inquisitio Visitatoris circa regimen locorum , & vitam personarum quæ visitantur , ad sanam doctrinam , pulsas hæresibus , inducendam , bonos mores tuendos , malos corrigendos. Sacrum Concilium Tridentinum voluit , vt singulis quibusque biennijs Episcopi suas visitarent Diœceses. Id quidem ijs locis in quibus arctiores sunt Diœcesium termini , commodè fieri potest ; nostræ in Poloniâ iurisdictiones ita latè patent , vt toto biennio vix si singulas Ecclesias adire , nedum exactè visitare volueris , circumiri possint : his alias adde functiones Senatorias , amicorum officia , itinerum difficultates , valetudinis discrimina , aliaque impedimenta. Et hinc vel maximè apparet quantum onus , & quàm periculosam functionem Episcopi in Poloniâ , & fortassis in Germaniâ , sustineant , quibus adeò non est expedita ratio muneris sui , quique etiam si summo conatu nitantur , id tamen ad quod se obligatos & obstrictos esse norunt , exequi non possunt ; quæ res plerosque deterruit , vt ne auderent quidem munus visitationis per se aggredi. At Hieronymus Rozdrazeuius , Vladislauiensis , nequaquam suæ Diœcesis amplitudine deterreri potuit , quin id munus in persona suâ feliciter & cum laude exequeretur. Ad eius exemplum præclarè se conformat Albertus Baranovius , Episcopus Plocensis , cuius tamen rigidiores animaduersiones & exacta quædam censura morum , non omnibus probatur , nempe in aulâ Regiâ educatus , & qui numquam antea vidit alios hoc munus obeuntes , suis nititur experimentis. Sed cæteris omnibus palmam huius laudis præripuit Georgius Cardinalis Radiuilus , Episcopus Cracouiensis ; non ille Ducum , è quibus genus duxit , fumosis tumebat imaginibus ; sed veluti quoddam eximie humanitatis speculum sui semper similis , & cunctis amabilis vixit , nullâ vnquam labe notatus ,

singul-

101  
Visitationis  
Etymon.

Sess. 14. c. 3.  
102  
Biennio quous visitanda Ecclesia, sed non in Poloniâ ob amplissimas Diœceses.

103  
Strenui suarum Ecclesiarum visitatores in Poloniâ.



singularis vitæ ad numeros optimi Episcopi composita, laude sanctitatis conspicuus. Tenerioris erat & educationis, & valetudinis, sed ista corporis imbecillitas, animo eius zelo Diuini amoris & salutis humanæ flagranti impedimento non fuit, quin grauissimos quosque labores in perlustrandâ & recensenda vniuersa Cracouiensi Diœcesi susciperet, idque adeo secundo euentu, vt nouam quandam lucem, sparsis per omnia loca latè patentis Diœcesis singularibus sanctitatis vestigijs, intulisse videatur. Monasteria hominum vtriusque sexus, quæ olim fædo vitiorum cæno fætebant repurgata, & pristino nitore ad normam suorum institutorum restituta; Clerum officij sui pænè oblitum, formatum melioribus præceptis, & iam accuratiùs muneri suo incumbentem cernimus: tantum præstitit vnius Episcopi diligens & exacta sollicitudo; quem vtinam cæteri imitari vellent! ego sanè in hoc ipso primo meo ad Episcopatum ingressu, hoc cogito, hoc molior, vt primo quoque tempore visitationis munus aggrediar, neque antè finem huic labori imponam, quàm totâ lustrata Diœcesi, & oues meæ me cognoscant, & ego vicissim explorato illarum statu, de nomine & facie eas agnoscam: iamque & tempus & itinera ita partior, vt si non omnia Diœcesis loca primo anno adeam, sequenti deinceps anno cœptum hoc munus visitationis expediam. In eâ functione obeundâ illud ante omnia curæ esse debet Episcopo, vt se, familiamque suam, & totum comitatum ita exhibeat, ita conformet, ne quid scandali aut offensionis ex illo illiusque comitatu in quenquam deriuetur: tum vel potissimum omnibus virtutibus elucere studeat, vt quacunque iter fecerit, quæ loca adierit, vbique impressa relinquat sanctitatis vestigia: omnes modestiam, sobrietatem, temperantiam, humanitatemque suscipiant, & admirentur; in vestitu decorum seruet, nec tam in eo exquisitam elegantiam, quàm statui suo conuenientem dignitatem confectetur: à comessationibus & exquisitoribus ferculis omninò abstineat; quotiescunque hospitium vel ædes alicuius nobilioris viri (neque enim putarem ab hoc etiam visitationis genere abhorrendum esse) ingressus fuerit, meminerit se eo fine ingressum esse, vt sale purificante vlcera & vulnera fætentia exsiccet, lumineque sanctæ conuersationis infernalium tenebrarum caliginem discutiat; sermo eius sit verecundus ac purus, & non nisi de rebus diuinis: interrogationes nec curiosæ, nec temerariæ: responsiones deliberatæ, & maturi iudicij testes; omnis denique eius occupatio in susceptâ functione versetur. Sed ne videar me vos velle meis informare verbis, adijciam grauissimum Concilij Tridentini decretum. Quapropter exemplo Patrum nostrorum in Concilio Carthaginensi, non solum iubet (sancta Synodus) vt Episcopi modestâ suppellectili & mensâ ac frugali victu cõtenti sint, verum etiam in reliquo vitæ genere, ac tota eius domo caueant, ne quid appareat, quod à sancto hoc instituto sit alienum, quodque non simplicitatē, Dei zelum, ac vanitarum contemptum præferat. Omnino

104  
Quid præ oculis habendum in visitationibus.

Sess. 25. c. 1.

105  
Episcopis qualis vitæ ratio habenda præcipiè dum visitant.



verò eis interdicat, ne ex redditibus Ecclesiæ cōsanguineos familiaresque suos augere studeant, cū & Apostolorum Canones prohibeant, ne res Ecclesiasticas, quæ Dei sunt, cōsanguineis Episcopi donent; sed si pauperes sint, ijs vt pauperibus distribuant, eas autem non distrahant, nec dissipent illorum causâ. Imò quàm maximè potest eos sancta Synodus monet, vt omnem humanum hunc erga fratres, nepotes, propinquosque carnis affectum, vnde multorum malorum in Ecclesiâ seminarium extat, penitus deponant. Hactenùs decretum Concilij. Et licet hâc sanctione non tam visitationis modus, quàm vita Episcopi describatur, idem tamen vel potissimùm eo tempore, dum per suam Diocesim suæ sanctitatis, quâ fulgere semper debet, salutaria circumfert ac spargit monita, talem se exhibere debet, qualem sacra Scriptura, & Canones Ecclesiastici eum esse volunt. Ac meritò quidem id vel maximè præcipitur, ne Episcopi suos cōsanguineos collectis ex bonis Ecclesiæ opibus dificent: vetitum id semper fuit, & postea continuis ferè experimentis docemur, improsperas, nec diuturnas esse eiusmodi opes, quæ ex fructibus, vsibus pauperum dicatis, subtractæ, ad euehendas & illustrandas Episcoporum familias conferuntur. Albertum, qui postea Iastrzembecius dici voluit, tenui humilique domo natum esse constat, cum, cū pater pedes peditem Bessouam, in quâ templum parochiale erat, ad scholas deduceret, sumptu mendicato alendum, hortatus est, vt si quando ditior factus esset, parentis fratrumque suorum (sex ij erant) paupertatis & extremæ egestatis ne obliuisceretur. Ille quidem aliquantisper literas doctus, cū earum subsidio ex puluere mendicitatis paternæ emerisset, adeò monitorum patris fuit memor, vt nihil pensi haberet, dummodò opes accumularet quàm maximas, ijsque indignos augeret hæredes. Itaque ambitione & famineo suffragio adiutus, cū Episcopatus Posnaniensis amplissimæ opes cupiditatem eius parum explerent, finitris delationibus effecit, vt Rex Vladislaus, Petrum Vissum Episcopatu Cracouiensi deiectum, Posnaniam detruderet, & Iastrzembecium Cracouiam transferret. Pœnituit quidem huius rei postea Regem, adeò vt cū Posnaniæ esset, seuocato in quoddam secretius delubrum Petro Episcopo, in genua procumbens, supplex ab eo facti veniam peteret. Sed Iastrzembecius fraude parto Episcopatu potitus, litem quoque eo nomine sibi factam elusit, magnisque coaceruatis thesauris, ingenti suo dolore à prodigis fratrum suorum filijs & nepotibus eos abliguriri vidit. Eorum vnus Derflaus Rituanus Martini Lencicien. Palatini filius, ingentem thesaurum ab Archiepiscopo magno Patruo suo clām paucis conscijs (inter quos ipse quoque fuit) defossam, viuentē adhuc Archiepiscopo effoderat, ex eoque Varsoviæ, dum insano Euphemiæ Boleslai Ducis Masoniæ filiæ amore ardet, & ad fenestras eius frustra suspirat, quadraginta argenti marcarum millia nepotando decoxit: quam rem ita Iastrzembecium iam tum Archiepiscopum Gnesnensem agrè tulisse ferunt,

106  
De non di-  
tandis ab E-  
piscopo con-  
sanguineis  
occasione ci-  
tati Triden-  
tini decreti  
digressio.

107  
Pessimo euen-  
tu ditauit  
suos:  
Albertus  
Iastrzembe-  
cius.



runt, vt mox animi angore conficeretur. Reliqui quoque nepotes ipsius, quos ille ad summos dignitatū gradus euexerat, parem exitum habuerūt, ac tota numerosa stirpis extincta prole, tantā solitudine ambitiosi Episcopi decus & opes partæ, in alienam, eamque magnā ex parte Ecclesiæ inimicam familiam, translatae sunt. De Ioanne Gruscinio gentili meo, 108  
 quid dicam? eius maximè ambitione factum est, vt iura Ecclesiæ Regiæ potentia, summo Regis Casimiri III. & Regni cum dedecore, impiam vim experirentur. Is cum ex Episcopatu Vladislauensi, deiecto Iacobo Sienienio, Cracouiensem inuasisset, postremò Archiepiscopus Gnesnens. renunciatus, amplissimas fratribus coëmerat possessiones, de quibus cum ij, viuente adhuc Archiepiscopo, armis contenderent, eò postremo res deuenit, vt alter eorum Archiepiscopum in arce Opatouencens. obsidione cinctum, intentato mortis metu, ad iniquissimas condiciones adigeret. Sed audiamus Cromerum illius supremum vitæ exitum describentem. Obijt, inquit ille, Ioannes Gruscinus Archiepiscopus Gnesnens. cum Cracouiam à Rege euocatus venisset, repentinā correptus amentia, ita vt neque Sacramentorum in extremo vitæ articulo more Christiano particeps fieret, consentaneum exactæ vitæ exitum consecutus. Fuit enim in omne genus libidinum & audaciæ proiectus, cuius ambitione Cracouiensis Diocesis grauiter, vt suprà memoratum est, diuexata erat. Auaritiæ verò & immoderati in euehendis & locupletandis fratribus studiij, seu veriùs cupiditatis fructum, qualem oportuit, viuens non decerpit: nam eo demum defuncto, de Cosmino, quod grandi pecuniā mercatus erat, inter Bartholomæum Castellanum Sendomiriens. & Nicolaum cognomento Cosmidrum, fratres eius germanos certatum est. Exequias quidem non admodum honorificas habuit, dedignantibus eum hoc honore sacerdotibus, tam Cracouiens. quàm Gnesnens. basilicæ, in quâ sepultus est. Hæc Cromerus. Addo ego prætereà, ne à fratribus quidem, quos inuidiosis opibus auxerat, honore sepulchri dignatum fuisse, & nisi multis post annis Ioannes Lascus Archiepiscopus Gnesnensis hunc honorem, extructo marmoreo tumulo, ei habuisset, ignoto posteris loco delituisset. Hanc videlicet gratiam fratres nepotesque, pane Ecclesiæ pasti, referunt Episcopis & sacerdotibus benefactoribus suis, vita functis, vt nec animæ, nec corporis eorum vllam rationem habere velint. Sed quid vetera reuoluimus, & obsoletam antiquitatem vexamus? in oculis nostris nuper extincta est Gorcana domus, cuius ille omnis, qui tantoperè splendere videbatur, fulgor, ex Ecclesiæ sacris creuit eleēmosynis, sacrilego ausu ad augendas opes familiæ conuersis. Duo erant Episcopi eius cognominis, 109  
 Vriel primus Posnaniensis, qui prima iecit domus eius fundamenta, qui tamen moriens testamento obtrinxit successores, ne vnquam à fide Catholica desciscerent; si secus fecissent, domui, stirpique suæ exitum imprecatus. At Lucas Gorcanus Palatinus Posnaniensis potissimum aua-  
Vriel Gorcanus.  
Lucas Gorcanus.  
ritiæ



ritiæ notatur, quòd relicto statu sæculari, ambitiosè primò Episcopat-  
tum Cracouiensem concupiuerit, mox eâ spe deiectus, vt Episcopus  
Vladislauiensis sibi deferretur, magnâ contentione, factionibus etiam  
priuatis extorserit, quem nec ad vtilitatem Ecclesiæ gregisq̃ue sibi com-  
missi salutis curam, sed ad parandas immensas opes, dirandosq̃ue filios,  
& nepotes suos, iam tum hæreticos, gessit. Sed quo successu? nepotes  
eius perpetuâ damnati sterilitate, nullâ relicta stirpe è vitâ excefferunt:  
hæreditas eorum, vt Prophetæ lamentantis verbis vtar, versa est ad alie-  
nos, & quasi quodam damnata exitio, nec hos quoque ditauit, sed ite-  
rum ad alios translata dominos, certum stabilemque non habet possessio-  
rem: hæret videlicet in eâ culpa, vsurpatæ & in profanos vsus versæ rei  
sacræ, quæ vix in quarto hærede expiari potest. Dzierzgouij Archiepi-  
scopi Gnesnens. ambitiosa tituli Comitatus vsurpatio, patrisq̃ue sui ex  
humili loco ad Palatinatus dignitatem promotio, simul cum illo ita ex-  
tincta est, vt vix eius nominis extet memoria. Hic idem exitus Padnie-  
uios vereor ne maneat, fata enim ipsa eos quoque vrgere videntur. Non  
satis fuit patruo eorum Philippo Padnieuio, quod quidquid ex bonis  
Ecclesiæ collegit in profanos familiæ vsus, in coëmendas amplissimas  
possessiones contulisset, etiam à Monasterijs abstracta prædia illis ob-  
noxia fecit. Nuper Opatouecium cùm transiremus, nobile quondam  
Abbatis Tinecen. oppidum, quæro ecquis nunc eius loci Dominus sit?  
Stanislaum Padnieuium Castellatum Osuiecimen. respondent ciues,  
eius possessione & vsufructu potiri: ob quod, inquam, meritum? nepos  
Episcopi Cracouiensis fuit: hoc vnum videlicet sufficit, ad amplissima  
capienda præmia, si nepos sis Episcopi, licet iura vetent, licet directus  
hæres renuat, licet is qui capit, nec meritis sit, nec mereri possit, habeat  
tamen præmia benè meritorum: iam si vel grati essent, si tutelam bonis  
præstarent, ferri vtique possent. Vidistis ædes Abbatiales amplissimas  
Opatouecij corruisse, nullum superesse prædialium ædificiorum vesti-  
gium, ciues denique queri, quod nomine defendente omnium iniurijs  
pateant. Melius fecisset Padnieuius Episcopus, si illas ruinas templi &  
Monasterij Tinecensis, quibus ille nobilissimus locus vetustatis vitio, &  
non satis idoneo structo ab initio ædificio laborat, Abbati resarcire se-  
questratis in eum vsu fructibus prædij & oppidi Opatouecensis de-  
mandasset. Et huius quidem Monasterij ac Templi restaurati laus alte-  
rum fortasse è vobis olim manet; sed ille pœnam, qua Abbatem ob pro-  
bri non dubias suspensiones mulctaturus erat, vertit in commodum ne-  
potis: & ita nisi Abbas luxuriosè vixisset, caruisset Opatouecio Padnie-  
uius. Tales erant olim & in hunc finem institutæ ab Episcopis Monaste-  
riorum Abbatialium visitationes, vt semper aliquid decerperent. Audi-  
uissè vos arbitror, quod ego narrante Stanislao Skarszeuio Canonico  
Cracouiensi, viro, quem qui ob singularem animi candorem non amat,  
indignus ipse est qui ametur, didici: Petrum Myscouium Episcopum  
Cra-

110  
Dzierzgo-  
uius.

Philippus  
Padnieuius.

111  
Opatouecense  
oppidum à  
Monasterio  
Tinecensi  
quomodo ad  
Padnieuios  
deuenit.



Cracouiensem, Miechouiam olim diuertisse eo animo, ut in Simonem Lugouium Præpositum Miechouiensem, votis religiosis obstrictum, qui ut perditè luxuriosus audiebat, animaduerneret. Sensit re & nomine Simon, quid Episcopo cordi esset, ingentem cantharum argenteum quintæ Taleris operat, eumque Episcopo offert: actum transactumque est, & tanti fuit turpitudinis pretium, turpe danti, turpe accipienti. Sed Mysconij quoque opes ad inuidiam usque creuerant, tot coemptæ possessiones, vel Ducatus potius, tot basilico opere structa palatia (dubito tamen, an vel unicam ædem sacram pari impensâ, quale in Ksmiaznenfi oppido palatium eum fecisse constat ullibi statuerit) tantum auri argenti que, tot congesti thesauri cesserunt nepotibus. Maior quidem pars eorum (hem quam improspira rei sacræ possessio!) iam ad alios translata est dominos. Vnius Sigismundi Mysconij præclare virtutes mereri videntur, ut securiori & feliciore euentu patru hereditate potiatur, modò posterique quoque ipsius, pari vtille voluntate, erga statum Ecclesiasticum, cuius ope creuerunt, sint affecti, alioquin ne his quidem diuturna futura est bonorum eiusmodi possessio. Ephraim, dicit Dominus per Prophetam, pascit ventos. Quid aliud agunt Episcopi, opes suis necessarijs congerentes? nisi ventum pascunt, qui præterlabitur, nec vnquam stabilis est, nec satiatur. Quam præclarius facerent, si eiusmodi thesauros in solidis Ecclesiæ petris deponerent, vel per manus pauperum ad cæleste ararium deferri curarent, ut & ipsis in die & tempore aduerso victus sufficeret, & militantis Ecclesiæ splendor augeretur. Ego sanè non vanus vates prædico & denuntio, nullum vnquam bonorum ex fructibus sacris Ecclesiæ vsibus adscriptis, quocunque prætextu coemptorum, heredem diu partâ possessione gauisurum. Experti sunt id verum esse ij, qui ante nos vixerunt; deinceps quoque non deerunt exempla, & perperam usurpatæ rei Ecclesiasticæ, & frustratæ spei, dum quos dites relinquunt nepotes, eos mox nepotando bonis amissis egentes, proxima videbit posteritas.

*Simon Lugovskij Præpositus Miechouensis.*

112

*Petrus Myskonij.*

*Oscæ 12.*

*v. 1.*

113

*Ad intermissionem de visitanda Diocesi tractationem regressus.*

*Visitantis Episcopi familia quâ morum probitate & modestia præstare debeat. De confid. lib. 4.*

Ex occasione decreti sancti Concilij Tridentini, à proposito instituti sermonis, longius me digressum fateor. Sed ut coeptum sermonem exequar, hîc, inquam, Episcopo, dum officij & muneris sui causâ vniuersam lustrat Diocesim, enitendum est, ut omnes eum intueantur, quasi Angelum Domini de cælo missum, viros graues, doctos, nulla turpis vitij vel auaritiæ suspitione notatos penes se habeat, Clericorum obsequio in priuatis cubiculi sui etiam negotijs vtatur, sciatque domum suam speculi instar lucere debere, & esse veluti publicæ disciplinæ Magistrum: nam quidquid in ea agitur, id reliqui sibi licere existimant. Itaque quod olim Diuus Bernardus ab Eugenio alumno suo Pontifice Maximo exegit, id sibi dictum putent omnes: Domum Episcopi, inquit mellifluus Doctor, decet sanctitudo, decet modestia, decet honestas; horum disciplina custos, sacerdotes domestici aut cæteris honestiores, aut fabula omnibus sunt.



sunt. Multa nescias, plurima dissimules, nonnulla obliuiscaris. Sunt tamen quæ ignorare te nolim, mores quorumque & studia: nec austeritatem suadeo tibi, sed grauitatem. Non oportet ut vitia domus tuæ vltimus scias, quod plurimis scimus contigisse. Si insolentior sermo coram te insonuerit, si indecens habitus apparuerit, manus tua sit super huiusmodi, tu vlciscere iniuriam tuam. Impunitas ausum parit, ausus excessum. In vultu, in habitu, in incessu illorum qui tecum sunt, nihil residere impudicum, vel indecens patiaris. Præclare hæc sanctus Doctor, ut reliqua omnia, quæ Episcopo curæ esse debent; nam sine his visitatio rectè institui non potest: & si alium se familiamque suam Episcopus exhibuerit, vereor, ne loco salutaris pharmaci, pestiferum per suam Diocesin spargat venenum. Fastum vbique vitet, & superbiæ suspicionem; omnibus affabilem, & comem se præstet, nemo eius aditu arceatur, errantes paternè corrigat, in vitia lapsos ita castiget, ut memor sit quod & ipse circumdatus sit infirmitate, lachrymis potius suis, quàm acerbioribus verbis dolorem fletumque illorum prouocet, & in spiritu lenitatis Ecclesiasticam exerceat disciplinam. Denique tiara ipsius & baculus maiora præferant insignia dignitatis, quàm potestatis: quos corrigit, non infamet; veniam poscentibus, facilem se, moderatâ adhibitâ animaduersione, exhibeat: in iure dicendo æqualem seruet seueritatem, nec eam gratiâ vel mutari vel variari patiatur; adiungatur facilitas in audiendo, lenitas in decernendo, in cognoscendo diligentia. Vrsos potius eos dixerim, quàm homines, qui ita iracundiâ exardescunt, ut sui obliti esse videantur. Nihil est, inquit Cicero, tam deformis, quàm ad summum imperium etiam acerbissimam naturæ adiungere, quod vilis planè animi est, & suos impetus regere frenoque rationis retinere non valentis. Prorumpunt nonnulli ad indecora quæuis, dum vel palàm digitos in obscænos formatos vsus, ij quibus irati sunt ostendunt, vel turpes crepitus ore effingunt, vel denique alienæ vocis sonum efformando mimos agunt; ridiculi magis ipsi, quàm ut alijs risum moueant: hos torquere haud necesse fuerit, vbi vino & irâ incaluerint, produnt secreta, dicenda tacendaque locuti, homines, Principes ac Deum ipsum conuitijs proscindunt, & simul atque in possessionem sermonis venerint, ipsi sibi sapiunt, ipsi se amant sine riuali, dicta sua quasi è tripode Apollinis profecta à nemine redargui debere censent, & si contradixeris exardescunt; cum verò in contentionem inciderint, terrâ cœlo miscent. Tales si quando emergunt, & ijs magistratibus, in quibus summa Reipub. consistit præficiuntur, quid non audent? quid non moriuntur? ab omnibus sanè, sed potissimum ab Episcopis, in quorum mores omnium oculi coniecti sunt, adhibenda est quædam reuerentia, & quid maximè in quauis actione deceat, expendendum. Nam negligere quid de se quisque sentiat, non solum arrogantis est, sed etiam omnino dissoluti: & plerumque tales neminem amicum habent, nullum socium, nullum fidum ministrum, nullum denique qui eos interdum officij moneat:

114  
Visitantis Episcopi idea.

115  
Impotens animus in Episcopo improbat.

116



neat: ijs tamen si quis magno animo acrius obstiterit, ita deponunt vel despondent potius animos, ut icti fuste canes non facilius coercantur, & in ordinem redigantur. De Ioanne Carnouio Episcopo Vladislauensi nostri Archiepiscopi patruo pleraque feruntur, quæ iracundum nimis eum fuisse arguunt. Exardescit interdum & Archiepiscopus, sed citra furorem. Tylicius magis, qui vnâ eademque horâ & irascitur, & mox sui compos, suam ipse castigat immoderatam excandescentiam. Tuli ego, cum Referendarius iudicij Regijs ei assiderem, ipsius impetum modestè, at non eorum, quibus ille nimium permittebat, insolentiam; neque enim ferenda erat, sed temeritas iuuenilis grauitate senili reprimenda. Scitis quos mea signet oratio. vidi vtrumque cum in Sueciâ essemus, pal- lere periculo, metu concuti, nec eam quam alias præferre videntur, ser- uare animi magnitudinem. Risi timidam leuitatem, risumque meum conuitio insectanti, & insipientis esse in periculo ridere asserenti, alteri eorum respondi; Tu verò, inquam, desipis, qui mihi in re malâ bonam mentem, quæ dimidium mali est, inuides.

117

Sed nescio, quo pacto meus sermo, ab institutâ de visitationis munere, oratione, huc deflexit, nempe non abs re visum, vitijs virtutibusque com- memoratis, hæc vestris inculcare auribus, quæ maximè deceant, aut de- deceant tam sublimem statum. Monita salutaria à Diuo Bernardo Eu- genio tradita, sciant Episcopi sibi esse necessaria; malo illa verbis illius exequi quàm meis. Quid (inquit ille) Episcopo turpius, quàm incumbe- re suppellectili & substantiæ suæ, scrutari omnia, sciscitari de singulis, morderi suspicionibus, moueri ad quæque perdita vel neglecta? Ad vere- cundiam dico quorundam eiusmodi, scrutantium quotidie omnem sub- stantiam suam, numerantium singula, de minutis & quadrantibus exi- gentibus rationem. Non ita ille Ægyptius, qui Iosepho omnibus tradi- tis, ignorabat, quid haberet in domo suâ. Erubescat Christianus Christia- no sua non credens: homo sine fide, fidetamen habuit seruo, super omnia bona sua constituens eum, & hic erat alienigena. Mira res: satis superq; E- piscopi ad manû habent, quibus animas credunt; & cui suas cõmittant fa- cultatulas, non iuueniunt. Optimi videlicet æstimatores rerum, qui mag- nam de minimis, paruam aut nullam de maximis curam gerant. Sed ut liquidò datur intelligi, patientius Christi ferimus iacturam quàm nostrâ. Quotidianas expensas quotidiano recipimus scrutinio, & continua Dominici gregis detrimenta nescimus. De pretio escarum & numero pa- num cum ministris quotidiana discussio est: rara admodum cû Presbyteris celebratur collatio de peccatis populorum. Cadit asina & est qui subleuet eâ; perit anima & nemo qui reputet, nec mirû, cum nec nostros quidè assi- duos sentiamus defectus. Nōne ad singulas istas supputationes irascimur, vrinamur, anxiamur? Quā tolerabilius rerû, quàm mentium sustineremus iacturâ? Quare, inquit Apostolus, non magis fraudè patimini? Quæso, tu qui alios doces, doce te ipsum: si tamē iâ nō docuisti pluris te habere, quā

118

De confid.  
lib.4.Notantur E-  
piscopi, magis  
ad rem quàm  
ad curam pa-  
storalis at-  
tenti.

1. Cor. 6.

tua.



119  
Munus Epi-  
scopale gra-  
phicè depictū.

tua. Transitoria ista, quæ stare tibi nullo pacto queunt; fac, vt à te trans-  
eant, non per te. Riuus quâ fluit cauat terram; sic discursus tempora-  
lium conscientiam rodit. Si potest torrens in agros excurrere sine læsione  
factorum, & tu, te ista sine vulnere mentis posse tractare, cōfido. Et pau-  
lò infra pulcherrimis colorum luminibus, & exactiori manu depingit sub  
imagine Eugenij, vniuscuiusq; Episcopi faciem. De cætero, inquit, opor-  
tet te esse formam iustitiæ, sanctimonix speculum, pietatis exemplar, as-  
sertorem veritatis, fidei defensorem, doctorem gentium, Christianorum  
Ducem, amicum sponsi, sponsæ Paranympum, Cleri ordinatorem, Pa-  
storem plebium, magistrum insipientium, refugium oppressorum, pau-  
perum aduocatum, miserorum spem, tutorem pupillorum, iudicem vi-  
duarum, oculum cæcorum, linguam mutorum, baculum senum, vltorẽ  
scelerum, malorum metum, bonorum gloriam, virgam potentium, mal-  
leum Tyrannorum, Regum patrem, legum moderatorem, canonum  
dispensatorem, sal terræ, orbis lumen, sacerdotem altissimi. Hactenùs il-  
le. Hanc vultus & præclaræ personæ speciem, si Episcopus per Diocesim  
suam circumtulit, an dubitandum erit, eum vtiliter munus suum ex-  
pleturum?

120  
Visitanti Epi-  
scopo in quos  
inquirendū.

Non exequar cætera in quos & quomodo eum inquirere oporteat,  
cùm res ipsa & materia vtrò illi sit occursura: nec defuerunt, qui metho-  
dum visitationis ex intimis sacrorum Canonum penetralibus deprom-  
ptam exactè tradiderunt: hoc solùm adiiciendum videtur, vix expedire,  
vt Episcopus in eos inquiret, quos Sedes Apostolica peculiaribus rescri-  
ptis suæ reseruauit potestati, nisi ij extra orbitam suorum Claustrorum  
excesserint, & vel priuatim, vel publicè in leges sacras commiserint, sce-  
lusvè aliquod palàm perpetratum non vindicauerint. Denique suffecerit  
Episcopo illis contentum esse iurisdictionis finibus, quos sacri Canones  
& nouissimè sacrosanctum Concilium Tridentinum posuit. Sciat autem  
nihil magis infamare vel ipsum, vel ipsius comitatum quàm sordes aua-

121  
Auaritia no-  
ta in visita-  
tione canēda.

ritiæ, à quibus non modò ob grauissimum, quod inde oritur scandalum,  
verùm etiam ob iuris Canonici expressam prohibitionem, puras omninò  
debet habere manus. Si alio referente mihi narratum fuisset, vix crede-  
rem, quod nudiustertius vnâ vobiscum expertus sum, de illo Parocho  
dico, quem de contubernio fœminæ infamatum ad me, vt scitis, acciri  
iussi. Venit, interrogatusque, nec crimen diffiteri ausus, scedulam pro-  
tulit, manu Notarij Episcopi scriptam & subscriptam, in quâ contineba-  
tur, illum antea de impudicâ cum eadem fœmina consuetudine accusa-  
tum, ac decem mulctatum marcis, pecuniam officio Episcopi dependis-  
se. Parochus interea, vel simplex, vel vafer, eam apocham, quasi vt im-  
pudicè palàm cum scorto consuetudinẽ deinceps, permittente Episcopo,  
habere sibi liceret, interpretatus, eius præsumptæ indulgētiæ concessione,  
corā me, se factumq; suum tueri ausus est. Obstupui, cùm iterū atque ite-  
rū à me interrogatus, planè impudēter idem assereret, seq; non inuitū mu-  
liere



liere cariturum fuisse, si pro eâ redemptio accepta non fuisset; nunc post talem transactionem se alterâ poenâ plecti non posse. Quid agerem? poenâ leuiori castigatum, & scelus detestantem, eâ conditione dimisi, vt impudicam mulierem statim eijceret. Scio Gossicium antecessorem meum esse extra omnem culpæ suspicionem, neque ab illo Ecclesiasticæ disciplinæ rigorem addictum pecuniæ; sed Notarij manifesta cupiditas homini simplici præbuisse videtur interitus grandem occasionem. Ita ij solent, qui & sui & Episcopi decoris obliui, venalia omnia habent.

Venio ad postremam propositionis meæ partem, in quâ me dicturum recepi de eâ functione, quæ Episcopis in Polonia, vt primarijs Regni Senatoribus incumbit. Dico Episcopos primarios vel primos potius esse Regni Senatores: nam si rem ad initia reuocemus, principio inductæ & susceptæ in Poloniâ religionis Christianæ, vix vllum Senatus aut concilij publici vestigium erat; Princeps vnus & solus omnia poterat, eius voluntas, lex non scripta sed iussa, & cui non parere capitale habebatur. Episcopi primi aliunde huc acciti, ex vsu aliorum Regnorum, & ex præscripto sacrorum Canonum, hac conditione se esse non posse ostenderunt. Et Principum nostrorum pietas, non solum omnem à Regiâ iurisdictione exemptam libertatem illis indulxit, verum etiam viros illos graues, eruditos, & sanctitate illustres, cum sibi & Reipublicæ vtilis fore animaduernerent, eos vt Principes, vt Patres venerati, ex eorum deinceps sententiâ & consilio Rempublicam se gesturos professi sunt; illis vt leges ad formandum Ecclesiasticum Politicumque statum scriberent, illis vt ius summarium dicerent, permiserunt, ac penè æquatâ potestate, in consortium regiminis eos cooptarunt, concessio insuper decimarum iure, quod ex vetusto Poloniæ Principum instituto, vlitatum Regum vectigal erat. Neque mihi quisquam obiecerit Palatinos Religionem Christianâ antiquiores in Poloniâ fuisse, facillè enim quiuis linguæ Polonicæ non ignarus respondebit, hæc & similia nomina non Consiliariorum, sed belli & Castrensiū officiorum fuisse. Extant antiquissima Regum nostrorum rescripta, quibus Episcopos Poloniæ, Principes Regni fratresque suos nuncupant. Boleslaum cognomento Chrobri victoriosum Principem, tantum Episcopis honorem habuisse testantur Historici, vt stante Episcopo, nunquam ipse sedere vellet, nisi idem etiam assedisset: id ab alijs quoque Principibus factitatum & obseruatum fuisse nemo dubitauerit. Sed illa auctoritas, Reges quotiescunque res poscebat, liberiùs monendi, redarguendi, improbis etiam eorum cupiditatibus resistendi, maiori reliquis omnibus potestate & dignitate Episcopos fuisse præditos facillè conuincit. Neque mihi diu immorandum est in explicandâ & comprobandâ in Regno Poloniæ prærogatiuâ status Episcopalis; nam & nunc vel inimici nostri fateantur necesse est, & iure primarium nobis locum deberi, & in eius iuris possessione perpetuâ

122

Episcopus in  
Poloniâ v-  
nâ etiam Re-  
gni Senator.

123

Senatus in  
Poloniâ ex  
Episcopis  
prior quàm  
ex seculari-  
bus.

124

Eorum deci-  
marum ius.

125

Prærogatiua.



126  
Contra Se-  
natum Ec-  
clesiasticum  
ob decimarū  
exactionem  
factiones.

127  
De loci præ-  
rogatiuâ olim  
inter Eccle-  
siasticum  
statum, &  
Duces.

Masouia con-  
tentio, nunc  
etiam vana  
inuidorum  
de eadem  
murmuratio.

tua nos fuisse. Non deerant iam olim, qui nos loco mouere vellent, qui iu-  
ribus nostris Rempubl. grauari dicerent. Decimarum quidem, etsi eæ, vt  
dixi, Principibus ante susceptam fidem Christianâ solui solitæ fuissent, ex-  
actionem primò impugnarūt nonnulli ex Neophytis maioribus nostris;  
sed inclytus Rex Boleslaus Chrobrius, seuerâ animaduersione gliscentem  
eam temeritatē mox coërcuit: & haud scio an maiores nostri de eo onere  
vnquam questi fuerint ad vsque Casimiri Magni tempora: eo regnante,  
& quassatum internis externisque bellis imperium pacis artibus propa-  
gante, & subditi, & Rex ipse Bozantē Episcopo Cracouiensi, decimas ob  
certas causas soluere detrectarunt. Tractus omnis territoriorum Lubli-  
nensis, Lucouiensis & Tzchouensis, Tartaricis, Russicis, & Hungaricis  
incurtionibus fœdatus, vastatus, incultusq; erat: in eum, cū Rex & No-  
biles nouos colonos inducerent, ab ijs exigī decimam iniquum putabant,  
non tamen ad rapinam versi, controuersum negotium Iaroslao Boguriæ  
Archiepiscopo Gnesnensi, viro sancto, arbitrari sententiâ definiendum  
permiserunt, & ille ex æquo & bono rem decidit, cui decreto hætenus  
magnâ ex parte paretur. Id actum est 1369. vitæ Casimiri penultimo an-  
no. Cuius rei à Cromero nostro nullam fieri sub id tempus mentionem  
miror: sed tam solenne arbitramentum Regis assensu comprobatum in  
volumine legum habemus. De loci prærogatiuâ, Duces quoque Masouiæ  
primò in Coronatione Vladislai III. deinde in Coronatione item Casi-  
miri III. contra Episcopos niti cœperant, veluti Principibus è sanguine  
Regum Poloniae ortis, primus secundum Regem in Senatu locus debe-  
retur; sed in eâ quoque tã graui concertatione, tenuerūt ius suum Episco-  
pi, primæque ante ipsos Masouios Duces illis adiudicatæ sunt partes. Scio  
hætenus mussitare quosdam, quod ad vtrumque Regium latus assidea-  
mus, alterum Senatoribus secularibus deberi contententes: sed id quo-  
que & nouum & insolitum, cū hætenus semper aliter obseruatum fuif-  
se satis constet. In omnibus etiam, ijsque & antiquissimis & recentiori-  
bus Regum nostrorum rescriptis, quotiescunque fit mentio Ducum vel  
Principum, non alios intelligere licet, nisi Episcopos: nam ex antiquissi-  
mis Patriæ nostræ institutis, nemo Senator in consilio publico, nemo  
cum prærogatiuâ ferendi suffragij esse poterat, qui ex Ducum vel Prin-  
cipum esset sanguine. Quare ne Duces quidem Masouiæ in Senatu lo-  
cum habebant, ad actus tamen solennes adhibiti, vt supra innuimus, E-  
piscoporum prærogatiuæ frustra loci prioris affectatione detrahare cor-  
nabantur; cumque in omnibus, quæ hætenus extant diplomatibus,  
qui præsentibus erant adscriberentur, ea & seruata est, & seruatur formu-  
la: Præsentibus Reuerendissimis in Christo Patribus Dominis (quo  
nomine neminem subditum, ac externos etiam non nisi Principes  
Rex Poloniae dignatur) Episcopis. Tum mox disunctiuâ coniunctio-  
ne adiectâ, Nec non Magnificis: vt manifestè appareat istos inferioris ef-  
se ordinis. Neque tamen quisquam existimauerit, nos ita Episcoporum  
digni-



dignitatem demonstrandam suscepisse, ut alterius ordinis ius impugnare velimus; constat & his sua dignitas eximijs ornata prerogatiuis, nobis satis fuerit declarasse, alio nomine, & prius Episcopos Senatoriam in Polonia dignitatem adeptos esse; diuersò, & posterius, hoc idem munus secularibus communicatum fuisse. Itaque hi quotiescunque libidine & arbitrio Principum vel leges publicæ in discrimen venirent, vel vis priuatis fieret, vel iura patrimonij Reipub. conuellerentur, ne hiscere quidem ausi; Episcopi suâ vñ prerogatiuâ, quotiescunque opus erat, optimi semper & salutare erant Regum monitores, censores etiam acioresque correctores. Neque enim hi, ut seditionem mouerent, ut suam potentiam augerent, ut populi fauorem sibi conciliarent, ad obsistendum Principum & Regum cupiditatibus, prauisq; eorum actionibus studio, sed eorundem, quos monebant, Principum, & patriæ amore permouebantur, neque vel periculo vitæ, vel gratiæ Regiæ amittendæ metu, ab officio deterreri poterant; nam neque à Regum potestate eorū promotio dependebat, & quosuis honores vitæ sanctitate citra vllam ambitionem se consequi posse sciebant. Itaque quod olim Solon quærenti Pisistrato Tyranno; Quâ tandem spe fretus sibi tam audacter obsisteret? Senectute, respondit. Idem quiuis Episcopus usurpare potest, sibi libertatem Ordinis sui constare & constaturam freto status sui sanctitate. Hoc animo D. Stanislaus ad refrænandas Boleslai Audacis libidines accessit, nec calumniæ, quasi interuerso pretio fraude Piotrouiense prædium occupasset, cessit. Ita animatus Iacobus Znienensis, Archiepiscopus Gnesnensis, castra Vladislai, fratres Posnaniæ oppugnantis, aggressus est, eaque ominosâ tentorij Regij ruinâ prostravit. Gedeonis Episcopi Cracouiensis ille ad Miecislauum senem Apologus, ab eadem animi magnitudine originem sumpsit. Illa Episcoporum omnium sub Casimiro Magno in causâ Prusicâ publica obnunciatio & contradictio, hinc profecta. Et ne omnibus recensendis immorer, illa constantissima semper, & nulla gratiæ aut fauoris aura mutabilis Zbignei Olefnicij, nihil quod legibus libertatibusque Regni contrarium esset admittendi, eaque laudata obstinatio. Hic iunior ætate, maiorem, & cuius gratiâ creuerat, Vladislauum Jagellonem sæpè redarguit, iratum etiam, sed postremo correctum, & ita æquo animo paternas Episcopi admonitiones ferentem, ut moriens suos liberos illius potissimum tutelæ commiserit. Sed acrior illi cum Casimiro Rege concertatio fuit, longè is patre obstinatior, & magis in iram propensus, vitæ etiam Zbignei minas intentabat; sed ille paratus mori, non odio Principis, sed amore potiùs urgebat ius Regni. Diuina illa eius in Conuentu Cracouiensi pro Republicâ vox, illa sententia, quam Cracouiensis & Sendomiriensis Palatini, cæteris Senatoribus, ne Regem offenderent, tacentibus, comprobârunt, digna est, quæ omnium Annalium memoriæ ad exemplum magni & liberi Senatoris inferatur. Et Sigismundum Augustum (nam Sigismundi

128

Quales se in  
functione  
Reipub. olim  
præstabant  
Episcopi.

129

Vnde tanta  
Episcopis in  
Senatu di-  
cendi & Re-  
ges redar-  
guendi liber-  
tas:

Sancto Sta-  
nislao,

Iacobo Zni-  
nensi Archie-  
piscopo Gne-  
sensi,  
Gedeoni Epi-  
scopo Craco-  
uiensi,

Zbigneo O-  
lefnicio Car-  
dinali Episco-  
po Craco-  
uiensi,



- 130 *Stanislaus Carnouio Archiepiscopo Gnesnensi.* gismundi Primi imperium æquum pacatumque fuit ) vel impari & parum honesto cum Barbarâ Radiulâ matrimonio implicatum , vel deinceps minùs dignis Christiano Rege actionibus vitam traducentem ; qui priuatim & palàm redarguerent , non defuerunt Episcopi. Carnouius ipse , etsi eius gratiâ creuisset , sæpè acriùs cohortationibus priuatis , Regis illius aures fatigauit ; & fortasse aliquid effecisset , si cæteri quoque Senatores , quibus Regia gratia suo officio potior erat , pari studio in eam curam incubuissent. Expedit ipsis Regibus , tales habere Senatores , qui non assentatorio more , & sententiam dicant , & priuatim Principem instruant. Miserum esse Principem , apud quem vera silentur , dicebat Gordianus Imperator : expertus ipse & in Misitheo eum oburgante , fidem , & in Philippo blanditijs primò sese illi venditanti , perfidiam. Tot equidem sæculis quæ monumentis annalium nostrorum comprehensa sunt , etsi multi è sæculari statu , sui commodi causâ , nonnunquam ad rerum nouarum studia deflexerunt , Episcoporum actiones , & ipsæmet liberiores Regum obiurgationes salutem publicam , & tranquillum iustumque Principum imperium , supremam legem habebant ; nec scio , an ullus , Paulo Episcopo Cracouiensi excepto , motæ seditionis accusari possit. Nam Ioannes Muscata Episcopus Cracouiensis , quasi contra Vladislaum Loëticum Silesijs fauisset , fortè immeritas pœnas luit , quibus & Abbas Tinecensis innocens obnoxius factus , multis prædijs mulctatus est. Multa tam eximiæ magnitudinis animi specimina recensere possem , nisi hæc ipsa , quæ attuli , sufficere viderentur. Neque sola Respublica Polona consilij principes voluit esse Episcopos ; etiam omnes aliæ gentes olim præcipuam partem Reipublicæ & publicæ salutis , sacerdotali auctoritate niti voluerunt. Apud Ægyptios Rex idemque Sacerdos erat : Romanis exosum Regium nomen , Rex tamen sacrorum constituebatur. Si in optimè constitutis ciuitatibus , notæ virtutis emeriti ciues , sacras functiones obibant , iidem primas in Repub. partes tenebant . Christi Religione coruscante , quantum pij Christiani Imperatores Episcopis detulerint , quis nescit ? postremò labente Imperio Romano , in Germaniâ primi Principes Electores Episcopi , nunc etiam ita tuentur statum , vt nisi illi aliorum Principum ambitioni irent obuiam , totum mutuis discordijs distractum rueret Imperium. Neque Patria nostra , si rectè rationes expenderemus , parum debet statui Ecclesiastico : constat enim & retroactis sæculis , & paulò remotiori tempore , sæpiùs salutaribus Episcoporum consilijs fulcitam stabilitamque fuisse Rempublicam , leges optimas ab eis scriptas , libertates prærogatiuasque Equestris Ordinis studiosè propagatas. Enimuero non imus inficias , pleraque & meritò nunc in ordine nostro desiderari : pestiferis illis discordijs , quæ nascente Hæresi in Poloniâ radices egerunt , effectum esse non negauerim , vt & nos Ordini Equestri , & eius importunæ ac graues iuribus sacris flagitationes nobis suspectæ sint ;
- 131 *Miseri Principes apud quos vera silentur.*
- 132 *Alijs quoque nationibus vsitatum esse Sacerdotes publico consilio primos adhibere.*
- 133 *Aliqua iam in Ecclesiastico Senatu desiderari ostenditur.*
- ita



ita tot annis veteris amoris, & societatis ruptâ compage, toties sperata & tentata eorum, de quibus inter nos non conuenit, compositio coire non potest. In multis præterea non obscurum rerum nouarum studium efficit, vt nobis secus, quàm oporteat, vel deceat, affecti sint. Postulatur à nobis vt Regem, quòd nonnullorum cupiditates largitione suâ non expleat, quòd patrimonium Reipublicæ simul non effundat, beneficiaque sua non vxoribus tantum eorum, sed natis etiam natorumque natis non communicet, arguamus. Nam quæ iure ab eo postulari possunt, primi essemus, qui id vrgeremus; sed hæc non vi, non seditione extorquenda; agendum cum Principe, dignitate ipsius saluâ; non cogi, sed 134  
 rogari volunt magni viri. Ante aliquot annos, quantâ contentione actum Cum Principem quâ prudentiâ agendum.  
 est de Rege in ordinem redigendo, sinistris opinionibus onerata Principis existimatio, acti priuatâ auctoritate conuentus, concitatus populus, arma etiam penè intentata, dum illa, quam meministis apparatur inquisitio, cuius nullum alium fructum vidimus, nisi dedecus nostrum, & auctum populi in Principem odium. Quod his consilijs 135  
 Episcopi se immiscere noluerint, accusantur quasi Reipublicæ defuissent. Ego verò quoad vixero, puto & reliquos Ordinis nostri idem Vana de Senatu Ecclesiastico querela.  
 facturos, nunquam seditiosis factionibus me immiscebo: non is est modus saluandæ Reipub. nec ea necessitas, vt armatis cohortibus Comitium impleamus. Video ego à plerisque id agi, vt concitato ad Turbulentum quoddam genus hominum.  
 igna populo, ingens quædam flamma excitetur; placet quibusdam armatum consilium, quale olim Hungaris tumultuantibus simul & per-  
 euntibus in vsu fuit. Rokos, Hungaricum nomen est; quis autem ignorat gentem illam ad seditionem natam, eâ ipsâ supremum exitium sibi accelerauisse? Regna & imperia, quæ diuturnâ felicitate floruerunt, 136  
 dum pacatis vsa sunt consilijs, hætenus steterunt; simul ac obtentu libertatum & iurium seditiosi ciues populum concitare, & contra Imperia & Regna seditione perierunt.  
 Magistratus armare cœperunt, distractis mutuis viribus, summa rerum pessum ijt. Sic Romanum, sic Græcorum amplissima Imperia extincta sunt, sic nobilissimi Hungariæ Regni illum splendorem, illam amplitudinem, in cineribus & semirutis vestigijs concidisse videmus. Sigismundo Primo imperante, subita illa Castrensis ad Leopolim Equestris ordinis concitatio simul & cœpta & sedata, nescio cur hoc fatale Rokossi Rokossi.  
 nomen sortita est, alia forma, alia facies rerum nunc apparatur. Meditata cogitataque consilia in promptu sunt. Primarius quispiam, qui nunc multis nominibus fauorem populi sibi conciliat, & Regis gratiâ, quâ nunc affluit, perniciem eidem molitur, auctor tanti, quantum nunquam Polonia vidit, tumultus erit. Hic, fato functis ijs, qui eius conatibus obstant, specioso prætextu imponet populo, accitisque in societatem Hæreticis, armatus armatos coget Conuentus nouarum, earumque ex adytis quibusdam proferendarum rerum, spargetur fama, esse videlicet Quidam (heu infelix & infaustum hoc Quidam) sibi notum,



137 quod nisi ab omnibus sciatur, interitura sit Respub. Pelleſti hoc rumore current omnes boni maliſque, non ſecus ac ſi genti recutiſſe Meſſias natus renuntiaretur, multos metus denunciatarum nullo iure pœnarum, vel inuitos eò pertrahet; nam iſ libertatis aſſertor, hoc ipſo quòd armatus leges cæteris præſcribet, clauſtra libertatis primus perfringet. Quid Rex interim? totâ vario prætextu armatâ Poloniâ, ipſe quoque neceſſaria induet arma: in partibus eius ſtabit Senatus, Proceres omnes, & flos iuuentutis Polonæ miles, & exercitus, Duces, Arma vtrimque armis opponantur neceſſe eſt; quo euentu, exitus docebit. Hæc interim non ex extis, ſed ex Reipub. noſtræ conſtitutione diuinare licet, tot impenſis grauata & fatigata Rempublicam, vereor ne & ciuili reſperſam ſanguine, Regiâ clementiâ respiraturam: ſed vt corporibus periculoſo perfunctis morbo, nō magis ipſe morbus, quàm eius reliquiæ, nocumentum adferre ſolent, ſic miſta illa colluies quæ ſopitis domeſticis motibus ſupererit, erumpet, & nouum Patriæ diuturnum & periculoſum pariet bellum; cuius exitum, militariſque licentiâ fædè oppreſſam Patriam, vobis videre licebit, ego tantorum malorum inſpector eſſe nolim. Sed hæc rerum conuerſiones ſi euenerint, iam nunc animo proſpicio, quantum inde odij publici Ordini noſtro accreſcet. Episcopis errores omnes imputabuntur, ab eis geſtæ Reipublicæ rationes petentur; Senatus quoque proditionis publicarum libertatum accuſabitur: hinc leges pernicioſæ, quas vis extorquebit, ſument originem, graues ſtatui Eccleſiaſtico, graues Principi ipſi, & magnâ ex parte ſtatum Reipublicæ mutaturæ. Satis ſuperq; negotij erit Regi & Senatui, vt tantis malis aliquod leuamentum afferant, ne Rempublicam perire ſinant. Sed hæc fortæſſe feliciores habebunt exitus, nam & ego iuuenis pares à ſenibus accepi diuinationes, quæ ſi poſteâ magnâ ex parte acciderunt, à ſupremo tamen exitio diuinâ benignitate hæcenus defendimur.

138 *Senatoria Episcopi dignitas, in quo conſiſtat.* Sed Senatoria Episcopii functio in his potiſſimùm rebus conſiſtit. In eâ quæ illi ſorte eueniet Prouincia, non magis nomine, quàm re oſtendat, ſe eſſe in ijs Conuentibus, qui in eius Diœceſi continentur, conſilij Principem & moderatorem: pietate & eruditione (addo & liberalitate quantum facultates permiferint) præſtanti Episcopo nemo hanc palmâ inuidebit, omnes vt patrem venerabuntur, illique primas deferent partes; factiones nullas alat, diſcordes omni ſtudio ad inuicem conciliare conetur, pari & communi in omnes propendeat amore, actiones eius omnes, animi candore, & ſinceritate niteant, nemo ſubdolum quicquam de illo ſuſpicetur; neque porrò quiſquam ſuſpicabitur, ſi cunctis conſtabit, Episcopo non Principis gratiam, non populi fauorem, non ſuas ſpes, ſperataque incrementa, ſed ſolam eſſe curæ ſalutem publicam. Familiaritates & amicitias magnorum virorum, officijs ſtatum ſuum non decentibus parabit, eaſque fide ſincerâ tuebitur & conſeruabit, nec interdum amicorum cauſa laborem & iter ſuſcipere recuſet, eoſque ſibi demereri



mereri studeat. Conuentus particulares suæ Diœcesis obire non inter-  
mittat, & vni quidem, vbi commodum fuerit, eorum intersit, in alijs per  
amicos necessariosque suos sibi Rempubl. esse curæ declaret. Ad publica  
Regni Comitia veniat, in ijs liberè sententiam suam explicet, accommo-  
datam maximè ad præsentem Reipublicæ statum. Omnino aureum il-  
lud Ciceronis dictum, in animis cùm omnium Senatorum, tùm Episco-  
porum præcipuè semper hæere velim; Vt enim, inquit ille, gubernatori  
cursus secundus, medico salus, Imperatori victoria; sic moderatori Rei-  
publicæ, beata ciuium vita proposita est, vt opibus firma, copijs locuples,  
gloriâ ampla, virtute honesta sit. Huius enim operis maximi inter homi-  
nes, atque optimi, illum esse effectorem volo. Omnino, inquit idem alibi, 139  
qui Reipublicæ præfuturi sunt, duo Platonis præcepta teneant; vnum vt  
utilitatem ciuium sic tueantur, vt quidquid agunt ad eam referant, obli-  
commodorum suorum: alterum vt totum corpus Reipublicæ curent, ne  
dum partem aliquam tuentur, reliquas deferant: vt enim tutela, sic pro-  
curatio Reipublicæ ad utilitatem eorum, qui commissi sunt, non ad eorū  
quibus commissæ, gerenda est. Qui autem parti ciuium consulunt, par-  
tem negligunt, rem perniciosissimam in Rempublicam inducunt, sedi-  
tionem atque discordiam; ex quo euenit, vt alij populares, alij studiosi op-  
timum cuiusque videantur, pauci vniuersorum. Hæc ille. Imaginem mihi 140  
expressisse videtur status Reipub. nostræ, & præsentium temporum, in tot  
factiones diuiso Reipublicæ Polonæ corpore, in quâ videmus plerosque  
velle & populo placere & Regi, diuersarum factionum simulatores: hi  
& populares inflant lituos, & Principi, quasi omnia possint, ita se vendi-  
tant, vt nisi sibi suisque beneficia ab eo extorqueant, suos folles non quie-  
turos ostendant. Nunquam hæc arte vtetur Episcopus, nunquam eò se  
demittet, vt simulatione omnibus se accommodet, laudanda laudet, im-  
probanda improbet, amore non odio. Eum publicam salutem curan-  
tem, opinione integritatis, & Principi & populo commendatum, Reipu-  
blicæ item non rudem, sed sententiam suam rationibus & exemplis ex  
optimo quoque Rerumpublicarum statu & euentu petitis, confirmare  
scientem, & ante omnia sinceræ pietatis famâ conspicuum, omnes vene-  
rabuntur, seque & sua illi libenter permittent, illi vni fidem habebunt,  
eius consilijs priuatim & publicè acquiescent.

Sed ante omnia meminerit Episcopus se idcirco in Senatu principem 141  
locum tenere, vt iura Ecclesiæ tueatur. Hæc imprimis exactè illi nota  
sint, controuersiasque & lites omnes Ordini nostro ab Equestri motas  
perspectas habeat, sæpè illi hoc nomine certamen subeundum erit, sæpè  
pro aris sacris contendendum. In conuiujs, in confessibus, hæc potissi-  
mum pertractatur materia, quòd spirituales coëmptionibus hæreditatū,  
magnâ ex parte nobilitatem & Rempub. subsidio seruitij militaris frau-  
dauerint: quòd fiduciariorum suos, Scultetos dictos, à quibus olim seruitium  
militare præstari fuisse solitum falsò plerique credunt, ab hoc onere sub-  
traxerint:

*Optimi Se-  
natoris in  
Reipublica  
functione  
partes.*

*Episcoporum  
est imprimis  
iura Ecclesiæ  
tueri.*

*Contra ea  
qua passim  
Ecclesiasticis  
in Poloniâ  
obijci solent.*



142  
Legibus ini-  
quis contrai-  
re.

Pietate præ-  
stare.

143  
Totius tra-  
ctationis Epi-  
logus.

traxerint : quòd decimarum iura malè vsurpent : quòd iurisdictione & pœnis Ecclesiasticis nimium sæuiant : quòd possessionibus Ecclesiasticis maiorem partem Regni occupent. Hæc & alia falsò nobis imputata ab ignaris præsumptâ temeritate obijciuntur. Iam impiæ illæ leges , quas Hæretici, & eorum fautores semicatholici in Conuentibus, in Comitijis summâ contentione perferri vrgent, vt liceat cuius quiduis credere, vt impietas ipsa & blasphemia & blasphemi securitatem lege publicâ cautam habeant. Ad hæc iure & rationibus ex iure & sacris Scripturis, ex institutis Patriæ refellenda semper paratus esse debet Episcopus, neque vnquam illi committendum est, vt Dei & Ecclesiæ causam prodidisse videatur; etiamsi fortunarum & vitæ immineat periculum constanter decertet : certissimâ fretus spe, vel Dei auxilium sibi adfuturum, vel si certè occumbendum erit, honestissimum & sacerdoti optabilem exitum se habiturum. Ea quidem Regis nostri est pietas, vt eo viuente nihil adeò aduersum timere debeamus; & deinceps etiam, constet modò Episcopis sua pietas, facilè illi in Regno hoc Catholico sua & Ecclesiæ iura tenebunt.

Neque ego plura de hoc genere; ad vos nunc conuertor. Audistis ex me dictam penè vno impetu sententiam non diu meditatę rei; aliàs vberius & quasi per partes à me informabimini, quid vos agere oporteat, si, quod futurum reor, hac omnium maximâ & sanctissimâ dignitate aucti fueritis. Interea hæc sint mea ad vos paterna & domestica monita : ambo mei alumni estis, vtrique si non profuit, certè non obfuit mea institutio, & hic vitæ cursus, quem me decurrere videtis. Me auctore venistis iam in aliquam & Reipub. & Principis notitiam; sacris Ordinibus initiati, altari Domini dedicati estis; dum vixero, vobis ego Dux & Magister ero, ornabo, promouebo. Nec enim dubito vos vicissim adnifuros, vt ei quam de vobis concepi opinioni, & expectationi meæ respondeatis; me vitâ functo nabitis sine cortice, vobis ipsis enitendum contendendumque erit, & propriæ innitendum virtuti. Non deerunt qui vestris incrementis opponunt obicem, cursumque fortunarum vestrarum tardabunt : sic semper virtus non plano itinere, sed per ardua enititur, & vestra fors non tam improspera, quàm tarda futura est. Sed nec eo fine, vel Ecclesię, vel Principi nauanda est opera, vt opes & dignitates accrescant, meritorum hæc sunt additamenta quædam : illa vera solidaque præmia, quæ vitâ functos manent, illud decus, illa gloria, optimo cuique calcar addere debet ad præclaras actiones suscipiendas, ad vitam denique pro Ecclesiâ, pro Patriâ, pro Rege profundendam.

144

His verbis suum, vt meministi, ad nos biduò habitum sermonē Pstroconius noster conclusit. Mihi quidem tum non veniebat in mentem fore, vt aliquando hæc scripto comprehenderem, neque enim vt tum erāt & res, & spes nostræ, futurum aliquando putabam, vt eiusmodi monita nobis vsui esse possent. Vberius quidem & multò locupletioribus exemplis



plis instructam hanc materiam ille nobis proposuerat, quæ tot iam elapsis annis memoriâ meâ exciderunt; in tuo fortassis penu commodius referuata pleraque, quæ à Pstroconio dicta sunt suggeres, & his nostris accom-  
 modabis. Erit nonnemo, qui Pstroconium futura asseruisse mirabitur; 145  
 sed homini in Repub. versato, & status illius gnaro, non admodum diffi- *Quomodo futura præ-*  
 cilis esse poterat diuination & vaticinatio, ex coniecturis certis & manife- *dixisse intel-*  
 stis. Suum equidem fortunæ ac vitæ etiam decursum talem, qualis eue- *ligendus*  
 nit, euenturum sæpè nobis innuit, & supremo grauatus morbo, etiam si *Pstroconius.*  
 nec vis mali tantoperè vrgeret, & medici meliora sponderent, ipse sui exi-  
 tus certus, nullum alium admisit sermonem, nisi de morte, de supremis  
 suis. Nos qui aderamus, mirati migrantis è vitâ constantiam, lætum hila- *Mors eius,*  
 remque ipsius semper vultum contemplantur, illudque nobis Diui Hi- *quam etiam*  
 larii dictum veniebat in mentem; eos potissimum mortis metu concuti, *præsciuerat,*  
 qui, vt Sanctus hic ait, contuentes longam Dei patientiam, quæ in profe- *valde pia.*  
 ctum salutis humanæ extenditur, aduersus conseruos insolescunt, & sæ- *Comment.*  
 culi malis vitijque se tradunt, præsentium tantum curam in cultu *in Matth.*  
 ventris exercentes. Sed cum minimè putabunt Dominus adueniet, eosque *cap. 20.*  
 à bonis quæ sponderat diuidet, portionemque eorum cum hypocritis  
 in pœnæ æternitate constituet, quia aduentum desperauerint, quia man-  
 datis non obtemperauerint, quia præsentibus studuerint, quia vita gen-  
 tium vixerint, quia desperatione iudicij commissam sibi familiam, fame,  
 siti, cæde vexauerint. Non ita moritur iustus, qui, vt Sanctus Gregorius *Hom. 13. in*  
 ait, de suâ spe & operatione securus, pulsanti Domino confestim aperit, *Euang.*  
 quia lætus iudicem sustinet, & cum tempus propinquæ mortis aduene-  
 rit, de gloriâ retributionis hilarescit. Talis erat exitus Pstroconij nostri, vt  
 non morte tristicique illo dolore, qui ex dissociatione animæ à corpore na-  
 turaliter oriri solet, affici, sed rectâ ex hac lachrymarum valle in cælum,  
 æternum isthic victurus, migrare videretur. Aberas tu, Reipublicæ causâ  
 cum Senatoribus, quibus simul cum Pstroconio, auctoritate Comitio-  
 rum Regni, negotium Prussicum demandatum erat, in Prussiam profe-  
 ctus: sæpè ille de te locutus, te sæpè requisivit, te sibi deesse doluit: hoc  
 vnum nouissimâ in luce desiderauere oculi eius; paucioribus quàm oportu-  
 it lachrymis compositus est; ego adstiti morienti, supremumque eius  
 excepi halitum. Pstroconium quidem cum vitæ flore, tum opportunitate  
 mortis diuino cōsilio & ortum & extinctum esse arbitror; licet enim am-  
 plissimis perfunctus honoribus, Vice-cancellarij & Cancellarij Regni ge-  
 sto munere, in ipso aditu summæ dignitatis, florente statu Reipubl. ad 146  
 quam ciuili motu perturbatam, pacandam, plurimum consilij & aucto- *Opportuna*  
 ritatis ille attulerat, in ipsâ spe suscepti contra Moschos belli decessisset, *Pstroconij ex*  
 neque quod maximè optabat, Sigismundum Regem omnium sui tem- *hac vitâ mi-*  
 poris Regum Maximum, partâ de Moschis victoriâ, receptâ in pote- *gratio.*  
 statem gentis Vrbe Metropoli Moschouîâ, capto Smolensco, propaga-  
 tis finibus Regni, ad extremum Osmani Turcarum Imperatoris Europe  
 atque



atque Asiæ opibus & copijs Regnum Poloniæ inuadentis feliciter co-  
ercito impetu, gloriâ fulgentem & victorem, eiusdemque decoris so-  
cium & participem Vladislauum Principem Regium Regiæque indolis  
filium, domitorem Moschouiæ, terrorem barbarorum, Patriæ nostræ  
spem alteram conspicerere potuisset: idem tamen festinatae mortis gran-  
de habet solatium, quod tot, quæ aliquantò post secuta sunt mala non  
viderit. Non vidit Pstroconius tres exercitus conuersis signis ex hosti-  
co, fines Regni transgressos, ab eisque laceratam Patriam, & per sum-  
mum nefas, per ciues à ciuibus exactum tributum, bona Ecclesiæ æsti-  
mata, & inaudito grauata censu, non ardentem inuidia Senatum, non  
omnibus opibus coniuratione militari spoliata Rempublicam, & ra-  
pacissimi agminis circumlata sæpius per vniuersum Regnum infesta sig-  
na. Non vidit Ducibus & præcipuis quibusque è primâ Regni Nobilita-  
te in Valachiâ cæsis, aut captis, amisso exercitu extremâ spe pendentem  
publicam salutem; non denique sacrum Optimi Regis caput à motæ  
mentis sicario parricidiali petitem ictu. Sed Pstroconij ortum, vitam &  
exitum nos peculiari complexi sumus opere. Hunc de functione Episco-  
pali habitum ab illo sermonem Tibi vni, optime frater, dicamus, Tu  
leges, expendesque, & cum Tuis actionibus conferes. Liberè ego illius  
dicta executus sum, nam & illi, quos hæc offendere possent, iam pridem  
vitâ functi sunt, & si quis eorum, qui superstites sunt, se notari falsò  
suspicatus fuerit, is non in se iactum rodet lapidem. Et Pstroconius, quem  
& ego, vt nosti, in opere secutus sum, in commemorandis virtutibus  
vniuscuiusque non siluit nomen: vbi vitij alicuius mentio facienda erat,  
hoc sine auctoris honoris detrimento carpebat: ita & sua laus constitit  
probis, & qui secus merentur, innoxia censura, sui admonentur officij.

147  
Operis dedi-  
catio.



VITÆ ET SERIES  
EPISCOPORVM PLOCENSIVM,

*Cum vitâ Auctoris conscriptâ ab Andreâ Trzebicki Scholastico  
Plocensi, qui sequentem dedicationem priori editioni præfixerat.*

Serenissimo Poloniae Sueciæque Principi, & Reuerendissimo  
Domino D. CAROLO FERDINANDO,  
Dei Gratiâ Episcopo Plocensi, & Vratisslaviensi,

Andreas Trzebicki Scholasticus Plocensis, Regius Se-  
cretarius, Felicitatem.



**I**N EST omnino, Princeps Serenissime, cunctis  
humanis rebus, velut orbis quidam, ut quemad-  
modum temporum vices, ita morum actionumque  
mortalium vertantur: sæculisque & personis inter-  
euntibus, causæ & euentus iidem recurrant. Lucu-  
lendum eius rei documentum, Vitas Plocensium  
Antistitum Tibi affero. Has olim in lucem & oculos hominum Ioan-  
nes Longinus protulerat: sed iterum obliuionis nox tenebris offudit,  
pressitque amplius, quam vnius & dimidij sæculi spatium, donec Stani-  
slauum Lubienium Plocensi Ecclesiæ Præsidentem fata darent: quo aucto-  
re rursus in lucem quasi postliminio fatis renocantur, tanquam re-  
rum humanarum orbe se circumagente, iterum fors ut in publicum  
prodeant, rediret. Caterum uti magnam illius temporis imaginem in  
his annis video, cum ad Plocensis Ecclesiæ utrobique regimen, & am-  
bos scriptores reflecto oculos: ita longè fato functorum Præsulum præ-  
clariorem sortem fateor, cum nunc & scriptorem, Episcopalis atque  
Senatoriæ dignitatis prerogatiuâ illo clariorem, & in Plocensi Cathe-  
drâ, pro Casimiro Masouia Duce, Carolum Ferdinandum, Sigis-  
mundi Tertij Poloniae & Sueciæ Regis Filium, Vladislai Quarti fra-  
trem, tot Caesarum, tot Regum sanguinem nanciscuntur. Te inquam,  
Princeps Serenissime, qui tot decora Ecclesiæ nostræ, quot sceptris or-  
bis Christianus regitur, ac omnium eximium Te ipsum intulisti: in-  
natâ benignitate, prudentiâ, gravitate, modestiâ, & hoc sæculo ra-  
rissimâ verè aurei generis particulâ, simplici & sine fæco lenocinijsque  
pietate



pietate conspicuum, venturisque saculis & posteris inuidendum. Sed illis in lucro, & acceptis à præsentis ævo beneficijs, satis fuerit numerare, quòd Te tot virtutum perenne habebunt exemplum: utinam modò illis sit tam facile imitari, quàm Tibi pia, præclara, memoranda facere. Illud fortè unum ad exprimendam perfectiùs Longini facti speciem desiderari videtur, ut quemadmodum ille Casimiro Masouia Duci; ita Tibi Stanislaus Lubienius, de manu in manum, hoc in Antecessores suos pietatis Mnemosynon traderet: sed relege paulisper Optime Princeps, Stanislaus Lubienij, in Domum Tuam Regiam, Teq; præsertim obseruantia vestigia, aduerteres, Tuum id quod ego afferò pridem esse, neque nouo mancupio tradendum. Tibi enim ille, quidquid pro Episcopatu Plocensi fecit, dixit, scripsit, addixit, cum prudenti consilio. Te sibi Successorem destinauit, ut post fata etiam diutiùs in Te, de charissimâ sibi sponsâ mereretur. Ego mihi id solum assumpsi, ut Mæcenatis olim mei lucubrationes Tibi debitas, nominis Tui præscriptione, velut nouo nexu Tuas efficerem. Itaque admitte benignus, maiorum Tuorum monumenta, quorum magna pars decusq; serus olim legeris.



PROOE.



## P R O O E M I V M

## A V C T O R I S.



**F**UNDAMENTA Christianæ religionis in Poloniâ, siue tu eam Vandaliam, aut Gothiam, quo titulo Regni, primi Reges Poloniæ, vsque ad Boleslaum Audacem vsi sunt, dicere malueris; siue vniuersum Septemtrionem Rheno & Tanai magnis Europæ fluminibus circumfusum, sub magnæ Sarmatiæ nomine comprehendendum censueris, siue denique totum hunc tractum, Scythiam Europæam, quam veteres Historici longè latius, quàm omnes alias regiones patere scripserunt, existimaueris; non primum, vt plerique opinantur, sub Miescone Duce, è Piastorū familiâ exordium habuerunt. Nam si ad antiquiora tempora rem referamus, Sanctus Andreas Apostolus, Scythiam Europæam, cuius appellatione vniuersum Septemtrionem, omnesque Septemtrionales nationes contineri, aliàs à nobis docendum crit, primus ex Achaiâ Istro transmissio ingressus, reuelatæ à Christo Saluatore nostro veritatis lumen, in has regiones intulit, Christianumque nomen in Sarmatiâ Europæâ, circa annum à Christo nato centesimum nonagesimum quintum viguisse, auctor est Tertullianus libro aduersus Iudeos, & Pagninus eius interpres, vt meritò gloriari possimus, religionis nostræ auctorem nos habere, maximi nominis Apostolum, inter Christi discipulos, si vocatio spectetur, primum germanum Petri, & passionis mortisque æmulum. Sed & in ipsâ missi cœlitus Spiritus S. solennitate, disertè testatur S. Lucas, adfuisse Ponti accolas; & Princeps Senatus Apostolici Petrus, inter ceteras nationes, quas suâ epistolâ alloquitur, Ponti aduenas commemorat. Denique, vt alia taceamus, Plinius secundus in epistolâ ad Traianum Imperatorem scriptâ, Bithyniam & Pontum Prouincias, quibus tum ille præerat, plenas esse Christianis hominibus testatur. Nec deinceps per annos ferè à Christo nato octingentos deerant viri pij, qui partim ex Græciâ, partim ex Italiâ & Galliâ, ac ipsamet Angliâ progressi, fouerent sementem Euangelij in agro Sarmatico, suæque prædicatione Poloniam, Russiam magnam, Bohemiam, Daniam, Suediam, Saxoniam, Pomeraniam, Vandaliam, præceptis & mysterijs Euangelicis imbuerent, maximè posteaquàm Gregorius Magnus, primus eius nominis Pontifex Maximus, fœlicibus auspicijs, missis in Angliam doctrinæ Euangelicæ sanctissimis Magistris, Anglos veterum Saxonum (quos Sarmatiæ partem fuisse nemo dubitauerit) prolem, ad obsequium Romanæ fidei reduxit: tantis enim mox ille Anglicus fidei ager, sanctitatis & religionis effloruit incrementis, vt inde orti viri planè Apostolici, memores vnde aui eorum prodierant, totam veterem Saxoniam, Boiariam, & quidquid inter Rhenum & mare Balthicum, quidquid nunc sceptris Polonicis continetur, prædicando & docendo perua-



gati, feliciter Arctoïum Orbem fidei rudimentis imbuerunt. Non quidem eo euentu, ut simul tota regna sub iugum pietatis miserint, sed magnâ ex parte homines sedentes in tenebris, Sole veritatis illustrarint. Nec à temporibus Apostolorum defuisse putandum est, viros zelo Euangelico accensos, qui ipsa penetralia Vandalia (ita appellata est ea pars Sarmatiae, quam nobilissimus fluuius Vandalus mediam secat, quæ nunc Polonia dicitur) penetrarint, quorum etsi labor non infructuosus fuit, memoria tamen obscurior, & nisi soli Deo nota nomina. Ad annum vsque nongentesimum sexagesimum quintum, nullus erat, qui publico nomine religionem Christianam palàm profiteretur, non quòd ea res Principum edictis vetaretur, sed quòd nullus esset, qui statum religionis ad normam Ecclesiæ Catholicæ formaret, Regibus ipsis nondum Sacramentis cœlestibus imbutis. Quanquàm quis vetat suspicari Piastrum agri Crusuiciensis colonum, ob piam liberalitatem ex humili genere ad summum Principatus fastigium euectum, aliquid ex veritatis Euangelicæ lumine hausisse? Abauus is fuit Miecislai, qui à Christianis subditis suis (qui iam tum frequentes etiam ex primoribus fidem Christianam colebant) ut daninato cultu falsorum Deorum, Christianus & ipse fieret, ac vxorem Christianam Dambroucam Boleslai Bohemiæ Regis siue Ducis filiam duceret, persuasus, primus se Christianum Principem esse palàm professus est. De Piastrum quidem memorant Scriptores, illum dum hospitalitatem coleret, Sanctos Ioannem & Paulum Romanos Martyres, sub Iuliano Apostata olim martyrio coronatos, hospitio excepisse, & penu eius illorum beneficio ita auctum fuisse, ut pauper rusticus eo interregno, quod mortem Popielli Tyranni & parricidæ Principis consecutum est, vniuersum Procerum Polonorum, qui ad eligendum nouum Principem conuenerant, cœtum conuiuio exceperit, & ob eam causam suadentibus iisdem Sanctis, Rex renunciatus fuerit. Quis enim non meritò in eam veniat suspicionem, Sanctos illos vitâ iam functos, siue etiam ij Angeli fuerint, ut aliqui existimant, non nisi viro, verâ pietate imbuto, apparere, eumque pietate cœlesti imbuiere voluisse? Miecislai igitur simul atque sacro baptismo tinctus est, admonitus ab alijs Christianis, religionem eam quam susceperat, non nisi ex præscripto Summi Pontificis, IESV Christi Vicarij, ac Diui Petri Principis Apostolorum in Romanâ Cathedrâ Successoris, coli & fructuosè exerceri posse; Legatos suos misit ad Romanum Pontificem, qui suo nomine illi referrent, se & Christianum Principem esse, & cum vniuerso Regno suo in potestate Summi Ecclesiæ præsidis deinceps fore profiterentur, atque Episcopos Orthodoxæ religionis Magistros, ab Vrbe religionis & pietatis magistrâ, sibi submitti peterent. Præerat eo tempore Sedi Romanæ Ioannes Decimus Tertius, hoc ipso anno, posteaquàm Benedictus Quintus se Pontificatu abdicauit,



dicauit, vel potius ab Imperatore captus, & in Saxoniam (ubi exul mortuus etiam miraculis claret) abductus est, Ioannesque Duodecimus fatis concessit, Pontifex renunciatus; Imperatoris Ottonis Primi numerabatur annus quartus, Nicephori Phocæ Imperatoris Orientis annus tertius, cum hæc Polonica Miecislai siue Miesconis Legatio in Vrbe comparuit. Dicere ille tum potuit, veluti religionis Christianæ propagandæ minùs curiosus, illud Isaïæ Prophetæ: Dices in corde tuo; quis mihi genuit istos? Ego sterilis & non pariens transmigratus & captiuus, & istos quis enutriuit? Ego destitutus & solus, & isti ubi erant? Quamobrem eâ legatione lætus Pontifex Romanus, Ægidium Tusculanum Episcopum, ad confirmandum Principem & Proceres Regni, & statum Ecclesiæ Polonicæ formandum, Sedesque & Cathedras Archiepiscopales & Episcopales erigendas, Legatum expediuit, instructum non solum ijs monitis & præceptis, quæ tanta res poscebat; verum etiam additis, ad obeundum tantum munus, idoneis viris doctis & pijs, qui nascentem in Poloniâ Ecclesiam auctoritate Episcopali, distributis per Ægidium Prouincijs, & Diocæsesibus regerent, & gubernarent. Diuidit hanc Legationem Annalium Ecclesiasticorum Illustrissimus Scriptor Cæsar Baronius Cardinalis, existimatque Ægidium quidem Episcopum Tusculanum in Poloniam fuisse missum, socios verò futuri illius laboris, ad nescio quos Vandalios, quorum Princeps Miesco esset, ablegatos fuisse; nam posteaquam de legatione in Poloniam missâ mentionem fecit, hæc addit. De aliâ legatione per eundem Pontificem in Vandaliam missâ, hæc apud Stanislaum Orichouium Roxolanum: Admonitu piorum (verba sunt Orichouij Poloni & de suis Polonis scribentis) viroꝝ quorundam, Miescone Monarchâ (is fuit primus in Poloniâ, quæ tunc Vandalia dicebatur Christianus Princeps) cum audiuissemus esse Ciuitatem quandam Dei, cuius Antistes esset Romanus Petrus, penes quem auctoritas esset summa, ex seruitute Diaboli in libertatem Christi homines vendicandi, ab hoc ipso Ciuitatis Antistite, Miescone Monarchâ auctore, opem aduersus diaboli vim implorauimus. Itaque Ioannes Decimus tertius, Vicarius IESU Christi, Simonis autem Petri successor, exoratus à Monarchâ, Senatu ac populo, doctissimos viros Italos, videlicet Vuillibaldum, Prochorium, Iordanum, Gotfridum, Lucidum, Angelotum, Octauianũ, Iulinum ad nos Vandalos ac Lechitas doctum misit. Qui & Miesconem Monarcham, & genus nostrum illi subiectum, sacri baptismatis vndis ab originali culpâ abluerent, & ex Ciuitate diaboli ablutos ac mundatos in Ciuitatem Dei transferrent, in Christi Ecclesiam dicarent, quod etiam est factum. Nam illi viri Sanctissimi, Vandaliam (siue tu malis Poloniam dici) ingressi, prædicabant nobis Christum, & gratiam eius, quâ hos in communionem suorum Deus conuocauerat celebrabant, homines turmatim ad flumina confluentes, baptizabant, Idola ex Vandalia exterminabant.

Nomina  
primorum  
Antistitum  
Polonie ad  
propagandam  
fidem Christi-  
anæ per  
Romanum  
Pontificem  
missorum.



Addit Baronius. Quomodo autem sit cooperatus Otto Imperator, ad confirmationem Ecclesiæ Vandalorum, inferiùs suo loco dicturi sumus. Diuersam hanc fuisse legationem ab eâ, quæ in Poloniam missa est, diuersitas planè Legatorum ostendit, & alia plura. Quod audis Vandalos nomine Slauorum esse comprehensos, scias in plures amplissimasque Prouincias Slauoniam esse partitam, & inter alias Vandaliâ esse comprehensam, omnes verò ad fidem Christi conuersas esse quæ de ijsdem Prouincijs dicturi sumus inferiùs declarabunt. Hactenùs Baronius.

Non est meum cum tanto viro, quem orbis Catholicus, summum veritatis defensorem & assertorem veneratur, descendere in certamen alicuius disceptationis, sed cum veritas se ipsa manifestè prodatur, non erit incongruum, concessuro haud dubio, si viueret, ipsomet Baronio, ad eam tuendam aliquid adferre. Ex Sanderò libro de visibili Monarchiâ n. 695. hæc Baronius exscripsisse videtur; ille verò ex Stanislao Orichouio Roxolano, historiam quandam recensente, Orichouium quidem appellatione Roxolanum, Polonum tamen fuisse & Roxolanos inter Lechitâs referri, quo nomine quæ olim fuit Vandaliâ, Polonia censebatur, quis in dubium vocauerit? cum id ipsum Orichouius à Baronio citatus fateatur, seque Lechitam & Polonum esse scriptis prodatur. Hic legationem eam missam esse ad Miesconem Monarcham (is ille fuit Miecisslaus, blandiori nomine Miesco dictus, primus in Poloniâ Christianus Princeps) disertè scribit, idem cum ab Vrbe submissos religionis in Vandaliâ (quam idem ipse Poloniam, vt vidisti Lector, appellat) propagandæ causâ, à Ioanne Pontifice enumerat, primorum Archiepiscopi & Episcoporum in Poloniâ nomina recenset, ac inter alios Villibaldum, qui primus fuit Archiepiscopus Gnesnensis, Prochorium primum Archiepiscopum Cracouiensem, Lucidum primum Vladislauensem, & vt de reliquis, qui in Catalogo ablegatorum huc in Poloniam suprâ recensentur taceamus, Angelotum qui Cathedram Episcopatus Plocensis fundauit, primusque Plocensis Episcopus fuit; reliquos item prout sua cuique obtigit Cathedra, Episcopos in Poloniâ fuisse (nam octo Episcopatus ad numerum eorum qui ab Vrbe venerant, tum in Vandaliâ siue Poloniâ fundati fuerunt) ab alijs Scriptoribus relatos facilè qui voluerit, reperiet. Vandalos itaque esse Polonos, & hanc Ægidij Romani, Episcopi Tusculani Cardinalis vnâ cum recensitis socijs, primis in Poloniâ Episcopis, legationem ad Polonos (siue Vandalos malis dicere) fuisse, ex ipsis Romani Archiuij monumentis satis probatur. Nec eo anno vllum alium fuisse Miesconem, qui in aliâ Vandaliâ quàm in Poloniâ regnaret ostendi ac probari potest, & Vandalos à fluuio Vandalo, qui ex montibus Carpatijs Vngariam à Polonis dirimentibus ortus, mediam secatur Poloniam, dictos fuisse manifestum est. Scimus quidem antiquioribus temporibus latiùs patuisse Vandalorum imperium, priusquàm patrijs sedibus exuti, ad occupandum imperium Romanum ingenti facto agmine, præter



ter complura Europæ regna, Africam etiam ipsam armis occupassent; multa illorum præclara facta leguntur ab Historicis illorum temporum scripta. Eisdem non diuersos fuisse à Lechitis siue Polono-Vandalis, eiusdem linguæ commercium luculentissimum est argumentum; quidquid modo Bohemiâ, Moraviâ, Boiariâ, nunc Bauaria dicta, Saxoniâ, quidquid Brandeburgicâ ditione, Pomeraniâ cum adiunctis Prouincijs, Lusatia, Silesiâ, quidquid denique Moschouitico, Ruthenico, & amplissimo Poloniæ Regno, ac ipsis etiam Daniæ & Sueciæ Coronis continetur, Vandalorum sedes & patria fuit, prout id sermo ipse & lingua, cuius etiam in ijs regionibus, quas Germani, vel Nemetes potius, postea occuparunt, non obscura extant vestigia, abundè testantur. Et ne hæc ex nostro sensu dicere videamur; libet hîc inferere ea quæ doctissimus Martinus Cromerus Episcopus Varmienfis, libro secundo historiæ suæ de successoribus & liberis Lesci tertij Monarchæ Poloniæ siue Vandalia, memoriæ prodidit.

Suscepit autem Lescus hic liberos mares, ex legitimâ quidem vxore Popielum, è Concubinâ verò Boleslaum, Casimirum, Vladislaum, Vratyslaum, Otam, Baruinum siue Barminum, Pribislaum, Præmislaum, Iaxam, Semianum, Zemouitum, Zemomissum, Bogdalum, Spicigneum, Spicimirum, Zbigneum, Sobeslaum, Wissimirum, Cessimirum, & Vislaum. Ex his Popielum in spem Principatus liberaliter educatum, successorem sibi viuens designauit, cæteris sacramento vt Popielo pareant adaectis, occidentalem & maritimam oram omnem inter Albim & Habelam fluuios, quemadmodum Dlugossus prodidit, ad Oceanum & Germaniam spectantem inter eos partitus est. Et Boleslao quidem natu maximo, Baruino siue Barmino atque Bogdalo Pomerania, quasi tu maritimam dicas, obtigit: Casimiro & Vladislao Cassubia: Iaxæ & Semiano Serbia siue Sorabia: Vratyslao Rama siue Rugia, vt vult Vapouius: Pribislaum, Cessimiro & Otæ Ditiuonia, quæ nunc à nostris Lusatia, ab alijs Lusitia dicitur: Præmislaum, Zemouito, & Zemomisso ea quæ nunc Marchia Brandeburgensis à Metropoli Brandeburgo, quæ à nostris Sgorelecia vocata fuit. Reliquis reliqua eius oræ, in quibus Vislaus Mezibozum arcem, quam nunc Meideburgum siue Magdeburgum vocant: Sobeslaus Dale, quod Dalenburgum, Wissimirus in littore Oceani Wissimiriensis quæ antiquum nomen in Vismariam à Teutonibus deflexum retinet, condiderunt. Alias prætereâ complures arces & oppida Duces posterique eorum ædificarunt, & vernaculis suis linguis appellarunt, de quibus sunt Brema, vt vult Dlugossus, in confinio Frisiorum & Vestualorum; Luna quam Germani Luneburgum vocant à resplendentiâ; Bucouicia quæ à Germanis Lubeca vocatur; apud Slavos verò accolæ antiquum nomen etiam num retinet, tametsi Lubecæ quoque nomen Slauicam Etymologiam redolet; Bachiborum, Zuerinum, Lubouia siue Lucouia, Germani Mechelburgum à Michelo con-

Polonorum  
imperium  
olim latè pa-  
rens.



ditore, eiusque oræ Duces Mechelburgenses, nonnulli Magnopolenses ineptè composito vocabulo dicunt. Item Rostocum, Verla, Suawouum, Ostrouum, Cessium, Marlouum, Polclum, Trebessouum, Vologosum, Ciasni, Volinessum; addit Crantzius Vinetam & Iulinum, quæ omnes fuerunt Polonorum coloniae. Et subactæ quidem atque possessæ sunt regiones illæ posteriori tempore à Francis, Saxonibus, Turingis, Frisijs, Vestualis & Hollandis, Teutonum populis, siue per ignauiam posterorum Principum Poloniae, siue per conniuentiam, cum Duces earum Lesci huius nepotes, ab imperio Principum Poloniae, quemadmodum dicemus inferius, descuiissent. hucusque Cromerus. Et hæc quidem de Successoribus Lesci, qui solus tam latè regnavit, cum interim in alijs Vandaliae partibus à nobis commemoratis, alij imperium exercerent. Vandalis migratio ad remota regna exitio fuit. namque quidquid erat roboris, & omni iuuentute domo abducta, propè vacuas sedes inuitati vicini populi facile occuparunt, & Vandalicum nomen, quantum in illis fuit, extinguere conati sunt: primò quidem religionis Christianae propagandæ prætextu, deinceps verò imperij dilatandi ambitione; soli ex Lechitis siue Vandalis Poloni, omnes omnium hostium conatus, innatâ quadam animi magnitudine, & libertatis auitæ conseruandæ amore, armis coercuerunt, frustra, vt olim à Romanis Imperatoribus, vigente eorum in Germaniâ potentiâ, & à Turcis etiam, quorum opes & potentia vniuerso orbi & fuit, & est formidabilis, appetiti, illibatam hætenus conseruant libertatem, nullius imperio, nisi quem ipsi liberis suffragijs Regem dixerint obnoxij: & in hoc Septemtrione Catholicae Orthodoxae religionis fortes & constantes defensores, atque conseruatores. Sed nos iam tandem ad id quod proposuimus, nempe ad recensendos Episcopos, qui Sedem Plocensem, cui nos ad præsens indigni præsidemus, à tempore susceptæ in Poloniâ religionis tenuerunt, accedamus. Sequemur autem hac in parte Ioannem Dlugossum siue Longinum Historicum, eorum qui res Sarmaticas explicarunt facile principem. Ita autem illum nobis sequendum proponimus, vt cum is in supputatione temporum frequenter, vel memoriâ lapsus, aut certè parum in Scriptoribus Ecclesiasticis versatus videri possit, nos ad meliores calculos rem totam reuocandam suscipiamus. Vixit Dlugossus ante annos centum & septuaginta, vitasque Episcoporum Plocensium à se conscriptas, Casimiro Episcopo Plocensi & Mazouiae Duci dicauit: quam præfationem vt nos quoque hîc insereremus, Viri tanti memoria, id à nobis exigere videbatur. Agnoscat Lector stylum illius temporis, qui plus veritatis continet quàm elegantiae. Sic igitur ille suam orditur Historiam:

Polonorum  
libertas, &  
magnanimitas.

*Reuerendo in Christo Patri D. Casimiro Dei gratiâ Episcopo Plocensi, & Mazouiae Duci, Domino meo Colendissimo, Ioannes Longini*



gini Canonic. Crac. salute aternâ in Christo, qui omnium vera est sa-  
lus, feliciter potiri. Non minimâ inter Cathedrales Polonia Ecclesias,  
Reuerendissime in Christo Pater, sed raram & insignem, ut est, cui  
Diuino munere nunc praesides, Plocensem reputans Ecclesiam, Ponti-  
ficum eius Epigrammata sub obscuro hactenus latetia, & paucissimis  
nota, proferre in lucem, iuxta ac caterarum Gnesnensis Prouincia  
Ecclesiarum disposui; ut illius quoque decus, etiam hoc meo quali-  
cunque officio enitescat: claris etenim & excellentibus fulsit quando-  
que Praesulibus, maioribus aliquantò & praestantioribus, quàm qui  
debeant oculi & sub obscuritate recondi, & qui legis Diuinae & ra-  
tionis, quemadmodum & te facere conuenit, regebantur praescripto.  
Quorum nomina perpetuâ caligine, ob defectum Scriptorum obruta,  
etiam nec post cineres video resurrexisse, clarorum facinorum suorum  
ac virtutum fructu caritura, nisi scripturae beneficio de tam iniquâ  
sorte fuerint vindicata. Verum et si is neglectus in transactis tempori-  
bus, quibus neque tot libri, neque tot litera, neque tam feracia gymna-  
sia, neque tam splendor doctrinarum lumen Regno Polonia obue-  
nerat, tolerabilior veniabiliorq; videretur, at certe impresentiarum,  
postquam in Vrbe Cracouiensi studium generale resplenduit, post-  
quam pluribus Regni Poloniae filiis, & his praesertim, qui ad oram  
Plociae, siue Mazouiticam, cuius fertur Scorpio Dominus & guber-  
nator, nascuntur; rara & singularia Scorpione adiuvante contige-  
runt ingenia, scdum & iniquum parumq; officiosum reor, ut moder-  
norum iuxta ac priscorum illustrium heroum, & praesertim Pontifi-  
cum animas, humanas simul & corpora ..... excolentium actiones,  
vita, & quaeque insignia munera litera, non debeant simplici stylo &  
ieiuno, & qualemcunque siue à naturâ, siue ab eruditione sortiti sunt  
extolli, & scripturis ad perennitatem consequendam mandari, cum is  
labor eaq; exercitatio omnibus in commune pateat, & singulis sit ex  
equo permessa, nocitura nemini, profutura vniuersis. Nascentis au-  
tem Plocensis Ecclesiae, ut sese habet omnium rerum sors, natura, &  
conditio, primitia et si fuerint ab exordio humiles, & ipsa Ecclesia, in  
Arce quidem locata, sed ex facile corruptibili lignorum materiâ fabre-  
facta, processu tandem temporum, & dierum, per gratiam Altissimi,  
largitione & prouisione Regni Ducum, Regum, Pontificum, Prin-  
cipum, Heroum, caterorumq; fidelium, breui coaluerunt, tantaq;  
sumpserunt in capite & membris incrementa, ut Plocensis Ecclesiae  
status, decor, fabrica, & conditio, aliarum Cathedralium Ecclesia-  
rum

Praefatio Io-  
annis Longi-  
ni ad Casti-  
mirum Epif-  
copum Plo-  
censem super  
vitas Episcop.  
Plocensium.

Acad. Crac.  
plurimum  
splendoris  
Regno Polonia  
attulit.

Mazouia  
Scorpioni  
subiecta.



Ecclesia Ca-  
thedralis  
Plocensis sta-  
tus & am-  
plitudo.

Quilibet Ar-  
chiepiscopus  
Gnesnensis est  
Canonicus  
natus Plocen-  
sis.

Adhortatio  
Auctoris ad  
Casimirum  
Episcopum  
Plocensem.

rum in Regno Polonia consistentium, sit amplitudinem supergressa. Quamvis autem priscorum negligentia, & parum vigilans cura, primorum Pontificum Plocensium, & nomina, & genus, & prosapiam obtenebrauerat, & merita, utcumq; tamen potero confisus in presidio Altissimi, studio altiori genus unicuique coaptare curabo, mores, ingressum, excessum, & sortem, ut & probitas posterorum, & nobis succedenti ñ, habeat quod sequatur, & quo se exerceat exemplum; & improbitas habeat terrorem, ut à suâ peruersitate resipiscat. Quod ut facilius proueniat, ab Angeloto primo Plocensis Ecclesie & talis nominis Pontifice, sumemus exordium, usque ad Tuæ pietatis nomen peruenturi. Prius tamen licebit mihi præfari Plocensem Ecclesiam, eâ excellentiâ (quod nemini ex omnibus sub Prouinciâ Gnesnensi consistentibus contigit) præditam esse, ut quilibet Gnesnensis Archiepiscopus, Canoniam & Præbendam in eâ habeat, & fructus ex illâ percipiens cum quotidianis refectionibus, quâdo præsens est Stalo in Choro, & voce utatur in Capitulo, in quolibet Capitulari actu, & in Episcopi Plocensis electione, unde & Ecclesiam ipsam in diuinare, & pro vice suâ per se aut alium administret. Opus autem hoc prius aliquot dierum lucubratione à me contextum, Tuæ Paternitati dedico, obtestans illam, ut singula legens, amuletur meliora, secuturus Apostolos merito, quos sequeris dignitate; atque id summo studio enitere, & contende, ut vitæ Apostolicæ sanctimoniam, obseruantiam, confirmationem, atque formam imiteris, conscensurus expleto cursu stadij, cum duodecim Orbem iudicaturis, supremum solium; & cum Paulo ultimo quidem in numero, sed primo in merito, pro virtuosissimis operibus tuis cælestem municipatum. Habes autem Pater Reuerende necessitatem indictam primam & præcipuam, optima quæque & sectandi & agendi, quatenus omnes actiones Tuæ ad formam legis Diuinæ, tam Mosaicæ quàm Euangelicæ uno eodemq; tempore percussæ effigiatæq; sint, cum vniuersa agas ante oculos tremendi Iudicis, singula & videntis & rimantis; habes & alteram necessitatem: etsi non aequè ut primam, duram, stimulosam tamen & cauteriatam. Singula enim & dicta & facta, siue bona egeris, siue quod auferat Deus, mala, in hominum post cineres Tuos versabuntur ore, & forsitan etiam à me, si fato non abrumpar, vel ab alijs superstitionibus, iuxta atque in speculo depingentur, cum perenni laude Tuâ, si clara, cum perpetuâ ignominia, si deformia apud posteros versatura. Habes & tertiam probitatis necessitatem, ut ex illustri Regum & Prin-

cipum



cipum Polonia sanguine satus, ad id unum omnes Tuas curas, vigilias, & studia intendas, ut Te clarissimo generi conformans, excellentiam de Te exhibeas virtuosorum operum, qui gloriaris Te natum esse magnificâ & celeberrimâ prosapiâ Regum & Principum Polonorum. Data Cracovia, Primâ Ianuarij Anno Domini 1478. Hæc Dlugossus.

Nos eius prementes vestigia, nostrum prosequimur cursum, & ab Angeloto Plocensis Ecclesiæ regimen auspicamur.

*Angelotus I. Episcopus Plocensis.*

**P**osteaquàm Aegidius Episcopus Tusculanus, Cardinalis, Ioannis Decimi Tertij Summi Pontificis, cum supremâ potestate, ad formandum statum Ecclesiæ Polonicæ siue Vandalicæ Legatus, vniuersam amplissimi imperij Polonici, siue Vandalici, ditionem & Prouinciam, animo & oculis complexus, in latè patentes Dioceces partitus esset, eas inter non tam legationis socios, quàm ad gerendos in Vandaliâ, siue Poloniâ novos Episcopatus missos distribuit. Ex ijs Cathedra & Ecclesia Episcopalis Plocensis, Angeloto Romano, boni nominis & ominis, pio & erudito viro sorte obtigit. Nobilis is fuit, è stirpe antiquâ Romanâ nobilitatis genus ducens, eruditus in primis & pius, eas secum virtutes huc intulit, quæ potissimum religionis studium, in pectoribus eorum quos Christianis imbuebat præceptis nutrent. Episcopatus eius initium, ad annum nongentesimum sexagesimum sextum refert Dlugossus. Quo itidem anno, illustris & magnifica eluxit Miecislai Monarchæ Poloniæ, primi Principis Christiani, erga Ecclesiam & religionem Catholicam liberalitas. namque is viros octo Episcopali dignitate conspicuos, à Romano Pontifice, ut ex Baronio supra retulimus, in Vandaliâ siue Poloniâ missos, ita veneratus est, ac si de cœlo delapsi, veritatis Catholicæ lumen Septemtrionalibus regionibus suo imperio contentis illaturi essent. Non sunt (ut ille ait) tarda S. Spiritus molimina. Ab hoc imbutus Christianissimus Princeps Miecislaus siue Miesco, & ardore ignis cœlestis succensus, non mortuâ sed viuâ fide se pietatem colere velle, in ipso susceptæ Catholicæ religionis initio ostendit. Itaque decimas, tam ex nobilium quàm agrestium bonis, omnium frugum quæ ex culturâ agrorum totius Poloniæ colliguntur, (census is fuit qui olim Principi, dum adhuc hîc nondum Christiana religio illuxisset, debebatur, & quotannis in Fiscum decimatione, ut aiunt, manipulari assignatis ad id Regijs horreis inferebatur) vnicuique in suo Episcopatu concessit: deinde ut Episcopi in Poloniâ maiori cum dignitate rem Ecclesiasticam gerere, & Reipublicæ consulere possent, amplissimas vnicuique possessiones, vnâ cum Ducalibus iuribus, ac primo supra omnes Principi-

Exordium  
Cathedra  
Plocensis, Anno  
Christi 966.

Decime omnium frugum  
ad fiscum Regium olim  
pertinuerunt;

in Episcopos  
postmodum  
translata.



*Aliis Sacer-  
dotibus ad  
sustentationē  
vitæ imperti-  
tā.*

Principes, qui tum in Poloniā reperiēbantur, in publico consilio & confessu Comitiali, locum iure perpetuo contulit; ac lege latā sanxit, ne deinceps quispiam ex suis successoribus eam sacram donationem interuerteret, neve se sacrilegij crimine contaminaret. Sed ut ad Angelotum redeamus, sedulus is fuit in promouendā fide Christianā: vniuersam suam obibat Diœcesim, adhibitis in consortium laboris, non solum ijs quos secum ex Italiā adduxerat Presbyteris, verum etiam si quos ex Polonis Sacerdotio dignos habere poterat; verbo & exemplo ad pietatem formabat rudem adhuc populum, Ecclesias Parochiales ubi commoditas loci erat statuebat, Diœcesim in Parochias diuidebat, Sacerdotibus in ijs collocatis, ne quid ad vitæ sustentationem deesset, Decimas à Principe sibi donatas, prout unicuique expedire videbatur assignabat, ornandæ in primis Ecclesiæ Plocensis Sponsæ suæ cupidus, Collegium Prælatorum & Canonorum attributā illis magnā parte Decimarum suarum ita dotauit, ut Ecclesiæ Plocensis & numero Prælatorum, & opibus, vix cuiquam Cathedrali in Poloniā Ecclesiæ illis temporibus cederet. Et quamuis sciret Canonorum munus esse, & eo nomine illis quotidianas Distributiones deberi, ut Sacrificia, & Horas Canonicas in decantandis in Choro sacris Officijs per se obirent, cum tamen videret operā eorum ad alia negotia tractanda, sibi & successoribus suis opus fore, aliud Sacerdotum Collegium qui vices Canonorum implerent, fundauit dotauitque. Denique ut plures haberet, qui in vineā Domini excolendā illi, & successoribus eius adiumento essent, lectis compluribus ex iuuentute ingenuā & nobili iuuenibus, eos ipsemet latinis literis imbuere haud indecorum existimabat, magister domi, in templo doctor, in Republicā, in quā etsi natus non esset, tamen ut verus insitus Sarmatiæ ciuis, ut Patriam propriam amabat, summus vir & Senator, in dando consilio Principi liber, domi castus, in publico fortis, utrobique summā excellens prudentiā. Obijt Plociæ Anno nongentesimo octuagesimo secundo, ibidemque honorificam accepit sepulturam, vniuersis Diœcesis suæ decoratus lachrymis.

*Obitus An-  
geloti primi  
Episcopi Plo-  
censis Anno  
Christi 982.*

### *Martialis II. Episcopus Plocensis.*

**V**iuente adhuc Miecislao supremo in Poloniā Monarchā, Angeloto vitā functo, datus est à Romano Pontifice Benedicto Septimo, Anno Christi nongentesimo octuagesimo tertio, Ecclesiæ Plocensi, Episcopus Martialis Romanus, & ipse, Angeloto non solum nobilitate generis, sed & sacrarum literarum notitiā par, humanitate & benignitate insignis: cuius præclarum religionis propagandæ zelum, vel ex hoc agnoscere possis, quod ut commodius ipse per se rudem populū salutaribus instrueret monitis, linguam Polonicam magno conatu discere contenderit, tantumque profecerit, ut per se ipsum confessiones sacras excipere, & publicas



blicas ad populum conciones facere, non incongruè potuerit; quod quidem ita sedulò præstitit, vt nullam partem amplissimæ Diœcesis suæ reliquerit, quam non prædicando, Sacramenta administrando, recenter ad Christi fidem conuersos Polonos pijs institutis erudiendo, Ecclesijs nouis fundandis adierit, in omnibus se præbens exemplum boni Pastoris. Denique id illi potissimum curæ fuit, vt Ministros Euangelij, à se Sacris initiatos, sibi similes, id est castos, probos, in exercendâ curâ animarum non segnes redderet, ratus eorum viuo exemplo melius quàm doctrinâ, & rem Catholicam promoueri, & pietatem pectoribus hominum inferi posse. Nec eum sua sefellit opinio, felici enim semente vsus, mox ingentem in suâ Diœcesi fidelium numerum creuisse vidit, & Deo laborum suorum fructus obtulit. Nec mirum videri potest Martialem tanto flagrasse pietatis propagandæ studio, cùm eo Pontificatum Plocensem tenente in Poloniam venerit Woytechus, siue vt eum postea Germani appellarunt Adalbertus, illustri in Bohemiâ Roseorum familiâ ortus, Ottonis Tertij Romanorum Imperatoris consanguineus. Episcopus ille olim fuit Pragensis, petentibus Bohemis, à Moguntino Archiepiscopo datus, vir Sanctus & Apostolicus; sed cùm videret Bohemos durâ ceruice monita pia aspernari, & toties spretis illius salutaribus præceptis, ad sordes veteris idololatriæ relabi, summi Pontificis permissu, primò in Hungariam, deinde in Poloniam venit, atque à Boleslao Chobrio, Monarchâ adhuc & non Rege, benignè exceptus, & ab vniuerso populo omni genere piæ hospitalitatis cultus est. Hunc idem Princeps, renitentem planè, & susceptum propositum prædicandi Verbi Dei barbaris nationibus Prussis vrgentem, Archiepiscopatum Gnesnensem mortuo Roberto vacuum, suscipere magnis precibus coëgit; quem cùm ille triennio administrasset, martyrij consequendi ardens studio, subrogato in suum locum, & in Archiepiscopatu relicto fratre suo germano Radzino dicto (siue tu Gaudentium Vandalico nomine in latinum verso, dicere malueris) in Prussiam assumptis aliquot viris religiosi se contulit. Vbi Diuini verbi sementem strenuè spargens, vix vllò quæsito fructu, dum Christo sacras ad aras, arcanum offert Sacrificium, à barbaris cæsus, optatam martyrij palmam obtinuit. Hunc tantum virum non solum videre potuit Martialis Episcopus Plocensis, verum etiam eius præclaris actionibus, singulari erga Deum amore, ad fidem Christianam sedulò promouendam prouocari. Hoc eodem Martiali Plocensi Episcopo viuente, famâ miraculorum, quæ ad Diui Adalberti à Prussis cæsi corpus Gnesnam relatum edi audiuerat, excitus Otto Imperator pacatus in Poloniam venit, atque comiter à Boleslao Monarchâ exceptus, donisque & muneribus magnificis cumulatus, coronam Regiam non tam suâ auctoritate, quàm Syluestri Secundi Papæ, cuius secum Diaconum Cardinalem Legatum de latere in comitatu habebat, capiti Boleslai imponit, Regemque esse iubet. Non me sanè mouet Dithamari & Petri

*S. Adalberti  
in Poloniam  
aduentus.*

*S. Adalbertus  
à Prussis barbaris  
Martyrio coronatur.  
Boleslaus  
Chobri Dux  
Polonie Regis  
Diademate  
insignitur, &  
titulo Regali  
donatur.*

Damiani,



*Dithamari  
de rebus Po-  
lonorum fal-  
sa Historia.*

*Quinque  
Martyres  
Camalduen-  
ses in Poloniâ.*

Damiani , à Cardinali Baronio allegatorum Scriptorum auctoritas. Namque Dithamarus tot falsis narrationibus farfit suam Historiam , ut ei, uti nominis Poloni osori fides haberi non possit. Ac ut cætera taceamus, quis unquam credet, Boleslao demum Principe , Archiepiscopum Gnesnensem esse constitutum , cum parietes ipsi loquantur , ab Ægidio Episcopo Tusculano Cardinali, auctoritate Ioannis Decimi tertij Summi Pontificis , propè quadraginta antequàm Otto Imperator in Poloniam venisset annis , ita statum Ecclesiasticum formatum fuisse , ut & Gnesnæ ac Cracoviæ essent Archiepiscopi , & reliquas Cathedras tenerent Episcopi, ac Sanctus ille Adalbertus ab omnibus Scriptoribus Gnesnensis Ecclesiæ Archiepiscopali dignitate fuisse ornatus perhibeatur. Et Petrus Damiani , qui propè sexagesimo anno à susceptâ per Boleslaum Regiâ coronâ vixit , quamvis vir magnus & pius fuerit , tamen dum res externas, & longè ab Italiâ remotas scribere aggreditur, in multis falli & decipi potuit. Ut in eo , cum referente Baronio scribit , Boleslaum Regem , quendam Monachum Ordinis Camalduensium , ad Summum Pontificem petendæ coronæ Regiæ causâ ablegasse , cuius ne nomen quidem refert , nec ex quo Monasterio prodierit, significat. Extant adhuc in Maiori Poloniâ, sexto à Gnesnâ milliario, quinque Martyrum Camalduensium, regnante Boleslao, quinto à Coronatione ipsius anno , à Christo verò nato , millesimo quinto , à latronibus immaniter cæsum sepulchra, singulis cellis distincta, quorum nomina ea fuerunt , Benedictus, Ioannes, Matthæus, Isaacus, atque Christinus ; Barnabas insuper, qui cædis tempore cum abesset , martyrij coronam non est adeptus , sed postea vitæ sanctitate illis par, & vitâ functus, separato itidem à fratribus tumulo conditus est. Fuisse hos Diui Adalberti socios peregrinationis, semper antiquâ traditione credidit Ecclesia Polonica, eorumque memoriam ad diem pridie Idus Nouembris piâ veneratione colit. Si suspicari libet, existimari potest Boleslaum primum Regem Poloniæ , cum Henricum Secundum , nondum Imperatorem , sed tantum Romanorum Regem dignitati suæ minùs favere sciret , idemque icto cum Harduigo Longobardorum in Italiâ Rege, cognato & gentili suo (quippe & Longobardis eadem quæ Vandalis stirpis origo fuit ) Henrici imperium impugnet, non sub Ottone Imperatore , ut relati à Baronio auctores falso asserunt, sed sub Henrico , qui Anno Christi millesimo secundo Rex Germaniæ appellatus est , ad firmandum ius Regium beneficio Ottonis Imperatoris partum , hunc Monachum de quo Petrus Damiani scribit, secretò ad Summum Pontificem petiit , ne quid in præiudicium iuris sui, & quæsitæ, beneficio tam Pontificio quàm Imperatorio, Coronæ Regiæ, isthic vel decerneretur, vel impetraretur, ablegasse. nam si Coronæ novum ius peteret, certè non Monachum , sed magni alicuius nominis virum , cum muneribus Summo Pontifice dignis , tam clarus & potens, atque etiam opulentus Rex, ad Urbem misisset. Sed Dithamarus



rus quàm turpiter erret, dum Imperatoris ad Gnesnam accessum refert, <sup>Refellitur iterum ab auctore Dithamarus Historicus.</sup> audiamus. Videns, inquit, à longè Gnesnam urbem desideratam, nudis pedibus suppliciter aduenit, & ab Episcopo eiusdem Vngero venerabiliter susceptus, in Ecclesiam introducit & ad Christi gratiam sibi impetrandam Martyris intercessio profusis lachrymis inuitatur. Sistamus hic paulisper stylum, & ex Dithamaro queramus, cuiusnam Urbis Episcopus fuit Vngerus? respondebit ille paulò inferiùs, hunc Posnaniensem Episcopum fuisse; cur igitur Gnesnè illum adscribit, cum tum Radinium Diui Adalberti germanum fratrem Archiepisc. Gnesna habuerit? Series verè historie ita habet: Bolellaum Principem, aduenienti Ottoni Romanorum Imperatori cognato suo, Posnaniam usque obuiam iuisse, ibi Ottonem & à Principe, & ab Vngero Episcopo Posnaniensi honorificè exceptum, tantà venerationem sepulchro Diui Adalberti habuisse, ut per septem germanica milliaria, (tot enim Gnesna Posnanià distat) vijs panno, iussu Bolellai constrictis, tantum itineris spatium nudis pedibus confecerit. Sed pergit deinde Dithamarus. Nec mora; fecit ibi Archiepiscopatum, ut spero legitime, sine consensu tamen præfati Præfulis, cuius Diocesi omnis hæc regio subiecta est, committens eundem prædicti martyris fratri Kadimo, (Radinum rectiùs dixisset) ei que subiiciens Reinbernum Sanctæ Cholbergensis Ecclesiæ Episcopum, Popponem Cracuenssem, Ioannem Vuio- tessanensem, Vngero Posnaniensi excepto. Factoq; ibi altari sanctas in eo honorificè reliquias cōdidit. Somniare videtur nescio quas tricas iste bonus Scriptor, & de re sibi ignotâ texit fabulam, dum & Archiepiscopum, & aliquot Episcopos, corruptis, & in Polonià vix auditis nominibus, ab Ottone nobis datos temerè fingit, quos & plures alios, Summi Pontificis Ioannis Decimi tertij auctoritate constitutos iam dudum habuimus. Errantem corrigere voluit Cardinalis Baronius, asserens hos Archiepiscopatum & Episcopatus, auctoritate Archidiaconi Sacræ Romanæ Ecclesiæ Cardinalis, qui cum Ottone huic actui præfens adfuit, ordinatos fuisse. sed bonâ veniâ tanti viri dictum sit: meminisse enim debuerat quid sub annum nongentesimum sexagesimum sextum scripserit, de misso in Poloniam, à Ioanne Decimo tertio Ægidio Episcopo Tusculano Cardinali, formatoque in Polonià Ecclesiastico statu, nosque ab eo ipso Ægidio in Polonià Episcopos ordinatos fuisse, suprà ostendimus. Sed nos auctoritate Sanctissimi Pontificis Gregorij Septimi, vrget Baronius, eiusdemque Pontificis literis probare nititur, Polonos & Ecclesiam Sarmaticam, seu Vandalicam, usque ad Annum Christi millesimum septuagesimum quartum, dignitate Metropolitica & Archiepiscopali caruisse. sed ipsum audiamus Baronium, de hac ipsâ Dithamari narratione, suum iudicium adiiciente. Porro cum audis tot sacra munia exhibita ab Imperatore, scias malè ipsi ut auctori esse tributa, quæ legatus à latere cū eo missus, Archidiac. Cardinalis Sacræ Romanæ Ecclesiæ, suâ auctoritate facienda curauit. Legati namque auctoritate factum oportuit, quod narrat



de Archiepiscopatu ibidem tunc erecto. Verùm an ista à Romano Pontifice probata fuerint, vehementer dubito: siquidem assertione Gregorij Septimi Romani Pōtificis, apparet vsque ad sua tempora, nondum fuisse institutam Sedem Archiepiscopalem in Poloniâ. Nam ipse scribens ad Boleslaum Ducē Poloniæ, cum Legatos illuc mittit, ad hoc ipsum agendum, hæc ait: Illud nobis primò attendendum est, quòd Episcopi terræ vestræ non habentes certum Metropolitanæ Sedis locum, nec sub aliquo positi magisterio, huc atque illuc pro suâ quisque ordinatione vagantes, vltra Regulas & decreta Sanctorum Patrum, liberi sunt, & absoluti. Deinde verò quòd inter tantam multitudinem, adeò pauci sunt Episcopi, & amplæ singulorum Parochiæ, vt in subiectis plebibus curam Episcopalis officij nullatenus exequi aut ritè administrare valeant. Pro his igitur, &c. Data est Epistola septimo Calendas Maij, Indictione decimatertiâ, anno Christi millesimo octuagesimo quarto. Hucusque Baronius.

Centum igitur & tredecim annis caruisse debebat Polonia Sede Archiepiscopali, & tam nobile Regnum fundatis iam amplissimis Episcopatibus, constitutâ & ordinatâ per Ægidium Tusculanum Episcopum Cardinalem Catholicâ Ecclesiâ, vigente & florente non solum fide, sed & pietate Catholicâ, ita vel à Summis Pontificibus, & ab ipso vigilantissimo Pastore Gregorio Septimo, cuius literæ decimo demum eius Pontificatus anno datæ referuntur; vel ab ipsis pijs tum & vigilantibus, in ipso susceptæ religionis primo feruore, Episcopis, curam Pastoralem neglectam fuisse quis credet? Series ipsa Archiepiscoporum Gnesnensium, qui quot fuerint, & quibus annis vixerint, eorum Catalogus Poloniam Archiepiscopo caruisse refellit. Duo, vt supra diximus, erant ab initio susceptæ religionis in Poloniâ fundati Archiepiscopi, Gnesnensis & Cracouiensis: ille quidem nunquam intermissâ eâ dignitate ad nostra vsque tempora, per tot successores, quos propè septingenti anni continuò suppeditarunt, retinet Sedem & præminentiam Metropolicam; hic verò cum eadem etiam ab initio dignitate fulgeret, septem Archiepiscopos sibi inuicem succedentes habuit, quorum vltimus fuit Aaron ex Abbate Tinecensi, per Casimirum Primum Monachum ad Archiepiscopatum Cracouiensem promotus, & à Gregorio Sexto Romano Pontifice, anno Christi millesimo quadragesimo sexto confirmatus. Eius successor Lampertus Zula, primus non petito à Summo Pontifice Leone nouo pallio, dignitate Episcopali contentus fuit. Huic cum Stanislaus Episcopus, vitæ sanctitate & coronâ martyrij orbi Christiano notus, electione liberâ subrogatus esset, nec ille ob eximiam animi submissionem, intermisso ab antecessore suo titulo splendescere voluit. Gessit is Episcopatum Cracouiensem vsque ad annum millesimum septuagesimum nonum, magno & inuictò animo, ita munus pastorale obiens, vt ne Regi quidem Boleslao cognomento Audaci, parceret. Erat is Princeps bellicosus & victoriosus, sed turpibus & obscæ-



obscænis immerfus libidinibus, quo nomine cùm sapiùs à Stanislao Episcopo redargueretur, & ad extremum à cœtu fidelium remoueretur, in rabiem versus, eundem Sacris operantem, immani crudelitate, in frustra concidit. Quod quidem anno Gregorij Romani Pontificis septimo accidit, qui tanto impij Regis scelere commotus, & Poloniae vniuersæ Sacris interdixit, & Boleslaum Regem exauctorauit, executionemque edicti sui Petro Archiepiscopo Gnesnensi, ac cæteris Episcopis demandauit. Cumque idem Pontifex videret Poloniam altero orbatam Archiepiscopo, hoc nomine literas suas ad Boleslaum (crediderim potiùs Vladislaum Hermanum successorem Boleslai à se Regio exuti) direxisse, eumque de restituendo Archiepiscopatu Cracouiensi monuisse, cùm eodem tempore, & eodem Pontifice Gnesnensis Ecclesia Petrum Archiepiscopum haberet. Habuit itaque Polonia semper Archiepiscopum, neque ostendi potest illum alio tempore, nisi sub initium susceptæ religionis, constitutum & ordinatum fuisse: immò verò manifestè apparet, ab Archiepiscopo Gnesnensi Radimo, siue Radzino Diui Adalberti fratre, viro sancto, pio & religioso, atque in Vrbe Romanâ vnâ cum Sancto Adalberto educato, præsentè Ottone Imperatore & Archidiacono Sacræ Romanæ Ecclesiæ Cardinali, Summi Pontificis Syluestri Secundi auctoritate accedente, Boleslaum primum Poloniae Regem diademate Regio exornatum fuisse. Ad cuius rei confirmationem placuit hic inferere Epitaphium huius Regis Boleslai Chobrij, tumulo eius, quod adhuc Posnaniæ in Ecclesiâ Cathedrali visitur, vetustissimis literis & iam antiquitate arrosis scriptum, his vetustatem satis redolentibus, incomptis quidem, nec satis suis numeris constantibus, vt rude illud sæculum quiuus agnoscat versibus comprehensum.

*Hic iacet in tumbâ, Princeps gloriosa columba:*

*Chobritus es dictus, sis in auum benedictus:*

*Fonte sacro lotus, seruus Domini puta totus:*

*Præcicens comam septennij tempore Romam.*

*Tu possedisti velut Athleta Christi*

*Regnum Slauorum, Gottthorum seu Polonorum,*

*Cæsar præcellens, à te Ducalia pellens.*

*Plurima dona sibi quæ placuere tibi,*

*Huic detulisti, quia diuitias habuisti.*

*Inclyte Dux tibi laus Serenissime Boleslae,*

*Perfido Patre natus, sed credulâ Matre.*

*Vicisti terras faciens bellum quoque guerras:*

*Ob famam bonam, tibi contulit Otto coronam.*

*Propter luctamen, sit tibi salus. Amen.*

Ex hoc vetusto Epitaphio animaduerte & disce Lector, olim hos qui



nunc Poloniæ Reges dicuntur, Slauonico & Gotthico fulsisse titulo, sed posteaquàm Gotthi hinc oriundi, sub varijs nominibus, vel Vandalarum vel Longobardorum, Bulgarorum, vel denique Gotthorum, in Italiâ, Hispaniâ, ac Africâ, noua Regna, nouaque condiderunt imperia, Poloniæ Principes, qui emissis tot nationum ad debellandum Romanum Imperium agminibus, in ipsâ vetustâ sede Regni Sarmatici, latè patentes ditiones suo continebant imperio, Polonos se dici maluisse, & sub hoc nomine, vetustam gentis Gotthicæ bellicam gloriam, & libertatem conseruasle, & quidem satis feliciter; nam in ijs remotis regionibus, quas Gotthi olim & Vandali occuparunt, nomen, & lingua sermonis Gotthici penè extincta est, nullaque sanguinis nostri isthic extat memoria; sed omnes hæ gentes in vetustam Hispanorum, Italorum & Gallorum appellationem transierunt, soli Poloni Vandalicam, Gotthicamque linguam retinent, & pristinae libertatis decus summâ cum laude tuentur. Suiones autem seu Sueones vetustus Sarmatiæ & Gotthiæ populus, qui vltra mare Balticum Septemtrionem versus sedem posuerunt, vnâ cum Dauis siue Dauunis, quod nomen Vandalicè antiquum sonat, vt & in Italiâ, quod Dauunus siue Saturnus ex Illyrico venisse fertur, & noui Regni posuisse initia, antiquior idem omnium Historicorum memoriâ celebratur, quos nunc Danos appellamus (hi quoque Gotthi fuerunt, & in illis locis vbi nunc Dacia est, proximas Danubio sedes tenuerunt) vnde illi Dauis inter Græcorum seruitia olim numerati, quorum illa vox; *Dauus sum, non Oedipus* apud Terentium, vt & Gettæ à Gotthis initium habuerunt, longè imperium extenderant, sed successu temporis Nemetum linguâ (gens hæc fuit nota antiquissimis Historicis, ex quâ eos, qui nunc Teutones appellantur, traxisse originem argumento est, quod omnes ij qui Vandalicè aut Slauonicè loquuntur, Teutones omnes Nemetes appellant) & moribus infecti, mistum Nemetico & Gotthico idiomati sermonem retinent, Gotthorum tamen & Vandalarum se esse stirpem, suorum Regum titulis testantur. Clarum est apud illos nomen Volodimiri (quasi tu dicas pacis potentis) Regis, qui primus Reges Suecis & Danis dedisse scribitur, cum totam illam Insulam suo teneret imperio. Cæterorum quoque Regum nomina, si quis ea ad trutinam linguæ Gotthicæ expenderit, ex Vandalico sermone ea fluxisse comperiet. denique extant adhuc in Sueciâ monumenta linguæ Vandalicæ, quâ fasti

NOTA. sacri, paucis iam tantum rusticis noti, continentur. Cum autem legis Epitaphij Boleslai quartum versiculum: *Præcicens comam septennij tempore Romam*: eum vt intelligas, reuoca tibi in memoriam fuisse illo tempore moris, vt pij & Christiani Principes, depositis liberorum suorum comis, eos ad summum Ecclesiæ Catholicæ Præsidem in perpetui obsequij & piæ seruitutis signum mitterent; id à Miecislao quoque Boleslai Parente fuisse factum, vt septimo nati sibi Boleslai filij anno, solenniter præcisam comam, Summo Pontifici Dono, eius nominis secundo offerret



offerret ac dedicaret; Chobri autem nomen illi inditum fuit à fortitudine quâ præstabat, quippe Chobri fortem, & strenuum in linguâ Gothicâ seu Slauonicâ significat. Sed ut ad institutum nostrum redeamus, si hos versus Baronius vidisset, haud dubiò quin antiquitatem ipsam miratus, nostræ accessisset sententiæ, & Boleslaum Chobrium auctoritate summi Pontificis, præsentis eius Legato Cardinali, ab Ottone tertio Imperatore, Coronam Regiam accepisse sibi persuaderi passus fuisset; interim ad Martialem Episcopum Plocensem, cuius vitam scribimus, reuertamur. Quicùm multa præclara in Episcopatu gessisset, ac Regis Boleslai Chobrij coronationi Gnesnæ interfuisset, quarto post eius actus celebritatem anno, Episcopatus verò sui vigesimo secundo, senio pariter & labore confectus, morbo item scabiei contracto, tandem anno Christi millesimo quinto piè obdormiuit in Domino, Benedicto Octauo Romanam Sedem tenente.

Obitus Martialis II. in ordine Episcopi Plocensis Anno Christi 1005.

### *Martinus Episcopus Plocensis III.*

**D**utius nos & supra votum nostrum tenuit de iure in Poloniâ Coronæ Regiæ disceptatio, non incommodè nec sine fructu suscepta; ad dignitatem enim Sarmatici populi pertinere videbatur, magnis quibusdam Scriptoribus, sed rerum nostrarum ignaris, hunc ex animo eximere scrupulum, ne ampliùs ambigerent, cuius nomine Reges in Poloniâ regnare cœpissent. Martiali Episcopo Plocensi successit Martinus è nobilitate Gallicâ ortum ducens, sed Romæ educatus, & pietate imbutus. Hunc Apostolicâ Benedicti Octauæ Romani Pontificis auctoritate Episcopum ordinatum, & in Poloniam missum, læto animo excepit Plocensis Ecclesia. Eruditum hunc fuisse, & in iure Pontificio præclarè versatum in primis constat, qui suscepto Episcopatu, in primis ad exemplum Martialis Prædecessoris sui, in omni Pastoralis functione obeundâ, sese accommodare studuit, illius præclaras virtutes, piâ æmulatione ad se derivare contendens. Nec absque digno Pontifice comitatu in Poloniam venerat; nam & multos pios & eruditos viros secum adduxerat, & complures Sacros Codices ac Canonicos secum detulerat, his vsurus ad confirmandos in fide populos sibi subiectos, cumque ipse religiosam & continentem duceret vitam, exemploque magis quàm verbo, & populum & Clerum ad pietatis studia formare eniteretur, nullâ re magis offendebatur & commovebatur, quàm si quæ vestigia in hominibus Sacro altari addictis, intemperantiæ & libidinis comperisset, castus ipse & castitatis rigidus exactor. Sacerdotes labe turpitudinis maculatos, non salutare verbi Dei pharmacum pectoribus hominum illaturos, sed turpitudinis sordibus tanquam certo veneno polluturos, ac propè necaturos existimabat. Quamobrem Presbyteros flore continentiae conspicuos, eximio prosequeretur amore, eorumque ita singularem gerebat curam, ut ad



Obitus Mar-  
tini III. in  
Ordine Epi-  
scopi Plocen-  
sis, Anno  
Christi 1024.

necessitates eorum releuandas vniuersam substantiam Episcopalem piâ liberalitate partiretur. Denique cùm in Cathedrâ Plocensi decem & octo annos expleffet, febre quartanâ propè integro anno debilitatus, condito testamento, & libris quos ex Italiâ secum aduexerat Ecclesiâ Plocensi donatis, anno restitutæ humanæ salutis millesimo vigesimo quarto, Ioanne Decimonono Pontificatum Romanum tenente, in Poloniâ verò Miecislao Boleslai Chobrij filio regnante, vitam mortalem cum immortali cōmutauit gloriâ, & in Plocensi Ecclesiâ honorem sepulchri accepit.

*Albinus Episcopus Plocensis IV.*

**A**D Italicum iterum, eundemque Romanum res Plocensis redijt, namque Ioannes Decimusnonus Pontifex, Miecislao Poloniæ Rege petente, Albinum nobilem Romanum, Decretorum Doctorem, & Ecclesiæ Sancti Petri de Vrbe Canonicum, mortuo Martino, Episcopum Plocensem renunciat, virum sanè eruditum, & iam satis maturum ætatisque prouectioris. Hic posteaquàm de mandato Pontificis per Cardinalem Ostiensem Romæ consecratus fuit, atque delati ad se Episcopatus curam suscepit, nihil antiquius habuit, quàm vt se Sponsæ suæ præsentem exhiberet. Exculti iam erant mores & ingenia gentis Polonæ, neque vlla extabant vestigia veteris barbariei; expertus est id magnâ suâ lætitiâ Albinus Episcopus, namque ei fines Diœcesis suæ ingredienti, ita & ab Ecclesiastico, & ab Equestri ordine obuiam itum est, vt, quod dicitur, propè omnium manibus exciperetur. Prælati & Canonici numero satis amplo, veluti magnæ alicuius Reipublicæ Senatus, aduenientis sui Episcopi latus cingebant; magna etiam pars nobilitatis non mediocriter à literis latinis instructa fuit, studio potissimum Martialis & Martini, vt iam Albino Episcopatum ineunti, latinâ linguâ ferè cum præcipuis quibusque agendum loquendumque fuerit. Quâ re exhilaratus, tantò magis incumbendum sibi putauit, vt quæ ex prisco inanium Deorum cultu remanebant sordes, eas doctrinâ, & moribus suis elueret, atque ad pietatem Christianam conformaret. Hærebat adhuc in pectoribus quorundam memoria eorum, qui Dæmonibus auctoribus freti, artes lege Diuinâ vetitas exercuerant, aliosque vel pollicitatione falsæ vtilitatis, vel terrore denunciati periculi, si maleficis creditum non fuisset, terrebant. Ad hanc pestem funditus eradicandam omnes machinas admouit Albinus Episcopus, effecitque, vt Ministri diaboli fateri cogerentur, potentiores esse vires fidem Catholicam prædicantium, quàm totius infernæ potestatis; non erat grauis labor Albino, quem suscepit in excolendâ vineâ Domini, & dum vires suppetebant, tantum fecit quantum potuit; eodem tamen labore & senio, frequentique ægritudine quæ inde augebatur confectus, ad æterna laboris sui præmia, Deo vitæ auctore iubente, euocatus est, cùm in sede Cathedræ Plocensis annis sexdecim sedisset.

Obijt



Obijt Plociæ anno Domini millesimo, quadragesimo primo, & in templo Cathedrali Plocensi sepultus, cùm eo tempore Benedictus Nonus Sedem Romanam regeret, ac Henricus tertius Occidentali, Michaël quartus Orientali imperio præesset, ac Casimirus cognomento Monachus, è Cluniacensi monasterio, in quo religiosam vitam professus fuerat, eodem Benedicto Nono annuente, sacrisque illum votis soluente euocatus, Miecislai Regis filius, ex Rixâ Hezonis Palatini Rheni filiâ, ac Ottonis tertij Imperatoris ex sorore germanâ Malthilde nepte natus, Regium decus in Poloniâ hoc eodem anno susceptum præclare tueretur. Hic ille est, ad quem redimendum censu Ecclesiastico, quem nummum Sancti Petri appellamus, vniuersa Polonia Sedi Apostolicæ se in perpetuum obstrinxit, ac vt tum latè Regni patuit imperium, omnes Regni ditiones (qualis fuit ea pars Poloniæ quæ nunc Silesia appellatur, Magna Lusatia, Marchia Brandeburgensis, & Pomerania, & Prussiæ ea pars, quæ sacris Christianis iam imbuta fuerat) hoc pium & religiosum onus susceptum, multis sæculis deinceps libentissimè tolerarunt, donec perfidia hæretica hoc ipsum aboleret.

Obitus Albinus IV. in ordine Episcopi Plocensis, Anno Christi 1041.

Casimirus I. è Monacho Rex factus.

Nummus S. Petri. à Polonis Sedi Apostolicæ solui consuetus.

### *Paschalis Episcopus Plocensis V.*

**H**ic quoque genere Italus fuit Hetruscus natione, genere nobilis, sed sanctitate & morum probitate longè nobilior. Pius erat & pietatis studiosus Casimirus Rex, nec dispendium curæ animarum faciliè admittebat. Itaque simul atque Albinus è vitâ cessit, per literas, & nuncios Benedictum Papam Nonum flagitauit, ne diutiùs Sedem Plocensem vacare, & Pastore carere pateretur. Paruit hic, atque obsecutus est precibus pij Principis, huncque ipsum Paschalem ob morum suauitatem, mansuetudinem, modestiam, & pudicitiam cunctis acceptum, ac inprimis Papæ ipsi & Cardinalibus optimè notum, & commendatum, maiori etiam in ipsâ Vrbe dignitate, si diutiùs ibi substitisset augendum, inauguratum Episcopum Plociam ire iussit. Exceptus is est summâ Regis Casimiri beneuolentiâ, tum quòd ab Vrbe pietatis magistrâ, huc missus veniret, tum quòd honestate morum, & integritate vitæ, non solùm Regis, verùm etiam & Procerum omnium amorem & studia sibi conciliare optimè nosset. Res tum in Diocesi Plocensi valdè turbatæ erant, namque Casimiri iuuenis & pij Principis, Maslaus quidam è Procerum numero aspernatus imperium, Masouiam vniuersam, aduocatis in auxilium Prussis, sui iuris fecerat. Vi & armis coercendus erat; quod quidem præclare à Casimiro Rege præstitum ac effectum est, victusque Maslaus à socijs conspirationis in patibulum actus futuris Principum desertoribus exemplo est, ne datam fidem frangant, neuè altiùs conscendere contendant. Eo bello durante, fieri non potuit, quin Paschalis multas iniurias, bona Ecclesiæ Plocensis ingentia damna acceperint, quæ tamen libera-



Obitus Pa-  
schalis V. in  
ordine Episco-  
pi Plocensis,  
Anno Christi,  
1067.

litate Casimiri Regis, constituto Reipublicæ statu, & deuictis hostibus, resarcita fuere. Palam quidem iam in Diœcesi Plocensi cultus Diuinus vigeat, caueri tamen vix potuit, vt aliquæ clandestinæ superstitiones non exercerentur; ad hoc lolum extirpandum, sordesque ex animis iam Christo consecratorum hominum eximendas, summo studio incubuit Paschalis Episcopus, & non contentus falce spiritali, & Diuini verbi securi, gladium quoque sæcularem, & Casimiri pij Principis fauorem, contra tales superstitiosos homines, in subsidium aduocauit. Agrestes homines & agro colendo intenti, faciliè parebant monitis optimi Antistitis; nobiles & milites Regijs edictis armisque coërcendi erant. Sic tandem pestiferum virus à stirpe euulsum, & sincerus religionis cultus firmatus, auctore Paschali Episcopo. In quo præter iram fortasse, quod reprehendas, non reperias, (quam ratione moderatam virtutis cotem esse, viri docti existimarunt) hac ille commoueri solebat, non tamen vt affectui suo indulgeret, sed vt vitijs se infensum esse ostenderet. Sex & viginti annos Paschalis Plocensem rexit Ecclesiam, anno Christi millesimo sexagesimo septimo, debita in cœlis præmia suscepturus, vitam cum morte commutauit, corpus vitæ cassum Plocensis tenet Ecclesia. Et vt tempora vitæ ipsius certioribus notis consignata habeantur, dum ille è vitâ excederet, Alexander Secundus Romæ sedit, Henricus Quartus Occidentale, Constantinus Duca Orientale rexit imperium, Boleslaus audax sceptrum Poloniae tenuit.

#### *Marcus Episcopus Plocensis VI.*

V Sa est hætenus Ecclesia Plocensis Episcoporum ex Italiâ, & Galliâ accitorum magisterio, nondum enim centum & septem annorum decursu in eam excreuerat magnitudinem, vt se per se tueri, ac domitis viris suam salutem concredere posset. Quare Paschali defuncto, auctore Boleslao Secundo Poloniae Rege, Romæ, & à Summo Pontifice dare sibi Præsulem amplissima Plocensis Diœcesis postulauit. Annuuit optimus Pontifex Alexander Secundus votis & desiderijs Plocensium, lectumque ex domesticâ suâ familiâ Marcum Camerae suæ Clericum, virum pietate & eruditione præstantem, humanioribus literis, & altioribus scientijs singulariter excultum, sibi totiue Curiae Romanae gratum, & acceptum, atque à se Episcopum consecratum, in Poloniam Plocensibus misit. Latium quoque huic Patria fuit, natus in Lucanis, non ignobili generis ortu, & penè à puero pietati addictus. Vt autem non sine suppellectili Ecclesiasticâ in Poloniam veniret, ac Sponsæ suæ dotem adferret, libros multos, Diuinæ Scripturæ & sacrorum Canonum scita continentes, secum aduexit, Bibliothecamque Ecclesiæ Plocensis tanto beneficio exornauit & auxit. Lætæ sanè & prospera initia Episcopatus sui habuit: lætabatur vir pius, & zelo cultus Diuini propagandi incensus, in tan-



tantum iam curâ & solitudine Decessorum suorum excreuisse in agro Plocensi pietatem, ut vix iam aliqua vestigia extare viderentur spurcitiarum & superstitionum veteris impietatis, & culturæ Dæmonum. Exulta quoque Polonorum vnus Dei notitiâ; & religionis Orthodoxæ amore pectora, ac latè longeque propagata Christiana fides, non poterant nisi magnam ei adferre lætitiâ, quippe quidem optaret, idem speraret, eò toto animo ferretur, ut Deus ab omnibus cognosceretur, ab omnibus glorificaretur. Impendit is quoque Episcopus multum operæ, ut Polonici idiomatis vsum aliquem sibi acquireret, multumque cum naturâ & difficultate linguæ luctatus, tandem tantum magno labore consecutus est, ut priuatim in audiendis sacris confessionibus, & in consilijs pietatis dandis, ore & opere suo, pastoralis curâ defungi posset; in Dicecesi suâ visitandâ, in Cleri moribus ad purioris regulæ normam formandis, sedulus & assiduus versabatur; ut plebs vsu sacratissimorum Sacramentorum aleretur, ut Sacerdotes ad excipiendas Confessiones, sacramque Eucharistiam distribuendam, ad Baptismum infantium, pij & idonei præstò essent, omni curâ providebat. Boleslaum Secundum Regem tum Polonia habuit. Pronepos is fuit Boleslai primi, Rex coronatus numero quartus, Audacis nomen promptus ad quævis bellica pericula subeunda animus illi pepererat. Quod si sola bella gessisset, magnum & victoriosum Principem habuisset Polonia; sed ille victor hostium, victus à delicijs & illecebris Russicarum mulierum, turpi & obscenæ libidini succubuit, vniuersus quoque exercitus eodem intemperantiæ reti veluti captus, ij quoque qui sacri matrimonij legibus tenebantur, quique castis & pudicis vxoribus domi relictis in Regijs castris erant, obliti officij sui, in alienarum mulierum amplexus ruebant. Hinc ingens perniciēs & penè excidium totius Regni consecutum est. Marcus Episcopus Plocensis, haud dubio ut erat pius, summo dolore Regis magni lapsu afficiebatur: sed quid faceret externus homo, & ad quem multorum opinione ea res minùs pertinere existimaretur? omnium Episcoporum oculi in Petrum Archiepiscopum Gnesnensem versi erant, hunc vltorem Regiarum libidinum omnes poscebant, sed nec ille tantum habuit animi, ut Audacem Regem Ecclesiasticâ disciplinâ coercere auderet. Stanislaus Scepanouius Episcopus Cracouiensis, gemma Sacerdotum, castitatis exemplar, rectè gerendi Episcopatus magister & dux, in se ipsum seuerus, erga omnes benignus, animi magnitudine, quam in eo generis quoque & nobilitatis splendor augebat, totque virtutibus fretus, pro gloriâ Dei murum se contra furentem Regis audaciam opposuit; monebat, orabat, obsecrabatque sæpiùs Regem, ut cum licitis vti posset delicijs, ab illicitis & obscenis abstinere; cumque leuioribus monitis nihil omnino proficeret, imò Regem acriùs obiurgatum, adhibitis etiam secundum præscriptum Christi aliquot viris pijs, furere eademque minari videret, frustra monitum anathematis Ecclesiastico gladio illum percellit: vetat

sacra

Boleslaus  
Audax IV. in  
ordine Rex  
coronatus  
Polonia belli-  
cosissimus;

ad illecebras  
& obscenas  
libidines pro-  
lapsus,



*D. Stanislaus  
Episcopum  
suum Sacris  
operantem  
ad Altare ob-  
truncat.*

sacra fieri in totâ Vrbe Cracouiensi vbi Rex morabatur, quo ille conui-  
cio populi, qui sacris arcebatur, ad meliorem mentem reuocari posset.  
Exarsit impio furore sceleratus Princeps, ac Stanislaum in priuato Diui  
Michaelis Archangeli sacello, secreto Sacris operantem, immissis satel-  
litibus suis cædi iubet: frustra strinxêre gladios impij carnifices: nam  
cum nondum sacrificium Præsul finiret, ter conati sacrum ferire caput,  
toties retroacti & quasi prostrati ceciderunt; accurrit & Rex ipse, Epi-  
scopumque benedictionem sacram etiam hostibus suis impertientem,  
ferinâ actus rabie obtruncat gladio, & in frustra concisum (martyrij lau-  
reâ, Deo æterno munerario coronandum sanctum Martyrem) coruis ca-  
nibusque prædam insepultum relinquit. Hoc Regis facinore vulgato,  
cùm ad Urbem ipsam eius fama peruenisset, à Gregorio Septimo Roma-  
no Pontifice, vniuersæ Poloniæ sacris interdicatur, atque Rex Boleslaus  
& eius successores, iure Coronæ priuantur, executio decretarum pœna-  
rum Archiepiscopo Gnesnensi, & cæteris Poloniæ Episcopis manda-  
tur; Rex Boleslaus inuisus cunctis, & furijs conscientiaque, effusi innoxij  
sanguinis, in præceptus actus Regno excedit; sed beneficio Dei, & Mar-  
tyris, vt credibile est, non ultionem sed misericordiam exposcentis inter-  
cessione ad se reuersus, depositis Regalibus insignijs, ignotus ignoratus-  
que cunctis, æterno Monasterij arctioris obseruantia carceri se includit,  
& vilibus ministerijs coquinæ Monachorum instruendæ addicit. sic ex-  
piatus in Monasterio dicto Osiach, quod in Carintiâ situm est, piâ mor-  
te extinctus est, & à Monachis tumulo cum illo titulo illatus: **HIC IACET REX BOLESLAVS POLONIÆ, OCCISOR SANCTI STANISLAI EPISCOPI CRACOVIENSIS.** nam paucis ante mortem diebus, & ge-  
nus & causam pœnitentiæ, Sacerdoti cui peccata confitebatur, aperuit.  
Hæc quidem scribenti mihi venit in mentem, non satis prospero omi-  
ne, prætermisâ Sedis Apostolicæ auctoritate, ab Ottone tertio Coro-  
nâ Regiâ Reges Poloniæ exornatos fuisse. Per annos septuaginta octo,  
quatuor Reges regnarunt, Boleslaus quidem Rex primus coronatus,  
multum decoris, & incrementi Poloniæ adiecit, sed eius filius Teuto-  
nicæ coniugis Rixæ, muliebri imperio obnoxius, vixit penè inglorius,  
inuidiamque malè gesti Regni, & vxoriæ ambitionis ad posteros trans-  
misit: huius quoque filius, siue pulsus, siue sponte matre Rixâ malè erga  
Poloniam affectâ volente è Poloniâ excedens, puer adhuc orbam Rege  
Patriam per aliquot annos deseruit, ac religiosam in Cluniacensi Mona-  
sterio vitam professus, spem quoque prolis Regiæ abscidisse videbatur.  
Eo absente turbatæ in Poloniâ res, partim Procerum discordiâ, partim  
vicinorum ambitione in pessum ibant, laceratum Regnum, multæ amif-  
sæ Prouinciæ, extremi periculi metus coëgit Polonos, vt Casimirum  
quæsitum mitterent: inuitus penè is & non nisi Summo Pontifice Be-  
nedictô Nono iubente, Monasterio se extrahi passus est, & Regno sus-  
cepto; multisque præclarè rebus gestis, pietatem, quâ sub Monasticâ  
disciplinâ



disciplinâ imbutus fuerat, semper retinuit, felix omnino Rex, nisi ex eo Boleslaus Audax natus esset. Sic decus regium non à solo tantum, ut debuit, summo religionis Christianæ Præside, sed ab Ottone quoque Imperatore, cuius auus, & pater, plurimum iuris sibi in Sedem Apostolicam arrogauerat profectum, diu durare non potuit, & ob impietatem Boleslai Regis, cæsumque Sanctum Stanislaum, in tot penè partes, in quot Martyris corpus sacrum diuisum fuit, regnum diuisum, multisque Prouincijs truncatum, magno nostro dolore cernimus. Quomodo autem posteriori tempore, annis propè ducentis quinquaginta exactis, beneficio Summi Pōtificis Ioannis Vigésimi primi, Regnum Poloniæ re-integratum fuerit, alibi à nobis dicendum erit. Cæterum Marcus Episcopus Plocensis, cum nouemdecim annos in Episcopatu exegisset, ætate ac laboribus, morbisque confectus, anno Christi millesimo octuagesimo septimo, piè, pijs operibus plenus cessit è vitâ, in Ecclesiâ Plocensi, quam bibliothecâ instruxerat, sepultus, Vladislao Hermano iam non Rege, sed Monarchâ res Poloniæ moderante, cum eodem tempore Henricus Quartus in Occidentali, Alexius Comenus in Orientali imperio summæ rei præessent.

Obitus Mar-  
ci VI. in or-  
dine Episcopi  
Plocensis An.  
Christi 1078.

*Stephanus Episcopus Plocensis VII.*

**H**Actenûs Ecclesia Plocensis contenta fuit Episcopis ab Vrbe religionis Orthodoxæ magistrâ petitis, neque nos etiam nunc pænitet, tales præfuisse Cathedrâ nostrâ, qui vitæ sanctitate, & eruditione, summâ cum laude præluxerunt futuris successoribus, manent etiam nunc tantorum virorum pietatis, propagandæ religionis studij, erudiendi rudioris populi, imbuendæ nobilis iuuentutis artibus liberalibus, exornandarum Ecclesiarum vestigia, neque vnquam deterentur, etiamsi tot qui illis successerunt piâ imitatione toties ea triuerint: vno verbo dicam, sex primis Diœcesis Plocensis Episcopatus fundatoribus, quidquid dignitatis, quidquid opum habet Ecclesia Plocensis debet; viuat in æternâ memoriâ nomen Apostolicorum virorum, quos Sedes Apostolica huc destinauit, Roma aluit, Polonia ut patronos & suæ salutis auctores colit ac veneratur. Non tædebat Maiores nostros eiusmodi sacræ doctrinæ Magistrorum, etiamsi externi & longè petiti essent. Nec Marco Episcopo Plocensi vitâ functo existimandum est, Prælatos, & Canonicos Ecclesiæ Plocensis, ambitione aliquâ ductos, ad electionem eius, qui natione Polonus esset, animos adieciisse. Creuerant iam educati, sub paternâ curâ Italicorum Episcoporum, magno numero aucti erant, & cum sese mutuo circumspicerent, facillè animaduertebant & iudicabant, non deesse Sacerdotes iudicio maturos, vitæ probitate notos, eruditione præstantes, qui munus Episcopale ritè, & ex dignitate gerere possent: maxime autem eo loco dignus visus est Stephanus Præpositus Plocensis, ut quem



quem iam dudum priorem fortuna cæteris Canonicis fecerat, is idem veluti ad Episcopatum facto gradu, concordibus omnium Canonicorum sententijs, anno Christi millesimo octuagesimo octavo, in defuncti Marci locum liberâ electione subrogaretur. Non temerè suspicabatur Clerus Plocensis, Vrbanum Secundum Pontificem Maximum, eâ electione commotum iri, neque permissurum, vt cum antea simplici Romanorum Pontificum prouisione, Episcopi Plocensibus darentur, deinceps ad Capitulum Plocense potestas eligendi Episcopos transferretur. Itaque ad Vladislaum cognomento Hermanum, post abrogatum Polonis ius Regium, primum Poloniae Monarcham confugiunt, eius opem implorant, suam vt apud Sedem Apostolicam auctoritatem interponat, efficiatque, vt ad normam aliarum Cathedralium Ecclesiarum, quæ liberis suffragijs electos Episcopos habent, Ecclesia Plocensis posterum componatur, iusque eligendi Episcopi, & Summo Pontifici ad confirmandum offerendi, Capitulo Plocensi in perpetuum ratum sit. Promouit eam electionem Vladislaus Princeps, non solum literis, sed & nuncijs missis ad Vrbanum Papam, idque iteratis vicibus; nam Summus Pontifex, ad primam famam factæ electionis, ægrè ferre videbatur ius Sedis Apostolicæ sibi eripi: cæterum cum eo tempore bellum sacrum contra Saracenos à Victore tertio, qui vno tantum anno Sedi Romanæ præfuit, indictum & cœptum, magno conatu vrgeret, iamque eo auctore, Godefredo Bullionio duce, in Syriam exercitus duceretur, multum, vt alijs Christianis Principibus, ita & Poloniae Monarchæ, quo eos in societatem belli sacri alliceret, indulgendum illi erat. Quamobrem seriùs aliquantò quàm oportebat petitioni Cleri Plocensis annuit, ac Stephanum Polonum Episcopum Plocensem electum, confirmauit, renunciauitque. Nobili genere is fuisse ortus creditur, ignoratur tamen quo insigni nobilitatis, quòve stemmate censeretur; modesti mores, & quòd vitæ castæ & pudicæ esset, magis quàm excellens aliqua doctrina, hoc decus illi pepererant: quanquam nec doctrina ea deerat, quæ ad gerendum Episcopatum requiritur: negotiorum verò publicorum tractandorum inprimis peritus habebatur, animi verò eâ magnitudine fuit, vt non solum hæc, quæ ad Ecclesiasticam functionem pertinent, exequeretur, verum etiam in publicis Regni consilijs, optimæ, & salutaris sententiæ auctor esset. Is cum Patriæ magno amore teneretur, dignitatemque nominis Poloni auctam vellet, primus durum olim iugum seruitutis, quo nobilitas Polona ad nutum imperiumque Principum obstricta erat, eoque quasi vineta tenebatur, demere orsus est, idque summâ curâ, cæteris etiam adnitentibus Proceribus Regni obtinuit, vt cum olim soli Episcopi Senatoriâ dignitate fulgerent, pauci que alij ad id munus arbitrio Regum adsciscerentur, deinceps per omnes districtus & regiones, Senatores Maiores & Minores, qui & in Prouincijs ius dicerent, & Regi iudicanti, ne omnia suo arbitratu faceret, quasi libertatis custodes,



des, & conseruatores adhiberentur, præstoque essent. Namque ut alia, quæ à Boleslao Audace contra Nobilitatem Polonam crudeliter gesta erant, sic vel maximè rabiosa cædes, quâ idem Rex Sanctissimum Episcopum Cracouiensem Stanislaum immaniter occiderat, admonuerat Polonos, ut Principum suorum deinceps manus arctius stringerent, ne ipsi solâ libidine, sed legibus etiam ac Senatorum adscitis consilijs, imperium exercerent, cuius malè gesti in publico Regni Comitio, ratio aliquando illis reddenda esset. Cæterum Stephanus Episcopus Plocensis, conciliato sibi & generis splendore, & tantâ libertatis tuendæ atque augendæ curâ omnium Polonorum amore, gestoque magnâ virtutis & pietatis existimatione Episcopatu, calculi dolore, quo frequenter vexabatur, extinctus est Anno Christi millesimo nonagesimo nono, tenuit Plocensem Sedem annis vndecim, & in eadem Ecclesiâ sepulturam accepit. Hoc eodem anno quo Stephanus Episcopus Plocensis mortuus est, exercitus Christianorum Duce Godefredo Bullionio, Hierosolyma die septimâ Iunij obsessâ, die decimâ quintâ Iulij, qui in sextam hebdomadæ feriam inciderat, cæsis Mahometanis, per vim capta & recepta est, ac Godefredus Primus Rex Hierosolymitanus renunciatus, cum Henricus quartus Imperator Romanorum omnes Pontifices, orsus à Gregorio septimo, usque ad Paschalem secundum, impijs premeret armis, immemor quod puer quinque annorum à patre relictus, beneficio Victoris Secundi, cui pater illum moriens commendauerat, Regnum Germaniæ adeptus esset.

Obitus Stephani in ordine VII. Episcopi Plocensis natione Poloni Anno Christi 1099.

### *Philippus Episcopus Plocensis VIII.*

CREuerant animi Plocensis Cleri, & ad eligendum alterum e numero sui, studia voluntatesque eorum incitatae erant; videbant enim Stephanum, à se ex gente Polonâ primum lectum, non solum decus summum præclare gesto Episcopatu sibi & Ecclesiæ Plocensi promeruisse; verum etiam id præclaris suis conatibus consecutum, ut neminem panitere posset ad Polonum, & in Poloniâ natum, tantæ dignitatis decus, quod hætenus in potestate Summi Pontificis, & manibus ab eo ablegatorum Episcoporum erat, delatum esse. Itaque Comitij nouæ electionis, ad diem festum Beatissimæ Virginis Mariæ Assumptæ in cælum indiētis, secretis votis, per viam quod aiunt Scrutinij, omnes vnanimi consensu Philippum Decanum Plocensem Episcopum esse iubent, & ritè electum pronunciant. Nobilis hic quoque gente & genere fuit, familiâ eâ ortus quæ gentilitium stemma Doliuam habet, vir consilio & æuo maturus, tractandorum tam Ecclesiasticorum, quàm etiam politicorum negotiorum experiētiâ, quam longo rerum usu sibi comparauerat, præstans. Hanc electionem non solum ratam habuit Vladislaus Princeps & Monarcha Poloniæ, verum etiam ipsdem Plocensis Ecclesiæ



clesiæ Prælati & Canonicis petentibus à Summo Romano Pontifice Paschali Secundo, ut eam auctoritate Apostolicâ confirmaret, electumque & confirmatum Episcopum Philippum ab Archiepiscopo Gnesensi Martino consecrari iuberet, obtinuit. Anno igitur Christi millesimo centesimo suscepto Episcopatu Plocensi Philippus, præter alias muneris sui functiones, quas summâ cum laude obibat, totum se impendit pijs operibus, & sacris in pauperes largitionibus, pupillorum & viduarum tutor, egenorum patronus & benefactor, omniumque aliquâ necessitate pressorum defensor, virtutum amator, vitiorum hostis, piâ hospitalitatem in excipiendis peregrinis non solum ipse exercuit, sed etiam eius exercendæ alijs auctor & dux fuit. Mirum dictu, sed non noua hæc sunt pietatis incrementa, dum ille pauperes alit & vestit, dum hospites & peregrinos libenter excipit, & liberaliter fouet, dum nullum sumptum, nullum laborem in tuendis pupillis & viduis subterfugit: opes facultatesque eius tantò magis crescebant atque augebatur: diceres Deum, cui grata est in pauperes pietas, pietate & liberalitate cum Philippo Episcopo certasse. Milites quoque & nobiles vniuersi, ad exemplum Pontificis eodem pietatis studio flagrare cœperunt. Sed Philippus exactis in Pontificatu septem annis, febris tertianâ quam vno anno pertulit, ordinatâ domo suâ, sacrisque Sacramentis ritè munitus, Anno Domini millesimo centesimo septimo, vitâ mortali perfunctus, ad cœlestem euolauit, Paschali Pontifice Romanam Sedem gubernante, Boleslao verò Criuoustio iuvene admodum res Polonicas moderante.

Obitus Philippi VIII. in ordine Episcopii Plocensis genere Nobilis de armis Dolina, Anno Christi 1107.

*Simon Gozdaua Episcopus Plocensis IX.*

Philippo Episcopo vitâ functo, non erat necessaria diuturna deliberatio, quæ mentes & studia Prælatorum & Canonicorum Plocensium, quem electuri essent distraheret: nam Simonis Archidiaconi Plocensis eximie virtutes, pietate, & eruditione ornatae, facile omnium desideria ad renunciandum eum Episcopum ad se traxerunt. Diu ille luctatus, & reluctatus studijs hominum honorem eum sibi deferentium, loci tam excelsi dignitatem æstimans, de se verò quasi hoc loco minùs dignus esset submissè iudicans: sed quantò magis ille honorem à se depellebat, tantò plus studia hominum incitabantur, ad eum exornandum eâ dignitate: victus tandem precibus omnium, cessit & ipse non tam hominum, quàm Diuinæ voluntati. Erat hic Simon singulari præditus prudentiâ, modestiâ, & doctrinâ ita ab ineunte ætate creuerat, ut in adolescente adhuc, maturi iam & graues resplenderent mores. Nobilis erat, & nobili genere ex eâ familiâ quæ Gozdauam insigne gentilitium gerit, ortum ducens, & ut ea tempora ferebant, diuinis humanisque literis præclarè instructus. Grata fuit Boleslao Criuoustio Monarchæ Poloniæ, tam præclari viri ad Episcopatum Plocensem promotio; quare eam ratam habuit, patrociniumque suum electo detulit. Præerat tum

Sedi



Sedi Romanę Paschalis secundus Pontifex, cui susceptum adhuc ab Henrico quarto Romanorum Rege, contra antecessorem suum Gregorium septimum, cum eodem Imperatore ingens certamen erat: iura Ecclesię tuebantur Summi Pontifices, quę Imperator vt oppugnaret & expugnaret, iterum atque iterum excitatis Schismaticis Antipapis, turbare rem Ecclesiasticam nitebatur. Itaque eo auctore hoc etiam tempore mortuo Guiberto, qui Clemens dici voluit, operā eiusdem Henrici Imperatoris, tres alij successiuę Pseudo-pontifices, Albertus, Theodoricus, & Magnulfus, inane Pontificium nomen sibi arrogarunt. Pericula denique itinerum vbique fuisse, atque omnes vias quibus Roma adiri possit, ab Imperatore obsessas, scribit Dominico illorum temporum Poęta. Atque viam Domini Petri faciebat hic hostis (Henricum Imperatorem intelligit) custodire viros, spoliare iubens peregrinos. His itinerum difficultatibus, & Schismate Ecclesiā Dei distractā, factum crediderim, vt Simon Episcopus Plocensis, non à Romano Pontifice, sed ab Archiepiscopo Gnesnensi Martino confirmari ac consecrari voluerit, Anno Christi millesimo centesimo octauo. Regnabat in Poloniā tum, vt suprà diximus, Boleslaus Criuoustius, Princeps acer & bellicosus, cui ingentium bellorum Zbigneus ex concubina à Vladislao Hermano susceptus, occasionem prębuit: namque is à patre certis Prouincijs donatus, indignę tamen spurius & nothus tulit, legitimę natum Principem, summo cum imperio, ita vt decuerat, à patre renunciatum fuisse. Itaque motis armis, cū ea parum succederent, Zbigneus sapius victus, ad extremum exilio mulctatus, ad Henrici Imperatoris opem, & auxilium confugit. Latus ille hac occasione, quasi eā ratione Poloniam imperio esset subiugaturus, bellum Polonię & Boleslao intulit, sed eo demum exitu, vt commisso ad Vratislauiam pręlio, acceptā ingenti clade, vix Imperator ipse saluus euaserit: campus, vbi pugnatum est plenus cadauerum, acerbum & miserabile spectaculum exhibebat, ac nostri quidem qui eo pręlio ceciderant, curā victorum conquisiti & sepulti sunt, hostes insepulti, & à suis deserti, canibus & volucribus esca iacuere. Inde cū eō tanta vis canum conuenisset, vt difficilem transitum paucis iter facientibus pręberet, Caninus campus à Polonis & Germanis locus ille dictus est, & in hodiernum vsque diem, vtraque linguā nomen hoc is qui ibi est vicus retinet; abest autem vno à Vratislauia milliari. Sed Simon Episcopus, quā vitę puritate, dum priuatus esset, enitebat, eā renunciatus Pontifex quasi candelā in candelabro posita, in cunctos lucis suę radios spargebat, ieiunijs & orationibus intentus, in templo sedulus, mediā nocte ad preces Matutinas in choro cum cæteris Sacerdotibus absoluendas surgebat, sacroque officio dum in templo caneretur, quod & ipse per se quotidianis sacrificijs obibat, præsens semper aderat. Non me pigebit verbis Vincentij Kadlubconis de Karnowo Episcopi Cracouiensis, à Dlugosso relat-



tis sanctitatem huius Episcopi quâ excelluit hîc inferere. Sic igitur habet Dlugoffus: Huius etiam Pontificis Simonis quanta probitas fuerit, Vincentius Kadlubconis de Karnowo Episcopus Cracouiensis, in Chronicâ suâ, quam de Polonorum gestis disertio stylo contexuit, meminit ita scribens: Zelus nimirum domus Dei aureo inscribendus calamo, Simonem, & Alexandrum Plocenses Antistites armauerat, qui utrosque hostes, per uigili solertiâ, studiosissimè ab arce Diuinâ arcere satagebât. Item in subsequentibus. Magnus quidem Alexander Episcopus Plocensis, sed maior, ut video, Simon Alexandro, (Alexander iste successor Simonis in Episcopatu Plocensi) qui Patriarchæ, & legislatoris Moyse, animando Polonos contra barbaros ad prælium, & pro illis feruenter prius assidue, donec vniuersus profligatus esset hostis, orando, in se virtutem expressit. Et post pauca. Adest Pontifex Simon institis & infulis Pontificalium insignis, non tam luctu, quàm precum & suffragiorum deuotione, miserabile spectaculum profecutus, qui eminens exclamat: In vno tantum filioli spes est vincendi, non in multis victoriæ, nec mortis metuendum est discrimen, maximè cum pro salute agitur proximorum, quia mors corporis hominem non extinguit, sed ad præmium virtutis admittit. Quo dicto suos pugnæ, sese orationi committit, nec cessat donec omnis illa prædonum curiositas succumbit, paucis admodum fugâ elapsis. hæc Dlugoffus. Quod autem, & quale id prælium fuerit, ex Martino Cromero accipe. Excurrebant Prussi, & Pomerani prædabundi in Masouiam, vastatisque raptim agris & pagis permultis, celeriter se cum prædâ domum recipiebant. Præerat tunc Masouiae Magnus Comes, quæ à Vratislaviensi præfecturâ amotum fuisse, superius in Vladislao exposuimus. Is tumultuariâ manu factâ, reuertentes barbaros persecutus, & primâ luce inopinantes, & post populationis laborem largioresque ex prædâ epulas, altum dormientes adortus, ad internecionem omnem illâ hostilem manum deleuit, nullo de suis desiderato. Hostes autem sexcenti interfecti sunt, capti mille ducenti. ceteri qui in proximas syluas effugerant, sequentibus aliquot diebus ab agrestibus excepti, ac trucidati sunt, quin à mulieribus quoque duabus fraga legentibus vnus captus, & reuinctis post tergum manibus, adductus esse memoratur. Atque hæc victoria de barbaris Simoni Episcopo Plocensi, pietate & sanctimoniâ vitæ venerando seni refertur accepta, quod is & animauerit nostros in hostem, & pugnantibus ijs Dei opem implorare non cessauerit, Moysen populi Dei ducem imitatus, cuius precibus, & extensione manuum, magis quàm armis atque viribus Analechitas profligatos esse, sacris Hebræorum literis proditum est. hæc Cromerus. Kadlubcus verò cuius superius fecimus mentionem, vixit circa Annum Domini millesimum ducentessimum insigni sanctitate, gestoque per aliquot annos Episcopatu Cracouiensi, eo se sponte abdicauit, vitæ in Monasterio Andreiouiensi, sub Regulâ Diui Bernardi Clareuallensis arctioris amore incensus, ibidem sanctè, & pie actam ætatem finijt, cuius memoria nuper curâ, & diligentia Remigiani Koniecpolij, Episcopi Chel-

Kadlubcus  
Episcopus  
Cracouiensis  
Monachatum  
proficetur.



Chelmenfis, & Abbatiae Andreiouiensis Administratoris, pietatis propagandae studiosissimi, ita renouata est, ut tanti viri iam functi sanctitas miraculis etiam declarata nunc in Polonia magis ac magis celebretur. Noster autem Simon Episcopus Plocensis, cum sedisset annos viginti & unum, plenus bonorum operum senex, Anno Domini millesimo centesimo vigesimo nono, septimo Idus Mensis Maij in viuis esse desijt, Honorio Secundo Potifice Maximo, Romano imperio praesidente Lothario secundo Imperatore. Sed nos ut pietatis quoque, quam Boleslaus Criuouftius flagrauit, aliquod argumentum publicis monumentis inseramus, id inprimis commemorandum duximus, hunc Principem frequentissima toto imperij sui tempore bella cum Pomeranis gessisse, non alio certe conatu, aut intentione, nisi ut eos Christo & religioni Catholicae lucrifaceret. Eius rei cum vix aliquam Scriptores rerum Polonicarum mentionem fecerint, nos ex Illustrissimo Cardinali Baronio, ea in medium adferemus, quae fidem posteritati facient, Boleslaum Principem Poloniae pia gessisse bella; namque cum Baronius Annum Christi millesimum centesimum vigesimum quartum suis inserit Annalibus, ac Ottonis Episcopi Bambergensis gesta, & Apostolatum ad Pomeranos auctoritate Callisti Secundi Papae susceptum, ex Abbate Urspergeni describit, post multos apparatus Sancti Ottonis Episcopi, haec ex eodem Urspergeni addit:

*Obitus Simonis IX. in ordine Episcopi Plocensis Anno Christi 1129.*

His ita dispositis & stabilitis, ad Apostolatus suscepti munus, diuini Spiritus roboratus gratia se accinxit, cum iam ante a Polonorum Duce Boleslao his literis fuisset inuitatus:

Domino suo, & patri amantissimo, Ottoni Venerabili Episcopo, Boleslaus Dux Polonorum, filialis obsequij humilem deuotionem. Quia in diebus iuuentutis tuae, apud patrem meum decentissimam te honestate conuersatum memini, & nunc quoque Dominus tecum est, firmans te, & benedicens tibi in omnibus vijs tuis, si tuae non displicet Dignitati, veteres tecum renouare amicitias, tuoque consilio simul & auxilio uti ad Dei gloriam promerendam, ipsius gratia coadiuuante cupimus. Nosti enim, ut arbitror, quomodo Pomeranorum crudam barbarie, non meam quidem, sed Dei virtute humiliatam, societati Ecclesiae per Baptismi lauacrum se admitti petunt: sed ecce per triennium laboro, quod nullum Episcoporum vel Sacerdotum idoneorum mihiue affinium, ad hoc opus inducere queo. Vnde, quia tua Sanctitas ad omne opus bonum prompta & indefessa praedicatur, rogamus Pater amantissime, non te pigeat nostro comitante seruitio, pro Dei gloria tuaeque beatitudinis incremento, id laboris assumere. Sed & ego tuae Paternitatis deuotus famulus impensas omnes & socios itinerum, & linguae interpretes, & coadiutores Presbyteros, & quaecunque necessaria fuerint praebabo, tu tantum Sanctissime Pater venire dignare. Haec tenens, inquit Baronius, Ducis Poloniae ad Ottonem Epistola de Apostolatu ad Pomeranos susci-



piendo. Sunt Pomerani (inquit idem) populi Slauicæ, ita Slauico siue Vandalico nomine dicti, quod iuxta mare sunt positi.

Rectè quidem Cardinalis Baronius nititur testimonio Abbatis Vrspergensis sui temporis Historiam scribentis: sed animaduertere debuerat, non Vrspergensem tantum, sed omnes eius æui Historicos Germanos, laudi nominis Poloni nimium inuidisse, offensos victorijs & Criuoustij, & eius filij Boleslai Crispi, illius quidem contra Henricum Imperatorem, huius verò contra Fridericum gloriosè obtentis. Itaque quantum in illo fuit, omnem conuersæ ad fidem Catholicam Pomeraniæ laudem alijs tribuit, de Polonis silet, & quos Lechitas appellare debuit, Lutitas ficto nomine suppressit, cum res ipsa & Annales nostri testentur, Boleslaum Criuoustium Principem Poloniæ, Anno Christi millesimo ducentesimo decimo tertio, redactâ in formam Prouinciæ vniuersâ Pomeraniâ, ei que Suentopelco Grifio, consiliario suo nobili Polono præfecto dato, ad Sanctum Ottonem Episcopum Bambergensem, in aulâ Regis Poloniæ educatum, & Cancellarij munere functum, (nam & is Slauus fuit, vt ex ipsius nomine apparet) scripsisse, eumque ad Pomeranos siue Lechitas euocasse, ita vt quod Christianam religionem Pomerania suscepit, Boleslao & non vlli alij Imperatori vel Regi, Ecclesia Catholica acceptum ferre debeat. Quod autem in literis Boleslai habetur, illum promittere Sancto Ottoni linguæ interpretes, non in eum sensum accipias, quasi Sanctus Episcopus linguam Polonicam siue Slauonicam ignorauerit, cum regnante Vladislao eius Boleslai patre, Poloniæ Regni Cancellarius esset: sed quod sciret Boleslaus, eum ex Germaniâ Presbyteros huius idiomatis gnaros secum habere non posse, suos ex Poloniâ lectos Sacerdotes & Presbyteros illi se submissurum pollicetur. Extant adhuc in Pomeraniâ, iam nunc armis, & nouis colonijs Germanorum oppressâ, multi pagi & villæ, à priscis Vandalis siue Lechitis cultæ, & inhabitatæ, non obscura vestigia referentes Polonici imperij, ijetiam nunc fidem Catholicam, quantum in illis est, & per potentiam hæreticorum Principum Germanorum licet, tumentur profitenturque, à Germanis Pomeraniæ nunc dominis, Vandali dicti. Hæc hîc inferere libuit: interim ad successorem Simonis Alexandrum stylum conuertamus.

*Alexander Episcopus Plocensis X.*

**E**A fuit illius temporis Episcoporum Plocensium probitas, & sanctitas, vt si corruptos sæculi illius, & ipsius Romani Cleri mores, turpemque ambitum quo potissimum Ecclesiastici infecti erant, expendere; Episcopos Plocenses exemplo cæteris fieri, & ad imitationem proponi potuisse animaduertes. Longè alieni erant ab ambitu, & vt vidimus, inuitus Simon & penè coactus acceptauit hoc munus, quo se indignum piâ animi submissione censuit: inuitus & Alexander eius successor,



for, totius Collegij consensu Episcopus electus, Sedem Episcopalem conscendit. Sperare quidem hunc honorem potuit: nam & eruditione, & sanctitate præstans, omnium iudicio magis ad gerendum eum Magistratum idoneus censebatur. sed ambire noluit. Cuius electio grata fuit Boleslao Criuoustio, Principi victorioso, qui tum sceptrum Poloniæ moderabatur. Alexander autem morem & exemplum sui prædecessoris secutus, electionem suam non à Romano Pontifice, qui tum Honorius Secundus erat, sed à Iacobo Archiepiscopo Gnesnensi confirmari & consecrari voluit, Anno Domini millesimo centesimo vigesimo nono. Crediderim ego, etiamsi nullus Scriptorum nostrorum huius rei mentionem faciat, illo sæculo Romanos Pontifices ambitione Regum Germanorum pressos, Germaniâ ipsâ bellis ardente, ob difficilem ad Urbem Romanam accessum, Poloniæ Archiepiscopis indulgisse eam potestatem, ut electos Episcopos iure Metropolitico confirmarent, & consecrarent. Nobilissimus fuit ex eâ familiâ quæ Dolengam insigne habet, eruditione eâ præstans, quæ ad gerendum munus Episcopale illo sæculo requirebatur. Et quamvis & Episcopus, & Senator Regni esset, magis tamen spirituali quam sæculari curæ intentus esse videbatur, cum mores corruptos, præcipuè verò Cleri corrigeret, vitia extirparet, abusus tolleretur, improborum hostis, & seuerior in eos, qui minus corrigibiles aut scandalo cæteris essent; benignus & affabilis ijs, quos virtute & præcipuè pudiciâ eminere cerneret: & ut paucis omnia complectar, hic primus generis Poloni splendorem, dignitate Episcopali fulgentem orbi ostendit. Postquam viginti annos in Cathedrâ Plocensi sedisset, Anno Christi millesimo centesimo quinquagesimo sexto, in Plocensi Ecclesiâ tumulatus est. Hunc fuisse primum qui Ecclesiam Plocensem olim ligneam è muro struxerit, ex verbis Vincentij Kadlubconis à Dlugosso relatis credibile est. Sic igitur Dlugossus habet. Meminit & huius Pontificis Vincentiana Chronica, & singulari illum laude efferens scribit Masouiam consilij esse fortem, & vernatissimam militiæ flore, & maiestate: inter quos Alexandrum Pontificem Plocensem summâ dignum admiratione duco, qui tam diuersis & summis rebus sufficere potuerit; idem agnus & leo, idem lupus & dux gregis, idem Præsul & miles, simul armatus & deuotus, ut inter iuges armorum excubias, nihil quod fuit deuotionis neglexerit. Magnus quidem Alexander Macedo in prælijs, sed in Diuinis maior Plocensis Episcopus Alexander obsequijs, nam ut extructas ab eo Basilicas cuiuslibet inuidia silentio sepeliat, indeuotus autem quo pacto existimabitur, qui tam conspicuum Beatæ Virginis templum à primis initiat fundamentis; & consummat, quod non tantum intrinsecis & specialibus locupletauit studijs, sed etiam armis communiuit necessarijs, vndique septum præsidijs? Ex quibus nimirum verbis elici potest, quod ipse fuit muralis fabricæ Plocensis Ecclesiæ primus initiator. Hucusque Dlugossus.

*Obitus Alexandri X. in ordine Episcopi Plocensis, Anno Christi 1156.*



*Vernerus Episcopus Plocensis XI.*

**I**lluxit nouum fidus in celso & vniuersæ Sarmatiæ conspicuo Episcopatus Plocensis candelabro Vernerus; qui cum esset Scholasticus Plocensis, ad diem secundam Maij, totius Collegij Plocensis consensu, delatum sibi Episcopatum Plocensem multum reluctatus, sed tandem precibus omnium victus acceptauit. Si genus spectes, nobili & vetustâ stirpe ortus fuit, eâ familiâ quæ Rosam pro stemmate defert: si eruditione, eâ cæteris omnibus præcelluit; sed maior, & non nisi Vneri propria laus, quod vitæ sanctitate, morum grauitate maximè enituerit. Electus itaque Episcopus ad Archiepiscopum Gnesnensem Ianisslaum, vt ab eo confirmaretur, & consecraretur, se contulit; à quo Louicij ritè seruatis omnibus, quæ ex præscripto Sacrorum Canonum vsurpari solent, Episcopus Plocensis renunciatus est, Anno Christi millesimo centesimo quinquagesimo sexto. Moris erat Vnero ab eo tempore quo Episcopatum Plocensem suscepit, vt ad custodiam earum virtutum, quibus egregiè ornatus fuit, semper testes vitæ suæ viros probatos & religiosos adhiberet, eorumque contubernio vteretur, vt & ad eorum exemplum vitæ suæ statum formaret, & conuersatione eorum in meliorem virum euaderet: hi cum eo in eodem dormitorio cubare soliti erant, his solis consocijs Sanctus Episcopus, cilicio, & virgâ affligebat corpus castigabatque, & non solum his exercitijs, verum etiam frequentibus ieiunijs eò adigebat, vt spiritui seruiret: deuotus erat & religioni pietati que addictus, pijs operibus, & potissimum piæ in egenos largitioni deditus: idem tamen bonorum Ecclesiæ adscriptorum defensor acerrimus. Non meis verbis vitæ ipsius præclarum exitum, sed Martini Cromeri Historici Polonici referam. Is igitur Historiæ Polonicæ libro sexto, dum Boleslai Crispi, Boleslai Criuoustij (qui Anno Christi millesimo centesimo trigesimo nono, cum in Polonia triginta sex annos regnasset, ac contra diuersos Regni hostes quadragies semper feliciter pugnasset, eosque vicisset, ad cæleste regnum translatus, & in Ecclesiâ Plocensi, vbi & pater illius Vladislaus tumulatus fuit, sepulturam accepit) secundò geniti filij Principatum describit, hæc de exitu Vneri habet: Præerat tunc quartum decimum annum Plocensi Ecclesiæ Episcopus Vernerus, equestri Rosarum familiâ, integritate & sanctimoniâ vitæ clarus, & eleganter eruditus: ei per vim, & iniuriam Bolesla vir potens, & violentus, ex eâ familiâ ortus, quæ Soleam equi cum cruce altrinsecus superpositâ insignie gerit, Carls-cum pagum adimebat (erat autem is Castellanus Visnensis, & oram illam Prussis finitimam pro Boleslao Crispo administrabat.) Eum igitur comiter, & blandè Vernerus per se & per amicos orat & admonet, ne vim faciat Ecclesiæ: vbi nihil proficit, in ius vocat, causam obtinet, in possessionem reponitur. Molestissimè id ferebat Bolesla, multaque maledicta



ledicta in mansuetum Episcopum ingerebat, & necem ei machinari coepit. Erat ei non modica cum vicinis Prussis consuetudo, qui cum non pauci fortè ad eum vel ius petitori, vel compotaturi conuenissent, acceptos lautè & benè potos, promissis etiam oneratos, noctu ad obtruncandum Vernerum, qui tunc fortè ad Biskupice villam suam venerat, cum Bieniasso fratre suo germano milit. Peragunt illi iussa, effractisque portis, in cubiculo dormientem Episcopum, cum fratre Benedicto monacho Benedictensis sectæ, trucidant. Delituerat per eum tumultum sub lecto Episcopi puer Cubicularius: is igitur auctores sceleris prodidit. re cognitâ Archiepiscopus Gnesnensis Petrus familiâ Srzeniauius, qui Ianico non multò antè successerat, de consilio & voluntate ceterorum Episcoporum, toti Prouinciæ Sacris interdixit. Motus & atrocitate facti, & interdicto Archiepiscopi Boleslaus Princeps, comprehendi Boleslam, & ex vinculis causam dicere apud se, condemnatumque in foro Gnesnensi, vbi hæc agebantur, extructo rogo cremari iussit. Bieniassus verò, post patratum illud scelus nusquam postea comparuit, creditumque est vulgò eum terræ hiatu absorptum, meritum Sancto Episcopo supplicium expendisse. Vneri corpus Ploscum delatum honorificè sepultum est. Hæc Cromerus. Dies huius parricidij adnotatur pridie Idus Februarij, Anno Christi millesimo centesimo septuagesimo secundo, vt mirum merito haberi debeat, inter Vneri & Sancti Thomæ Cantuariensis Archiepiscopi, ab Henrico Angliæ Rege cæsi martyrium, triginta & octo dies tantum intercessisse, credas eos pari fulsisse sanctitate, par quoque in cælis præmium consecutos esse. Illud sanè dolendum, quòd hætenùs ignoretur sepulchrum in quo Vnerus conditus est, cum illum magnis miraculis claruisse omnes testentur Historici. Rexit Vnerus Ecclesiam Plocensem annis quatuordecim, Alexandro Romanorum Pontifice Urbem & orbem moderante, ac cum Friderico Ænobarbo Ecclesiæ hoste bellum pium & Catholicum gerente.

Vnerus XI.  
in ordine E-  
piscopus Plo-  
censis à Boles-  
slao Cast.  
Videns  
trucidatur  
Anno Christi  
1172.

*Lupus Episcopus Plocensis XII.*

Vneri successit Lupus; nam Prælati & Canonici vnà cum totâ Diœcesi, mortem optimi Pastoris gemitu & lachrymis profecuti, ad diem vigesimam sextam Martij, Comitij electionis noui Episcopi indictis, cum tres tribus diuersis sententijs propositi essent, breui tamen Nicolao & Martino in suum fauorem latis renunciantibus, Lupus Custos Plocensis eligitur Episcopus, Boleslao Crispo assentiente, cuius electione ad Petrum secundum Archiepiscopum Gnesnensem relatâ, atque eodem Lupo ad eum Vnieiouiâ, quod oppidum in territorio Syradienfi ditionis Archiepiscopi Gnesnensis est, veniente, ab eodem confirmatus, & Episcopus Plocensis consecratus est. Hunc quoque Episcopum vt superiores Polonia dedit, genere nobili ex familiâ Gozembarum ortum



Obitus Lupi  
XII. in ordi-  
ne Episcopi  
Plocensis, An-  
no Christi  
1179.

ortum ducentem, vir frugi & temperatus fuisse dicitur, sed ad iracundiam proclivior, bileque accensâ non facilè eam coërcere poterat, rei quoque familiaris parandæ, augendisque opibus magis intentus, quàm Episcopum decuit. Gessit Pontificatum Plocensem annis novem: paralyti tactus, eaque ægritudine propè anno vexatus, ad extremum sanctissimis Ecclesiasticis Sacramentis expiatus, Anno saluati mundi millesimo centesimo septuagesimo nono moritur, & in Ecclesiâ Plocensi sepelitur, cum tunc Sedem Romanam idem qui suprâ Alexander tertius teneret. Masouia verò & Plocensis Palatinatus, Casimiro cognomento Iusto Monarchæ Regni Poloniæ, pareret. Sed cum à Martino Cromero Lenciciæ Comitij Anno millesimo centesimo octuagesimo indictis interfuisse cum cæteris Episcopis scribatur, diutiùs eum vixisse quàm Dlugossus notat credibile est.

### *Vitus Episcopus Plocensis XIII.*

Obitus Viti  
XIII. in ordi-  
ne Episcopi  
Plocensis An-  
no Christi  
1206.

**L**Vpo vitâ functo Vitus subrogatus est, genere Nobili natus, è familiâ Ianinâ, opulentus admodum & multarum possessionum dominus, quarum ad extremum, fundatis tam virorum, quàm mulierum Monasterijs, hæredem Christum scripsit. Canonicus is fuit Plocensis, & die Beatæ Virgini Natæ dicatâ, omnium Prælatorum & Canonicorum Plocensium consensu electus, atque à Zilislao Archiepiscopo Gnesnensi, annuente Casimiro Iusto Poloniæ Monarchâ confirmatus, & in Ecclesiâ Metropolitanâ Gnesnensi consecratus est. Literis Diuinis & humanis præclarè eruditus, virtutum omnium studiosissimus, singulari pietate fulgens, ac ardenti in Deum amore feruens, Monasteriorum Vitouienfis & Buscensis bonis paternis illis donatis, & Plocensis ex patrimonio Plocensis Ecclesiæ, compluribus villis & prædijs illi adiunctis, liberalis fundator, quæ Monasteria Monachis Ordinis Præmonstratensis attribuit, ac ut in ijs tam viri quàm fœminæ, separatis distinctæ habitationibus Deo deseruirent, Monachi que fœminarum regimen tenerent, constituit. Sed deinceps gubernatio eius Monasterij, olim non ex præscripto sacrorum Canonum per Monachos administrata, ad Episcopos Plocenses, cum summâ potestate instituendi & destituendi Præpositi, & iure in vitam, & mores sacrarum eius Monasterij Virginum inspiciendi, translata est; & ne quid iuris sibi Abbas Vitouienfis in eo Monasterio usurparet, Episcopi Plocenses legitimè euicerunt, id quod deinceps etiam Sacrum Concilium Tridentinum sanxit, & ratum esse voluit. Obijt Vitus Episcopus, Anno Christi millesimo ducentesimo sexto, cum Plocensem Ecclesiam rexisset annis viginti & septem. Quo tempore Innocentius Petri Cathedram Romæ tenuit, Philippus Romano, Balduinus Belga Comes Flandriæ, pulso Alexio Angelo paucis annis Constantinopolitano præfuit imperio.

*Gosslaus*



*Goslaus Episcopus Plocensis XIV.*

**I**Am Polonia grandi piaculo ob cædem Sancti Stanislai obnoxia, sublato Regio decore, ac ornamentis magni quondam Regni spoliata, à multis regnabatur Toparchis, qui etsi regio orti sanguine, tamen partitis inter se prouincijs, tyrannicum magis quàm legitimum exercebant imperium. Ferunt eo tempore, cùm Diuus Stanislaus occideretur, pijs quibusdam hominibus diuinitus reuelatum fuisse, Regnum Poloniæ subsequenti tempore, in vltionem innoxia cædis in Sanctum Episcopum perpetrata, in multas partes discerptum iri, quemadmodum corpus Stanislai sectum fuerat; id non temerè creditum successus ostendit. Nam & Vladislaus Hermanus, huius Boleslai qui Sanctum Stanislaum occidit frater, susceptis duobus filijs, quorum alter Zbigneus nomine spurius, alter Boleslaus Criuoustius erat, domi natum bellum expertus est, & Boleslaus Criuoustius diu cum eodē fratre spurio ancipiti euentu bellum gessit, & ipse legitimâ prole fœcundus susceptis Vladislao, Boleslao, Miecislao, Henrico, Casimiro, regnum inter illos exitioso Reipub. consilio partitus est. Existimabat quidem ille, cæteros filios suos imperium fratris maioris natu æquis animis luros, & Vladislaum cui summam rei detulerat, fraternum erga sanguinem suum amorem conseruaturum: sed regnandi libidinem frustra legitimis terminis circumscripseris, maximè alienâ accensam persuasione. Erat Vladislao vxor Christina Cæsare Henrico genita, cuius elatior animus magis veterem quàm præsentem spectabat fortunam, seque imperatoriâ stirpe ortam, eâ spe nuptui in Poloniam datam, vt maritus non vnus partis, sed totius Regni esset dominus, frequenter marito multâ cum exprobratione, & odio leuirorum, secretis susurris inspirabat, tantumque effecit, vt Vladislaus primò tributo fratres grauare vellet, mox cùm id negabatur, ad occupandas eorum possessiones bellum susciperet; sed ijsdem arma opponentibus, ad Posnaniam victus fugatusque, qui aliena appetijt sua amisit; namque omnium Polonorum odio flagrans, ab ijsque destitutus ac memor, quâ superbiâ fratres supplices olim à se reiecisset, idem ne sibi ab illis fieret veritus, ad Conradum tertium Imperatorem Romanorum, vxoris suæ consobrinum, opem ab eo petiturus confugit: secuta maritum exulem, vxor cum liberis. Hinc bellorum maximorum causæ, hinc regni in minores etiam partes sectiones, ita vt per ducentos & quinquaginta annos, qui à cæde Diui Stanislai vsque ad Vladislaum Loëticum Regem Poloniæ renunciatum intercesserunt, nunquam Polonia armis ciuilibus, ac mutuis inter se cædibus non laborauerit, ac sæpiissimè proxima supremo exitio fuerit. Auulsa per eandem occasionem maxima maioris Poloniæ pars, & totum id, quidquid Silesiæ finibus continetur cum Lusatiâ, quam Maiores nostri Lusitiam, quasi restagnan-



reftagnantem dicebant. Ex ruinis Patriæ noſtræ creuerunt Pomeraniæ Duces, olim Poloniæ ſubditi, qui commiſſo ad certum tempus regimine per fraudem abuſi, directi dominiꝝ titulum ſibi uſurparunt. Creuerunt & Brandeburgenſes Marchiones, uſurpatâ ſibi eâ Poloniæ parte, quæ nunc noua Marchia appellatur. Ruſſia quoque Boeſſaorum & Vladiſſaorum victorijs domita, & in formam Prouinciæ redacta, turbatis in Poloniâ rebus, in poteſtatem Lithuanorum, gentis eo tempore ſatis obſcuræ, venerat. Hi ſanè ſunt fructus violatæ libertatis Eccleſiaſticae, tales libidinoſorum amorum infelices euentus, vt dum monenti à Regibus non paretur Sacerdoti, regna vel amittantur, vel transferantur. Sed nos ad noſtra. Regnabat in Maſouiâ, & Plocenſi Palatinatu Conradus Boeſſai Criuouſti nepos, cùm defuncto Vito Episcopatus Plocenſis vacaret; cui vt Prælati & Canonici Plocenſes ſucceſſorem eligerent, ad diem primam Auguſti Comitia electionis indixerunt, ac dum de nouo Episcopo ſubſtituendo deliberatur, facilè omnium ſtudia in Gedeonem Scholaſticum Plocenſem flexa ſunt; erat enim nobiliſſimo Griphorum genere ortus, Sacerdotio per multos annos piè & præclarè functus, eruditus, & ad quæuis negotia ſuſcipienda maximè idoneus: ſolius cholerae intemperiem in eo reprehendere poſſis, niſi quòd ea quoque, quia breui temporis ſpatio deferuebat, non multùm præclaras illius virtutes obſcurare videbatur. Electus, electionem ſuam probante Conrado Duce, ad Henricum primum Archiepiſcopum Gneſnenſem ſe contulit, ab eoque ritè examinatus & confirmatus, Gneſnæ conſecrationis munus ſuſcepit. Magnam is quoque commendationem apud poſteritatem obtinuit præclarè geſti Episcopatus, in quo gubernando nihil vnquam intermiſit, in quo ſalutis gregis ſibi commiſſi cura & ſollicitudo Paſtoralis opem eius poſtulare. Sed enim cùm per aliquot annos pacatum Episcopatum teneret, ac Conradus Princeps iuuenis adhuc Criſtini Palatini Plocenſis, viti prudentis & bellicoſi conſilijs niteretur, victorūque ſemper contra Pruſſos finitimos ſuos hoſtes euaderet, accidit vt idem Palatinus, accuſatione Ioannis Czapla Scholaſtici Plocenſis ac Cancellarij Ducis, quaſi plus ſibi arrogaret, in ſuſpicionem appetiti imperij adduceretur. His incitatus Conradus, Criſtinum de ſe optimè meritum in vincula coniicit, excæcat, & poſtremò necat. Eo ſcelere verſâ fortunâ Conradi, Pruſſi qui ſemper victi erant, ſublato è medio Criſtino Maſouiam vniuerſam armis incurſarunt, Plocum ipſum oppidum Maſouiæ caput exuſſerunt, ingentique breui tempore clades accepta eſt & Eccleſia Plocenſis, ſupellectilis Eccleſiaſticae aureæ & argenteæ incendio templi Cathedralis grandem iacturam ſubiit. Ad arcendos itaque Pruſſos, cùm Conradus cæteros Poloniæ Duces aduocaſſet, eiſque victis Culmenſem Palatinatum recuperਾſſet, Chriſtiano primo Episcopo Culmenſi redditus annuos aſſignauit: in quem vt Episcopus quoque Plocenſis Gedeon liberalis eſſet, eidem, Cromero teſte, toto Collegio Sacerdotum aſſentiente, Tar-

nouiam,



nouiam, quæ fortasse Torunia est, & Papouiam cum omnibus pagis ac prædijs adiunctis, itemque ius omne Ecclesiasticum, quod habebat in ditione Culmensi, adiecit; id, inquit Cromerus, Anno Christi millesimo ducentesimo vigesimo secundo actum est, vti videre est ex diplomate à Conrado & Gedeone supra memoratis, pariterque à Lesco Poloniae & Henrico Silesiae Ducibus, Vincentio Archiepiscopo Gnesnensi, Cracouiensi, Posnaniensi, Vratislaviensi, Lubesensi, & Cuiaviensi Episcopis, consignato. Cuius exemplum extat in Archiuio regio, vnde licet colligere Archiepiscopum quoque ac cæteros Episcopos, Conrado contra barbaros adfuisse. Hunc Gedeonem Dlugossius Goslaum primum, vel moliori nomine Getkam appellat; sed diuersis nominibus fuisse appellatum grandis suspicio est. Is vbi septemdecim annis sedem Plocensem tenuit, ac precibus lachrymisque dum adhuc Cristinus Palatinus Plocensis vivebat, præclaras victorias Masouijs suis à Deo impetrauit, religionemque Christianam fundato Episcopatu Culmensi in Prussia promouit, tandem Anno Domini millesimo ducentesimo vigesimo tertio, in viuis esse desijt, sub Honorij tertij Pontificatu, & Friderici Secundi Romanorum Cæsaris imperio.

Obitus Goslai  
Gryphij Epi-  
scopi Plocen-  
sis XIV. Anno  
Christi 1223.

*Ioannes Episcopus Plocensis XV.*

**N**Ouum ambitionis genus collegium Ecclesiae Plocensis occupasse videbatur, cum illo in electione, quæ mortem Gedeonis subsequuta est, in varias distracto sententias, aliquot factiones vnaquæque secum suum electum trahens, prodierunt. Ex hac dissensione biennio per eam discordiam vacauit Sedes Plocensis, frustra interea vno ex electis Guntero Canonico Plocensi, fauore Conradi Masouiae Ducis, electi Episcopi prerogatiuam sibi arrogante; nam Prælati & Canonici Plocenses, meliori & saniori vti consilio, Anno millesimo ducentesimo vigesimo quinto, abrogatâ omni aliâ electione, Ioannem Canonicum Plocensem Episcopum esse iusserunt, eundemque & confirmari & consecrari per Vincen- tium primum Archiepiscopum Gnesnensem curarunt. Vir nobilis is fuit, de genere Gozdauitarum ortum ducens, prudens, pius, modestus, sed ætate ad senium inclinante, ob aduersam valetudinem rebus gerendis minùs idoneus, ac podagricis doloribus continuò obnoxius. Itaque cum biennio tantum Ecclesiae Plocensi præfuisset, Anno Christi millesimo du- centesimo vigesimo septimo, morte suâ vacuam Cathedram Plocensem reliquit, sacro relictus viatico, domoq; suâ ritè ordinatâ, honorem quo- que sepulturæ in Ecclesia Plocensi obtinuit. Accidit huius Episcopi mors Gregorij Noni Pontificis Maximi Anno primo, quo anno etiam Lesco Albus Monarcha Poloniae, fraude Suentopelci, quem Pomeraniae sum- mo cum imperio præfecerat, & rebellantem in ordinem redigere vole- bat, Ganzauia, quod oppidum est Abbatis Tremesnensis, vbi Comitum cum cæteris Principibus obibat, occisus est.

Obitus Ioan-  
nis XV. in  
ordine Episc.  
Plocensis An-  
no Christi  
1227.



*Gunterus Episcopus Plocensis XVI.*

**C**Um in electione Ioannis proximè vitâ functi Episcopi Plocensis, priores partes Gunterus Canonicus Plocensis tenuisset, concordia tamen & boni publici causâ iure suo cessisset, faciliè vitâ functo Ioanne omnium voluntates ad sui electionem recentis modestiæ memoriâ traxit; ita virtute honos, si interdum non acceptetur, cumulator redire solet. Libepter & Conradus Masouia Princeps vidit electum Gunterum Episcopum, cui etiam in præteritâ electione suum fauorem accommodauerat, quemque videbat animi magnitudine cæteris omnibus præstantem, plurimum suis rationibus commodaturum. Nec Vincentius Archiepiscopus Gnesnensis eius legitimam electionem suspensam habuit; verum anno Domini millesimo ducentesimo vigesimo septimo, eundem in Ecclesiâ Gnesnensi confirmavit & consecrauit, virum planè dignum eo loco, & qui vtrumque gladium in hostes Christiani nominis stringere auderet, utpote vir nobili genere Prussorum ortus, & tam ad bella gerenda, quam Episcopales quoque functiones sustinendas idoneus. Is cum videret Episcopatum suum impunè à Pruthenis vastari, innoxios homines cædi, alios, simulque sexum imbellem in seruitutem abduci, eaque Conrado penè inspectante fieri, sumptis armis, defensionem Episcopatus sui suscepit, leuioribusque prælijs coercitis Pruthenorum latrocinijs, castrum Dzierzgow, ex quo illi prædas acturi excurrere solebant, & ubi Christianos captos detinebant, deiecto Pruthenorum præsidio, interceptit. Sed cum hi præclari boni Episcopi ausus, ad arcendam rabiem hostium non sufficerent, idem ipse auctor fuit Conrado Masouia Duci, ut milites Theutonicos cruce signatos, & ipsos piam contra barbaros militiam, sub titulo Beatissimæ Virginis Mariæ professos, qui paulò ante à Saracenis è Syriâ eiectione fuerant, misso ad Gregorium Nonum Pontificem Maximum Christiano Episcopo Prusie siue Culmensi, acciret, Chelmensemque tractum, & quidquid terræ est inter Vistulam, Mocram, & Drwenczam eis traderet, his legibus, ut contra Prussos sedulo & suis viribus bellum gererent: ubi verò eos domuissent, Chelmensem quidem ditionem redderent, cætera verò quæcunque de barbaris cepissent, arbitrio bonorum virorum, ex æquo cum Conrado seu posteris eius partirentur: Polonis ne quam vim aut iniuriam facerent, neque hostes eorum receptarent, aut vlllo fauore prosequerentur: contra barbaros autem, & à religione Christianâ alienos, ut ipsis, cum opus fuerit, præstò essent; si quid horum transgrederentur, pœnæ, quæ ingratos iure gentium manet, subiacerent; hoc est, beneficia accepta amitterent. De quibus omnibus inter Conradum & supra memoratos fratres Cruciferos, quo-



quorum tunc Hermanus de Salza summus Magister erat, cum legitima pacta intercessissent, eadem à Gregorio Nono Pontifice Maximo approbata & confirmata fuerunt. Adiecit etiam militibus illis Cruciferis idem Gunterus Episcopus Plocensis villam Episcopalem, cum insulâ magnâ, in eo ipso territorio sitam, itemque Decimas ad Episcopam suam in Culmensi ditione pertinentes. Verum ex his modò agris, quos Germani agricolæ ab iisdem fratribus Crucigeris, vti Germanis ex Germaniâ accersendi, culturi essent. Acta hæc esse scribuntur à Christo nato, Anno millesimo ducentesimo vigesimo octauo. Crediderim sanè Gunterum Episcopum Plocensem, zelo promouendæ religionis ductum, ad obtinendam à Summo Pontifice earum rerum confirmationem, legationem ad Urbem suscepisse; nam Dlugossus testatur, cum quinque annos in Pontificatu exegisset, eum apud Viennam Austriae, iter Romanum continuantem, rebus humanis excessisse, & illic peregrinam sepulturam obtinuisse, Anno Christi millesimo ducentesimo trigesimo secundo.

*Petrus Episcopus Plocensis XVII.*

**S**Imul atque de morte Gunteri notitia Plociam perlata est, Prælati & Canonici ad diem S. Laurentij Martyris comitijs Capitularibus promulgatis, ad nouum Episcopum eligendum processerunt. Secreto itaque scrutinio quæ vniuscuiusque esset sententia, quemvè quilibet ex eis digniorem Episcopatu censeret, inquirentes, animaduersum est, Petrum dictum Romanum natione Polonum, genus ex nobili familiâ Pulcozitarum ducentem, ab omnibus Episcopum Plocensem depolci. Ex frequenti ad Urbem ad visitanda limina Apostolorum peregrinatione, cognomen Romani is adeptus fuit: vir pius, moribus grauis, sermone modestus, conuersatione suavis & iucundus, vtpote qui exteras etiam nationes viderat, & multorum populorum ac urbium mores inspexerat. In aulâ quoque Conradi Ducis ita versatus fuit, vt non solum notus esset Principi, verum etiam ob virtutem & prudentiam adeò charus, vt eius electionem consensu suo facilè ratam haberet. Vincentius quoque Archiepiscopus Gnesnensis, venientem ad se Petrum electum Plocensem paternè excepit, visaque legitimâ & Canonicâ electione, cum eo tempore in oppido Gregorowo moraretur, ibidem eundem benedictione Metropolitica ei impertitâ pleno iure Episcopum esse iussit. Is in Comitij Syradiensibus, quibus Conradus Dux præfuit, præsentem Fulcone Archiepiscopo Gnesnensi, effecit & obtinuit, vt publico Comitiorum decreto, Ecclesia Plocensis cum vniuerso suo Clero, omnium onerum, quibus bona Ecclesiæ ab impijs Principibus grauata erant, & præcipuè à statuiis militaribus, à collectis & tributis quibusuis, tum & suffragijs (quo nomine Dlugossus intelligit Principum preces importunè à spiritualibus



pecuniam poscentium) immunitatem & libertatem haberet. Ac cùm sex annis Ecclesiam Plocensem rexisset, pulmonis vitio contracto morbo, Anno millesimo ducentesimo trigesimo octauo extinguitur, atque in Cathedrali Ecclesiâ sepelitur.

*Andreas dictus Cracouiensis Episcopus Plocensis XV III.*

**I**llustrem & illustri ortum sanguine, terra Cracouiensis dedit Plocensibus Episcopum, Andream ex vetustâ Griforum familiâ, patre Marco Palatino Cracouiensi natum. Hic cùm esset Canonicus Plocensis, primâ die Augusti, quæ Comitij habendis dicta erat, concordibus Prælatorum & Canonicorum sententijs, Episcopus renunciatus est, Conrado Duce Masouia electioni huic consensum suum accomodante; Fulcone verò Archiepiscopo Gnesnensi munus confirmationis & consecrationis illi in Ecclesiâ Metropolitanâ Gnesnensi impendente. Pius is fuit & deuotus, Dei que amore flagrans, quo accensus totum patrimonium suum, quod amplum satis in Palatinatu Cracouiensi habuit, Clementis Castellani Cracouiensis (qui Monasterium Staniatecense Monialium Regulæ Diui Benedicti struxit) liberalitatem æmulatus, in augmentum eiusdem foundationis effudit, multisque prædijs & possessionibus locupletauit. Hoc Episcopo res Plociæ moderante, impium parricidium per Conradum Plocensem & Masouiorum Ducem, in Ioannem Czaplam iuris peritum, Vladislauensem & Plocensem Scholasticum, atque Ducalem Cancellarium perpetratum est. Custos & moderator is erat datus à patre, Casimiro filio adolescenti adhuc, Vratislauiam ad Henricum Barbatum ad inuisendam sponsam eiusdem Henrici neptem profecturo; vbi cùm diutius moratus fuisset, Conradus qui de Henrico malè se meritum meminerat, & cui datam fidem sæpius ruperat, in eam suspicionem venit, quasi filius cum focero in suam perniciem noua consilia moliretur auctore Ioanne Czapla, quem reuocatum captumque causâ non cognitâ in carcerem coniecit, ac mox quaestionibus subiectum eodem furore in patibulum egit. Quæ res quantâ crudelitate acta & tractata fuerit, vt in corpus mortui sæuitum sit, malo non meis, sed Cromeri verbis exequi. Ioannis Czaplæ cadauer cùm Dominicani Fratres (quos Plocum Conradus ante aliquot annos, cõdito eis Monasterio induxerat) deposuissent, & Christiano ritu funus deducerent, Agathia Conradi vxor, mariti furori suffragata, ereptum & in plauistro duobus bobus contumeliæ causâ vectum, nouâ furcâ ad idex tempore ad ædem atque monasterium Dominicanorum ex aduerso Basilicæ erectâ, iterum appendi iussit. Nec tamen deterriti sunt Dominicani, quin iterum id deponerent, atque honorificè sepelirent. In quo quidem euidenter Diuina iustitia apparuit, scelestâ & sacrilegâ tyranni manu, ad vltionem patrati prius à Ioanne illo scelestis vsa: propterea quòd is iniuste & nefarie Cristini Palatini necis



cis auctor aut sanè inceptor fuerat. Et sanè huiusmodi ferè sunt furronum ac delatorum, quibus aulae & aures Principum patent, exitus. Hoc verò Conradi facinus, & patratum in sacerdotem Dei parricidium, Andreas Plocensis Episcopus, Marci Palatini Cracouiensis filius, vindicare ausus non est, ne quid & ipse à tyranno pateretur. Cæterum Petrus Archiepiscopus Gnesnensis, cuius genus & familia non memoratur recognita, maiore animo vniuersæ Plocensi Dioecesi sacris interdixit. Quâ obrem excanduit quidem primùm Conradus, verùm post ad se reuersus, agnouit culpam, & Lenciciam ad Archiepiscopum, ut ille iusserat, venit, de admissio scelere Archiepiscopi arbitratu satisfecit. Louiciam villam cum circumiacentibus syluis sanè quàm vastis, Archiepiscopo Gnesnensi sempiterno iure donauit, eâ quidem lege, ut is Plocensis Canonicus semper esset, & libram siue marcam auri, Duci Masouiae eorum bonorum nomine quotannis penderet. Vladislauensi item & Plocensi Ecclesijs, idem Conradus multa largitus est, atque ita Archiepiscopus interdictum suum relaxauit, & Conradus à delegatis Pontificis Maximi Gregorij nomi, Episcopo Vratislauensi & Scholastico Cracouiensi à crimine absolutus est, cum ea quæ Archiepiscopo & Vladislauensi atque Plocensi Episcopis receperat ac donarat, vnâ cum filiis suis confirmasset. Id adeò in Anno Christi millesimo ducentesimo quadragesimo actum est. Hæc ex Cromero. Cur autem Andreas Episcopus Plocensis, non eâ animi magnitudine quæ patritiâ gente natum Nobilem decebat, in Conradum Ducem gladium spiritualem strinxerit, causam iustam quam adferamus, non habemus. Scribit Dlugoffus, hoc Episcopo auctore impetratum fuisse à Boleslao Masouiae Duce Conradi filio, ut censum annuum quem Episcopus Plocensis Castellaniae Pultouiensis nomine, Duci Masouiae veteri instituto dabat, nimirum sex boues, sex arietes, sex urnas mellis, in perpetuum remitteret ac condonaret, & non magno quidem tributo, sed minùs honesto sedem Plocensem grauata solueret ac liberaret. Sed nec illud silentio prætereundum est, hoc Pontifice sedente, Anno videlicet millesimo ducentesimo quadragesimo, Tartaros, seu rectiùs dixerim Tattaros, ferè enim omni linguâ pater dicitur Tatta. Asiaticam Scythicam gentem (longè diuersam & moribus & origine ab eâ, quæ olim in Europâ confederat, atque nationes plurimas, ut Gottos, Vandalos, Sarmatas, Hunnos, Boios, Boiaros, omnemque eam Germaniæ partem, quæ nunc mista cum veteri Gallicâ linguâ quam Vandali Nemetam appellant complexa, à mari glaciali vsque ad Rheni ripas, & parte aliâ ad Adriaticum mare, ab Oriente Danubio, ab Occidente mari Baltico, & Oceano Germanico septa, in vniuerso Septentrione sedem imperij tenuerat, & libertatis quàm Regni amantior, suis contenta sedibus, & non nisi Romanorum potentia irritata, quid bello & armis posset ostenderat) per Russiam in Poloniam ingentibus agminibus irrupisse. Iam illi ante annum millesimum ducentesimum duodecesimum, posteaquàm In-



dorum Regis, eo occiso, imperium excussissent, ac penè vniuersam Asiam armis victores longè lateque peruagati essent, superatis angustijs Caucasi montis, & portis ad Calpium mare perfractis, transmissio flumine Rha siue Volga, Polowcijs à campo, vt & Poloni, dictis (quos Gottos olim appellabat antiquitas, quòd nullis tenerentur oppidis, semperque arma circumferentes ad praelia Hotoui, siue Vandalicè Gotoui dicebantur) bello victis, peneque ad internecionem deletis, ac Russis ipsis quorum tum ingens inter Sarmatas potentia erat, occisis eorum duodecim Ducibus, imperio subiugatis, in campestribus locis circa Tanaim & Meotidem paludem, ac in Tauricâ Chersoneso confederant. Origo eius gentis, si linguam spectes, ad Hebræos vel Chaldæos referenda videtur: & quis suspicari non possit decem olim Tribus ita ex Palæstinâ in seruitutem abactas, vt nunquam (hoc enim decreto illos Deus apud Ezechielem damnauerat) in patriam redirent, in extremaque Orientis, & vt nunc vocamus, orbis noui partes translatas, illic, vt erat gens Dei benedictione fœcunda ingentem sobolem, quæ ex promissione Abrahamæ factâ numerari non posset, propagasse? Hos veteribus Græcis ac Latinis pariter Historicis ignotos multis seculis delituisse, ad extremum deinde auctâ multitudine, ad quærendas nouas sedes emigrasse, & vt in alias Asiæ partes, sic & in has Septemtrionis oras venisse. Turcas verò etiam hoc nomine à Plinio appellatos circumcidi (quæ nota est Hebraici ritus) solere, idem auctor testatur. Denique & Turcas & Tartaros, legem Mahumeticam licet ob circumcisionem asperiores visam, idcirco libentiùs accepisse credi potest, quòd iam olim huic cærimonix assueti essent. Hæc itaque moribus barbara, ignota & inculta gens, à Russis Polonorum hostibus, vt tunc creditum est, euocata, & in Poloniam immissa, vniuersam eam, simulque Vngariam, Bohemiam, ita est peruagata, vt aliquoties collatis armis semper victoriam obtinuerit, atque cum ad Legniciam Henricus Henrici Barbatî & Sanctæ Hedwigis Ducum Poloniae filius, vniuersas Regni vires, accitis etiam Cruciferis, & ex Germaniâ euocatis subsidijs, illis opposuisset, & ipse, vt Boleslai Criuousti Poloniae totius Monarchæ pronepote decuit, in primâ acie pugnans occisus, & totius Nobilitatis Poloniae militaris soboles ad internecionem profligata est, paucis admodum relictis, qui vel ante praelium inter sylvas se abdiderant, vel certè è praelio fugâ euaserant. Hæc acciderunt anno à Christo nato, millesimo ducentesimo quadagesimo secundo. Quæ quidem vberius à scriptoribus rerum Polonicarum relata, vnicuique ex illis petere licet. Ceterum Andreas cum in Sede Plocensi vndecim annos exegisset, varijs maceratus febribus, die decimâ septimâ Ianuarij moritur, & in Plocensi Ecclesiâ sepelitur, Anno Domini millesimo ducentesimo quadagesimo nono, Pontificis summi Innocentij quarti Anno septimo, post Friderici secundi mortem Imperio Romano vacante.

Obitus Andree Episc.  
1249.

Petrus



*Petrus II. dictus Brevis Episcopus Plocensis XIX.*

**P**Aruum hunc staturâ, sed ingenio acrem, animi magnitudine præstantem, sortita est Episcopum Plocensis Ecclesia. Quo genere is ortus fuerit incertum habetur, sed nobili indole, & elegantioris literaturæ scientiâ faciliè obtinuit, ut comitijs eligendi noui Episcopi, ad diem vigesimum tertium Aprilis, qui Diuo Adalberto sacer est, indictis, per compromissum, ut vocant, ex Scholastico Plocensi Episcopus renunciaretur. Ad discrimen Petri primi Petrus paruus dictus est, cum hoc nomen ei natura ipsa, ut diximus, imposuisset: petentibus autem Ducibus Masouia Semouito, & Casimiro, à Fulcone Archiepiscopo Gnesnensi, Calissij confirmatus & consecratus est. Non diu tamen rei Plocensi præesse potuit, nam quinto à suscepto Pontificatu anno, cum etiam prouectioris esset ætatis, colicis doloribus extinctus est, & in Plocensi Ecclesia tumultus, Anno Christi millesimo ducentesimo quinquagesimo quarto, cum eodem quoque anno Alexander quartus Pontifex Maximus renunciatus esset, ac in Syriâ res Christianæ, captis à Melechalo Sultano Ægypti, Sancto Ludouico Rege Gallia, itemque Rege Cypri, ac Magistri Templariorum ac Hospitaliorum, vniuersoque Christianorum profligato exercitu in pessum irent; quod quidem ante hæc tempora, nimirum millesimo ducentesimo quinquagesimo Christi natianno, accidisse scribunt Historici.

Moritur an.

1254.

*Andreas II. dictus Ciolek Episcopus Plocensis XX.*

**A**ccelerarunt Prælati & Canonici nouam futuri Episcopi electionem, quâ profecto ad diem Natiuitatis Sancti Ioannis Baptistæ more veteri indictâ, Andream Ciolek siue Vitulum dicere malueris, Præpositum Plocensem Episcopum eligunt. Nobilis hic fuit de familiâ quæ Taurum pro stemmate gerit, callidus idem & prudentiâ seculari ad res agendas & tractandas vñ & experienciâ partâ præstans, animosus item, & in propulsandis Ecclesiæ illatis iniurijs, atque tuendis iuribus acerrimus defensor. Cumque alij in electione non postremas quoque tulissent partes, solerti prudentiâ effecit, ne ius suum vrgerent, sed sua potius suffragia ad eum deferrent. Fauebant eidem Semouitus & Casimirus Masouia Duces, quibus commendantibus Fulco Archiepiscopus Gnesnensis, Andream Episcopum Plocensem Gnesnam ad se venientem, & confirmauit, & ritu solenni inaugurauit. Sex annis rexit Ecclesiam Plocensem, quibus expletis, apoplexiâ extinctus est, Anno Christi millesimo ducentesimo sexagesimo.

Obitus Andree XX.  
in ordine Episcopi Plocensis Anno Christi 1260.



*Petrus III. dictus Niedich Episcopus Plocensis XXI.*

Obitus Petri  
3. XXI. in  
ordine E-  
piscopi Plo-  
censis Anno  
Christi 1263.

**N**Ec Petro tertio, qui Andreæ successit diuturnus fuit Episcopatus; electus enim est consentientibus omnium studijs, & annuente Semouito Masouia Duce, per Ioannem Archiepiscopum Gnesnensem Gnesnæ consecratus. Nobili is quoque ortus est sanguine, eâ familiâ quæ Serpentem pro insigni gentilitio gerit. Sed cum admodum proectæ esset ætatis, dum corruptos Clericorum mores magno studio corrigit, dum scandala hinc orta eliminat, dum summâ cum laude munus Episcopale exequitur, annis & morbis fractus, tertio à suscepto Episcopatu anno, ad præmia æterna euocatus, migravit è vitâ posteaquàm domum suam optimè disposuisset, ac sacrosanctis Ecclesiasticis Sacramentis deuotè expiatus esset. Quod accidit Anno Christi millesimo ducentesimo sexagesimo tertio.

*Thomas I. dictus Tomka Episcopus Plocensis XXII.*

Obitus Tho-  
ma XXII. in  
ordine Epi-  
scopi Plo-  
censis Anno  
Christi 1270.

**C**Um viderent Prælati & Canonici Plocenses, aulicos Prælatos insolito exarsisse ambitu, & operam suam interponentibus Ducibus Masouia, cum alter alterum promoueret, ad dignitatem Episcopalem aspirare, aliquandiu hæserunt, neque more solito ad electionem noui Antistitis progrediendum sibi existimarunt, rati interpositâ aliquâ temporis intercapedine, prauas cupiditates & ambitiones tepescere posse. Cum tamen sine Pastore illis viuere non liceret, & ne ius eligendi Episcopi ad Sedem Apostolicam deuolueretur, die Sancti Ioannis Euangelistæ sacro, tacitâ inter se factâ conspiratione, ne Principum importunis precibus perturbarentur, facto compromisso, certis ex se lectis, qui nouum Episcopum dicerent, demandarunt. Et quamuis ita satis cautè procederent, euitare tamen non potuerunt, quin ad aulæ fauorem electio inclinarer. Thomas itaque Canonicus Plocensis, Masouia Cancellarius, omnium consensu Episcopatum Plocensem consecutus est. Accessit & fauor Semouiti, & Casimiri Ducum, quorum commendationi id tribuit Ianusius Archiepiscopus Gnesnensis, vt Thomam electum Episcopum & confirmaret & consecraret. Is octo annis gesto Episcopatu, paralyti ictus obiit Anno Domini millesimo ducentesimo septuagesimo, atque in Ecclesiâ Plocensi sepelitur. Hoc eodem Episcopatum gerente, Sara Marcussij militis filia, nobilis & pia matrona, moriens Christum & Ecclesiam Plocensem hæredem scripsit, villâ suâ patrimoniali Piaski dictâ, iure perpetuo Ecclesiæ Plocensi donatâ. Eodem Episcopo viuente, longa inter Plocensem & Culmensensem Episcopos controuersia, arbitrio Episcopi Vladislauiensis & Magistri Cruciferorum sublata est, ita vt Culmensis pagum Orechouum, ac trecenta iugera inculti adhuc agri, in Territorio Luba-



Lubauienſi daret Plocenſi Epifcopo, pro decimis & poſſeſſionibus, quas ille ſibi in Culmenſi Dioceſi, præter eas quas Epifcopo Culmenſi ſui Anteceſſores donarant, vendicabat. Quanquàm poſteriori tempore, anno videlicet milleſimo trecentefimo ſeptuageſimo octauo, inter Epifcopum & Prælatos Culmenſes alia tranſactio facta eſt, ita vt Plocenſis Epifcopus, redditis Capitulo Culmenſi iſtis trecentis in Territorio Lubauienſi iugeribus, finibus Dobrinenſis Terræ contentus, ab eo fonte ex quo fluuius Brinnica primum ortum habet, & Terram Culmenſem & Dobrinenſem diſlimitat, quidquid in Terrâ Dobrinenſi continetur, vnâ cum vtraque ripâ eiufdem fluuij ſibi reſeruauit. De quo extant Diploma- ta, vt & illud quo Terræ Culmenſis & Maſouiæ, ſeu Palatinatus Plocen- ſis, in iſtis orientis Brinnicæ fontibus, vetuſtiſſimi priuilegij teſtimonio termini figuntur. Extant priuilegia vetuſtiſſima in Archiuio Plocenſi hac de re conſcripta.

*Goslaus II. ſive Gedeon Epifcopus Plocenſis XXIII.*

**G**oslaum quoque aula Ducum Maſouiæ prodidit; nam cùm illuſtri Griforum familiâ ortus eſſet, multoſque in comitatu Ducum Maſo- uiæ, qui tum iam plures erant, cognatos & conſanguineos, qui apud eoſ- dem Duces gratiâ & auctoritate plurimùm valebant, haberet; eorum ſuffragio adiuto etiam in Capitulo ſuffragatores non deerant, quorum ſubſidio ex Cuſtode Epifcopus Plocenſis renūciatus eſt: ac cùm eo tem- pore Eccleſia Metropolitana Gneſnenſis Archiepiſcopo careret, ad Mar- tinum quartum Romanæ Sedi præſidentem confugere neceſſe habuit, à quo ritè examinatus, confirmatus, & Epifcopus conſecratus eſt. Ab au- lâ hunc veniſſe credideris, namque vt omni ſplendore exornaret Eccle- ſiam, omnem toto Epifcopatus ſui tempore curam impendit, aureis ar- genteiſque calicibus, & ſacris crucibus pretioſioreſque ſupellectili Eccle- ſiaſticâ, & altarium, ita Cathedram Plocenſem cumulauit, vt quaſi no- uam dignitatem conſecuta eſſe videretur. Vigefimo ſexto Epifcopatus anno, calculi dolore grauatus viuere deſijt, anno milleſimo ducentefimo nonageſimo ſexto, Bonifacio Octauo Romano Pontifice in Cathedrâ Petri ſedente.

Obitus Goſlai  
XIII. in or-  
dine Epifcopi  
Plocenſis  
Anno Chriſti  
1296.

*Ioannes II. dictus Altus Epifcopus Plocenſis XXIV.*

**I**Ntra ipſas feſti Paſchatis ſacras ferias, vt celeriùs defuncto Goſlao ſuc- ceſſor ſubrogaretur, Prælati & Canonici Plocenſes Plociæ congrega- ti, Ioannem cognomento Altum, quòd procerioris ſtaturæ eſſet, Schola- ſticum Plocenſem Epifcopum dicunt & renunciant genere nobilem; nam è Prauditarum familiâ ducebat genus, & talem qui morum ciuili- tate & humanitate, omnium tam Eccleſiaſticorum quàm ſecularium amo-



Obitus Ioan-  
nis Alti  
XXIV. in or-  
dine Episcopi  
Plocensis  
Anno Christi  
1310.

amorem sibi conciliare sciret, comis enim & frugi erat, beneuolentiæque & fauoris sui fructus in omnes effundere præclare nouerat. Ducum quoque Masouia Semouiti & Casimiri suffragabatur illi gratia & auctoritas, quâ adiutrice faciliè à Iacobo Swinka Archiepiscopo Gnesnensi obtinuit, vt ab eo & confirmaretur & consecraretur Episcopus. Dum priuatus esset, boni viri iudicio omnium habebat opinionem: Episcopus factus, quasi illi dictum esset, hæc dies alios mores affert, aliam vitam postulat, veluti in alium mutatus virum, contemplationi sacræ & orationi ita intentus fuit, vt huic vni vacare videretur: neque tamen alias functionis suæ partes intermisit, quin Clerum arctiori Ecclesiasticâ disciplinâ contineret, & à vitâ turpiori exemplo castimoniam suam coërceret. Quatuordecim annis summâ cum laude gesto Episcopatu, Anno Christi millesimo trecentesimo decimo ad immortalem transiuit vitam, & in Ecclesiâ Plocensi tumultatus est.

*Ioannes III. Nalecz, Episcopus Plocensis XXV.*

Obitus Ioan-  
nis Nalecz  
XXV. in or-  
dine Episcopi  
Plocensis  
Anno Christi  
1318.

EXcepit Ioannes Ioannem, Polonus Polonum, nobilis nobilem; nam & is qui tertius eius est nominis, patre Abrahamo Nalacio natus est, quem Prælati & Canonici Plocenses, die Assumptæ Virginis MARIE ad cælum celebri, non sine aliquâ nonnullorum dissensione alium poscentium, maiori & potiori parte præualente, Episcopum Plocensem esse iusserunt; hunc & Duces Masouia Semouitus, Casimirus, & Boleslaus, electum libenter viderunt, & Ianisslaus Archiepiscopus Gnesnensis eo nomine compellatus, Louicij cum eò se electus contulisset, confirmauit, & ritè inaugurauit. Vir erat doctus, negotiorum Reipublicæ tractandorum peritus, idem tamen eâ opinione non caruit, quasi in vitam delicatiorē & voluptates propensior esset; fama id tenuit; nos nihil certi asserimus. Octo annis præfuit Episcopatu Plocensi, ad extremum pestē, quæ tum in vniuerso Polonia Regno grassabatur, infectus obiit, cum ante mortem & testamentum condidisset, & Sacramentis Ecclesiasticis contra supremum certamen se religiosè muniuisset. Obitus eius incidit in annum millesimum trecentesium decimum octauum, sepulchri honorem in Ecclesiâ Plocensi accepit.

*Florianus I. Episcopus Plocensis XXVI.*

NON rerum gestarum narrationem scribendam suscepimus, nec eo animo hæc tractamus, vt Plocensium Episcoporum Vitas, quæ longâ obliuione obscuratæ sunt, in lucem proferre velimus. Ne ipse quidem Dlugoffus antiquitatis peritissimus, hæc, nisi per transennam, attigisse videtur; interdum tamen ea commemoramus, quæ cohærere temporibus illis videntur. Defuncto Ioanne tertio, subrogatus est Florianus primus, qui



qui Laskaryz vnde dictus fit, me ignorare fateor; ex familiâ Coryllorū, & domo Koscielecciorum illum fuisse affirmat Dlugoffus. Corylli autem nomen in statutis nostris notum est; putant aliqui esse bacillos tenuiores nucis auellanae; exponit Dlugoffus hanc familiam Coryllorum seu Aceruorum notum in Poloniâ insigne nobilitatis: fuit is Vladislavienſis & Plocenſis Canonicus, concordī voce lectus Episcopus Plocenſis, vir eâ tempeſtate prudens, maturus, modestus, ſcripturis Diuinis & humanis præclarè eruditus. Electio ipſius cōprobata fuit ſuffragio, & calculo Venceſlai Ducis Maſouiae; nec Ianiſlaus Archiepiſcopus Gneſnenſis cunctatus eſt, quin eum id ipſum à ſe petentē, in prærogatiuâ iuris Episcopalis conſeruaret, & Episcopū ritè electum renunciaret. Colica paſſio huic vitam ademit Pultouiæ, milieſimo trecenteſimo trigeſimo quarto. Et cū vigieſimâ primâ Iunij mortuus eſſet, Pultouiâ Plociam tranſſatus, die Natalis Sancti Ioannis Baptiſtæ ſepultus eſt. Ex quo ſcire licet illâ tempeſtate, ambitioſas & ſumptuoſas ſepulturarum curas nondum in Poloniâ locum habuiſſe. Hic primus Pultouiæ, quod oppidum arce nobile, à primis fundati Episcopatus Plocenſis diebus Caſtellaniæ nomine cenſebatur, quaſi in meditullio Episcopatus ſui ſedem poſuiſſe memoratur. Hæc illa ſunt tempora memoratu digniſſima, cū poſt annos circiter ducentos quinquaginta nouem, poſt amiſſum in Poloniâ Regium decus, iterum hæc noua laudis corona refulſit in Poloniâ, cuius recuperandæ cū multi ante Principes Poloniæ ſtudio flagrarent, & Præmyſlaus Maioris Poloniæ Dux, ex Mieciſlai Criuoſtij filij dicti Senis ſtirpe natus, Regios titulos, coronatione etiam priuatâ auctoritate uſurpatâ ſumeret, nomenque ſuum & pingi, & nummis inſculpi iuberet hoc carmine: *Reddidit hic primus victricia ſigna Polonis*; tamen cū id ſine ſcitu Summi Pontificis & approbatione factum eſſet, ſucceſſum res non habuit: nam Præmyſlao, octauo à die Coronationis menſe, à Marchionibus Brandeburgenſibus Regni Poloniæ ratione nouæ Marchiæ ſubditis, iſſdemque incrementorum eiſdem Regni oſoribus, Rogoznij fraude proditoriâ occiſo, (addunt Scriptores noſtri Zaræbas quoque & Nalæcios huiſcædis conſcios fuiſſe, quod ſeueriorem eum vindicem ſclerum, & inhoneſtas parandæ rei familiaris rationes refrēnantem ferre non poſſent, manſiſſeque patrati ſcleris notam in his familijs, vt neque rubris veſtibus uti, neque inter equeſtres homines in acie conſiſtere eiſliceret, uſque ad id prælium quo Caſimirus II. cum Ruſſis conſlixit) ius Regni ſine ſcitu Summi Pontificis uſurpatum euanuit. Meliùs Vladislaus Locticus & feliciùs, vir quidem exiguæ ſtaturæ, ſed ingentis animi, ad capeſſendum Regium decus ſe accinxit. Huic Conradi Maſouiae Ducis ex Caſimiro eiſ filio nepoti, non niſi Syradienſium ditio contigerat, quorum innatâ virtute & bellicæ rei ſtudio fretus, iam olim in ſpem Regni adipiſcendi venerat; nam cū Leſcus Niger à Boeſſlao Pudico in ſpem Regni adoptatus, imperiumque adeptus, ſegnior ad maiores cu-

Obitus Flavianii XXVI.  
in ordine Episcopii Plocenſis Anno  
Chriſti 1334.



ras suscipiendas haberetur, morte ipsius, quæ anno millesimo ducentesimo octuagesimo nono contigit, circumspectis rebus omnibus, desidiaque aliorum Principum animaduersâ, tum quod Lencicienses & Sendomirienses ditiones ac Cuiavienfis magna pars ei accesserat, facile omnium animos in se vertit, effecitque ut Posnaniæ ad nonum Calendas Maij, anno millesimo ducetesimo nonagesimo sexto, summa rei ad eum omnium consensu deferretur. Quo successu deinceps usus fuerit, qui scire vult, petat ex Cromero; ille certè apud Poëtam Ianicium hæc de se testatur: *Fortunam vici cum quâ mihi bella fuere.* Diu sanè nomine Regio abstinuit, donec misso ad Summum Pontificem Ioannem Vigesium tertium, Gerardo Vladislauienti Episcopo, ius redintegrandæ Coronæ Regiæ (frustra obnitentibus nominis Polonosorum, & beneficiorum acceptorum ingratissimis Cruciferis, & Ioanne Lucemburgico Rege Bohemiæ) Apostolicâ auctoritate concessum obtinuit.

*Clemens I. Pierzchala Episcopus Plocensis XXVII.*

**R**egnabat in Poloniâ Casimirus, Vladislai Loctici hoc ipso anno, quo Florianus extinctus est, vitâ functi filius, atque ita potestatem Regiam extendi volebat, ut in Duces quoque Masouiae iura regia non temerè usurparet, quod & in electione Clementis Episcopi Plocensis ostendit. Concordi omnium Prelatorum & Canonicorum sententiâ is electus erat die vigesimâ quintâ mensis Iulij, vir nobilis, eo insigni nobilitatis utens quod Pierzchala siue Roch dicitur. Obstabat illi Casimiri Regis aduersa voluntas, donec tandem precibus amicorum expugnato Rege, eoque assentiente, ab Archiepiscopo Gnesnensi Ianislao iura Episcopalia canonicè & legitimè adeptus, & Episcopus consecratus est. Vixit in Pontificatu annis viginti tribus. Mortuus est anno millesimo trecentesimo quinquagesimo octauo.

Obijt Anno  
1358.

*Bernardus I. Episcopus Plocensis XXVIII.*

**N**on recenserem hunc in Albo Episcoporum Plocensium, neque enim electus vnquam fuit, sed cum Polonus esset, alium ritè electum iure & fauore Romano, sede deturbare nifusest, & quod mireris, eam rem ausus homo ex familiâ Sancti Dominici. Hic auditâ morte Clementis Episcopi, confestim Innocentium Papam eius nominis sextum, cuius Poenitentiarius fuisse dicitur, adiit. Episcopatum Plocensem tenui esse censu, qui centum florenos non expleret, asseruit. Hærebat in eo quoque paterni vitij turpitudine, arguebatur à Casimiro Rege prodicionis fuisse reus; nam pater huius Bernardi, præsidio Sendomiriensis ciuitatis Prefectus, hostibus Regis arcem & ciuitatem prodiderat, eiusque prodicionis conuictus, crimine læsæ Maiestatis in iudicio succubuerat, decre-

toque



toque Comitiali, & patri & filio eius Bernardo, eorumque successoribus aqua & igni interdictum erat. Nulla earum rerum mentione facta Bernardus effecit mox ut Episcopus absolutam Summi Pontificis potestate renunciaretur, & Romae consecraretur. Cæterum Prælati & Canonici Plocenses, iure & prærogativa sua freti, inter quos tum erat Zbilotus Præpositus, Ioannes Decanus, Nicolaus Cantor, qui & nobilitate & doctrinâ cæteris præstabant, statim à morte Clementis Episcopi ad electionem noui Antistitis accesserunt, ac die 7. mensis Aprilis, Ianißlaum Wronski Præpositum S. Michaëlis in Arce Cracouiensi, & Canonicum Plocensem consensu legitimo Episcopum renunciarunt. Non huic defuit Semouiti Ducis Masouiæ patrociniû, nec Ianißlai Archiepiscopi Gnesnensis fauor, quin eum ritè electum, ritè quoque & canonicè confirmaret & consecraret. Ortè inter eum qui à sede Apostolicâ promotus fuit, & Ianißlaum lites, septennio perdurarunt, cum Pontifex censuris Ecclesiasticis, quibus & electum Ianißlaum Episcopum, & eos qui eum elegerant, ac denique ipsum Archiepiscopum stringebat, ut ad adipiscendam possessionem Episcopatus Plocensis, à se prouisus & ordinatus Bernardus Episcopus promoueretur, vrgeret; vicissimque Semouitus Dux Masouiæ, & quod plus ponderis habuit, Casimirus Rex Poloniae, hostem Patriæ in Senatum sacrum adsciscere non sineret. Magna iam erat in Christianâ Republicâ Casimiri Regis auctoritas; augebat dignitatem ipsius affinitas contracta cum præcipuis Europæ Principibus, & summorum Pontificum tum Auenione sedem habentium, quasi Cathedræ Romanæ desertorum, non ut prisco æuo ratio habebatur. Itaque Innocentius sextus, cum pro vtraque parte diuersa allegarentur, ad cognoscendam causam Franciscum Gambaram S. Marci Cardinalem Presbyterum delegat, qui re cognita, ea quæ Bernardo obijciebantur vera esse retulit, ac summus Pontifex datis literis secundo Idus Augusti, in loco qui noua villa vocatur Auenionensis Diœcesis, hisque quæ à Cardinale Gambara relata fuerunt assentiens, censuras omnes Ecclesiasticas, quæ ex petitione Bernardi Episcopatum ambientis latæ & fulminatæ fuerant, suspendit; negotiumque Archiepiscopo Gnesnensi, ac Episcopis Vladislauensi & Posnaniensi dedit, ut hanc ipsam suspensionem censurarum publicarent, Bernardoque quinque mensium spatium ad negotium istud determinandum præfigerent, denique Clericos Plocensis Diœcesis, à sententijs latis & irregularitatis vinculis soluerent. Vidisse se has literas scribit in Archiuio Gnesnensi Dlugossus, & nos non dubitamus, quin etiam nuncibi reperiantur. Ita tunc ambitio viri religiosi cohibita, atque restricta fuit, ut id quod appetierat, consequi non posset.



*Ianislau I. Episcopus Plocensis XXIX.*

**C**essit tandem ambitio canonicè & legitimè quæsito iuri, & Ianislauis septimo ab electione & consecratione anno sedem Plocensem conscendit, cum interea reditus omnes Episcopales in litem quæ ambitionem coërceret insumerentur. Nec Bernardus amplius contra niti ausus, Regiamque potentiam veritus, cessit obtento per nefas iure. Itaque Ianislau pacificam Episcopatus Plocensis possessionem adeptus, dum iura Ecclesiæ tuetur, dum tam diuturno interregno corruptos mores ad meliorem frugem reducit, vix vno anno & sex mensibus exactis vivere desijt, eamque laudem sepulchro suo quod in Ecclesiâ Plocensi sortitus est, præclaro cum titulo intulit, vt defensor iurium Ecclesiæ & haberetur & diceretur, ita eo animo omnes hostium iuris Ecclesiastici insultus ferre solitus, vt virum nobilem ac magno animo præstantem decuit. Obijt anno Christi millesimo trecentesimo sexagesimo septimo.

*Ianislai vigesimi noni in ordine Episc. Plocensis obitus 1367.*

*Nicolaus I. Episcopus Plocensis XXX.*

**T**res Episcopos iisdem parentibus natos, in eadem Sede sibi continuè succedentes, haud scio an vlla vnquam ætas vel viderit, vel Provincia habuerit. Fœcunda bonæ prolis mater Plocia, nobilissimo genere natos fratres tales protulit, quorum felicitis successionis memoria vt æternum vigeat, eorum virtus exposcit. Quâ cum cæteris præstaret Nicolaus de Gulczewo, trium fratrum maior natus, de domo & familiâ Præditarum, Cantor Plocensis, monstratus est Prælati & Canonicis morte Ianislai Episcopi Plocensis qui in eius locum successurus eligeretur; id quod factum fuit 7. die mensis Augusti. Et ne existimes illum ambitione lectum, arcano scrutinio in Cathedrâ Episcopali collocatus est. Viderat idem haud recto ordine eos, qui antè Episcopi Plocenses renunciati erant, eam dignitatem fuisse consecutos, & gnarus id munus non nisi à summâ Sede peti debere, non amplius ad Archiepiscopum Gnesnensem, sed ad Urbanum Quintum Romanum Pontificem se contulit, atque ab eodem Idibus Decembris electionis suæ comprobatione obtentâ, eiusdem mandato à Cardinali Hostiensi consecratus fuit. Itaque in Curiâ Romanâ negotiorum Ecclesiæ causâ aliquantulum moratus, ad Episcopatum reuersus non diu superuixit; nam altero suscepti Episcopatus anno, podagræ doloribus grauatus, vitam cum morte commutauit, & in Ecclesiâ Plocensi sepultus est, millesimo trecentesimo sexagesimo nono Christi nati anno.

*Nicolai vigesimi in ordine Episc. Plocensis obitus anno 1369.*



*Stanislaus I. Episcopus Plocensis XXXI.*

**S**acrum & venerabile erat in Poloniâ Diui Stanislai Martyris nomen, adeò vt maiores nostri illud temerariè vsurpare, & populariter ex senatis imponere veluti quadam religione obstricti noluerint. Nec sanè vnquam, etiamsi multa viderim & legerim, videre mihi contigit, in ijs quæ in Archiuio Regio & Ecclesiarum cõtinentur monumentis, multos hoc nomine insignitos. Episcopus Cracouiensis vnus tantùm fuit; Archiepiscopum Gnesnensem primum Stanislauum Karnkouium ætate nostrâ vidimus, nec in alijs Cathedris relatos multos huius nominis numerare licet. Cæterùm humanitas & liberalitas quâ Nicolaus de Gulczewo proximè vitâ functus enituit, in eam sententiam traxit studia & volûntates Prælatorum & Canonicorum Plocensium vt primâ die Octob. eligendo nouo Pontifici dictâ, Stanislauum de Gulczewo Præpositum Vladislauensem & Canonicum Plocensem Episcopum Plocensem renunciarent: viderant eum idoneum satis esse, qui temporalem & spirituales iurisdictionem exerceret; nam & eruditus erat, & singulari pudicitia præditus, pietate verò in Deum, & erga egenos munificentia insignis. Is quoque electionem suam niti voluit approbatione Urbani V. Romani Pontificis, quo mandante ab Archiepiscopo Gnesnensi Iaroslao consecrationis munus accepit. Ad extremum cùm biennio Plocensi Ecclesiæ præfuisset, paralyti tactus, anno Christi millesimo trecentesimo septuagesimo primo cessit è vitâ.

Obitus Stanislai Episcopi Plocensis in ordine 31.  
Anno 1371.

*Dobeslaus I. dictus Sowka Episcopus Plocensis XXXII.*

**C**um duo fratres eadem familiâ, iisdem parentibus orti, Episcopatu Plocensi functi essent, ac tertius inter Capitulares adhuc viuus existeret eorundem germanus, Prælatos & Canonicos vel ipsa rei nouitas permouit, vt duobus fratribus præclarè Episcopatu functis, tertium successorem subrogarent. Is fuit Dobeslaus, cognominatus Sowka, qui statim post fratris decessum electus est. Accessit ad consensum Capituli Plocensis, Ducum quoque Masouiæ Semouiti & Ianussij voluntas, & Metropolitanus Gnesnensis Ianussij electionis confirmatio, à quo etiam benedictionis gratiam electus obtinuit. Magnanimus hic Dobeslaus fuisse dicitur; nam dum toties vacua esset Pastore Ecclesia Plocensis, contigerat vt cupiditate quoque hominum possessiones Episcopales inuaderentur ac occuparentur, decimarum ius interuerteretur. Non passus est Dobeslaus hanc fieri Ecclesiæ iniuriam; nam & prædecessorum suorum negligentia, amissa recuperavit, & temerè occupata iure vindicauit; denique Terram Dobrinensem vniuersam negatam decimas, & cæteris iniurijs Ecclesiam Plocensem afficientem, Ecclesiastici interdicti fulmine ictam à cœtu fidelium



delium arcuit. Hæc cum agentem dum Pultouia versus Plociam proficisceretur, subita extinguit apoplexia die tertiâ Septembris. Illud sanè dolendum est, quòd tantum spatij illi concessum non fuerit, vt ante supremum exitum rationes vitæ suæ recensere, & sacris Sacramentis procurari potuisset. Ita sanè cùm trium fratrum continuata successio prosperum haberet successum, hoc vnum defuit, vt diutius in munere Pontificali versarentur, Episcopatusque à tribus fratribus gestus, longioris temporis spatio quàm decennio compleretur.

*Stiborius I. Episcopus Plocensis XXXIII.*

**S**Emouitus & Ianussius Duces Masouia, simul atque intellexerunt Dobeslaum vitâ functum esse, tantoperè vrserunt noui Episcopi Stiborij de Radzimino Archidiaconi Plocensis electionem, vt ne spatium quidem quo se Prælati & Canonici Plocenses recolligerent, dare illis vellet. His igitur auctoribus sextâ die mensis Decembris, renunciatur à Capitulo Plocensi Episcopus Stiborius. Iisdem auctoribus Ioannes Suchowilkius Archiepiscopus Gnesnensis eundem die decimâ octauâ Gnesnæ confirmat, & consecratum Episcopi charactere insignit. Sed Stiborius, cùm subducis rationibus videret promotionem suam nimium acceleratam, in Curiâ Romanâ in disceputationem vocari posse, quamuis per aliquot annos eo metu se carere ostendisset, tamen cùm post mortem Gregorij XI. Romani Pōtificis, qui primus Auinione Romam, veterem summorum Pontificum sedem transtulit Urbanus VI. cui Clemens Antipapa obiectus fuerat, Pontificatum iniisset, vt certiori iure niteretur, ab eodem Urbano VI. vt in possessione Episcopatus Plocensis auctoritate Apostolicâ retineretur, obtinuit, cùm præsens ipse ad Urbem accessisset, grandemque pecuniæ summam sub grandis vsuræ censu, à Iudeis Cracouiensibus, qui tum locupletes erant, mutuò acceptam, in soluendis sacris Diplomātibus expendisset, gloriæ & laudis sæcularis appetentior, quàm iuris Ecclesiastici tuendi studiosior videbatur. Idem enim ingentem censum, qui ex decimis Terræ Dobrinensis Episcopo Plocensi debebatur, & quem vt vindicaret, Dobeslaus qui proximè ante ipsum fuit, gladio spirituali totū illud Territorium mulctarat, facilè remisit, & exiguâ acceptâ satisfactione, vt verbis Dlugossij vtar, improuidè & incautè iure Ecclesiæ in perpetuum cessit, cuius cessionis, & quid hætenùs Nobilitas Terræ Dobrinensis Episcopo Plocensi debeat, extant instrumenta publica, ac transactiones, quibus ne nunc quidem Dobrinenses, quamuis in fauorem suum factæ fuerint, satisfacere volunt. Fuit autem Stiborius nobili domo, cuius insigne est Ostoia, natus, villæ Radzimino dominus, in quâ demolitâ Ecclesiâ olim ligneâ, nouam cocto latere struxit, ornamentisque decorauit, quâ nunc interuersis à possessoribus eorundem bonorum Ecclesiæ eius redditibus, proximam ruinæ conspiciamus. Moritur Stiborius anno Christi millesimo trecentesimo nonagesimo.

Obitus Stiborij Episcopi. in ordine 33. Anno 1390.

Hen-



*Henricus I. Dux Masouia Episcopus Plocensis XXXIV.*

**R**Egio quondam Regum Poloniae sanguine ortos Duces Masouiae, eò vel egestas, vel ambitio traxit, ut cum in multas stirpes excreuissent, non contenti amplissimis ditionibus, Ecclesiastico pane nutrirī appetierint, infelici sanè successu, & ad perpetuam posteritatis memoriam deplorando. Henricus erat Semouiti Ducis Masouiae filius, Semouiti Ducis Plocensis frater, quem parentes in spem adipiscendi honoris Ecclesiastici educauerant; & ne ambigeret quem statum suscepturus esset, iuuenem admodum gradus Subdiaconatus vinculis adstrinxerant: idem ut vitā functo Stiborio subrogaretur, magnā contentione omnes Duces Masouiae flagitabant. Nec erat integrum Praelatis & Canonicis Ecclesiae Plocensis, eum qui & iam esset in sacris Subdiaconatus Ordinibus constitutus, & qui genus ex sanguine Regum Poloniae Ecclesiae Plocensis fundatorum duceret, aspernari; illum itaque ritè electione institutā die vigesima primā Februarij Episcopum Plocensem eligunt, & electum Bonifacio Nono confirmandum commendant. Nec Pontifex Maximus moram ullam interposuit, quin electionem eius confirmaret; sed Henricus longè alia animo voluens, toto biennio quo Episcopatu praeuit consecrationis Episcopalis gratiam acceptare renuit, suis obsequens moribus & libidinibus indulgens; quas ut sacrilego expleret coniugio, cum à Rege Vladislao Jagellone missus, legatione apud Vitoldum Magnum Ducem Lithuaniae, tunc apud Crucigeros delitescens fungeretur, & secreta cum eo in castro Ritteruerdero negotia tractaret, visā (ut Dlugossus ait) sorore Vitoldi (ut Cromerus) filiā Ringulā, ita in eius amorem exarsit, ut oblitus voti & instituti sui, vel potius dignitatis & generis, incestas cum eā contraheret nuptias. Sed non diu execrandā libidine illi licuit frui; nam intra alterum mensem veneno amoris imbutus, extinctusque est; nec eum honore sepulchri Praelati & Canonici inter Episcopos Plocenses dignum esse censuerunt; itaque inter Duces Masouiae tumultum sortitus est. Magna suspicio fuit fraude incestae uxoris fuisse e vitā sublatum; documento cæteris esse potest, non facilè votis sacris ludendum esse, nec deserendum statum quem quis vocatione Diuinā suscepit.

*Mamphiolus Episcopus Plocensis XXXV.*

**A**Vdiuit & obstupuit atque detestata est Curia Romana ingens & indignum sacerdotali ordine facinus, Episcopum videlicet à Sede Apostolicā confirmatum, incestis nuptijs ordinem sacrum polluisse. Itaque summus Pontifex Bonifacius IX. veritus ne ea res in exemplum transiret, neque quis alius tantum scelus committeret, eā ratione huic rei obuiam se ire posse existimauit, si non admissā electione cleri



Plocensis, Italum cuius virtutem nouerat, Ecclesiæ auctoritate Apostolicâ præficeret. Mamphiolus is fuit Pontificis consanguineus, nobilis Romanus; hunc à se consecratum impensius studuit fauore Regis Poloniæ, & Ducum Masouiæ in sede Plocensi collocare. Sed cum eo quoque iam tempore, Reges Poloniæ aliquid de iure suo detractum putarent, si nutu & arbitrio summi Pontificis Episcopi, ijque externi darentur; ne id fieret, quamuis summus Pontifex pœnas & censuras Ecclesiasticas stringeret, Rex Ducesque Masouiæ, ad futurum summum Pontificem qui sine schismate federet prouocantes obstiterant. Nec Prælati & Canonici Plocenses, in tuendo iure liberæ electionis sibi defuerunt. Quadriennium in hac contentione consumptum est: quo expleto, Mamphiolus iam Episcopus à summo Pontifice consecratus, & sine possessione titulo Episcopatus Plocensis usurpato morbo grauatus, Romæ anno Christi millesimo trecentesimo nonagesimo nono moritur, & in celeberrimâ Fratrum Diui Francisci Ecclesiâ, quæ in Capitolio ad Aram cœli dicitur, cum titulo Episcopi Plocensis sepelitur.

*Iacobus I. Episcopus Plocensis XXXVI.*

**V**idit summus Ecclesiæ Romanæ Pastor Bonifacius Nonus, arduum & difficile esse, Polonis iam veteri abstersâ ignorantia, eruditione ac pietate florentibus, dare Episcopum qui in Vrbe natus, & linguam Polonicam nesciret, & à moribus eorum, quibus præfuturus esset vitæ ratione discreparet, solas denique adepto Episcopatu quæsiturus opes existimaretur. Idem tamen, ut ius quoque supremæ Sedis, in dandis Episcopis tueretur, neque se vel à Principum voluntate, vel à Capituli postulatione tantoperè dependere ostenderet, Iacobum genere nobilem, patre Floriano milite de Kordwanowo, & matre Catharinâ, familiâ eâ quæ Sirocomla appellatur natum, Decretorum Doctorem, ac Palatii Apostolici Auditorem, summaque cum laude hoc munus obeuntem, Episcopum Plocensem à se renunciatum consecrauit. Talem ab Vrbe missum, nobilem & eruditum virum Episcopum, non licuit, nec decuit, ut vel Prælati & Canonici Plocenses, vel Duces ipsi Masouiæ acceptare renuerent. Duces quidem aliquantulum hæsisse feruntur, sed cum Iacobus & personæ dignitatem secum ferret, & Apostolicis mandatis ac etiam censuris in omnem euentum munitus esset, facile ea omnia, quæ ad consequendam Episcopatus possessionem ei obstare poterant, vicit & submouit; virtus enim eius supra inuidiam erat, & ad cuius conspectum ambitio comparere non audebat. Diuinitus eum, & olim destinatum & tunc lectum, qui Sedi Plocensi præesset, existimare conuenit. Scribit Dlugossus hunc Iacobum primis rudimentis doctrinæ imbutum utcumque, tandem primâ quâ licebat ætate Sacerdotem ordinatum fuisse Parochum Albæ Ecclesiæ prope Cracouiam, in eo itinere quò versus Ilkussium itur: qui



qui cū videret se minū esse idoneum ad exercendam curam animarum, quōd scientiā huic rei necessariā destitueretur, vehementi accensum fuisse eruditionis sibi comparandæ desiderio; sed quid faceret, paternæ opes si quæ erant, quas tamen exiguas fuisse putandum est, alijs cesserant fratribus, census sacerdotij vix ad quotidianum victum sufficiebat. Igitur cū humana deessent subsidia, ad diuina confugiendum sibi putauit; nam quotidianis sacrificijs & frequentibus precibus, Deum & sanctissimam eius Genitricem instanter obsecrabat, vt sibi & votis suis annuere dignaretur. Hoc dum sedulò agit, pristinamque pietatem nouā pietate cumulat, accidit vt die quodam, templum suum parochiale mediā die solus orationis causā ingrederetur, ac feruentissimè animam suam coram Domino effunderet, ecce subitò conspicatur in altari maiori, iacere marsupium pecuniā plenū, agnoscit Diuinum & de cælo sibi missum subsidium: reſerato sacco, centum marcas argenti in grossis latis Pragensibus eo contineri reperit. Summa hæc grandis erat illo tempore, & nunc si ad præsentem monetæ æstimationem reducat, ducentos circiter aureos efficeret. Lætus eo subsidio Iacobus, Deo imprimis gratijs actis, iuri Parochiæ renunciat, itineri se accingit, ac ad celeberrimam Academiam Bononiensem studijs operam nauaturus properat. Iam propè ad annum trigesimum ætatis accesserat, sed tanta erat ingenij bonitas & præstantia, vt quidquid illi ad discendum proponeretur facilè comprehenderet, ita vt viris in illā Academiā doctis, & eruditione præstantibus, mox & admirationi esset, & amorem illorum sibi conciliatum haberet. Non multi anni erant illi impendendi, vt eruditionis propè diuinitus partæ testimonium consequeretur. Doctor sacrorum Canonum, factō prius scientiæ periculo & præmisso rigidiori examine renuncians, talis in consessu totius Academiæ comparuit, vt is honos illi etiam non petenti omnium iudicio & suffragio delatus esset. Neque sanè tanti viri eruditio Academiæ Bononiensis septis contineri potuit: nam simul atque fama eius ad Urbem venit, accitur ille eò & Palatij Apostolici Auditor renunciatur. In eā dignitate cū omnibus virtutibus fulgeret, eo vt diximus modo, voluntate summi Pontificis, ad Episcopatum Ploensem promotus est, patriamque tandem, quam quasi mundo ignotus reliquerat, primariā dignitate ornatus reuisit. Susceptum autem munus, ita statim primo suo ingressu gerere cœpit, vt omnium animos oculosque in se conuerteret. Ipsi quoque Masouiæ Duces, qui aliquantisper honorem ipsius morari videbantur, cognitā ipsius virtute magnoperè dolebant se illius felicitati, vel potiùs pietati, vel minimum obstaculum posuisse. Prælati verò & Canonici Ploenses, non vt Episcopum, sed veluti patrem eum venerati sunt. Et ne plura in medium afferamus, viginti & nouem annis ita gessit Episcopatum Iacobus, vt omnibus numeris absoluti Pastoris, Episcopi & Senatoris specimen exhiberet; plebis suæ curæ commissæ, non minū verbo quàm opere Magister, & ad præclaras quasuis



actiones pietatis causâ suscipiendas dux & auctor. Huius viri operâ & liberalitate aucta auro & argento Ecclesia Plocensis, non multum cessisset splendore cuius alteri in Poloniâ Cathedrâ, si eâ curâ à successoribus conseruatus fuisset, quantâ sedulitate eum Iacobus comparauerat; nam inprimis ex auro puro, iustæ staturæ imagines IESV Christi Domini nostri & Saluatoris, & duodecim eius Apostolorum fusas, thesauro Ecclesiæ Plocensis intulit; item imagines septuaginta duorum Discipulorum, ex puro quoque argento fabrefactas sumptu suo comparatas Ecclesiæ Plocensi donauit, eandemque aliâ quoque Ecclesiasticâ aureâ & argenteâ supellectili munificè auxit & locupletauit. Superiorum temporum Episcopi Plocenses passi erant decimam manipularem, pecuniariâ eaque vili æstimatione quorundam priuatorum cupiditate interuerti: id sibi nec Ecclesiæ suæ ferendum arbitratus Iacobus Episcopus, nonnullis Baronibus & militibus Masouia litem mouit, eamque vt erat iuris peritissimus facilè in iudicio euicit. Inuidiam illi ea res peperit & odium, nam homines illi qui in iudicio succubuerant, quasi iniuriam acceperant, minas & terrores Episcopo rem Ecclesiæ agenti intenterunt, ita vt ille periculo suo motus, aliquantisper ab Ecclesiâ abesse cogeretur, non vt periculum effugeret, sed ne præsentia suâ occasionem bonis Ecclesiasticis iniuriam inferendi præberet. Quare ita se furori iratorum subduxit, vt interim in Dobrineni territorio maneret, & nonnulla prædia pro Ecclesiâ in Culmensi ditione acquireret. Reuersus deinde Plociam, cum tot annis, vt diximus, summâ cum laude illi præfuisset, domumque suam quæ non cognatorum grege, sed sponsæ suæ familiaribus constabat, disposuisset, plenus dierum bonorumque operum in Curiâ Episcopali Plocensi, die vigesimo septimo mensis Maij, quæ in diem Dominicum inciderat, Anno Christi millesimo quadringentesimo vigesimo quinto obdormiuit in Domino.

Obijt anno  
1425. Iacobus  
I. in ordine  
36. Episcopus  
Plocensis.

*Stanislaus II. dictus Pierzchala Pawłowski, Episcopus  
Plocensis XXXVII.*

**O**Mnium rerum esse quandam vicissitudinem, rectè dixit Comicus. Vidimus proximè piam in ornandâ auro & argento Ecclesiâ Plocensi Iacobi Episcopi curam & sollicitudinem, visuri mox sumus tantum thesaurum in longè alios, quàm auctor voluit, vsus conuersum. Hæc electio quæ mortem Iacobi subsequuta est, in ipsum diem festum natiuitatis Sancti Ioannis Baptistæ, qui dies quoque Dominicus erat inciderat: studia Principum qui tum summæ rei in Masouia præerant, distracta in varias sententias, non multum spei dabant boni in electione illâ successus, & quod mireris, alium Semouitus senior Dux Masouia, pater, alium filij ipsius Semouitus, Vladislaus & Casimirus promouebant, vt inter patrem & filios ambitione quadam acriter certaretur. Patri quidem in votis erat,

vt



vt Stanislaum Pawlowski Archidiaconum Plocensem de Gnatowice Cancellarium suum ad dignitatem Episcopalem eueheret ; filij Cristinum Nieborowski , Canonicum Plocensem genere nobilem , de domo Prauditarum , promouendum susceperant. Nec minor erat inter ipsosmet Prælatos & Canonicos dissensus, plures Cristino fauebant , pauciores senioris Principis voluntati obsecuti, Stanislaum elegerunt , & Cristinus non diu certandum sibi præsidio filiorum contra patrem existimauit , sed Viscouienti prædio contentus iuri electione parto cessit. Itaque Stanislaus fauore Principis Episcopus Plocensis renunciatus , à Martino V. summo Pontifice, Anno Christi 1425. die decimâ octauâ mensis Decembris confirmatus, atque mandato ipsius ab Alberto Archiepiscopo Gnesnensi consecratus est. Fremebant iuniores Duces, inuitis illis dari talem Episcopum, qui ipsis vehementer displiceret. Namque ingenio vafer, callidus, facetus, & loquax , audax & profusus opum habebatur, dicacitateque suâ & intempeliuius facetijs , quorum memoria in animis Principum hæere solet , præcipuos quosque læserat , sed maximè filios Ducis, qui viuentem quidem patre, mulitando tantum suas erga illum exercebant offensas , illo verò anno millesimo quadringentesimo vigesimo sexto vitâ functo, quod diu mente coquebant odium , luctus diebus expletis in Episcopum effuderunt. Erat Stanislaus nobili genere natus , eâ familiâ quæ Rochum pro insigni defert: pater ipsius villæ Gnatowice dominus Mroczko nomine, Subiudex Sochaczouiensis , mater item nobilis Anna, honesti in primis & ingenui habebantur. Sed Semouitus, Vladislaus, & Casimirus Masouiae Duces, sorore germanâ Vladislai Iagello nis nati, nescio quâ ex causâ viuentem adhuc patre suspicati fuerunt, quasi per eundem Stanislaum Masouiae adhuc Cancellarium , in crimen læsæ Regiæ Maiestatis vocati, & ad Vladislaum Principem Auunculum suum delati fuissent. Fictanè hæc fuerit à Stanislao criminatio , & utrùm ad Regem Vladislaum delata , & quo auctore publicata incompertum est. Cromerus quidem hanc fabulam ita soluit , cum de Regis ad Comitata Lenciciensia profectioe historiam texit : Ad ea , inquit , Comitata Rex per Masouiam proficiscens , Zemouitum seniore Ducem in gratiam recepit , cum is ipsi primùm per filios , deinde per se ipse satisfecisset , de eo quòd infimulatus erat, quasi in potestate Regis esse nollet, cui quidem suspicioni Stanislaus Pawlouius Archidiaconus Plocensis occasionem dederat, cum is fortè anno superiori in Synodo Lencicensi , in quâ de viginti millibus florenorum Regi Pontificis Maximi iussu ab ordine Ecclesiastico conferendis frustra actum est, negasset mandatum illud Pontificium ad Plocensem Diocesim pertinere , quòd in eâ ac in totâ Masouia Rex nihil prorsus iurisdictionis haberet. Atque id de sententiâ Ducis, cuius erat Cancellarius , & cuius auctoritate non multò post Iacobo Episcopo mortuo Plocensis Episcopus designatus erat , dixisse videbatur. Hæc Cromerus. Sed nos Dlugossium auctorem hæc eadem describentem sequi



sequi malumus, qui ut diximus, hunc ipsum Stanislaum Anno 1425. ad Episcopatum promotum fuisse asserit, motamque illi auctoribus Ducibus Masouia Semouiti filijs, statim à morte patris litem docet; multa erant quæ Stanislao Episcopo obijciebantur, & inprimis quasi ille finxisset, & crimen ingens Ducibus iunioribus Masouia imposuisset, quod illi conspirassent in mortem Vladislai auunculi sui, quod statum ipsius Regium loco mouere & pessundare destinassent, quod foedera scriptis concepta cum Magistro Paulo de Rusdorf Ordinis Cruciferorum Prussien-sium, in perniciem Regis sanxissent. Cuius rei originalia & authentica instrumenta, quasi Stanislaus dum adhuc esset Cancellarius Masouia, à se conficta & falsa Regi Vladislao tradidisset, exindeque iram Regis Auunculi sui in perniciem nepotum exacuisset: quamobrem his contra eum obiectis, non expectato iudicij tempore, Principes Masouia possessione Episcopatus eum exturbant. Illustre eo tempore erat nomen Principum Masouia; sorore Regis Polonia Vladislai erant nati; soror verò ipsorum Cimbarka (ex quâ augustæ totius domus Austriacæ familia, quæ his etiam diebus magnitudine opum & virium cæteris præstat, deducta est) nupserat Ernesto Archiduci Austriæ, cuius filius Fridericus, tertius postea eius nominis Imperator, multum apud summos Pontifices auctoritate poterat, ita ut Auunculum suum Alexandrum, supradictorum Ducum fratrem, ad Episcopatum Tridentinum & dignitatem Cardinalitiam promouerit. Quare graue erat certamen Stanislao Episcopo Plocensi, contra Principes tot fauoribus nitentes, & ipsi acerrimè infestis, multisque alijs accusationibus inchoatam contra eum litem cumulantibus; quæ ut melius succederent, proferebant in medium Principes instrumentum quoddam publicum, manu Magistri de Sobniewo, Præpositi Tridentini subscriptum, quo continebatur Stanislaum Pawlowski, Martinum Papam V. de incontinentiâ diffamasse, & eum notorium concubinarium appellasse. Non magnoperè quidem Pontificem innocentia suæ conscius, videbatur ea res commouere; nam ne iudex suæ causæ esset, totum negotium iusto examine, & inducendis testibus in vtramque partem probandum, demandauit Magistro Stanislao de Skarbimiria Canonico Cracouiensi, eoque tempore eadem in Vniuersitate iuris Canonici Professori celebri & famoso. Is tanquam summi Pontificis delegatus, iudicij formâ propositâ, vocatisque partibus, ita munus suum executus est, ut millesimo quadringentesimo vigesimo octauo anno, inchoato iam iudicio, nullam diem quâ ius dici posset prætermiserit: vocati & admissi testes, acceptaque ab eis iuratâ fide examinati, idque non viles personæ, sed nobiles. Nempe tanto studio Dux Masouia Semouitus iunior, ad euertendum Episcopum Plocensem, eumque Episcopatu spoliandum incubuerat, ut dum hæc causa Cracouia tractaretur, nullam diem prætermiserit, quin iudicio præsens adesset. Vicissim quoque Stanislaus Episcopus, sibi causæque suæ non deerat, negotiumque suum per se exequabatur.



quebatur. Summa autem literarum de quibus suprà attigimus, & quas Principes Masouiae ab Episcopo confictas fuisse afferebant, hæc fuit in formam libelli redacta. Inprimis aiebant Duces, Stanislaum dum adhuc Masouiae Cancellarius esset, finxisse has ipsas literas, & propria manu confecisse, & ijs characteribus ac sigillis conficta signasse, quasi ea eorundem Ducum fuissent, cum de ijs nunquam illi cogitassent. Ficti autem instrumenti hæc fuit narratio, quasi præfati Duces Semouitus, Vladislaus, & Casimirus, præsentibus Saffino Plocensi, Stephano Gostinenfi Castellanis, se Sigismundo Vngarorum & Bohemiae Regi, Vladislai Regis Poloniae hosti, ad præstandum Homagium obligassent, & societatem belli contra Vladislaum Regem Auunculum suum, promissis Imperatori proprii militis suo sumptu conducti trecentis hastatis sanxissent, in gratiamque Cruciferorum octingentos itidem hastatos sumptu & ære proprio in perniciem Vladislai Regis Poloniae, se semper in promptu habituros sponderent, ita ut coniunctis viribus profligato & exterminato Vladislao Rege Poloniae, totius Regni inter Cruciferos & Duces Masouiae partitio fieret, adnotatis etiam Prouincijs & regionibus, quæ Cruciferis, quæ Ducibus ipsis quasi iam partâ victoriâ cessuræ essent. Crediderunt eâ tempestate multi, eò leuitatis prolapsos fuisse Duces iuuenes viuentem adhuc patre, ut hæc literæ, & hæc conspirationes, ab ijs verè fierent, cum tamen in publicum prodissent, crimen ingens perfidiæ contra Auunculum suum susceptum, fictis in Episcopum calumnijs deriuare voluisse. Sed quamuis, ut diximus, tanto conatu, & tot confictis criminibus Duces Masouiae, & potissimum Semouitus ad infamandum quasi falsi criminis reum, & Episcopatu priuandum niterentur, formato tamen hic in Polonia, per eos quibus id negotium à summo Pontifice demandatum fuit legitimo iuris processu, ac testibus pro vtraque parte inductis & examinatis, totum negotium, ut erat in scripturam redactum, ad Urbem accuratiùs examinandum fuit remissum. Non veritus est Stanislaus Episcopus Plocensis, vel Romanæ Curia, vel ipsiusmet Pontificis acre & seuerum iudicium; vbi quamuis Duces Masouiae magnorum Principum, cum quibus sanguinis iura illis intercedebant suffragijs & intercessionibus iuuarentur, vicit tamen omnes illorum conatus Episcopi innocentia, quâ luculenter probatâ, omni obiectorum criminum culpâ decreto Curia Romanæ immunis pronunciatus est. Ceterum Episcopum omni noxâ solutum, tanto nihilominus odio, tota Ducum Masouiae familia persecuta est, ut Alexander Dux Masouiae Episcopus Tridentinus & Sacrae Romanæ Ecclesiae Cardinalis, redeunti domum Episcopo in itinere insidias struxerit, ac per Fridericum Austriae Ducem, sorore suâ germanâ Cimbarka genitum, qui postea sub nomine Friderici tertij imperium Romanum diutissimè rexit, vel potius per milites ipsius, in Oppido Frislato ceperit, & in molestum satis carcerem coniecerit, & fortasse deterius quoque ibi tractatus fuisset, nisi astu & consilio se in liberta-



bertatem asseruisset, nam dum in carcere à ciuibus oppidi illius custoditur, illis largiùs mero delibutis, & custodiam remittentibus, Episcopus qui fictâ ægritudine in lecto decumbebat, vno è suis familiaribus ibi collocato, mutato habitu & vestibus, oppido egressus, ac equos quos pro se & cætero comitatu prope oppidum expectare clam ordinauerat nactus, celeri cursu in Poloniam effugit. Vbi instante Vladislao Poloniæ Rege, Ducibus qui tot iam iniurijs Episcopo illatis satiati erant, reconciliatus est, ita vt deinceps Episcopatum Plocensem, cuius prædia & possessiones nunquam illi interceptæ fuerant, pacificè possideret. Verumtamen illum fuisse litium amantem, & lites libenter exercentem, vel ex eo apparet, quòd rebus etiam cum Ducibus compositis quieti indulgere non potuerit, pluresque simul lite nonnumquam temerè motâ lacefferit, quorum odio grauatus, omni domesticâ, & quod grauiùs detestandum est, sacrâ etiam Ecclesiasticâ suppellectili absumptâ, ac illis tam pretiosis Iesu Christi ac duodecim Apostolorum aureis, & septuaginta duorum Discipulorum argenteis statuis conflatis decoctis, egens ac omnium rerum indigus, aduersâque squinantia valetudine pressus, relictâ Plociâ Torunium migrare coactus fuerit, vbi in Monasterio Sancti Nicolai, quod Prædicatorum Ordinis Diui Dominici est, relictus & desertus ab omnibus, die vigesimâ nonâ Aprilis, millesimo quadringentesimo trigesimo nono obiit. Et nisi illius Ordinis Monachorum charitate & curâ corpus ipsius decenter terræ mandatum fuisset, vix plebeiam etiam sepulturam habuisset.

Stanisłai  
Pawłowski  
Episcopi Plocensis in ordine 37.  
obitus anno 1439.

*Paulus Gizicki Episcopus Plocensis XXXVIII.*

**F**Austo & felici omine Paulum Gizicium non solum Plociæ, sed & vniuersæ Masouia Episcopum fata dedere. Nobili & honesto inprimis loco is natus est, eâ familiâ quæ Gozdauam pro insigni gerit: pater ipsius fuit Venceslaus Gizicki Iudex terræ Sochaczouiensis & villæ Gizice dominus, mater Elizabetha; à parentibus accuratiori studio educatus, posteaquàm ex ephebis excessisset, ac in patriâ primis literarum rudimentis excultus esset, Pragam, vbi eo tempore studia vigeabant, exactioris scientiæ capeffendæ causâ se contulit: deinde maturior ætate Sacris initiatus, duo nobilissima Sacerdotia, Cracouiensem nempe & Plocensem Scholasteriam nactus, & maioribus admotus negotijs, conceptæ de suâ virtute multorum magnorum virorum opinioni præclarè respondit. Quamobrem Stanisłao Episcopo vitâ functo, omnium oculi & animi in Paulum versi, eum priuatis etiam desiderijs Episcopum designabant: cumque electionem per compromissum Prælati & Canonicis expediri placuisset, Paulus inter tres compromissarios vnus, à duobus, nimirum Ioanne Pelka de Niewieff Decano Vladislauienti, & Magistro Paulo de Grabczewo Canonicis Plocensibus, die tertiâ Mensis Februarij electus est



est, tantâ omnium Prælatorum & Canonicorum Plocensium comprobatione & applausu, ut nemo fuerit, qui non ei hunc honorem gratularetur. Duces quoque Masoviæ Vladislaus & Boleslaus, propensum suum erga illum animum declararunt, electionemque ipsius ratam habuerunt. Detulit Paulus Episcopus hanc electionem suam ad Eugenium Quartum Summum Pontificem, eandemque ab eo confirmari petijt, qui datis duodecimo Calendas Septembris literis eundem Episcopum Plocensem auctoritate Apostolica renunciauit. Cæterum Paulus veritus, ne dicta Pontificis Eugenij electionis sue confirmatio in dubium vocaretur, quod illi alter, Felix nimirum dictus quintus auctoritate Concilij oppositus esset, à Vincentio Archiepiscopo Gnesnensi eandem approbari voluit; à quo etiam Archiepiscopo, præsentem Vladislao tertio Jagellonide, qui postea Rex quoque Vngariæ cum esset, à Turcis ad Varnam cæsus gloriosè occubuit, die vigesimâ septimâ Decembris, quæ in diem Dominicum inciderat, Cracoviæ in Ecclesiâ Cathedrali sacris initiatus, & Episcopus consecratus est. Magnanimus in primis & liberalis habitus est, & tantæ auctoritatis, ut Vladislaus Masoviæ Dux, maximè idoneum eum existimauerit, qui se vitâ functo Semoviti & Vladislai filiorum suorum impuberum tutelam gereret, & quoad illi adolererent summè in vniuerso Ducatu rei præesset. Gessit ille hoc munus vniuersis Masouijs libenter illi parentibus, summâ cum laude, iudiciorum formâ veteri immutatâ, ita ut nemo iudicijs grauari posset, præscripsit: sportulas denique iudiciales & impensas partim sustulit, partim verò ita imminuit, ne ex iudicio contententibus graues essent, cumque ijdem Duces quos in tutelâ suâ Paulus Episcopus habuerat, fraude & veneno Gotardi Ribenij Castellani Sochaczouiensis gente Radwanij, extincti essent; ac Casimirus tertius Rex Poloniæ Ducatum Masoviæ sibi vendicaret, obstitit ipsius conatibus Paulus Episcopus quantum potuit, ac iura Masoviæ tutatus est, ita ut ad Comitata Petricouiensia, quò maiori auctoritate & securitate causam Masouiorum contra Regiam potentiam sustinere posset, octingentis stipatus equitibus venerit, non vi tamen, sed iure eâ causâ decisa, & Rex fauore magis iudicium quàm causæ æquitatem hereditatem ditionum quas præfati Duces tenuerunt adeptus est. Non solum autem in tuendis iuribus politicis Gizicius enitere voluit, sed multò magis ad illustrandam Ecclesiam Cathedrali Plocensem, & ad adsciscendos hos, qui in administranda curâ Pastoralis sibi præstò essent, ita animum adiecit, ut magnam reddituum Episcopaliū partem, ad fundandam & dotandam Ecclesiam Pultouiensem, quæ olim erat Parochialis, impenderit; & erectâ eadem Ecclesiâ in titulum Collegiatæ, nobilissimam dotem illi assignarit. Quo autem fine ille id fecerit, quibus subsidijs Episcopum Plocensem in posterum niti voluerit, quid Prælati & Canonici Pultouienses in patrimonio Ecclesiæ Plocensis fundati eidem Ecclesiæ & Episcopo Plocensi debeant, luculenter in priuilegio Nicolai V. summi Pontificis, fundatio-



nis Gizicianæ confirmatorio continetur, quod quidem & usu tam longi temporis comprobatum, & iuri Canonico consonum temerè à Prælati & Canonicis Pultouiensibus impugnari, ordinario iuris processu esset declarandum; quo etiam Decessores nostri, redigendis, & ad officium Prælati & Canonicis Pultouiensibus reuocandis hætenùs vsi sunt Idem Paulus Episcopus vt tantò illustriorem foundationem Ecclesiæ suæ Pultouiensis redderet, Ecclesiam Parochialem Pultouensem è latere cocto magnificè extruxit. Et ne suorum oblitus videri posset, in villâ quoque paternâ Gizicze, & Templum & Curiam cocto item latere à fundamentis extruxit. Virum magnum & eximium illum fuisse præclaræ actiones declarant, vt meritò Masouia illum, & nomen ipsius gratâ recordatione venerari debeat: quæ de eo Dlugoffus scribit paucis eiusdem verbis addam, Fuit, inquit ille, Paulus Episcopus in cōsanguineos lasciuius (ita ille signat eum qui multum de bonis Ecclesiæ familiæ suæ largitur) in singulis actionibus, & in quaslibet personas fastidiosus, facilis in bilem, iustæ staturæ, capillos habens crispis & cæruleos, qui multis dum prouectiorem ætatem ageret, & iuuenilem facie monstraret admirationi esset, tenuis & parvæ scientiæ, quamvis ingenium apud studium Pragense excoluisset. Hætenùs Dlugoffus. Sed Gizicius cùm tribus & viginti annis Sedem Plocensem tenuisset, die vigesimâ septimâ mensis Ianuarij, millesimo quadringentesimo sexagesimo tertio, ritè sacris procuratus Pultouiæ obiit, diuturnâ scabie vexatus, eaque ad extremum extinctus, vt in Ecclesiâ Pultouensi sepeliretur, supremis tabulis mandauerat. Is cùm adhuc viveret, mutuo Vladislauiensis accedente consensu, terminos quibus vterque Episcopatus & iurisdictio vtriusque contineretur, anno millesimo quingentesimo quadragesimo quarto pepigit, vt de subditis fugitiuis cum Culmensi Episcopo vel repetendis vel reddendis certam formulam constituit.

Pauli Gizici-  
ki Episcopi  
Plocens. in  
ordine 38.  
obitus Anno  
1544.

*Stiborius II. Episcopus Plocensis XXXIX.*

**V**oluerat Casimirus tertius Poloniæ Rex, pulso per vim Iacobo Siennio ex Episcopatu Cracouiensi, quem ille beneficio Sedis Apostolicæ obtinuerat, lenire dolorem ipsius suâ ad Episcopatum Plocensem promotione. Quamobrem etsi tunc in Lithuaniam moraretur, tamen simul atque intellexit Paulum Gizicium vitam excessisse, misit Martinum Wrocinski militem, & Iacobum Handa Notarium, quos ad diem electioni præfixam, magnis itineribus decurrere iussit, qui suo nomine Iacobum de Sienco eligi curarent. Sed Prælati & Canonici Plocenses, nihil his Regis mandatis moti, electionem ritè institutam ita quoque peregerunt, vt Stiborij de Goscianczice Canonici Plocensis, perspectâ virtute & industriâ eum per compromissum Episcopum renunciarint. Is antea Pauli Gizicij Secretarius fuerat, multumque illi in omnibus actionibus & consilijs suspiciendis Gizicius tribuebat, ita vt ab eius arbitrio pende-  
re



re videretur; ad extremum tamen cū iam Gizicius prouectiori esset ætate ac morti proximus, ita Stiborius apud senem odium sui mouerat, ut amplius simul esse non possent. Erat Stiborius satis competenter in literis versatus, & eruditus, genere nobili, ex familiâ Prussorum, patre Ioanne Dapifero Cernenfi, matre Catharinâ natus, omni genere virtutum excultus, sola erat bilis quâ interdum plus quàm decebat, exardescerebat. Obstabat Casimirus Rex electioni & promotioni Stiborij, & Iacobo de Siennio Episcopatum Plocensem aspernante, Petrum de Pniewo Canonicum Plocensem & Gnesnensem ac Cantorem Posnanensem, nobilem de domo Nalæcz, nominatione suâ, cuius tunc prima & recentia initia in Poloniâ erant Summo Pontifici Pio secundo, missis ad eum Ioanne de Ostrorog milite, & Nicolao de Goslub, Decretorum Doctore promouendum suscepit. Idem tamen veluti ludificans Regem Poloniæ, quamuis plumbatis diplomatibus, ne Stiborius vel electionis vel confirmationis ius vrgere auderet, seuerè serioque prohibuisset, tamen Friderico Romanorum Imperatore, qui Ducibus Masouiæ consanguineis suis impensè fauebat auctore, noua eaque contraria dedit mandata, quibus Stiborio facultas dabatur, ut ille vel ab vno Episcopo secretò consecraretur. Nempe graue iam dudum odium in Casimirum Regem Pius Secundus Pontifex Maximus conceperat, ob eam causam, quòd ab eo ne possessionem Episcopatus Varmienfis, quem ardentè concupierat, adiret, impeditus & exclusus fuerat, in tantumque illa offensio excreuerat, ut in historiâ quam de Bohemis scripsit, temperare sibi non potuerit, quin Polonicum nomen omnibus probris notauerit. Sed Stiborius Pontificiâ fretus auctoritate, nequicquàm minas Casimiri Regis veritus, clam vocato ad se Nicolao Episcopo Lacedæmonienfi ex ordine Diui Francisci, qui cum Titulo Episcopi in partibus infidelium Suffraganeum Episcopi Plocensis gerebat, nemine altero accito Episcopo, in Ecclesiâ Collegiatâ Pultouienfi, ex indulgentiâ Romani Pontificis consecrari se curauit. Anno millesimo quadringentesimo sexagesimo quarto, omnium quidem prædiorum & hæreditatum, quæ in Masouiâ & iurisdictione Ducum Masouiæ erant, possessionem adiit, sed quæ erant in Dobrinenfi & Sendomirienfi Terris, eas Casimirus Rex interceperat, quas postea vbi Episcopus ei reconciliatus fuit, pleno iure illi reddidit. Præfuit Ecclesiæ Plocensi Stiborius annis septem, totidemque mensibus, moritur Pultouiæ quartâ die Maij, Anno Christi millesimo quadringentesimo septuagesimo primo, ac in Choro Ecclesiæ Cathedralis Plocensis sepelitur.

Stiborij II.  
Episcopi Plocensis in ordine 39. obitus  
Anno 1471.

*Casimirus I. Dux Masouia, Episcopus Plocensis XL.*

**L**ibertatis & iurium tuendorum studium, quo Prælati & Canonici Plocenses post obitum Stiborij Episcopi exarserant tantum fuit, ut cū liberis suffragijs ad electionem Episcopi descenderent,



obliti esse viderentur in cuius ditione agerent viuerentque. Nam cum Duces Masouia in spem Episcopatus Plocensis, Casimirum Boleslai Varfauiensis Ducis filium, ætatis adhuc tenerioris, Sacris initiari & Subdiaconatus ordine adstringi curassent, neminem deinceps si quando Plocensis Ecclesia vacaret, ad eius regimen erant admissuri, minimè tamen eo territi cum quatuor & viginti conclaue electionis die decimâ Iunij ingressi essent, duodecim ex illis Stiborium Pielscium stemmatis Przerowa Archidiaconum, sex Casimirum Boleslai Varfauiensis Ducis filium Canonicum, sex item Andream Oporouium Iurisconsultum ipsumque Canonicum Plocensem & Gnesnensem Archidiaconum, nobilem de domo Sulima, quem Casimirus Poloniae Rex, & literis, & nominatione siue designatione suâ, & nuncio Nicolao Chrzaſtowski Vexillifero Cracou. impensius promoueri desiderabat, Episcopum dicebant. Potior iure ac à maiori parte Capituli electus erat Stiborius; sed cum videret cum Ducibus Masouia, qui Friderici Romanorum Imperatoris consanguinei sui auctoritate & promotione, quæ tum in Curiâ Romanâ plurimum poterat, nitebantur, certamen sibi aere & difficile subeundum fore, facile sibi persuaderi passus est, ut ius suum omne in Casimirum Ducem transfunderet. Cæterum Casimirus Rex susceptam semel Andreæ Oporouij etiam si à paucis electi promotionem, ut ius nominandorum Episcoporum nuper à se usurpatum stabiliret, constanter se usurum declarauit: hinc cum missi ad eum à Casimiro electo Legati Cracouiam venissent, supplicesque nomine Casimiri, ne honori & dignitati nepotis & consanguinei sui obstaret, & ut assensum eius electioni præberet, precarentur; respondit se quidem consanguineo suo benè velle, sed ut nondum adultum, nec per ætatem Episcopalis dignitatis capacem promoueat, sacrorum Canonum præscripto se prohiberi; denique non esse nec fore ex dignitate Regiâ, si posteaquàm Andream Oporouium, virum eruditum, & optimè de se meritum, ad eum Episcopatum promouendum suscepisset, mutata, quod minimè Regem deceret, voluntate, alteri studium auctoritatemque suam deferret. Sic itaque duobus inter se contendentibus, res ad Sixtum IV. Pontificem Maximum eius auctoritate definienda delata est: ibi cum Fridericus Imperator Casimirum Ducem Masouia, Casimirus autè Rex Poloniae Andream Oporouium promouendos à summo Pontifice peterent, Pontifex ut Imperatori potius quàm Regi gratificaretur, Casimirum decem & octo annos natum Episcopum Plocensem renunciavit; Oporouio verò ut Regis quoque desiderio aliquâ ex parte satisfaceret, Varmiensem Episcopatum, remoto, & in Camenensem trāsſato Nicolao Tūgeno, attribuit. Hoc sanè verius crediderim valuisse in hac promotione fauorè Imperatorium, quàm quod Dlugoffus refert, Sixtum Pontificem promissis nomine Ducum Masouia sex millibus aureorum, negotium hoc Nicolao Mniszewski Canonico Plocensi in Vrbe agente illectum, secundum Casimirum pronunciaſſe. Constat quidem Casimirum,



rum, literis tantum capiendae possessionis causa à summo Pontifice obtentis, ius omne Episcopale inuasisse, ac non nisi quadriennio exacto, ad sacra diplomata expedienda, Romam Matthiam de Sluzewicz Decretorum Doctorem Archidiaconum Pultouensem misisse, veritum fortasse ne si citius hoc negotium in Vrbe versisset, recens memoria promissi pacti, eum ad soluendam sex millium aureorum summam stringeret. Omnia nihilominus in Vrbe obtinuit nuncius Casimiri Sluzeuius; nam & pœnis Canonici, quibus ob usurpatum Episcopatum tenebatur solutus est, & ut viginti duos annos natus Episcopus consecrari posset, ætatis nondum maturæ veniam à Pontifice impetrauit, accitoque ad se Andrea Episcopo Posnaniensi, posteaquam Sluzeuius ab Vrbe sacra ferens diplomata redisset, ab eodem in Ecclesiâ Collegiatâ Pultouensi Episcopus est consecratus. Non eius erat animi & ingenij Casimirus, ut ex illustri & vetustâ Regum Poloniae stirpe ortus, conceptæ de se hominum opinioni respondere posset, homo planè nihili, & ministri cuiusdam obscuræ conditionis arbitrio cuncta gerens: itaque necesse fuit, ut per electum à Capitulo Vicarium, Magistrum Nicolaum de Mierzyniec Decretorum & Legum Doctorem, Canonicum Plocensem, Episcopatus Plocensis gubernaretur: quo tamen Casimirus non recto consilio quasi grauiorem monitorem veritus, amoto, Magistrum Matthiam de Orocno Canonicum in eius locum subrogarat: quo mox intra paucos dies apoplexiæ morbo extincto, prior Administrator electus, locum quo motus erat obtinuit, Episcopatumque in spiritualibus functionibus, & iurisdictione quoad Casimirus vixit, rexit. Casimirus autem, cum nouem circiter annis nomine magis quam re Episcopus Plocensis esset, in prædio Episcopali Iunecensi, die 9. mensis Iunij, anno millesimo quadringentesimo octuagesimo mortuus, & Pultouiae tertio à morte die ad sacrarium sepultus est. Alterum hunc Episcopum Ducali sanguine ortum habuit Ecclesia Plocensis; vtriusque mores & ambitionem si spectaueris, videbis ambos idem voluisse, non ut Episcopi essent, sed ut bona Episcopalia possiderent, ipsque pastri, & sibi perniciem, & Ecclesiæ dedecus accelerarent.

Casimirus I.  
Dux Maso-  
niae Episcopus  
Plocensis  
mortuus An-  
no 1480.

*Petrus IV. de Chotkovvo Episcopus Plocensis XLI.*

**H**Atenus alieno cortice nauigauimus, legentes vestigia Ioannis Dlugossi, quæ ille antiquitatis acerrimus inuestigator ita trita reliquit, ut ne ij quoque laude carere debeant, qui ea quæ ille scripsit secuti eadem vel correxerunt vel expoliuerunt. Interim cum Dlugossus ultra scribere intermiserit, nos partim historicâ hinc inde petitâ notitiâ, partim coniecturis certitudini historicæ, ubi illa defuerit, suffragantibus adiuti, ceptum prosequimur cursum; quamuis in promptu nobis sit archiuum, & acta Plocensis Ecclesiæ, quibus sæpius admonebimur, ne in scribendo extra



orbitam manum ponamus. In defuncti Casimiri Ducis Masouia locum, Petrus de Chorkowo Medicinæ Doctor subrogatur, plebeia quidem stirpe, Villâ Chorkowo, quæ ditione Episcopi Plocensis bonorum Makolinsium continetur, oriundus, sed in tenerâ adhuc ætate quotidianum victum mendicatâ stipe quærens, tãtam animi magnitudinem præsetulit, vt cum Cracouia studiorum causâ versaretur, cuidam Episcopi Cracouiensis coco quærenti, quâ Diœcesi oriundus esset, & ille Plocensi respondisset, cocoque inferente, cessurûsne esset stipe in præsens luculentiori acceptâ spe Episcopatus Plocensis, ingenuè responderit, sibi futuram dignitatem potiore esse victu, licet eo vita contineatur. Itaque in Academiâ Cracouensi non exiguâ operâ literis impensâ, mox etiam insignibus Magistri Philosophiæ solenni ritu decoratus, publicè cæteros erudire cœpit; quo tempore inter alios ei operam dabat Andreas Oporowius, qui postea eximiâ eruditione cum polleret, Regni Poloniae Procancelarius, & demum Archiepiscopus Gnesnensis fuit: Bononiam deinde, nempe eâ tempestate omnium Academiarum celebriorem, se contulit, præstantissimorumque Philosophorum & Medicorum vsus contubernio, ac Medicinæ Doctor renunciatus, tantam opinionem apud illos eruditos viros sibi conciliauit, vt ad Cathedræ quoque munus, & ad profitendam publicè Philosophiam admissus fuerit. Hac famâ cum vigeret, Boleslaus Masouia Dux, eum ex Italiâ honesto stipendio exciuit, liberisque suis, inter quos Casimirus quoque, qui proximè Episcopatum Plocensem gessit fuerat, Magistrum dedit; deinde perspectâ illius in tractandis præclarè quibusque publicis negotijs dexteritate, Cancellarium Masouia creauit, ac Sacerdotijs etiam, videlicet Præpositurâ Sancti Michaelis ac Canonicatu Plocensi auxit. Istis honoribus & fauoribus conspicuus, facilè vacante Episcopatu Plocensi, omnium animos in se vertit, vt Episcopus Plocensis renunciaretur. Itaque Comitijs electionis, ad diem Sancto Augustino Confessori & Episcopo Sacram, qui vigesimus octauus Mensis Augusti est, ac eo anno millesimo quadringentesimo octuagesimo in feriam secundam inciderat, indictis, Prælati & Canonici Plocenses concordibus sententijs hunc ipsum Petrum Episcopum Plocensem renunciarunt, quem ita electum Duces Masouia Boleslaus & Ioannes libenter viderunt, Sixtus Quartus Summus Ecclesiæ Romanæ Præses, datis Sacrarum literarum sub actu feriæ tertiæ post Festum Sanctæ Lucie rescriptis confirmavit, Andreas Oporowski, cui olim Petrus, vt supra diximus, per annos vndecim Magister in studijs obtigerat, iam tunc Episcopus Præmyliensis, & nominatus Vladislauiensis, Regni Poloniae Vice-cancellarius, in paterno suo vico Oporowo, assistentibus sibi Iacobo Margaritenfi, & Vincentio Ennensi Episcopis, die Dominico in quem memoria Sancti Ioannis Baptistæ inciderat, infra Octauas Corporis Christi, millesimo quadringentesimo octuagesimo primo, mandato eiusdem Sixti Quarti Summi Pontificis consecrauit. Hoc suscepto



scepto munere, Petrus talentum Euangelicum copiosè diuinâ manu sibi datum non abscondit, sed tanquam bonus nummularius fœcundis auxit usuris, ipse ore suo sæpius verbum Dei prædicans, omnia Episcopalia munia ita obiens, vt nullam partem quæ ad hoc officium pertinet, intactam reliquerit, bonorum cultor & amator promotorque, eorum verò qui extra terminos vocationis suæ prolaberentur, corrector acerrimus, ac disciplinæ Ecclesiasticæ obseruantissimus, eleëmofynarum largitor, pauperum egenorumque tutor ac defensor. Hic Pultouia sub nomine Sancti Spiritus Xenodochium, in quo pauperes & infirmi nutrirètur struxit, Capellam item pro Mansionarijs Ecclesiæ Plocensis Cathedralis, ac domum in quâ Mansionarij à se instituti manerent, ædificauit, Ioanne Duce Masouia hanc foundationem adiuvante, vtque iidem Mansionarij Horas in honorem Beatissimæ Virginis MARIE Assumptæ perpetuis temporibus decantarent, ac deuotè absoluerent constituit. Prouentus Capituli Plocensis datis decimis mensæ Episcopalis auxit, idem medietatem villæ Radanowo, & Wola Radzanowska, commutatione Aduocatiae in Bogucino pro mensâ Episcopali acquisiuit. Coluerat dum vixit singulari veneratione Beatissimam Virginem MARIAM, eiusque opem sæpius se expertum fuisse gloriabatur, cuius quoque beneficio, vt sub patrocinio & die ipsius, qui eidem Reginae cœli in cælum Assumptæ sacer est, ex hac mortali vitâ ad cœlestem transiret obtinuit, Anno Domini millesimo quadringentesimo nonagesimo septimo, cum Sedem Ecclesiæ Plocensis annis sedecim tenuisset.

Petri IV. de  
Chotkovro  
Episcopi Plo-  
censis anno  
1497. obiit.

*Ioannes IV. Lubranski dictus Pinarius Episcopus  
Plocensis XLII.*

**S**I quis vnquam questus est virtuti non patere gradum ad honores, eum in falsâ opinione versari, exemplo suo docebit Ioannes Lubranski Pinarius. Nullos hic iuuenis admodum spirabat & sperabat honores, nullas somniabat dignitates, sed totus pietati studiisque deditus, eas concipiebat spes, & hunc gradum quem virtute conscenderet sibi proponebat, vt, si Deo ita placuisset, Sacerdos factus, totum se sacris Ecclesiæ obsequijs dicaret: sed Deus qui exaltat humiles, aliam sternebat virtuti ipsius viam, quæ ne cogitantem quidem eò ducebat, quò difficilè alios ambitio perducere solet. Erat in aulâ Regiâ patruus ipsius Gregorius Lubranski Archidiaconus Cracouienfis, vir in administratione profanorum negotiorum non sine laude versatus, cæterum idem Ecclesiasticæ functionis adèò rudis, & eruditionis expertus, vt nec sacro etiam sacerdotij Ordine suæ ignorantiae conscius initiari vnquam voluerit, cum maiorem ætatis suæ partem in curandis Vieliciensibus & Bochnensibus salinis consumpsisset. Merita tamen eius & Casimirus Rex, & filius eius Ioannes Albertus tanti æstimabant, vt eum ad Episcopatum promouere



voluerint; sed ille tanto oneri ferendo cū se imparem ingenuè profiteretur, vacante Episcopatu Plocensi, à Ioanne Alberto Rege supplex petijt, vt se quidem priuatam vitam ducere permetteret, voluntatem autem se Episcopatu Plocensi augendi, per hanc occasionem ad Ioannem Lubranscium suum ex fratre nepotem, omnibus humanis ac diuinis disciplinis excultum, Iuris vtriusque Doctorem, vitæ probitate pietatēque singulari fulgentem transferret. Placuit Principi viri modesti & ab ambitione alieni pia & honesta modestia, qui meritorum suorum maluit fructum decerpere nepotem suum, quàm si ipse hunc honorem adeptus, & eius pressus onere, etiam salutis æternæ amittendæ periculum adiret. Cū autem Senatus Ecclesiæ Plocensis non facilè admissurus videretur, vt & sibi & aulæ ignotum, ac vix annos triginta egressum, Episcopum renunciaret, Regis mandato Fridericus S.R.E. Cardinalis, Archiepiscopus Gnesnensis, ac Episcopus Cracouiensis, ipse electioni tanquam Canonicus Plocensis natus, (etenim Ecclesia Plocensis hoc quoque inter alia decora numerat, quòd Archiepiscopi Gnesnenses nati sint, vt vulgò dicitur, Canonici Plocenses) interesse voluit; qui cū clam promotionem Lubranscij foueret, eam tamen induerat personam, ac si desiderio huius Episcopæ adipiscendæ teneretur. Sed Prælati & Canonici Plocenses, collatis in vnum suffragijs, Nicolaum de Bartniki Custodem Plocensem utroque parente nobilem in Masquiâ natum, de domo & familiâ Dolangarum, in Episcopum elegerunt, paucis exceptis, qui Cardinalis consilij conscij, suis sententijs hunc honorem ad Cardinalem deferebāt. Cuius auctoritas vel potius potestas tanti fuit apud Nicolaum electum, vt illius basilicis precibus victus, ius legitimâ electione partum in eum transfuderit. Cardinalis igitur eā quam induerat detractâ personâ, sententias omnium quorum erat iam factus compos, in Ioannem Lubranscium, Iuris vtriusque Doctorem, quem, vt diximus, clam fouebat, refudit. Itaque eo auctore, frustra mussitantibus Prælati & Canonicis Plocensibus, Ioannes Lubranscius Episcopus Plocensis designatus, & à summo Pontifice Alexandro Sexto confirmatus, ac deinceps ab eodem Cardinali consecratus fuit. Nobilis is erat, loco nobili in Palatinatu Brestensi natus, ex eâ familiâ quæ Pinum pro stemmate gerit: si doctrinam, si pietatem spectes, eo honore dignissimus. Felix profectò fuisset Ecclesia & Diœcesis Plocensis, si ei tanti Pastoris virtutibus diutiùs frui licuisset; sed ille cū in animo haberet maximis impensis Sponsam suam ornare, easque ex redditibus Episcopatus Plocensis sibi non suffecturas non temerè suspicaretur, infra vnius anni decursum, Vryele Gorcano Episcopo Posnaniensi vitâ functo, ad sedem illam tunc opulentiorē, electione Capituli Posnaniensis se transferri passus est; in quâ quanta monumenta liberalitatis suæ reliquerit, vt familiam quoque suam penè inuidiosis opibus auxerit, vt piè & religiosè vixerit, ij scripserunt qui vitas Episcoporum Posnaniensium scriptis consignarunt. In Plocensi autem Diœcesi ipsius extat



extat memoria constructum Skapense Religiosis Sancti Francisci de Obseruantia Monasterium. Hoc Episcopo translato deinceps libera quoque, quâ haftenus vsi sunt Prælati & Canonici Plocenses, Episcoporum electio voluntate Regum abrogata & antiquata est.

*Vincentius I. Przerabski Episcopus Plocensis XLIII.*

**S**iradiensis Palatinatus decus & ornamentum familia Przerabiorum, quæ insigne vetustæ Nobilitatis Nouinam habet, Vincentium Episcopum Plocensem protulit, clarum in primis & illustrem virum, à teneris annis ita educatum, literisque & pietate imbutum, ut summum locum illi deberi consensus omnium decerneret: nec defuit Regia ad eum ornandum, & dignitatibus cumulandum voluntas. Itaque Regni Vicecancellarius renunciatus, facile mox declarauit, se maximis quibusque Magistratibus gerendis parem esse. Erat in eo animus ingens, ad ferenda quæuis pericula paratus, liberalitas & munificentia viro eo loco nato digna, eruditio singularis. Quare Regis potissimum Ioannis fauore, & promotione, Episcopus Plocensis renunciatus, & eiusdem commendatione ab Alexandro Sexto Romano Pontifice confirmatus, ac Cracouiæ consecratus, Sabbatho in Vigiliâ Epiphaniarum Domini, Anno millesimo quadringentesimo nonagesimo nono, comitatu Siradiensium Procerum cinctus, ad Ecclesiam Plocensem venit, sacrisque alterâ die solenniter operatus tanto dignitatis splendore in suâ Sede consedit, ut omnibus admirationi esset, omnesque eum eâ familiâ natum, eo dignitatis splendore fulgentem venerarentur. Neque sanè poenitisset vnquam Plocenses à tali Præsule diutius gubernari, nisi virtus ipsius aliud eum euocasset, & ad Ecclesiam Vladislauensem maioribus opibus ditatam, morte Creslai de Curoswanki vacuam, magno illius Diœcesis desiderio illum appetentem transtulisset. Quod quidem voluntate & assensu Regis Alexandri accedente, millesimo quingentesimo tertio, die vigesima quinta Iulij accidit, nam hoc anno & die, Prælati & Canonici Vladislauenses, tum in oppido Gorzno manentem postulatum ad eum ut Episcopatum Vladislauensem acceptaret, venerunt. Humanum quid eum passum dicerem, quod quinquennio summâ cum laude gesto Episcopatu Plocensi opulentiorum præoptauerit.

*Erasmus I. Ciolek Episcopus Plocensis XLIV.*

**Q**uo genere, quâve stirpe genitus fuerit Erasmus Ciolek, vnde prodierit, quomodo creuerit, & illa ipsa quâ vixit ignorauit ætas: gratiâ cum Alexandri Regis floruisse, & dum adhuc priuatus ageret, ante adeptum Regnum, illius potissimum consilijs niti solitum, fuisse Alexandrum, omnis illius temporis credidit antiquitas. Quidquid sit, hu-



ius Regis auctoritate Episcopatum Plocensem consecutus est, anno millesimo quingentesimo quarto; vafrum fuisse hominem & callidum, & qui Regi cuius gratiâ florebat, tyrannidem suaderet plerique credidere; vili & plebeio loco Cracoviæ natus tantum ingenio valuit, ut Episcopatum Plocensem adipisceretur, & non solum Alexander Rex cuius obsequijs & fauoribus creuerat, sed & Sigismundus primus Rex Poloniæ, operâ eius fideli & industriâ, in obeundis apud Pontificem Maximum & Cæsarem legationibus, semel atque iterum vteretur. Sed postremò missus ad Leonem Decimum à Sigismundo primo, dum ibi secreta quædam tractat consilia, eodem anno quo Leo decimus Romæ obiit, ibidemque in Ecclesiâ quæ Sancta Maria Populi appellatur, tumultus est. Obtinuerat dum in Vrbe esset à Leone decimo Pontifice Maximo, non solum confirmationem fundatâ à Paulo Gizicio Ecclesiæ Collegiatæ Pultouienfis, sed etiam ut tres Prælaturæ sub nomine Scholastici, Custodis, & Cantoris, annexis ijs tribus Parochialibus Ecclesijs Dzierzinenfi, Zlotorienfi, & Wronensi erigerentur, & locum ac stallum ante omnes Canonicos, & vocem in Capitulo haberent, utque Canonici Pultouienfes alia quoque beneficia sustentationis, & continuæ apud Ecclesiam Pultouensem residentiæ causâ acquirere, eaque legitimè obtinere possent; sed quia ille antequàm in Poloniam rediisset, in Vrbe, ut dictum est, vitam cum morte commutavit, neque hoc Pontificium indultum à Successoribus Erasmi ab Episcopis Plocensibus receptum fuit, ea res conatu magis suscepta quàm exitu, hætenus intermissa est sola Vicariorum illius Ecclesiæ ab Erasmo inchoata fundatio, & eodem rescripto Pontificio contenta, multorum subsequenterum Episcoporum liberalitate aucta perseverat, ut Canonicis more aliarum Cathedralium & Collegiatarum Ecclesiarum in stallis suis residentibus, Vicarij Divina officia peragant & decantent. Prælati verò & Canonici singuli per vices suas ordinarias Missas solennes celebrent, & quod ad residentiam pertinet, legibus sacris ac præscriptis in libello foundationis conditionibus teneantur & sint adstricti.

*Raphaël I. Lesczynski Episcopus Plocensis XLV.*

**S**Vccessorem accepit Erasmus Raphaëlem Lesczynski, nobili & vetustâ Wienieuitarum familiâ ortum. Fuit is primò Episcopus Præmylliensis, deinde auctoritate Sigismundi Primi, per Adrianum, vel fortè Clementem Septimum Plociam translatus, vir ita Sacerdotali & Episcopali functioni deditus, ut tamen publicas curas minimè negligeret. Viderat & præviderat fortasse ex suâ familiâ ortos, ad nascentem ipsius tempore in Germaniâ obsœnam & impiam hæresim transituros; quam obrem diligenter cavit, ne is Episcopatus cui præerat, hæc nefariâ labe inficeretur, suoque consilio & auctoritate eò flexit Masoviæ Duces, ut in



in Comitij Varſauienſibus vniuerſis Maſouiæ Ducatus Proceribus libenter conſentientibus, ac ſe poſteritatemque ſuam concordi voto & voluntate obſtringentibus, ſtulti & deliri Martini Lutheri errores, tunc primùm in Germaniâ excreſcentes, in vniuerſâ Maſouiâ publico edicto damnarent, & ne in regionem hanc veræ pietatis altricem inferri, hominesque maculare poſſent, nevé quis tale dogma profiteri auderet, ita prohiberent, vt ſi quis in eum prolaberetur errorem, poenis capitalibus vitæ fortunilque exutus obnoxius eſſet. Quod quidem decretum vniuerſa ita amplexa eſt Maſouia, vt ad hæc vſque tempora exoſam habeat omnem hæreſim, & ſola inter tot Regni prouincias ſuſceptam ſemel Catholicam pietatem, vel vitæ etiam ipſius periculo tueatur, & in publicis Regni Cōuentibus impijs hæreticorum auſis conſtanter repugnet. Cuius decreti ſeriem huc inferendam duximus. Extat in arce Pultouienſi pars quædam muratæ domus ab eo, vt titulus indicat, ſtructæ, quæ tota in ruinam prona, vel ſpontè corrueſcit, vel breui diruenda erit. Annis nō integris quatuor præfuit Episcopatu Plocenſi; Pultouiæ obiit, atque in Eccleſiâ Collegiatâ Pultouienſi ſepultus eſt hoc adiecto Epitaphio:

*Leſcinius iacet hac poſitus tellure Raphaël,*

*Qui plenus magni Præſul honoris erat.*

*Propter virtutem per maxima facta decoram,*

*Hunc releua precibus Lector amice tuis.*

Obijt Dominicâ Oculi Anno Domini M. D. XXVII.

*Decretum contra Hereticos Ducale in Actis Ducalibus quæ circa Caſtrenſia Varſauien. habentur contentum.*

**A**ctum Varſauiæ feriâ quintâ ante Dominicam Oculi Conuentionem continuando proximâ, Anno Domini milleſimo quingenteſimo vigefimo quinto, in præſentiâ Illuſtriſſimi D. D. Ianuſſij Dei gratiâ Ducis Maſouiæ Ruſſiæ, &c. nec non Magnificorum, venerabilium & Generoſorum Felicis Brzeſki Palatini Maſouiæ, Capitanei Ciechanouienſis, Laurentij de Praznowo Cierneniſis, Ioannis Loſki de Wola Chynowska Viſnenſis, Petri Kopythowski Varſauienſis, Alexij de Lubki Wyſſogrodienſis, Ioannis de Krisko Zakroczimienſis, Ioannis de Oborij Ciechanouienſis, Michaëlis de Zaliwie Liuenſis Caſtellanorum, Nicolai Zukowski Præpoſiti Eccleſiæ Collegiatæ Varſauienſis & Ducatus Maſouiæ Camerarij, Alberti de Popielzino Canonici Varſauienſis, & Ducatus Maſouiæ Succamerarij, Pauli de Trabki Archidiaconi eiufdē Eccleſiæ Collegiatæ Varſauienſis, Thomæ Sokolowski Decretorum Doctoris & Cuſtodis, Stanislai de Strzelce Scholaſtici, Pauli de Popielzino Canonici eiufdem Eccleſiæ Collegiatæ Varſauienſis, Bartholomæi Radziminski de Miſtkowo Czerneniſis, Budek de Naquafino Wyſſogrodienſis,



grodiensis, Erasmi de Kobelniki Ciechanouienſis, Ioannis de Oyrzanowo Liuenſis Pincernarum; Seraphini de Obory de Zaleſie Czernenſis, Nicolai Wierzbiata Varſauienſis, Petri de Kucharij Wyſſogrodienſis, Varſauienſ. Stanislai de Woyſtawice Liuenſis, Iacobi de Ielenia Nurenſis, Andrea Kieſielnicki de Boguſice Lomzenſis Iudicum; Nicolai Oborski de Lecieſſczyce Cernenſis, Stephani de Wodynie Varſauienſis, Adriani de Golymino Wyſſogrodienſis, Ioannis Ciſkowski Zakrocymenſis, Ioannis Wilicki Ciechanouienſis, Criſtini de Cubra Viſnenſis Vexilliferorum; Iacobi Gloſkowski Czernenſis, Stanislai Kownacki Viſnenſis, Petri Targoma Zakrocymenſis, Pauli Brzeſki Ciechanouienſis Succamerariorum; Nicolai de Runowo Czernenſis, Iacobi de Kozniewo Wyſſogrodienſis, Martini de Czernidla Zakrocymenſis Dapiferorum; Ioannis de Niwiſka, Czernenſis, Pauli Pniewski Zakrocymenſis Theſaurariorum; Gregorij Vliniecki Czernenſis Pincernæ, Stiborij de Mlacz Czernenſis, Matthiæ Swiderski Viſnenſis, Matthiæ de Suiæcice Varſauienſ. Alexij Cibulski Wyſſogrodienſ. Michaëlis de Czernice Ciechanouienſ. Stiborij de Michalowo Nurenſis, Subiudicum & aliorum fide dignorum. Illuſtriſſimus Dominus Princeps cum toto conſilio ſuo, volens ſectam Lutheranorum & eius falſum dogma in Ducatu ſuo ab omnibus ſubditis ſuis penitus eradicari, & ne hoc falſo errore & dogmate ſubditi ſui à fide Orthodoxâ, & Sancto ritu Romanæ Eccleſiæ ſeducantur, ex officio ſuo & auctoritate Ducali, vt verus Chriſtianæ religionis & fidei Princeps providere tempeſtiuè cupiens ita decreuit, conſtituit, & concludit. Vt nullus in toto Ducatu Maſouix tam in Ciuitatibus, Oppidis, quàm eorum in Villis cuiuſcunque conditionis & ſtatus exiſtat, præſertim in Ciuitate Varſauienſ. libros & falſam doctrinam Lutheri in quocunque ſermone, ſiue latino, ſiue Almanico, aut quouis alio tenere apud ſe & in domibus ſuis habere, legere, ac ipſum falſum dogma Lutheranorum profiteri, ſectam portare, tueri, & alijs eandem perſuadere præſumant. Ita tamen vt quicunque de hac Sectâ legitime conuictus & probatus fuerit, talis vitâ priuari debeat, & bona eius omnia quæcunque habet mobilia & immobilia conſiſcari, & ad theſaurum Ducalem recipi debeant. Quod Decretum Dominus Dux mandauit in omnibus Diſtrictibus & Capitaneatibus publicari, & diligenter per omnes Officiales exequi. Locus ✠ Sigilli.

Ex Metricâ Ducali ſub Sigillo Terreſtri Varſauienſi reſcriptum. Stanislauſ Smiecinski Terreſtris Varſauienſis Notarius. Correxit Smiecinski.

Andreas



*Andreas III. Cricius Episcopus Plocensis XLVI.*

**I**Am ea tempora notanda veniunt, quibus in Poloniâ elegantioris literaturæ usus vel maximè inualuit, auctore potissimum Petro Tomicio, viro æterna memoriâ ob eruditionem dignissimo, qui adeptus Cancellarium Regni, primus genus illud diceudi & scribendi, longâ & fœdâ barbarie corruptum nitore linguæ Latinæ expolire cœpit. Ex hac palæstra & institutione prodijt Andreas Cricius Kotuicius, Tomicij ex sorore nepos, quem summo ingenio excelluisse, poëmata ab ipso scripta, etiam si obscenitatis sordibus fætere videantur, satis declarant. Tomicius certè Regni Cancellarius, nepotis à se educati ita operâ usus est, ut etiam si ab aula primò Episcopus Præmysliensis, postea Plocensis factus Cricius recessisset, si quid tamen grauioris momenti scribendum, si aliqua grauis legatio formanda contingeret, ad illum remitteret, palamque testaretur, illius subsidiariâ ope in tractandis publicis negotijs se niti, extant vtriusque mutuæ hac de re scriptæ epistolæ. Denique cum Tomicio Archiepiscopatus Gnesnensis deferretur, eâ conditione eum suscipere renuit, si is honos ad Andream Cricium nepotem suum, iam tum Episcopum Plocensem transfiret; quod quidem factum est, ut viuentē adhuc Tomicio, Cricius Archiepiscopus Gnesnensis renunciaretur. Sed ut ad Cricij initia redeamus, honestis & nobilibus parentibus is cum esset ortus, & liberalitate Auunculi subleuatus, ingenioque suo & industriâ monstratus fatis, inprimis in aulâ dignus visus est, ut Barbaræ Scepusiæ, Sigismundi primî Regis Poloniæ coniugis prioris Cancellarius esset, cuius mortem præclaro postea deplorauit poëmate. Valuit & gratiâ Reginae Bonæ Sfortiæ, cuius laudes non inuenustis versibus sæpius lusit & decantauit: sed omnium dignitatum consequendarum auctor illi & dux fuit Auunculus, ac virtus quoque ipsius & dignitas, ita ut primò Episcopatum Præmysliensem, postea Plocensem adeptus fuerit; quem cum octo circiter annis gessisset, ad Archiepiscopatum Gnesnensem, anno millesimo quingentesimo trigésimo quinto translatus est. Præfuit tractatibus qui auctore Sigismundo primo, pacis inter Ferdinandum Austriacum Romanorum Regem, & Ianassium Vngariæ Regnum potentiâ Turcicâ sibi usurpantem, constituendæ causâ instituti fuerunt. Vngaricâ quoque functus legatione, parem se magnis negotijs ostendit. Reperitur in manuscriptis illius defensio magis politicè, quàm Catholicè scripta, translata à statu religioso ad sæcularem Magistri Prusiæ, Ducisque titulo à Sigismundo primo cohonestati, & Romam, vbi hoc factum Sigismundi valdè carpebatur, missa. Plura scripsit metro quàm soluta oratione: illud verò egregiè, quo tunc Lutheranas de fide opiniones primùm in Poloniâ spargi cœptas, grauiissimâ apologiâ confutauerat, erroresque eorum testimonio sacrarum scripturarum impios esse ostenderat.



*Ioannes Choienski Episcopus Plocensis XLVII.*

**N**emo miretur nos, si deinceps in scribendis Vitis Episcoporum Plocensium, maximè eorum, qui hunc locum, quasi gradum quendam, ad consequendos ditiores Episcopatus habuerunt, breuiore fuerimus; namque ij omnes, suos in maioribus Episcopatibus sortiti sunt, vel certè sortientur, qui nobis longè ingenio præstant laudatores. Et ut à Ioanne Choienscio, ex eorum genere qui Itemma Abdank gerunt, orto, Cricij in Episcopatu successore incipiam; qualis quantusque is vir fuerit, & gesti per eum Magistratus, & Cracouiensis Episcopatus summa dignitas satis ostendunt. Hic cum Cricio in Episcopatu Plocensi successisset, anno millesimo quingentesimo trigésimo quinto, non integro biennio exacto, anno millesimo quingentesimo trigésimo septimo Episcopus Cracouiensis renunciatus, eo quoque beneficio Sigismundi primi, Pauli Tertij Summi Pontificis accedente consensu, potitus est.

*Petrus Gamratus Episcopus Plocensis XLVIII.*

**Q**uâ gente quâve stirpe natus fuerit Gamratus, apud neminem legisse me hætenus memini, neque vlla vestigia eo vitâ functo familiæ illius extitisse crediderim; Sulimeum eum fuisse scribunt auctores, sed in quo Palatinatu, quove loco natus fuerit, haud satis constat: multis certè referentibus iuuenis admodum audiui, hæreticorum principem & antesignanum Nicolaum Reium, qui Catholicam Ecclesiam venenosus scriptis prosciderat, modumque ex formulâ Lutheri verbi Dei deprauandi, edito impiarum concionum volumine primus præscripserat, Gamrati ex sorore fuisse nepotem. Ad hunc fortasse hæreditas illius transmissa fuit, quæ tamen grandis esse non potuit. Gamratum enim prodigalitate magis quàm auaritiâ laborasse certum est. Bonæ Regina potissimum is gratiâ floruit & crevit, id satis declaratur Epitaphio illius tumulo Cracouiæ insculpto:

*Gamratum Regina potens Bona Sfortia Petrum  
Cracouiæ & Gnesnæ Pontificem statuit.*

Cuius ope etiam Vice-cancellariatum Regni, cum esset Episcopus Præmyliensis sperauerat, paratusque in Senatum ita venerat, ut eo nomine Regi gratias ageret; sed à Marschalco Regio, qui more & instituto Regni, præmissâ solenni oratione Cancellarios renunciare solet, egregiè elusus fuerat; nam is prolixiori usus oratione, facie ad Gamratum versâ, cum multa præclare de eius Magistratus dignitate dixisset, & postremò veluti Gamratum renunciaturus verba illa: Tibi Domine Episcope, sine tamen nomine illius proprio protulisset, & aliquantum hæsisset, Gamratus, quasi id sibi dictum esset, surrexit; sed cum Rex huius ironiæ fortè



fortè non ignarus manu extensâ; Sedete, inquit, Domine Episcopo, non vos estis, innuisset: tum demum Marschalcus eluso & in ruborem Gamrato dato, Ioannem Choinium Vice-cancellarium Regni renunciavit. Caterùm is lusus lucro deinceps Gamrato fuit. nam Choinius non diu Episcopatu Plocensi & Cancellariatu Regni functus, cessit Episcopatu Cracouiensi Gamrato, ad quem hic ex Plocensi anno millesimo quingentesimo trigésimo octauo translatus est. Fuisse illum cùm priuatus esset, Archidiaconum Pultouiensem, Decanum Varšauensem, Parochum Viscoutensem comperio, nulli autem Ecclesiæ Cathedrali adscribi illum potuisse, quòd in nobilitate probandâ aliquis næuus & defectus intercesserit, grandis est suspicio. Creditur certè cùm supremis fati admoueretur, longè diuersum genus vitæ quàm quod iuuentute vixerat suscepisse, & ob præclaram liberalitatem quâ erga egenos ferebatur, alijs quoque virtutibus cum eximiâ detestatione vitiorum, quorum sibi conscius erat cumulasse, mortemque ipsam satis piè & feliciter obiisse. Vidimus nos literas manu ipsius scriptas, ad internuncium Martinum Cromerum, quem ad Urbem curatum vt simul cum Archiepiscopatu Gnesnensi Episcopatum quoque Cracouiensem teneret, miserat datas, satis elegantes illas quidem, sed cùm antiquitas ipsa testetur, illum omni caruisse eruditione, crediderim alterius cuiuspiam ingenij illum partum fuisse, & à Gamrato caractere proprio transcriptum, vt Pontifici fidem faceret, se etiam eruditionis laude non carere.

*Iacobus Buczacki Episcopus Plocensis XLIX.*

**Q**Uæ causâ fuerit, quòd Iacobus Buczacki Ruthenus ad Episcopatum Plocensem promotus sit, certò asserere non possumus: suspicari tamen licet, ob præclara bellica domus vetustæ Buczaciorum merita, cùm is vnus è tantâ familiâ ad statum Ecclesiasticum transisset, honore Episcopali insignitum fuisse, Zlotoriensem quoque arcem in Terrâ Dobrinenſi beneficio Regio tenuisse reperitur. Ex quâ dum Plociam versus proficisceretur, Brodniciæ quod Oppidum Regiæ est in Palatinatu Culmensi ditionis, morbo grauatus vitam finiuit, anno millesimo quingentesimo quadragesimo secundo, cùm quadriennio Ecclesiæ Plocensi præfuiſſet. Extat sepulchrum eius in Ecclesiâ Cathedrali Plocensi hoc signatum Epitaphio:

Reuerendissimo Patri, Domino Iacobo Buczacki Dei gratiâ Episcopo Plocensi, vltimo hæredi nobilissimæ & vetustissimæ illius familiæ in Terris Podoliæ, & Russiæ positum. Mortuus anno millesimo quingentesimo quadragesimo primo, die Veneris sextâ Maij.

Colligere hinc licet, Buczacios qui nostrâ ætate vixerunt alterius stemmatis, alterius stirpis fuisse, etiamsi idem nomen gentilitium usurpauerint.



*Samuel Macieioŭski Episcopus Plocensis L.*

**E**Ximia ingenij vis, rara eloquentia, mores elegantiores, summum in Regno Poloniæ decus Macieioŭio pepererunt, ob quos gratus Principibus, gratus & populo, magnâ auctoritate Episcopus adhuc Chelmensis, & Regni Cancellarius, post Episcopus Plocensis, ad extremum Cracouiensis, Senatorium munus sustinuit, non sine tamen inuidiâ. Sigillum Regni vnâ cum Episcopatu Cracouiensi retinuit, quâ grauatus in Comitibus Petricouiensibus, Anno millesimo quingentesimo quinquagesimo, urgente & cogente Nobilitate illud deposuit, & Magistratu se abdicauit. Arcanorum hunc fuisse tenacissimum ferunt, vnde illud dictum Regij Morionis, quem dicere solitum fuisse tradunt, duos esse in Poloniâ qui semper mentirentur, Petrum Gamratum & Samuelem Macieioŭium; illum quod cum nihil sciret, omnia se scire, & omnium consiliorum participem esse affirmaret; hunc quod si quis ab eo de negotiis Reipublicæ sciscitari vellet, se omnium ignarum esse præferret. Præfuit Plocensi Ecclesiæ Macieioŭius ferè triennio, Cracouiam translatus, anno millesimo quingentesimo quadragesimo quinto diebus Nouembris.

*Ioannes Bilinski de Ciexino, Episcopus Plocensis LI.*

**M**ultos annos in aulâ Regiâ exegerat Ioannes Bilinski, dignus qui anteâ etiam ad altiores honorum gradus promoueretur, sed ea erant illa tempora Sigismundo primo adhuc regnante, vt magis eruditi omnem excluderent ambitionem: postremis demum Sigismundi primi temporibus, tota honorum & dignitatum distributio, Rege ipso senectute laborante, in Regiæ potestatem concessit, quæ Italico orta sanguine, ingentes animo conceperat opes, quas deinde in Italiam, vti fecit, transferret; maritumque ætate fessum sui quodammodo iuris fecerat. Igitur vacante Episcopatu Plocensi, translato in Cracouiensem Samuele Macieioŭio, multis impensis laborandum erat Bilinio, vt eo honore exornaretur; habebat fratrem germanum Iacobum Bilinium, Suffraganeum Plocensem, Archidiaconum Pultouiensem satis nummatum, & Andream Noscouium Plocensem & Pultouiensem Canonicum cōsanguineum suum: his adiutoribus vsus, qui partim præsentî pecuniâ, partim interpositâ sponſione, ab amicis quæsitâ grandem summam pro illo in aulâ dependent. Sed Bilinium vetusta familia ea quæ Iunossam, seu Agnum pro stemmate habet, Episcopum Plocensem renunciatum tantum audiuit & non vidit Plocia; eodem enim anno quo Episcopatum accepit, nempe millesimo quingentesimo quadragesimo sexto, cum die vltimâ Martij possessionem Episcopatus per Procuratorem adiisset, die decimâ octauâ Maij Cracouiæ vitam cum morte commutauit, atque ibidem honorem sepulchri consecutus est.

*Andreas*



*Andreas Noskovski Episcopus Plocensis LII.*

**N**ON ab aulâ, etsi non sine aulæ & Regina Bonæ fauore, sed ex Canonici qui tum præsentés ad Ecclesiam Plocensem manebant, lectum & datum accepit Ecclesia Plocensis Episcopum Andream Noskowski. Is non alia nisi Plocensem & Pultouiensem Canonicatum, dum priuatus esset Sacerdotia habuit; interim tamen cum bona Ecclesiastica administraret, ut erat industrius, rem auxerat, & grandem pecuniæ summam coaceruauerat. Cuius expendendæ, ut illa tempora ferebant, non inhonestam occasionem fata illi dedisse videbantur, cum ut paulò antea diximus, Bilinius consanguineus eius iuuâdus esset, sed Bilinio intra paucos menses vitâ functo, & res & fides Noscouij in extremum discrimen adducta videbatur: non tamen ille despondit animum, sed assumpto secum Iacobo Bilinio in aulam pergit, impensam in promotione Bilinij repetiturus pecuniam, quæ in quo sinu lateret, optimè nouerat. Fauit fortuna votis illius, nam Regina Bona, promouente facilè Regiâ nominatione Episcopatum Plocensem consecutus est. Genus illi nobile & vetustum in Territorio Zacrocymenti, Pater Florianus Noskowski de stēmate quod Lada appellatur, Mater Anna Lescinia: conditio paternarum fortunarum satis tenuis, ita ut puero cū paupertate satis luctandū fuerit; sed adolescens præclarâ ingenij indole ad maiora sibi aditū præstruxit, ac mox in aulâ quoque Stanislai & Ianussij Ducum Masouiae, Paulo Trabio eorum Procancellario, eum ad se vocante, locum habuit. Breue & fatale fuit horum Ducum imperium, uterque fraude meretriciâ extinctus est, ita ut Noscouio breuis admodum aulæ usus fuerit, & alium fortunæ cursum quærere coactus sit, ac tandem beneficio Andreae Cricij Episcopi Plocensis Canonicatum Pultouiensem adeptus, priuatam vitam per multos annos egit, rei familiari augendæ potissimum intentus. Vitam illius & res in Episcopatu gestas descripsit Andreas Swiæcicius Notarius Terræ Nurensis, Noscouij è sorore nepos, ad quem Lectorem remittimus: illud prius præfati, videri nobis Swiæcicium affectu sanguinis ductum, magis encomiastem quàm historicum egisse; nos pauca ex eo libabimus. Constat sanè omnium testimonio, Noscouium & Pontificiam & Senatoriam dignitatem cum laude sustinuisse. Altero postquam ille Episcopus renunciatus est anno millesimo quingentesimo quadragésimo octauo, Sigismundus primus Poloniae Rex cessit è vitâ, cuius supremis officijs non defuit Noscouius, ut & Regina Bonæ lachrymarum confortio dolorem leniret, & Sigismundum Augustum ad capeffendum Regnum cohortatione suâ accingeret; cuius matrimonium cum Barbarâ Radiuillâ clam contractum, cum ab vniuersis Regni ordinibus vehementer improbaretur, Noscouius in fauorem Regis & minùs gratæ Reginae sententiam suam flexit: eâ verò vitâ functâ, Sigismundo Augusto,



Catharinam Ferdinandi Imperatoris filiam, infaultis auspicijs desponsatam deduxit, Olomucium usque eius rei causâ cum splendido comitatu profectus. Cùm in Senatu vehementer disceptaretur, vtrum Regina Bona, quæ non satis honesto prætextu filio & filiabus relictis, ac toto secum thesauro sublato in Italiam profectionem adornabat, retinenda esset? Noscouius etiam per vim retinendam esse censuit, Reginaque ob id ferociter illi improperanti, facetè respondisse fertur. Regem Sigismundum Augustum grandi iuuit pecuniâ, nonnullis præfecturis hypothecæ nomine ab eo acceptis, quam pecuniam in ijs Comitibus, quæ executionis appellata sunt, Rege ipso Sigismundo Augusto auctore, magno Noscouij dolore perperam collocatam fuisse iudicatum fuit, Noscouiusque eâ priuatus cùm acceptum damnum sarcire vellet, ingentem sylvarum Episcopaliū stragem fecit, Dantiscumque venum misit, adeo ut fremente Capitulo Plocensi, & hanc iniuriam Ecclesiæ factam ad Regem deferente, moneri eum oportuerit, ut ab hoc quærendæ pecuniæ modo superfederet. Ecclesiam Plocensem collatâ Cleri Diocesis pecuniâ & sumptu, ac magnâ ex parte deiectis veteribus muris, eleganti opere struxit & exornauit. Brocouiæ, quod est Oppidum Episcopi Plocensis, templum Parochiale ædificauit, Pultouiensi Ecclesiæ Collegiatæ fornicem adiecit; suâsu & hortatu Stanislai Hosij Cardinalis & Episcopi Varmienfis, Religiosos Societatis IESV Pultouiam induxit, nullo quidem suo sumptu, sed prædijs Episcopalibus aliquot in eum usum à mensâ Episcopali auulsis, fundauit, extinctâ veteri Pultouiensi Scholâ, quæ certis quibusdam decimis dotata fuit, & ad quam Magistri ex Academiâ Cracouiensi euocari solebant. Iuuentuti quæ è Diocesi Plocensi Cracouiam ad Academiam studiorum causâ se conferre vellet, domum, Bursam Philosophorum postea appellatam, cocto latere struxit, ac datis decem millibus florenorum, censum annuum ex quo aliqua pars victus studiosis illis confici posset, iure perpetuo emit. Dum Episcopatum Plocensem gereret, omnibus modis cauit, ne hæreticâ lue sua Diocesis inficeretur; cumque quidam non in Masouiâ natus, isque à religione Catholicâ alienus, vxore ductâ grandem hæreditatem hîc adiisset, omnibus modis studuit Noscouius, ut eum ab errore abduceret; sed cùm nec doctrina, nec cohortationes hominem mouerent, Noscouius bona vxoris illius maiori etiam pretio quàm par erat licitatus, datâ pecuniâ hominem pestiferum ex Diocesi abegit. Idem cùm Sigismundus Augustus præter ius & consuetudinem, Religiosis Abbatî Cœruinensis Abbatem obtrudere vellet, celeritate studia ambitionis præuenit; nam cùm Rex vellet, ut ad certam diem electio Abbatis indiceretur, Noscouius electionis tempus anteuerit, & cùm ij quos Rex promouebat nouam flagitarent electionem, Stanislao Falæcio nobili viro, & religionem professio illis Abbate iam electo monstrato, Regis offensam non veritus, egregiè ambientium desideria elusit. Exitum ipsius ex hac vitâ Swiæcicij verbis exequar: Cùm duos & viginti



viginti annos in Pontificatu egisset, effecissetque eos quibus praeuit re-  
 piosos, honestos moribus, vitâ integros, ipse autem non minùs opibus  
 creuisset quàm gratiâ, incidit in morbum initio non periculosum, in  
 progressu, vt apparuit, lethalem; nam cùm Branſcij Templum dedicaui-  
 ſet, siue ex vehementiore nisu, (quem inter dedicandum tingendis, vt  
 moris est, sacro oleo parietibus adhibuit) siue quapiam aliâ ex causâ late-  
 ris dolorem contraxit, & vt quiete & medicinâ se reficeret, Pultouiam  
 ire perrexit; vbi cùm missa sibi ab amico Damascena pruna inspexisset,  
 sumpsissetque aliquot ex ijs auidius, leui primùm horrore tentatus, mox  
 in febrim incidit. Disceſſerat ab illo iam antè Venceſlaus Medicus sanè  
 perincommodè, cuius per duos de viginti propè annos operam in me-  
 dendo feliciter est expertus & in amicitia fidem. Itaque remedia Christi-  
 nus Drozdouius apta adhibebat, sed postquàm æger inualeſcere mor-  
 bum indies ſenſit, aduocatis fidelissimis: Sacrum tempus, inquit, amici  
 est, vt cùm nihil eorum quæ ad sanandum corpus pertinent omiserim,  
 animæ etiam, dum licet, consulam. Sacerdotem ergo quo cum ſecretiùs  
 quædam communicem accersiri ad me iubetote; cui cùm se totum ape-  
 ruiſſet, commiſſorum criminum labe expiatus, etiam ſacroſanctis reli-  
 gionis noſtræ myſterijs ritè procuratus est. Auerterat iam animum à cu-  
 rà rerum inanium, ad contemplationem cœleſtium, cùm ſubitò alleuari  
 morbo ſibi viſus est, ita vt etiam volucrem recenti aucupio ceptam præ-  
 parari in cibum, eamque menſæ inferri iuberet; sed re compertum, vana  
 hæc ſanitatis indicia fuiſſe. Itaque cùm iam ſenſim viribus collabi, & ſpi-  
 ritu deficere videretur, Sacerdos qui aderat ex Societate IESV, nullâ cir-  
 cuitione vſus, ſpem vitæ abijcere illum iuſſit. Et cùm diceret, æquum ef-  
 ſe vt repetenti benigniſſimo Creditori Deo debitum diſſolueret, non mo-  
 dò libenter, ſed etiam cum gratiâ, ille ſe ſatis vixiſſe reſpondit, gratiasque  
 quas poſſet Deo immortalis agere ſe dixit, quòd plurimis & maximis be-  
 neficijs hanc quoque diuturnioris vitæ uſuram ſibi adiecisset, vitam ſe  
 quam ab eo acceperat, libenter reddere, reliquorum gratum ſe debito-  
 rem mori. Hac oratione habitâ, cùm inter ſuprema ſuſpiria Diuinæ ſe  
 miſericordiæ commendaret, extremam luctam tanquam bonus Athleta  
 adiit, exceſſitque è vitâ nono Calendas Nouembris, anno Orbis redem-  
 pti milleſimo quingenteſimo ſexageſimo ſeptimo, Pontificatus verò ſui  
 altero & vigefimo, cùm ipſe quintum & ſeptuageſimum exegisset. Vir  
 magnus & memorabilis fuit, Sacerdos probus, Pontifex grauis, & ad gu-  
 bernandum alios eruditus, & vt ſemel dicam dignior ſemper honoribus  
 habitus, quàm quos geſſiſſet. Erat ſtaturâ ſatis procerâ, paululùm in-  
 curuus, capite mediocri & caluo, fronte & ſupercilio graui, ſed ore ſatis  
 benigno, naſo adunco, toto denique habitu decorus, quem cùm vidif-  
 ſes, non metueres, coleres libenter; vox clara & virilis, valetudo ſatis  
 proſpera etiam ſeni, niſi quòd herniæ moleſtijs interdum vexaretur. E-  
 latus est magnifico funere, quanquam ipſe non iuſſerat, tumulatusque  
 est

Andreas  
 Noſkovſki  
 Episc. Ploceſ.  
 in ordine 52.  
 obiit Anno  
 1567.



est inter lamenta & complorationes populi, non tam vicem illius quàm suam dolentis, sepulchro quod sibi viuis parauerat Pultouia ad dextram Marianæ Basilicæ.

*Petrus Myrzkowski Episcopus Plocensis LIII.*

**M**Yszcouiorum familia sub Casimiro Tertio maioribus opibus & Senatoriâ quoque dignitate aucta est, deinde Sigismundo primo in Poloniâ regnante, cùm Laurentius Myszkowski villæ Spytkowice dominus, Ianussum Ducem Zatoriensem suum dominum; eò quòd vsu aquæ ad piscinas illius decurrentis eum priuasset, factò eo nomine iurgio, in ipso loco qui controuersus fuit, occidisset, & ad Sigismundum primum, ad quem Ducatus Zatorienfis hæreditas hac cæde deuolvebatur confugisset, & in bello Moschouitico præclaram operam Reipublicæ nauasset, & cædis factæ gratiam obtinuit, & ad maiores opes consequendas aditum sibi patefecit. Hac stirpe quæ ex stemmate & insigni Iastrzebecia appellatur, Petrus Myszcouius Episcopus Plocensis ortus, Canonicus Cracouien. factus, Patauij, vbi tum studia humaniora vtriusque linguæ, magnis magni nominis Professoribus eas docentibus vigeant, aliquot annos literis impendit, tantumque in eis profecit, vt inter elegantiores Scriptores non postremus haberetur. Extant Manutij, & aliorum eius temporis Italiæ Scriptorum ad eum epistolæ, ex quibus facillè quiuis colligere potest, quanti eruditio Myscouij æstimeretur. Artem quoque mendi non vt eam exerceat, sed vt sciret, calluisse dicitur. Iam maturiore ætate cùm domum rediisset, delectatus otio, & opibus Canonicatus sui Cracouien. contentus, priuatam & nulli obsequio obnoxiam vitam duxit: denique quinquagenario maior, ob præclaram eruditionis opinionem in aulam euocatus, cùm potissimum styli elegantiam floreret, à Ioanne Przerębio Vice-cancellario Regni, Regio nomine literis scribendis adhibitus est, & tot Beneficijs auctus, vt eum nescio quis per iocum Præpositum per totam Poloniam dixerit, Secretarij Maioris munus per multos annos intermissum, vt cum maiori dignitate in aulâ versaretur illi anno millesimo quingentesimo quinquagesimo nono collatum fuit. Denique Philippo Padnieuio ad Episcopatum Cracouiensem promotò, Sigillum quoque Regni minus gerendum Regio beneficio obtinuit, ac Vice-cancellarius Regni renunciatus est. Felicia erant illa tempora, & Magistratibus Regijs maximarum opum feracia, quâ occasione Myscouius vsus ingentem pecuniæ summam in eo magistratu collegit, adeò vt cùm vitâ functo Noscouio, à quo Coadiutor muneris Episcopalis cooptatus fuerat, Plociam 15. Martij, anno 1570. ingrederetur, centum millia florenorum secum attulisse existimatus fuerit: in Plocensi Episcopatu octo annis peractis, demum Anno millesimo quingentesimo septuagesimo septimo, mortuo Episcopo Cracouien. Francisco Krasinio, cùm eodem anno



anno Stephano Regi, bellum contra Gedanenses gerenti, sexaginta milia florenorum mutuò dedisset, ad Episcopatum Cracouiensem translatus fuit; in quo cum quatuordecim circiter sedisset annis, ita familiam suam coemptis bonis & opibus auxit, ut deinceps illius ex fratre Nepotes, inter Principes Poloniae emerent; qui tamen mox totum patrimonium ingenti Patruī sollicitudine collectum prodegerunt, ita ut hereditas ex bonis Ecclesiae parta, mox ad manus alienorum transierit. In Plocensi Episcopatu nulla eius extat memoria, nisi quod partem muri arcis Pultouiensis restaurauerit.

*Petrus Dunin Wolski Episcopus Plocensis LIV.*

**V**etusta est in Polonia, & magnae nobilitatis domus Duninorum, virtutis cultrix, & magnorum virorum ferax; eius auctor fertur fuisse Petrus Danus, quem Vladislaus Criuoultius, omnium hostium qui ad fines Regni Poloniae sunt victor, Daniā quoque in potestatem redactā, opibus tunc in illo Regno praecipuum, & ob metum tyranni solum vertere coactum, ita in Poloniam traduxit, ut is amplissimas quas habebat opes secum transtulerit, iisque auctus luculentas in Polonia possessiones, & praedia nobilissima coemerit, familiamque felici successu propagauerit. Duninus autem appellatus est, quod veteres nostri Vandali Danos Duninos quasi robustos dixerint: habet haec familia pro stemmate Cygnum, cuius surculi in multis Palatinatibus Regni sparsi haecenus conspiciuntur, sed potissima eorum in Palatinatu Siradiensi sedes, & aliquot extant oppida, quae olim in ditioe eorum fuerunt. Inde ortus Paulus Dunin Wolski, sub Sigismundo Augusto supremus Regni Cancellarius fuit, susceptisque ex legitimo matrimonio aliquot utriusque sexus liberis, postremo iam praegravante aetate & vxore mortuā, quietioris vitae causa Episcopatum Posnaniensem suscepit, Cancellarijque munus deposuit, nec multo tempore gesto Episcopatu cessit e vita. Hoc patre natus est Petrus Dunin Wolski, qui ut erat magni Senatoris filius, in tenera aetate accuratori studio primis literarum rudimentis imbutus, Patauium deinceps se contulit, ubi doctissimorum virorum contubernio usus, ita in humanioribus literis profecit, ut & literatus, & ad eloquendum promptus inde redierit. Nec diu illi bene de Rege & Republica merendi in Aula Sigismundi Augusti occasio expectanda fuit; nam cum & eruditus esset & prudens, ac res Regiae poscerent, ut tali indole praeditus, ad Philippum Hispaniarum Regem mitteretur, qui negotium successionis in Regno Neapolitano, secundum mortem Reginae Bonae, quae Regi uti filio eius debebatur, virgeret & tractaret, illi hoc munus demandatum fuit, cuius rei gratia cum in aula Hispanica per decem circiter annos mansisset, magnamque industriae laudem tulisset, sub exitum Sigismundi Augusti inde euocatus in Patriam redijt; Regeque mortuo, ac Henrico Valesio



lesio illi subrogato, tantum vel patris ipsius memoria, vel ipsiusmet etiam morum modestia doctrinæ & pietati coniuncta potuit, ut in Comitijis quæ Regi coronando indicta fuerunt, omnibus fauentibus Sigillum Regni minus illi collatum, ac Vice-cancellarius Regni renunciatus fuerit. Cumque opes paternæ fratribus cæteris cessissent, neque ille aliud sacerdotium præter Canonicatum Gnesnensem haberet, publico decreto illius inopiæ subuentum est, ut ex salinis Vieliciensibus duodecim millia florenorum annuatim illi darentur, donec per aliam occasionem aliter illi prouisum fuisset. In omnibus actionibus suis nihil nisi ordinatè gerere, & talis conspici voluit, ut ad numerum omnia fierent, certis horis, certisque spatijs ita omnia metiens, ut in exercendo etiam corpore quotidie certos passus conficeret; cibi quoque & potus ea moderatio adhibita, ut nihil nimium vnquam in eo apparuerit, ita à naturâ cōparatus, ita aulæ Hispanicæ moribus imbutus, ut hoc nonnunquam nomine cæteris fastidium pareret. Regem Stephanum Cracouiam primùm venientem Mogilam illi obuiam progressus, eleganti excepit oratione, atque in Comitijis coronationis Regis, cum Valentinus Dæbinski Cancellarius munere se abdicasset, Volscius illi successor datus est, in eius locum Ioanne Zamoscio subrogato, ita ut cum Cancellario Regni natus esset, Cancellarij munus etiam gereret. Non diu tamen hunc quoque gessit Magistratum, nam Petro Myscouio Plociâ Cracouiam translato, libentissimè hanc occasionem ab aulicis occupationibus se subtrahendi amplexus est, & Rege volente Episcopus Plocensis renunciatus. Episcopatu Plocensi adeptus diu quiescere illi non licuit; breui enim fuit à Rege missus Legatus ad Gregorium XIII. Pontificem Maximum in negotio Moschouitico; namque Moschouicæ Dux cum videret se armis à Stephano Rege premi, neque tantum animi haberet, ut in campum prodire, & aperto Marte illi resistere posset, ad summum Pontificem Gregorium XIII. confugit, fictâ religionis pietate pollicitus, si eo auctore pax cum Stephano Rege conficeretur, se imperiaque sua ad obsequium summi Pontificis traditurum. Cuius rei causâ, miserat summus Pontifex in Poloniam Antonium Posseuinum è Societate IESV, virum eruditum, & iam antea in Septentrionalibus oris versatum, Rege Stephano non inuito hanc legationem acceptante, quod nondum ad bellum Moschouiticum ita paratus erat, ut expensis hostium viribus certam sibi victoriam polliceri posset. Ne tamen Pontifex tales concordia conditiones ferret, quæ Regni & Regis rationibus consentaneæ non essent, legatione hac per Volscium institutâ cauere voluit. Rebus in Vrbe ex sententiâ Regis confectis, domum rediens Episcopus, reduxit secum ex Italiâ Matthiam Pstroconium, iam eo tempore qualis vir, quantusque futurus esset, eximijs virtutibus & eruditione pollicentem. Eo interregno, quod à morte Stephani Regis subsecutum est, cum in varias factiones scissa esset Respublica, ille nulli addictus parti, eum in omnibus consilijs tenuit modum, ut solius patriæ



patriæ amore, & conseruandæ Catholicæ religionis in Diœcesi suâ, quæ ab hæreticâ labe semper immunis fuit, studio duci videretur. Comitij tamen tam Electionis, quàm Coronationis ægram causatus valetudinem non interfuit. Ad initium anni millesimi quingentesimi nonagesimi admonitus, vt ipse scribit ætatis suæ iam decursæ sexaginta annis, iplis Calendis Ianuarij manu suâ Testamentum condidit, quo quâ pietate fuerit, & quomodo vitæ suæ rationes expenderit, quantum Ecclesiam suam Sponsam amauerit, luculenter testatus est: supellectilem certè omnem Ecclesiasticam, tam in auro & argento, quàm etiam in vestibus sacris, quæ satis magna & elegans fuit, cùm in legatione Romanâ versaretur, egregio opere & magno sumptu comparata, vnâ cum peristromatibus, ac nobilissimâ Bibliothecâ Ecclesiæ Plocensi Sponsæ suæ donauit. Id quidem fecit cùm nullâ aduersâ valetudine magnoperè laboraret, sed quasi præsciens se breui fatis concessurum: id quod accidit; nam eodem anno, die vigesimâ mensis Augusti, cùm sine vllâ morbi suspitione prandium absoluisset, & à mensâ solus in cubiculum, in quo dormire solebat, se reduxisset, ibi (ignoratur quo casu) dum fenestram aperit, Pultouiæ mortuus repertus, & in Ecclesiâ Plocensi sepultus est. Creditum fuit, posteaquàm aliquantulum somno indulisset, calescente corpore apertâ fenestrâ refrigerari voluisse, & aëre recenti perfusum in apoplexiâ incidisse. Vir erat naturâ benignus, pietatis amans, in conuersatione iucundus & cunctis affabilis, eruditione præstans, & qui sermones ac colloquia grauissimis sententijs condire probè nosset. Viscouiæ in oppido Episcopali, ligneâ quidem materiâ, sed commodâ satis formâ palatium condidit. Supremæ voluntatis eius executores, quorum alter fuit Decanus Plocensis ex fratre, alter Paulus Czernieiewski Vexillifer Gostinensis ex sorore nepos, interuertisse existimabantur testamentum defuncti, quo nomine Decanus cum Alberto Baranouio Episcopo Plocensi, qui Volscio successerat diuturnam habuit litem.

*Albertus Baranovvski Episcopus Plocensis LV.*

**S**cribentibus historiam, nulla maior difficultas obijci solet, quàm cùm recentem nuper vitâ functorum memoriam scriptis inferere volunt; nam nisi eos laudibus cumulaueris, non desunt qui minimam eorum reprehensionem, sine quâ veritas ipsa sibi non constat, tanquam id à maleuolentiâ aliquâ proficiscatur, in sinistram partem interpretentur. Multos quidem liberalitatis suæ alumnos reliquit Baranouius, qui etiam nūc in viuis supersunt, ex quibus aliquem vel scripsisse, vel scripturum eius vitam non dubito. Nos ea tantum attingemus, quæ ad Episcopatum Plocensem pertinent, ad quem ille nominatione Sigismundi Tertij Poloniae Regis, cùm Anno millesimo quingentesimo nonagesimo, designatus, & successor Volscio datus esset, & Vice-cancellariatum ad volunta-

tem



tem Ioannis Zamoscij Regni supremi Cancellarij, cuius favore creuerat se accommodans, præter leges Regni diutius tenere vellet in Comitij Varſauienſibus, ſub initium anni proximi celebratis, in quibus de Magiſtratu deponendo agebatur, graui Staniflai Karnkouij Archiepiſcopi Gneſnenſis, & aliorum Episcoporum obiurgatione perſtrictus, inuito etiam Cancellario eo ſe abdicauit. Omnes quidem Magiſtratus ſatis adhuc immaturâ ætate conſecutus eſt, felicitate quadam, & quòd Ioannis Zamoscij, qui apud Stephanum Regem plurimùm auctoritate potuit, gratiam demereri ceteris melius noſſet. Pari curſu in quouis honoris gradu aſſequendo cum Petro Tylicio contendiffe videbatur: vtriuſque non alia doctrina vel eruditio fuit, niſi quam in Cancellariæ negotijs tractandis uſu & conſuetudine ſibi parauerant; neuter illorum vel Philoſophiæ, vel Theologiæ, aut etiam Iuriſprudentiæ initia in ſcholis hauſerat, ſed Tylicius longè ingenio Baranouio præſtabat, idque priuato ſtudio fuerat conſecutus, vt elegantia tam Polonici quàm Latini ſtyli polleteret, ac in Senatu molli quodam & temperato ſermone citra cuiuſquam offenſam ſenſum animi ſui explicare ſciret, cum è cõtra Baranouius, etiã ſi vel ioco ludere vellet, non niſi acriùs verbis pungere videretur, & in Senatu non omnibus eius grata eſſet oratio. Is tamen à Rege Stephano Tylicio prælatuſ, adhuc anno milleſimo quingentefimo octuageſimo primo, Regni maior Secretarius renunciatus eſt, ac poſtmodum mortuo Ioanne Borukouio Epifcopo Præmyſſienſi, Præpoſito Plocenſi, ac Vice-cancellario Regni Poloniæ, quaſi ex aſſe illius hæreſ eſſet, & ſacerdotia & magiſtratum defuncti obtinuit. Sub interregno in magnâ apud eos qui acta Regiſ Stephani ſeditioſâ factione minùs probabant, inuidiâ fuit, adeò vt in Conuocatione Varſauienſi Ordinum Regni, grande periculum adierit, ne iniuriam aliquam inſignem acciperet. Venientem ad capeſſendum Regnum Sigifmundum Regem in portu Dantiſcano excepit, eiſque diplomata electionis nomine Procerum Regni detulit, atque deinceps toto eo tempore quo Vice-cancellariatum geſſit, ambiguo illius fauore uſuſ eſt, adeò vt Rex libenter videret eum depoſito magiſtratu ab aulâ ſecedere. Epifcopatum Plocenſem adeptuſ, priſcâ quadam ſeueritate eum gerere inſtituit, inſenſuſ iſſ, qui officiij & ſtatuſ ſui immemoreſ, vel turpitudine aliquâ fæterent, vel manuſ ſacerdotale non ritè exequerentur, acrior multis viſuſ quàm gratior, & qui timeri mallet, quàm amari. Ipſe in omni vitæ genere conſtans, grauiſ, & ubi reſ poſcebat, liberaliſ, piuſ etiam & pietatiſ ſtudioſuſ apparere contendit. In tuendiſ iuriſ Eccleſiæ non valdè felicem eum fuiſſe, vel Gorznenſiſ cauſa argumento eſſe poteſt. Criſciorum in Territorio Plocenſi familia nobiliſ & ſatiſ potens, Zielunenſium honorum hæreſ, iam olim interuerſiſ limitibuſ, ingentem fundi oppidi Gorznenſiſ partem vi abſtraxerat: liſ eo nomine illiſ mota, iam olim ab iſ qui Epifcopi Plocenſeſ erant continuata, uſque ad Baranouij tempora perdurarat; hanc ille dum iure proſequitur,

ita



ita Stanislai Criscij Palatini Masouia, & Capitanei Plocensis, fundi illius Gorznenfis vsurpatoris iram in se accendit, vt planè hostilem animum, etiam in publicis confessibus & sermonibus contra illum exerceret, ac in Conuentu Raciazinenfi, anno millesimo quingentesimo nonagesimo secundo, factione Nobilitatis ita Episcopum oppresserat, vt ille loco confessus cedere, & alio quàm quo venerat itinere domum redire cogeretur. Denique tantà inimici potentiâ fractus, interuentu magnorum virorum, in Comitijs Varfauienfibus eò se adduci passus est, vt omni iure eius fundi, de quo lis erat, cederet eidem iniquissimo iurium Ecclesiæ occupatori. Quæ res cùm magno Ecclesiæ detrimento esse videretur, & ab alijs Baranouij successoribus neglecta esset, quartus ab eo in Episcopatu Plocensi successor, totam eam rem in integrum restituit, decreto Tribunalitio rescissis iniquissimæ transactionis & alienationis tabulis. Toto Episcopatus sui tempore, tam Senatorij muneris, quàm etiam Spiritualis partes implere semper contendit, multumque vt Cleri mores ad præscriptum sacrorum Canonum formaret, laborauit. Præscriptasque eo nomine formas, tam in Cathedrali quàm in Collegiatis Ecclesijs reliquit, quas si eius successores secuti fuissent, rectum Ecclesiarum regimen ad nostra vsque tempora perdurasset: cuius autem deinceps fraude ea perierint, nobis non satis constat. Seminarium in quo Clerici sacris initiandi alerentur, & literis imbuerentur, Pultouia sub curâ Patrum Societatis IESV instituit, eidemque Parochiam Croleuiensem, nobile olim beneficium, tum & prædium Pækowo attribuit, domum denique in eum vsum latere cocto satis magnificam, & multorum Clericorum capacem, suo sumptu extruxit, palatium item Episcopi Plociæ muro inchoatum, sed non perfectum reliquit, & in Bartodzieiouiensi prædio, eius quoque operâ domus lateritia stetit; in re familiari augendâ accuratus videri voluit, sed dum bonorum administrationem locatoribus committit, inter alia Brocouiensem clauem, iam antea per nepotem Volscij Paulum Czernieuium ad vastitatem redactum, eodem, quamuis id inuitus faceret, in administratione eorundem bonorum retento, penè ad extremum exitium redegit. Susceperat quoque Romanam peregrinationem, cùm religionis causâ, tum vt Clementem Octauum cum quo illi familiaritas, dum sub nomine Hyppoliti Aldobrandini, Sacræ Romanæ Ecclesiæ Cardinalis legatione in Poloniâ fungeretur, intercesserat, in sede Petri veneraretur: à quo benignè acceptus ac honorificè tractatus fuit. Habuerat in animo, simul atque Episcopus Plocensis renunciatus fuit, vt prædijs nonnullis ab alijs bonis remotioribus diuendis, ac coaceruatâ pecuniâ, ampliorem aliquam hæreditatem, in quâ Episcopus commodiùs morari posset, coëmeret, & palatium insigne Varfauia, vbi publica Regni Comitia haberi solent, Episcopis Plocensibus constitueret: præstitit deinceps vtrumque. nã & distractis cõpluribus prædijs, bonâ Grodecensia in Palatinatu Podlachie, magnâ Episcoporum Plocensium cõmoditate emit, & palatiũ gran-



de ac nobile amplis coëmptis fundis, multisque auctum ædificijs, syluis Iablonsibus, in excoquendo latere magnâ ex parte consumptis & excisis, Varſaviæ extruxit. Sed cùm Episcopatu Plocensi cessisset, ac nescio quid controuersie illi cum Martino Szyscouio successore intercessisset, mutatâ voluntate, cùm iam Archiepiscopus Gnesnensis factus esset, hoc idem palatium Varſaviense olim publicâ voluntate Ecclesiæ Plocensi adscriptum, Gnesnensi Ecclesiæ addixit. Præfuit Ecclesiæ Plocensi annis quindecim, Vladislauiam translatus anno 1606. cuius reliquas res gestas nos alijs scribendas relinquimus.

*Martinus Szyszkowski Episcopus Plocensis LVI.*

**V**ixit adhuc, etiamsi vitâ functus sit Martinus Szyscouius, viuunt ij qui ex eo & per eum orti, & magnis dignitatibus insigniti, non potestremum in Republicâ Polonâ locum tenent: ab his Ecclesia Plocensis expectat claram & illustrem vitæ ipsius descriptionem, illis maximè notam qui cum illo vixerunt, qui ex illo creuerunt. Nobis adnotasse suffecerit illum ex Canonico Cracouiensi, beneficio Sigismundi Tertij Regis, primò Coadiutorem Stanislao Gomolinſcio Episcopo Luceoriensi, mox successorem datum, eaque omnia potissimùm promotione Sigismundi Myszkouij supremi Regni Marschalci, (cuius patruus vir magni nominis Petrus Myszkowski Episcopus Crac. à teneris annis eum in tutelam acceptum ingenio illius delectatus fouit & promouit, ac sacerdotijs exornauit; denique iuuenem satis, vnum potissimum è multis, qui Cancellarij munere apud eum fungeretur, delegit) consecutum; & cùm Rex priore vxore defunctâ viduus, alteram ex familiâ Austriacâ prioris sororem germanam sibi despondisset, ad eam deducendam vnâ cum eodem Regni Marschalco missum fuisse, illâ adductâ gratiam Regiam meruisse, eademque promouente, cùm Albertus Baranouiſ Vladislauiam translatus esset, Episcopum Plocensem renunciatum fuisse. In quo cùm tredecim circiter annos Regi Sigismundo Tertio gratus sedisset, Collegium Patrum Societatis IESV Plociæ, villâ Lutobrok à mensâ Episcopali auulsâ, ac decimis Capitaneatus Lomzensis attributis fundasset, dotassetque; arcem Pultouiensem ruinæ proximam, subiectis columnis fulisset, Palatium Plocense à Baranouiſ inchoatum ædificijs promouisset, extinctis duobus Canonatibus pinguioris fortunæ, ac nonnullis Episcopalibus prædijs adiectis, mensam Capituli Plocensis auxisset, Petro Tylicio Episcopo Cracouiensi, ex hac vitâ decedente subrogatus est, anno 1617.

*Henricus Firley de Dabrowicâ Episcopus Plocensis LVII.*

**P**atritia Firleiorum familia non angustis Sarmatiæ terminis continetur, sed quàm latè orbis Christianus extenditur, eò vsque fama illius pro-



proiecta est. Hac is Henricus Firley, qui fuit Episcopus Plocensis, patre Palatino Cracouiensi, supremo Regni Marschalco, hæreticorum in Polonia antesignano natus, & ab Henrico Andegauensi tum Poloniæ Rege, ex cuius nomine nomen accepit è sacro fonte leuatus, ac statim patre mortuo curâ matris optimæ Catholicè educatus, & literis tam in Polonia quàm in Græcensi Styriacâ Academia imbutus, ad summum Pontificem Clementem VIII. se contulit, qui notæ sibi familiæ iuuenem eo fauore complexus est, vt eum inter Cameræ suæ familiares adsciuerit, atque in obsequijs suis satis cum laude versatum in patriam redeuntem, Sigismundo Tertio Poloniæ Regi impensè commendauerit; quo fauore satis adhuc immaturâ ætate omnia consecutus est. Referendarius Regni, post Vice-cancellarius factus; his gestis Magistratibus, primò Luceoriensis, mox Plocensis Episcopus creatus est: cuius possessionem anno millesimo sexcentesimo, decimo octauo apprehendit, eundemque Episcopatum vsque ad annum millesimum sexcentesium vigesimum quartum, quo possessionem Archiepiscopatus Gnesnensis, ad quem translatus est, adiit, rexit. Illius sumptu & operâ, vt cætera taceam, conspicitur pons ad arcem Pultouiensem fornicato opere magnificè structus, hortus muro circumdatus, & ante omnia, palatium Brocouiense à fundamentis coëcto latere excitatum, cui tamen vt successor supremam manum imponeret, illius ad Archiepiscopatum Gnesnensem translatione factum est. Cætera vel præsens ætas laudabit, vel futura liberius reprehendet.

*Hieronimus Cielecki Episcopus Plocensis LVIII.*

**S**ERò admodum Hieronymus Cielecki, & penè exactâ ætate sacris iniuari voluit; nam cum satis maturus ad aulam Regiam accessisset, & à Ioanne Tarnouio Regni Vice-cancellario, in numerum Cancellariæ suæ Scribarum receptus esset, in eâ deliberatione vtrum vxor ducenda, an verò cælebs vita agenda esset, hæsisse visus est. Igitur per annos circiter quindecim, ita & in aulâ & Regijs obsequijs non sine laude & probitatis commendatione versatus est, vt quem voto vitæ finem petiturus esset, non satis cuiquam constaret: tandem suadente Petro Tylicio Regni Vice-cancellario, propè quinquagenario proximus, Clericalem habitum induit, maximè cum videret sibi tot annorum decursu occasionem non patuisse alicuius fortunæ incrementi. Merito sanè queri potuerat, aulam & fortunam minùs propitiam se diu expertum fuisse, cum tamen omnium opinione dignè existimaretur, cuius maior haberetur ratio. Presbyter factus eâ pietate enituit, vt cum omnium, tum potissimum Sigismundi Regis oculos in se conuerteret, commendante eum Matthiâ Pstroconio Episcopo Premisliensi, & Regni Vice-cancellario, quo auctore missus fuit ad Principes Italiæ, ad Regias nuptias, quæ tunc cū Constantiâ



Austriaca parabantur, inuitandos, eaque legatione cum laude obitâ, cum toto Pstroconij Magistratu inter Regios Secretarios primus haberetur, eiusque non tam ab eruditione, quam à longo aulæ usu quæsitâ industria spectaretur, Matthia Pstroconio Magistratu Supremi Cancellariatus ob adeptum Episcopatum Vladislaviensem cedente, & eundem Laurentio Gembicio Episcopo Culmensi, cum quo Cielecio vel potius fratribus ipsius, aliqua sanguinis necessitudines intercesserant, capeffente, Regis & Gembicij pronâ voluntate, Cancellariæ Regni Maioris Regens renunciatus fuit. In quo munere obeundo non multum ille negotij, vel curæ habuit, nam & Gembicius vir eruditorum elegantissimus, non multum in scribendis literis alienæ opis indigebat, & cum eo tempore Sigismundus Rex, suscepto contra Moschos bello, biennali obsidione Smolenscensi arce cinctâ extra Regnum esset, ille verò in Polonia mansisset, ac eodem quoque anno, nempe millesimo sexcentesimo nono Pstroconio vitâ cedente Gembicius Episcopus Vladislaviensis renunciatus, deinceps quoque non multum in aulâ Regia versaretur, omnis maioris industriæ exercendæ occasio Cielecio interclusa esse videbatur. Regina tamen Constantiæ quæ Vilnæ, Rege in Moschouîâ bellum gerente, degebat, ita inseruiuit, ut ea eximiâ illius pietate mota, gratum eum habuerit atque suum Cancellarium declarauerit, quem gradum consecutus, & magis intimæ familiaritatis Regiæ usurpandæ, maiorisque fauoris comparandi facultatem nactus, adeò gratus acceptusque domui Regiæ fuit, ut Henrico Firleio Vice-cancellarium Regni capeffente, munus Referendariatus Regni, quod Firleius gesserat, vnâ cum Præpositurâ Plocensi ad illum delatû fuerit. In quo dignitatis loco collocatus, & fortunis locupletioribus auctus, diu præsetulit se omnino Episcopatum vllum non acceptaturum; cum tamen deinceps cerneret, se aliter aulicæ vitæ finem statuere non posse, & iam negotiorum eiusmodi, atque adeò gratiæ & fauoris Regij illum tæderet, vacante, ut dictum est, Episcopatu Plocensi, prioris voti & desiderij sui veluti oblitus, id quod illi ab amicis exprobratum fuit, summâ contentione eum à Rege petijt, & obtinuit. Sexagesimum primum & amplius annum ætatis agebat, cum ad gerendum Episcopatum accessit, maiorem tamen vocationis & status sui, quam senectutis aut valetudinis rationem sibi existimauit, ac totus erat in exercendâ functione Episcopali, etiam si crebrius ad aulam euocatus sæpius à Diocesi abesse cogeretur, & grassantis eo tempore pestis periculis impediretur. Biennio in Episcopatu exacto, laboribus & rupti peritionæ casu morbum fatalem sibi acciuit, quo iam ictus, ita tamen labori sacro indulgit, ut diebus ijs qui sacrum Pascha antecedunt, omnia Diuina Officia per se exequeretur, ac solenniter etiam Sacrosanctis ad altare Cathedralis Ecclesiæ Plocensis sacrificijs obeundis, neminem alterum vices suas implere sineret; accessit acris & continua febris, quâ tandem die decimâ sextâ Aprilis piè & religiosè admodum, cum ad suscipiendum hunc extre-



extremum agonem, præclare se obfirmasset, vitam cum morte Plociæ commutavit, millesimo sexcentesimo vigesimo septimo. Vir fuit candidi planè pectoris, & in omni genere vitæ, id præcipuè in votis habuit, ne quenquam læderet, nulli ne molestus esset, nisi quod ab aliquibus paulò verbosior haberetur, citrà tamen cuiusquam iniuriam. Funus eius nos, qui Nominatione Sigismundi Regis, altero à morte Cielecij die in Episcopatum Plocensem, quod quidem Cielecius dum viueret, se magnopere optasse declarauerat, successuri eramus, curauimus, die decimâ septimâ Maij, multis eius fratribus & consanguineis, vterat ex illustri & copiosâ cognatione abundante familiâ ortus, hoc idem supremum munus illi pio cultu exoluentibus.

*Stanislaus Lubiencki Episcopus Plocensis LIX.*



IC vbi Stanislaus Lubiencki Episcopus Plocensis scribere ac viuere desijt, ego sumo calamum: vt vitam eius, quam ille (suorum in Episcopali Cathedrâ Prædecessorum ab obliuione vindex) silentio inuoluit, pro eo grati animi nexu, quo ei æternum obstringor, paucis euoluam. Etsi enim quis & quantus vir ille fuerit, præsens atas non ignoret, tamen operæ pretium erit, notitiæ posteritatis consulere; quam Stanislai Lubienij pietatis in Ecclesiam Plocensem monumenta relegendem, fortè subibit penitiùs illum noscendi cupidus. Genus illi vetustum & nobile, bisontis siue bubali caput transuerso gladio transactum in signe gerens, Pomianum vulgò nuncupatum: eò quòd Vieniuius, familiae huius auctor, fraternæ cardis Decani Vladislauienensis reus, expiato cum pijs, tum præclaris pro patriâ factis (vt tum belli erant tempora) scelere, villaque illius hæreditariâ Lubanie Ecclesiæ Vladislauienfi adjudicatâ, insuper Principis iussu, auitum stemma Wieniawa, bisontis siue bubali capite ense transfixo mutauerit. Sedes familiae huius fuit in Cuiavia, sed postmodum eâ nati, diuersa cognomina siue ex villarum possessorum nomine, siue aliunde assumpsere: hinc genus suum ducunt Socolouij, Colucij, Grabscij, & in Territorio Siradienfi Iarunti, ijsque orti Niewieszij satis olim clari: qui rursus ad discrimen aliorum Hebдарum nomen sibi nescio vnde petatum, induerunt. Hos & totam Pomianam stirpem decorauit Nicolaus Hebda de Niewiesz, tempore Venceslai Bohemi Regnum Poloniae vsurpantis, Palatinus & Capitaneus Siradiensis. A quo & eius Nepote Nicolao Hebda de Niewiesz, complures (inter quas vtraque Lubna) coemptæ in Territorio Siradienfi possessiones, illustrem & locupletem in vno ambitu effecerant conditionem: sed postmodum auctâ sobole, atque inter plures hæreditate, paulò ampliùs quàm ante ducentos annos diuisâ, Pomianum genus maius quidem numero, minus opibus, diuersum cognominibus esse cœpit: nam villarum vocabula prout illæ cuique ex posteris Nicolai Hebda de



Niewiesz cesserant, distincta cognomina dominis dedere. Lubienij tulit nomen, qui vtraque Lubnâ prope Siradiam potitus est: quarum ambarum dominus, Stanislai Episcopi proavus, improspere Casimiri Tertij Poloniae Regis ad Choyniciam praelio, contra Cruciferos depugnans, summum vitae discrimen adiit: sed voto facto, se quolibet die Sabbathi dum vita suppeteret ieiunium seruaturum, illud euasit. Hac vetusta stirpe natus, Suentoslaus Lubieniski, duobus Episcopis totidemque Presbyteris filijs felix, Stanislai Episcopi Plocensis Pater fuit: Mater verò Barbara de Zapolice Matthiae de Buzenin Pstrokonski Episcopi Vladislauensis & Pomeraniae, Regni supremi Cancellarij soror consobrina, honesto & amplo, opibus, gloriâ, orta genere. Quod cum altius reposito, inuenio ante trecentos annos Zapolios & Konięcpolios eisdem fuisse; atque Iacobum de Konięcpole Castellatum Rudensem, (sic eo tempore Wielunen. ditio appellabatur) auctorem (vt huius nobilissimae Domus magis vetustas origines taceam) generis & stirpis extitisse; ac deinceps utrosque cum Przerębscijs, Roxicijs, Gomolinskijs, multos affinitatis nexus contraxisse, vt acta & tabulae tam Terrestria quam Castrensia Territorij Siradiensis vberius testantur. Sub talium parentum domesticâ curâ Stanislaus vsque ad id tempus ætatis, quod literis capeffendis idoneum est, habitus, ijsque quâ Siradię, quâ Calissij, loco nobilissimo Clericorum Societatis IESV Gymnasio illustri, prompto semper & facili ingenio haustis, atque in Lenciciensis Castri Cancellariâ, iuris patrij (quod non audiendis publicè magistris, sed vsu in ijs locis in quibus Regij Præfecti ius reddunt addiscitur) cõparatâ notitiâ, relictisq; ibi diligentiae monumento manu suâ conscriptis tabulis, toto deinceps tempore, quoad Pstroconius Episcopus Vladislauensis & Pomeraniae, Regni supremus Cancellarius vixit, nō alumnus modò eius domesticę disciplinæ, sed adiutor laborū fuit. Nā in primis cum Ioannis Tarnouij, Regni Procancellarij beneficio, Regiam Cancellariam regeret Pstroconius, in aulâ Regiam euocatū Lubienium, scribendisq; Regio nomine literis adhibitū, in Sueciam (Rege capeffendi Regni paterni causâ eò proficiscente) secum duxit: deinde reuersum, grauiorumque literarum causâ, primò Gratium in Styriam, postea in Italiam profectū, illisq; doctū illinc exciuit, expertusque est iam tunc Episcopi Præmissiensis, & Regni Cancellarij munus gerens, egregiam Lubienij sui in omnibus Cancellariæ negotijs operam, & industriad: præsertim turbulento illo tempore, quo paucorum audaciâ moti agitatiq; populi, fide ac reuerentiâ erga legitimum Principem Sigismundum Tertium exutâ, ferrum contra eundem parabant, quod mox strinxerant. Extant confecti à Lubienio cum profectiois Sigismundi Tertij in Sueciam, tum motuum ciuiliū Commentarij, sermonisq; à Pstroconio tum Præmissiensi Episcopo de rectè gerendo Episcopatu habiti monumentum: Lubienianæ erga eum gratitudinis non leue specimen. Pstroconio intra paucos dies, ab obtento Episcopatu

Vladisla-

Anno 1606.  
& 1607.



Vladislauienſi mortē ſublato, patuit mox Lubienio benignitas Lauren-  
tij Gembicij, Pſtroconij in Cancellariatu ſucceſſoris, Andrea Luceo-  
rienſi, Petro Præmiſſienſi & Regni Supremo Cancellario, Episcopis,  
Ioanne Regni Secretario, nepotibus & diſciplinæ illius alumnis, rari  
prætereà ingenij felicitatē, & humanitatis famā ad poſteros clari: qui  
Lubienium tunc Præpoſitum Gneſnensē, iudiciſque pro eadem Ec-  
cleſia munere in vniuerſali iudicio Regni (quod vulgò Tribunal voca-  
tur) functum ad aulam reuocauit, grauioribus curis adhibendum. Cæ-  
terum Lubienius cumulatè operā & indiſtriā Gembicio probatā, poſt-  
quā Prouinciā luſtrandi Archiui Regni, fratre Matthia laboris ſocio  
adiuncto, à Rege naſtus, iterum ab aulā ſeceſſit, accuratā recognitione  
illius cartophylacij peractā, nuntio aulæ remiſſo, vitam priuatam agere  
ſtatuerat: cū apud Petrum Tylicium Episcopum Cracouiensē, qui  
in partem laborum Episcopaliū aſſumptum, Curia ſuæ Cancellarij  
titulo, & Archidiaconatu Cracouiēſi ornauerat, agentem, honos non  
petentem inuenit: Felice Criſcio, Regni Supremo Cancellario, Regen-  
tis Cancellariæ Regiæ munus ad eum vltro deferente. Quod ipſemet  
Tylicio ſuadente ſuſceptum triennio geſſit, vſque dum Abbatia Tine-  
cenſis ſuſcepit regimen, templo ibidem magnificè & parte monaſterij  
ab eo extructā memorandum. Sed ante omnia induxerat in animum,  
religionis Diui Benedicti ſacramento ibidem ſe obligare, verū deſide-  
ria eius, ſecreta Regis Sigismundi deſtinata morabantur, qui vltro apud  
Sedem Apoſtolicam effecerat, vt Lubienio Vicario Abbatia illius cura,  
quinquennio ampliùs continuaretur. Habebat hoc inter cætera pruden-  
tiſſimi ſui arcana imperij Sigismundus Tertius, cū recentiſſimæ ſemper  
memoriæ Rex, tum ante omnia quæ ei ſua virtus fortunaque dederat,  
pietate in Deum, & beneficijs in hanc Rempublicam inſignis, vt Regij  
iudicij trutinā, cuiusque mores & ingenium penſando, quos probatos  
habebat, in animi ſui occulto, Eccleſijs magiſtratibusque olim præſi-  
ciendos teneret. Hac Regij iudicij ſtaterā, diu examinatum Stanislaum  
Lubienium, ad Episcopatum Lucaorienſem promouendum Sedi Apo-  
ſtolicæ nominauit; iamque Episcopali dignitate conſpicuum, nouo ho-  
nore auxit, Procancellariatu Regni ad eum delato. Quem non ampliùs  
triennio ſuſtinuit; quippe deſideranti ſe ab aulā ſubducere, totamque  
operam in gerendo Episcopali munere ponere; voto potiendi opportu-  
nam facultatem Plocenſis Cathedra tunc vacua, & in Procancellariatu  
egregia Iacobi Zadzik, id temporis Culmenſem, in præſentiarum ve-  
rò Cracouiensē Eccleſiam laudabiliter moderantis merita, inuetera-  
taque prudentiæ fama ſucceſſorem dedit. Raro quiſpiam aliàs tali ſuc-  
ceſſore felix: non ob amicitiam modò, quæ ſumma inter eos à primā  
iuentute vixit, ſed raras prætereà viri, quæ Chriſtianas & morales,  
quæ ciuiles virtutes. In gerendis magiſtratibus, haud ſemper magnis  
magni ſuccedunt, potens enim eſt in hæc quoque ſicut per omnia hu-

ſtat. q. 11. b. 1.  
marchia. 3.  
ad. 8. 5. 1.  
p. 11. 5.

Nominatus  
Episcopus  
Plocensis  
1627.



*Adijt verò  
Cathedram  
1628. die  
2. Maij.*

mana varietas, & vicissitudo. Ob calamitates quæ belli Suetici turbine agitata Prussia, vicinam Plocensem Diocesim vniuersam premebant, parum prospera prima Episcopatus nactus erat, effeceratque imminens Territorio Gornensi (quod Plocensis Ecclesiæ patrimonium est) ab hoste Sueco periculum, ut ibi teneret ducentorum ferè militum præsidium, ad prohibendas saltim hostium incursiones: sed commisso paulò post in Gornensibus campis prælio, nostrisque acie victis, non in Gornense modo oppidum incendio, sed in vicina in villis aliisque oppidis templa ex-pilationibus ab hoste sauitum est. Pace tandem patriæ restituta, latior rerum facies, faciliorque ratio regendæ Diocesis successit: quam ille medio intra censorium rigorem & incuriam tenore, institutis sæpius Cleri visitationibus, actis Synodis, ex præscripto Sacrorum Canonum, prudenter & paternè gubernans, secundam quoque partem Episcopalis in Polonia officij, hoc est Senatorium munus, implere contendit. Quidquid utile in publicum, sapientiâ præuisum, ore, calamo, promere, vrgere, monere, prout res poscebat magistratus, ad Comitia in tempore venire, prima etiam initia non negligere, comite semper fratre Matthia, in publicis negotijs muneribusque obeundis more nescio, nunc verò Vladislauensis Ecclesiæ pedum & insulam, Metropolitana Gnesnensis cruci & pallio, virtute duce, communiq; omnium plausu permutante. Nihil vnquam grauioris publicè contigit negotij, cui expediendo Stanislai Lubienij rara in capiendò consilio prudentia non adhiberetur, non fœdera sancita, non pacta cum vicinis firmata, non rescripta edita, non legati Regijs instructi mandatis, non de publicis negotijs ad ordines relatum, nisi vel à Principe, vel ijs qui Regiæ Cancellariæ summâ cum potestate præfuerunt, appellato prius & consulto Lubienio. Hoc etiam quod proximè morte Sigismundi Tertij antecessit Interregno, cùm Conuocationis conuentum, Electionis & Coronationis Comitia, splendido & frequenti amicorum & clientum comitatu obiret, nihil neque in publico consilio deliberatum, neque inter eos agitatum, qui publicè delecti, priuatis in confessibus difficiliore materias tractabant, vbi eius consilium, auctoritas, vox non interuenerint. Regno tandem communi Ordinum omnium suffragio (magno rei Polonæ bono) ad Vladislaum Quartum delato, potissimus ab eo electus est, qui nunquam interituras laudes Sigismundi Tertij Regis nostri (cui tunc & Constantiæ Reginæ sub tempus Comitiorum Coronationis parentabatur) funebri prosequeretur oratione, quâ quadraginta spatio annorum, in varijs negotijs muneribusque obeundis, nauatam optimo Principi operam clausit. Neque nescius sum, fuisse interdum reprehensam eius quasi nimiam in publicis negotijs sollicitudinem, & à plerisque habitum, qui parua etiam pericula, quadam animi ægritudine in manus acciperet: ceterum quisquis ita existimat, tribueret id potiùs ingenij perspicuitati, omnia scrutantis perpendentisque. In humanis vtique cùm de publicâ salute agitur, nihil tam leue esse,



ue esse, quòd non magnæ interdum rei momentum in vtramque partem faciat. Affulgente melioris æui spe, cùm Vladislaus Quartus deuictis, vel alijs solâ ostentatione armorum ad pacem compulsis hostibus, adeptum Poloniæ Regnum, triumphis gloriosum, pace felix effecit: conuertit Stanislaus Lubienius oculos liberalemque manum, ad comparanda noua sponsæ suæ Ecclesiæ Plocensi decora. Ille insignem illius Basilicæ structuram temporum iniuriâ, & diuturnâ incuriâ collabentem suffulcit, & picturis exornauit; ille in eâ Collegium vno de viginti Sacerdotum & Subdiaconorum ad psallendum nocturnis diurnisque Horis fundauit, Musæoque sponsæ suæ constituendo ornamento annuos redditus assignauit; ille diuturnæ de finibus territorij Gornensis controuersie, recuperato amplo fundi tractu finem imposuit, atque beneficentiæ suæ partem in literas & literatos deriuans, Collegij Pultouienfis Societatis IESV, & Noscouiam Cracouiensis Contubernij inopiam, luculentis pecuniæ summis subleuauit, & insuper insignem Bibliothecam Episcopis Plocensibus donauit; in quâ posterî minoresque nostri eius in liberalissima studia amorem perpetuò legent. Non hîc stetit ardens eius cultus Diuini propagandi studium, nisi intercessisset fatale heroicorum facinorum magnis viris impedimentum, mors: quæ Varsauiæ Comitiorum causâ degentem, sexto ante supremum diem mensē, languore corporis animique correptum, Viscouia ad vltimum certamen se præparantem, die sextâ Aprilis de more quidem languidum & imbecillum, cæterâ nullâ nouâ tentatum ægritudine, recitatis pro more Ecclesiasticis precibus matutinis sequentis diei, momento temporis animi corporisque viribus destitutum, interim Sanctissimum IESV & Dei Matris nomina cientem, adstante illi Simone Pruski Societatis IESV Presbytero conscientie moderatore sine cruciatu sensuque doloris sustulit, Anno ab adepto Episcopatu Plocensi Decimo tertio, ætatis sexagesimo septimo, Salutis 1640. Cuius supremis Matthias frater natus maior, Archiepiscopus Gnesnensis, tunc Vladislauiensis, præcoci fraterni fati ictu cunctis altius confossus honorem habuit, cineresque tumulo in Cathedrali Plocensi intulit. Firmus semper Stanislaus Lubienius aduersus ea stetit, quibus vel boni plerumque indulgent, gloriam ex rebus à se gestis spernere, non quærere sciens; sed illâ spretâ ita cumulata redijt ad eum, vt eâ vel Romæ claret: prædicatoribus ibi eius virtutum, Cosmo de Torres, & Antonio Sanctacrucio ex Apostolicis in Poloniâ Nuntijs S. R. E. Cardinalibus, tum viro grauissimo Honorato Vice-comite, Urbani Octauæ Pontificis Maximi munus Nuntij hîc perhonorificè agente, ac Annibali Bentiuolo vtriusque signaturæ Referendario, qui Ioanni Alberto, Sigismundi Regis tertio genito, purpureo galero Pontificis nomine delato, in Urbem rediens, quas viderat Stanislai Plocensis Antistitis virtutes per amplè commendauit. Eo conciliatore cœpta inter Lubienium, & Guidonem Cardinalem Bentiuolum, virum scriptis suis orbi Christiano notum, atque ob



ob gestas præclarè Pauli Quinti Pontificis Maximi, in Belgio & Galliâ legationes, summumque ingenium & prudentiam nostrâ ætate celeberrimum, amicitia, mutuo literarum officio culta, usque ad extremum Lubienij vitæ perduravit. Iuvat huc afferre illius Epistolam mihi quem Romæ singulari semper prosecutus est benevolentia scriptam, testem illius existimationis, quâ Lubienius foris etiam apud magnos viros floruit.

Commune vulnus, quod inflictum est Reipublicæ literariæ, ob mortem Illustrissimi Episcopi Plocensis, te nominatim affecit, qui virtutum sanguinisque coniunctione affinis ei eras. Quamobrem maiorem in modum tuo dolore tangor, licet cum demortui clarissimi viri nomen intueor, omnem ab animo mœrorem penitus abstergendum esse existimem, cum in suæ gloriæ immortalitate, perpetuò sit vitam felicissimam ducturus. Illum enim religio Catholica propugnatorem acerrimum, eloquentia lumen eximium, Polonicus Senatus prudentiæ normam fuscipient, ac mirabuntur. Itaque tantorum memoria meritorum, communi mortalium malo planè medicinam faciet, apud te præsertim, quem eâ constantia novi instructum, quæ nouit & aduersa forti, & prospera moderato animo tolerare. Mea officia in qualibet rerum vicissitudine tibi offero. Romæ VIII. Calend. Iulij 1640. Hactenus Cardinalis Bentiuolus. Taceo quæ viri eruditissimi de Stanislao Lubienio senserint scripserintque: sufficet illi luculentum Vladislai Quarti, non magis Polonia quam ingeniorum & prudentiæ hac ætate Regis elogium, qui defunctum prudentissimi & grauissimi Senatoris titulo dignatus est. Quare & ego hîc sisto calamus, non memoriam, quam tanti viri & patroni nulla in me delebit obliuio, nulla oblitterabit vetustas.





## Vita &amp; Obitus

M A T T H I Æ D E B V Z E N I N

*Pstrokonski Episcopi primùm Pramisliensis, dein Vladislauensis, & Regni Supremi Cancellarij.*

I A C O B O Z A D Z I K,

SECRETARIO REGNI MAIORI,

Salutem &amp; felicitatem

Stanislaus Lubiencki, tum Abbas Tinecensis, &amp;

Regiæ Maiestatis Secretarius.



ON est opus, Vir Amplissime, multis ut verbis tibi explicem, quantum ego Matthiæ Pstroconio Episcopo Vladislauensi debeam: Et si enim tua ætas non attigit ea tempora, quibus ego penè puer ab illo è scholis euocatus, sub disciplinâ eius adoleui; sed vel ex illo ipso) nihil enim unquam ille te celauit (vel ex me, cum olim in eodem contubernio versaremur, discere potuisti, me fratresq; meos creuisse fauore ipsius. Agnosco ego id libenter, & quoad viuam semper praeferam, me illi secundum Deum omnia debere. Ingratus essem, si aliter sentirem, ille enim me accitum ad se, ad-mouit statim grauioribus curis, exercendæ industriæ præbuit materiam, iis qui tum summæ rei præerant, & quod caput est, SERENISS. REGI NOSTRO monstrauit & commendauit; effecitq; ut eo etiam vitâ functo alij de me non malè sentirent. Totum istud fluxit ex fonte beneuolentiæ ipsius. Vixi ego apud eum viginti propè annis, dictorum factorumq; eius conscius, in quibus cum summum virtutis & pietatis studium enitere animaduernerem, non in Pstroconium modo ingratulus essem, sed in publica etiam peccarem commoda, si ea reticerem, quæ breui hoc scripto comprehensa ad te mitto. Agnosces imaginem notæ Tibi virtutis, agnosces exemplar religiosi Sacerdotis, boni Episcopi, prudentis Senatoris, si modò nos ea ita ut erant delineare potuimus, volui-



voluimus quidem, ac ut hæc narratio luculentior esset, quædam etiam interseruimus, quæ ad pernoscendas res superioribus annis actas pertinebant, in quibus describendis nonnihil nos operæ ponere non te latet. Cui enim nos & nostra libentiùs communicemus quàm ei, quem licet virtutis comes felicitas altiùs extulit, & egregiis auxit honoribus, collis tamen constanter, dudum suscepta inter nos amicitia iura, quotiescunq; Te adire volumus excipis humanissimè, foves complexu. Creuisti & Tu, nec enim diffiteris, ex fonte disciplina Pstroconiana, admiratus es virtutem viuentis, leges, ut opinor non illibenter, quæ nos de illo iam vita functo scripsimus. Vera autem nos scripsisse tu testis es luculentissimus, tu idem & nos & Pstroconium tueberis contra inuidia morsus, quanquam hæc nec quiquam mortuum arroserit, in quem nihil iam iuris habet. Virtus eius viuit, & florescet sæclis innumerabilibus. Precor Deum, ut amplitudinem tuam maioribus augeat incrementis, Teq; Ecclesiæ Dei, Reipublicæ, & nobis amicis tuis, diu seruet incolumem. In Cænobio Tinecensi Calendis Iunij. Anno Domini, M. D. C. XXII.

Gentilitij  
Rosarum in  
Poloniâ stem-  
matis origo.  
Poraius S.  
Adalberti  
frater gentis  
princeps.



Rosarum gen-  
tis per diuer-  
sas familias  
propagatio.

VI primus in Poloniâ familiam, quæ Rosam gentilitij decoris insigne gerit, propagauerit, Poraius Diui Adalberti Bohemi, à quo Septentrionales istæ regiones fidei Christianæ rudimentis imbutæ sunt, frater fuisse perhibetur. Cùm enim sanctissimus ille Antistes illustri in Bohemiâ familiâ ortus, & ob virtutes pietatemque Pragensis Ecclesiæ Episcopali dignitate ornatus, gentis eius maximis iniurijs, (quæ eò grauiores erant, quò magis actiones populi pietatis Christianæ minimè capacis, legi Diuinæ & sacrosanctis Ecclesiæ institutis aduersabantur) permotus, ingratham patriam & Episcopalem sedem relinquens, ad exterarum regionum proferendæ & augendæ Diuinæ gloriæ causâ se contulisset; vlturi hanc contumeliam Bohemi, odio non magis in virum sanctum, quàm in religionem ipsam concepto, tres fratres eius interemerunt, totum cum stirpe deleturi genus, ni quartus Poraius nomine, præsentis mortis periculum euitans, in Poloniâ effugisset. Is siue Principum Poloniæ, apud quos Diui Adalberti & nomen dum viueret, & memoria, posteaquàm fuso pro Christo sanguine, ad cælestem patriam migrasset, clara & accepta erat indulgentiâ, siue quod magis existimandum est, Dei singulari gratiâ incrementis fauente, non multò tempore in tantum creuit, ut posterius ipsius & opibus, & dignitate cæteris, quæ vnquam in Poloniâ claræ & illustres fuerunt, familijs pares essent. Sed cùm ex hac stirpe nati surculi, in diuersis Regni partibus, nouas de-  
inde



inde sub alijs nominibus familias produxissent, gentilitiaque Rosarum <sup>Ab eadem</sup> signa, diuersis ex causis immutassent, Buzeniorum domus, à primo ori- <sup>stirpe profecta</sup> ginis initio, in Siradiensi Territorio sedem fixit, vbi Buzeninum oppi- <sup>Buzeniorum</sup> dum, ab eiusdem nominis non ignobili in Bohemiâ loco, mutuato vo- <sup>domus vetu-</sup> cabulo, à Poraio conditum, (à quo Buzeniorum etiam familia, appella- <sup>stissima.</sup> tionem sortita est) antiqua gentis primordia ostendit; cuius Boleslao, <sup>Rosarum</sup> qui rebus fortiter in bello gestis, Audacis nomen sibi peperit regnante, <sup>Gentis viri</sup> annales nostros euoluenti, non ignota est memoria. Posteriori verò tem- <sup>illustres.</sup> pore, ferax virtutum & magnorum virorum illa propago ita adoleuit, vt <sup>Ioannes Gru-</sup> & in toga, & in bello singulari laudis & gloriæ incremento enituerit; <sup>scinius Archi-</sup> proximo quidem superiori seculo, Ioannes Grulcinus Archiepiscopus <sup>episcopus</sup> Gnesnensis, & Cresslaus Curosuanscius Episcopus Vladislauiensis, vter- <sup>Gnesnensis.</sup> que Rosarum domo orti, & Buzeniorum cognati, vetusti nominis splen- <sup>Cresslaus Cu-</sup> dorem recentibus auxere titulis; Grulcinus eò felicius, quòd Andream <sup>rosuanscius</sup> cognomento Rosam de Boriszewice, (vicus is ditionis Buzeniorum no- <sup>Episcopus</sup> strâ memoriâ fuit) successorem in Archiepiscopatu Gnesnensi, suâ pro- <sup>Vladislauien-</sup> motione potissimum ad eum dignitatis gradum euectum reliquerit. Cu- <sup>sis.</sup> rosuanscius verò Ioannem Lascum, gente Corabitam, Rosæ familiæ <sup>Andreas de</sup> consanguineum, virum omni memoriâ dignum, ad simile fastigium <sup>Borissevice</sup> protulerit, qui à Cresslao quidem educatus, atque publicis Regni Magi- <sup>Archiepiscop.</sup> stratibus gerendis admotus, ab Andrea verò Rosa Archiepiscopo adop- <sup>Gnesnensis.</sup> tatus, vtrique & Cresslao & Andreæ fixis eorum memoriæ post mortem <sup>Ioannes La-</sup> monumentis gratiam retulit. Cresslao quidem in Ecclesiâ Vladislauensi <sup>scus Korabita</sup> his in marmore, ex quibus grati animi significationem quiuis facilè eli- <sup>in eandem sa-</sup> cere potest, sculptis verbis: *Cresslao de Curosuanki Episcopo Vladisla- <sup>miliam ad-</sup> <sup>optatus.</sup> *uiensi, Ioannes de Lasko Archiepiscopus Gnesnensis, Cliens Patrono.* <sup>In suos adop-</sup> <sup>tatores quam</sup> <sup>gratus.</sup> Andreæ verò in Gnesnensi Ecclesiâ monumentum erexit, his inter alia <sup>Spithco de</sup> additis: *Adoptionis memor totam denique Buzeniorum complexus suo* <sup>Buzenin Ca-</sup> <sup>nonicus</sup> *patrocinio familiam, à quâ proximè tantis auctus erat beneficijs.* Spith- <sup>Gnesnensis</sup> conem quidem de Buzenin magnum proximè defuncti Matthiæ <sup>Matthia</sup> Episcopi, cuius memoriam prodimus, patrum Sacerdotio & Canoni- <sup>Pstrokonij</sup> catu Gnesnensi insigniuit; cæteros verò suo fauore ad ampliores fortu- <sup>patruus.</sup> nas prouexit, è quibus Hieronymus de Buzenin Supremus Regni The- <sup>Hieronymus</sup> saurarius, vir, vt Velleij vtar verbis, in tantum laudandus, in quantum <sup>de Buzenin,</sup> virtus intelligi potest, Sigismundi Augusti Regis gratiâ multum floruit; <sup>supremus Re-</sup> frater verò ipsius Petrus Iudex Siradiensis Terræ, quamvis infra Senato- <sup>gni Thesau-</sup> riam dignitatem constitisset, non minore tamen virtutis & probitatis <sup>rarius.</sup> opinione apud omnes fuit, vterque quidem infelici quodam æui illius <sup>Petrus de Bu-</sup> fato, relictâ Ecclesiâ Catholicâ, ad Lutheri dogma descuerat; quo for- <sup>zenin Terra</sup> tasse factum est, vt Thesaurarij mascula soboles in filijs eius extincta sit: <sup>Siradiensis</sup> Petri verò, cum is filios duos reliquisset, alter quidem eorum Ioannes Ca- <sup>Iudex.</sup> pitaneus Ostrzesouiensis, magnæ expectationis iuuenis, & Regi Stepha- <sup>Ioan. de Bu-</sup> no acceptissimus, in ipso orientis fortunæ cursu immatura morte inter- <sup>zenin Capit.</sup> <sup>Ostrzesouien-</sup>*



Hieronymus  
de Buzenin  
Castell. Sira-  
diensis.

In Buzeniorū  
Gentem quis  
prior Pstroco-  
niorū appel-  
lationē intu-  
lit.

Ioannis de  
Buzenin  
Pstrokowski  
pro patriā res  
fortiter gessit.  
Eius mors  
gloriosa &  
posteritas.  
Matthias &  
Zbigneus.

Matthia ex  
Margaritā  
Tarnouia su-  
cepti filij:

Ioannes Ca-  
stellanus Co-  
nariensis,  
Iacobus,

Zbigneus  
cum Barbarā  
de Gaiewniki  
Matthia  
Pstrokowski  
Episc. Vladis-  
lauiensis pro-  
genitores.

Ioannes Mat-  
thia frater  
Castell. Vie-  
lunensis.

Matthia pro-  
digiosa in-  
fantia.

ceptus, magno cum omnium, tum Regis ipsius dolore, caelebs adhuc in viuis esse delijt. Hieronymus proximè Siradiensis Castellanus, doctrinā, pietate, Catholicæ religionis professione commendatus, animo liberali & excelso, dignus maioribus suis, relictis quatuor filiis, qui etiam nunc superstitēs sunt, ne nomen Buzeniorum interiret, effecit. Sed nos his prætermisissis ad nostra veniamus. Ioannes de Buzenin, qui primus quod in diuisione paternæ hereditatis villa Pstrokonie, trium fluuiorum, Vartæ nimirum, Grabicæ, & Vidauia concursu nobilis, cum adiacentibus prædijs ei cessisset, Pstroconius appellatus est, susceptis duobus filiis, bello, quod Casimirus Jagelloniades, coniunctis cum Vladislao filio Bohemorum Rege ad Vratillauiam copijs, contra Matthiam Regem Hungariæ, non multum prosperis auspicijs gessit, dum acrius quàm cautiùs murum subit, occisus, quam naturæ debebat, Regi & Patriæ gloriosè vitam impendit, vxore viduā & impuberibus liberis relictis: è quibus Zbigneus sacris initiatus, vt suprà memorauimus, Canonicus Gnesnensis fuit; alter Matthias, cum ad maturiorem ætatem peruenisset, meritis aliquot annorum stipendijs, Margaritam Tarnouiam cum dotalibus prædijs in Cuiauiensi Terrâ vxorem duxit, (cuius altera soror Sieracouio, ex quâ Ioannes Palatinus Lanciciensis sui temporis Senatorij Ordinis Princeps, qui omnia sua incrementa sibi debuit, natus est, nupta fuit) sceminam matronali pudicitia, & singulari quodam pietatis studio præstantem, quæ marito tres filios, Zbigneum, Ioannem, & Iacobum, aliquot item filias, è quibus vna Agnes auia mea materna fuit enixa, mox vidua reliquum ætatis tempus religiosissimè transegit. E filijs Ioannes Castellanus Conariensis in Cuiauiâ, singulari prudentiæ & integritatis laude floruit. Iacobus iuris patrij intelligentissimus, maturitate quadâ iudicij ita excelluit, vt eo nomine à cunctis magni æstimaretur, multiq; è proceribus illius potissimùm consilijs niterentur. Zbigneus natu maior, animi & corporis dotibus insignis, cum primis annis militiæ deditus, & in patriâ & apud exterarum nationes, in Hungaricis expeditionibus multis emeritis stipendijs, non exiguam bellicæ laudis gloriam sibi parasset, demùm ductâ vxore Barbarâ de Gaiewniki, Ioannis Lubranscij Episcopi Poseniensis, notæ sanctitatis Antistitis, ex sorore nepte, omnibus ijs, quæ castam, piam, pudicamque decent mulierem dotibus ornata, duos filios sustulit, Matthiam & Ioannem, quorum iste ingenio non minùs quàm frater excellens, atque literis non mediocriter imbutus, & sustinendis quibuscunque Magistratibus par, è duabus vxoribus susceptis liberis ad Castellatum Vielunensem promotus, minor septem annis natu maiori fratri biennio præmortuus est. Matthiæ pueri adhuc & infantis futuram magnitudinem, non dubijs præfagijs Deus significare voluit, quorum illud memoriâ dignum, cum vixdum semestris in lecto positus, iniectis per famulam à recenti lotionē madidis adhuc lineis vestibus oppressus esset, ac re serò animaduersâ, iam ferè exanimis spumas ore voluens inde extraheretur, omnibus actū esse de illo cre-

cre-



credentibus, sola mater illius foemina pijissima, magno incōcussa fidei ardore prostrata in terram ad vota precetque confugit, & si puerulo Deus vitā, quā agrē iam trahebat, restituere dignaretur, se eum sacro Altari ad dicturam, & diuino seruitio mancipaturā sanctē promittit. Vix dicta finierat, cum illi renunciatur puerum planē ac si nihil aduersi ei accidisset ad se rediisse. Non minū id quod referam admirationem mouet. Puer idem trium quatuorū annorum, cum aequalibus suis colludens, impulsu vnus, seu fortuito lapsu in profluentem Vartę rapidi & verticosi fluminis aquam decidit, socijque puerili metu, ne res proderetur, diffugientibus omni destitutus humano auxilio, mirā quadam Dei curā seruator. Fortē fortunā hauriendae aquae causā quidam ē famulis eō veniens, puerulum ita immersum, vt aqua penē vnus cubiti altitudine supremo capitis illius vertici superfunderetur, erecto tamen totius corpusculi trunco, quietē & miraculosē sedentem conspicatur, haud dubiē suffocatum credens inde extrahit, sed continuō vegetum, ac omnis noxae expertem repertum domum reducit incolumem. Ne primis aetatis annis prauae conuersationis consortio tener pueruli animus inficeretur, mater iōlicita, & diligenti curā illius minimas actiones explorare solita cauit, illud identidem frequenti sermone auribus eius occinens: Matthia: Tu Deo & Altari eius desponsus es, quamobrem ita te geras, vt cum ad maturiorem aetatem perueneris, dignus eā statione cui te deuoui esse possis. His ille cohortationibus excitatus, talem se semper praestitit, vt in illā aetate, cui omnium concessione leues & ioculares lusus permittuntur, Matthias senili quadam prudentiā & morum grauitate, non modō coetaneis, sed natu quoque maioribus ad omnes honestas actiones, ac praecipuē pietatis studia exemplo & incitamento esset, cunctosque in sui admirationem accenderet. Cognitā hac eius indole Hieronymus Buzenski Supremus Regni Thesaurarius, vtrō à patre illius poposcit suis impensis & curā, in spem amplioris fortunae educandum eum sibi traderet. Honorifica ea & percommoda videri poterat inuitatio, nam Buzenio multum opibus & Regi gratiā pollenti, facile erat proferre iuuenem, & ad altiores dignitatis gradus maturē euehere, cum is non modō cognati sanguinis liberos, sed alienos etiam, in quibus aliquid ingenuum & liberale animaduertisset, suā beneficentiā & liberalitate prosequi, & quod aiunt, tollere humo solitus esset; ac pater quidem facile fortasse voluntati Buzenij paruisset, verū mater verita, ne si puer homini malē de religione Catholicā sentienti, ad eius arbitrium educandus traderetur, peruersarum doctrinarum magistros nactus, religionis Catholicae iacturam faceret, obstitit omnino, seque et si tenuiori fortē impensā, proprijs facultatibus alimenta literis operam nanaturo filio suppeditaturam recepit. Iā in Vidauensi & Siradiensi ludis literarijs tantum profecerat, vt ad capefenda Eloquentiae & Philosophiae studia idoneus haberetur: quare decimum sextum agens aetatis annum Cracouiam mittitur. Florebat eō tempore

*Semestris in-  
sans penē suf-  
focatus, ma-  
tris voto vita  
restituitur.*

*Triennis in  
fluuio sub-  
mersus, mira-  
culosē in ripā  
incolumis  
extrahitur.*

*Eius pueritiā  
Mater pijs  
admonitioni-  
bus informat  
& sponsonem  
voti quā Deo  
obligatus erat  
inculcat.*

*Matthia in  
pueritiā seni-  
lis morum  
maturitas.*

*Matthiam fi-  
lium Buzenio  
Thesaurario  
ad educandū  
deposcenti  
tāquam ha-  
resi depraua-  
to, mater pia  
trudere re-  
nuit.*

*A Scholis  
triuialibus  
Cracouiam  
studiorum  
causā mitti-  
tur.*



pore Academia excellētibus, & in omni facultate eruditis viris; hos Matthias nactus, ac inter alios Stanislauum Socolouiu (cuius nomen doctissimi editi libri satis celebre, & nullo ynquam tempore inter moriturum reddiderunt, quem postea Regis Stephani Theologū, ac Cracouiensē Canonicum vidimus) quo ille amico & magistro vius, non humaniora modò studia, ac Græcas literas percepit, verum etiam Diuinæ humanæque sapientiæ reconditos fontes ita auidè hausit, vt quinq; circiter in eo studio exactis annis, cū discendi promptitudine, ac solertis ingenij acumine & viuacitate cunctis anteiret, nō eruditus modò, sed cumulatè doctus euaderet. Non prætermittam hoc loco id quod ab ignaris rerum temerè in suspicionem vocatur, ac si ille eo tempore quo Cracouiæ morabatur, habitum Fratrum quos Diui Francisci institutum secutos de Obseruantia appellant suscepisset, diluere; etsi enim religionis desiderium nemini in probrum cedere debeat, laudemque magis quàm vituperium mereatur, tamen leuitatis cuiusdam & inconstantia nota, quæ in amplectendo & continuò deserendo hoc vel illo vitæ statu potissimū conspicitur, à Pstroconio nobis remouenda est. Eius igitur fabulæ hoc erat initium: Adolescentulo adhuc vixdum decimumquartum annum ætatis egresso, patruus Ioannes Pstrokonski Castellanus Conariensis, Præposituram Iuniwladiſlauienſem à Sigismundo Augusto Rege impetrauerat; rationibus illius accisis eo modo consulturus, eius Sacerdotij onere, cui cura quoque animarum annexa erat, se conscientiamque suam grauari sentiens Pstroconius, vt primū Cracouiā venit, communicato cum pijs & religiosiſ viris consilio, patruo & parentibus significat, se tam tenerā ætate munus hoc obire non posse, ac proinde se eo Sacerdotio abdicare velle; cū verò illi ne id faceret vetarent, vel si fecisset, se impensas quibus cœptum studiorum cursum prosequeretur, deinceps suppeditaturos minarentur; ille generosā quadam animi magnitudine, cuncta salutis animæ postponenda existimans, iuri eius Præposituræ inconsultis parentibus renunciat, & cū non ignoraret suos id ægrè laturos, vicissim ipse sibi rationibusque suis aliter se prospecturum ostēdit. Inde nata ea suspicio, vt cū frequentes cum Monachis Bernardinis, è quibus vnum singulari quadam veneratione colebat, sermones misceret, de suscipiendo illorum instituto consilia agitare existimaretur: id postquam parentibus renunciatum esset, continuo molliori responso recreatum, benè de sua erga se indulgentiā & liberalitate sperare iubent, se curaturos deinceps, ne quid illi deesset: sic omnis illa sollicitudo præpostero & præcoci, benè fortasse, sed non secundū eorum qui cœlestia curant sensum, cupientis patris studio iuueni iniecta, eximia illius constantia superata est. Sed vt ad inceptam narrationis seriem redeamus; cū Henricus Valesius summo totius Poloniæ concursu Regio diademate Cracouiæ insigniretur, venerat eò etiam Ioannes Sieracouius Palatinus Lanciciensis: is Pstroconium ad se vocatum, & benignè acceptum, posteaquam ingenij

*Iuniwladiſlauienſi Præposituræ renunciat; inde nata de S. Francisci suscepto habitu fabula.*

*E scholis euocatus, Ioanni Sieracouio Palatino Lanciciensi suum probat in latino sermone progressum.*



ingenij & industriæ ipsius exploratis viribus eum tantum in studijs profecisse animaduertisset, vt à scholastico puluere eum amoueri, & rebus agendis adhiberi maturum iam existimaret; cùm eo tempore Rege peregrini sermonis rebus præsidente, non aliter nisi Latinè vel in Senatu sententia dici, vel in priuatis colloquijs cum Rege agi posset, ille in omnibus Pstroconij vsus operâ iuueni elegantia scriptoris florenti, ostentandæ industriæ & parandæ gloriæ campum patefecit. Carncouius <sup>Eiusdem styli</sup> <sup>laudator</sup> <sup>Carncouius</sup> <sup>Episc. Vladislauensis.</sup> fane Episcopus Cuiuiensis, vir acris & perspicacis iudicij, cùm in vnam & alteram Pstroconij lucubrationem incidisset, percontatus cuius ingenij foetus ille esset, ac Sieracouius iuuenis cuiusdam recenter è scholâ à se producti, operâ se hac in re vtî respondisset, nequaquam iuuenilem, sed longo ac diuturno vsu paratum eum stylum sibi videri confirmauit. Delectatus eâ sui Pstroconij laude Sieracouius domum regrediens eum secum abducit: eâ tempestate Sieracouius in eâ apud omnes fuit opinio- <sup>Sieracouius</sup> <sup>Palatinus</sup> <sup>Lancicien.</sup> <sup>Senator consummatissimus formator</sup> <sup>Pstroconij.</sup> ne, vt nemo illo antiquitatis peritior, nemo legum & institutorum patriæ scientior, & qui in explicandis arduis & difficillimis consilijs singulari quadam facilitate magis polletet, haberetur, eam famam de se temporibus adhuc Sigismundi Primi cùm iuuenis admodum in Reipub. negotijs versaretur, ac mox Regni esset Referendarius concitauerat, diuturnoque rerum vsu summam auctoritatem sibi comparauerat, adeo vt homo mediocri, & equestri tantum loco natus, ob insignes animi & ingenij dotes ac heroicas virtutes ad summum dignitatis gradum euectus fuerit, ac inter eos, qui principem in Senatu locum tenebant, non postremus censeretur. Nactus is Pstroconij consanguinei sui solers & docile ingenium, quidquid ad pernoscendum Reipub. statum pertineret, quæ legum & institutorum Patriæ origo, quæ ratio gubernandæ & administrandæ Reipub. qui Regiæ potestatis vel Senatoriæ functionis modus, quæ partes Equestris Ordinis essent, qui expediendorum consiliorum ordo, talia discendi auido iuueni, frequenti sermone ingerens, ac identidem acta prioris æui & monumenta maiorum, ac præcipuè temporis sui res gestas legendas proponens, maiori earum rerum cognoscendarum, quæ aliquando sibi & Patriæ vsui essent, studio accendit. Nec ille deerat sedulus à narrantis pendere ore, de rebus dubijs percontari, & quæ ipse in scholis didicerat, & ex Aristotelis doctrina hauserat, ad vsu eorum, quæ à viro in rebus experto dicebantur accommodare, denique nullum tempus occasionem quâ non aliquid disceret, prætermittere. Sic maturescente iudicio etsi dignum existimaret Sieracouius, qui rebus agendis admoueretur, tamen non ignarus admodum necessariam esse ijs, qui in Reipub. versantur Germanicæ linguæ notitiam, vnâ cū nepotibus suis Ioanne & Martino (quorum alter Brestenfis, Inowlodensis alter Castellanus, auiti decoris splendorem Senatoriâ dignitate nunc præclarè tuentur) in Germaniam ablegat, id quidem parum consultò, quòd Vratisslauiæ primùm, mox Golbergæ, locis Hæreticâ labe infectis eos ma-



nere voluisset, verum id fortasse idcirco ab eo factum, quod cum satis perspectum haberet Pstroconij maturi iudicii robur, ut eo praesente nulum ab eiusmodi peste nepotibus suis imminere periculum existima-  
*Pudicitia & Castitatis cultor diligens Pstroconius.* rit. Possem hic commemorare, quæ pudicitiae, & castitatis pericula adierit, tum iuuenis formâ & ætate florens, & quàm procaciter humani generis hoste insidias struente à fæminis appetitus fuerit. Ille quidem bis teruè diuinitas planè à turpi lapsu se seruatum esse, cum pios & ad virtutem cohortatorios nobiscum conferret sermones, referebat, in eoque singulare, & planè manifestum Dei adfuisse sibi auxilium, profusis ob tanti beneficii memoriam lachrymis memorabat. Non diu ei discendæ Germanicæ linguæ causâ morandum illic fuit; nam cum excellenti memoriâ polleret, paulò plus vno ei rei impenso anno tantum profecit, ut expedite sermone illo uti posset, eumque in omni deinceps vitâ familiarem haberet. Inde ubi redijt, doctus iam antea multorum exemplis, neminem qui patrii iuris saltè prima rudimenta non nosset, aliquid nominis sibi comparare posse, cumque hæc iuris notitia non aliter, quàm usu comparari soleat, ijsque potissimum in ijs locis, in quibus à Regijs præfectis ius dicitur vigeat, eò se, hortante Sieracouio, contulit, atque in Siradiensis Castri, ut vocant, Cancellariâ, vnum circiter annum istius rei causâ egit, tantaque sedulitate ei studio incubuit, ut nouitius mox veteranos, & diurnâ fori consuetudine exercitatos singularis iudicii acuminè superaret, cunctis verò singulari modestiâ, & pietatis studio exemplo esset: ita locus is qui ob inueteratam licentiam corruptela iuuentutis vulgò existimatur, Pstroconij incorruptos mores, & castum pudicumque vitæ genus adeò non interuertit, ut ille multorum testimonio eam laudem assecutus fuerit vicissim, ut eos quorum societate ne corrumperetur periculum erat, honestissimarum actionum admiratione ad virtutis studium, sui que imitationem pertraheret, & multi ob eam causam, ex ijs quibus tanti viri consortio frui contigerat, non magis iuris periti, quàm virtutis studiosi euaserint. Sic efformatum & ad maiora nitentem maturum, annis & iudicio pollentem vocat ad se Sieracouius, & quem vitæ statum amplecti vellet, sciscitatum; cum is dudum sibi destinatum respondisset, sacris Ordinibus initiari, probato eius consilio Stanislao Carncouio Episcopo Vladislauensi, ut sub eius viri auspicijs vitæ Ecclesiasticæ primordia iniret, tradendum commendandumque proponit. Sed Carncouius, quod eo tempore nescio quid simultatis sibi cum Sieracouio intercederet, primam pro Pstroconio eius petitionem reiecit, mox eundem ad se negotij cuiusdam causâ missum, ac strenuè illud obeuntem obiectasque quæstiones (agebatur de matrimonio viri cuiusdam nobilis, ritè an perperam illud contractum esset) prudenter dissoluentem: Tunc es, inquit Carncouius, à Palatino Lanciciensi mihi commendatus? eo annuente, subinfert ille: Quod in gratiam Palatini facere recusaui, id exploratæ tuæ industriæ tribuo, teque libens volensque in numerum  
meorum

*Hortatu Sieracouij Cancellaria Castrensi Siradiensi incumbit.*

*Inter vita licentiosæ sodales incorruptus, imò corruptorum censor.*

*Pstroconium Sieracouius Carncouio inter domesticos adlegandum commendat. Repulsam primò passus culpâ Sieracouij.*



meorum adscribo: Deinceps (verba ipsa pono) ego tibi ero in patrem, tu  
 mihi in filium. eâ sponſione ſibi obligatum ac ſacris initiatum intimis  
 ſuis cogitationibus adhibet, ingenium excellens, ſed modèſtum, aliàs  
 laude nonnunquam cohortatione accendit, oſtentandæ indiſtriæ occa-  
 ſiones ſubminiſtrat, æmulatione denique alieni laboris modèſtiam ipſius  
 excitat. Nemo Carnouio exercendæ iuuentutis prudentior, vel tractan-  
 dorum ingeniorum ſolertior vnquam fuit, nemo qui plures educationis  
 ſuæ alumnos in lucem productos, ac ſummis poſtea in Rep. magiſtrati-  
 bus functos protulerit, cùm in eius aulâ, non indiſtriâ modò, ac arduo  
 rum quorumcunque negotiorum tractatio, verùm ſingularis omnium  
 virtutum æmulatio, & pietatis ſtudium vigeret, ac complures non do-  
 ctrinâ modò, ſed generis etiam nobilitate præſtantes ſibi eum ducem, &  
 magiſtrum legerent, ac ille cuiuſcunque ingenij indagator diligens, alte-  
 rius operâ in obeundis legationibus vti, hunc ſcribendis literis præficere,  
 illum euoluendis maiorum monumentis, alium præſentis aui rebus ge-  
 ſtis mandandis memoriæ adhibere, alterius indiſtriâ quantum in ſa-  
 cris ad populum faciendis ſermonibus poſſet explorare, omnes denique  
 intentos eſſe iubere, ac ſingulorum laboris penſâ frequenter repoſcere,  
 nec quenquam otio torpeſcere pati, laudare promptos, ſegnes reprehen-  
 dere. In eâ virtutis palæſtrâ, cùm duos annos Pſtroconius ſummâ cum  
 laude verſatus eſſet, tantum ſibi nomen apud Carnouium comparauit,  
 vt è numero aliorum ſecernendum, & accuratiori ſtudio prouehendum  
 iudicaret: quare pecuniâ inſtructum Romam eum ire iubet, vt in Vrbe  
 Eccleſiaſtica diſciplinæ & pietatis magiſtrâ, ſacrorum Canonum ſtudio  
 tempus impenderet. Haud ſegniter ille arripit occaſionē eruditionis cu-  
 mulandæ, & quanquam huic potiſſimum curæ intentus, vt Canonica-  
 rum ſanctionum notitiam ſibi compararet, tamen alijs quoque Doctori-  
 bus horas ſucceſſiuas dabat; miratus præcipuè Muretum veteris Elo-  
 quentiæ ſplendorem, magno & non infelici conatu in Vrbe reſtituen-  
 tem. Hæc agentem Pſtroconium, nec valetudini parcentem morbus op-  
 preſſit, quo cùm non niſi loci mutatione leuari poſſet, Mediciq; Vrbe  
 excedendum ſuaderent, ac pecuniâ ad ſuſcipiendum iter deeſſet, cùm  
 parentes eum Carnouij impenſis ſuſtentari exiſtimarent, Carnouius  
 verò, vt fit, abſentis facilè obliuiſceretur, vt aliàs, ſic & eo tempore, ſin-  
 gularem opem Diuinam rebus ſuis anguſtis ſenſit Pſtroconius; nam cùm  
 Petrus Wolski Epicoſopus Plocenſis, Regis Stephani nomine, publicâ  
 apud Pontificem Gregorium XIII. legatione functus, ab Vrbe domum  
 rediens in itinere intellexiſſet, hac eum vrgeri neceſſitate, continuò man-  
 dauit ſuis in Vrbe procuratoribus, curarent diligenter, ne quid Pſtroco-  
 nio deeſſet, & ſi reſeuiſſet poſtularent, comineatu inſtructum Vrbe ex-  
 pedirent: quâ liberalitate ille ſubleuatus, nondum ſatis confirmatâ vale-  
 tudine, non vltra Romani aëris peſtilentem auram ferre valens, itineri  
 ſe dedit, & inuitantem ad ſe, omniaq; liberaliſſimè pollicentem Epicoſo-  
 pum,

Poſtmodum  
 humaniſimè  
 in domeſticâ  
 atque aded in  
 filium reco-  
 ptus.

Carnouij E-  
 piſcopi aula,  
 iuuentutis  
 Polonæ in  
 omni genere  
 virtutis ac  
 diſciplinæ  
 exercendi pa-  
 laſtra.

Ibi loci rectè  
 inſtitutus  
 Pſtroconius  
 nomini &  
 impenſis  
 Carnouij  
 Romam pro-  
 ficiliſſimè.

Mira Dei cir-  
 ca Pſtroconium  
 viribus &  
 pecuniâ deſi-  
 cientem Ro-  
 ma prouiden-  
 tia.

Petri V Volski  
 Epicoſopi Plo-  
 cenſis egregia  
 in Pſtroconium  
 munificentia.



pum, breui consecutus humanissimè ab eo excipitur; iam eodem curru quo ipse vehebatur receptum, mensæque suæ adhibitum, continuò quanti virtutem doctrinamque eius æstimaret, ostendit; nec Pstroconius quidquam sibi eo nomine arrogare, sed modestiâ cum omnibus, obsequio cum patrono certare, quo factum est, ut cum plerique è veteribus Episcopi familiaribus initio ferrent iniquiùs, eum sibi in contubernio anteferri, mox cognito eo inuidiam amore commutarint, iudiciumque Episcopi in præferendo cæteris Pstroconio spontè laudarent. Iam Carnouius Regis Stephani promotione Archiepiscopus Gnesnensis renunciatus erat, quem Episcopus Plocensis tam longinquâ peractâ peregrinatione, simul honoris & veteris amicitiae causâ ut inuideret, Louicium ex itinere diuerterat; in cuius comitatu cum Archiepiscopus Pstroconium conspicatus esset, quærit quid ibi ageret? enimuerò Episcopus, meus est, inquit, Pstroconius, quem à te neglectum ego ab Vrbe mecum eduxi. Sed Archiepiscopo suum itidem eum esse asserente, ac prioris iuris prærogatiuam proferente certamen amoris plenum inter eos intercessit; sed postremò cessit, ut par erat, Episcopus Archiepiscopo, Pstroconiumque commendationi suæ accessione in præcipuo gratiæ loco apud Archiepiscopum reposuit; quanquam virtus eius satis per se commendabilis, non multum alieni suffragij indigeret, cum nullum esset ita arduum & difficile negotium, cui ille summâ cum laude sustinendo par non esset, omniaque sibi demandata munia eâ dexteritate obiret, ut præclara illius animi & ingenij vis, vno omnium consensu prædicaretur: ille in obeundis legationibus suam potissimum industriam probabat Carnouio, illius in diiudicandis maioris momenti causis, in explicandis consilijs, in tractandis negotijs prudentia eminebat. Breui quidem ille laboris & industriæ suæ ipsiusmet Carnouij iudicio præmium tulit, nam cum Præpositura Louiciensis Sacerdotium nobile & ferè primum ex ijs, quorum Archiepiscopus suo arbitrio conferendorum potestatem habet, vacaret; multi que id sibi deferri peterent, ac vnus è nepotibus Archiepiscopi iuuenis admodum, ac penè puer inter competitores emerit: Carnouius præter eorum consuetudinem, qui plerumque nepotibus suis ita addicti sunt, ut cæteros quamuis digniores illis postponent, plusque speratæ suorum, quàm exploratæ aliorum virtuti tribuunt, maiorem meritorem, quàm sanguinis rationem sibi habendam existimans, Pstroconium iam antea Canonicatu Gnesnensi à se auctum, Præpositum Louiciensem renunciat. Non tam fortunarum suarum incremento, quàm eximio Patroni de se iudicio lætus Pstroconius, suscepto Presbyteratus ordine, singulari quodam pietatis ardore incensus, quasi tum primum ad subeundum sacri muneris officium se accingeret, nouis ijsque accuratissimis se munire præsidijs, ad omnem occasionem intentus esse, cum alijs sacre obseruantiae pijs operibus, tum singulis cuiuslibet hebdomadæ sextis ferijs cibi potusque omnino abstinens, inedia sponte sibi indictâ corpus

Inter Carnouium & Volsium de retinendo apud se Pstroconio certamen.

Archiepiscopo accessit Pstroconius.

Post multa virtutis & industria experimenta Præpositura Louiciensis ab Archiepiscopo defertur Pstroconio, post delatum paulò antè Canonicatum Gnesnensem.

Sacerdotio præditus quâpiam vitam instituerit Pstroconius.



corpus macerare, cuncta exactioris vitæ instituta complecti, nec quidquam quod ad coercendos domandosque effrenatos animi motus pertineret, prætermittere. Nec defuit ad ardua tendenti certaminis occasio; nam cum ij qui sua merita proprio iudicio metientes se præteritos, optimumque sacerdotium quod spe deuorant, ad alterum delatum viderent, cæcâ acti inuidiâ credulas Archiepiscopi aures varijs onerant opinionibus, iuuenem Pstroconium nec tantoperè meritum, nimum esse fortunis auctum, moderaretur suam liberalitatem, detraheret Præposituræ decimas, easque alijs qui meritis Pstroconio præstarent largiretur. Quod cum Archiepiscopus se facturum ostendisset, indignû ratus Pstroconius sibi eam fieri iniuriam, magnitudine quadam animi incensus, cessurum se potius beneficio, quàm passurum, vt sacerdotij cuius ille possessor esset, vetusta dos distraheretur, respondit: cumque contrâ inimici acriter niterentur, ille verò constanter resisteret, Archiepiscopus postremò maturiori vsus iudicio, ne ius quæsitum alteri intercipere velle videretur, Pstroconium ampliùs eo nomine interpellare noluit. Agebatur tum annus supra millesimum quingentesimum octuagesimus quartus, quo tota ferè Polonia ingenti metu perculsa, in magnâ rerum nouarum erat expectatione: id ea occasione accidit. Ioannes Zamoscius Regni Supremus Cancellarius & Exercituum Præfectus, Samuëlem Zborouium, illustri ortum familiâ, sed ob cædem Vapouij sub Henrico Rege proscriptum, in Territorio Cracouiensi prehensum, iussu Regio, supremo supplicio affecerat. Grauior plerisque ea videbatur animaduersio, quàm leges Regni permitterent; Rexque ad tantam atrocitatem consilio Zamoscij impulsus esse credebatur, fremebantque passim omnes Zborouianæ sectæ amici, quorum pro generis splendore auitisque opibus, magna per totam Poloniam erat copia; licuisse tantum vni homini gratiâ Regiâ summis magistratibus ornato, vt priuato arbitrio sinistra legum interpretatione ad perniciem libertatis Polonæ, nouo & nunquam antea audito exemplo abuteretur. Igitur plerique Proceres ac inter eos Princeps Senatus Carncouius, infecti partium fauore, pro Zborouijs in proximis Regni Comitijs niti constituerant. Sed Pstroconius conspicius quanto Archiepiscopi periculo, quantâ Regiæ gratiæ erga statum Ecclesiasticum iacturâ id futurum esset, si Carncouius cum factione Regi aduersâ, quæ magnâ parte ex Hæreticis constabat, se coniungeret, sagaci perluasione mentem eius ab eiusmodi cogitatione auertit, tantumque effecit, vt Archiepiscopus seruato dignitatis Archiepiscopalis tenore, nec Regi blandiretur, & præcoces Zborouiorum impetus, intempestiuasque minas moderatis consilij temperaret. Successit postea Regis Stephani mors, Interregnumque in ipso inimicitiarû feruore, atque tali Reipub. statu, vt de ea actum esse gnari rerum æstimatores non immeritò putarent. Summa rei more institutoque maiorum penes Archiepiscopum erat, is accepto Regiæ mortis nuntio, eadem planè horâ

Pstro-

Aemulorum  
impugnatur  
inuidia.Anno Domini  
1584.Res perturbata  
inter Poloniam  
Proceres.Ad eas sedandas  
de consilio  
Pstroconij,  
egregiam in-  
tentionem  
Carncouius.Interregnum  
post mortem  
Stephani  
Regis Polonia.



*Pstroconius  
ad faciosas  
Procerum cō-  
nentiones le-  
gatus à Carn-  
conio.*

*Quâ dexteri-  
tate ab ini-  
quis consilijs  
tumultuantes  
abducatur  
Pstroconius.*

*In Electione  
noui Regis ad  
maximè ar-  
dua negotia  
ab Archiepi-  
scopo Carn-  
conio adhibe-  
tur Pstroco-  
nius.*

*Pstroconius  
potentissimis  
rationib. per-  
suadet Carn-  
conio, eligen-  
dum in Regē  
Sigismundum  
Sueciae tunc  
Principem.*

Pstroconium ad Stanislauum Comitem Gorcanum Palatinum Posna-  
niensē fortē fortunā eodem tempore in Curnicensi palatio cum Zboro-  
uijs de rerum suarum statu consultantem expedit, suadet ne præcipiti  
aliquo consilio se, & Rempub. in discrimen adducant, Conuentus par-  
ticulares pacatē expediri sinant, de odio quo Cancellarium prosequē-  
bantur, patriæ causā tantū remittant, quantū ciues priuatas iniurias  
Reipub. condonare fas est, Archiepiscopum daturum operam, vt in fu-  
tura Electione eorum dignitatis ratio habeatur. Mollis hæc legatio &  
Pstroconij accommodata oratio magno fuit temperamento, ad retinen-  
dos homines illos perferoces & potentes, quo min⁹ vel Andreā à Bnin  
Opalinski Supremum Regni Marschalcum, non procul eo tempore ab  
eis diffitum, & magno apud eos odio quod Regia consilia in maiori Po-  
loniā foueret, flagrantem inuaderent, vel vniuersā Rempub. priusquam  
cæteri subsidia illi ferre possent, perturbarent. In Electione ipsā celeberrimoque illo actu, cuius moderatio ad Archiepiscopum pertinet, ita se  
Pstroconius gessit, vt cæteris qui cum Archiepiscopo erant, metu torpen-  
tibus, ille ad expedienda maximi cuiusque momēti negotia adhiberetur.  
Flexerat animum Archiepiscopi Zborouiana factio, sua sponte Austria-  
cæ familiæ addictum, & suspicantem Cancellarium, vel sibi fasces im-  
perij arrogaturum, aut certē talem promoturum, qui suæ voluntati ob-  
noxius esset. In oculis erat hominum Andreas Batthoreus, defuncti  
Regis ex fratre nepos, affinitate Cancellario coniunctus iuuenis, nisi  
eum recens inuidia Batthoreæ familiæ prægrauaret, gratus populo. In  
Sigismundum Sueciæ Principem, Catharinā Jagelloniā ortum, nostri ve-  
luti sanguinis & linguæ Regem popularia studia propendebant; quem  
cū videret Zamolscius, non tantū Equestris ordinis consensu, sed et-  
iam Annæ Jagelloniæ Reginæ opibus promoueri, nec alium haberet,  
quem potentia Austriacæ opponeret, ad eum quoque flexit animum,  
suamque potentiam populari fauori adiunxit. Hærebat interea Carnco-  
uius: nam factioni Austriacæ penē fidem dederat, se eā inuitā ad renun-  
ciandum nouum Regem non processurum: erant complures ex eius fa-  
miliaribus, qui senem ostentatione periculi & discriminis, quod Ecclesia  
& ipse aditurus esset, si quempiam alium Austriacæ familiæ toto orbe ce-  
leberrimē, & cuius potentia ijsdem quibus orbis Christianus finibus con-  
tinetur, ingentesque opes essent præponeret, distraherent; e contra Pstro-  
conius euidentissimis rationibus persuadendo ostendebat, in Republicā  
liberā nihil magis spectari debere, quā communem omnium consen-  
sum, signum certissimum Diuinæ voluntatis, cui cessura omnia, turpe  
& indecorum esse, in expediendis cōsilijs permoueri metu, à quo si depē-  
dere voluerimus, vetustā libertatis possessione cedendum nobis esset, pro  
hac autem conseruandā, si quid graui⁹ ingruat, mortem oppetere hone-  
stum & gloriosum videri, lecto præsertim tali Principe, quem tanto de-  
siderio omnes expeterent, & cuius Regiæ indolis certa quasi esset spes,  
&



& non dubia expectatio ; non eas vires aut opes, quibus Austriaca familia polleret circumspectandas pertimescendasque; sed expendendum à quibus promoueatur, ex ijs plerisque esse Hæreticos, alios temulentos, & ad res grauioris momenti sustinendas nequaquam firmis niti consilijs. His persuasionibus atque auctoritate Andreæ Opalenij Supremi Regni Marschalci, ac Stanislai Priemscij Capitanei tum Coninensis ac paulò post Curia Regni Marschalci, quibus Carncouius plurimum fidebat, effectum est, vt Archiepiscopus à Zborouianis consilijs alienum se gerere animum ostenderet; Andreamque Zborouium Curia Regni Marschalcum petentem, vt Candidatum suum Maximilianum Archiducem tanti nominis Principem Regem renūciaret, simulatione ægritudinis lenibus verbis emollitum à se remoueret; nam & is quòd Catholicus esset, plurimum apud Carncouium gratiā valebat, periculumque maximum erat, ne eius persuasionibus permoueretur; quòd fortasse factum fuisset, nisi Pstroconius intra eosdem cum Patrono parietes degens, opportunis consilijs illius animum aduersus eiusmodi sollicitationes confirmasset; quā ex re magnum sibi aduersæ factionis comparauit odium, adeò vt Stanislaus Comes Gorcanus Palatinus Posnaniensis, cū Pstroconius à Carncouio missus negotij cuiusdam causā eum adiisset, non admodum amicā salutatione, Ave, inquit, Rabi (indicans eum apud Carncouium consilio plurimum posse) illum exciperet. Comitij Electionis in eā dissensione, cuius memoria terret adhuc animos nostros, vtcunque expeditis, Carncouio circumspiciente, quemnam nouo Regi suo nomine obuiam mitteret, Pstroconius maximè idoneus visus est, qui hoc munere fungeretur, vt eum primū è suis familiaribus Regi recēns lecto exhiberet, qui in constituendā ad votum illius Electione plurimum operæ & studij ipsiusmet Archiepiscopi testimonio posuisset. Celeriter hoc perfunctus officio, Regeque eleganti oratione in naui adhuc ex personā Archiepiscopi salutato, redit ad Carncouium Pstroconius, illique periculoso illo & difficili Reipubl. tempore, cæteris Ecclesiastici ordinis metu se subducentibus, comes indiuiduus fuit, Cracouiamque electum Regem per varios circuitus, nec enim rectā expeditum iter erat, deducēti semper adhæsit, quò vbi ventum est, nactus pietatis exercendæ occasionem, post tot periculofissimi itineris difficultates superatas, ad refouendos eos Germanos, qui in eo conflictu quo Maximilianus Archidux à nostris victus, atque à mœnibus Cracouienſis vrbis fortiter reiectus, turpiter obsidionem soluere coactus est, capti ac fœdis vulneribus affecti passim, nemine miseris opem ferente, fame & vulnerum dolore extinguebantur, animum conuertit; ratus longè à Christianā pietate alienum, pati homines Christianos, quamuis antea hostes, extremā necessitate perire; quamobrē diligenter conquisitos, etsi ipse satis angustè, idque cum alijs contubernalibus suis hospitaretur, in suum deferri hospitium iubet, atque intra cubiculum indignantibus, & importunam, vt illis videbatur, commiserationem increpanti-

*Magnā cum inuidiā statur consilio Pstroconij de Rege Polon. eligendo.*

*Nouo Regi obuiam mittitur à Carncouio Pstroconius.*

*Regem eleganti oratione salutat.*

*Cracouiam cum Carncouio deducit.*

*Pstroconij pietatis studium erga milites ex conflictu saucios & fame pressos.*



crepantibus ijs, qui in eodem cubiculo degebant, nec factorem varijs morbis affectorum æquo animo ferebant, inducit; ac cum ipsi opes ad curandos refocillandosque eos non suppeterent, ab Archiepiscopo & nonnullis Episcopis, cæterisque vtriusque ordinis pijs viris, emendicatâ pecuniâ medendi peritos aduocat, victum subministrat, vestes etiam plerisque comparat, suasque omnes facultates in vsum eum distrahit. Hæc ille in medijs Reipub. curis, quo ostenderet nullo vnquam tempore ijs qui pietati operam nauare cuperent, eius exercendæ materiam deesse posse. Erat eius industria, & ad res gerendas par animus, non solum Archiepiscopo, sed alijs etiam magnis plerisque viris cognitus, è quibus Hieronymus Comes à Rozdrazow Episcopus Vladislauiensis, vir acerrimi iudicii, tanti ingenium & ad omnes honestas actiones præclaros Pstroconij conatus æstimauit, vt Carncouio non admodum annuente, quod se priuari tam necessario sibi homine ægrè ferret, non repugnante tamen, illum Regionum Secretariorum numero adscribi fecerit, ac simul cum Carncouio Regi impensè commendauerit, atque etiam à Carncouio contenderit, Decanatum Gnesnensè, nobile & opimum inprimis sacerdotium tunc vacuum illi conferret. Sed Carncouius non-nihil eâ re offensus, quod alieno, quamuis non quæsito, sed suâ virtute comparato suffragio Pstroconius niti videretur, quamuis initio ostendisset se illius eâ occasione rationem habiturum, postmodum tamen ad suum ex fratre nepotem Martinum Carncouium, præterito Pstroconio beneficium hoc detulit. Commouit ea res animum Pstroconij, etsi enim non adeò ambitione, à quâ semper alienus erat, processerat, vt certam sibi illius sacerdotij possessionem polliceretur; tamen cum videret aliorum quoque iudicio suæ virtuti illud deberi, non poterat nisi moleste ferre eam sibi fieri iniuriam; dissimulato tamen dolore, nec quidquam de patrono questus paulatim cœpit ab obsequijs illius se subducere. Cuius rei fuit illi oblata occasio percommoda & honesta. Rozdrazeuius Episcopus Vladislauiensis ad transigendum cum Rudolpho Imperatore Romanorum, totaque Austriacâ familiâ, de iniurijs ab Archiduce Maximiliano, Regno illatis, & ad tractandum de illius eliberatione, pactisque renouandis & firmandis, summâ cum potestate cum collegis ad fines Regni missus, Pstroconium è Secretarijs Regijs sibi dari postulauit, quem gnauiter in tam arduo negotio sibi & Reipubl. nauaturum operam non inani spe conceperat; respondit ille præclare conceptæ de suâ industriâ & fide eius expectationi, cum in explicandis maximi momenti consilijs, tum in propositionibus, tractatibus & responsis scripto concipiendis, ita vt non alium ad eam rem libentiùs Episcopus adhiberet, quàm Pstroconium, reque bene gestâ, totoque eo negotio composito, Regi magnoperè commendaret. Quo factum est, vt Anna Regina Poloniæ, cum non ignoraret quanto studio Pstroconius Electionem Regis nepotis sui promoueret, & quâ fide ac industriâ in eo negotio versatus fuerit,

Hieronymi  
Comitis à  
Rozdrazow  
Episc. Vladis-  
lauiensis  
commenda-  
tione inter  
Regios Secre-  
tarios adop-  
tatur Pstro-  
conius.

Ægrè fert  
Carncouius  
secessionē ad  
Regis obsequia  
Pstroconij,  
nihilominus  
eum Regi  
commendat.

Rozdrazeuius  
ad Austriacâ  
domum lega-  
to consiliorum  
& itineris  
socius Pstro-  
conius.

Arebus in hac  
legatione pru-  
denter gestis  
iterum Regi  
& Regina  
commendatus.



fuerit, simul illius pietatem, & in re Ecclesiasticâ administrandâ diligentiam, industriam perspectam habens, vtrò non petenti Decanatum Varſauien. detulerit, quem tamen Pstroconius ne Archiepiscopum offenderet, non prius acceptauit, quàm ille consentiret. Nactus id sacerdotium non tam opibus affluens, quàm loci celebritate illustre, omnem suâ industriam in functione muneris sui, ritè & ad numeros, quod aiunt, explendâ, collocauit; non modò in reformando Clero Ecclesiæ, sed etiam in sacris ad populum concionibus, alijsque suâ vocatione dignis exercitijs præclarè operam collocans, ita vt Regina ipsa & religiosa Princeps, magnoperè illius in obeundâ functione sedulitate delectaretur. Cum autem sub idem tempus Bernardus Macieiouius Episcopus Luceoriensis, Legationem Regis nomine ad summum Pontificem Sixtum V. adornaret, neque munus tantum se ex dignitate obire posse existimaret, nisi tales sibi comites adſcisceret, qui rerum vsu præstarent, ac Pstroconius inter eos, qui huic rei suffecturi proponebantur, facilè principem locum teneret, vtrò ad eum Secretarij Legationis officium defert, quod ille, commendatâ ad tempus pijs & sibi addictissimis Sacerdotibus Ecclesiæ Varſauienſis curâ, eo minùs grauatè suscepit, quòd dudum illi in votis esset Urbem pietatis, & religionis magistrâ ex interuallo inuisere, simulque eadem occasione certa quædam indulta à Sede Apostolicâ obtinere. Expertus est breui Macieiouius, quanti sua, & Regis interesset, habere secum hominem non modò doctum, verùm etiam rerum agendarum peritum, namque illius potissimùm operâ, in expediendis quibusuis negotijs vsus rectè & ex sua, Regis, ac Reipub. dignitate munus hoc obiuit. Interea dum Pstroconius in Vrbe versatur, Rex promotus ad Episcopatum Plocensem Alberto Baranouio Regni Vice-cancellario, Ioannem Tarnouium Rolcium Regni Referendarium, Vice-cancellarium renunciat, Zamoscio Regni Cancellario renitente, ac Petrum Tylicium ad Vice-cancellariatum promouere contendente. Erat in Tarnouio præter cæteras virtutes summa animi magnitudo, quâ præstare cæteris, & nemini cessurus putabatur, nemo illo in amicitijs conciliandis clientelisque parandis promptior, vel magis expeditus fuit, ita vt præcipuos quosque Proceres suâ familiaritate deuinctos teneret. Qui vt primùm munus hoc suscepit, gnarus quanta de se expectatio esset concepta, & ad omnes intentus occasiones, ne qua ex parte inimicis & inuidis oportunus esset, ita se ad gerendum summum eum in Repub. difficillimo Regni tempore magistratum comparabat, vt omnia munia officij sui expleret. Etsi autem complures essent in Cancellariâ Regiâ, ex quibus eum qui Cancellariæ Regens dicitur legere posset; plerique longo vsu probati, & tractandorum negotiorum gnari, cùm tamen ijdem omnes Zamoscij beneficijs obstricti, atque eidem obnoxij putarentur, præter omnem spem & expectationem, munus id ad Pstroconium absentem eo tempore, & in Italiâ agentem, nec vnquam in Aulicis ex-

et Decanatu  
Varſauienſ.  
auctus, munus  
præclarè obit.

A Bernardo  
Macieiouius  
Episc. Luceor.  
Romam Regis  
nomine Lega-  
to, Secretarij  
Legationis of-  
ficium delatū  
Pstroconio.

Ioannes Tar-  
nouius ex Re-  
gni Referen-  
dario renun-  
ciatus Vice-  
cancellarius.

Is absentem  
Pstroconium  
Regentem  
Cancellariæ  
pronunciat.



peditionibus versatum detulit. Intercefferat ei antea cum Pstroconio nonnulla necessitudo, quod frater ipsius filiam Stanislai Tarnouij Castellani Inowlodens. patrui Vice-cancellarij in matrimonio haberet, sed ille præcipuè in eo deligendo industriam noti, ac explorati sibi amici, cui intimas suas cogitationes tutò concedere & committere posset, spectauerat, eoque nomine sibi commendatum habuerat, & ad complectendū

Comitate & agendi dexte-  
ritate inui-  
diam emulo-  
rum superat  
Pstroconius.  
eum animum adiecerat. In eā statione positus Pstroconius, cum non ignoraret omnium ora & oculos esse in se conuersos, potissimum eos, qui diuturno aulae vsu probati, atque in negotijs versati essent, non æquo animo ferre, sibi nouitium anteponi, omnes vicissim ille intendit neruos, vt & conceptæ à Tarnouio de se expectationi responderet, & inuidis ne quam occasionem de se malè existimandi præberet, è quibus plerosque amicitia & consuetudine complexus, breui vniuersis carum

Anno Domini  
1591.  
acceptumque se reddidit. Annus erat Nonagesimus primus supra millesimum quingentesimum, quo Rex iuuenis & cælebs hortante Senatu de ineundo matrimonio consilia agitare cœpit. Præcipui quique suadebant Domum Austriacam legeret, ex quā vitæ & imperij consortem peteret, sed Cancellarius siue familiae Austriacæ odio, siue quemadmodum plerique tum opinabantur, quod nollet Regis potentiam tam illustri affinitate stabiliri, summâ ope niti constituerat, ne Rex, & ij qui in eā sententiâ erant, voti potirentur. Hinc nati illi nouo & nunquam audito exemplo, priuato consilio coacti conuentus, fictæ quorundam criminationes, quæ in publicum prolatae ad cōcitandum in Regē populi odium, multorum in Repub. dissidiorum sequentibus annis causam præbuerunt.

Ex primis  
Regiis nuptijs  
aliqui motus  
in Regno;  
Tarnouius quidem, cui ea vna cura erat, vt aduersis conatibus obsisteret, summâ animi magnitudine partes Regias tutabatur, in eaque contentione prudenter moderandâ Pstroconij potissimum consilij innixus, præclare factionis aduersæ destinata retundebat. Celeberrimus ille Regiarum nuptiarum actus inuito Cancellario, sed maiori parte Senatus ratum id habente, posteaquàm ritè expeditus esset, Rexque Comitia Var-

Quos Pstroco-  
nij consilij  
præclare se-  
dat Tarno-  
uius.

sauia in Mensem Septembrem indixisset, Cancellarius ne frustra commotus esse putaretur, quæ de Rege in priuatis illis Conuentibus sparserat, ac si deferendi, & ad Austriacos deferendi Regni consilia susciperet, ea se probaturum in Comitij offerrebat. Origo eius suspensionis nata non aliundè, nisi quod Rex ex eā familiâ vxorem sumpsisset, quam in adeundo Regno potissimum sibi aduersam expertus erat: proferebantur Ernesti Archiducis literæ, quibus nonnullorum animos prehensabat, quibus confirmare nitebatur Cancellarius eum in spem Regni venire non potuisse, nisi Rege consentiente; de eo inquirendum esse. Contrà Tarnouius, ne-

Partes Regias  
egregiè de-  
sententia  
Pstroconij tu-  
tatur Tar-  
nouius.

quaquam ex dignitate Regni & Regis fore, in Regem, nullius rei conscium leui ex suspicione inquire contendebat: non se dubitare, quin Austriaci appetant Regnum Poloniæ; ita inter mortales comparatum esse, sibi vt quisque potius quàm alteri malit; student Austriaci rebus suis for-

tasse



tasse hominibus nostris rerum nouarum cupidis ambitioni illorum flammis subdentibus, Regem vt à deferendo Regno, sic ab ineundis clandestinis transactionibus alienum semper gessisse animum, & nunc nihil magis in votis habere, quàm Regnum hoc diuinitus ad se suffragijs liberis delatum, quoad vita suppetet, pacatè regere; in eam spem cepisse vxorem peritam quidem ex Austriacâ familiâ, sed publicè constitutis more maiorum pactis, solennibus legationibus præmissis, nihil in eo suspectum videri posse; denique ad abolendas veteres iniurias, stabilendamque inter Regna vicina amicitiam, vetustas necessitudines nouâ affinitate firmandas fuisse, pacem exinde stabilem, & constâtem secuturam, nec relictum iri locum suspicionibus, quæ in Regem temerè hætenus coniectæ fuissent. Hæc vtrò citroque datis scriptis, in quibus potissimum industria Pstroconij versata est, agitabantur. Sed Tarnouio graui oppresso morbo, ob eumque in publicum non prodeunte, parum cauto quorundam consilio factum est, vt quamuis haud constaret, an eiusmodi quidpiam Austriaci à Rege postulauerint, Rex tamen tranquillandi causâ hominum animos, se ab Austriacis, de Regno illis tradendo fuisse appellatum fateretur. Mors deinde Ioannis Regis Sueciæ altero anno secuta, suscipiendæ eò profectionis, Sigismundo Regi necessitatem fecit, vt & iusta Patri persolueret, & possessionem hæreditarij Regni adiret. Paucierant qui Regem trans mare euntem sequi vellent, nec Tarnouius omnes quorum operâ in functionibus Cancellariæ utebatur, secum ducere poterat, quamobrem omnis negotiorum moles in Pstroconium incubuit, quæ quàm grauis & operosa fuerit, non attinet dicere. Res Sueticæ initio pacatæ videbantur, Rex fidei subditorum confusus inermis eò iuerat: id Carolus Regis patruus conspicatus, iniquissimis legibus, & conditionibus Regem circumscribendi, quoad occupandum Regnum viam sibi sterne- ret, audaciam sumpsit, ausurus vel in ipso Coronationis Regiæ actu mul-  
tò plura, nisi incredibili quadam animi constantiâ Tarnouij, nefarij ipsius conatus detecti & fracti fuissent: nam cum die quadam clam cum cõscijs conspiratione factâ, eo animo præter solitum comitatus in arcem Vpsalien. venire constituisset, vt Regi iniquissimas condiciones ferret, & nili ijs assentiretur, obedientiæ eius nuntium remitteret; Tarnouius longè antè quid ille moliretur sagaciter odoratus, Rege præmonito, omnes quotquot erant Poloni, qui cum Regio peditatu non vltra mille erant, in armis esse iubet, portas arcis arctâ, sed non apertâ custodiâ circumdat, Carolo cum suis ingrediendi potestatem facit, cæterâ turbâ quæ confusè arcem ingredi volebat exclusâ, indignâtem propterea Carolum, ac nescio quid contumaciùs proloquentem minaciter interpellat, ipsi & Suecis ingratum eorum erga Regem animum exprobrat, se non ignorare cuius rei causâ venerint, priùs cum vniuersis Polonis paratum esse vitam profundere, quàm pati quidquam indignum Regiâ Maiestate fieri, illum primum exitio capitis sui perfidiæ suæ litaturum. Hæc vehementi vultus &

*Regem in  
Sueciam ab-  
euntem comi-  
tatur cum  
Tarnouio  
Pstroconius.*

*Insanos Sue-  
corum contra  
Regiam Ma-  
iestatem co-  
natus egregiè  
retundit Tar-  
nouius.*



*Pro dignitate  
& securitate  
Regia Maie-  
statis in Sue-  
ciâ, solus cum  
Pstroconio  
maiorē operâ  
laborat Tar-  
nouius.*

*Regis ac Polo-  
norum lata è  
Sueciâ dis-  
cessio.*

totius corporis concitatione, simul Carolo nunciatur portas Arcis custodiri; ille scelere vecors pallere primò, mox in cuius criminis suspicionem vocetur, se ignorare simulare. Actum eo die fuisset facinus memorabile, prouisumque ijs tempestatibus quæ à Carolo concitatae, & Sueciam interuerterunt, & Regno Poloniae maxima incommoda intulerunt, ni Rex sinistras suspiciones veritus, Tarnouij impetum retinisset. Regina quoque tum partui vicina ad sedandam eam concertationem se interponebat, id tamen tum effectum, vt Carolus multum de ijs quæ animo conceperat remittens, longè faciliorem se præberet, seu vt veriùs dicam, cum apertè obfistere non auderet, se Regiæ voluntati obsequi velle simularet, clam tamen res suas ageret. Coronatione peractâ, cum & Rex Carolo meritò parum fideret, & ille non obscurè quid animo moliretur ostenderet, Tarnouius vt securum Regi è Sueciâ discessum, deque rebus Sueticis disponendis liberam facultatem prouideret, cum solo tantum Pstroconio communicato cōsilio, mihi mandat, vt ad certos Proceres Polonos literas Regis nomine scriberem, quibus significabatur, quo in periculo Rex esset; res ista adeò secretò transacta, tractataque est, vt non modò Sueci, sed ne nostri quidem, qui cum Rege erant priùs ea subsidia in Poloniâ parari præsentire possent, quàm circiter tria millia lectissimorum virorum Dantisca naues conscenderint, ac prosperâ vsi nauigatione, in portum Stocholmien. appulerint: fuerunt autem è præcipuis duo Czarnkouij, Andreas & Ioannes; Stanislaus Warszycki Cobrinenfis tunc Capitaneus, postea Varlauiensis Castellanus, postremò nunc supremus Regni Thesaurarius; Adamus Stadnicki ab Hieronymo Gostomski Palatino Poshan. focero suo missus; Stanislaus Bykowski Castellanus Lancienf. nunc Palatinus Siradien. Ernestus Weyher, ceterique alij euocatorum lectissimam manum secum trahentes. Inuitabat tum Rex Carolum ad leuandam de sacro fonte recens sibi natam prolem, simul de constituendis rebus Sueticis se cum illo consilia communicare velle ostendebat. Sed ille suspectum habens Regis apparatus, & ex conscientia sceleris finistrum aliquid de Rege suspicans, excusatione vsus venire reuinit. Rex itaque summâ rei certis gubernatoribus commissâ, admirantibus Suecis tantam Polonæ gentis erga Regem fidem & amorem, qui maris immensa spatia eos emetiri coëgit, summâ omnium Polonorum lætitiâ è Stocholmensi portu sub finem Iulij, Elsnabo verò, vbi aduerso vento detentus complures dies in anchoris stetit, medio Augusto soluit, Gedanumque feliciter appulit. Hæc quæ à me commemorata sunt, parum ad Pstroconium pertinere videri alicui possunt, sed id à me propterea factum, vt ex eo æstimaret posteritas, quid de illo sentire debeat, qui tantis rebus gerendis & moderandis non modò interfuerit, verum etiam communicum Tarnouio consilio penè præfuerit; nam Tarnouius nihil maioris momenti nisi ex eius sententiâ aggredi solitus, omnia ad eum referebat, vt ab eius prudentissimis cōsilijs pendere totus videretur. In eâ cū Tarnouio



uio coniunctione , toto eius Vice-cancellariatus tempore constanter mansit , vt nulla vnquam inter eos intercesserit animorum mutatio , in omnibus è contra Pstroconius Tarnouio satisfecerit, voluntatiq̃ue & rationibus illius se accommodauerit , ac Regi inprimis fidẽ & obsequium, & ad res gerendas industriam egregiè probauerit. Tarnouio autem ad Episcopatum Posnaniensem assumpto, auctus Pstroconius Praposituram Lancicien. etsi eo loco se in Regis gratiâ esse non ignoraret, vt primâ occasione se ad aliquam maiorem dignitatem promotum iri non dubitaret; tamen piâ quadam consideratione , aulicas occupationes minùs dignas sacerdotali ordine existimans, magnoperè cœpit affici vitæ priuatae desiderio , maximè cùm videret orbem aulicum esse conuersum, Vice-cancellariatum delatum Petro Tylicio Episcopo Culmensi, de cuius erga se beneuolentiâ non poterat sibi multum polliceri , quòd is Cancellarij gratiâ promotus Tarnouianam factionem exosam habiturus existimaretur. Et erat occasio non importuna secedendi ab aulâ , quòd Rex eo tempore nuper in puerperio amissâ vxore, nouam in Sueciam profectiorem moliretur, facileq̃ue ijs qui in aliquo magistratu non essent , daretur facultas manendi in Polonia. Sed Tarnouius vbi eâ mète intellexit esse Pstroconium, obiurgatum amicè, grauissimis rationibus impulit ad mutandam sententiam, Regiq̃ue intimè commendatum in Sueciam proficisci iubet. Plena periculi erat ea expeditio, nam Carolus apertè Regis hostis classẽ maritimumq̃; omnem apparatus, quo Regni Sueciæ vires potissimùm continentur, inuaserat, & in suâ potestate habebat, ita vt Rex mercatorijs nauibus ad traijciendum mare, transportandasq̃; pedestres copias (quæ quinque circiter millibus censebantur) vti necesse habuerit. Dederant fidem Proceres Sueciæ, vt primùm Rex littus Sueciæ attigisset, se Equestribus copijs Regis exercitum suppleturos, venerantq̃; non infrequentes ad Regem, postquam is primo in terram excessu, ac nominis sui terrore, Calmariam arcem munitissimam recepisset. Suadebāt nostri, vt coniunctis viribus Rex terrestri itinere penetralia Regni peteret, praeuenturus hostem, planè eo tempore imparatum, ac facilè omnia in suam potestatem redacturus. Sed Sueci veriti, ne si Rex terrâ iter faceret militari insolentiâ, cùm id tempus messis esset, agri vastarentur, dum maturis suis frugibus parcent, Regem in maximum discrimen coniecerunt; nam eorum, nequicquam dissuadentibus Polonis, secutus consilium, conscensis iterum cum ijs, quas è Polonia adduxerat copijs nauibus, in altum reuectus coortâ tempestate, ac vniuersâ feruente classe toto æquore disiectâ, vix cum aliquot nauibus Streliburgensem portum, quem conueniendæ sororis causâ, ac quod eò Sueticas copias venturas sperabat, potissimùm petebat, tenere potuit. Reliquæ naues militibus onustæ, in diuersos eiectæ portus eundem cursum tenere non potuerunt. Non ignarus eius rei Carolus, classẽ inprimis ad interceptum in eo portu Regem expedit, ipse cum Exercitu Stechburgum versus contendit,

Tarnouio ad  
Posnaniens.  
Episcopatum  
euecto, seces-  
sionem ab  
aulâ Regiâ  
meditatur  
Pstroconius,  
iam tunc  
Prapositus  
Lanciciensis  
factus.

Eum ab hac  
sententia ab-  
ducit obiur-  
gatum Tarno-  
uius & in  
Sueciam Re-  
gem comitari  
rursus præci-  
pit.

Aduentus Re-  
gia Maiesta-  
tis in Sueciâ.

Tempestate  
disiecta Polo-  
norum classis  
& copia.



*Res Suetica  
turbulenta.*

*Poloni peri-  
clitantur in  
Sueciâ.*

*Ibidem peri-  
culum adit  
Pstroconius.*

*Magnus &  
constans ani-  
mus inter pe-  
riclitandum  
Pstroconij.*

tendit, quo etsi aliquot vexilla Equitum Sueticorum Regis stipendio inaucloratorum venissent, tamen exigua in eis auxilij spes erat, quod artibus Caroli corrupti suspectæ essent fidei, palamque ostenderent se contra Suecos alios non esse pugnaturos. Superuenit interea Carolus, ac cum id vnum cuperet, ut classi quam sub idem tempus eò appulsuram credebatur iungeretur, incaute progressus non ante errorem agnouit, quam à Regio exercitu, Ducibus eà opportunitate egregiè vis circumueniretur. Planicies erat mari adiacens, septa montibus, in eam Regij Duces Carolum descendere passi, subito angustias omnes occuparunt; ab alterâ parte Regiæ naues dispositæ, ad litus latera exercitus Suetici tormentorum ictibus quatiebant. Erant in exercitu Caroli peditum equitumque circiter sedecim millia, sed non multum in bellis exercitatorum: Rex non amplius tria millia habebat peditum, quibus tamen tantum animi fuit, ut ad expugnandum hostilem exercitum loci opportunitate adiuti suffecturi putarentur. Et sanè debellatum eo die fuisset, ni Rex mitiorem secutus sententiam signum belli dare vetuisset. Nam Sueci, qui cum Rege erant, appellati eo nomine à Carolo, conditionibus æquis rem se composituros pollicebantur: fraudenè id fecerint, an à Carolo decepti fuerint, affirmare non ausim; illi se veritos esse asseriebant, ne si flos iuventutis Sueticæ sub ictum daretur, vires Regni sui enervarentur. plerique tum suspicabantur eos nequaquam plenæ Regem victoriæ potiri voluisse, ut eo ipso suam quoque potentiam stabilirent. Ille certè dies partes Regias afflixit; nam paulò post classis Caroliana plenis in portum inuecta velis, Regias naues disiecit, partemque eam quâ Regius Exercitus tutus erat, ac ipsammet Regis stationem infestare cœpit, & breui in summas redegit angustias, ita ut noctu silenti agmine, eo loco Rex excedere coactus fuerit. Pauci è comitatu Regio equos habebant, quibus terrestri itinere faciendo uti possent. videre erat plerosque abiectis sarcinis, nisi si quid auri vel argenti in promptu erat, quod commodè apportari posset, iter pedibus emetientes, omnibus exutos impedi-  
mentis. Pstroconius eo tempore magnum adiit periculum, nam equo labente parum abfuit, quin in potestatem hostis terga abeuntium infestantis venisset: Diuino tamen beneficio recuperato, mox qui aufugerat, equo seruatus est: eximia tum eius animi constantia cæteris metu consternatis enituit; nam ut erat faceto & amœno ingenio, quid, inquit, tantoperè vos ista aduersa fors perturbat? quin ut ille Philosophus exutus opibus: Ergo iterum ad pallium & baculum fortuna? nos quoque idem in præsentis rerum statu usurpemus. Id cum nemo è Secretarijs Regis Stoicam sectam tristi vultu præferre solitus molestè ferret, vulgatoque Kocha<sup>o</sup> cuius versu, non sanæ mentis eum esse qui in rebus aduersis rideret, huius iritatem Pstroconij proscinderet: Tu verò ipse minùs sanus es, (inquit Pstroconius) qui mihi in malâ re mentem bonam adimis; Ego quæ ad me attinet, ita paratus huc veni, ut ea quæ acciderunt.



runt euenire posse non dubitarem, & ad ea ferenda animo obfirmato essem: tu si hæc fieri posse antè non expendisti, non mirum si nunc metu consternaris, animoque concidas. Commissio ad Lincopincum prælio, <sup>Res Polona prodita in Sueciâ.</sup> rebusque Regijs in angustum redactis, posteaquam Rex cum Carolo in colloquium venisset, conuenerat, ut dimissis utrimque copijs Rex nauibus Stocholmiam proficisceretur, indictisque Comitibus de mutuis iniurijs isthic transigeretur. Plena erat ea profectio periculi, & meritò suspecta omnibus: Rex tamen cum datam Carolo fidem seruare statuisset, ita se parabat, ut ad condictam diem Stocholmiæ esset, plerisque ac inter eos Tylicio Vice-cancellario, & Simone Rudnicio Regente Cancellariæ missionem petentibus: Pstroconius se Regem in omni quod accidere posset periculo non deserturum professus est, ac se mansurum cum Rege pollicitus, cæteris animum addidit, pauidos verò in ruborem dedit, quæ res fuit admodum grata Regi, qui mox animaduersis Caroli technis, compertoque sibi ab eo fucum fieri, & insidias comparari, mutatâ <sup>Cæteris missionem petentibus Pstroconius Regi constanter adhaeret.</sup> sententiâ, consensâ naui classem Calmariensem portum petere iubet, expertus in eâ nauigatione maximam maris tempestatem, eaque pericula, quæ de Mense Nouembri nauigantibus euenire solent; imposito tamen Calmariae præsidio, disiectâ ventorum vi classe, ipse ad littus Pomeraniæ nauem adegit, scaphaque ad terram vectus, curru Dantiscum delatus est; ubi aliquot naues, ac inter eas illa quoque quâ Tylicius, Pstroconius, cæteri que ferè præcipui vehebantur, antea appulerant. Hunc finem habuit ea Regis in Sueciam expeditio, ex quâ Pstroconius magnam constantis animi laudem retulit, rebus suis omnibus, cum pauci essent, qui maxima damna non accepissent, saluis. Varfauiae postquam eò Rex venisset, nactus otium, cum nullum publicum munus gereret; res in Sueciâ gestas, causasque eorum motuum explicare, & <sup>Ex Sueciâ reuersus Pstroconius Commentarios itineris Suefici ac rerum isthic gestarum per otium conficit.</sup> scripto comprehendere cœpit; reliquissetque egregium ingenij sui monumentum, nisi fato quodam elegans illa lucubratio nondum planè perfectaperisset. Intercedebat eo tempore non mediocris dissensio, inter Stanislaum Carnouium Archiepiscopum Gnesnensem, & Hieronymum Rozdrazewski Episcopum Vladislauensem, causas eius non attinet dicere, ne summorum virorum parum sedati animorum motus famæ, & nomini eorum notam aliquam inurant; illud tamen adijcere libet, Carnouium facili & hilari animo contemnere solitum arrogantiam aliorum, grauem contra Rozdrazeuium, & omnia actionum momenta expendere assuetum, ac propterea suspicacem; hinc inter dissimiles orta discordia, quæ ne Reipub. negotia impediret, Rex prospiciendum ratus, dat <sup>Ex Regis commissione graues controuersias inter Archiepiscop. Gnesnensem & Episcopum Kaniensem. componit Pstroconius.</sup> negotium Pstroconio, eius controuersiae suo nomine componendæ. Difficile admodum erat utrique persuadere, ut æquis conditionibus, de eo quod inter eos controuersum erat, transigi paterentur. obstinatio Rozdrazeuius, iurisque sui tenacior, videbaturque Pstroconius frustraniti; sed cum Rozdrazeuius præclare de ipsius pietate sentiret, non poterat



terat nisi accommodare aurem dictis & persuasionibus eius, quibus tandem fractus & emollitus, totum se arbitrio Pstroconij permisit, nec Carnouius diu moratus, se quoque quidquid Pstroconius censuisset, æquo animo laturum ostendit: ita ille prudenter vsus eâ potestate, æquissimo iudicio lites composuit, omnesque occasiones, quibus animi tantorum virorum inuicem exasperari possent, sustulit, ac vtrique ob eam causam gratus admodum per literas Regi diligentissimè commendatus fuit. Erat tum in aulâ de eius virtute & meritis eâ opinione, vt omnium iudicio aliquo maiori Magistratu cohonestandus censeretur, cuius rei adfuit breui occasio. Ioannes Galczynius Referendarius Regni, non diuturno, sed acri correptus morbo cessit è vitâ. Rex tum iuri dicundo vacabat. igitur ne qua mora iudicijs exercendis fieret, viuo adhuc Galczynio causarum referendarum munus contra voluntatem Tylicij, qui id ad alterum deferri volebat, iubet obire Pstroconium, explorataque ipsius industriâ, statim à morte Galczynij, cum aliâs in eiusmodi occasionibus diuturnâ deliberatione desideria ambientium torquere solitus sit, Magistratum ipsum non multum ambienti, atque omni externo suffragio destituto, sed à virtute & doctrinâ commendato confert. Dicitur non potest quantâ integritate in eo munere, quod grauissimum est, obeundo versatus fuerit. Inprimis morem inueteratum iudicati nomine, vel vt causa prius in iudicio proponeretur, sportularum vel munerum exigendorum suâ abstinentiâ sustulit, deinde pupillorum, & egenorum suscepto patrocinio, ad expediendas eorum lites, qui diuturnis iuris anfractibus, vt plerumque fit, fortunas suas corruperant, omni studio incubuit, ab omni sorde alienus, grauis in dicendâ sententiâ, expeditus in percipiendis causis difficillimis, nisi quòd in explicandis animi sensibus maiorem facilitatem quidam in eo desiderarent, nec enim prompta, & fluens illi facundia fuit, prudentem magis, quàm eloquentem dixeris, quanquam nec eâ laude caruit, non modò vt meditata & improuisa, sed subita etiam promptè expediret. Sed illi in eo Magistratu magnam adferebat difficultatem non multum propensus erga se Tylicij Vice-cancellarij animus, què etsi omni modestiâ, & obsequio demereri studebat, tamen ille naturâ asperior, non libenter videbat Pstroconium aliquas in Regis gratiâ partes habere, vel ad spem maioris alicuius dignitatis accingi, offensus postremò, quòd Præposituram Gnesnensem, quam cum Episcopatu Culmensi beneficio Regis, & Sedis Apostolicæ reseruata tenuerat, & posteaquam Episcopatum Varmien. adeptus esset, se illâ abdicauerat, à Rege Pstroconius obtinuisset. Igitur primâ quæ oblata est occasione, ab aulâ se subducendi vsus, Episcopatum Præmissiens. multum dissuadente Tarnouio, cum reseruatiōe Præpositurarum Gnesnensis & Lanciciensis. deferentibus ijs ipsis quibus stimulante inuidiâ gratum erat eum ab aulâ longiùs submoueri, acceptauit: dicere solitus, minimè conuenire ijs, qui sacris addicti essent, diutiùs in aulâ morari; eorum officium esse, procurare

*Regni Referendarij vices subit ac dein extincto Ioanne Galczynio creatur Referendarius.*

*Qualem se in hoc Magistratu virum exhibuerit.*

*Pstroconium Gnesnensis Præpositus.*



rare salutem humanam, easque inire rationes, quibus quàm plurimi ad rectam virtutis, & pietatis viam reduci possent. Caterum diligenter expendens, quem iniret vitæ statum, ita se comparabat, ut vocationi suæ quoad eius fieri poterat, responderet, ac memor suæ cum Carnouio conjunctionis, ab illo Episcopus more solenni inaugurari voluit, ac eius rei gratiâ, & prætereâ voti ad aram D. Adalberti persoluendi causâ, Gnesnam usque profectus est, benigneque à Carnouio exceptus, & consecratus, cum is quantoperè fidei & pietati Pstroconij fideret, testari voluisset, sciretque eum aliquot septimanis in Archidioecesi Gnesnensi moraturum, totam Episcopalis muneris functionem cum illo communicavit. Conuento deinde in arce Ciechocinenfi Tarnouio (Episcopus Vladislauensis iam is à Rege renunciatus erat) in Siradiense Territorium, posteaquâ Archiepiscopum Lanciciæ iterum salutasset diuertit, atque in paterno prædio paulò minùs vno mense exacto, vicinas quasque Ecclesias secundum acceptam ab Archiepiscopo potestatem inspexit, statumque illarum explorauit, multa templa recens constructa consecrauit, multa millia hominum sacro chrismatis oleo inunxit, in eoque opere ita diligens, ac sedulus fuit, ut nec valetudini, nec sibi ipsi parcere vellet, ac planè rudimenta functionis suæ in alienâ Diocesi deponere studeret. Postea in Cestochouiensis Monasterij toto orbe celeberrimo Diuæ Virginis templo sacris operatus, votisque exsolutis, ad Episcopatum suum professionem suscepit; quò posteaquam peruenit, totum se planè ad obeundum officium illud diuinitus ad se delatum effudit, non ad honorem & ad dignitatem, sed ad labores, & solitudines se vocatum dictitans. Cuius rei memor, in ipso suscepti muneris initio eò animum intendit, ut institutâ totius Diocesis vniuersali visitatione ouile gregemque suum exactè recenseret, quod ita præstitit, ut triennio toto huic rei impensâ operâ nullum paulò illustriorem in totâ Diocesi locum prætermiserit, quem non adierit, rationesque Ecclesiarum, & eorum, qui ijs præerant diligenter examinauerit, ac legibus quæ ad Cleri reformandos mores, populumque ad pietatis studia incitandum pertinerent latis, plurima in pristinum statum reduxerit: sæpè ipse è publico suggestu concionatus, nunc cohortationibus, nunc sanctissimarum actionum exemplo cæteris præeundo, arguendo obstinatos, vnumquemque salutis suæ commonefaciendo, pij & diligentis pastoris munus obibat, & ut omnes officij sui admoneret, edictum contra vsurarios, & concubenarios promulgari fecit, grauissimas, & à iure præscriptas pœnas proponens ijs, qui eiusmodi criminibus tenerentur. Acciderat ut templum Cathedrale, ortâ inter Ioannem Thomam Droiouium Referendarium Regni, ac Capitaneum Præmisliensem, & Stanislaum Stadnicki de Lesko pugnâ, tormentorum ictibus ac cæde nonnullorum in ipsâ templi sacrâ areâ perpetratâ violaretur: indignè eam rem, ut par erat, ferens Episcopus, omnibus aditu Ecclesiæ interdixit, eum qui seditionis auctor erat, à sacra communione remouit.

*Ut se ab aula  
remoueat,  
Episcopatum  
Præmislien.  
frustra disua-  
dentibus ami-  
cis acceptat.*

*A Carnouio  
Gnesnensi  
Archiepiscopo  
consecratur.*

*In Archidia-  
cesi ita volen-  
te Archiepi-  
scopo Epi-  
scopalis officij  
rudimenta  
ponit, templa  
consecrando,  
& in visitatis  
Ecclesiis chris-  
mate fideles  
vngendo.*

*Visitat vni-  
uersam Dia-  
cesim.*

*In Templi  
Cathedralis  
Præmisliens.  
violatores  
grauiter ani-  
maduertit,  
nihil veritus  
eorum poten-  
tiam ac sa-  
milie splen-  
dorem.*



mouit. Capitaneus is erat Præmissiensis homo potens, ac factiosus, qui  
 cum initio decretis Episcopi nequaquam obsecundaturus putaretur, eò  
 tamen postea se demisit, ut veluti præsentis numini sacris vestibus in-  
 duto Episcopo, & extra limen Ecclesiæ progresso ad genua aduoluere-  
 tur, supplexque, cunctis vehementer admirantibus, veniam facti preca-  
 retur, atque impositam eo nomine sibi poenam ultro susciperet. Eadem  
 animi constantiâ usus aliquot sacras ædes ab Hæreticis occupatas, Ca-  
 tholico ritui restituit, prouisionesque earum recuperauit. In propagan-  
 do cultu Diuino sedulus, non modò idoneos verbi diuini præcones con-  
 quirebat, sed ipse etiam idem munus sæpè obibat. Inter alia pietatis stu-  
 dia, pauperum & egenorum peculiarem curam habuit, ac ut decenter &  
 religiosè in Xenodochijs Nosocomijsque degerent, omni ex parte proui-  
 dit; Litaniarum vesperi quotidie recitandarum usum in eiusmodi colle-  
 gia introduxit, ac lege perpetuâ id ipsum sanxit. Et ut, quemadmodum  
 existimaret, curam pauperum Episcopo incumbere demonstramus,  
 argumento sit, quòd designatus adhuc Episcopus, dum Rex Corcini  
 peste eo tempore, & fame circaquaque grassante versaretur, ac plurimi  
 eò opis implorandæ causâ confugerent, ille egenorum patrocinium sus-  
 ceperit; vestes, alimentaque prouiderit, & gregem pupillorum in classes di-  
 uiserit, alios artibus mechanicis erudiendos tradiderit, nonnullos obsequijs  
 locupletiorum addixerit, omnium uti pater curam gesserit, aulâ totâ Re-  
 gis inspectante, & optimi Antistitis pium erga egenos affectum mirante  
 probanteque. Iaslicijs certè oppido Episcopatus Præmissiensis ædes pau-  
 peribus alendis construxit & dotauit. Brzozouienſe Xenodochium  
 prouentibus annuis auxit. In coërcendis puniendisque ijs, qui in aliquo  
 deliquerant, seueritatem mansuetudini permixtam adhibebat, conten-  
 tus sæpè si quis maximè ex Clero verborum illius efficaciam permotus  
 facti poenitentiam lachrymis testaretur. Aliquem semper Sacerdotem,  
 qui omnium suarum actionum inspector, & testis esset, secum habe-  
 bat, eumque pietate insignem, ac potissimum aliquem è Societate IESV  
 deligebat. Quo die in Episcopum consecratus est, vestem cilicinam clam  
 comparatam sumpsit, totoque triennio detulit, alijs item ad domandos  
 inordinatos carnis motus usus remedijs, extraordinarijs abstinentijs, ieiu-  
 nio etiam Aduetus Domini quod illi solenne erat, quotannis exactissimè  
 obseruato, se macerabat. Iam verò in Politicâ Episcopatus administra-  
 tione, eaque muneris sui parte quæ ad Senatoriam functionem pertinet  
 explendâ, excellens admodum fuit. Exigua erat antea in Russiæ Con-  
 uentibus Episcopi Præmissiensis auctoritas, quòd eâ non multum opibus  
 pollens tantorum Procerum, quibus ea prouincia abundat, potentiam  
 obscuraretur; Sed Pstroconius initio statim suscepti Episcopatus, nunc  
 hos, nunc illos sibi adiungendo, ac officijs amorem primariorum sibi  
 conciliando effecerat, ut longè aliam de se homines conciperent opi-  
 nionem, existimarentque illum arbitrio alieno non addicturum sua  
 consi-

Magno &  
 constanti ani-  
 mo Tempia ac  
 redditus eorū  
 ab Hæreticis  
 recuperat.

Mira Pstroco-  
 nij Episcopi  
 erga inopes  
 pietas.

In delinquen-  
 tes benignus,  
 in se austerus,  
 cilicium quod  
 die consecra-  
 tionis sue  
 sumpsit, ad  
 triennium nō  
 deposuit.

Episcopi &  
 Senatoris di-  
 gnitatem gra-  
 uissimè tuetur  
 in Russiæ  
 Conuentibus.



consilia, sed ea ex animi sui sententiâ moderaturum, id quod primo, qui Vîsnæ erat indictus conuentu, luculenter satis ostendit; nam magno Procerum numero, qui eum honoris causâ deducebant eò ingressus, in expediendis consilijs publicis facilè primas partes tenuit, ita vt & sententiâ ipsius ab omnibus comprobata esset, & cùm antea Senatores omnes dictis sententijs excedere loco consilij, quo Equester Ordo priuatim de rebus deliberare posset, solerent, tunc publico omnium consensu quòd Nobilitas multum candori Episcopi fideret, illum, & alios Senatores retinuerit, nec aliter nisi illis præsentibus consilia sua se expedire velle ostenderit. Quanta auctoritate in Comitijs Cracouiensibus Anno millesimo sexcentesimo tertio celebratis, quæ prima posteaquàm Episcopus factus esset, fuerunt, sententiam dixerit, & quam spem de se concitauerit, non attinet recensere; illud sanè constat neminem tunc fuisse, qui partium factione infectus non esset, qui illi Vice-cancellariatum, quo per leges Regni Tylicius Episcopus Varmienfis diutiùs fungi non poterat, deberi non putaret; quæ res mouit Cancellarium, vt omni conatu ad retinendum in Magistratu Tylicium lege soluentibus obtinuit. Reuersus ad Episcopatum, in eo constituendo omne tempus impendit, in primis autem de iuribus bonorum Ecclesiæ diuturnas controuersias cum potentibus vicinis ortas, & in varias lites productas, mirâ quadam solertiâ sustulit, finibusque certis fundum Ecclesiæ circumscripsit, ne qua deinceps de eo quæstio oriri possit, prædia nonnulla restaurauit, vnum etiam extirpatis, excultisque agris construxit. Oppidum Iaslicienf. in finibus Regni Hungariæ situm, mercatu vini nobile, muris cingere aggressus non mediocri parte eius operis effectâ, posteris eius munitionis perficiendæ exemplum reliquit. Grauis eo tempore in Regno Poloniae familiam Diui Dominici discordia agitabat. Paucorum factione seiunxerant se Monasteria Russiæ ab obsequio eius Ordinis per Poloniam Præfecti; denique eò vsque ambitio discordias fouentium processerat, vt magno religionis dehonestamento, ad arma & cædes esset ventum, his illos è Monasterijs exturbantibus. Proceres plerique prout erga alteram eorum partem affecti erant, Episcopi etiam alij Russis, alij Polonis fauebant, opemque ferebant. Res agebatur magnâ contentione non in Poloniâ modò, sed in Vrbe ipsâ, adeò vt Clemens VIII. Pontifex Maximus, manus supremæ potestatis ad comprimendam eam seditionem admouere coactus fuerit. Igitur is dat negotium Pstroconio cognoscendæ eius causæ, qui solerti adhibitâ industriâ, posteaquàm vtriusque partis rationes expendisset, graui oratione castigatâ virorum religiosorum minùs religiosâ contentione persuasit, vt depositis odijs, æquas, quas ille præscripserat, concordie condiciones acceptarent. ita tum perniciosum schisma extinctum, & dignitati Ordinis in Ecclesiâ Catholicâ suo merito illustris, optimè consultum est. Interea fit certior Pstroconius, Ioannem Tarnouium Archiepiscopum Gnesnensem supremo grauatum morbo, in summo vitæ periculo

Anno Domini  
1603.

Dicta primū  
in Senatu à  
Pstroconio  
sententia,  
quantam illi  
commendationem conciliauerit.

Episcopatum  
suum ab iniurijs vindicat  
ac in splendorem pristinum restituit.

A Clemente  
VIII. Pontif.  
Max. arbitratore  
ad componendas in Diui  
Dominici per  
Russiam &  
Poloniam  
controuersias  
constitutus,  
rem inter  
dissidentes feliciter componit.

Ioannis Tarnouij Archiepiscopi Gnesnensis morbus supremus.



*Quâ ratione  
in Archiepi-  
scopu euectus  
fuisse.*

*Quanto ap-  
paratu Gnes-  
nâ ingressus.*

*Qua simul-  
tates inter  
eum & Can-  
cellarium in-  
teruenissent.*

*Moritur Tar-  
nouius.*

culo versari. Paulò antè is Stanislaò Karncouio immortalì memoriâ di-  
gno Antistite, (qui Ecclesiam Gnesnensem, Collegiumq; eius beneficen-  
tiâ suâ ita auxit, vt quod nunc eum splendorem retineat, illi potissimum  
acceptum ferat) vitâ functo, Archiepiscopus Gnesnensis Regis beneficio  
renunciatus erat, prælatus in eâ petitione Tylicio, qui magnoperè eam  
dignitatem quæ prima est in Repub. concupiuerat, non solum quod lo-  
cus is vetustâ consuetudine Episcopis Cuiuiensibus deferri solitus fuerit,  
verum etiam quòd Tarnouius suâ animi magnitudine, partisque opibus,  
& tantis quas sibi comparauerat clientelis, eorum conatus qui de Rege  
in ordinem redigendo, consilia inibant repressurus, & Regiam dignita-  
tem Primatiali potestate asserturus putaretur. Quam conceptam de se  
expectationem vt non modò conseruaret, verum etiam augetet, ita se  
statim comparabat, vt splendore nominis sui, & liberalitate in pristinum  
statum Archiepiscopalem dignitatem restitueret; cuius rei causa præter  
splendidissimum & numerosum aulae comitatum, complures magni no-  
minis Senatores sibi adsciuerat, qui illi præsentessent, & quorum ope-  
râ in consilijs expediendis inniteretur, maioreque apud omnes esset au-  
toritate: Gnesnam eo apparatu ingressus, vt suâ magnificentiam omnes  
qui vnquam in eo genere clari & illustres erant, cunctorum confessione  
superarit, vniuersamque Poloniam in admirationem sui conuerterit. Erat  
ei idem de Repub. sensus cum Sigismundo Miscoiio consanguineo suo  
Supremo Regni Marschalco, ac præcipuum hominum opinione in Re-  
gis gratiam locum eo tempore tenente, vtrique idem studium Regiæ di-  
gnitatis conseruandæ, quorum potentia cum in tantum excreuisset, vt suâ  
factione quiduis in Republicâ effecturi viderentur, Cancellarius sanè siue  
quòd omnino ita existimauerit, seu inuidiæ in Tarnouium, cuius omnis  
apparatus valdè illi suspectus fuit, concitandæ causâ, spargit Tarnouium  
conspiratione cum Rege factâ, Regnum inuitis Ordinibus per vim in  
proximis Comitibus in filium Regis Vladislaum Principem transferre vel-  
le, eiusdem criminis Miscoium, ac præterea quod is accitis peregrinis  
titulis Equitis Poloni modum excederet, insinuat. Erat tum quoque  
in deliberatione Regis connubium, erant præterea multa Reipub. nego-  
tia, totque & tam potentes factiones, vt quemnam exitum habitura es-  
sent futura Comitibus, incertum esset, maximè quòd in iisdem Vice-can-  
cellariatus, Tylicio Episcopatum Cuiuiens. adepto, alteri cuiuspiam con-  
ferendus esset, qui ne ad eum qui alterius factionis esset deueniret, Can-  
cellarius summâ ope adniti constituerat. In eo rerum statu, vt dixi, Tar-  
nouius graui ictus morbo, posteaquam aliquot septimanarum ægritudi-  
ne vexatus esset, piè & religiosè excessit è vitâ. Venerat ad eum Pstroco-  
nius paulò antequàm vitâ functus esset, sed iam à sensibus alienatum in-  
tercluso linguæ vsu eum repperat, vt nullâ de re cum eo conferre posset.  
Delatam autem ad se supremâ Tarnouij voluntate testamenti curam ita  
suscepit, vt nihil prætermitteret, quò ea quæ ille iussit, rata fierent, in  
eaque



eaque re summam fidem defuncto amico & benefactori suo præstitit. Et <sup>Eius suprema voluntas executor Pstroconius iussu Louicij defuncto persoluit.</sup> sanè nisi ille suam auctoritatem interpoluisset, piæ Tarnouij fundationes, in quas ille liberali animo grandem pecuniæ summam effudit, in irritum recidissent. Iustis Tarnouio Louicij persolutis, rebusque illius rite ordinatis, constituerat in Russiam ad Episcopatum reuerti, quo hominū sermoni se subtraheret, qui existimabant eum Vice-cancellariatum ambire; sed cum in Comitij, quæ iam indicta erant, insultaturos plerosque mortuo Tarnouio, famamque & existimationem illius calumnijs oppugnatos prospiceret, veritus ne & defuncti, & suam pariter innocentiam in discrimen conijceret, mutauit sententiā, tantisperque Louicij substitit, donec Comitij inchoandis dicta dies veniret. Quæ posteaquā appetijt, <sup>Pstroconius Vice-cancellarius Regni renuntiatus.</sup> profectus Varſauiam amicis hortantibus ne sibi deesset, minimo sanè conatu summā Regis voluntate munus Vice-cancellariatus consecutus est, opus sanè maioris quàm alio vnquam tempore negotij. Videbatur enim Rex eum factioni Zamoscianaē opposuisse, vnumque è reliquis legisse cui potissimū fideret, cuius prudentiā & consilio niteretur. Comitia quidem ea, agente Cancellario rebus infectis soluta sunt, Rexque tantummodò duobus Senatusconsultis factis, quorum alterum de connubio Regis, alterum de concedendā Electori Brandenburgensi curā agri in Prussia Principis fuit, Varſauiā Cracouiam profectus est. Omnium planè tunc oculi erant in Pstroconium conuersi, in illum omnis incubuit inuidia popularis. Sed profectò est quiddam diuinum in ijs viris qui difficillimo tempore gerendis Magistratibus admouentur, vt peculiari ij Diuini numinis ope subleuati videantur. Erant plerique Pstroconio parū æqui, qui nihil minùs quàm huic Magistratui ferendo parem, & mox suo ac Regis dedecore tanto oneri succubiturum eum augurarentur. Sed ille suscepto eo munere, omnes industriæ intendit neruos, ad gerendum ex dignitate Regis & Reipub. eum Magistratum, effecitque vt non modò Regem non pœniteret hoc eum honore auxisse, verum etiam reliqui omnes faterentur, tali tempore neminem alium aptiorem fuisse, qui Regias partes contra maleuolorum conatus accuratā publicorum consiliorum moderatione tueretur. Comem & facilem se omnibus præbere, palamque animum ab omni æmulatione & maleuolentiā alienum ostendere, sincerè vel cum ijs ipsis qui non benè ei vellent agere, quasi innatum illi erat. Eâ re effecit vt Cancellarius ipse, posteaquam actiones ipsius propiùs inspexisset, non malè de illo existimare cœperit, datisque ad eum literis, & depositâ omni similitudine ad capeſſendam Rempub. consiliaque secum communicanda eum cohortatus fuerit. Et sanè si is diutiùs vixisset, effecisset mox Pstroconius suo candore, & sincero de rebus iudicio, vt illi non minorem Cancellarius quàm alijs qui ab ipsius arbitratu pendebant, fidem haberet, neque eò res deuenisset, quò mox vitâ functo Cancellario, hi qui, vt aiebant, ex mente Cancellarij præposteris consilijs ingentem in Repub. motum excitarunt, progressi sunt.



*Rokossij ini-  
tia.*

*Pstroconius  
Vice-cancel-  
larius, mortuo  
Cancellario,  
difficilimo re-  
gni tempore  
totam nego-  
tiorum mole  
sustinet.*

*Zolkieuium  
Regi conciliatum Ro-  
kossianorum  
conatibus op-  
ponit, & per  
eum plurimos  
in Regias par-  
tes pertrahit.*

*Quas ob cau-  
sas Regi ab  
aduersâ parte  
conflatum  
odium.*

*Idem odium  
deriuatur in  
Pstroconium,  
sed falsò.*

sunt. Sed cùm Cancellarius quarto ab exactis Comitibus mense, Anno salutis humanæ millesimo sexcentesimo quinto in viuis esse desisset, non modò tota negotiorum moles in vnum incubuit Pstroconium, verùm etiam, ea quæ viuentē Cancellario à quibusdam agitata dicebantur, de indicendo Conuentu Rocossiano consilia in apertum proruperunt, auctore Nicolao Zebrzydouio Palatino eodemque Præfecto Generali Cracouiensi, viro acri, non ita pridem Regiâ gratiâ florenti, & eo offenso popularem auram sinistrâ Regiarum actionum interpretatione captanti; quæ res quantum in Repub. mali pepererit, quibusque dissidijs pacatum Regni statum exagitauerit, ac postremò ciues ipsos in mutuum perniciem armauerit, alio loco à nobis narratum est. Ad Pstroconium quod attinet, ille pacatorum cōsiliorum auctorem se præstitit semper, tum potissimum cernens grauari Regiam existimationem confictis criminibus, odiumque populi augeri, eò incubuerat, vt conciliandis hominum animis crescentem inuidiam minueret: ac inprimis Stanislaum Zolkieuium tunc Castellatum Leopoliensem ac Præfecturæ Exercituum Regni pro Zamoscio vicarium, vnum ex intimis amicis Zamoscij, virum recti iudicij, & priuatis rationibus publicam salutem anteferentem Regi conciliauit; effecitque vt mortuo Zamoscio huic vni, etsi Regi aliquantisper ob amicitiam Zamoscij suspecto, secundum mortem illius cura Exercitus demandaretur: plurimum ea res valuit ad labefactandas partes aduersæ factionis. nam cùm plerique cernerent Zolkieuium non fauere conatibus Palatini Cracouiensis, facile iidem in partes Regias cōcesserunt; Pstroconio in eam curam incumbente, vt quàm plurimos ad rectè de Rege, Regijsque destinatis sentiendum induceret. Præcipuè autem aduersa factio in inuidiam populi que odium vocabat Regem, eo quòd ille dissentientibus plerisque & dissuadentibus, Constantiam Caroli Archiducis Austriæ filiam, prioris vxoris sororem germanam, consortē thori destinaret: ea res aduersâ vulgi opinione excipiebatur, pauci que erant qui sibi id persuaderi paterentur, id Summo Pontifice annuente & sacris legibus, quibus Rex cùm prioris vxoris sorore matrimonium inire vetabatur, eum soluente, ritè & legitimè fieri posse. Hoc illud aiebant aduersarij eo matrimonio peti, vt Rex illicitis matrimonij pactis initis, Regnum Austriacis traderet; multæ sub hoc nomine sparsæ in vulgus opinioniones, vanæ licet & nullo nixæ fundamento, apud credulos & in seditio-nem pronos fidem habebant. Et Rex quidem circa exitum anni, deducuntibus in Regnum sponsam Mariâ matre, Maximiliano fratre Archiducibus Austriæ, Cracouiæ nuptias celebravit, effecitque vt sacri simul & secularis Ordinis præcipui quique eis interessent, actumque eum cohonestarent. Cæterum factio aduersa tantò magis exarsit, non in Regem modò, sed in omnes, qui Regijs destinatis non aduersati fauere ijs putabantur: præcipua autem inuidiæ flamma hæsit in Pstroconio; ille omnium sermonibus Regiarum nuptiarum conciliator, eorumque cōsiliorum,



filiorum, quæ vulgò suspecta erant, auctor existimabatur. Vidit ille & præiudicium, Regique ipsi sæpè dixit, ea quæ mox secuta sunt euentura, suavitè Principi, vt aliquantisper opinioni hominum sese accommodaret: sed eò iam res deuenerat, vt nec Regi ipsi integrum esset resilire ab incepto, nec dignitate saluà poterat rescindere pacta, fidemque datam Principibus Austriacis, qui duobus Summis Pontificibus, Clemente VIII. & Paulo V. suadentibus & annuentibus hanc ipsam Regio matrimonio destinarent. Non est huius loci vt utilitates huius connubij, Regemque & eos qui hoc consilium probarunt, nihil perperam egisse ostendam; hoc tantum innuisse suffecerit, Pstroconium nunquam quidem Regi auctorem huius nouæ, & vulgò non probatæ affinitatis contrahendæ fuisse, cæterum re perfectâ non secus ac si ipse princeps eius consilij esset, ita Regem factumque eius tuendum suscepit, vt grauissimis rationibus ostenderet, non benè eos patriæ consulere, qui Regem & Senatum eo nomine apud imperitum vulgus inuidiâ onerarent; quippe seditionis & intestinæ discordiæ causas ab ijs quæri apparebat. Quod mox innotuit, cum Palatinus Cracouiensis cum Hæreticis cõsilia communicare cœpisset, atque eorum potissimum fretus potentiâ, primò ad Stęzicam, mox Lublini Conuentum egisset, generalemque totius Nobilitatis Conuentum, quem Rokos, petito ab Hungaris, gente ad seditionem natâ nomine, appellare placuit, ad Sendomiriam priuatus homo, priuatâ auctoritate indixisset. Multa hîc commemorare possem proposita à Pstroconio consilia ad eludendos conatus aduersæ factionis prudenter accommodata, sed duo tantum attingam, quæ salutaria fuisse, & salutem ipsam Regi attulisse exitus docuit. Alterum est Zolkieuius reconciliata gratia Principis, eo in aulam dissuadētibus plerisque euocato, quam rem tantâ curâ egit Pstroconius, vt cum Zolkieuius iam ad Regem proficisceretur, & nescio quis suspicionis scrupulus Regi ab inuidis, & Zolkieuianę laudis osoribus iniectus esset, persuasumque vt Rex ad eum mitteret, quo ex itinere domum regrederetur, obstitit constanter Pstroconius, effecitque vt venientem Rex benignè susciperet, curam publicæ salutis illi demandaret, quam ille fide integrâ gessit & sustinuit. Alterum est cum iam Rokosiana factio apertam spiraret rebellionem, atque in eo res esset, vt Cracouiensi Vrbe præsidio firmatâ, Palatinus Reipub. nomine Regem ingressu eius Urbis arceret, arcemque & insignia Regni in potestate suâ teneret, quoad Rex obiecta, vt illi dicebant, crimina coram datis à Nobilitate arbitris dilueret. Fit de eo consilio certior Rex, conuocato Senatu proponitur, quid in tali casu facto opus sit, Cracouiæ cuius Arx iam modico Palatini præsidio tenebatur, & quam Palatinus ipse mox maioribus copijs ingressurus dicebatur eundem, & præuertenda celeritate hostium consilia; an in Prussiam secedendum, quoad Zolkieuius qui in Russiâ copias agebat cum Exercitu superueniret? plerisque Senatoribus periculi Regis quàm dignitatis maiorem rationem ducentibus, & vt in tutum

Pstroconius  
tamen partes  
Regias tuta-  
tur strenuè  
tanquam cõ-  
munem cau-  
sam.

Rokosianorũ  
Conuentus,  
quorum con-  
siliis pruden-  
ter obuiat  
Pstroconius.



*Cracouiam  
Regi in pri-  
mis occupan-  
dam salubri-  
ter consulit  
Pstroconius.*

*Quod proce-  
res in Sena-  
tusconsulto &  
exitus impen-  
sè comproba-  
uit.*

*Pstrokonski  
Cancellarius  
Regni.*

locum permiffa hosti Cracouia Rex fe cum coniuge & liberis reciperet, aut certè Varfauiæ vbi tum cum aulâ erat fubfifteret, ne quam occafionem hosti armato fuâ difceffione vel Cracouia occupandæ conatu fui violandi præberet fuadentibus, è contra Pstroconius grauiſſimis rationibus conceſſâ aduerſarijs Cracouiâ, actum eſſe de Rege & Regno oſtendit, eundem obuiam hosti & audendum, celeritate tantum opus eſſe, cætera ac iter ipſum expeditum fore, ciues Cracouienses integrâ eſſe erga Regem fide, nec Palatinum ita paratum eſſe, vt Regem præuenire poſſit, & ſi præueniatur, non auſurum eò progredi. Varſauiæ qui ſubſiſtendum Regi ſuaderent, eos longè maiori periculo perſonam Regiam obnoxiam facere, quid enim non auſuros hoſtes occupatâ Cracouiâ, fugæ verò & in tutiora loca ſeſe recipiendi conſilium longè à dignitate Regiâ, longè à præſenti rerum ſtatu alienum videri, ad fallendum tamen diſtinendumq; hoſtem naues parari placuit, ſparſo rumore Regē Torunium vel Mariæburgum in Pruſſiam nauigaturum. In hanc ſententiam fruſtra renitentibus alijs factò Senatusconſulto, ea ipſâ horâ decreta eſt Cracouiam profectio, eodemque die ſuſceptum iter, vt aduerſâ factione nihil minùs quàm eo tempore Regem Cracouiam profecturum ſuſpicante, Rex priùs propè Cracouiam conſtiterit, quàm à Palatino eodem iter intendente id ſciri poſſit, coactùſq; ſit Palatinus retrocedere reuocato properè ex arce Cracouiensi ſuo quod iſthic erat præſidio, ne in poteſtatem Regis veniret; vtriuſque iſtius conſilij auctore Pstroconio ſuſcepti Regē nunquam pænuit, & prudentes rerū æſtimatores optimè rebus Regijs eâ ratione cõſultum eſſe iudicabât, quod & exitus rei probauit. Multa alia referre poſſem, quæ ille Regi vtiliter ſuaſit; erat enim vir perſpicacis iudicij & prompti conſilij, quod non ſolùm grauiter proponere, verùm etiam prudenter explicare nouerat. Cancellarius Regni in Comitijs Regni Varſauien. Anno 1606. renunciatus, collegamq; in eo munere fortitus Staniflaum Minski ex Palatino Lancienſi, Procancellarium Regni à Rege creatū, ſummam tamen conſilij ipſe tenuit, quòd Procancellarius inuidiam apertè ſubterfugeret, neque earum actionum, quæ Magiſtratum eum gerentibus pro ſalute Principis intrepidè ſuſcipiendæ erât, partem aliquam capeſſere vellet. Itaque Pstroconius, & ea ipſa Comitia & Viſlicienſem Conuentum, quem Regiarum partium Duces, Rokofiano apud Pokriwnicam actò oppoſuerat, & cui Rex ipſe vniuerſo ferè Senatu ſibi adſiſtente præerat, ablegato ad Rokofianos Procancellario, & mox eodem graui morbo oppreſſo ſolus obiuit, omniaque Cancellarij munia ſuſtinuit: ſoluto eo Conuentu; quòd Rokofiani graues & iniuſtas Regi, & ijs qui cum Rege erant conditiones ferrent, motis cõtra eos copijs ad Ianouecium ventum eſt, vbi Palatino Cracouiensi. & Ianuſſio Radiuilo, qui Exercitui Rokofiano præerant, vel captis vel deditis, vel vt ipſi aiebant, ſponte iudicio Senatus ſeſe permittentibus, cùm non deeſſent qui ſuaderent auctores ſeditio- nis vel necandos, vel in vinculis retinendos, hic quoque mitioris ſententiæ auctor



auctor fuit Pstroconius, negans per leges Regni licere in ciues ordinario iudicio nondum iudicatos animaduvertere, maioremque motum excitatum iri, si illi licet id meriti, opinione tamen vulgi infantes existimati, vel morte punirentur, vel contumelia afficerentur, diem potius illis dicendam, ut in proximis Comitijs se sisterent, causamque excitati tumultus dicerent. Ita illi tum sponsione data dimissi, cum non seruata fide iterum armis & non iure se tuerentur, neque vocati ad Comitiae venire vellent, non deerant qui lenta Pstroconij consilia accusarent, sed illi semper constitit ratio dati consilij. Secuta sunt postea Comitiae anno 1607. Varfauiae indictae, armata illa & turbulenta, cum Castris quorum praesidio tuto negotia publica tractarentur, ad Urbem admotis, tertio inde milliario hostium castra abessent, & inter militarem strepitum armorumque vim consilia expedirentur. Actum est cum Rokosianis ut ab armis discederent, atque arbitrio Senatus, & totius Reipub. se causamque suam permetterent, sancitae plurimae leges ad stabiliendas Nobilitatis libertates, circumscribendumque Regium imperium pertinentes, satisfactum magna ex parte populi desiderio & minus aquae flagitationi. Rex ipse quod suum pacis cupidum animum cunctis declararet, nihil se non facturum, quod concordiae omnium sententiae a se postularetur, testatus est, & fecit pleraque fecissetque multo plura, nisi orta inter Ordines Regni de rebus controuersis disceptatione, mutuis altercationibus Comitiorum tempus extractum fuisset. Postremo cum nullis omnino rationibus Rokosiani ut pacate se gererent, ab armis discederent, causam suam iudicio Ordinum Regni permetterent, adduci possent, cum persuasiones amicorum & principum Senatus, qui ad illos Regis permisso saepe conueniebant, cum Regis & totius Reipub. auctoritatem contemnerent, factum Senatus consultum, ut nisi intra certum diem arma deponerent, eo loco quo hostes patriae haberentur, & vi atque exercitu ad officium reducerentur. Neque tamen his illi territi, rem pene dictu incredibilem ausi non plures quam duo Palatini, Nicolaus Zebrzydowski Cracouiensis & Ianussius Grudzinski Rauensis, ac Castellanus Parnauien. Petrus Staborowski, isque nondum eo sacramento quo Senatores Regi & Reipub. obligantur obstrictus, nec pleni iuris Senator, pauci praeterea ex Equestri Ordine, Regi Regnum publice proposito edicto abrogarunt, institium indixerunt, inter regnum promulgarunt. Erat Regia causa potior & iure, & viribus maioribus nitebatur, stabat a parte illius & Comitiorum consensus, & uniuersus Senatus, & exercitus robur. Aduersariorum est contra omnis in eo spes, militem Regium contra ciues arma non stricturum, facilius eum seditionem moturum, quam causam Regiam armis defensurum. Nectemerè ea orta erat fiducia, nam plerisque est Regio exercitu ea opinione imbuerant Rokosiani, quasi illi pro libertate niterentur, hi qui cum Rege stabant, eandem oppugnatum irent; itaque & in Castris praesente Rege variae voces audiebantur, & postmodum cum Rokosiani primi

*Eius contra  
reos Rokosia-  
nos, mitior  
proposita sen-  
tentia.*

*Cum Rokosi-  
anis primo  
pacatis consi-  
liis actum.*



*Armis tan-  
dem decer-  
tatum est.*

*Quæ circa  
conflictum  
egerit Pstro-  
conius.*

*Victoria pe-  
nes Regem  
stetit.*

*Sauciorum  
& caesorum in  
pugna, pia &  
accurata  
Pstroconij cu-  
ra.*

*Pstroconio  
suasore in ne-  
minem rebel-  
lium sauitum.*

*Nullius civium  
extra pugnam  
sanguinem  
fundendum,  
prudens con-  
siliium Pstro-  
conij.*

versus Cracouiam castra mouissent, Rexque cum Exercitu eos secutus, & apud Varkam oppidum affecutus fuisset, complures militum turmae iussæ cum hoste manus conserere, imperium abnuerunt. & nisi arte Zolkieuij, seueraque in paucos seditionis auctores animaduersione, exercitus exactis proditoribus purgatus fuisset, nescio an non summo gentis nostræ dedecore, Regis eorumque qui Regias partes sequebantur, causa prodita fuisset. Nec apud Vranscum eâ alacritate animorum à Regijs militibus excepta pugna, trepidatumque & magnâ confusione res acta, Ducibus ipsis qui bello præerant, (præerant autem Carolus Chodkieuiuius dextro, Stanislaus Zolkieuius sinistro exercitus cornui) non satis inter se concordibus, ita ut Rex ipse in summo periculo versaretur, & fuga passim conturbatis ordinibus fieret. Insperata ea res accidit nobis, qui cum Pstroconio non longè à Prætoriâ Regiâ cohorte inermes substiteramus, visaque res proditioni similis, idque veritus Pstroconius adacto calcaribus equo ad Regem contendit, præfatus se cum Rege omnem fortunæ sortem excepturum, nec aliam salutis viam quæsiturum, conspicatusque vnum & alterum vexillum fugientium, vexilliferos prehendi iubet, atque penè inuitos & metu conterritos, suâ auctoritate è fugâ retrahit, atque ad Regem, qui cæteris metu turbatis & varia suadentibus, imperterrito animi Regi vigore nunquam loco moueri potuit, adducit. Mirati sunt qui præsentibus erant Episcopi animi magnitudinem, tantò magis quòd nonnulli qui in ipsius comitatu erant, nō verbis magis quàm exemplo fugam suaderent, eamque deserto Episcopo turpiter capefferent. Multa præterea alibi dicenda vel dicta. Victoria Regi obtigit, pauci ex hostibus ceciderunt, sparsi reliqui quòd quemque fors tulit abierunt: cæsi in acie ut terræ mandarentur, ea verò prima Pstroconio cura fuit, ut vulneratis Medici adhiberentur, ut moribundis Sacerdotes adessent, eiusdem summa sollicitudo, nec vllum inter hostes & suos discrimen, pari omnes affectu complexus, vtrisque simul quantum res & tempus patiebatur, consultum esse cupiebat, me inter alios paterno imperio coëgit, ut partem curæ eorum qui è vita excedebant capefferem, eosque sacræ ex homolegesi expiatis ad mortem Christiano ritu obeundam præpararem: feci id non inuitus cum alij deessent, qui id munus obirent. Victis prælio aduersarijs, deliberabatur quâ poenâ ij afficiendi essent, qui in acie contra Regem steterant, Rege optimo annuente & suadente Pstroconio, in neminem sauitum, quos fortuna belli seruauit, nulli bona adempta, mansere omnes incolumes, etiam ij, qui proditionis & inite cum Gabriele Batthoreo Principe Transiluanie, de tradendo illi Regno, con-  
spirationis rei conuicti sunt. quorum vnus Ioannes Felix Herbortus, clara & illustri ortus familiâ, eruditionis & eloquentiæ opinione tumens, leuis idem & ob egestatem ad seditiones resque nouâdas pronus, captus, cum literis proprijs conuinceretur, perniciofa in Regem & Rempub. cum Batthoreo consilia agitaſſe, iam iam capitali supplicio vniuerſi Senatus



natus sententiâ addicendus, Pstroconij qui extra aciem nullius ciuis sanguinem esse fundendum, multis ijsque efficacibus semper vrsit argumentis, sententiâ seruatus est, & post sponsione datâ, dimissus. Reliquis etiam rebellibus, vt Rex veniam daret, ac clementiâ potius quàm seueriori animaduersione Rempubl. pacaret, facilè benignissimo Principi persuasit: itaque Senatu quoque vniuerso in eam adducto sententiam, agente potissimum Zolkieuiô, qui quod sororem vxoris Palatini Cracouiensis in matrimonio haberet, sanguinisque arcta coniunctio inter mutuos eorum liberos intercederet, indoluisse vices Palatini, & illi iam facti pœnitenti postremò fauisse putabatur, conditiones quibus Palatinus in Regis gratiam admitteretur, præscriptæ sunt. Vocatisque ad Regem Cracouiæ eo tempore aduersâ valetudine laborantem Senatoribus Regni & Magni Ducatus Lithuaniae, postquam aliquantisper disceptatum esset, inter eos qui maiorem Regiæ dignitatis rationem habendam, & eos qui nonnihil Palatino quoque indulgendum censebant, ad extre-

Rege petijt, pariterque conceptis scripto orationibus Pstroconius nomine Regio, & Ioannes Zamoski Archiepiscopus Leopoliensis, pro Senatu illi responderunt. Ita tum pax coijt, & Respub. pristinae tranquillitati restituta est. Hæc anno 1608. mense Maio acta, cuius etiam anni

initio Bernardus Macieïowski Sac. R. Ecclesiæ Cardinalis Archiepiscopus Gnesnensis cessit è vita, vir pietate insignis, genus illi clarum & illustre, quippe nepos fratris Samuëlis Macieïouij Episcopi Cracouiensis, qui Sigismundo Primo, & post Augusto eius filio regnante, Princeps Senatus habitus Regni Vice-cancellarius fuit, primis ætatis annis sub Rege Stephano militiam professus, aulici comitatus Vexillifer summa cum laude munus id sustinuit, mox abiecto balteo militari, sacris initatus atque Romam profectus, totum se Ecclesiasticis institutis imbuedum impendit, cunctis ob vitæ integrè actæ sanctitatisque constantem opinionem amabilis, primò Episcopus Luceorienfis renunciatus, mox legatione Regis Sigismundi nomine apud Sixtum V. Summum Pontificem functus, cum magnum sibi in Romanâ Curiâ affabilitate & comitate amorem conciliaflet, secundum mortem Georgij Cardinalis Raduili, qui in Vrbe vitâ functus est, Clemente VIII. Summo Pontifice Regi eum impensè commendante, Episcopatum Cracouiensem adeptus, mox ab eodem Pontifice in numerum Sacræ Romanæ Ecclesiæ Cardinalium relatus, postremò mortuo Ioanne Tarnouio, Archiepiscopus Gnesnensis factus, minùs biennio ei sedi præfuit. Extremis vitæ annis simulas ei cum Rege intercesserat, fauisse Rokossanorum conatibus putabatur. Sed nos ad nostra, Alberto Baranouio ex Episcopatu Vladislauienfi Gnesnam Regiâ designatione translato, Regiâ item voluntate Episcopatus Vladislauiens. Pstroconio delatus est, quem dignitatis Ecclesiasticæ locum adeptus, iam in portu res suas collocatas existimabat.

*Pax inter  
Regem &  
Rokossanos  
Pstroconio in  
primis labo-  
rante statuta.*

*Mors pia  
Cardinalis  
Macieïouij  
eiusq. res in  
vita gesta.*

*Pstroconio  
Episcopatus  
Kuiaviensis  
delatus.*



*Cancellarij  
munus depo-  
nit Pstroco-  
nius.*

*Prussiam Du-  
calem ex Re-  
gis & Ordinū  
sententia in-  
spicere & Cu-  
ratori fatui  
Principis con-  
ditiones ex  
Senatuscon-  
sulto præscri-  
bere iussus.*

*Morbo inter-  
cipitur.*

Nihil igitur nisi quod ad functionem eam ritè obeundam pertineret mente voluens, totus eò propendebat, ut quàm primùm supremi Cancellarij munus deponeret, publicarumq; rerum abdictâ curâ, Episcopi officio fungeretur. Ergo Comitibus Varšauiae anno 1609. mense Ianuario indictis, cum Regem Volborij, oppidum id Episcopi Vladislauiensis, Cracouiâ Varšauiam proficiscentem conuiuio excepisset, vix dum rectè inchoatis Comitibus institit apud Regem, ut quàm primùm sibi Magistratu abire liceret, quod cum vix tandem obtinuisset, in hospitium reuersus, veluti diu desideratâ quiete partâ, mirificè lætatus est, immensas Diuinæ Maiestati agens gratias, quod in tantâ negotiorum mole sustinendâ singulari ope sibi adfuisse: quod enim tanto ponderi non succubuisset, quod Magistratum eum difficillimo Reipub. tempore ita gessisset, ut nec inuidi, nec inimici quidquam haberent, quod criminarentur, soli Deo acceptum ferebat. Vna res erat, quæ animum ipsius magnoperè sollicitum habebat, dati erant auctoritate Comitiorum è Senatu, & Equestri Ordine, qui statum Ducalis Prussiae inspicerent, formulam regiminis præscriberent, & Alberto Brandeburgico, qui eo quod motæ mentis esset, Curatore egebat, Curatorem Ioannem Sigismundum Electorem Brandeburgensem à Rege & Reipub. datum, certis præscriptis conditionibus in possessionem eius curatellæ immitterent, ac nouo sacramento Prouinciam illam Regi & Reipub. obstringerent: inter eos quibus hoc negotium tractandum commissum erat, princeps erat Pstroconius, eum vehementer torquebat cura suscepti istius negotij; nam in primis ad officium suum pertinere iudicabat, omni studio promouere in Ducatu Prussiae iam dudum pulsam isthinc, & eliminatam religionem Catholicam, id si impensius vrgerent, verebatur ne acrius obtinentibus hæreticis, status illius Prouinciæ perturbaretur, omnisque in eum culpa infecti negotij recideret: non poterat autem vllam iustam Regi adferre causam, quo illo annuente sibi liceret domi manere, quamobrem me alijsque præsentibus, sæpè Deum precatus est, ut si minùs fructuosa & salutaris Ecclesiae, ac Patriæ hæc sua legatio futura esset, se vel morbo impediret, vel si ita diuinæ Maiestati visum foret, è vita tolleretur, voti ut mox videbimus compotem fecit Deus. Cracouiâ ad Regem venerat, accepturus mandata secundùm quorum præscriptum Prussicum negotium tractari debuerat. Sacro parasceues die, Rege templa Christiano ritu religiosè ob-eunte, cum in deducendo & manu sustinendo Rege aliquantisper fessus esset, altera die leuiori febris correptus, non satis curato morbo Cracouiâ discessit. Volboriam properans isthic valetudini recuperandæ Medicorum operâ adhibitâ, aliquantùm temporis impensurus; sed & Volboriæ tanta negotiorum moles eum circumstetit, ut non modò Medicis vacare non potuerit, sed & ad necessariam etiam quietem sumendam non satis temporis ei suppeteret, crebrò eum interpellantibus amicis, quibus tantùm indulgebat, ut sibi non parceret. Sed non solum Volborij, verùm

&



& in itinere deinceps Vladislauiam versus suscepto, exiguam habuit valetudinis curam, quod nimium fideret viribus suis, seque non facile morbo deijci posse existimaret. In Coualieni primum oppido, quod vicinum est Vladislauiae, sensit se iterum tentari morbo, die decimâ sextâ Maij Ecclesiam suam Vladislauien. ingressurus, multos proceres eius prouinciæ obuiam sibi progressos, magna animi hilaritate excepit complexusque est: dies erat nimio solis calore feruida, tot autem viris nobilibus, qui honoris causa obuiam prodierunt Episcopum salutantibus, necesse erat quemlibet eorum excipere, dicentem audire detecto capite, ita incaluit corpus itinere alijsque curis, & ipsâ suscipiendi Episcopalis oneris meditatione fessum, peractis tamen ingressus ad Ecclesiam caeremonijs, finitisque salutationibus deductus ad arcem, multâ illustrium virorum frequentia mensæ assedit, & vix gustato cibo, quasi telo aliquo ictus subito se proripuit; secuti sumus abeuntem, ille verò eo morbo latus, hoc illud est, inquit, quod in ipso tanti honoris ingressu mihi euenire oportuit, ne nimium me extollerem, leui plagâ me diuina manus tetigit. Febricula erat leuior, quam ut aliquod periculum ab eâ timeri potuerit, & quæ intra vnius horæ decursum deferbuit, sed postridie totum corpus flauâ bile perfusum ietericio siue regio morbo eum affectum esse ostendit. Aduocati Medici venam secuerunt, fluxit ater & adustus sanguis, signaque futuri & diuturni morbi apparuerunt, ac Medicis seriam affectæ morbo valetudinis curam suadentibus, ille inprimis de salute animæ sollicitus, Confessarium Presbyterum è Societate IESV, qui tum Torunensis Collegij Rector erat Corceuium accersit, huic humiliter gesta totius suæ vitæ fateretur, veniam delictorum poscit, mox ritu Catholico expiatus, me accersito quasi iam iam moriturus, Tabulas supremæ voluntatis cōficit. Mirabamur hominem ut nobis videbatur satis valentem, nec vi morbi deiectum, in continuâ versari cogitatione mortis, animo quidem intrepido, & quasi magnum quid aggredi gestiente sollicito. Testamento legitime condito, omnibusque ritè dispositis, sacrisque more Catholico expiatus, tum demum accersitis Medicis, curandum se illis permisit: lenta erat vis morbi, cuius causa obstructio venarum messaraicarum à diuturno tempore contracta; nec enim ille nisi morbo vrgente medicinis uti consueuerat, nimia quadam suæ valetudinis fiducia, alios etiam irridere solitus, qui cum rectè valerent, Medicos nihilominus ad curam corporis adhiberent. Ego morbi causam ad curas & sollicitudines, angoresque animi, quos ingerendo Magistratu toto ferè Vice-cancellariatus, & Cancellariatus tempore, sine collegâ, sine vlllo leuamento, solus tantum onus sustinens pertulerat, retulerim. Medicis igitur manum admoventibus tantum abfuit, ut morbi vis decederet, ut etiam maiora incrementa sumeret, per sex continuas septimanas decubuit; hoc temporis interstitio bis recidiuâ feбри tentatus, eaque facile leuatus, non remisit animum à publicis curis, ac inprimis quotidie ferè sacrificium incruentum

*In suo in Episcopatum  
atque in Ecclesiam suam  
Vladislauien.  
ingressu morbus inualescit.*

*Curam valetudinis suadetibus Medicis, & amicis, curam animæ potiore habet p̄srocinus.*

*Testamento condito, & procuratâ animâ curationem valetudinis tum demum Medicis permittit.*

*Morbi causa & occasio.*



*Auræ muta-  
tionem fru-  
stra captant  
in eo sanando  
Medici.*

*Raciazij  
Templum in-  
firmis in-  
staurari cu-  
rat.*

*Febri mali-  
gnâ corrip-  
tur.*

*Die vitæ suæ  
supremâ ad  
facellum per-  
ducitur, &  
Missæ sacrifi-  
cio deuotè in-  
terest & SS.  
Eucharistiâ  
rescitur.*

tum offerens, immensam lacrymarum vim profundeabat, omnes qui adire ipsum vellent, facillimè admittebat, caulis iudicandis aliquoties præfedit, de statu Ecclesiæ, subditorumque sollicitus, & cùm, vt dixi, in cogitatione perpetuâ mortis esset, quasi tamen vitæ certus, ad extremum eius exitum nullam muneris sui functionem intermisit. Cùm tertia iam hebdomada morbi præterijssset, rati Medici loci mutatione morbum decessurum, suaserunt vt Raciazum (arx est Episcopalis amœno admodum loco sita, quatuor miliaribus Vladislauia distans) proficisceretur; fecit id ille libenter, nihil tamen eâ migratione effectum, idem morbus, eadem illius vis manebat, & vt dixi maiora in dies incrementa sumebat. Non possum silentio præterire insigne Pstroconij pietatis studium, quod in hoc itinere exhibuit: Templum erat Raciazij à Rozrazeuio magnis impensis inchoatum, & ferè iam perfectum; deerant turres, altaria, fenestræ, id à successoribus Rozrazeuij, Tarnouio, Tylicio, & Baranouio neglectum, pecoraque in loco sacro (nam eius templi in veteris Ecclesiæ loco posuerat fundamenta Rozrazeuus) stabulari, ossa humana diruto ossario, à canibus & feris dilacerari & dispergi, ita indoluit Pstroconius, vt lacrymas tenere non potuerit: è vestigio igitur iubet purgare locum, fores ad portas aptare, ossarium nouum condendis fidelium ossibus construere, vitreas fenestras conficere, quæ omnia summâ celeritate, illo instante & perurgente perfecta sunt; & si diuturnior vita illi obtigisset, haud dubium quin illâ ipsâ æstate totius fabricæ opus perfectum reddidisset, sed eius rei laus referuabatur eius successori Laurentio Gembicio, qui pari tactus pietate, simul ac Episcopatum cepit, finem huic operi imposuit. Morbo in dies crescente, accessit postremò febris, quam, vt est, malignam Medici vocant, ac insuper triduo ante mortem aposthema, dextrâ faciei partem ac fauces ipsas occupauit. Nulla iam spes erat salutis, & Medicis tacentibus, ipse viribus se destitui animaduertens, nihil territus supremâ necessitate, ad mortem constanter & piè obeundam se præparabat; sermo nullus nisi de rebus diuinis, de cælesti illâ patriâ, de diuina erga genus humanum clemētiâ; quotidie sacrum Missæ officium, cùm iam destitutus viribus ipse sacris operari non posset, audiuit deuotè & religiosè; petitas ex sacris Psalmis sententias frequenter in ore habebat: *Aspersisti me*, inquit, *Domine hyssopo* (bilem enim quæ morbo causam dederat hyssopo comparabat) & *mundabor: lauabis me & super niuem dealabor.* & *Bonum mihi Domine, quia humiliasti me.* itemque, *Paratum cor meum Deus.* ac, *Letatus sum in his quæ dicta sunt mihi: in domum Domini ibimus.* Die Principibus Apostolorum Petro & Paulo factâ, illi supremâ, manè vestes poposcit, vestitus (tantum adhuc illi virium supererat) ad altare quod in vicino cubiculo parabatur se deduci iubet; ibi prostratus Missæ Sacrificium Patre Simone Dolescio è Societate IESV sacra peragente audit, sacraque Synaxi reffectus, vegetior quodammodò redit ad lectum. non dubitabat se eo die moriturum, nam & triduo antè quæsierat ex me,



me, quàm cito ventura esset dies Apostolis sacra: cumque ego tertio ab hinc die venturam eam respondissem, conticuit; denique cibum cum eo die caperet, Cui, inquit, vsui cibus iste, cum anima alio egeat? cumque frigore pedes ipsius rigescentes attrectarem; ne mireris, inquit, iam inde anima se subduxit, & per partes morior. Hæc lætus & quasi iocanti similis. Cum verò mors instaret, aliquantisper commotus, facie nonnihil perturbatâ: Coram Iudice meo, inquit, mox cõpariturus hac vel maximè vrgeor formidine: viximus in aulâ, Magistratus gessimus, non semper in hominibus negotijsque tractandis & expediendis æquabilem modum tenere potuimus, interdum non eâ quâ parerat intentione ad altare accessimus. Tum ego: Si quid tale est, quo ex eâ occasione grauari suam conscientiam sentit, nunc doleat. Doleo, inquit, ex animo doleo. Assurgere volenti porreximus manus: ego autem monui Confessarium, vt ita affecto cæteris abire iussis consilium daret, & indulgentiam largiretur; fecit id ille. Mox iussu Pstroconij, vniuersâ aduocatâ familiâ: Adiunt, inquit, omnes, ac videant me morientem; iam hilarior, iam totus in oratione defixus, sacrum Oleum Christiano ritu, extremò vngendus adferri iubet: aderant complures Presbyteri & religiosi viri, orantibus illis & sacras Litanias recitantibus: ille cum reliqui, ora pro eo, dicerent, ora pro me ingeminabat. Hoc Sacramento munitus, constanti vultu, intrepido animo præstolabatur mortem; & cum iam vox deficeret, orsus Dominicam orationem, quamuis submissâ voce, ita tamen vt à nobis, qui aurem ori eius admoueramur intelligi posset, in his verbis, Ave Maria, Creatori suo spiritum reddidit, adeò placidè, & sine aliquo corporis motu, vt somnum cepisse potius, quàm mortuus esse existimari potuerit. Coluerat ille peculiari ritu Beatissimam Virginem, atque ab eo tempore ex quo Presbyteri ordinem suscepit, omni Sabbatho votiui sacrificio Reginam cæli venerabatur, nec dubito quin præsentem in ipso mortis certamine eam salutauerit, nec temerè factum crediderim, vt in hac voce, Ave Maria, exspirarit. Multa alia pietatis officia ab eo vsurpata, quæ hîc paucis perstringam, testimonio esse possunt, quantoperè ille Dei & proximi amore flagrauit. Summum erat in eo vitæ ab omni illecebrâ carnali conseruandæ studium, omnes suspiciones turpitudinis, omnes familiaritates, quæ statum eius non decerent, vitabat; nullum vnquam verbum ex ore eius prodijt, quod castas aures offenderet, quod uerè ruborem mouere posset: si quid tale ab alijs diceretur, aures oculosque auertebar, vt quantum à rerum turpitudine abesset, tantum se ab obscænitæte verborum alienum ostenderet. Crebra ieiunia, castigationes spontaneæ corporis, aliæque ad domandam carnem pertinentia in vsu habebat. Ieiunium Aduentus Domini solenne statumque illi erat. Curam pauperum gerere, Nosodochia Xenodochiaque inuisere sæpissimè solebat, nec pecuniam modò, sed spiritualem etiam eleëmofynam largiebatur, exhortando pauperes ad ferendas æquo animo ægritudines, reliquasque vitæ inopis

*Diem sui obitus præsciuit.*

*Ad vicinam mortem (quod piorum est) trepidat.*

*Inter mortuis vocibus. Orationem Dominicam recitat & in verbis Ave Maria, placidè moritur.*

*Puritatis mirum in tota vita studium.*

*Pœnitentia & mortificationis cultor egregius.*



*Inopum pe-  
culiaris cura  
& ratio.*

*Insignia circa  
liberalitatem  
in pauperes  
quedam in  
eo exempla.*

*Mira in eo  
mansuetudo  
& animi  
tranquillitas.*

inopis molestias, incitando eos ad pietatis studium, perquirendo de statu eorum, de ratione victus. In eleemosynis largiendis plus quam facultates suae paterentur, sine ullo prorsus rei priuatae respectu, plane liberaliter profusus, dumque eo nomine à domesticis admoneretur, Dominus prouidebit, respondebat. In quo genere quid aliquando illi acciderit, Ecclesias Diocesis suae perlustranti, paucis referam. In pago Cracouecio, ditionis Alexandri Ducis Ostrogiae, templum erat Catholicum, quod idem Dux Graeco schismati addictus, in Ruthenum ritum transtulerat, sed eo vitâ functo vxor illius foemina religiosissima, iterum illud Catholicis restituerat, Romanae Religionis dato Sacerdote: is omnium rerum egens, cum quibus templum illud recens restitutum indigeret, Episcopo explicasset, ille non subductâ ratione pecuniae quantam tunc haberet, iubet numerare centum florenos, in subsidium Ecclesiae impendendos. Dissuadenti fratri meo Matthiæ Lubienksi eo tempore Canonico Gnesnensi. nunc Praeposito Miechouiensi. qui & Cancellarius illius erat, & priuatas eius rationes tractabat, ostendentique quantum adhuc in perlustrandâ Diocesi itineris & sumptuum faciendum esset, & quam exigua summa pecuniae (quadringenti erant circiter floreni) Episcopo superesset, ac proinde differri oportere petitionem Parochi, dum domum Episcopus rediret; assensit ille quidem, idque aegrè, caterum comminatus est breui euenturum, vt illum ipsum sui consilij poeniteret. Dicto euentus respondit; nam sequenti nocte arculam, in qua & Episcopi & fratris mei pecunia erat fur abstulit. quod vt intellexit Episcopus, ne minimùm quidem iacturâ rei permotus, nimiam tantùm erogandi in pios vsus parsimoniam eo furto castigatam esse professus, vt quamprimùm domo pecunia in subsidium Ecclesiae promissa mitteretur, mandauit. Erga inimicos & inuidos beneuolentissimus, iniuriarum quarumcunque patientissimus, non modò lædentibus non nocere, sed etiam humanitate & beneficijs eos sibi deuincire studebat. In grauissimis quibusque periculis singularem quandam animi tranquillitatem retinebat, vultusque ipsa serenitate alijs metum demebat, illud vsurpans: Animus bonus in re malâ dimidium mali, quod quantoperè binâ Regiae Maiestatis in Sueciam profectione, & domestico ad Guzouium conflictu praestiterit, supra attigimus. Nulla re aduersa magnoperè tristabatur, sinistri euentus nuntium piâ illa oratione, *Sit nomen Domini benedictum*, excipere solitus. Inter priuata pietatis exercitia solenne illi erat, qualibet media nocte surgere ad confitendum nomini Domini, & neminè conscio in genua protolui, ac deuotissimè aliquot orationes, quas pij viri eiaculatorias vocant, ex intimo cordis affectu ad Deum profundere. Quotidie totâ conuocatâ familiâ sacras Litanias recitari curabat, vesperi & manè sacris meditationibus aliquantùm temporis semper impendebat, religiosos coetus summo amore prosequabatur, è quibus Patres Carmelitanos exalceatos sanctissimi



sanctissimi instituti homines ex Italiâ euocatos, suâ operâ & impensâ Cracouiâ collocavit, quos etiam factus Episcopus Vladislauienlis ad Ecclesiâ suâ Cathedralē adducere omnino constituerat. Si quando post exantlatos labores animum releuare vellet, in aliquod Cœnobium secedebat, non ut otio tempus consumeret, sed ut piâ de rebus Diuinis cogitatione, & sacrâ cum viris religiosis conuersatione se recrearet. Bina votiua sacrificia qualibet hebdomadâ feriâ tertiâ de SS. Trinitate, Sabbatho, ut dixi, de Beatissimâ Dei Genitrice, per se ipse deuotissimè peragebat; si quando aduersâ valetudine impediretur, per alium sacerdotem (quod tamen rarò accidit) id fieri curabat, & quoad per negotia licuit: profestis verò omnibus Sacrosanctum Missæ sacrificium cum summâ deuotione & lacrymarum profusione offerebat. Has omnes pias deuotiones, ita longâ exercitatione & continuo vsu in consuetudinem adduxerat, ut quo minùs ijs statis horis & temporibus vacaret, neque summis difficultatibus, neque negotiosi Magistratus curis, nec denique angustia temporis prohiberi vnquam potuerit. Corpus illi firmum, & ferendis laboribus idoneum, statura iustè quadrata, rarò capillo, vestitæ genæ, ut propior imberbieffet; vox sonora, oratio in qua magis inuentio & iudicium, quàm elocutio eniteret; Senatoria prorsus, grauis, docta, & quæ pondere sententiarum magis quàm verborum lenocinio commendata in aures auditorum influeret. Memoriam excellenti pollebat, ita ut omnia quæ audisset legissetuè retineret: itaque sermo illius plenus erat notitiâ antiquitatis; in causis cognoscendis acere & perspicax illius erat iudicium, non tamen temerarium vel arrogans, placidè ut aliorum sententias exquireret, & non nisi ultro citroque explicatis rationibus causam definiret. Gestis tot Magistratibus, gratiâ etiam Regiâ florens, nullas reliquit opes, vix distractâ etiam suppellectili eo mortuo æs alienum solutum est, cum alias non indiligens rerum suarum haberetur, sed idem abstinens, & ab omni illicito munere accipiendo alienus cum esset, priuataque facultates, non eas quæ gerendis difficillimo Regis & Reipub. tempore Magistratibus sufficerent haberet, sumptu censum superante abundare non poterat, quotiescunq; tamen opus erat splendide & magnificè, vel in excipiendis tractandisque exteris hominibus, vel in obeundis negotijs in quibus dignitatis Regiæ & Magistratus quem sustinebat, ratio habenda erat, comparebat. Excessit è vitâ III. Calend. Iulij. Anno à restauratâ salute humanâ, supra millesimum sexcentessimum nono, ætatis suæ anno quinquagesimo sexto, Vladislauia in Ecclesiæ Cathedralis sacello, à Ioanne Tarnouio Archiepiscopo Gnesnensi exstructo & exornato, sepultus. Felicem illum diximus morte suâ, qui functus tot Magistratibus, gesta summâ cum laude Repub. eaque post Rokossianas seditiones pacatâ & pace florente, multa ea quæ mox subsequuta sunt mala non viderit. Felix es Pstroconi, qui iam pietati tuæ debito frueris præmio, de nobis & patriâ, de qua semper

*Pius erga religiosos ordines affectus.*

*deuotionis ac pietatis exercitia.*

*Corporis habitudo & animæ dotes.*

*Inter tot quatuordecim Magistratus, nullas congestas opes.*

*In Vladislauien. Ecclesiâ Episcopali sepelitur.*



benè mereristudueras, vel nunc etiam sollicitus, nec enim ambigimus te cernere, cùm in conspectu illius sis, qui omnia videt & præuidet, quibus iactemur procellis, quanta amatae à te patriæ immineant pericula, quibus Ecclesia Dei oppugnetur machinis. Nos hæc quæ scripsimus, tuæ memoriæ dicamus sacramusque, erit hoc qualecunque meæ erga nomen tuum obseruantiae monumentum, & grati acceptorumque à te beneficiorum memoris animi non vulgare argumentum.





## EPISTOLARVM SELECTARVM

## Decas Prima.

COSMO CARDINALI DE TORRES

*Stanislaus Lubinski.*

Varſauiam.



VM te Illustrissime Domine, grauissimo Sanctissimi Domini Nostri iudicio sacro purpuratorum Patrum Collegio adscriptum mihi significatum esset, non noua ea dignitatis tuæ accessio mihi visa est, sed quæ omnium votis iam diu destinata virtutibus tuis debebatur. Ego certè simul ac te in Regnum hoc Sanctissimi Domini Nostri & Sanctæ Sedis nomine venientem, benigna fortuna in ædes meas intulit; vt vidi, vt complexus sum, statim id quod futurum mox erat iudicaui Tibi amplissimum deberi honorem. Taceo quod eâ familiâ natus es, quæ sæpius hac purpurâ fulsit, fuerit id cuiusdam felicitatis, quanquam & hæc ipsa comes est virtutis. Sed illa tua pietas, illud eximium propagandæ rei Christianæ studium, illa in honorificentissimo dignitatis gradu animi moderatio, hanc tibi dudum texebat vestem, & ad hoc amplissimi honoris culmen te ducebat. Suscepisti sacræ legationis munus eo tempore, cùm res nostræ penè deploratæ essent, cùm irruentibus barbaris nemo exterorum nos non interituros existimaret: sed erat animi tui contemnere tanta discrimina, & si quid immineret periculi, ultro appetere. Sic per turbatas bellis ciuilibus Germanias transiisti, sic cineres semirutæ & fumantis Bohemiæ intrepidus calcasti, sic inter micantes Hæreticorum mucrones, strictosque in tuam perniciem enses tuæ immemor salutis, memor officij & demandati muneris euasisti, & medios arduum tenuisti per hostes iter; sic fines Regni nostri quasi in tuto res nostræ essent hilaris ingressus es: sic ego te vt Angelum Domini à sacrâ Sede missum vidi & admiratus sum, felicitatem quandam ipso excelsi animi vigore nobis spondentem. Non est, nec erit vnquam obscura hæc tam eximia animi magnitudo, in suscipiendo & obeundo tam arduo & difficili munere, contemptisque periculis declarata: atque vt tu eâ in re institisti vestigijs maiorum tuorum, sic mox erunt eadem stirpe orti, qui admiratione heroicarum virtutum tuarum ad similes pro Ecclesiâ Dei ausus excitabuntur. Floreat augeaturque tam nobilis sanguinis propago, quæ tot in omni genere virtutis excellentes protulit viros, qui rerum gestarum gloriâ, præcipuas orbis Christiani partes illustrarunt. Felices & nos qui te sacrâ fulgentem purpurâ in Patriâ nostrâ conspiciamus: qui non tuâ solùm causâ, sed nostrâ etiam gaudemus: te



eâ dignitate, quæ summa est esse auctum, cum ab omni ambitione semotus demandatum tibi munus in hoc Arctoi orbis theatro egregiâ cum laude obires; cum Serenissimus Rex noster, acerrimus virtutum censor in te maximè propenderet; cum omnes omnium huius Regni Ordinum homines in admirationem amplitudinis tuæ rapti amplissimâ dignitate te dignum esse iudicarent. Nunc certè uti nemo est in totâ Poloniâ qui non eâ dignitatis accessione, quâ auctus es lætetur; qui non amplissima quæque voueat & exoptet: ita ego, ut Deus à deuotis tibi animis profecta vota rata habere, teque diu incolumem esse velit, toto pectore eum rogo. Ex Monasterio Tinecensi die XXIV. Augusti M. DC. XXII.

GEORGIO VILHELMO ELECTORI  
BRANDEBURGICO

*Stanislaus Lubiencki Episcopus Luceoriensis Regni Procancellarius.*

CVR Sacra Regia Maiestas Dominus Noster Clementissimus, cur Ordines Regni minùs probent hanc Serenitatis Vestræ, vel potius Sudermaniæ Ducis cum Bethlemio Serenitate Vestrâ annuente coniunctionem, paucis ego è nomine à Serenitate Vestrâ interpellatus explicabo, ratus meam libertatem vel candorem potius in optimam partem acceptum iri. Eo animo Sacra Regia Maiestas Dominus Noster Clementissimus, ac inclyti Regni Poloniæ Magnique Ducatus Lithuaniae Ordines, Serenissimam Domum Brandenburgicam, sanguinis arctiori nexu Regibus Poloniæ dudum obstrictam, nouissimi beneficii accessione obligandam putarunt, ut contra omnes hostes amicitiarum illustriorum incremento, paratiores tutioresque essent: sed præcipua cura Regiæ Maiestati fuit de recuperando Regno Sueciæ, quod iniuste interceptum, propinquus quidem agnatus, sed idem iuratus hostis detinet. Ad id efficiendum quid Serenissimus Serenitatis Vestræ auus, quid deinceps Serenissimus parens se allaturos, quæ auxilia conciliaturos promiserint, recens est memoria; sed illis fortasse deesse poterat occasio benè in hoc negotio de Sacra Regiâ Maiestate merendi: Serenitas Vestra statim ac Principatus possessionem adiit, multa quoque imprimis signa dedit, suæ erga Regiam Maiestatem optimæ voluntatis, quæ tamen mox collocatâ in matrimonium Regiæ Maiestatis hosti sorore suâ in dubium vocari potuissent, nisi Serenitas Vestra constanti asseueratione se inscio id factum fuisse testata esset. Non ignotæ erant Serenitati Vestræ Regiæ Maiestatis de minùs sincerâ Bethlemij erga Regiam Maiestatem Regnumque Poloniæ voluntate grauissimæ suspiciones, inde ortæ, quod cum Turcis contra exercitus nostros steterit, quod sæpius ad vastandas regiones nostras Tartaros incitauerit, quod suscipiendi contra nos belli Osmano Turcarum Imperatori auctor præcipuus fuerit. Ista quidem tamquam ab homine Turcicæ



cicæ feruituti obnoxio profecta minùs non afficiebant, ceterùm clandestinæ ipsius cum hoste Sueco in perniciem Reipublicæ Polonæ & Regiæ Maiestatis conspirationes, interceptis anno superiori literis deprehensæ, affectataque sub hoc prætextu affinitas, quo ille esset erga nos animo, & quid hac nouâ coniunctione peteret, luculenter declararunt: & Serenitas Vestra hoc nomine per Internuntium Regiæ Maiestatis interpellata, ac de pernicioso Bethlemij tentamentis edocta quàm alieno esset ab incunda cum hoste affinitate animo palam ostendit. Nunc mutatæ voluntatis suæ, nullam aliam Serenitas Vestra adfert rationem, nisi quòd liceat semper familiæ suæ suo arbitratu affinitates contrahere: facile quidem id concesserim, nisi eâ fides quâ Regiæ Maiestati & Reipublicæ Serenitas Vestra obstricta est intercessisset; nisi Serenitas Vestra feudoligio deuincta, se hostibus Reipublicæ hostem fore sponondisset; nisi seriâ & planè paternâ Regiæ Maiestatis cohortatione, ne hominem malè erga Regiam Maiestatem animatum, nouâ cum hoste Sueco affinitate coniungi pateretur Serenitas Vestra, admonita esset; nisi denique Serenissimam sororem hosti Reipublicæ nunquam se desponsaturam promississet. Quæ cum ita sint, facile Serenitas Vestra statuere potest, quid & Sacra Regia Maiestas, quid amplissimi Ordines, de Serenitatis Vestræ sincera propensione sint deinceps opinaturi; & quas rationes, ne quid detrimenti Respublica per eam occasionem capiat, initari. Illustraturùmne sit hoc matrimonium splendorem Domus Brandenburgicæ, in Dei manu situm est; verum enim uerò terrent nos superiorum temporum exempla, vel tristissima potiùs eiusmodi affinitatis experimenta. Sigismundus Primus Poloniæ Rex (cuius filia Serenissimi Serenitatis Vestræ aui mater fuit) Isabellam filiam Ioanni Zapolio tum quidem Regnum Hungariæ Budani- que ipsam tenenti in matrimonium collocauerat; sed eo mox vitâ functo, infauti nominis Regina, armis Turcicis quorum præsidio maritus nitebatur Regno cum filio exacta, nisi in Poloniâ receptum habuisset mendicatâ stipe victus ei quærendus fuisset. Nuper Sigismundo Bathoreo, cui si nil domestici splendoris inesset, satis illustris Stephano Rege Poloniæ Patruo existimari poterat, magnâ spe nuptam vidimus Serenissimam Archiducem Austriæ, sed quàm tristi exitu ne commemorare quidem libet. Bethlemio an benè cum Regiâ Maiestate conueniat, nobis non satis constat; erga nos certè quâ ille sit voluntate communicatis cum Sueco hoste, in perniciem Regiæ Maiestatis & Reipublicæ nostræ consilijs ipse se prodidit. Ex usu quidem Reipublicæ nostræ nunquam fuit vt fœdus cū ijs pacisceremur qui sub alieno viuunt imperio. Ad me quod attinet, cum probè norim quàm propensâ voluntate Sacra Regia Maiestas Serenissimæ Domui Brandenburgicæ semper fauerit, ego quoque & fausta quæque Serenitati Vestræ voueo, & illud in primis opto, vt de Serenitate Vestrâ quàm optimè mereri possim. Allatæ quoque erant ad Serenissimum Principem Dominum Ioannem Albertum Serenitatis Vestræ lite-  
ræ,



ræ, sed cùm eum titulum qui Regum filijs iudicio orbis vniuersi debetur (errore fortasse scribentis) non præferrent, ad eas nullum responsum dari visum. Humillima mea obsequia Serenitati Vestræ defero. Ciemiernicijs die decimâtertiâ Decembris Anno millesimo sexcentesimo vigesimo quinto.

## CAROLO A DHONA

## CÆSAREÆ MAIESTATIS CONSILIARIO

*Stanislaus Lubienksi Episcopus Luceoriensis Regni  
Poloniae Procancellarius.*

**S**PERABAMVS equidem Electorem Brandenburgicum vel suâ sponte, vel Tuâ cohortatione, vel fidei officijque sui rationibus expensis ad causam Regiæ Maiestatis & Reipublicæ consilia, conatusque suos accommodaturum, & ita fere Comes Schwartzenbergicus eius nomine legatione apud Sacram Regiam Maiestatem functus pollicebatur. Sed ecce post discessum tuum hæc interim contigerunt. Regiomontani quas suo ære conduxerunt peditum cohortes has exauctoratas præsentem & inspectante Domino Electore nauibus impositas ad hostem miserunt. Excusauit hoc factum Dominus Elector, quòd Magistratus Regiomontanus non sit omnino in suâ potestate, & pleraque arbitrato suo agat; sed non sine risu accepta ea excusatio. Optimè enim nobis notum est nutu Domini Electoris omnia istic geri, sed adeò parum cautè negotia quibus salus Reipublicæ innititur tractari, vt non sine ingenti existimationis tanti Principis iacturâ, magna suspicio subsit mutæ cum hoste pactionis. Impunè milites Brandenburgici cum Sueticis congregiuntur, colloquia & consilia miscent, & quod nuper capti milites falsi sunt, vnus idemque militum Præfectus, & in exercitu Gustavi cohorti præest, & apud Electorem eodem tempore alteram ducit. Nimis incuriosi Consiliarij Electorales videntur & publicæ salutis & Principis sui dignitatis obliti: de nobis verò ita sentiunt quasi hæc animaduertere & expendere nesciamus. Sed perniciosâ consilia, vltro se produnt, nec diu fucata perfidia latere potest. Idem Comes Schwartzenbergicus receperat se effecturum, vt Dominus Elector ad exercitum nostrum submitteret mille ducentos pedites & tria maiora tormenta, ad quatiendos muros apta. Poterat id fieri sine vlllo discrimine, dum à Nostreis Bransberga oppugnabatur; sed dilata res hæc, vt hostis de hoc subsidio non solum certior fieret, verum etiam ad intercipiendam hanc militarem manum paratus esset, quâ de re communicata fuisse cum illo consilia ita liquidè constat, vt negari non possit. Nam & Schwartzenbergicus Comes ad me datis literis quasi præfagâ mente scripserat, se vereri ne ab hoste subsidium hoc interciperetur;



tur; & nos id ita fore prædixeramus, factumque est ut consultò cohortes istæ Brandenburgicæ eò ducerentur, ubi ab hoste structæ erant insidiæ; nec multum hosti in his intercipiendis laborandum fuit, ultro eo viso signa translata, & infamis facta deditio. Rem ita fuisse actam fatentur nonnulli nobiles, verè Germanâ fide Germani, qui infamiâ facti moti, ad nostros transfugerunt, testati flagitium hoc militaris prodicionis sibi magnoperè displicere, seque ignaros & à Ducibus circumuentos, eam infamiam incurrissè. Hæc tibi significanda putavi, quem non dubito doliturum, ita Dominum Electorem suis Consiliarijs obsequi, ut eius officium desideretur, & hic Princeps tot à Regiâ Maiestate auctus beneficijs, nequaquam illis respondere videatur. Exactos ex Silesiâ Cæsareæ Maiestatis hostes, nos & gratulamur & gaudemus: paremque in alijs locis successum ex animo conceptis ad Deum votis optamus. Studia & officia mea tibi defero, florentemque fortunarum & dignitatis incrementis diu valere percipio. Varsoviæ.

GEORGIO VILHELMO ELECTORI  
BRANDEBURGICO

*Stanislaus Lubiencki Episcopus Plocensis.*

ET literas meas redditas esse Serenitati Vestræ non dubito, & de meâ erga se voluntate eo Serenitatem Vestram esse sensu censeo, ut mea consilia, measque cohortationes ab amico pectore profectas, non omnino aspernandas esse existimet: caterùm quia in eodem adhuc hæremus vado, & officium Senatoriæ functionis à nobis postulat, ut ad omnes Reipublicæ partes intenti paratique simus, studiaque eorum qui communis Patriæ salutem & debent & possunt tueri excitemus, nemini videri debeo importunus, si sæpiùs Serenitati Vestræ proposita iteratis suggesserò literis. Communis causa est quam tuemur, patria vna eademque est cuius salus nobis curæ est. Prussia sine Poloniâ salua esse non potest: in eadem omnes nauigamus naui: Serenitas Vestra propior gubernaculo & clauo, quem nisi seriò hac tempestate regendum susceperit, non magnam laudem merebitur dissimulatione communis periculi. Scripsi aliquando, non id præcipuum Serenitatis Vestræ munus esse, ut hostem (cum quo Serenitati Vestræ magna est sanguinis necessitudo) paci amplectendæ idoneum reddat, quod quidem nemo improbauerit, sed aliquid ampliùs à Serenitate Vestrà desiderari; nimirum ut officij sui partes diligentius expendat, quid Reipublicæ Polonæ, quid Regiæ Maiestati debeat, æquâ lance exploret. Hos intra terminos nisi Serenitas Vestra constiterit, nisi palàm Regiæ Maiestati & Reipublicæ Polonæ studium, fortunas vitamque suam addixerit, quid de Serenitatis Vestræ officio sit



fera posteritas existimatura, nemo est qui non videat. Fides est quæ Principes summi splendoris decore illustrat, possunt (etiamsi minimè licet) priuati homines interdum fingere, simulare vultum, fortunæ se accommodare & magis propriæ quàm publicæ salutis ducere rationem: ij qui eminent latere non possunt, eorum non solum actiones, sed & taciti mentis conceptus conspiciuntur. Sunt multi qui Serenitatem Vestram hoc bello Prussico officio suo functam esse affirmant, plures qui multa requirunt. Ego nisi Serenitas Vestra apertè in causam descenderit, suamque Sacræ Regiæ Maiestati, quem Patris loco, idque meritò colendum pridem sibi desumpsit voluntatem comprobauerit, vires suas opesque omnes ad tuendam communem salutem contulerit, diuersis hominum iudicijs actiones Serenitatis Vestræ obnoxias fore præuideo. Malè expendunt Regni Poloniæ vires, qui eas ita Sueticis conferunt, ut non multò plus roboris in illis esse iudicent. fateor hunc hostem satis vigilare, & accumulandis nobis periculis, non tam boni viri, quàm acerrimi hostis fungi officio. Turcica in nos, Tartarica, & Moschouitica commouet arma, & iam ea nobis imminere videmus; ita tamen ab eâ parte tuti sumus, eos ferocienti barbariei exercitus obiecimur, ac si nullum in Prussia & Liuoniâ bellum haberemus. Citiùs Suecus fatigabitur, quàm ut vires nostras atterat; diuino nutu hæc tam ampla Reipublicæ coaluit compago, nisi cœlesti decreto dissoluenda. Frustra Moschus, frustra Turca, cum alia occuparet imperia in nostram incubuit perniciem, & Suecus nondum expertus est quid concors in suâ causâ possit Polonia. Sed Serenitati Vestræ hæc satis nota sunt, cuius dignitati non benè ij consulunt, qui Serenitatem Vestram sine Rege, & sine Regno Poloniæ vel laude clarescere, vel saluam esse posse censent. Expectamus quid Christianissimi Regis Orator interim efficiet; cætera Diuina Maiestas quæ optimè causæ semper fauet moderabitur. Obsequia mea defero Serenitati Vestræ, eiusdemque gratiæ me diligentissimè commendo. Datum ex Arce meâ Pultouienfi die vigesimâ quartâ Augusti Anno millesimo sexcentesimo vigesimo nono.

GEORGIO VILHELMO ELECTORI

BRANDEBURGICO

*Stanislaus Lubiencki Episcopus Plocensis.*

CONSTANS mea benè de Serenissimâ Celsitudine Vestrâ merendi voluntas, haud ignota esse potuit ijs qui vnquam in aulâ Sacræ Regiæ Maiestatis Domini mei clementissimi negotia Serenitatis Vestræ tractarunt; ita enim existimo me ea officia quæ Serenitati Vestræ præsto, simul Reipublicæ, cuius Serenitas Vestra pars est, & Regiæ Maiestati quam tam arcto sanguinis nexu contingit, impendere. Itaque & Serenita-

tis



tis Vestrae legatis ea suasi, quibus sciebam sinistras quasdam suspiciones, quibus dignitas Serenitatis Vestrae opinione populari onerabatur, utcunque aboleri posse. Quam in re si primis exorti huius in Prussia belli initijs, voluntati & persuasionibus Sacrae Regiae Maiestatis paritum, & Portus Pilauensis meliori praesidio firmatus fuisset, non adeo prompta omnia ad occupandum eam provinciam hostis reperisset. Persuasum fuit quibusdam eum nihil hostile contra Serenitatem Vestram attentaturum, & perinde non irritandum fuisse. Sed enim ij qui ita existimabant expendere in primis debebant, Serenitatem Vestram & uniuersos Ducatus Prussiae Ordines, saluam dignitate, saluam fide nihil cum hoste commune habere posse, non pacta, non inducias cum eo sancire licuisse, nisi quae ex communi directi Domini sententia & assensu sancienda essent. Ex dissimulationes quibus haecenus rei gerendae occasiones elapsae sunt & hosti animum addiderunt, & studia, ne dicam fidem tam Prouincialium quam militum infregerunt. Sparsi imprimis famosi libelli, palam disceptatum, hostine adhaerendum, an a societate veteri discedendum fidesque deferenda? & quidem impune haec infamia scripta, inspectante Magistratu circumferri, Legatorum Regionum expeditionem differri, nulloque ad extremum responso dato, idque sero eos dimitti; nos qui Serenitatis Vestrae dignitatis studiosi sumus dolebamus, facileque coniciebamus, id subsequiturum ut & Prouinciales in varias irent sententias & miles hostili imbueretur fauore. Intermissa deinde Portus Pilauensis hyberno tempore oppugnatio, nec in aduentum hostis ad arcendum eum quidquam prouisum: sed miles per praesidia sparsus ac finibus Regni admotus, longeque a mari ubi impetus hostilis impendebat, dispositus: hinc illae induciae sine scitu Regiae Maiestatis ex mente hostili sancitae. Nec deinceps tot elapsis mensibus, ad rem gerendam opportunis vlla significatio propensionis erga Regiam Maiestatem & Rempublicam voluntatis facta, non consilia cum Regiarum copiarum Supremo Praefecto communicata, non nisi ac sero admodum subsidia militis arte hostili corrupti magis ostensa, quam submissa. Nunc Serenitas Vestra videt, quid Gustauus egerit, & quo fine callida dissimulatione mentem Serenitatis Vestrae distinuerit, cum iam palam se hostem Serenitatis Vestrae esse profiteatur, cum annonam & tributa imperet, cum Portorij Pilauensis prouentus intercipiat; haec vel olim timenda vel cauenda erant, nec in casum ut nihil amplius dicam dignitas & existimatio conijcienda. Nunquam hostis Serenitatem Vestram aperte cum Regia Maiestate sentientem, viresque coniunctas habentem aggredi ausus fuisset. Nunc cum iam, ut audio, eoque nomine magnopere laetor, Serenitas Vestra solenni coram Regiae Maiestatis legato declaratione animum suum explicauerit, nullaque amplius dubitatio superesse videatur, de propensa Serenitatis Vestrae erga Regiam Maiestatem & Rempublicam voluntate; id vnum agendum erit ut hostis intelligat, se coniunctis viribus petitum

iri,



iri; succumbet ille, maximè cùm videat secundos Sacrae Cæsareæ Maiestatis exercituum successus, cùm Cæsaream Maiestatem, omnia Regiæ Maiestatis causâ, & facere & facturum; cùm coniunctos Principes, in communi periculo mutua sibi auxilia laturos, ignorare non possit. Deum ego precor, vt hæc Serenitatis Vestræ cum Regiâ Maiestate coniunctio, ipsi & vniuersæ Reipublicæ salutaris sit, optatamque pacem & tranquillitatem pariat. Deinde recipio me per omnes occasiones adnifurum, vt Serenitas Vestra intelligat, me vnum esse ex ijs qui Serenitatis Vestræ dignitatis existimationisque sunt studiosi, illique bene cupiunt. Humillima obsequia mea defero Serenitati Vestræ. Varſauia.

MATTHIÆ CASIMIRO SARBIEVIO

SOCIETATIS IESV SACERDOTI

*Stanislaus Lubienſki Episcopus Plocenſis.*

Vilnam.

SERO respondeo literis tuis, æger eram acerbissimo vexatus morbo; itaque amicorum officijs, totis sex mensibus vacare mihi non licuit; & nunc, licet morbo leuatus esse videar, residuis tamen eius adhuc ita vrgeor, vt pleno recuperatæ sanitatis fructu frui haud possim. Sed tibi vnde hæc de me? Egone nimis mediocriter in scribendo exercitatus audaci temeritate historiam scribendam susciperem? alij faciant, qui præter excellentem eruditionem etiam abundant otio; mihi à curis nullæ feriæ; & pleraque in hoc genere à me dum iunior essem scripta, nunc accuratiùs examinata, obscuro addixi carceri. Tua Diuina Poësis Romanis quoque probata auribus mihi valdè placet; sic te Lyricis vatibus inseris, vt inter Principes referri meo quidem iudicio possis; sic acutè Epigrammata nectis, vt sacra eloquia ex quibus materiam scribendi petis dulci condita sale, animos nostros penetrent. Monumenta ingenij tui non imber edax, non aquilo impotens, aut innumerabilis annorum series poterit eruere; etiam vitâ functus viues, ac per ora hominum incedes sublimi feriens sydera vertice. Miror Te à tuis, ab amœnis Musarum campis ad obscura Philosophiæ dumeta traductum, & vereor ne plerisque optimis vestrarum ingenijs aliquid inde detrimenti eueniat, quod studia ad quæ nati sint deferere iubeantur. Sed tu ad omnia præclara natus, ita Philosophiam tractabis, vt partam scribendi gloriam tuearis. Vale, nec dubita te à me amari, Deumque precare, vt mihi difficillimum munus gerenti auxilio cœlesti præstò esse velit. Viscouiæ vigesimâ quartâ Februarij Anno millesimo sexcentesimo trigesimo.

STA-



## STANISLAO RACOVIO NOBILI POLONO

*Stanislaus Lubiencki Episcopus Plocensis.*

Romam.

**T**ANDEM accepi tuas literas, quibus exponis causas cur in Vrbe manseris; id quidem vtinam feliciter eueniat! expertus certè suasi Perusiam vt primò adires, hausurus isthic ex fontibus Bartholinis & Baldinis prima iuris initia. Roma & Romani semper splendent, & in admirationem sui auocant studiosorum animos: Pompæ illæ solennes, dum Summus Pontifex vel sacris operatur, vel Vrbem lustrat, dum Cardinales, dum Principum Oratores primos suos ingressus exornant, quid aliud sunt, nisi discentium verissimæ remoræ? Vacua his oculorum illecebris Perusia, & solis dedita Musis; licet illic vel festis ipsis diebus priuato studio vacare libris, audita publicè secum expendere. Non desunt Magistri, qui spontè & gratis monstrent viam capeffendarum disciplinarum, nec vnquam Perusia caruit excellenti aliquo Eloquentiæ Professore. Denique Perusiæ quies, Roma semper in strepitu. Et Poniatouius meliùs rebus suis consulisset, si meis monitis paruisset. Orationem tuam gratulatoriam vidi, legique; non reprobo, moneo tamen semper vt nitaris ad maiora. Res & fortunæ tuæ curæ mihi erunt. Poniatouium saluta. Vale, & me ama atque vt te ipso non solùm doctior verùm etiam melior quotidie euadas contende. Datum Cracouiæ Calendis Martij Anno millesimo sexcentesimo trigésimo tertio.

## FRANCISCO CARDINALI BARBERINO

*Stanislaus Lubiencki Episcopus Plocensis.*

**S**I quæ alia Regio, Sarmatia certè nostra in eo statu constituta est, vt cum ferè postrema cæteris Europæ Regnis in fidem Christi concesserit, nouis subinde egeat pietatis alimentis, quæ vel maximè ex succrescentibus felicium in agro Domini palmitum fructibus promanare solent: qualis nostrâ ferè ætate extitit Beatus Stanislaus Kostka Societatis IESV alumnus, iuuenis in Principe familiâ natus, ab ipsis incunabulis singulari pietate imbutus, paucis annis expleuit tempora multa. Roma ipsa testis est qualis ipsius fuerit è vitâ excessus; testes ij qui patrocinaio ipsius singularia beneficia à Deo se consecutos esse profitentur. Nos ipsi quotidianis edocemur experimentis, quantum hic iuuenis ætate, maturus & senex sanctitate, in cælo possit: non recensebo signa, & prodigia, quæ ad salutem publicam conseruandam, ad Catholicam religionem propagandam, ad Hæreses extinguendas redundantia passim cernuntur. Illud vnum concordi voce à Sanctissimo Domino Nostro vniuersa possit Sarmatia,



matia, Rexque Serenissimus vrget, ne Sua Sanctitas vota & desideria piorum omnium differat, & vt hunc qui in cœlo Christi fruitur confortio, in terris quoque eorum adscribat numero, quos singulari ritu militaris veneratur Ecclesia. Ego sanè duplici nomine me huic beato iuueni obstrictum agnosco, nam & nomen ipsius fero, & in hac Diœcesi ille natus est, cui ego pastorem sollicitudinem mihi à Sede Apostolicâ demandatam debeo. Itaque maiorem in modum ab Eminentia Vestra rogo, vt huic negotio in Vrbe feliciter celeriterque obtinendo, & conficiendo, auctoritatem suam quâ plurimum potest accommodet: simulque Regnum hoc Catholicum quantę curę illi sit declaret. Humillima obsequia mea deferō Eminentia Vestra. Datum Pultouiæ XVII. Kalend. Iunij Anno Domini M. DC. XXXIII.

MATTHIÆ CASIMIRO SARBIEVIO  
SOCIETATIS IESV SACERDOTI

*Stanislaus Lubieski Episcopus Plocensis.*

Vilnam.

**T**ANQVAM non vnus ex meis esses ita files Sarbieui? nescis nos vlti-  
ces decoris nostri habere manus, & bilem in naso? sed ego hac non  
vtar, ne poëtam irriter; nam hoc genus hominum facilè furore corri-  
pitur, & audet, quod olim gigantes, vel ipsum Iouem summo deturbare  
cœlo. Meum te dixi, nam hîc natus es, vbi me Deus posuit pascere gre-  
gem suum: etiam te, non dico Vilna, sed vel ipsa Roma adoret, etiam si  
in tuas laudes totum conspiret Belgium: quamuis denique diuinam in-  
genij tui vim me annuente magna pars orbis miretur, tamen diffiteri  
non potes quin meus sis. Hęc ipsa Societas, cui nomen dedisti, mea est,  
nam voto institutoque suo, obsequio eorum qui plus in cœtu fidelium  
posse existimantur, se obstrictam esse profitetur. Es igitur in censu meo;  
exigerem à te fructum laborum tuorum, nisi tu prior vltro soluisses, quod  
vix debebas. Nomen meum magnis inseruisti nominibus, & ijs ornasti  
laudibus, quæ non me, sed magnos decent viros: ita tamen eas dulcedi-  
ne carminis tui depinxisti, vt me quoque decere videantur. Quo nomine  
quid tibi debeam, non facilè explicare possum: dicam tamen liberè, me  
gloriolâ non multum affici; eorum tamen qui magno iudicio res æsti-  
mant, optimâ erga me voluntate gaudere; nam expertem me humani-  
tatis putarem, si in me ipsum inhumanus essem. Silere te initio literarum  
mearum questus sum, nam vnus & alter annus abiit, ex quo nullam si-  
gnificationem dedisti, quo animo erga me esses. Dices me quoque pari  
teneri culpâ, sed vel ipsâ nunciante famâ audire potuisti me publicis ne-  
gotijs immersum, morbis & ætate fractum, vix spirare potuisse. Non  
semper in nostrâ potestate situm est, vt erga amicos officio defungamur;

tu



tu quamuis alieno obstrictus imperio videaris, liber es quâ libertate Christus te donauit, in quâ ut latus felixque viuas meique memor sis ille præstet, qui omnes saluos esse vult. Vale in Christo charissime conserue & frater. Datū Brocouij Nonis Augusti Anno Domini M.DC. XXXIII.

## MATTHIÆ CASIMIRO SARBIEVIO

## SOCIETATIS IESV SACERDOTI

*Stanislaus Lubiencki Episcopus Plocensis.* Vilnam.

**P**AVLO vehementiùs proximis literis accusasse videri possum silentium tuum: itaque modestiùs deinceps agam, nec proprio impetu in te ferar, sed parestibi opponam, qui tibi stimulos admoueant; nec aliunde petam laudis tuæ æmulos, nisi ex hac ipsâ, cui insertus nomen dedisti Societate. Carmen habes scriptum dicatumque ijs, qui vna Si-radiensi terrâ orti aliquantisper eminent; in hoc agmine ego postremus ut sum, ita esse cupio. Idem ego tamen huius carminis auctori, auctor fui ut scriberet, nec causam require, quis enim laudari non desideret? maximus quisque maiora cupit, & volitare per ora virum. Non seriò dictum putes mi Sarbieui, Agnosco ego me tum deprimi, cum talibus gloriolæ delicijs lactor, viri boni amici nostri, cum nihil omnino simus his nos salibus magnorum virorum censuræ propè deridendos propinquant, amore non iudicio. Legi & antea, & nunc nouæ editionis tua carmina, diuini ingenij tui foetum; ad eas laudes quibus viri eruditi nomen tuum æternitati dicant & consecrant nihil addam, verè & eruditè illi de te senserunt: subscribo illorum sententiæ sine exceptione, adijcerem aliquid de meo si quid tale esset in penu, quod tuo decori inseruiret. Cæterum æquo feres animo te à me non reprehendi, sed moneri: Diui, Albertus, Stanislaus, Sigismundus, tot alij, qui vel ex gente nostrâ orti, vel olim Patroni à nostris adsciti, primis carminis tui apicibus inferendi videbantur. Pultouia, vbi primum Musis sacramentum dixisti, ne vno quidem verbo in tuis scriptis nominata; fluuiorum Rex Naruia, Bugus noster, Vistula melior quàm Thagus auri ferax, quasi tibi ignoti prætereuntur. Masouij quorum è sanguine nobile genus ducis silentur. Siletur Stanislaus Karnkouius Archiepiscopus Gnesnensis, qui quidquid facultatum habuit in Societatem Vestram effudit. Silentur alij qui prima per Poloniam fundamenta iecere Collegiorum vestrorum; Ioannes Zamoscus perpetuâ felicitate felix, semper hostium victor, filius ipsius Martis & Mineruæ alumnus; Stanislaus Koniecpolius Polonici exercitus Supremus moderator, quem & secundæ & aduersæ res ita erudierunt, ut vtrique fortunæ par esse possit. Quid dicam ampliùs? Sigismundus Rex ingens ille campus excurrendi in laudes magni Principis, siue pietatem



eius spectes, siue belli vel pacis artes intuearis semper magnus. Sed cohibeo animi mei impetum, ne te non admoneri, sed reprehendi meritò queraris; Si vile quid pangeres, & non tuam Poësim vniuersus stuperet orbis, si non in Poloniâ natus esses, & Patriæ nihil deberes, ferrem æquo animo, externos tuis potissimum inseri scriptis: Italos Italis, Lithuanos Lithuanis, non inuideo; Masouios suæ obliuisci originis ægrè fero. satis hæc innuisse fuerit. Vale charissime frater, in hoc quod ambo Deo debemus obsequio Commilito meus. In arce meâ Brocouiensi duodecimo Calend. Septemb. Anno Domini M. DC. XXXIII.





## EPISTOLARVM SELECTARVM

## Decas Secunda.

ANNIBALI BENTIVOLO

VTRIVSQUE SIGNATURÆ REFERENDARIO

*Stanislaus Lubiencki Episcopus Plocensis.*

Romam.



ÆTIORA iam nunc quàm antea nuncianda veniunt, posteaquàm Serenissimus Rex noster felicibus auspicijs exercitui Moschouitico Smolenscum obsidenti, suas propiùs admouit copias. Fretus is hostis & externis quæ fidei Catholicæ, & nominis Poloni inimici submiserant auxilijs, & multitudine militum suorum, quos gnari Gustauicæ militiæ Magistri toto triennio exercuerant, ita Smolenscum obsidione cinxerat, vt & obsessos intra muros arctè contineret, & contra eos qui suppetias laturos essent, vallo fossa quæ munitis amplissimis castellis, tutum se omnino fore existimaret. Et profectò artis militaris periti fatentur, hæc ipsa castella ita structa fuisse, & ita aptè disposita, vt humanâ vi expugnari posse non putarentur; nam & ab exercitu, qui supra centum millibus militum constabat defendebantur, & comæatu qui cùm terrâ, tum flumine Boristhene inferebatur abundabant: neque locorum iniquitas patiebatur, vt vel obsideri hostis, vel pabulatione, cùm ingentem equitatum in iisdem haberet castris, prohiberi; vel denique ad campestem pugnam aperto Marte ineundam cogi & elici posset. Arcem Smolenscensem arbitrato suo quin hostis tormentorum vi quateret, cuniculos ageret, muros suffoderet impediri non poterat; in Exercitu Regio non plena viginti millia censebantur, exiguæ sanè, si multitudini hostium conferantur, copias: Duces hostium veterani, Seinus qui ante viginti annos hanc ipsam Smolenscensem arcem oppugnante eam Sigismundo Rege per biennium fortiter defenderat, Proscoruius inter Moschos belli virtute clarus, Alexander Leselius Scotus Gustauo Sueciæ Regi per omnia quæ feliciter gessit bella indiuiduus comes, & ita probatus, vt eum potissimùm delegerit, cui copias à se & ceteris Principibus nomini Polono infestis in Moschouiam missas Moschouiticoque stipendio auctoratas regendas committeret. Hi Duces, hic tam ingens exercitus, hæc quibus castra munita erant propugnacula humanâ vi cùm expugnari non possent, Deus ipse suam coelestem opem Serenissimo Regi attulit, atque magno animo hostem aggredienti præsens adfuit: itaque aliquot assultibus impugnatīs Moschouiticis castris Rege ipso exercitum



moderante, aciemque struente, & periculis quæ in eiusmodi oppugnationibus accidere solent caput Regium pro publicâ salute obijciente, cessit hostis, & turpiter desertis munitissimis stationibus obsidionem reliquit. Id celeriusne an felicius Serenissimus Rex effecerit, non facile est iudicare: minùs quàm intra vnus mensis spatium res tanta confecta, quæ nisi manifestum Dei adfuisset auxilium, per totum annum Regios conatus destinare & morari potuisset. Eo die (fuit is Diuo Michaëli sacer) quo Proforovius hostium Dux è Castris profugit, Rex eidem cœlestis militiæ Principi Ædem in arce Smolenscensi construendam vouit. Speramus cætera eadem felicitate successura. Quanquam ab aliâ quoque parte non mediocre nobis imminet periculum, nam Turcæ ære Moschouitico cōducti ingentem exercitum finibus Regni per Valachiam admovent. Sed illis quoque alter exercitus Stanislaò Konięcpolio Castellano Cracouiensi Duce oppositus, magno animo hostis aduentum præstolatur. Ego literas tuas die decimâ quartâ Augusti scriptas accepi, quibus quod tuum propensissimum amoris affectum erga me contesteris, gratias quàm possum maximas ago, meque ad obsequia Illustrissimæ Dominationi Vestræ totum do & addico. Ex arce meâ Brocouiensi die secunda No- uembris Anno Domini M. DC. XXXIII.

## ANNIBALI BENTIVOLO

## VTRIVSQUE SIGNATVRÆ REFERENDARIO

*Stanislaus Lubienſki Episcopus Plocenſis.*

Romam.

**A**D Smolenscum feliciter hætenùs Serenissimus Rex noster rem gerit, hostem in castris delitescens, & ab arce Smolensci longè reiectum, arctâ obsidione cinctum tenet, quem magnis affectum cladibus, spes est breui ad summas angustias reductum iri. Turcarum impij conatus in irritum reciderunt, admoventur ij finibus Regni grandem exercitum, imò fines transgressi castra castris opposuerant. Nostri Stanislaus Konięcpolius (quem dum Cracouiæ esses, vidisti) Turcis Abbati Bassa summo cum imperio præerat, olim Turcarum Imperatoris hostis & rebellis, nunc abolendæ quasi perfidiæ studiosus, & nomini Christiano infestus. Multa ille animo conceperat, sed inprimis absente Serenissimo Rege nostro & bellum Moschouiticum gerente, Prouincias Turcico imperio vicinas & opportunas se expugnaturum, & intra fines Regni hibernaturum. Fefellit eum impia spes, nam semel collatis cum nostro exercitu signis, acceptæque ingenti clade, cùm videret irritatis nostrorum animis se tutò domum regredi non posse, nisi pace constitutâ, eas à Supremo belli Duce latas condiciones impetrauit, & accepit, quas ille ex Regiæ & Reipublicæ Polonæ dignitate tulit, & nullo dâno illato magnâ parte



parte exercitus sui amissâ domum inglorius redijt. Bellum quod hîc gerimus pium & Christianum est: omnis quæ Turcarum, Schismaticorum, & Hæreticorum nomine continetur pestis, crudeli conspiratione nos petit, huic Regno ideò infesta, vt eo exciso triumphet impietas. Sed Serenissimi Imperatoris, & Serenissimi Regis Nostri felices successus, mirum est quantum animi bonis omnibus addant, & vniuersum Septemtrionem exhilarent. Si quis in vniuersum rem expenderit, ab hac parte salutem Reipublicæ Catholicæ dependere fatebitur; quæ bella intra viscera Christianorum Regnorum geruntur, ea ciuilia iure dixero. Illustrissimæ Dominationi Vestræ felicem futuri proximi anni successum ex animo opto, meaque obsequia deferro. Plociæ Calendis Decembris Anno M. DC. XXXIII.

## ANNIBALI BENTIVOLO

## VTRIVSQUE SIGNATVRÆ REFERENDARIO

*Stanislaus Lubiencki Episcopus Plocensis.*

Romam.

**S**VSCEPTI contra Moschos à Serenissimo Rege Nostro belli initia, quàm secunda, quàmque felicia fuerint, tribus ni fallor epistolis, vir clarissime, significaueram; in quibus intellexisti exutum castris hostem, fufum fugatumque, & à Smolensco reiectum, castrisque intra quæ se receperat exercitum Regiæ Maiestatis admotum, ac Moschouitas miro stratagemate nuper obsessores arctâ cinctos obsidione. Hæc ad initium mensis Octobris gesta, quæ deinceps successerint paucis attingam. Hostis in spem aduenientis subsidij ita intra munimenta se tenebat, vt nunquam copiam pugnae (nisi aliquoties furtiuè) dare vellet: magnâ ex parte tormentis res gesta, maiori hostium quàm nostrorum exitio; omnia itinera, omnes vias præcluserat Regia Maiestas, ne hostis vel lignandi, vel pabulandi causâ egredi posset. Eâ re etsi hosti frenum iniectum videretur, nihil tamen insigne effectum; nam cum per quatuor circiter menses, superbè hanc obsidionem Moschi sustinerent, nouumque exercitum quem missum iri crediderant præstolarentur, nullas pacis honestæ conditiones offerri sibi passi sunt. Id cum videret Regia Maiestas, partem iustam exercitus in ipsa Moschouia penetrata, Ducibus Kazanouio & Gaszeuio immisit, vt & si quæ hosti venirent subsidia, auerterent, & ipsi Moschouia Metropoli, belli terrorem ostentarent. Successit ea expeditio feliciter, vidit ipsemet Supremus Moschouia Dux latè collucentes ignes, sensit gemitum subditorum suorum, nec tamen tantum vel animi, vel virium habuit, vt suam, suorumque salutem armis tueri & in apertum prodire auderet. Iam ij quoque qui à Rege obsidebantur multum de pertinaciâ remittere coeperunt; fortiter quidem à munitionibus suis sæ-



piùs nostros reiecerant, tutique ingenti vallo septi videbantur, si sola de-  
esset, expugnat quæ cuncta fames; hac pressi sub finem demum Ianua-  
rij velle se de pace agere ostenderunt. Nihil ampliùs quidem est quod  
perscribam; sed satis felicitatis haberemus, si hoc bello hoc tantum con-  
sequeremur, ut diminuta hostis superbia eum ad iustas pacis condiciones  
adduceremus, & à societate Hæreticorum quorum ingentibus auxilijs  
insolescebat segregaremus. Existimo te non latere, quàm latè pateat am-  
plissimus ille Septemtrionis recessus, quantum Moschouia opibus pol-  
leat, & si homines ij, alioquin barbari & rudes tali disciplinâ militari ut  
hoc quadriennio factum est imbuerentur, mirum quâ tum ad perniciem  
orbis Christiani valerent. Nihil illi aliud de Catholicis sentiunt, nisi eos  
esse impios, & Turcis & Paganis deteriores, locum quem Catholicus te-  
tigerit, quàm immundum verrunt, & eluunt, & omnem consuetu-  
dinem Catholicorum auersantur. Notum est proximâ æstate eorum pe-  
cuniâ Bassam Siliſtrienſem auctoratum, ingentem exercitum finibus  
Regni nostri admouisse, Hollandos, Suecos, Anglos, ab ijs foueri, & in  
odium Catholicorum conduci, pecuniâ item iuvari; denique id vnicum  
in votis habere, ut nomen Catholicum Romanum penitus extinguant,  
& suum Schisma vel potiùs manifestam hæresim stabiliant. Sed ad tra-  
ctationem pacis redeo, quam synceriori fide eos suscepturos demissio-  
res iam illorum animi spondent, & nos ijs potiùs, quàm diuturno & dif-  
ficili bello pacem confici cupimus. Nam cum proximè futurâ æstate  
içtæ cum Suecis induciæ exeant, huius periculi maxima ratio erit nobis  
habenda. Neque cum ipsis Turcis certa pax, nam etsi præteritâ æstate  
diuinâ penè virtute Stanislai Koniecpolij Castellani Cracouiensis ita re-  
pressi sint, ut magnâ parte exercitus amissâ regredi turpiter coacti fue-  
rint, tamen hac, ut illi vocant, contumeliâ prouocati, maximè si à Persa-  
rum Rege otium habuerint, arma & bellum spirare videntur. Cæsaris  
quoque non satis secunda in Germaniâ fortuna, nobis ut maturè cauea-  
mus nos admonet. Breui me feliciora Illustrissimæ Dominationi Vestræ  
significaturum auguror; si votis nostris Deus annuerit, quem supplices  
precamur ut Serenissimi Regis Nostri pro fide Catholicâ susceptos co-  
natus secundet, felicitetque. Sed quid hoc est? in omnium penè Regum  
aulis sacra fulsit purpura, Illustrissimus Honoratus noster hoc honore  
dignus, cur in alio censu, & huius fortis experts? in re non multum ad me  
pertinente nolo esse curiosus, quanquam magni istius viri causâ valde  
cupio & Tibi Illustrissime Domine felicissima quæque. Plociæ v. Februa-  
rij Anno M. DC. XXXIV.

IOAN-



## IOANNI GEMBICIO

## SECRETARIO REGIO

*Stanislaus Lubiencki Episcopus Plocensis.*

in Moschouiam.

**M**ALE sit barbaræ & æterno gelu damnatæ genti, quæ vobis tantum faceffit negotium. Hoc vnum nempè deerat, vt Serenissimus Rex deuio & inuio itinere in ipsa Moschouia penetralia protruderetur. Quisquis huius auctor fuit consilij velim, vt ipsum tantum, & non eum cuius salute nostra salus continetur pæniteat. Tam immensos Septemtrionis recessus petere, vel voto saltem ad subiugandam illam barbariem adspirare, nunquàm maioribus nostris visum. Nam tanta moles coërceri, aut in ordinem redigi vt possit, vix vnquam sperandum est. Præclarè nobiscum ageretur, si id quod iam à nobis auulsum fuit, vindicaremus, & ostentatione armorum, ac terrore belli metu hostem vagum, in pace contineremus. Doleo vehementer te tot incommodis bellici itineris affici: nam etsi animo verè nobili ea te ferre video, tamen virtutem ipsam interdum ingenti labore labefactari necesse est. Quanquam te iam rude donatum, & inter veteranos relatum obduruisse ad ista ferenda mala non temerè suspicor, nec te terreri vel tubarum sono, vel strepitu tympani, ad cuius signum meliùs quam olim ad galli cantum, somnum capere assueuisti: nec iam exhorrescis cùm

*Quadrupedante putrem sonitu quatit ungula campum.*

Notæ tibi sunt artes bellandi, scis quo loco tutiùs consistere, quò progredi, quò regredi, vel si interdum turbatis ordinibus aduersi quid imminet, quò te maturè recipere debeas. Iam te nunc mihi fingo, posteaquàm ad nos redieris militari fastu tua præclara facinora nobis referentem, militaria præmia ostentantem, thesauris è prædâ captis tumentem; quibus sine cede & sanguine te potitum, nos mirati gratulabimur, præmia decernemus. Ego curandæ valetudinis causâ hîc per aliquot dies subsistam, nec multum à Vestrà conditione mea nunc abest; sudas tu in agmine, ego in lecto; tu sæpè esuris, & sitis; ego ferè semper; cibus ijs veteris quos ex castrensi penu habere potes: ego ijs quos in pharmacopolio paratos porrigit medicus; tibi hostilia tela, mihi chirurgi manus sanguinem elicit. Sed satis est tot luisse verbis, illud vnum in votis est, eritque semper vt vos partâ victoriâ vel saltem compositâ pace reduces osculo & amplexu excipiamus. Commendo me gratiæ & amoris tuo. Datum Thorunij x. Maij Anno Domini M. DC. XXXIV.



HONORATO VICECOMITI  
 ARCHIEPISCOPO LARISSENO NVNTIO APOSTOLICO

*Stanislaus Lubinski Episcopus Plocensis.*

Varſauiam.

**E**ST cur in meliorem ſpem veniamus proſperioris ſucceſſus , & ali-  
 quādo tandem amotis iſtis quæ impendent calamitatibus ad por-  
 tum ſalutis fluctuantem Reipublicæ nauem nos reducturos , cū San-  
 ctiſſimus Dominus Noſter indiētis ſupplicationibus ad conciliandam  
 Diuinam opem nos inuitet. Fæda & ignobilia bella dici ea poſſunt , quæ  
 in Europâ Regum ambitio , & inſana regnandi libido commouet. Eos  
 qui talia gerunt, quī Chriſtiano ſanguine Chriſtianos imbuunt gladios,  
 ſera malæ ambitionis meritò accuſabit poſteritas. Ecce nunc nouus ap-  
 paret hoſtis, non ille ſolam petit Poloniam, non noſtris tantū imminet  
 ceruicibus, per noſtrum latus , per interitum Septemtrionis religionem  
 Chriſtianam extinctum it. Graui oppreſſi ſomno dormire videntur Chri-  
 ſtiani Principes, ruit paries, qui hætenū per quadringentos annos obſti-  
 tit, ne vniuerſa Europa in Turcicam iret ſeruitutem, ne nomen Chri-  
 ſtianum deleteretur, ne Crux Chriſti ludibrio eſſet barbaris. Hæc vident  
 & fortassis rident vicini noſtri, ſummi & præcipui Chriſtianorum Princi-  
 pes, mutuiſinter ſe certant diſſidijs, ſi nos perierimus, rati aliquid virium  
 ſibi acceſſurum. Minimè dubitamus quòd ſi hæc quæ ſummum exitium  
 nobis minantur nota fuiſſent Supremo Eccleſiæ Præſidi; illum pro ſuâ  
 erga omnes pietate declaraturum fuiſſe, curæ ſibi eſſe ſalutem huius  
 Sarmatici Regni. Eius nominis Vrbanus Secundus quid non egit, vt Ma-  
 chumetanos poſſeſſione terræ Sanctæ deiiceret? id ſanè effecit, vt Gode-  
 frido Bullionio Hieroſolyma in poteſtatem Chriſtianorum veniret: lidē  
 fuerunt conatus Urbani Quarti, ſed impares ſucceſſus. Gregorij Decimi  
 feruens ille zelus, illa eius dum adhuc in Palæſtinâ verſaretur, & eſſet ele-  
 ctus Summus Pontifex concio plena boni deſiderij ad milites ſacri belli  
 habita: Si oblitus fuero tui Hieruſalem, obliuioni detur dextera mea. Ad-  
 hæreat lingua faucibus meis , ſi in principio lætitiæ meæ non meminero  
 tui, mirum quantum afficit animum commouetque. Reſpondebant qui-  
 dem promiſſis facta , ſed dum Concilium Lugdunenſe eius rei cauſâ co-  
 actum promouet, in ipſo præclariffimi conatus exordio viuere deſijt. Bo-  
 niſacius Octauus ſi pereunti in Syriâ religioni Chriſtianæ manum por-  
 rexiffet, fortassis non tam funeſto fato concidiſſet. Exciderat ea quoque  
 ex reliquorum Pontificum mente cura, donec duo Pij, Secundus & Quin-  
 tus diuino afflati numine tantam rem ad ſe pertinere cenſuiſſent. Ille qui-  
 dem dum in Portu Anconitano bellum molitur, viuere deſijt, nec animū  
 ſed vires ſibi deſuiſſe oſtendit: hic ſuis precibus obtentâ ad Naupactum  
 victoriâ



victoriâ cælum meruit. Utinam tandem aliquando Christiani Principes expergiscantur, & coniuncta arma in communem religionis hostem ver-  
tant, veriùs & gloriosius triumphaturi. Ego interim humillima obsequia  
mea Illustrissimæ Dominationi Vestræ defero. Plociæ XXI. Maij Anno  
Domini M. DC. XXXIV.

## GVIDO CARDINALIS BENTIVOLVS

*Stanislao Lubinski Episcopo Plocensi.*

Plocim.

Venerunt ad me postremis hisce diebus Reuerendi Patres Præmy-  
laus Rudnicki & Ioannes Iamielkouski è Societate I E S V Poloni  
Procuratores, multaquæ disertè narrarunt de beneuolentissimo affectu  
quo me tua Dominatio Illustrissima prosequitur. Id verò tam iucundum  
auribus meis accidit, quàm altè cordi insedit huic singularis amoris signi-  
ficationi aliquâ ex parte respondere. Quare cùm nihil aptius in præsentia  
suppetat quàm mea recens edita opuscula Italicè elaborata, hæc ad te  
statim per eosdem Patres deferenda curavi, vt si non facundè, saltem inge-  
nuè amorem meum in te eloquentissimum Præsulem testarentur. Tribus  
illa voluminibus comprehensa videbis. Relationes primum continet,  
quas dum Internuntij Pontificij munus obirem in Belgio confeci. Alterum  
Selectas Epistolas; quæ quoniam sparsim vbique non sine erroribus  
vagabantur, eas in ordinem coactas, in publicum dare permisi. Tertium  
verò memorabile bellum illud persequitur, quod æquè omnium natio-  
num arma ac ingenia laceffiuit. A me nominatim haud alienus eiusmodi  
labor videbatur, vt qui in Belgicis Prouinciis desudauerim iuuenis, in  
iisdem iam ad senium vergens exercerer, atque ita Belgicum solum, quod  
& mihi affinitate coniunctorum ibidem bellantium ac obeuntium san-  
guinem, meumque sudorem olim biberat mea nunc etiam atramenta  
sorberet. Hæc magnum luctationes meæ fructū referrent, si à Tuâ Do-  
minatione Illustrissimâ quæ non solum in Poloniâ, verum etiam in Euro-  
pâ ferè vniuersâ tantam eloquentiæ ac doctrinæ famam collegit, libenti  
animo excipiantur; quæ eò magis beneuolentiæ tuæ calorem requi-  
runt, quò in rigidum istud seuerumque Poloniæ cælum ab eo vestium  
ornatu, quem ego requirerem nudæ proficiscuntur. Et quoniam nuncia-  
tum mihi est Dominationem tuam Illustrissimam contexere Polonicam  
Historiam, hinc quotidie magis apparebit Poloniam iis florere ingeniis  
quæ & egregiè faciant scribenda, & fortiter facta scribant. Deum orabo  
vt sicuti tanto argumento parem scriptorem selegit, ita eidem vitæ diu-  
turnitatem incolumitatemque sufficiat, quo suis laboribus Christianæ  
Reipublicæ maiorem in modum possit prodesse. Interea Illustrissimæ Do-  
minationis Tuæ cōmodis officia mea semper spondeo fore paratissima.  
Romæ decimo octauo Calendis Ianuarij Anno millesimo sexcentesimo  
trigesimo quarto.

GVIDONI



## GVIDONI CARDINALI BENTIVOLO

*Stanislaus Lubiencki Episcopus Plocensis.*

Romam.

**P**ERVENERUNT tandem ad manus meas literæ Eminentiaæ Vestrae Decimo octavo Calendis Ianuarij datae, longum sanè & diuturnum itineris ac temporis passæ dispendium; elegantes illæ quidem, graues, & prudentiam longo rerum usu quæsitam spirantes: ijs verò syncera benevolentia tinctæ coloribus, ut tanti viri, qualem Eminentiam Vestram orbis Christianus & æstimat, & admiratur animum heroicum representent. Acceperam paulò antè, tria monumentorum Eminentiaæ Vestrae volumina, quibus dum obita à se functionis seriem exequitur, non desidem vel negligentem se in grauissimis Ecclesiasticis legationibus fuisse ostendit. Tumultuantis Galliaë sanguineas cædes, diuturnum in Belgio armorum strepitum, varias multorum Regnorum vices, leget & agnoscat auctore Eminentiaæ Vestrae posteritas, & tanti non ingrata beneficii Cardinalem Bentiuolum non solum magnis ortum Principibus, verum etiam præclaris ingenij dotibus summum decus meruisse fatebitur. De me quid dicam? pudet me tantarum laudum quibus me Eminentia Vestra onerat; ora hæc Septem subiecta Trioni longè remota à Parnasso riget & friget, ingenia nihil grande moliri vel in publicum proferre audent: & nescio an vsquam minùs grato animo quàm hîc si quis verum dixerit aut scripserit, excipiat. Nempe liberi populi est laudari magis quàm argui: olim quoque sui temporis res gestas attrectare, & nondum expiatis vnctæ cruoribus arma, vitia, ludusque fortune, Principum odia & amicitias priuato contexere iudicio, semper habitum periculosaë plenum opus oleæ. Quæ res me quoque aliquid conantem deterruit, ne quid tale aggrederer, quòd non solum supra vires, & ingenium meum esset, verum etiam grandi me sine fructu inuidia conficeret. Non deerunt, nec desunt audaciores alij, qui sui temporis res gestas component: me vitâ functo inter monumenta mea fortassis tale reperietur, quo eorum studium adiuuari possit. Cæterum quibusuis res ab alijs actas memoraturis Eminentiaæ Vestrae Opera scribendæ historiae absolutissimum exemplar erunt, nunc mihi quia tua, & à te missa, eximia erga me benevolentia Tuæ sunt argumentum permagni semper mihi æstimandum. Diutissimè viue Eminentissime Domine religiosissimisque ac magnis votis potiaris. Pultouiaë X. Iunij Anno M. DC. XXXIV.

GVIDO-



## GVIDONI CARDINALI BENTIVOLO

*Stanislaus Lubiencki Episcopus Plocensis.*

Romam.

**C**onfecto bello Moschouitico, paceque perpetuâ cum eâ gente, cum quâ & Maiores Nostri per aliquot sæcula, & nos ancipiti euentu diu armis decertauimus constitutâ, redeuntem Serenissimum Regem Nostrum magno desiderio expectamus; visuri mox victorem & domitorem latè per Asiam & Europam diffusi Septentrionis, exosculaturi illam dexteram, quæ in Moschouiâ non solum Moschos, sed omnes qui in exitium nominis Poloni conspirauerant, Anglos, Gallos, Suecos, & Hollandos Moschouitarum ære auctoratos, & crudelissimi in nos odij socios propè vno ictu concidit, & leges deditionis acceptare coëgit. Feliciorem huius belli euentum vix optare potuimus: minùs quàm intra vnus anni decursum, exercitus hostilis ingens, vel cæde vel fame periit; solutâ Smolensci obsidione, longè lateque peruastatâ Moschouiâ, amplissimis Prouincijs & ditionibus recuperatis, & cum hoste perpetua pax est constituta, & is ne ampliùs cum hostibus nostris in perniciem Reipublicæ Polonæ conspirare possit, nouâ formâ fœderis obstrictus est. Hoc tantum opus tam breui tempore confici posse nemo sperauerat, nisi nobis auxilium venisset ex alto, quod sanè nobis adfuisse gratis animis profite-mur, & Supremo Numini tantum beneficium acceptum ferimus. Serenissimus Rex noster huius belli Dux & auctor, idemque tanti parti decoris sine socio assertor, dici & æstimari debet. Ipse primus erat ad capeffendum bellum, ad stringenda in hostem arma, ad obijciendum Regium caput hostium telis, postremus ad capiendam quietem, ad indulgendum aliquid valetudini suæ, quam simul cum sanguine Patriæ impendere paratum se esse sapiùs ostendit. Nunc victor iam redit longè maius & periculoser gesturus bellum, cum Turcarum Imperator Orientis vniuersas vires finibus nostris admoueat: Serenissimus quidem Rex Comitia Regni quæ sine illo obiri non possunt priùs expedire cogitat, interim tamen magnam partem exercitus, qui in Moschouiâ stipendia meruerat, contra hostem Christiani nominis vertit: quanquam veremur, ne hostis celeritate suâ hæc subsidia ex Moschouiâ venientia præueniat. Speramus tamen multum superbo illius animo decessurum, posteaquàm intellexerit Regiam Maiestatem feliciter confecto bello Moschouitico, intra fines Regni esse. Nec desunt qui in tanto periculo gratuitam militiam professi, integris in eam rem profusis patrimonijs, iusto exercitu Duce Stanislao Koniecpolski Supremo copiarum Regni, vt hîc vocant, Capitaneo, hosti sese opponere parati sint, eiusque tardare conatus, donec ex toto Regno submissa subsidia periclitanti Patriæ ferant opem. Sed hæc omnia in manu Dei sunt cuius permissu sæpè in discrimen nos adduci, semper tamen

singulari



singulari ope ipsius nos ab interitu vindicari ultro agnoscimus. Sed quid deinceps contigerit Eminentiae Vestrae significare non grauabor, si modò intellexero, hoc genus officij & obsequij mei illi non ingratum esse. Humillima mea obsequia & submissam seruitutem Eminentiae Vestrae defero. Pultouiae XVI. Calendis Iulij Anno M. DC. XXXIV.

## GVIDO CARDINALIS BENTIVOLVS

*Stanislao Lubieski Episcopo Plocensi.*

Plociam.

**S**PES nostras quas in obsidione Smolenschi Polonorum & Catholici nominis hostes Moschi penè præciderant Potentissimus ac Inuictissimus Poloniae Rex reportata de ijs insigni victoriâ mirificè erexit: ad suos enim pedes prostrata vidit ea barbarorum arma, quæ ipsi in nostrâ perniciem lumpserant. Persuaserat sibi immanis eorum furor, ab æterno frigore, quo plagæ illæ in quibus ancipiti euentu tam diu certatum est rigent, quando etiam hostilis rabies defecisset nostras copias profligatum iri. Verumtamen fortissimi bellatores Poloni, tanquam certissima coeli fulmina immisis in hostilia castra incendijs ostenderunt, se eos esse, qui etiam in medio niuium horrore, pro vindicandis Deo, & Regi suo illatis iniurijs inflammarentur. Immo verò ipse dignissimus immortalitate Rex suo docuit exemplo, nullum validius incitamentum proponi militibus posse, ad labores ac belli tædia inconcusso animo toleranda, quàm si ipsa Maiestas Regia communis periculi & conscia, & particeps in castris armata versetur. Iam prælagit animus à bellicosissimo hoc Heroë, ipsius quoque Germaniæ iam penè euerse calamitatibus subuentum iri. Et quidem intentatas Turcarum minas haud pertimescet Vladislaus Rex, cum vel antequàm Regni coronam capefferet, Ottomanicam Lunâ aut inobscurauerit, aut cruentauerit, ac profectò existimandum sit, nunquam tanti Regis nomen hostes audire, quin eorum corda pauore pulsentur. Quæ verò sit Romæ in hisce rerum siue benè gestarum nuntijs, siue meliùs gerendarum auspicijs coniectura, faciliè Dominatio tua Illustrissima assequi poterit; videt enim in Catholici orbis Septentrionalibus confinijs palmas enasci ac lauros, religiosissimi Regis ac fortissimorum militum sudoribus irrigatas: videt ab armato illo sceptro se protegi, quod neque barbarorum viribus infringi, neque Schismaticorum conspiratione labefactari potest. Magna autem hinc seges enascitur exercendæ tuæ Dominationis Illustrissimæ eloquentiæ vt immortalitati egregia tam bellicosi Principis gesta tradas. Sanè præclara Regum facinora nisi optimorum, hoc est tui similium immortales calamos nanciscantur, intereunt ac in ipso ortu moriuntur. Nunc epistolas expecto & tuo & publico nomine scriptas; eas præcipuè quas dum Regiæ Cancellariæ summâ cum potestate præesses composuisti; in ijsdem enim tum clarissimi ingenij



ingenij tui, tum rerum sub Sigismundo Tertio Rege gloriosissimè gestarum imaginem contemplabor, meaue scripta ad eorum normam examino. Neque enim lucubrationibus meis eas laudes tribuere audeo, quas tua Dominatio Illustrissima in easdem liberalissimè congeffit, licet hunc fructum à tuâ commendatione retulisse me fateor, quod cum sapientissimum iudicium tuum improbare non possim, de iis haud timidè sentiam. Qui verò deinceps rerum status, tum ad bellum, tum ad pacem spectantium, in hac tanta locorum distantia sequetur, Tua Dominatio Illustrissima pro singulari sua humanitate quæso significet. Interea Deum orabo, ut Inuictissimum Regem Vestrum quotidie magis prouehat, eamque mentem cæteris Regibus impertiat, ut exemplum illius imitantes, ad rem Christianam firmandam, & ad hostes illius compescendos animum adiciant: eundemque Deum etiam atque etiam obsecrabo ut Tuam Dominationem Illustrissimam quam diutissimè sospitet. Romæ Idibus Iulij Anno M. DC. XXXIV.

## GUIDO CARDINALIS BENTIVOLVS

*Stanislao Lubiencki Episcopo Plocensi.*

**T**VAE mihi literæ & quid inuicta Polonorum natio armis id temporis possit, & quid ingenio, declararunt: neque enim minùs potentissimi Regis virtus in tuæ eloquentiæ quàm in militarium gladiatorum splendore collucet. Video in Septemtrionali isto Christiani orbis confinio ad bellum omnia esse inclinata, sed non propterea animis despondendum esse, cum extremum hoc latus ægide adamantinâ, enseque cœlesti, hoc est inuictissimo Rege spectemus armatum. Neque minantes Turcarum legiones, Vladislao inuicto Regi terrorem incutere poterunt, qui olim adolescens, neque adhuc sceptri potitus innumeras Ottomanorum acies cum ipso Imperatore perterrefacto in turpissimam fugam coniecit, & alias bellicosissimo hoc heroë copias domini ducente Poloniae niues Asiaticorum sanguine tepuerunt, interque frigidi istius Axis rigorem, Orientis armati populi flammæ extinctæ conciderunt. Quamuis hoc tempore ulterius spem nostram protendere debeamus: sese enim admirabilem adeò Numinis Diuini potentia in Germaniâ ostendit, ut existimemus in Poloniam quoque tam læta felicitatis auspicia extendi; iam enim sub Norlingâ vno prælio numerosus Suecorum exercitus profligatus est, iam perniciosissima Hydra quæ omnia deuoratura videbatur alterum caput amisit. Quid ampliùs restat, nisi ut penitus exscindatur, ac demum coniunctis viribus Catholici Principes armorum tempestatem in communem omnium hostem conuertant? id ita futurum confidimus, optamusque. Sed interea ut imminetia pericula amoueantur, precibus apud Deum sedulò agendum est, ac obsecrationibus impetrandum, ut



Serenissimus Polonorum Rex non solum hostilibus viribus resistat, sed etiam recuperet, ac imperio suo adiungat ea quæ Regiæ coronæ immanissimæ gentes ademerunt. Deus immittat hanc mentem Principibus ac populis ut ad barbaricam audaciâ quæ cedentibus instat, instantibus cedere consuevit frangendam conspirent. Dominationem Tuam Illustrissimam Deus diutissime seruet incolumem. Romæ Calendis Octobris Anno M. DC. XXXI.

## EPISTOLARVM SELECTARVM

## Decas Tertia.

GVIDONI CARDINALI BENTIVOLO

*Stanislaus Lubieski Episcopus Plocensis.* Romam.



I quod vnquam tempus fuit ad refranandos conatus, frangendamque Turcicam potentiam opportunum, hoc illud nunc est, cum tantarum virium Tyrannus tantis in campum productis copiis, tanto bellico instructus apparatu, ad famam solum venientis Serenissimi Regis nostri hæret & incertus consilij quod suscepturus sit, ferocem animum metu perstrictum ad pacis studium flectit. Si prisca illi Heroës Europæi, quos pietas & religionis Christianæ afferendæ amor, ad excindendam pestem istam Machometicam sapius armare consueuerat, viuerent, haud dubio non paterentur tam præclaram rei gerendæ occasionem sibi eripi. Gallia olim talium virorum ferox, & tantæ laudis cupida, æternum sibi nomen felicissimis contra Christiani nominis hostes expeditionibus parauerat; nunc videntur omnes Christiani Principes velle vnus Regni Poloniæ periculo experiri, quantum Turcarum Imperator armis possit; quasi verò nobis pereuntibus, cæteris salutis & incolumitatis aliqua spes affulgeret. Itaque nullus nobis imputauerit, si cum nemo Christianorum Principum socialia nobiscum iungit arma, si, quod magis deplorandum est, Christiani à Christianis oppugnamur, si quorundam persuasione ad inuadendos nos Turca ipse accenditur, si denique nemo ex Regibus Christianis se commouet, nos quoque rebus nostris aliter consulere cogamur. Hoc ipso anno arma nobis paranda sunt, quæ Suecis opponamus, cum quibus pactæ exeunt induciæ, nec spes est prorogandæ pacis, namque fastu hæretico tumens is hostis, indignas dignitate Regia & Regno poscit condiciones. Interim dispicimus, quis moti contra nos Orientis euentus erit: Nam vtrum sincere is hostis pacem offerat, an verò longioribus induciis bellum nobis facere cogitet, ut fatiget, non immerito ambigitur. Et Serenissimus



mus Rex obuiam imminenti periculo, victoremque Septemtrionis se duce exercitum ducit in hostem, cum alias, tum præterito autumnò suis auspiciis à Stanislao Koniecpolio, supremo exercituum Regni præfecto, viro tuendæ patriæ nato, repressum, & à finibus Regni gloriosè fortiterque reiectum. Etenim bellum quod prosequitur, anno superiore cœpit; siue àre Moschouitico conductus, ad auertendum inde illatum à Serenissimo Rege bellum; siue immani illâ, quâ maiores eius arserunt, regnandi incensus cupiditate, quam post occupatam Asiam, Africam, & florentissimam Europæ partem huc sæpiùs prolatandi imperij causâ, sed frustra Dei bonitate, vertit. Inde nobis crebra cum illo pro Deo & religione bella hætenus sine quouis aliorum Principum, solo cælesti auxilio gesta, quod Deus nobis continuare velit, uti eum toto corde oramus. Sed ego priuatis rebus diu moror grauissimas cogitationes Eminentia Vestra; sisto igitur calamum, Deum precatus, ut Eminentiam Vestram diu seruet incolumem. Cui humilissimam meam seruitutem perpetuo nexu addico confescoque Varſauia IV. nonas Septembris. M. DC. XXXIV.

## GVIDO CARDINALIS BENTIVOLVS

*Stanislao Lubienſki Episcopo Plocenſi.*

Plociam.

**T**ANTA est Inuictissimi Poloniae Regis virtus atque felicitas, ut vel solâ ipsius in hostem venientis famâ innumeræ immanissimi Tyranni copiae metu perstrictæ hæreant, atque ab intentatis minis ad inexpectata pacis consilia deflectant. Scilicet palàm hinc est, quid coniunctæ Catholicorum Principum vires ad conterendum teterrimæ belluæ potentiam valerent, si vel vnus Regis, quique positum habet non in ipsis Christianæ ditionis præcordiis, sed finibus Regnum, eximium robur tantum potest, ut terrorem illis incutiat, qui paulò antè orbem vniuersum perterrefacere posse videbantur. Sapientissimo proinde consilio Inuictissimum Heroem Vladislauum Quartum in extremis Catholicis orbis finibus collocavit Deus, nimirum ut fidum fortemque excubito-rem illum eius Regni haberet in cuius vnus incolumitate vniuersæ Christianæ Reipublicæ salus consistit. Mirabunda se licet ostendet Ottomanica potentia, ingentibus Tartarorum agminibus succincta, adiungant sese illi Transylvanicae, Moldauicae & Valachicae copiae, conspiret cum Machometicâ rabie armatus Hæreticorum furor, animo propterea fortissimus Rex non cadet, qui fugare, non fugere Turcas ab ineunte ætate didicit, quique in suis expeditionibus omnia non tam politia, quàm prudentia, quàm sacris legibus ac verâ religione definit: hac magistrâ duceque Constantinos ac Theodosios maximus iste bellator non minùs victoriis quàm pietate in se renouabit, quos prosperis succes-



sibus innumerisq̃ue victoriis Exercituum Dominus beavit. Sed ne longior sin Tuæ Dominationi Illustrissimæ literæ admonent, quæ cum clarissimis verborum sententiarumq̃ue luminibus exornatæ, mirificè omnium animos oblectare possint, modestè tamen verentur, ne mihi legenti molestiam afferant. Quod reliquum est, tanto Regi ad ccepta strenuè promouenda vires à Deo precor, Tuæq̃ue Dominationi Illustrissimæ diuturnam incolumitatem. Datum Romæ XII. Calend. Nouemb. Anno M. DC. XXXIV.

### GVIDONI CARDINALI BENTIVOLO

*Stanislaus Lubiencki Episcopus Plocensis.*

Romam.

**C**V M post tot partas victorias Serenissimo Regi nostro meritò gratularemur, atque in spem felicioris successus veniremus, intercepta vota & desideria nostra fatalis & acerbis casus qui nos immaturâ morte Serenissimi Principis Alexandri vehementer perculit, & summo affecit dolore. Ipsius naturæ imperio gemimus, ob amissum Principem bono publico natum. Dolet Serenissimus Rex noster vehementer, ereptum sibi fratrem amantissimum; deflemus & nos lachrymisq̃ue ei parentamus, quem si diutiùs fata seruassent, virtus quoque ad magna quævis suscipienda prospero successu duxisset. Non dubito quin & Sanctissimus Dominus noster Regium iuuenem nuper à se visum tam citò è vitâ excessisse vehementer doleat, & Eminentia Vestra suas nobiscum coniungat lachrymas. Literas Eminentiae Vestrae vñdecimo Calendas Nouembris datas accepi, ingentes laudes, quibus Eminentia Vestra Regiam Maiestatem meritò extollit, complectentes. Lætatur & nos Principis purpurei Senatus encomio, à quo nihil laudari potest, nisi laude dignum. Seruet tantum Deus Serenissimum Regem nostrum, vouemus & spondemus eum semper Ecclesiae Catholicae auxilio & subsidio fore. Cum Suecis nihil adhuc certi constitutum habemus, nec illi hucusque aliquam significationem dederunt, pacemne an bellum malint, cæterum is nunc Poloniae res moderatur, qui quidquid dederint, accipiet. Humillima mea obsequia defero Eminentiae Vestrae. Datum Pultouiae duodecimâ Decembris Anno millesimo sexcentesimo trigésimo quarto.

MAT-



## MATTHIÆ CASIMIRO SARBIEVIO

## SOCIETATIS IESV SACERDOTI

*Stanislaus Lubiencki Episcopus Plocensis.*

**Q**UÆ de Nestoris ætate ego ad te scripsi, non eo sensu vt tu intellexisse videris scripsi, sed veteres auctores secutus dixi Nestorem tribus seculis, hoc est triginta annis vixisse: nec is numerus annorum infra illud æuum est, cùm olim Dominus longè ante dixerit: Non permanebit Spiritus meus in homine, sed erunt anni eius centum & viginti. Maxima & suprema hæc ætas erat, & quotusquisque tamen fuit qui illam consequeretur, plurimi quinquaginta, alij sexaginta, septuaginta, octuaginta annos vixerunt, eaque ætas maxima à Dauide, qui post bellum Troianum circiter centum annis vixit, censebatur. Sed de Seculis audi, quæ olim ab auctoribus notata fuerunt, ea accommodata fuisse ad magnum vitæ humanæ seculum: hoc est ad annos centum viginti: itaque qui hunc numerum conficiebat, magnum vixisse seculum dicebatur. Et Nestor quia tria secula vixerat, nonaginta annos vixisse creditur, & tamen heroës illos carne bouinâ assatâ vltos fuisse, ni fallor, scribit Homerus, nam à fabis & cicere frigeret manus tantis Heroibus; vinum denique oblatis pateris, largiùs hausisse. Itaque Nestor cùm nonaginta annis viueret, trium seculorum ætatem vixit. Quæ Petrus Massæus, quæ Eusebius scribunt de nostro seculo, ijs eam fidem habemus, vt peregrè allatis. Auum Tuum ad centum & nouem annos ætatem prorogasse faciliè crediderim. Vidlagam centum triginta annos superstitem fuisse, da veniam dictis, ego vix credo: Vidi enim plerosque eiusmodi qui tantum vitæ sibi arrogarunt. In bonis meis Brocouiensibus accidit me Episcopatum gerente vt centum triginta annos se habere duo rustici contenderint: testem certè nullum producere poterant se eius ætatis fuisse, sed exactiùs examinati, alter centum & septem annos, alter centum itidem & quindecim vixisse reperti fuerunt. Non ita nos desipere existimes, vt annum ad lunæ cursum accommodemus, nec tantoperè ætatem nostram delicijs deditam, vt generali censurâ annos à Deo statutos imminuat: cùm & nostrum æuum videat annos, vere, æstate, autumno, & hyeme constantes centenarios à plerisque transigi, & multos esse qui Davidis ætatem superent, & satis per se & sine subsidio caleant. Vides fratrem meum septuaginta trium annorum ætatem viuere, & tamen robustum esse: viderunt maiores Nostri Casimirum Tertium, Sigismundum Primum Reges Poloniae tot vixisse annis, vt & Davidis Regis & multorum aliorum ætatem superarint. Quidni ego sperem tot annos, quot frater meus, me octo annis maior natu habet, consequi posse? Ad binas alteras literas à te ad me datas non respondeo, cùm satis superque inter nos contende-



rimus. Vale mi Sarbieui quem ego puto Nestorem facundiâ longè superare, ætatem quoque eiusdem attingere posse. Brocouio XII. Calend. Augusti M. DC. XXXVIII.

## SODALITATI GRACIENSI

*Stanislaus Lubiencki Episcopus Plocensis.*

Gracium.

**N**VLLI melius sciunt vt celeri cursu decurrat ætas, quàm ij qui legitimos vitæ annos exegerunt: horum ex numero meritò ego cenferi possum, qui sexagesimum tertium ætatis meæ annum propè iam expleo, sed dum transacti temporis rationes mecum expendo, non multum me vixisse video. Præterierunt dies mei, & consumpti sunt tanquam non essent. Vixi quidem in luce hominum & ijs in Patriâ fulsi honoribus, quibus memoria mei ad futuræ posteritatis recordationem transmitti possit. Cæterum inter omnia quæ mihi diuinitus obtigerunt non in postremâ apud me est existimatione, & vitæ solatio, dum recordor me ante quadraginta annos in numerum Sodalium Spiritus Sancti Gracij cooptatum fuisse. Mansisse semper ibi animum meum sæpius iteratæ literæ meæ testantur, & quàm diu vita superstes erit, sacri vestri Sodalitij institutis me olim imbutum fuisse, nunquam obliuiscar. Vestri erit officij simul atque intellexeritis me vitâ excessisse, ea pietatis officia exhibere fratri, quæ ego alijs vicissim quantum in me fuit præstare conatus sum. Valete in Domino, meique & viui, & vitâ functi memineritis. Datum in Arce Nostrâ Brocouienfi XVI. Calend. Nouembris Anno M. DC. XXXVI.

## MATTHIAS CASIMIRVS SARBIEVIVS

### SOCIETATIS IESV

*Stanislao Lubiencki Episcopo Plocensi.*

**E**Go verò in hac tantâ Brocouij tui amœnitate nihil doctrinâ tuâ amœnitus, nihil lætius video, quam tu singulari semper humanitate condire soles. Nam vt Bugus deliciæ tuæ leniter fluat, lenius tamen tibi vel in hac ipsâ tuâ epistolâ fluit oratio, vt iucundos afflet Zephyros, nunquam tu illos tamen tam auidè excipis, quàm ego dulcem quandam & in hac ætate tuâ recentem eruditionis tuæ auram capto. Quare non properassem modò ad te, sed volassem etiam illis alis, quas mihi tu ipse addidisti, cum inuitasti. Sed enim quinx huius septimanæ conciones, me hîc inuitum, & ad rus istud tuum anhelantem tenuerunt. Vim glaciei refrigerâtis & lenis Zythi mentio me recreauit; hoc præcipuè Varfauiâ caret, hoc ipsa Varca quæ eò dementiæ venit, vt Zythum suum vinum existimet, adeoque & lymphâ diluat, neque frigidâ allatitiâ opus est, dilutus



dilutus in mensâ ponitur. Dignus profectò est prolixâ aliquâ Andreæ Critij Palinodiâ. Heri Princeps Casimirus Viennam, Vice-Cancellarius Cracouiam abiere. Supremus quoque Thesauri & Camerae Præfectus abituriunt. Te verò felicem qui nunc & abes à curis publicis & tuas pulcherrimâ amænitate demulces. Nam isti dum negotia aut fingunt aut quærunt puluerem & solem bibunt. Tu è propinquo rides omnia, te-que ipso ac tuis beatuses. Ne modò Pruscio isti Ascetri seuero & sæpiùs tibi mortem inculcanti nimium credas: ipsum enim Pruscium nuper ego per somnium vidi exanimem. Vates sum meoque nomine illi dicas ne diem quem alijs inculcat ipse habeat. Mitto illi Merlini Vaticinium quo aulterâ istas diluat cogitationes & iudicium ferat operæne pretium fecerim cùm specioso titulo captus in libellum decem nummos effudi. Vale Ecclesiæ Patriæ literarum decus vnicum.

## MATTHIAS CASIMIRVS SARBIEVIVS

## SOCIETATIS IESV

*Stanislao Lubiencki Episcopo Plocensi.*

**A**D Septemtriones nos recessisse & gelu permagno adstrictos quæris? nos verò hîc æstu penè Italico laboramus: sed tu animorum fortasse frigus aliquod reprehendis; sed neque hoc accusare debes in me præsertim qui Te solem Patriæ in corde gero, ibi tu semper solstitium habes & nunquam occidis. Iam verò & in multorum memoriâ, atque adeò & ore amicissimo versaris. Doctrinam nuper tuam & eloquentiam magno in confesso Gembicij omnes ac plerique Lithuani qui bonarum literarum gustum aliquem habent supra cæteros extulere; ita cùm te absentem à nobis existimas præsentissimus es. Vitas Episcoporum Plocensium à Ioanne Iamielkouio recepi & iterum regusto: ad hanc porticum pulchram breui stemma aliquod appendam. Annales Regni ne supprimas rogo, laudantur à multis, ab omnibus desiderantur: si supprefferis, multum posteris debebis: si dederis in lucem, multum illi tibi debebunt. De concionibus contra fidei nostræ hostes habendis & hac peste eliminandâ me mones, & meritò. Sed vtinam vt tu zelo, ita ego eloquentiâ valerem! studio certè quantum possum ac curâ contendo, ac magis etiam tuâ epistolâ accensus, & pietate animatus contendam. Viue Antistitum nostrorum sapientissime & me perpetuò Tuum ama. Vilnæ ex Collegio Nostro XVI. Iulij Anno M. DC. XXXVIII.



MATTHIÆ CASIMIRO SARBIEVIO

SOCIETATIS IESV

*Stanislaus Lubiencki Episcopus Plocensis.*

**A**LTERIS iam literis tuis hac vnâ respondeo epistolâ. Amo amorem tuum quem tam luculenter in me effundis, sed vt verum fatear, iudicium tuum improbo, pudet enim me tantopere à te laudato & erudito viro laudari. Quare fraternè à te peto ne deinceps futuræ imponas ætati, sed ea de me scribas quæ in me cernis, non quæ fingi possunt. Scis sepè errare amorem, & rem amatam amatoribus suis ita placere vt iudicio aberrent, quos tu ne imiteris rogo. Hodie est anniuersaria dies victoriæ ad Chocimum partē. faueat cælum vt iterum atque iterum recentibus victorijs de hoste nominis Christiani partis solido gaudeamus gaudio. Brocouio tertio nonas Octobris Anno M. DC. XXXVII.

MATTHIAS CASIMIRVS SARBIEVIVS

SOCIETATIS IESV

*Stanislao Lubiencki Episcopo Plocensi.*

**F**RVSTRA sim si silentij mei patrociniū aut ab inualetudine quā sæpiusculè tentor, aut à perpetuis sermonibus sacris, aut à Lechiade quam iterum reduco accipiam. Tanta sunt beneficia erga me tua, vt vel in lethali strato & ipsam agens animam quidquid otij & virium esset semper tibi debeam. Aliæ sunt causæ quæ mihi calamum è manu excusserūt. Popularis istius linguæ studium in quo nunc necessariò versor latinos apud me fontes adeò arefecit, vt orationis tuæ flumini quæ tibi in epistolis dulcissima est, quod refundam nihil habeam. Hæc causâ si ad officia respectas est exigua, si ad pudorem meum, est maxima; certè à te vel ipso candoris & ingenuitatis meæ numine facilè veniam impetrabit; quàm enim vera sit ex paucis istis lineis barbarè sterilitèrque scriptis omnino agnosces. Præterea argumenta scribendi tanta erant, quæ calami mei arena capere non posset, & metuebam sanè, ne si apertiùs ab alijs scripta acciperes, me aut ignorantia, aut exactè nimis prudentiæ apud te accusares, & tamen omittere illa si scripsissem vix possem. Adeò ingenuus sum, vt officiosis & leuibus quibusdam scriptis, alia continere animo quæ vel te scire autumabam non potuerim. Nunc quando me officio isto soluis crebras à me epistolas habebis, & si diu viuam profectò me tibi calculo computatorio exoluam: sin minùs, mortuus ea ad cèlites perferam quæ pro Ecclesiâ & Patriâ præclarè gessisti & adhuc agis. Vale Antistitum optime



optime decus & ornamentum Poloniæ nostræ. Vilnæ ex Collegio nostro  
decimâ nonâ Aprilis M. DC. XXXVI.

## MATTHIÆ CASIMIRO SARBIEVIO

## SOCIETATIS IESV SACERDOTI

*Stanislaus Lubinski Episcopus Plocensis.*

**R**EDEVNTEM Sarbievium meum è Badenſibus Thermis ſaluto. Nō  
quero vt viuas; vivere enim te, & omnibus morbis tam pretioſo ſul-  
phure quod tam longè petendum erat purgatum redire ſanum confido.  
Letheam illam aquam dixerim, quæ cū corpus ſanet præteritorum me-  
moriam æternâ obliuione ſopiat. Melior aura Polonica: quam poſtquàm  
attigeris ipſe tibi reſtitutus videberis: venient in mentem amici, & tota  
cohors tibi benè cupientium, quorum ego primus compareo, & an rectè  
omnia habeant requiro. Describes itineris commoditates, loci in quo te  
in aquis fouiſti amœnitatem, Urbis Viennenſis (quam olim noſtri maio-  
res incoluere & Wieden, quaſi quòd illuſtrior appareat, vel Viednam  
quòd in eâ Veneficæ habitauerunt appellauero) venuſtatem. Cætera cū  
veneris nobis referes. Interim Vale meque amantem te, mutuo amore  
proſequere. E prædio meo Barthodzierenſi tertiâ Octob. milleſimo ſex-  
centefimo trigeſimo octauo.

SALVTATIO GRATVLATORIA  
NOMINE CAPITVLI VARSAVIENSIS

Cū Sereniſſimus Princeps Dominus

SIGISMVNDVS POLONIÆ ET SVECIAE REX

*capto Smolensco Varſauiam rediret Anno M. DC. XI.*



I quod vnquam tempus fuit Sereniſſime Rex, quo  
te ſacram hanc baſilicam ingredientem, læto &  
faſto gratulationis officio excipiendum, atque  
immortali Deo Tuæ incolumitatis & fortunæ au-  
ctori, gratias agendas putauimus: nunc illud  
certè eſt, cū te clarâ & illuſtri partâ victoriâ  
ſoſpitem conſpicimus. Tenuit anxia & diuturna  
expectatio animos noſtros, & quamuis fama rerum à Sacrà Maieſtate  
Veſtrâ geſtarum, frequentibus nouata nuntijs, nonnihil laxamenti da-  
ret



ret susceptæ sollicitudini, ac interdum etiam ad lætitiā excitaret, secundo cursu affluens fortuna; tamen (fatendum est enim) incertos belli euentus dubiosque & ancipites communis Martis casus reputantibus, non inanis metus versabatur ante oculos: ac te vnum, cuius incolumitate publica salus continetur poscentibus, nihil adeò læti nuntiari poterat, quod omnem metus suspicionem animo penitus eximeret. Nunc te omnium post hominum memoriā maximā & clarissimā partā victoriā conspectui nostro redditum læti gratantesque excipimus, & publicā omnium Ordinum lætitiā priuatā quoque Collegij nostri voce testamur. Suscepisti Diuino magis quàm humano consilio bellum, genere ipso necessarium, magnitudine periculosum; rebus præclarè gestis omnem antiquitatis memoriā superasti, sacra maiorum tuorum vestigia pressisti, atque felici virtutis imitatione longè illustriora reddidisti. Quæ te nunc hostilis regio conspexit, tuæque victricia sensit armā, eadem retroactis sæculis Vitoldum illustrem, & victoriosum sanguinis Tui Principem, Atauum Tuum Casimirum, Auum Sigismundum, quem non nomine tantum & vultus lineamentis, sed iis etiam virtutibus, quibus ut sui temporis Pater Regum appellaretur, promeruerat, præclarè exprimis, felicissimis victorijs easdem terras peragrantes admirata est: sed illorum fixa ad perpetuam posteritatis memoriā trophæa penè iam interciderant. Gens feritate barbara, religione superstitiosa, multitudine infinita, fide ambigua, nec magis telis quàm suo cælo, suo sydere armata, aduersis nostrorum vsa opportunitatibus, quæsitum maiorum nostrorum sanguine Reipublicæ patrimonium, fraude & proditione interceptum inuaserat. Non annos, sed secula accepti damni numerabamus, penitus iam ea macula infederat in animis nostris; nemo ultor extitit, nemo qui tantum dedecus amoliretur, ac perfidiam virtute ultum iret, repertus est; Maiestate quoque Vestra tot iam annos imperium felicissimè moderante, erat non nemo qui quereretur, nimis diuturnas hosti fœdifrago prorogari inducias. Regium est Serenissime Rex nec prouocare bella, nec timere; non illa segnis tua quies magnis Reipublicæ interpellata negotijs, nec infructuosum, nec obscurum fuit otium: sed in maioris gloriæ opportunitatem dilata virtus, & suscipiendi belli expectata occasio: cum suo ipse scelere vecors, nefariā innoxij pueri cæde pollutum amisit imperium Hodunus, alter item ille ficti nominis Demetrius, lusus magis fortunæ quàm tantā fortunā dignus, & vel eo solo nomine impius, quòd erga Maiestatem Vestram, cui omnia debebat, ingratus, parto impostorijs artibus Regno breui excidit: cuius ruina etsi nonnullam nomini nostro notam inuasisse videri possit, tamen eadem rei benè gerendæ præclaram ultro suppeditauit facultatem. Non satis erat sceleratæ genti, casu Tyranno assertam tueri libertatem, versa in rabiem hospites paulò antè suos fide publicā eò profectos, in ipsis mensæ hospitalis sacris, barbarā feritate contrucidat; omnia diuina humanaque iura ac fœdera confundit. Erat ea belli causa

iusta



iusta, legitima, necessaria, cū multis tantibus cunctis & nonnullis tuæ gloriæ quæ publico bono coniuncta erat inuidis (nec enim eā peste hominum vlla Respublica carere potest) palam dissentientibus, Tu inuictissime Rex semper pacis & honesti otij auctor, primus arma expedienda censuisti: ausus es quod vix credi poterat, eo præsertim rerum statu, nec satis domesticis sopitis dissidijs, quenquam ausurum, animo quàm viribus paratior, causā quàm copijs potior. Dicā verum; diuino magis quàm humano consilio bellum aggressus es. Smolenscum iuris quondam Maiorum tuorum Arcem & oppidum, arte & naturā munitissimum, magnitudine ingens, mœnium & fossarum amplitudine tutum, com meatu ac bellico omni apparatu instructum, propugnatorum copiā ac obstinatā audaciūque ad defendendum in sui vique perniciem contumaciā inexpugnabile, obsidione cinxisti. Initium huius rei mirer an finem? multum est quod perseveraueris, plus tamē quod non fueris veritus ne perseverare nō posses. Spectata est tua fortitudo in periculis, labor in negotijs, industria in agendo, celeritas in conficiendo, consilium in prouidendo. Multo sanè labore persuadendum erit posteritati vt narraturis credat Sigismundum III. Regem Poloniae, eiusque exercitum in regione æterno damnatā gelu, aduerso tempore, cælo aspero binas in castris egisse hyemes, obsidionem continuasse, hostem tuendis propugnaculis naturā factum, & vsu exercitatum, tanto numero mœnibus clausum, nunc assultu, nunc ascensu, interdum actis cuniculis infestasse. Hæsit aliquantō ad hunc scopulum fortunæ tuæ cursus, sed ita hæsit, vt Maiestas Vestra eo ipso clarior, illustriorque euaderet, atque magis solidā potiretur victoriā: cū interim felicissimis Maiestatis Vestræ auspicijs fortissimi Duces belli rem præclare gererent, inuictus tuus exercitus hostilis latebræ occasione vsus, hyemem asperam barbaris inferret, & alieno tempore arma tractare cogeret, atque eo ipso tempore, quod perpetuis frigoribus assuetis hostibus amicissimum alienissimum fore nostris putabatur, cū flumina ripas gelu iungunt, duratāque glacie ingentia tergo bella & sustinent & transportant, in armis atque in hostico versaretur, & hyberna æstiuus, æstiuus hybernus continuaret. Cæsi ingentes hostium exercitus; præter multas munitissimas arces, capta ipsa Imperij Moschouitici primaria sedes, reductus in potestatem Maiestatis Vestræ temerarius vsurpator Imperij, factæ irritæ audacis & noui impostoris artes, detecta fraus & versutia simulatam obedientiam offerentis callidæ & vatræ gentis, vt tracta in aliam atque in alteram æstatem obsidio, cōsultō ad nobilitandum maximis victorijs Maiestatis Vestræ nomen, explorandāque hostium fidem, & stabiliendum Imperium existimari possit. Nos interim de Maiestate Vestra solliciti & Diuini ignari consilij, ad has quas nunc Maiestas Vestra veneratura accedit aras prostrati, supplices ad cælos manus tendebamus. Vidisses Serenissime Rex, in te vnum, tuamque salutem omnium vota conferri: sacri profanique ordinis homines cælestem tuis auspicijs opem implo-



implorare, te vnum votis, suspirijs, ac desiderijs omnium expeti. Serò quidem, sed tandem aliquando penetrarunt voces gementis populi, auditæ preces, flexum cœleste numen; assiduitate & consilio Ducum, virtute militum, constantiâ, felicitate, & auspicijs Maiestatis Vestræ confecta res est. Captum Smolenscum: patet vniuersa Moschouia: non vicinæ modò nobis ab eâ parte gentes, sed omnis ignoti nominis septemtrio pronus Maiestati Vestræ colla submittit: vt non spem modò ac votum, desideria nostra, sed ipsius voti certam teneant fiduciam. Ingens sanè gloria, & æternâ futuræ posteritatis memoriâ celebranda, quam si nec militum robori, nec Ducum rei militaris peritorum experientiæ, nec vlli felicitati, sed Maiestatis Vestræ pietati & sinceræ erga Deum religioni adscripsero, non vereor ne quid ei detrahare videar. Tua Serenissime Rex in Deum fixa mens, semper tuæ sacræ occupationes, & in persoluendis votis & precibus impensæ horæ, hoc tantum & tam eximium decus nobis pepererunt. Nec minùs Serenissimæ Reginæ pium ac sanctum hac in re enituit studium, quæ Castrenses Maiestatis Vestræ labores, fufis ad Deum precibus, sudorem bellicum lacrymis, vigilias & excubias frequentibus ieiunijs, atque liberalibus in egenos largitionibus, vitæ periculum sacrosanctis incruenti sacrificij hostijs absens licet & tantis locorum diffusa spatijs, sed præsens animo cumulatè suppleuit; vt non immeritò illius quoque Maiestati veluti eius laudis consorti gratulari debeamus. Gratulamur sanè Maiestatibus Vestris & Serenissimo Vladislao, nato ad illustrandam temporum nostrorum memoriam Principi, paternarum virtutum heredi, felicitatem, incolumitatem & diu exoptatum atque omnium votis & desiderijs expetitum ad nos reditum. Tibi verò Serenissime Rex potissimùm & tuo & Reipublicæ nomine gratulamur, Deumque immortalem precamur, vt omnes cogitationes tuas hinc lætus sequatur euentus, & ne qua vnquam præsentis diei lætitiâ aduersæ fortunæ procella perturbet, vel vmbra obnubilet, sed felicibus initijs felicior respondeat successus; vt tantis virtutibus & rebus gestis gloria Imperij Maiestatis Vestræ & nouetur & augeatur.



L A V D A T I O F V N E B R I S  
 S E R E N I S S I M I  
 S I G I S M V N D I I I I.  
 P O L O N I A R V M E T S V E C I Æ  
 R E G I S , & c.

**I**N theatro lugubris mœstitiæ & acerbissimi doloris positum intuemur Serenissimum & Inuictissimum Principem SIGISMUNDUM III. Poloniarum & Suecorum Regem. Ille Europæ, Asiæ, & Africæ in potentissimo Turcarum Imperatore, quem non minus fortiter quam feliciter à cernicibus nostris repulit, victor: ille latè patentis Moschouiæ, expugnato Smolensco, Vrbe Regiâ, ac tanti Regni, quod Europæ ingentes recessus suâ Iurisdictione complectitur, Principe Suiscio, ynâcum duobus fratribus capto, triumphator magnificus: ille immanissimæ omnium quæ sub sole extant Tartariæ nationis terror: ille omnium hostium domitor: illa pietas, illa religio, illa iustitia, ille humani generis amor, & deliciæ: ille, qui quadraginta quatuor & amplius annorum felicissimi Imperij successu id consecutus est, vt Rex sui temporis Regum dici & haberi mereretur; ille qui Augustis domus Austriacæ connubijs, vniuersi Christiani orbis Reges & Principes illustrium affinitatum nexibus sibi deuinxerat: ille Regiæ sobolis ad salutem Reipublicæ Christianæ natæ felix Pater: ille inquam Sigismundus, qui & originis nobilitate, & Regnorum quibus præfuit felicitate, & imperij diuturnitate, omnes sui temporis Reges longè superauit, esse desijt; & se vixisse, hoc supremi exitus sui tristi spectaculo, testatur. Lacrymisne eius mortem decorare, an memoriâ Heroicarum magni Regis virtutum animos à mœrore & tristitiâ auocare conuenit, Vobis qui præsentibus adestis dispiciendum relinquo. Illas quidem poscit Domus Regia, tanto orbata parente: poscit inprimis Serenis. Princeps Vladislaus Sigismundus, noster Electus, & Suecorum Gottorum hæreditarius Rex: poscunt omniū Ordinum & Statuum Regni Poloniæ, & Mag. Ducatus Lithuanie, quos attritos & frequentes videmus, inclyti Senatores, Equites, & Proceres: poscit denique hæc funebris pompa, ad excitandum dolorem composita: ceterum hæc omnia ad vnus alteriusve diei, vt rerum humanarum conditio fert, decursum duratura, linquamus alijs. Deflebunt Sigismundum, quos naturæ lex lachrymas fundere iubet: deflebit vniuersa Respublica nostra quàm diu nominis Polonici exstabit memoria: deflebimus nos, qui eius beneficijs creuimus, honoribusque ab eo aucti ac ornati conspiciamur. Fundemus non stipendiarias, nec tristi cohortatione extortas lachrymas; spontè illæ fluent, maioremque in pectoribus animis que nostris conti-



neri dolorem quàm palam ostendunt testabuntur. Sed nos interim ad alia orationem nostram conuertamus, ingensque & magnum pelagus virtutum huius qui quondam Magnus Rex, nunc exanguè cadauer cernitur ingressi, in earum admiratione aliquantisper immoremur. Neque sanè quisquam existimet temerè vel audacter me hoc munus suscepisse: non temere, nam hæc prouincia nutu Tuo Serenissime Rex Vladislac ad me delata est: non audacter nimis, nam propè quadraginta annorum obsequio, plus plerisque experimenti capere potui quoad præsentem vsum seruiat. Scio ego Regias virtutes sub vulgarem censoria notæ æstimationem cadere non posse. Sublimius & maius iudicium illæ sibi deposcunt: de quibus cum multa dixerint, scripserintque, ego potissimum eas deligam ex quibus Regiam Sigismundi Coronam compactam fuisse, vel ipsa inuidia fateatur necesse est. Audeamus igitur aliquid plus genio & ingenio nostro, ordiamurque magis verâ, quàm ornata oratione susceptum exequi munus.

Plinius in  
Paneg.

Christiani & Catholici Regis virtutes recēsenti viro Ecclesiastico maxime conuenit, vt dicendi initium sumat à pietate, à religione, à constanti augendi & promouendi cultus Diuini studio. Hęc enim omnium virtutū esse prima, & præcipua fundamenta, impius sit, qui negauerit: super hanc basim feliciter assurgunt parietes cunctarū perfectissimarum actionum, cum nihil rite nihilque prouidenter homines, sine Dei immortalis ope, consilio, honore, auspicari possint. Nisi fortè quispiam, vt sunt hominū ingenia, obstrepere voluerit, & cæteras quidem virtutes æmulandas Principi non negauerit; pietatem religionemque; priuatorum hominum occupationem esse contenderit. Talem talesque ego, si modò tanta impietas vllibi receptū habeat, extra orbis solisque vias reiecerim, & indignos iudicauerim, qui cōmuni aurâ, communibusque vitæ subsidijs, perfruantur. Regius Vates Spiritu Sancto afflatus, cum sciret plerosque Reges vel efferri superbiâ, vt homines se esse vix meminisse velint; vel certè, quæ summa impietas est, pietatis studia cæteris actionibus postponere; vel accendi iracundiâ, vt ad crudelitatem exercendam prono ferantur impetu, ab hac amentiâ auertere eos conatur: Et nunc, inquit, Reges intelligite, erudimini qui iudicatis terram, seruite Domino in timore, & exultate ei cum tremore; Apprehendite disciplinam ne quando irascatur Dominus & pereatis de viâ iustâ. Intelligite, vos pari cum cæteris esse conditione, naturâ mortales, necessitate & lege fati mox morituros. Erudimini, nam etiamsi terræ sitis Iudices, etiamsi ius ex æquo & bono dicatis, etiamsi viam iustam tenere videamini: nisi tamen disciplinam non terrenam, sed cœlestem apprehenderitis; nisi Domino cum timore serueritis; nisi tremantes laudes eius decantauertis, & nomen Sanctissimum, Maiestatem illam omni Maiestate maiorem, exaltaueritis; ex hac ipsa viâ, quæ vobis iusta videtur, ita decideris, vt vos perijsse serò quidem, sed seriò sitis dolituri. Cæteræ virtutes (inquit Valerius Maximus) admirationis tantum-



tantummodò multum, pietas verò etiam amoris meretur plurimum. Ad hanc Serenissimum Regem nostrum, non factum, sed natum vidimus; hanc ex ipsis maternis traxit visceribus, hanc suxit ex vberibus. Meritò Sanctus Gregorius, vel ipse potius Spiritus Sanctus, dum stupendum illud inuictæ patientiæ exemplar Iobum in terrâ Hus, quæ erat erroribus impijs infecta, natum refert, id illius laudi & præconio adscribit; quòd vir pius, inter impios conuersatus, pietatis tramitem non deseruerit: esse enim bonum inter malos, plus est, quàm si inter optimos optimus appareret. Non obfuit Sigismundo, imò profuit nasci in Regno Hæretico, & eo Patre qui ad suum arbitrium religionis causam reuocabat: blandimentis, quæ iuuenilem animum facilè commouerent vrgebat Pater, sibi gratum fore, si filius suæ sententiæ, vel opinioni potius erroneæ accederet; sed & minæ, & ipsa penè vis admota, stabile pectus loco mouere non potuit, sed vera seu ficta Senatus Suetici denunciatio, cariturum Regno nisi nouæ religioni nomen daret, id extorsit, vt in perniciem potius se daturum, quàm religionem Catholicam deserturum, profiteretur. Hæc admodum iuuenis, inter Hæreticos Magistros, ac eorum & Patris imperio obnoxius, iam matre sanctissimâ femina orbat, illius tamen monitorum memor, dixit fecitque prudenter, constanter, religiosè. Tantis inijs totus deinceps vitæ decursus optimè respondit. Ita semper vixit Sigismundus, vt eius pietatem Summi Ecclesiæ Præsides laudarent, Reges Christiani admirarentur, Ciues amarent, hostes pertimescerent: ipse inter maxima positus pericula, eâ vbique tutus parata vitæ discrimina inaudita felicitate euitavit, superavitque. Dum Christi religio, dum Ecclesia Catholica, dum sincera Euangelicæ veritatis professio durabit (quæ tamen omnia ad supremum totius vniuersi exitum duratura, Christus ipse spondit) extabunt in Polonia & Lithuania nobilissima monumenta Sigismundi Regis pietatis, magnificentiae, liberalitatis; Templâ Basilico opere structa, Aræ, Altaria, Diuorum Statuæ auro & argento fusæ, testabuntur Sigismundum Regem, neque erga Deum pietate, neque erga Sanctos Dei veneratione, cuiquam etiam maximorum & sanctissimorum Regum concedere voluisse. Loquetur & sponte agnoscat Polonia, quæ illo regnum auspicante magnam Senatus partem, vt inferiorum Ordinum homines silentio præteream, diuersis infectam hæresibus vidit, se propè vniuersam cum amplissimis Prouincijs suis, ad veteris Orthodoxæ & Catholicæ Romanæ religionis normam, paternâ & piâ tanti Regis curâ tractatam. Neque ille ad id efficiendum vllâ vi opus habuit: sola ipsius pietas, sola erga Deum religio, erga Sedem Apostolicâ obseruantia, mentis puritas, corporis castitas vnumquemque commouere poterat, ad obseruandum magnique estimandum tantum Principem, eiusque præstantissimas virtutes æmulandas: itaque pij regiminis dulcedine, adeò mox cunctorum hominum animos pellexit, vt ad sui exemplum penè totam composuerit Poloniam. Multa hac de re dici possent, multa adferri, quæ for-



tasse Catholicis viris grata essent; aduersariorum verò aures minùs iucundo sono ferirent: sed ille, qui dum vixit pietatis suæ actus Deo soli notos esse voluit, ne nunc quidem, vt in publicum proferantur velle admittere credendus est. Ad alia igitur transeamus: videamus vt cæteræ Regiæ virtutes semper quidem pietati coniunctæ, & in eâ fundatæ, in illo enituerint. Iustitia inprimis quam omnium virtutum Reginam meritò viri sapientes existimarunt. Agesilaus quidem Rex, cùm ab eo quæreretur, vtra virtus esset præstantior: Fortitudo an Iustitia? grauiter respondit: Fortitudinis nullum esse vsum, nisi adsit iustitia: quòd si omnes essent iusti, fortitudini locum non superfuturum. Quàm latè ea virtus pateat, & ad omnes publicas priuatasque actiones sese diffundat, nemini obscurum esse arbitror: hæc honores dignis; hæc præmia meritis; hæc coronas immortalis gloriæ largitur fortibus; hæc bella definit; hæc pacem moderatur; hæc Principem intra præscriptos regiminis cancellos; hæc subditos in officio, socios in fide continet: hæc fontes punit, innocentes absoluit, excindit latrocinia, regna conseruat, Principes & Reges cælo inferit. Romanos olim rerum Dominos nihil magis nobilitauit quàm iustitia: eam autem non ciuibus tantùm, amicis & socijs, sed hostibus quoque suis semper seruandam esse censuerunt; eâ domi forisque, pacis belli que tempore constanter eminere contendunt. Mirari sanè licet tanti virtutem in illâ Vrbe æstimatam, vt eilatare non liceret; ab aratro & ligone euocabantur viri fortes: ijs summa imperia, ijs Dictaturæ deferebantur, amplissimi & clarissimi victoribus triumphus decernebantur. Veteranis & emeritis militibus ea quæ ad senectutem cum honore traducendam necessaria erant, publico sumptu abundè suppeditabantur: ijs qui in acie, pro patriâ vitam profudissent, honores, laudes, Statuæ, monumenta æterna deferebantur, proponebantur, consecrabantur. Ac vt omnibus constaret, non nisi per virtutem honores haberi posse; honori ac virtuti templum dicarunt, interiecto tantùm diuisum pariete, ita vt in honoris templum, nullum esset ostium, nullus nisi per virtutis templum, in illud aditus: virtus enim causa honoris est: honor effectus virtutis: illa meritum, hic præmium: illa radix, hic fructuosissimæ radicis fructus: sine virtute nullus verus, solidus, ac diuturnus honos esse potest, & qui honore priuat virtutem, is homines priuat virtute, vt Cato dicere solebat. Quid ego hoc loco de Sigismundi Regis iustissimi iustitiâ dicam? Percurramne omnes eius Imperij annos, & tempora? Non me eò demittam, vt cuncta rimer & peruestigem. Vos plerique testes estis illum nunquàm in mandandis Magistratibus, in decernendis honoribus, ita à scopo & suæ intentionis & Reipublicæ dignitatis aberrasse, vt eum hunc vel illum promouisse, vix vnquam poenituerit: magno & acri iudicio expendens & merita & onera, non faciliè explicabat, quid decreturus, quem muneri publico admoturus esset: ita plerisque cun-

ctantior



etantior visus, & qui interdum desideria ambientium longâ expectatione suspensa torqueret. Vix tamen accidit, vt præter communem opinionem quenquam vel dignitate ornaret, vel præmio afficeret. Sciebat enim optimè, quantum publicæ salutis & suæ dignitatis interesset, dignos Magistratibus præficere. Est malum (inquit Spiritus Sanctus) quod vidi sub sole, quasi per errorem gradiens, à facie Principis: positum stultum in dignitate sublimi, & diuites sedere deorsum. Antiochus Syriæ Rex, Medicum consilij sui præsidem fecerat. Ludouicus XI. Gallorum Rex, futuri suo Fetialis ac Internuntij; tonsori Legati; Medico magni Cancellarij partes detulerat: ea res ita commouerat Galliæ nobilitatem, vt parum abfuerit, quin Rex Regno excideret. Nihil tale vnquam admittit noster Sigismundus, ab omni eiusmodi sorde alienus, fauebat quidem virtuti, fauebat industriæ, & vt olim Hannibal: Qui hostem feriet ille mihi Carthaginensis erit: sic optimum & dignissimum Ciuem eum existimabat, qui & in Sago, & in Togâ, vtilem Patriæ nauaret operam. Altera illa pars iustitiæ, quæ lites discernit; quæ noxios punit; quæ publicam quietem tuetur; quæ Ciues inter se mutuâ connectit charitate & concordia; quæ bella indicit; quæ fœdera sancit, maiori quidem ex parte non est nec fuit in potestate Regum nostrorum. Sic prisca instituta Maiorum, sic leges voluerunt, ne Rex priuato arbitrio arma sumeret: ne inconsultis Ordinibus noua fœdera feriret; ne in Ciuis Poloni caput, existimationem, bona, absolutâ potestate quidquam decernendi ius haberet. Quæ res fortassis ad frenandam libidinem Regum facta, in Sigismundo certè locum non habuit, cuius mite Imperium ac legibus libertatibusque Regni accommodatum, extra suspicionem fuit, vel maioris auctoritatis, vel liberioris potestatis vsurpandæ. Ille quidem, quantum ea res ad censuram eius pertinuit, quantum conando efficere potuit & in proprijs iudicijs, quæ Regiæ Iurisdictionis esse dicuntur, nunquam à tramite Iustitiæ se dimoueri passus est: & vt ij qui Regio nomine ius dicunt, quàm optimi iustissimique ac iuris cæteris peritiores legerentur, omni studio elaborauit. Dicam id quod sentio, bonâ veniâ aliorum dictum tamen sit: Interfui & præfui Iudicijs Supremis & in Aula Regiâ, cùm Vice-Cancellarij munus obirem, & in ijs Tribunalibus, in quibus ex Equestri Ordine lecti Iudices ius dicunt: hæc quidem non possum nisi laudare probareque, vtpotè quæ veram ideam repræsentant synceræ & non contaminatæ libertatis; neque ampliùs latus existimationis meæ, quòd ab inuidiâ temerè petatur, patefaciam, nisi vt hoc fatear; Regia Iudicia & in Comitijs Regni, & in Aulicâ, vt vocant Iurisdictione, quæ Fisci, ac Ciuitatum iuri Magdeburgensi subiectarum, causis continetur, casta, pura, & integra esse. Ita voluit Sigismundus Rex, iustitiæ amantissimus & studiosissimus, ita ad recti Iudicij normam sese accommodauerunt ij, quos ille lateri suo assidere, quos summæ rei præesse, quibus existimationis suæ summam committere voluit.



Sed quid ille iniustitiæ admitteret, qui priuatas suas actiones ad Iustitiæ æquitatisque regulam semper componebat: qui simulatione & inani ostentatione comparere, indignum suâ existimatione putauit: qui semper id egit, vt qualis haberi vellet, talis esset? Nescio (inquit Sanctus Hieronymus) quomodo turpiora sunt vitia, cum virtutum specie colorantur. Si dissimulauerit, delinquit dupliciter: ait Spiritus Sanctus. Simulata enim æquitas, teste S. Augustino non est æquitas, sed duplex iniquitas; quia iniquitas etiam est simulatio. Synceræ & ad regulam virtutis Regis nostri examinatæ actiones, ceterorum qui tum cum maximè fallunt, id agunt, vt boni viri esse videantur simulationes, damnant & sceleris Hypocritici conuincunt. Hic candor, & non fictæ mentis synceritas, præclarissimas quasque Regis nostri actiones, heroicos ac diuinos pro Republicâ conatus, secundo semper euentu prosperabat: & quamuis primis eius initijs parum propitium fortuna vultum ostendere solita fuerit, vix tamen vnquam, aliquid maius aggresso, felix defuit successus. Admirationem summam excitabat in animis gentium & magnorum Principum constanter semper culta à Sigismundo fides, quam non modò ciuibus, sed hostibus suis semper religiosè seruauit: pacta & promissa rescindere, fidem datam immutare, semel alicui destinatum honorem vel beneficium ad alterum transferre, æquè insolitum illi fuit ac iurisiurandi sacramentum irritare. Audiebat Socratem prudenter Regem Nicoclem admonentem. Omni studio contende, vt tuis verbis maior sit fides, quàm aliorum iuramentis. Animo reuoluebat sacram Dei ipsius vocem apud Zachariam Vatem. Vnusquisque malum contra amicum suum ne cogitetis in cordibus vestris, & iuramentum mendacij ne diligatis; omnia enim hæc sunt, quæ odi, dicit Dominus. Meminerat quàm acerbis, iustas tamen pœnas subierit Dômus & familia Regia Saûlis, ob violatum ab eo datum populis Gabaonitarum, per Iosue Ducem Hebræorum, iusiurandum ob ademptum agrum, occupataque contra datam fidem oppida, ob cædem per Saûlem factam. Septem ipsius nepotes Regius sanguis, patibulo publicè affixi, pependērunt; & per summam immanium cruciatuum acerbicatem, non suâ sed maiorum suorum culpâ contractum scelus, & sacrilegium, expiarunt. Videant cæteri Principes, ludere iuramentis assueti, quid vel ipsis, vel eorum posteritati immineat, quibus pœnis teneantur, quibus tormētis aliquâdo tandem impia expiaturi sunt sacrilegia, etiamsi nunc exultare videantur in scelere; etiamsi perfidiæ suæ palam iactent stratagemata; etiamsi prospero successu ferantur, & per summum nefas occupent aliena Imperia, sanguinem Christianum atrociter fundant, sacratas Deo Aras, Tempia, aditusque sacrorum sacrilego incestent ausu, eaque omnia impunè se perpetrare gloriantur: vna veniet dies, vna hora, vel potius minimum labentis temporis momentum, cum hæc omnia inanis gloriolæ & impiæ iactantiæ falsa ornamenta istis Trafonibus, sanguine Christia-



no saginatis, triste & supremum adferent exitium. Illine qui nunquam Christiani nominis hostem in acie viderunt? qui pedem domo, nisi ad infestandas Christianas Prouincias, ad accipienda occupandaq; Regna non extulerunt? qui quotidie impias societates, impia foedera cum Turcis, cum Barbaris ferunt, vt eorum rabiem in Christianos accendant, suamque tam turpi subsidio Tyrannidem stabiliant? Illine inquam, quidquam veræ laudis, veri decoris sibi, etiam si integra laudatorum ad adulationem compositorum agmina aduocent, vsurpabunt? Sed nos ad nostra redeamus, atque à Iustitiâ ad Clementiam transitum faciamus. De quâ vt aliquid dicerem, cum multa præclara eius virtutis specimina quæ in omnibus Sigismundi actionibus enituerunt, tum vel maximè vna eiusdem Regis vox me impulit. Nam cum errore quorundam Regis imperium fastidientium, ad arma ventum esset, aciesque eunti Regi, sub nomine eorum qui tum libertatis patronos se ferebant, structa & armata opponeretur: acri, sed breui prælio res confecta fuit, paucis cæsis, reliquis aduersarijs in fugam actis. Suadebant nonnulli è fugâ retrahendos eos, qui Principes eius erroris erant: Sed Rex, absit hoc inquit, ne dum paucos noxios confectamur, innocentes multi pereant. Digna sanè vox quam omnes Reges, omnes Principes audirent: quæ in pectoribus eorum qui cæteris præsumt figeretur. Vox pietatis, vox clementiæ, vox mansuetudinis. Nemo eorum qui in aduersa acie steterant, erat, cui non hostilis esset in Regem animus, cuius non parricidij rea mens, qui non primus hastam aut gladium Regio sanguine tingere cuperet: omnes tamen Regio ore, parricidij scelere exoluti, omnes pronuntiati innocentes, non quia nocere nolissent, sed quia non potuissent. Certabatur adhuc, & bellum feruebat, fugiebant hostes mox bellum renouaturi: sed Sigismundus & iniuriæ, & periculi immemor, memor clementiæ, sisti acies iubet, militem ne Ciuem feriat, ne capita aduersariorum præcidat, seueris cohibet iussis. Commemorare possem multa alia eodem temporis momento Regiæ clementiæ argumenta: eos qui pessimè erant de Rege locuti, qui scriptis eius nomen lacerarunt, qui ante ipsum conflictum in pectore Regio se defixuros hastas promiserant, captos, & in potestatem Regis redactos, non solum honestè habitos, verum etiam statim dimissos; omnium quicumque in acie ceciderant, humata corpora: his qui aut vulnera acceperant, aut vestibus spoliati erant, nihil defuit; nam & Medici præstò erant, & Rege auctore, milites passim detrahtis sibi vestimentis necessitati spoliatorum subueniebant. Dies quidem illa quâ pugna commissa est, funesta bonis omnibus, tristis admodum ipsi etiam victori Sigismundo esse poterat, sed ad immortalitatis gloriam, ad famam inauditæ clementiæ eidem conciliandam, maximè accommodata. Vicit Sigismundus, non armis sed clementiâ, remisit iniurias, omnem animi offensam deposuit, cunctos ad gratiæ suæ sinum admisit, duobus non postremæ notæ, qui dissensionis illius ciuilis, veluti



quidam litui erant, non solum erroris veniam dedit, verum etiam alterum ex ijs, summis excoluit honoribus; alterum si superuixisset, si non vitæ summa brevis spes ipsius præcidisset, non minoribus honoribus & dignitatibus aucturus ornaturusque. Tanta quidem huius virtutis laus est, ut Romanæ eloquentiæ Parens merito dixerit: Homines ad Deos nulla aliâ re propius accedere quam salutem hominibus dando. Quam multos Sigismundus Rex suâ clementiâ flexit! ut cum prius Regijs actionibus & destinatis obsisterent, mox mutato animo, eidem adhæserint, præclarosque ipsius pro Republicâ conatus studio operaque sua adiuuerint. Verecundiam enim (inquit Seneca) facit ipsa clementia regentis. Utque frequentia eorum qui sub curâ & manu Medici salutem quærunt funera Medico dedecori sunt: sic Principi quotidiana odia subditorum. Sacra quidem Scriptura Regis thronum clementiâ & misericordiâ roborari, verissimè asserit. Et Seneca errare eum dicit, qui existimat tutum ibi esse Regem, ubi nihil à Rege tutum est: securitas, securitate mutuâ paciscenda est. Vnum est, inquit, idemque inexpugnabile munimentum, amor Ciuium. Quid pulchrius quam viuere optantibus cunctis, & vota non sub custode, sed palam nuncupantibus? Optimè Agasides Lacedæmoniorum Rex cuidam quærenti, quomodo tuto sine satellitibus regnare posset, respondit: Si ita popularibus imperet; ut liberis pater. Quod si clementia Ciuibus grata est, quid si eadem conspiciatur hosti præstita, quantam admirationem in animis hominum excitat? Suicius qui summam rerum in Molchouiâ tenuit, captus, & ex dignitate personæ vnâ cum fratribus honorificè habitus, cum fato diem extremum obiisset vitâ functus, non sepulchro sed Mausoleo à Sigismundo victore, victo hosti magnifice erecto, illatus, & ad perpetuam clementiæ memoriam condecoratus est. Non attingam cæteras virtutes, non quod existimem eas Regio decori non conuenire: sed quia ita in omnibus Sigismundi actionibus fulsere, ut vel inimicorum perfringerent oculos. In maximis quibusque periculis, in ipso vitæ discrimine, nullus vnquam eum vidit ita commotum, ut serenitatis vultum immutaret, ut non ab animi præstanti magnitudine consilium sumendum censeret. Monitus in prælio Guzouienfi, ut perturbatâ dextræ partis exercitus acie, ad laeuam quæ immota stabat signum Regium transferret, Ducibus idem suadentibus, constanter vultu renidens, ne ad vnum quidem palmum terræ loco quem ceperat se mouere voluit. Ad Lincopiam in Sueciâ arte Caroli circumuentus, & à Suecis desertus, cum paucis qui fidem seruauerant, Regemque & Polonos pro Rege mori paratos, & vitæ discrimen, non multitudine hostium, sed virtute suâ metientes, non deseruerant, urgente Carolo, pugnæ copiam fecit, atque in primâ acie, quæ tormentorum ictibus petebatur, stetit imperterritus; multitudinemque hostium & impetum longè maioris exercitus, virtute suâ sustinuit. Nec illud silentio transmittere possumus, cum Sigismundus sub alterum ex Sueciâ discessum



sum Culmariensem portum peteret, vique ventorum naui, quæ Regem  
vehebat, in breuia adacta & inuersa fatisceret, periculumque esset, ne  
compagibus solutis mergeretur; cymba vna superfuit, quâ Rex ad littus  
euadere & salutis suæ consulere posset; quam cum esset conscensurus, &  
aliquot vel timidiore vel audacior in eandem se demitterent, vnusque  
ex ijs quibus Regiæ salutis cura demandata fuit, strictis armis ab exscen-  
su eos arcere vellet; Define, inquit Rex, & vnumquemque salutis suæ,  
quam quiuisti æstimat, quanti & ego, & vos meam æstimatis, con-  
sulere. Quid memorem alia? Magni quidem momenti negotia semel  
aggressus, nunquam deseruit, metu vel terrore denunciati etiam pericu-  
li: sententiam nunquam mutauit, obstinatio alij visus; sed virtutes eius  
expendentibus, fuit semper constans & inuictus. Quidni talis esset, qui  
non solum hostium, sed quod præstantius meritò habetur, sui ipsius  
semper victor extitit? Legimus magnos Reges, & summos Imperatores  
expugnatis victisque hostibus, per summum dedecus, libidini & intem-  
perantiæ succubuisse. David Rex, nisi adulterio domum polluisset, sine  
vllâ exceptione ipsius Dei ore laudari potuerat. Ad Ticinum, ad Thrafi-  
menum, ad Cannas, Hannibal toties Romanorum victor, Capuanis  
mollioribus hybernis concidit. Alexandrum Magnum, post deuictum  
orbem propè vniuersum, Babylonicæ illecebræ occiderunt. Eandem ob  
causam amissa Regna, euerfa Imperia, excisas Vrbes, nulla ætas fuit quæ  
non viderit; nulla natio quæ tristi experimento non senserit. Sed non sen-  
sit, regnante Sigismundo Polonia: purus castusque & ab omni illecebrâ  
concessæ voluptatis alienus, etiam iuuenis vixit: iuuenis inquam ætate  
& formâ præstantissimus, natu longè maioribus, puritatis castitatisque  
exemplo præiuit: virgineus in Regio vultu nitor, in sermone verecundia,  
in omni actione ingenuus pudor, ciuibz externisque eum admirandum  
& venerandum exhibebant. Facilius crescit quàm inchoatur virtus. Sum-  
mum fuit in Sigismundo prima nascentis crepundia castitati consecrasse,  
eo iacto fundamento, cætera creuerunt, & felicissimè adhæserunt: casto  
castissima obtigerunt matrimonia: rara ea prosperitas, & rarò visa. Pudet  
paulò antè præteriti temporis; viderunt certè Patres nostri ab Augustâ  
Domo duas Reginas huc deductas infelicitè nupsisse. Vidimus nos ea-  
dem familiâ ortas, Imperatorij sanguinis duas Heroides, pias, pudicas,  
optimas, sanctissimas, quæ non modò dum viuerent admirationem  
quandam in animis nostris excitarunt, sed etiam tantâ relictâ prole, iam  
vitâ functæ, suâ fœcunditate, ne ampliùs dicam, vt meliùs sperare in po-  
sterùm possimus effecerunt. Optimus maritus Sigismundus; optimæ  
priori vxori, par successit secunda: eadem vtrique virtus, eadem fœcun-  
ditas; idem erga Maritum amor, eadem obseruantia; ex vtraque vxore  
suscepti liberi, ita educati formatique vt eodem vtero editi videantur.  
Grandis hæc felicitas & vix aliquando audita è duobus Matrimonijs Na-  
tos ita coaluisse, & ad commune decus promouendum conspirasse, nul-  
lum



lum æmulationis, nullum ambitus, nisi qui fratri natu maiori ad Regnum aditum patefaceret, vestigium. Quatuor fratres summo & ipsi loco digni Regis filij, in frequentissimo ordinum confessu, in publico Electionis Conuentu, Fratris causam egerunt, orarunt, imperaruntque. Tantam concordiam, tantumque ad commune bonum consensum vix vnquam vlla vidit ætas. Fateamur necesse est bono Reipublicæ natos; nec grauem esse nobis hanc prolem, quæ licet numerosior videatur, quadam tamen synceræ concordie vnitate ita coaluit, vt omnes, quales olim Geriones in Hispaniâ fuisse non temerè antiquitas finxit, vnâ animâ viuere existimari possint. Horum virtuti quid vnquam arduum aut difficile esse poterit? His Regna, his amplissima debentur Imperia: illorum patrocinio, illorum tutelæ aliquando orbis vniuersus deuictis Barbaris salutem acceptam ferret, & veluti monstrorum domitoribus honores æternum mansuros decerneret. Sed nos paulò altiùs euecti, vela contrahamus & ad nostrum redeamus Sigismundum, quem diuinitus Reipublicæ nostræ datum, si quis & conditionem illorum temporum, & Interregni, quod Stephani Regis mortem subsecutum est, turbulentissimum statum, animo diligentius expendit, facillè agnoscet. Vt cætera silentio præteream, in ipsis Electionis noui Regis Comitibus, binæ acies infestæ sibi; altera viribus ferocior, & externo milite ad opprimendam patriam conducto armata; altera causâ melior, in campo steterunt: summum periculum erat, ne orbata tutore & Rege Patria, Ciuilibus armis discerperetur: aliquoties instructis exercitibus, iam iam congressuros, secreta quædam fati vis, à mutuo exitio coercuit. Candidati Regni vacantis ex præcipuis Orbis Christiani familijs comparebant; crescebat in dies ambitus, ingentes commoditates & vtilitates, ijs qui Regnum sibi deferri petebant promittentibus; plerisque etiam, heu dedecus patriæ! quâ spe, quâ præmijs allectis, operam suam ad perniciem patriæ externis Principibus pollicentibus. Leuiori manu Sigismundi causa primò agebatur; & Legati eius (nam ita Pater mandauerat) materna potiùs iura repetebant, Electionis prærogatiuâ cæteris cedere, aut saltem non multum obniti videbantur: nullo fructu, & nullâ propè spe felicioris successus, consilia tractabantur: vis & arma in Comitio valebant; homines pacis & concordie cupidi, prodire in publicum vel non poterant, vel non audebant. Non deerant quidem nonnulli, qui in Sigismundum propenderent: Regina Anna eius Matertera, non obscure illi suffragabatur: Domus Iagiellonica propè vltimus surculus Magni Sigismundi Primi nepos, Regis Augusti Sorore natus in ore omnium erat. Sed reputantibus alijs, quantum ille opis & auxilij, contra potentissimos competitores, quos bello & armis quaecunque ius suum vrsuros apparebat, esset allaturus; metus quidam obuersabatur oculis, ne si iuuenem, adhuc nullis maioribus fultum viribus Regem dicerent, aduersariorum potentie succumberent. Magnus ille Ioannis Zamoscij Magni Cancellarij & exercituum Regni Supremi Ducis animus, & mens tantæ molis



molis capax, rebus fluctuantibus ac penè perditis remedium attulit. Namque is suis, quas in vsum Reipublicæ parauerat, aduersariorumque viribus ac copijs expensis, animaduertit, minimâ popularitatis & communis fauoris accessione ijs qui externis freti auxilijs minabantur, ac vim intentabant, se si non superiorem, certè parem futurum, eorumque audaciam & temeritatem facile repulsurum; inito cum Stanislao Karnkoui Archiepiscopo Gnesnensi Regni Primate, cum quo cæteri Episcopi, vno aut altero excepto, idem sentiebant, & cæteris Senatoribus, quibus temerarij aduersariorum ausus displicebant, consilio; ex omnium sententiâ ab Archiepiscopo Gnesnensi, quem inter præsidia sua, ne vi armatâ ab instituto prohiberetur, receperat, more institutoque Maiorum Sigismundum Regem renunciandum curat. Audito Sigismundi nomine, noua quædam lux affulgere visa; pauere aduersarij, assurgere animis ijs, qui bonarum partium erant; vniuersa expers factionum Nobilitas, suffragium huic vni deferre. Videres nuper incessos milite campos, vexillis pacis & tranquillioris spei impleri; omnes nomen Sigismundi occinere, omnes eius auspicijs insigniri. Itum est Cracouiam, & hæc Vrbs in quâ Reges Poloniae auspicato imperia ordiri solent, iustis munita præsidijs. Viueres etiam nunc Zamosci, fatereris profectò id quod sæpius testatus es, te in omnibus concertationibus, in omnibus prælijs Sigismundi Regis fortunâ fretum, pro Patriâ caput tuum omnibus obiecisse periculis. Nondum illum videras, cum Germanicas legiones Cracouiae imminentes cecidisti, reliquos in fugam egisti. Urbem Regiam obsidione soluisti, Sigismundo deinde Cracouiam tenente, & feliciter coronato, tu iterum cum exercitu profectus, Archiducem Maximilianum, Imperatoris Romanorum filium, Imperatoris fratrem, in finibus Silesiae vires reparantem; & iam præter Germanos & Polonos, Hispanicis ac Hungaricis copijs auctum, supremumque exitium Patriæ minitantem, ad Byczynam affecutus, vicisti, debellasti, Archiducem ipsum cum præcipuis quibusque magni nominis iuris deditione in Sigismundi potestatem redegisti. Longum esset recensere omnia; per occasionem attingam nonnulla. Quantæ molis erat eo tempore Regnum Poloniae capeffere! quæ domi forisque imminebant pericula, animus ipse meminisse horret. Vniuersum Regnum in diuersas scissum factiones, iuuenili (nam Sigismundus cum Rex legeretur, vigesimum primum ætatis annum agebat) consilio restaurari, & tam dissentientes voluntates ciuium ad concordiam reduci posse, quis crederet? Iuuenis, vt dixi, erat Sigismundus, mores & instituta nostra nondum nouerat; multorum consilijs, dum sibi quisque studet, distrahebatur: sed inerat animo illius, plus quàm humana prudentia, Rege magno digna modestia, virginei pudoris decor, religio, pietas, quæ Deo inprimis, tum & hominibus amabilem illum reddebant, omnibus eius actionibus, felices ac prosperos conciliabant successus. Itaque intra vnius anni decursum, & cum Serenissimâ Domo Austriacâ, cū summa



summâ Regis & Regni dignitate transactum, dimissoque Archiduce Maximiliano, pax constituta, amicitia etiam perpetuò duratura sancita, & ijs qui ad Austriacos fauorem in Electione flexerant, venia erroris, Regis clementiâ, ac publico Comitiorum Regni decreto data. Sic concordia, sine quâ Regna esse & stare non possunt, stabilito firmatoque Imperio, eam de se excitauit Sigismundus opinionem, ut ipsis inijs felicissimos regiminis spoderet successus. Frustra minis & bellico apparatu terrere eum voluerat Turcarum Imperator Amurates III. Nam per Tartaros bellum orsus mox expertus est non cedere animo Sigismundum, sed paratum esse, vel in ipsius hostis ditionibus, quærere hostem. Cessauit illa procella, & cæteri vicini ad pacis studia animos flexerunt: pactæ cum Moscho induciæ; firmata cum Turca pax. Suecia denique morte Ioannis Regis iure ipso naturæ & successionis beneficio accesserat Imperio Sigismundi: ritè institutoque Maiorum Regni illius paterni & hæreditarij habenas capeffuerat, iusiurandum à Suecis seruandæ fidei acceperat, pari sacramento se eisdem obstrinxerat. Felix erat Suecia tali Rege, tali pace; sed ambitio & Regni cupiditas corrumpit omnia, Carolus Regis Patruus, per eius absentiam, primò leui manu attrectare cœpit clauum Regni: mox totum ad se traxit Imperium per summam impietatem abdicatione nepote. Hinc bella in Liuoniâ, quam Carolus inuaserat, orta; & per aliquot annos satis à nostris feliciter gesta. Fugatus aliquoties Carolus; in Kirchholmensibus verò campis, virtute Caroli Chodkieuicij Supremi pro Magno Ducatu Lithuania copiarum Ducis, ita cæsus, ut penè vniuerso amisso exercitu vix ipse fugâ euaserit. Sed nihil acerbius Sigismundo erat, quàm strictos in sua viscera vertere mucrones; gentem in quâ & ex quâ natus est, alieno errore à se abductam bello persequi: itaque quantum potuit, quantumque illi licuit, à supremâ vi abstinuit. Hinc aduersæ partis creuit audacia, & Carolus malè partum Regnum, filio suo Gustauo, olim pœnas violati familiæ suæ domestici fœderis daturus iniquè possidendum reliquit. Cætera ut successerint, ut in Liuoniâ, ut in Prusiâ, & quo euentu bellatum fuerit, res tanquam nuper gesta, hæret in recenti omnium memoriâ: & Gustauum cladis aliquoties acceptæ, bisque ictu sclopeti propè lethalibus vulneribus cruentati sui corporis puto dum viueret non fuisse oblitum. Inuitus hæc commemoro, gratiora illa & magis pleno prædicanda ore, quæ Sigismundus in vindicando iure Regni, ac interceptis ab hoste Moscho Prouincijs repetendis summâ cum laude feliciter gessit. Gens feritate barbara, religione superstitiosa, fide ambigua, nec magis telis, quàm suo cœlo, suo sydere armata, quæsitum Maiorum nostrorum sanguine Reipublicæ patrimonium, fraude & prodicione interceptum inuaserat. Non annos, sed sæcula acceptæ immanis iniuriæ numerabamus; penitus iam ea macula infederat in animis nostris; nec immeritò existimabamur bellicæ laudis & decoris possessione, cessisse hostibus. Regis Stephani præclaros quidem & prosperos conatus mors inopi-



ria interuerterat : Sigismundum ne statim à suscepto Regno bellum aliquod ordiretur, quorundam nimium pacis amantium consilia arcuerat, quanquam & ille eo semper esset animo, ut existeret Regium esse, nec prouocare bella, nec timere. Extincto per summum scelus tanti Imperij unico reliquo hærede Demetrio, summam rei ad se traxerat Hodunus, homo in Moschouia non magno loco natus. Fraus diu latere non potuit, extitit ultor ficti nominis Demetrius, ad cuius famam Hodunus scelere vecors, nefaria innoxij pueri cæde pollutus, excidit Imperio. Nec impostoris diuturnum Regnum esse potuit, quamuis ut id stabiliret quorundam Polonorum auxilijs niteretur. Pepigerat dum in Polonia esset Marinae Georgij Mniszek Palatini Sendomiriensis filiae nuptias, statimque rerum in Moschouia potitus publico Procerum, ut gentis mos est, consensu, expediuerat in Poloniam Legatos, qui & à Rege & à patre sponsam dari peterent, eamque in Moschouiam honorifice deducerent, Regem ipsum, & plerosque Proceres, sponsæ consanguineos, ad nuptias inuitauerat. Rex per Legatos officio functus; reliqui eò profecti, magis ad nuptias quam ad bellum; neque enim aliqua fraudis subesse poterat suspicio, publica fide, publico vniuersæ eius gentis assensu interposita. Ut rem in pauca contraham, in ipsis nuptialibus sacris, Moschi auctore Suiscio conspiratione facta, tumultuque excitato illum ipsum Demetrium suo arbitratu strangulant. Dicant sanè ij iure à se factum, Tyrannum impostoremque sublatum. Sed quid innoxij meruerant hospites, in quos immani scelerum est cæde? Legati Regij, iure gentium sacri, cur arcta & infami circumdati custodia? erat ea iusta belli causa, & ultor poscebatur, qui & atrocissimæ vindex esset iniuriæ, & iniquè ac nefariè à Moschis usurpata iura repeteret. Sed ne quid temere aut inconsultò fieret, missi qui iniuriam nomini Polono factam, qui Legatos violatos quererentur, qui denique res & homines interceptos clarè repeterent. Hi quoque sine honore habiti, & serò admodum dimissi: itaque quod iustis rationibus obtineri non potuit, bello & armis repetere visum. Arx Smolenscensis nostri olim iuris obsidione cincta, immissus in remotiores Moschouiae Prouincias miles, cæsi hostiles exercitus, deditione in potestatem reductus Suicius, Regia ipsa Moschouiae Vrbs milite Polono infesta. Tu Vladislæ Princeps omnium eius gèris consensu Rex & Imperator lectus dictusque, in tuam fidem tota videbatur venisse Moschouia; Smolenscum denique captum: tam magni momenti, & tam præclaræ res biennio cōfectæ & totus triumphatus Septemtrio. Cur deinceps versa retro fortuna fuerit, fidesque parum fidæ gentis nutauerit, magis silere libet, quam vulnera Reipublicæ parum gratâ manu attrectare. Manet tamen manebitque semper inclyta memoria clarissimarum Sigismundi Regis victoriarum, quibus & ius Regni asseruit & inolitam opinionem quasi eius gentis potentia nobis formidabilis esse posset, penitus ex animis omnium exemit. Quid ego alia bella & prælia commemorem? coërcitam



Nisouij militis sæpiùs licentiam : oëties ampliùs fusos fugatosq̃ue excus-  
 sâ quam raptim egerant prædâ , Tartaros : Michaëlem Transyluania  
 Moldauiaëque Principem , multarum gentium victorem , qui Turcica  
 etiam potentiaë imminere , & formidandus esse videbatur , victum &  
 Moldauia exactum : Aaronem Valachia pulsum : Domui Mohilanaë in  
 Valachia & Moldauia armis ius assertum? Haëtenùs quidem vis Turca-  
 rum ita illibata steterat , vt posteaquàm illi arma & Imperium in Euro-  
 pam transtulissent , in omnibus ijs prælijs quibus ipsi eorum Ottomanica  
 stirpe orti Imperatores præfuerunt , semper victores euaserint. Sigis-  
 mundus Imperator idemque Hungariaë & Bohemiaë Rex , coniunctis  
 cum Ioanne Duce Burgundiaë viribus , primus arma Turcica maiori  
 quàm vllus vnquam exercitu ad Nicopolim irritare ausus , tam tristi pu-  
 gnauit euentu , vt & Burgundus in potestatem barbari hostis venerit , &  
 Imperator vniuerso amisso exercitu vix piscatoriâ exceptus scaphâ igno-  
 ratus quis esset solis latebris tutus , turpi fugâ euaserit. Vladislaus Iagiel-  
 lonides , noster & Hungariaë Rex ingentis animi iuuenis prospero qui-  
 dem aliquoties successu bella Turcica tractauit ; sed postremò Amurati  
 Turcarum Imperatori ad Varnam congressus , etiam si initio pugnaë bar-  
 barorum agmina cecidisset fugassetque , ac ipse cum delecto Polonorum  
 robore in primâ acie versaretur , ipsumque Amuratem voce & manu  
 posceret , & iam acinacem in eum stringeret , concursu prætoriani militis  
 oppressus , iam penè victor & in ipsâ victoriâ Regium effudit spiritum.  
 Solimanus in campis Mohacensibus , Ludouico Rege Hungariaë cæso ,  
 septies circiter fortunam belli cum potentissimâ Domo Austriacâ quæ  
 statim à morte Ludouici possessionem Regni Hungariaë adire conten-  
 dit , experiri voluit : sed nec Buda intercepta , nec Vienna obsidione cin-  
 cta , nec deleti aliquoties Germanorum exercitus , elicere potuerunt po-  
 tentissimos Germaniæ & Hungariæ Reges , qui viuente Solimano vixe-  
 runt , vt in campum & aciem descenderent , vt pugnaë copiam facerent.  
 Nostrâ memoriâ Archidux Maximilianus Rudolphi Imperatoris , fra-  
 tris sui auspicijs , & trium exercituum Germanici , Hungarici , & Transyl-  
 uanici , virtute ac robore fretus , cum Mahumeto III. qui paulò antè A-  
 griensem Arcem , haëtenùs inexpugnabilem creditam , vi expugnaue-  
 rat & ceperat , ad Cherestessum signa conferre ausus , iam vicissè videba-  
 tur , nisi Tartarorum audaciâ circumuenti Christiani milites , cùm se &  
 à tergo , & à fronte peti , cædiq̃ue viderent , solutis ordinibus loco moti  
 hosti victoriâ concessissent. Scilicet non erat in fatis vt gloriam victi  
 aut coërciti Turcarum Imperatoris quisquam alius delibaret : integra  
 & solida Sigismundo Regi Poloniaë seruabatur. Tu quoque Vladislæ  
 Princeps arcano Dei decreto destinabaris , vt in partem huius gloriaë &  
 fortunæ venires. Nunquam certè maiori vi vniuersa barbaries conspi-  
 rauerat , in perniciem rei Christianæ. Iuuenis admodum Princeps , &  
 odio fidei Christianæ , & immensâ gloriaë cupiditate incensus præcipiti  
 ambi-



ambitione ferebatur, in eamque venerat opinionem, ut primo impetu se nomen Polonorum deleturum arbitraretur. Somniabat deinceps alia regna, alia imperia, & Poloniâ armis in suam redactâ potestatem, nullos Europæ angulos, nullos recessus sibi non peruios, nullam urbem, nullam arcem, nullum munimentum suis viribus non cessurum rebatur. Eâ impotentis & ferocis animi audaciâ elatus, ad Europæi militis quem ex omnibus Provinciis & præsidij euocauerat, experta maiorum suorum bellis robora, Asiaticos Africanosque exercitus adsciuerat: quadringenta equitum pedumque millia numerabantur. Aderat Tartarorum Imperator, centum viginti millibus comitatus, & ad longè lateque spargendam vastitatem, incendia & cædes miscendas, instructus paratusque. Tres integros annos ad parandum bellum aula Turcica impenderat: nulla alia tanto temporis spatio Purpuratos Osmanicos magis cura torserat, nisi ut quisque paratissimus compareret: tanta armorum copia, is belli apparatus, tot maiora ad quatiendos muros, tot minora ad campestem stragem edendam anea tormenta, in exercitu erant, ut si quis ea recensere vellet, fidem eorum qui hæc non viderunt excessurus putaretur. Tantæ moli impendentis grauissimi belli quid opponeret Sigismundus, aut quam opem imploraret, quem in societatem periculi adscisceret? Æstimantibus certè eius temporis Reipublicæ Christianæ statum, ingens quidem summi exitij discrimen apparebat: spes verò prosperioris successus nulla affulgebat. Summus Pontifex, preces & Vota sub quorum patrocinio tutò constitit salus nostra, libenter deferebat. Ferdinandus Imperator domestico implicatus bello de summâ rei in certamen trahebatur: vniuersa Domus Austriacæ potentia nutare videbatur. Galliæ Rex, cuius inuicti maiores militaris gloriæ decus potissimum bellis Asiaticis nomini Gallico & posteritati suæ parauerant nihil bella aut pericula Turcica ad se pertinere aiebat. Hispanum res Austriacæ Domus in Germaniâ minùs secundæ distrahebant. Archidux Austriæ Albertus, pro Rege Hispaniæ in Belgio summâ cum potestate gubernator, in ipso vitæ exitu, quantum Reipublicæ Christianæ cuperet, quantoperè communi periculo commoueretur, luculentâ animi testificatione declarabat, & se ea omnia quæ in suâ essent manu facturum ostendebat. Reliquorum Principum Catholicorum fauor in aperto, subsidia in obscuro, vel nulla apparebant. Exijs qui de religione Christianâ aliter quàm Orthodoxa & vniuersalis Ecclesia Romana docet sentiunt; solus Serenissimus Iacobus Magnus Britanniæ Rex vidit periclitante Poloniâ vniuersam Remp. Christianam in summum venire periculum; solus ad ferendam opem studium operamque suam detulit: solus peditum lectissimorum cohortes, in suo regno cõscriptas, & suo stipendio auctoratas mari expediuit, & venisset ea manus satis opportunè, nisi in portibus Danicis fuisset retenta. Reliqui omnes eius sectæ Principes gauisuri etiam interitu nostro credebantur. Gustauus certè Suecorum Rex non aliter ac si crudelissimi Turcarum Tyranni



ranni iuratus satelles , ac Machumeticæ impietatis promotor esset , tum vel maximè nos oppugnabat, nobisq̃ue perniciem & seruitutem à ceruicibus Christianorum arcentibus & amolientibus , ille per eam occasionem Rigam, totius Liunionæ ciuitatem primariam, & portu nobilem expugnabat; Liunioniam iuris nostri Prouinciam, cæde & incendijs vastabat. Nihil dico quo in statu tū res nostræ essent : accepta superiori anno in Valachiâ clades, alter è Ducibus captus , cæsus alter , veterani militis flos & robur vno prælio concidisse videbatur. Quis non attonitus stupe-ret, Sigismundum Regem solâ diuini auxilij fiduciâ fretum, neque tantis quæ imminabant periculis, vel motum vel territum, sed maiora quàm quisquam suspi-cari posset ausum, Heroici animi magnitudine , hostibus perniciem , Pa-triæ salutem, sibi immortale decus peperisse. Summâ celeritate scripti pa-ratique exercitus , non ij quidem à quibus victoria sperari posset , sed qui potentissimi hostis ferociam morarentur: & ille Bizantio profectus, adeò celeri cursu difficillima Thraciæ itinera superauit, vt longè citiùs , quàm sperari potuerat , traiecto Istro , in ipsâ constiterit Valachiâ; mox viribus cum Tartaro coniunctis, pari celeritate ad fines Poloniæ properauerit. Sed iam Chodkieuicius, cui summa rei commissa fuit , iam Stanislaus Lubo-mirscius, Polonicarum copiarum ductor, ambo magni viri, ambo bellicis facinoribus illustres, fines quibus Valachia à Polonia diuiditur, transgressi, in hostico ad Chocimum, audaci, sed felici consilio Castra posuerant. Tu quoque Serenissime Rex , paulò pòst Paternorum tuorumq̃ue quibus te superni fauores circumdabant, auspiciorum felicitatem Castris, eò à Patre missus, intuleras, omnium in te oculos conuerteras , animos fessis, & de euentu sollicitis addideras, hosti qui te venisse statim sentit , metum incuf-feras. Intereà dum Pater maiori vi bellum molitur, totiusq̃ue Regni robo-re excito, vniuersam in aciem ducit Poloniam; res Tuo ductu, Tua felici-tate præclarè gesta ; infestata diurnis nocturnisq̃ue incursionibus Turci-cæ stationes , sæpiùs hostis iustâ acie fusus , sæpiùs ab oppugnatione Castrorum cum ingenti clade reiectus, cū semper deteriori conditione suos intra munitiones reciperet , postquam Sigismundum propè iam ad-esse intellexit , spem quam capiendæ expugnandæq̃ue & in suam pote-statem redigendæ Poloniæ conceperat , deposuit. Videbat supra sexa-ginta millia suorum militum , qui ceteris audentiores fortioresq̃ue pu-tabantur , ferro cæsa ; longè maiorem numerum belli & temporis in-commodis absumptum , iumenta omnia corrupta ; stratos hominum equorumq̃ue cadaueribus campos. Denique venire Sigismundum feli-cissimum magnorum bellorum confectorem, se victum fassus, irritosq̃ue suos conatus quod nulli vnquâ Turcarū Imperat. accidit, deplorans: con-ditiones quibus bellū finiretur, accepit; prior Castra mouit, vt nostris signa victricia & arma tenentibus , tergo abeuntis , & impedimenta deferentis hostis, gloriosè illudere licuerit. Sint, vt fortasse non desunt, qui partæ eo bello gloriæ detrahant ; qui virtuti Sigismundi Regis obmussitent ; pro-deant,



deant, & aliquem vnum Christianum Principem, vel Imperatorem proferant, qui Turcicas vires tam audacter fregerit; qui ab aditu Regni ferocem Tyrannum tam feliciter arcuerit; qui ne vnico quidem terræ palmo, cum qui semper, vel integra regna, vel munitissimas arces, expugnare & intercipere solitus fuit, ditionum suarum potiri permiserit; qui hostem vincere assuetum, vinci posse tam prospero successu docuerit; qui denique tot barbarorum millibus deletis Turcarum, victoris titulum magis verè vsurpare possit. Dixi paulò ante, hoc decus Sigismundi Regis, & nemini alteri commune esse & fore; dico iterum eandem deuicti Orientis laudis hæreditatem inclyto eius sanguini deberi, ad cuius nomen vniuersa horret barbaries, quibusdam, illique non obscuris coniecturis sibi inde exitium imminere prospiciens. Sed quid agimus? obliti videmur præsentium, rimati futura? Reuocat nos ad se Sigismundus Rex tristi quidem & lugubri funeris sui pompâ, pares animorum affectus merito à nobis exigens, cæterum morte felici, & bonis omnibus exoptando exitu mentes nostras exhilarans. Nam vt nullus vnquam hostis vidit Sigismundum, dum vixit vel periculo pauentem, vel supplicem: ita & ipsa supremi fati necessitas, promptum paratumque eum reperit ad parendum Diuinæ voluntati. Iam penè corporis vires omnes conciderant, iam inualecente vi morbi hebetati sensus ægrè sua munia obibât; viuida tamen mentis, vigor idem erat; sermo nullus nisi cum Deo, aut de Deo; vultus securæ & innoxie mentis testis; totius corporis honestissima compositio, nullo mortis metu eum terreri, nullis dolorum acerbitatibus vinci & frangi testabatur. Sic cessit è vitâ, vt ij qui ab exilio redeunt, in Patriam lætus hilarisque. Semper quidem, dum vixit, toto animi conatu contendit, vt in hunc supremi exitus casum paratus esset: cæterum cum eum imminere sentiret, nullos alios vel libentiùs vidit, vel faciliùs admisit, quàm eos quibuscum vitæ & salutis suæ rationes conferre solebat: has quoque moriens ita accuratè expendit, vt si Christianæ modestiæ immemor foret liberè dicere potuisset, quod olim Titus Vespasiani filius, se nullius sceleris conscius cedere è vitâ. Nos certè id de eo credere conuenit: namque Christiano ritu, vt S. Ambrosius scribit, decedentibus, optima voluntas & desiderium sufficit. Habet gratiam Valentinianus, vel nos dicamus Sigismundus, quâ desiderauit; habet quod poposcit; certè quia poposcit accepit. Nullius itaque errati quod non lacrymis eluisset, cuius veniam à conditore suo non poposcisset Sigismundus sibi conscius, cessit è vitâ. Prosequamur illum ijsdem votis, quibus S. Ambrosius Valentinianum suum: Si quid Orationes nostræ valebunt Sigismunde, nulla dies silentio te præteribit: nulla inhonoratum te nostra transibit Oratio: nulla nox non donatum te aliquâ precum nostrarum contextione transcurrat: omnibus te oblationibus frequentabimus; si non meminerimus tui, obliuioni detur dextera nostra; adhæreat lingua faucibus nostris, si non præposuerimus te in principio lætitiæ nostræ.

*Ambr. in obit:  
Valent.*

*De obit:  
Valent.*



*Ambr. de obit.  
Theod.*

stræ. Hos arbitror esse omnium vestrum sensus; idem cunctos tacitis vovere suspirijs. De me quid dicam? Angit me priuatus meus dolor; esse desijt is, quo viuente viuere cœpi; quo auctore, id quidquid in me dignitatis est, consecutus sum. Patere Sanctissime Rex, vt exemplo magni Ambrosij cum Theodosio suo iam vitâ functo sermonem miscentis iisdem verbis nobis vti liceat. Dileximus virum misericordem, humilem imperio, corde puro, & pectore mansueto præditum. Dileximus virum, non sibi sed Reipublicæ natum, Catholicæ religionis decus, Patriæ nostræ ornamentum, nullo vnquam periculo magnoperè commotum, in ipso vitæ exitu mortis victorem. Dileximus virum, qui cum iam corpore solueretur, magis de statu Ecclesiarum, quàm de suis periculis angeretur. Ad erant præsentès Liberi, digna tanto Rege proles, genus alto à sanguine Cæsarum Regum, & quidquid in toto Christiano orbe summæ dignitatis splendore fulget, quidquid illustres familias sublimioribus titulis decorat, ac nobilitat; horum inquam sanguine Vos Serenissimi Principes progeniti, adfuiſtis morienti Patri: omnium Vestrûm lachrymis compositus est; nihil quod illi deesset, nouissimâ in luce desiderauere oculi eius. Semper quidem ille pia & paterna dabat documenta Vobis rectè viuendi: sed tam præclaro vitæ exitu, quid aliud egit, quidve in votis habuit, nisi vt sui, virtutumque suarum memoriam pectoribus vestris infereret; vt quibus vitæ mortalis auctor esset, eosdem pareret Christo, immortalitati consecraret, cœlo infereret? Non est quod externa exempla multùm requiratis: Sacræ illæ Maiestates, Parentes Vestri, vobis ad capeſſendam Regiarum virtutum viam, ad parandum summum decus ductores sunt, eruntque optimi: non aberrabitis si eorum vestigijs insistere volueritis, & porrò velle debetis; id à Vobis Sigismundus, Anna & Constantia, Rex, & Regina, iam cœlo receptæ mentes & nunquàm perituri Regni Reges & Hæredes, Patrio deposcunt iure, quorum ipsa nomina quid aliud designant, nisi pietatem, religionem, syncerum Dei cultum, Ecclesiæ Catholicæ & Sacerdotalis ordinis patrocinium, Sedis Apostolicæ venerationem, Ciuium amorem, pauperum solatium, castitatem, pudicitiam, temperantiam, animi magnitudinem, iustitiam, & cunctarum virtutum complementû. Quod illi fuerunt, vt Vos quoque sitis, omni conatu eniti, & contendere debetis, vt idem decus, eadem post sera fata Vos maneat gloria. Tu inprimis Serenissime Rex Vladislæ, quem & ætatis & dignitatis prærogatiuâ, cæteris altiùs extulit, quem Orbis Christianus Regio decoratum honore suscipit ac veneratur: non solum promptè ibis per vestigia Patris tui, verùm etiam eadem tecum ortos familiâ, & faustis nutritos sub penetralibus; hos inquam, quos & naturæ lex, & magni Patris voluntas, & Reipublicæ quæ se suosque tibi vni addicit, tuam reuereri & comiter colere Maiestatem suadet, exemplo tuò duces ad culmen veri decoris. Tibi vni hoc onus ferendum est; in te Domus hæc Regia inclinata recumbit; id & Sacra Parentum manes, & Respublica à te flagitat;



tat; id denique fraternus poscit amor. Felix sanè & beata te Rege Polonia Lithuaniaque. Ad prima tua auspicia, & vt primùm vota omnium in Te vnum flecti cœperunt, quanta rerum conuersio! quanta spes affulsit melioris aui! Pax publica priuataque longo ab interuallo reuiruit; auræ pestiferæ lues extincta; prisca agrorum fertilitas rediit. Nihil dico; quanto studio ad Te Regem dicendum omnes Ordines incubuerint, vt nemo qui non te posceret, in te spem Patriæ non reponeret, fuerit; vt magni viri priuata odia, priuatas lites, mox in perniciem multorum erupturas, tuo iudicio permittere non renuerint; & tu prudens felixque arbiter, vno eodemque temporis momento, multum inter se discordes & dissentientes, ita conciliabas, vt deinceps stabili & syncerâ amicitia redintegrata priuata odia ad amorem Reipublicæ transferrent. Præclara hæc sunt initia orientis imperij Tui, cuius nullum fortius est stabilimentum Cuium amore; in cuius possessionem ita illaberis, vt nemo sit, qui te in dies non magis diligat, & non plus se tibi, ob præstantia tua in Rempublicam merita debere libens volensque profiteatur. Sed Tuæ virtutes aliud tempus, aliam poscunt occasionem, magis disertâ oratione & facundiori prædicandæ ore. Nunc ego dicendi finem facturus, non aberraturum me puto, si verbis Diui Ambrosij Sigismundum Regem Magno Theodosio, vel parem, vel certè si rectâ lancè virtutes vtriusque examinentur superiorem, terræ iam mandandum non solum pio prosequar sermone, verum etiam religiosis desiderijs & votis, supremum Sanctæ illius animæ officium impendam. Conteritur cor meum, quia ereptus est vir, qualem vix possumus inuenire: sed tamen tu solus Domine inuocandus es, tu rogandus, vt eum in filijs repræsentes; tu Domine, custodiens etiam paruulos in hac humilitate saluos facito sperantes in te. Da requiem perfectam seruo tuo Sigismundo, requiem illam quam præparasti Sanctis tuis: illo conuertatur anima eius vnde descendit, vbi mortis aculeum sentire non possit; vbi cognoscat mortem hanc, non naturæ finem esse sed culpæ: quod enim mortuus est, peccato mortuus est, vt iam peccato locus esse non possit. Prosequamur eum vsque ad regionem viuorum, nec deferamus, donec fletu & precibus inducamus eum, quò sua illum vocant merita in montem Domini Sanctum, vbi perennis vita, vbi corruptelæ nulla contagio, nullus gemitus, nullus dolor, nulla consortia mortuorum, vera religio viuientium, vbi mortale hoc induat immortalitatem, corruptibile hoc incorruptibilitatem. DIXI.

*Ambrosii de obitu  
Theodosii.*



O R A T I O  
I N F V N E R E  
S I G I S M V N D I I I I.  
P O L O N I Æ E T S V E C I Æ R E G I S  
D I C T A.



**I**MMORTALITATEM morte parari non temere credit veri indagandi sagax antiquitas; frustra queri genus humanum, quod brevis æui sit, magni viri magnis conuicere experimentis: celeriores esse virtutis cursum, quàm ut longo opus habeat æuo, vsu discimus. Nullum cuius virtus maturuit, immaturâ morte extingui; vitâ functos viuere; veræ solidæque virtuti æternitatem deberi; animum cui illa tanquam suo principio adfixa est, nunquàm interire, & Catholica veritas certâ fide tenet, & Diuinæ humanæque loquuntur literæ. Ecce luculentum eius rei conspiciamus documentum. Sigismundus Poloniarum & Suecorum Gottorumque Rex Inuictissimus, si vitam eius ad naturæ leges reuocauerimus; si conditionem quâ natus est expendimus; æstimari posset esse quasi non esset: lex quippe æterna iussit, orta ut intereant, nata ut moriantur. Sed Heroicæ tanti Regis virtutes, longè à necessitate fati, à lege mortalitatis remotæ, viuunt vigentque, in memoriâ hominum fixæ & sculptæ, cœloque ipsi ubi immortalitatis quædam sedes est, insertæ. Vixit ille vitam, quâ perpetuò duraturâ propagatur immortalitas; æuo breui confecit cursum, per quem aditur æternitas; cœlum non veritâ petit viâ, sed per arduum magnarum virtutum iter conscendit, effecitque ne & brevis æui fuisse dici possit, & morte immortalitatem consecutus, qui nunc fato functus conspicitur, vitâ viuat vitali. Magna res est priscâ nobilitatis splendescere gloriâ, auos atavosque numerare Reges, & longo Imperatorum censi sanguine, ostentare maiorum stemmata bellicis parta facinoribus, ijs ortum esse progenitoribus, quorum salute stetit vniuersi orbis salus, sub quorum tutelâ nunquâ publica nutauit felicitas. Ponamus nobis ante oculos Gotticę gentis, cum quâ nobis, si prima domus repetatur origo, idem genus est, multis seculis res præclarè gestas, & ne plura commemorem, Romanum domitum euersumque Imperium: huic Sigismundus Rex paterni auitique Magnorum potentissimorumque Regum, Regij sanguinis & generis debet primordia. Jagellonica stirps clara, si quę alia, vel rebus gestis, vel generis



ris ac sanguinis, per omnes orbis Christiani Regias familias affinitatibus partiti fœnore, vel quod nunquam vitæ in bellis contra barbaros gestis pepercerit, quod duos sui sanguinis Reges, Vladislauum ad Varnam, Ludouicum ad Mochacium Turcarum rabiem, ab exitio orbis Christiani arcentes, salutis publicæ impenderit, & nominis sui splendore aliquot secula illustrarit. Hac Catharina Ioanni Regi Sueciæ nupta, Sigismundi Regis mater edita est. Clara & conspicua semper est habita, inclytæ Sfortiadum familiæ gloria, illustribus propagata affinitatibus, magnificis exornata triumphis. Bona Sfortia Alphonsi Regis Aragoniæ filia genita, Sigismundi Primi Coniux, Sigismundi Nostri Auia materna, inde genus traxit. Parte aliâ Austriaci nominis splendor, cuius radij angustis Europæ, Asiæ, & Africæ angulis contineri cum non possent, ad ignotos usque Antipodum, & alterius orbis recessus penetrarunt, ita fulget, ut cæteras omnes suâ magnitudine obscurer families; si Reges Imperatoresque eâ profectos recensere liberet, nimis longa texenda esset narratio. Sol nusquam vel oritur, vel occidit, quin Austriacum conspiciat, & quasi secum circumferat imperium. Albertus II. Romanorum Imperator, Sigismundi Primi Maternus Auus, Sigismundi quoque nostri, cuius ille ex filia Nepos, generis est auctor & sanguinis. Non nostra hæc esse dicet aliquis? fatemur ultro: sed quotusquisque est, qui tantis nominibus sui ortus debeat exordia; qui tot clarescat imaginibus, tot fulgeat stemmatibus? Illud proprium Sigismundi, nasci in Regno Hæretico, nunquam tamen vel modicâ erroris labe infici, pietatis & religionis studio, cæteris exemplo esse; iuueniles lusus senili grauitate temperare; ab omni quæ corporis & mentis puritatem fœdaret contagione alienum gerere animum; ad præclaros quosque ausus suscipiendos, in ipsis pueritiæ crepundijs accendi; longè lateque magni Principis de se spargere famam, remotos etiam populos ad amorem admirationemque sui allicere. Horret animus, meminisse tamen iuuat, quo in statu, secundum mortem Stephani Regis res nostræ fuerint: nihil pacati, nihil quod ad sedandas Ciuiles dissensiones pertineret, audiebatur: vbique arma, vbique Martius furor inualescebat; miles in consilio, miles in Comitio; primas tenebat partes: nullus erat qui pacem suaderet, qui infensos, & in mutuam perniciem accensos animos componere veller; quod si quis meliora suasurus compareret, parum aberat, quin ab ijs qui suam & Patriæ (heu dedecus!) seruitutem externis Principibus addixerant, hostis Patriæ iudicaretur. Pereundum nobis fuit, nisi ijs, qui partes Reipublicæ tutabantur, eam mentem inspirasset Deus, Regem ut Sigismundum dicerent: ad eius adhuc absentis, satisque inualidi nominis famam, & bonis Ciuibus creuit animus, & eorum, qui externâ potentiâ freti, aliò flexerant studia, spes labare cœperunt. Venit Sigismundus exiguo, aut ferè nullo, militum robore cinctus, sed Diuino munitus præsidio. Urbem hanc ab hoste obsidione cinctam, per medias & infestas inimicorum acies petijt, Deo duce, Deo,



Deo auctore , elusis hostium quæ iter facienti frequenter struebantur infidijs , eò quò intenderat peruenit ; cùm paulò antè eius auspicijs Ioannes Zamolcius , quem felici quodam Reipublicæ fato natum credere par est , vt extaret seræ posteritati perfectissimum exemplar amantis Patriæ Ciuis , fortissimi & felicissimi belli Ducis , prudentis Senatoris , re præclarè gestâ , hostem acie victum soluere obsidionem , ac in tutiora loca se recipere coëgisset. Deus immortalis ! qui dies ille , quàm latus , quàm certus futuræ sponsor felicitatis ! cùm Sigismundus , tam potentis hostis victor , hanc urbem inueheretur , cùm arcus triumphales ; cùm Statuæ eius nomini sacratæ figerentur ; cùm portæ Urbis ; cùm priuatæ publicæque ædes ignibus collucerent ; cùm miles , cùm populus concordî voce felicitatem , prosperitatem , ac imperij diuturnitatem , ei precaretur ; cùm denique Regium Sigismundi caput sacro cingeretur diademate , summo Antistite Stanislao Karnkouio Archiepiscopo Gnesnensi , notæ sanctitatis viro , preces & vota concipiente , eademque non irritò euentu ad sacras fundente Diuorum aras. Ab hoc orientis imperij exordio , tot annorum , quibus Sigismundus summam rerum tenuit , quasi continuus quidam torrens perpetuæ fluxit felicitatis. Archidux Maximilianus , cùm malâ quorundam ambitione ad repetendum Regnum traheretur , exactus Regni finibus , acieque victus , deditio in Regis venit potestatem : intra vnius anni decursum , & Respublica domi pacata , & cum Serenissimâ Domo Austriacâ transactum ; pax & fœdera cum externis inita Principibus. Cæteris quidem Regibus ratio regnandi etsi difficilis , non tamen adeò ardua videri debet : nam & pacem colere suo arbitrato , & dum libet bellum ordiri , in eorum potestate situm est ; nobis vix vnquam licet esse quietos. Nam , vt alios quibus circumambimur hostes taceam , quæ fides Moscho ? quæ fides Tartaro ? quæ fides Turcæ esse potest ? vix non eadem horâ pacem pollicentur , amicitiam spondent , fœdera sanciant ; mox infestis agminibus percurrant campos , cædes & incendia spargunt , cultis regionibus vastitatem inferunt , fidem datam , non ad iurisiurandi religionem , sed ad suum commodum , occasionemque rei gerendæ referunt. Itaque Reges Poloniae semper inuigilare , semper in armis esse oportet , eo felices , quod nunquam illis desit materia benè merendi de Republicâ Christianâ , parandæ immensæ gloriæ , & si ea esset ambitio , iusto & legitimo bello proferendi Imperij. Domus Ottomanicæ Turcarum arma iam propè quadringentis annis , vt taceam veteres Saracenorum in Asiâ , & Europâ ferocissimos ausus , inualuere : bina Orientis Imperia , ab hac peste sub iugum missa , vniuersus Oriens turpi Mahometicæ sectæ dogmate fœdatus , duram seruitutem. Accessit Thracia , Græcia , Macedonia , Illyricus , Mæsia , & magna pars aurei quondam fructus feracis Hungariæ. Frustra Reges , frustra Europæi Imperatores , translata in Græciam arma Turcica , armis sistere voluerunt : quotiescunque fortunam & Martis aleam experiri contigit,



tigit, aut victi & caesi, aut victis non dissimiles abierunt. Primus omnium Sigismundus noster, quadraginta abhinc annis Amurato III. vim finibus Regni admouenti, arma feliciter ostentauit, & desistere coëpto coëgit. His proximis annis Ottomanus, saeuus & audax, idemque gloriae audus, iuuenis, excita & armata vniuersa barbarie, in societatem belli assumpto, quod hactenus vix vnquam factum fuerat, Tartarorum Chamo (ita illis summum eius gentis Imperatorem appellare mos est) totis viribus in nos incubuit; nunquam Europa tam numerosos vidit exercitus; nullus Regum tam ingentem bellici instrumenti apparatus secum in aciem duxit; ipso nominis sui terrore, barbarus Princeps se omnia consecuturum satis superbè sperabat. Frustra, namque iam olim in fatis erat, vt coërciti Turcarum Imperatoris gloria seruaretur Sigismundo, & Regiae eius Domui: vt tu quoque Serenissime Rex Vladislai, qui castris hosti oppositis, & Patris, & Tua auspicia eò intuleras, in partem maximi venires triumphi. Hostis certè suā etiam confessione victus, magnā parte exercitus amisā, nullo parto decore domum redijt inglorius. Moschorum vires Maioribus etiam nostris formidabiles, quis vnquam sperare, aut cogitare potuit, cuiusquam potentiae succubiturus? Cessere ex Sigismundi armis, qui iusto suscepto bello, biennaliq̃ue labore Smolenscum expugnauit; urbem ipsam caput Regni Moschouiam, Basilium Suificium tanti Imperij summa cum potestate moderatorem, eiusque fratres deditioe in potestatem redegit; denique Moschos datae fidei, qua se tibi Serenissime Rex Vladislai obstrinxerunt, oblitos & rebelles, iterum à te armis perdomitos, eā parte Imperij, quam illi quondam à Regno, & Mag. Duc. Lithuaniae fraude auulserant, multatos pacis conditiones arbitrato suo latas acceptare coëgit. Gens quidem illa Parentis Tui & Tuis Serenissime Rex Vladislai, armis toties coërcita, non aliam ob causam, violatis iuratis foederibus arma sumpsit, nisi vt tuam augeret gloriam, vt prima initia Imperij Tui felici (quem vouemus) successu belli illustraret, consecraretq̃ue. Neque verò his tantum triumphis clarum & conspicuum esse voluerunt fata Sigismundum Regem. Tartari durum in armis genus ad vastitatem inferendam, ad praedas agendas, vsu & natura facta gens, feritate barbara, immanitate crudelis, multitudine infinita, fide nulla, superioribus seculis tantam cladem finibus Regni intulerat, vt excisis funditus Oppidis, & colonis partim caesis, partim in tristem abductis seruitutem, ingentes campos, olim cultos habitatosq̃ue omni cultore & habitatore vacuos fecerit. Serpebat hoc malum in dies, & populationem hoste promouente, semper ex ditionibus nostris aliquid decedebat; nec quisquam erat, qui Tartarum lato apertoq̃ue campo, per suas turmas aciem struentem vinci posse crederet: nam celeri cursu & recurso pugnam ciere assuetus, incertum fugiens, an cominus arma stringens, maiorem inferat perniciem, victus saepè, victorem sternit humi, & dum minimè timetur, terrorem infert potiturq̃ue victoriā. Hanc  
tam



tam immanis hostis vincendi, aut saltem impunè grassandi consuetudinem coërcuit animosè Sigismundus Rex, obiectis hosti nouis colonijs, & munitis frequentissimis oppidis. Quod quidem insignis prudentiæ fuit, sine cæde & sanguine munire Imperium, tueri fines, propulsare barbarorum impetus. Illud verò felicitatiæ an virtuti imputandum, nullo vnquam Rege Poloniae, Tartarum pugna campestri toties fufum fugatumque, nunquam tot prosperis experimentis probatum, vagum licet hostem teneri & vinci posse; interdum etiam ita acie in ordinem redigi, ne se loco sine suâ perniciæ mouere queat. Nemo hâc à me narrationem rerum gestarum expectet: aliam occasionem, aliud tempus hâc sibi poscit, & nos triumphos Sigismundi non recensemus, sed leui signamus notâ, vt in hoc funebri actu, in hac communis doloris acerbissimâ pompâ breuiter perstrikti, aliquantisper in animis hæreant, donec præstantiorum ingeniorum opera, stylo aureo exarati, lucem publicam aspiciant. Bellica facinorâ & parua armis gloria, & militibus & Ducibus, ita esse communis solet, vt eam Reges ex integro suam esse dicere nequeant; multum huic decori detrahit fortuna; multum rei benè gerendæ occasio, virtutum tantum solida est possessio, hæ vnus cultoris sui insident animo. Quis Regum aut Principum Sigismundi pietatem, etiam si maximè pius sit, æquare possit, qui de Regno paterno periclitari potius maluit, quàm erroris Hæretici labe infici, vel quiduis impium retinendi Regni causâ Hæreticis indulgere? qui tot augustis structis Basilicis; Aris positis; & aureâ argenteaque suppellectili liberaliter instructis, satis ostendit fuisse sibi curæ Diuinum honorem, qui totus Diuinarum rerum contemplationi immersus semper, & corde & ore Deum spirabat, Deum sonabat, in Dei veneratione semper versabatur. Sigismundi Regis pietati Polonia & Lithuania debet promotos Regni fines; hostes hæreditarios toties fufos fugatosque; ius Regni assertum; bellicæ gloriæ studium propagatum; libertatis iura conseruata; & ne plura in medium adferam, quadraginta quinque annorum continuam felicitatem, Iustitiam, Temperantiam, Clementiam, animi magnitudinem, Munificentiam, Prudentiam, cæterasque magno Rege dignas virtutes ita iuris sui fecerat, vt non vsu quodam & consuetudine doctus, sed naturâ ad omnes præclaras actiones, quæ ab ijs virtutibus petuntur, suscipiendas, factus meritò existimari debeat. Felix profectò Sigismundus, non tam vitæ actæ prosperitate, quàm quod semper contenderit, ne à fortunâ dependeret; vt suæ felicitatis Deo duce & auspice, auctor effectorque esset: voti certè compotem fecit Deus, namque ita vixit, vt vixisse eum nunquam poenitere potuerit: ita feliciter regnauit, vt memoriam nominis sui, immortalitati consecraret. Quis locus? quæ Regio in terris eius non plena laboris? quis adeò remotus orbis angulus, quò eius fama non peruaferit? Felicem Te fortunatumque Sanctissime Rex prædicamus, binis Cæsareæ & Augustæ Domus Austriacæ connubijs. Ambæ coniuges



ges tuæ, non tantum Imperatorij sanguinis splendore, sed multo magis Regiarum virtutum ornamentis excelluerunt; tanta in vtraque morum grauitas; tanta in vultu maiestas, vt supra conditionem humanam diuinum quid spirare viderentur; ea pudicitia, quam magistram innocentiae, & pretiosum matronalis dignitatis monile appellare possumus, vt exemplo ceteris omnibus fueriat. Constantia quidem non solum vitae, sed & mortis confors, tecum simul effertur, tecum simul in eodem componitur tumulo. Felicem iterum te appellamus, inclyte Rex, hac Regiam prole, quam tuo exitu maestam tristemque tibi Genitori suo supremos soluentem honores conspiciamus: Duos quidem sacerdotalis toga augustiores reddit, quam si & purpura, & diademate fulgerent Regio. Te verò Potentissime & Inuictissime Rex Vladislæ, Vos Serenissimi Casimire & Alexander Principes, quam oratione alloquar? Tristemne augeam dicendo maestitiam? Sed iste squalor, iste luctus, hæ quas vberes cum Serenissimâ sorore, sociam acerbissimi doloris funditis lachrymæ solatia solida requirunt, quæ non aliunde Vobis petenda sunt, nisi ex memoriâ fixâ in pectoribus Vestris pijsimorum Parentum Vestrorum. Monita eorum quibus Vobis Regiarum virtutum viam monstrauerunt, semper hæcant in animis vestris, eos præsentibus vobis adesse, vos illorum mandata accipere creditote, magni felicesque futuri, si ad eorum exempla studia actionesque vestras composueritis; non ita editi estis, non eâ stirpe nati, vt Vobis aliquando Maiestatis Maiorum Vestrorum generis nobilitate partæ, cuius hæreditatem creuistis, obliuisci liceat. Is est dignitatis Vestræ splendor, vt vel minima labe in eâ conspici possit; ij Regiæ stirpis Maiestatis latè fusi radij, vt nihil occultum celatumque esse patiantur; in excelso virtutis locati Throno omnium oculis conspiciimini, omnium tacitis iudicijs designamini. Viles & plebeia animæ, homines quos fors nascendi puro proiecit sub aëre, quos altius attollere caput non sinunt fœdi & ignobilis ortus initia, & quos progenitorum suorum vilitatis piget pudetque, serpant humi, & vitij immersi in sordibus flagitiorum delitescant. Vos qui Maiestatibus tot Imperatorum, tot Regum, tot Principum, quorum augusto sanguine editi estis, fulgetis: Vos inquam, augusta, vos magna & sublimia decent; à Vobis exempla petuntur, non magis magnitudinis animi, quam modestiæ, temperantiæ & pietatis, sine quâ nihil arduum & excelsum animo cogitari & suscipi potest: vbi hæc defuerit, ipsa quoque humana vilescit prudentia, & optimæ constitutæ familiæ præceps ruit fortuna. Vos ad omnes præclaras actiones & Sigismundus Pater, & Auunculus excitat, Hector nostri seculi Ferdinandus Imperator, errorum extinctor, Hæreticorum salutaris pernicies, monstrorum orbis Christiani pacem & tranquillitatem ambitioso impioque ausu temerantium, Hercules domitor. Vos denique vniuersa hæc Respublica, in quâ & cui nati estis, suo sinu receptos implexu fouet, fouebitque; vestris fauebit incrementis, præclaros vestros

T t

quos



quos salutis publicæ causa suscepturi estis, conatus, suis promouebit consilijs : hæc Patria, hæc mater vestra est, huic & amorem debetis, & tutelam : in vobis viuit Rex noster Sigismundus, viuit eius pietas, iustitia, prudentia, ac inuictum animi robur. Vos ei per quem in lucem editi estis, Vestris Heroicis actionibus æternum duraturam parietis eam, quam morte etiam suâ sibi parauit, immortalitatem.

F I N I S.



INDEX



# I N D E X

## R E R V M E T V E R B O R V M

### M E M O R A B I L I V M.

#### A.

- A** *Aron* Abbas Tinecensis quomodo ad Episcopatum Craconiensem promotus. pag. 258
- Abbas* Bassa Turcarum Praefectus caesus. pag. 448
- Abdanck* nobilitatis insigne. 374
- Abrahamus* Krzewski linguae & rei Turcicae peritus. 140
- Abusus* olim in Polonia in eligendis Episcopis natus. 258. correctus. 259
- Achates* quid significet mystice. 273
- Acies* binæ infestæ sibi in campo steterunt tempore Electionis noui Regis Poloniae post mortem Stephani. 478
- Acta* in conuentu Vislicienfi Rocossianis significantur. 77. & 78
- Actiones* Sigismundi III. Regis Poloniae candidæ & syncerae. 474
- S. Adalberti* in Poloniam aduentus. 311. Martyrium: corpus Gnesnam delatum. ibid.
- Adami* Calissiensis Castellani de Palatino Crac. censura. 90
- Adami* Corayscij temeritas in Comitibus Varfauens. 46
- Adamus* Sandiuogius Czarncouius successor Andreae Opalinij in Praefectura maioris Poloniae. 2
- Adamus* Stadnicki legationi ad Turcarum Imperatorem destinatus. 140
- Aduentus* primus Sigismundi III. Cracouiam per medias inimicorum acies. 489. & seq. *Aduentus* eius in Sueciam 413. ibi eius classis & copiae tempestate disiectae. ibid. sub *Aduentum* Regis in Sueciam res ibi pacatae erant, sed mox turbulenta. 13. *Aduentus* Reginae Constantiae cum Matre & Carolo Archiduce in Poloniam. 38. *Aduentus* magnae Ducissae Palatini Sendomiriensis filiae in Moschouiam. 70
- Aegidius* Tusculanus in Poloniam missus. 303
- Aemulatio* Ducum in exercitu Regio. 130
- Aemulorum* Matthiae Pstroconij impugnatur inuidia. 405
- Aequitas* simulata est duplex iniquitas. 474
- Aestimatio* publica bonorum tempore Sigismundi I. quam cautè facta. 204
- ob *Affinitatem* Domus Brandenburgicae cum Sueco contractam, fides quâ Polonis obstricta est in dubium vocata. 436. *Affinitatum* aliquot similitum mali successus. 437
- Agasides* Lacedemoniorum Rex cuidam querenti quomodo tutò sine satellitibus regnare posset quid responderit. 476
- Agathia* Conradi Masouiae Ducis vxor. 340
- Agentes* cum externis principibus de prodenda illis patriâ ubi iudicandi. 5
- Agasilai* Regis responsum super quaesito, quænam virtus sit prestantior, Iustitia an Fortitudo? 472
- Albertus* II. Romanorum Imperator Sigismundi I. Poloniae Regis maternus Auus. 489
- Albertus* Archidux Austriae, Belgarum Princeps quantoperè communi periculo Reipublic. Christianae commoueretur luculentâ animi testificatione declarauit. 483
- Albertus* Baranonijs strenuus suae Diocesis visitator. 280. fuit Episcopus Plo-censis LV. nominatione Sigismundi III. 383. multis functus est magistrati-



# INDEX RERVM ET VERBORVM

- magistratibus. 384. sed in tuendis Ecclesiæ iuribus non satis felix. ibid. Seminarium Clericorum sub curâ PP. Societatis instituit Pultouiaë aliæque extruxit, 385. mortuo Maciejouio fit Archiepiscopus Gnesnensis. 427
- Alberto* Brandeburgico in Ducali Prussia curator datus. 428
- Albertus* Iastrzembecius factus Episcopus Posnaniensis, dein Cracouiensis pessimo euentu ditauit suos consanguineos. 282. qualem exitum habuerit. 283
- Albertus* Lascus Palatinus Siradiensis. 17
- Albinus* quartus in ordine Episcopus Plocensis Romæ consecratus. 318. eius obitus. 319
- Alexander* Rex Poloniae consilijs Erasmi Cioleck niti solitus. 369
- Alexander* frater Vladislai IV. Regis Poloniae immaturâ morte interceptus. 460.
- Alexander* Episcopus Plocensis X. inuitus Cathedram conscendit. 331. consecrari à Iacobo Archiepiscopo Gnesnensi voluit. ibid. eius acta præclara, & obitus. ibid.
- Alexander* Gafzieuius ad nuptias Demetrii in Moschouiam missus. 38. quem Cæsareo nomine appellare renuit. 71
- Alexander* Dux Ostrogia græco schismati addictus. 432
- Alexander* Konieckpolski Palatinus Siradiensis. 109
- Alexandri* Kalinouwski Capitanei Braclauiensis præclara virtus. 129. & 131
- Alexander* Lesielius Scotus Gustauo Sueciæ Regi per omnia bella quæ feliciter gessit indiuiduus comes. 447
- Alexander* Magnus post deuictum penè vniuersum orbem Babylonicæ illecebræ occiderunt. 477
- Alexander* Masouiaë Dux Episcopus Tridentinus Stanislao Episcopo Plocensi Româ redeunti struxit insidias, ac per alios in carcerem coniecit. 359
- Altenius* Comes pro Cæsare Cracouiaë militem scribit. 228
- Ambitiosorum* vita indigna & mors infelix: quod declaratur exemplis. 265. *Ambitio* Caroli Sudermaniaë Ducis. 480
- Amor* ciuium inexpugnabile munimentum. 476. eo nullum fortius Imperij stabilimentum. 487
- Amurathes* III. Turcarum Imperator rupto foedere, bellum Hungariae infert. 7. frustra terruit Sigismundum III. Poloniae Regem. 480. ei vim finibus regni Poloniae admouenti primus omnium Sigismundus III. arma feliciter ostentauit & desistere cœpto coëgit. 491
- S. Andreas* Apostolus Schythiam Europeam ingressus primus Religionem Christianam in regiones Septentrionales intulit. 301
- Andrea* Oporouio à Casimiro Rege Poloniae ad Episcopatum Plocensem irrito conatu promotus Episcopatus Varmienensis à Sixto IV. Pontif. Maximo attribuitur. 364
- Andrea* dicti Cracouiensis, Episcopi Plocensis in ordine XVIII. genus. 340. cur gladium spirituale in Conradum parricidam non strinxerit. 341. eius obitus. 342
- Andrea* II. dicti Cioleck ex Præposito Episcopi Plocensis XX. obitus. 343
- Andreas* III. Cricius Episcopus Plocensis XLVI. in ordine, fauore Petri Tomiciij Auunculi sui varios magistratus adeptus & aliquot legationibus præclare functus est. 373
- Andrea* Noskowski Episcopi Plocensis LII. vita & acta præclara. 377. & seq. ob iniuriam Ecclesiæ suæ factam monetur à Capitulo. 378. varias Ecclesias & Collegia struxit & exornauit. ibid. qualem habuerit vitæ exitum. 379. eius oratio ad amicos. ibid.
- Andreas* Bathoreus fit Abbas Ceruenensis superstitè adhuc Abbate. 8. paulò post princeps Transyluaniae renunciatus indignè perit. ibid. & 269

*Andreas*



# MEMORABILIVM.

- Andreas* de Borissëwice Archiepiscopus Gnesnensis Rosarum familiâ ortus. 397  
*Andreas* Opalinius supremus regni Marefcalcus, ac Maioris Polonię Prefectus. 2  
*Andreas* Swiecicius scriptor vitę Andreę Noscouij. 377  
*Andrea* Trzebicki Scholastici Plocensis ad vitas Episcop. Plocens. dedicatio. 299.  
*Andreas* Comes à Tęczyn Castellanus Villicienfis. 97  
ad *Andreouiam* conuentui Rocossiano continuando dies præfigitur. 108  
*Angelicam* perfectionem antecellit cura animarum. 254  
*Angelotus* I. Episcopus Plocensis nobilis Romanus 309. decimas à Principe sibi donatas alijs sacerdotibus in consortium laborum adhibitis impertitus est. 310. eius obitus. ibid.  
ex *Angliâ* viri Apostolici orti veterem Saxoniam aliasque Sarmaticas Regiones fidei rudimentis imbuerunt. 301  
*Animarum* cura ars artium: priuatę sanctitati præfertur. 254. etiam perfectio- nem angelicam antecellit. ibid.  
*Animus* impotens in Episcopo improbatur. 286. *Animi* magnitudo aliquot Epi- scoporum in redarguendis Regibus. 291. & seq. *Animus* bonus in re malâ di- midium mali. 432  
*Anna* senior regina Polonię 7. cur tam benefica Matthię Pstroconio. 408. non obscurę suffragata est nepoti suo Sigismundo III. in Regem Polonię eligen- do. 478.  
*Anna* Maria Sigismundi III. filia nascitur. 6. Baptismi ipsius pompa. 7  
*Anna* infans Suecię Regis Polonię soror. 15  
*Anna* Basilij & Constantij Orientis Imperatorum soror. 153  
ad *Annibalem* Bentiuolum vtriusque Signaturę Referendarium epistola de vi- ctorijs contra Moschos & Turcas obtentis. 447 448. & seqq.  
*Antesignani* hæreticorum in Poloniâ, 46. 57  
*Antiochus* Syrię Rex, Medicum consilij sui fecit. 473  
*Antistites* à Romano Pont. in Poloniam, ad fidem Christianam ibi propagandam missi. 303  
*Apparatus* bellici Turcarum & Tartarorum. 491  
*Arces* quinque in finibus Regni ædificandas cur Rex non construxerit. 47. 50. & 110. *Arces* aliquot in Liuniâ & Lithuniâ à Stephano I. recupe- ratę. 155  
*Archiepiscopatus* Craçouiensis quando in Episcopatum transierit. 314. *Archiepi- scopum* semper à susceptâ Religione Christiana habuit Polonia. 315  
*Arianum* dogma amplectitur Gabriel Bathoreus. 103  
*Ars* artium cura animarum. 254  
*Articuli* in Comitijs Varfauien. à Nuntijs Regi propositi. 47. 48. & seqq. ad eos- dem Regis responsum. 50. 51 & seqq.  
*Astutus* terminus, siue cremodicium, in quod Ecclesiastici Poloni Rege Sigis- mundo Augusto inciderint vanum & inane. 207  
*Athanasius* Vlasieus Ficti Demetrii ad Regem Polonię legatus. 37  
*Auaritia* militaris in Poloniâ reprehenditur, multorumque malorum causa ex- stitit. 196. *Auaritia* nota Episcopo visitanti cauenda. 288  
sub *Auito* Imperatore Occidentali maiestas Rom. Imperij concidit. 22  
*Aula* Regis Polonię non constat è Cofacis. 238. inter *Aulica* obsequia, nisi recto fine fuerint temperata, procliuis in Simoniam lapsus. 260. aliàs red- dunt Ecclesiasticos Senatorię dignitati idoneos. ibid. ad *Aulam* Regiam vocatus Pstroconius 261. ab *Aulâ* quare reuocati Matthias & Sta- nislauus Lubienij. 262. ab *Aulicis* exercitationibus crescere posse virtu- tem & pietatem, sed rarò. ibid. *Aula* Carnouij Episcopi Vladislauiensis iuuentutis Polonię palæstra. 403



# INDEX RERVM ET VERBORVM

*Aura* mutationem frustra captant Medici in sanando Matthia Pstroconio. 430  
*Austriaca* familia deducta est ex Cimbarka vxore Ernesti Archiducis, sorore Masouiae Ducum. 358. ex eâ natae duae vxores Sigismundi III. Regis Poloniae. 477. huius familiae encomia. 489  
*Authores* Rocossianae factionis. 68. quâ ratione Nobilitatem suis consilijs obnoxiam facere nitantur. 75. colloquium cum Senatoribus Regiarum partium petunt. 89. auctoritatem comitiorum Varfauiensium nullam esse contendunt. 117. Sigismundo III. regnum abrogant, & quinam illi. 122. & 425.

## B.

**B** *Althasar* Poræmbski Tribunus Craconiensis. 135  
*Bannitus* abolitis bannitionibus per decretum aut aliter, Regio rescripto restituitur in Regnum Poloniae. 221  
*Baptismi* Annae Mariae Poloniae infantis pompa. 7  
*Baranovius*. Vide inter Albertos.  
*Barbara* de Gaiewniki mater Matthiae Pstrokonski. 398. filium suum sacro Altari se mancipaturam promittit. 399. votum hoc ei inculcat & pijs admonitionibus instruit ibid. tradere renuit Buzenio Thesaurario. ibid.  
*Barbara* Schepusia Sigismundi I. vxor prior. 373  
*Barbara* de Zapolice mater Stanislai Lubienki. 390  
*Basilus* & Constantius Orientis Imperatores sororem Annam in matrimonium dederunt Volodimiro Kijouiae Duci. 153  
*Basilus* Moschouiae Dux arcem Smolenscensem proditione intercepit. 155  
*Bathoreus* Esethi Dominus. 103  
*Bathoreus* Princeps Transyluaniae. Vide inter *Andreas*.  
*Bellum* quas calamitates secum adferat. 163. *Bellum* Moschouiticum quàm feliciter confectum. 455. *Bella* varia à Sigismundo III. Rege Poloniae feliciter confecta. 482. & 491. *Bellum* quod à Turcis & Tartaris an. 1621. imminabat quàm fuerit periculosum. 187. & seqq. item 236  
*Bendzinensi* transactioni non fieri satis ab Austriacis malè habet Polonos. 4. quânam in hac transactione desiderarentur. ibid.  
*Beneficentia* aliquot Poloniae Procerum in victos Rocossianos. 130  
*Benignitas* Sigismundi III. commendatur. 115. 152. & 475  
*D. Bernardi* de familiâ Episcopi sententia. 285  
*Bernardi* Macieiouij Cardinalis de iterato Sigismundi III. matrimonio sententia. 28. Marinam ficto Demetrio Moscho despondet. 37. fuit Legatus de latere Pauli V. 39. Auctores noui tumultus in maiori Poloniâ vt à cœptis desistant hortatur, sed frustra. 107. & seq. Regi aduersus Rocossianos cuncti occurrunt, & orat vt futurâ victoria clementer vtatur. 125. Synodum Prouincialem Petricouiae celebrat. 142. moritur. 146. & 427. alia gesta eius præclara. 427.  
*Bernardus* I. Episcopus Plocensis XXVIII. ex familiâ S. Dominici à Pontifice Episcopatum obtinuit, aliumque legitimè electum Sede deturbare nifus est. 348. & 349. vnde inter eum & Ianislaum Wronski a Clero Plocensi electum ortae lites septennio durarunt. 349  
*Bernardus* Suidnicensium Dux fidelis Regi. 169  
*Berylli* mystica significatio. 273  
*de Bethlemij* minus sincera erga Regem & Regnum Poloniae voluntate grauis finæ suspensiones vnde ortae. 436  
*Bieniasus* Vernerum Episcopum Plocensem occidit. 333  
*Biskupice* villa Poloniae. 333  
*Bohemorum* in Silesiam iuris initia. 168. & seq. *Bohemia* Reges ius illud crebris trans-



# MEMORABILIVM.

- transactionibus firmare voluerunt. 169. Casimirum Poloniae Regem Silesiae haeredem ipsimet fatentur. 170. *Bohemia* ad seditionem proni. 176. & 177
- Boianovius* Sigismundi III. ad Imperatorem Rom. Legatus. 6. iterum ad eundem cum litteris Regijs missus. 32. Praefectus fuit Custodum regij corporis. 50
- Boleslaus* Audax Isallaum Ducem Kijouensem deiectum restituit & vectigal Regi Poloniae soluendum imponit. 154. fuit IV. in ordine Rex Poloniae coronatus & bellicosissimus, sed ad obscenas libidines prolapsus. 321. vnde monitus & excommunicatus S. Stanillaum sacris operantem obtruncat. ibid. & 322. quare ipse & successores eius iure coronae priuati. ibid.
- Boleslaus* Caluus Henrici Pij filius. 167
- Boleslaus* Chobri Iarossaum Volodimiri filium vicit & tributarium effecit. 154. ad Bugum profligauit. 178. quantum Episcopis detulerit 289. ab Ottonem III. Roman. Imperatore Regali diademate insignitus. 311. eius Epitaphium quod Posnaniae visitur. 315
- Boleslaus* Crispus aliquoties Russos domuit. 154
- Boleslaus* Kriuoustius aliquoties rebelles Russos domuit. 154. & 179. etiam piggessit bella. 329. eius ad Ottonem Episcopum Bambergensem de Apostolatu ad Pomeranos suscipiendo epistola. ibid.
- Boleslaus* Pudico perpetuo seruata castitas nomen Pudici peperit. 167
- Boleslaus* occisor Vernerii Episcopi Plocensis cremari iussus. 333
- Bona* Sfortia vxor Sigismundi I. Regis Poloniae, auia materna Sigismundi III. 376. & 489. mortuo marito adornauit profectionem in Italiam. ibid. & 378
- Bonorum* Ecclesiasticorum tempore Sigismundi I. taxatio quam cautè facta. 204
- Bonum* esse inter malos plus est, quam inter optimos optimum apparere. 471
- Borissius* Hodunus quibus artibus imperio Moschouitico potitus. 28. cum ficto Demetrio committit pugnam & vincitur. 30. cuius dux cum magna parte exercitus in potestate victoris venit. 31. *Borissio* veneno sublato imperium eius filio delatum, qui etiam mox occiditur. ibid. cum Sigismundo III. viginti annorum inducias iecit. 155
- Borissius* Volodimiri Kijouiae Ducis filius. 153
- Borissius* nobilissimus Europae fluuius. 225. & 447
- Bosmanus* quidam à ficto Demetrio submissus Hodunum veneno sustulit. 31
- Bozanta* Episcopo Cracouiensi decimas soluere detrectarunt Poloni. 290
- Brandenburgici* Electores iterato feudo Prussico à Sigismundo III. ornati. 238
- ijdem turbatis in Polonia rebus creuere. 336
- Branisicus* Louiciensis ciuis. 14
- Brinnica* fluuius Poloniae. 345
- Brodnicia* oppidum Regiae in Palatinatu Culmensi ditionis. 375
- Bulla* Gregorij XIV. super inquisitione designati Episcopi. 263
- Bugus* Poloniae fluuius. 445
- Buzeniorum* domus vetustissima quae stirpe profecta. 397. in *Buzeniorum* gentem quis prior Pstroconiorum appellationem intulerit. 398. *Buzenium* oppidum in Bohemia à Poraio conditum. 397

## C.

- in *Cadaver* Ioannis Czaplæ sauitum. 340
- Ob Cadem* S. Stanislai regnum Poloniae diuisum. 323. & 335
- Calones* & lixae seditionem in exercitu Polonico excitant, quae vsi hostes Polonos profligarunt caeso Zolkieuo. 236
- Calui Montis* Monasterium Dominicae Crucis Ligno celebre. 102. & 135
- Camalduenses* Martyres. 312
- Cancellario* & Vice-cancellario quid curandum. 215. quinam horum ministri,



# INDEX RERVM ET VERBORVM

- nistri, socijque laborum. 217. eorum censuræ subsunt rescripta Referendariorum. 218. *Cancellarij* munus & officium. ibid. *Cancellaria* Regia Polonica à latinitatis studio commendatur. 218. *Cancellarij* oculis omnia lustrare debent. 221. Regiæ dignitatis defensores sint. 222
- Candidati* Regno Poloniæ per mortem Stephani vacante ex præcipuis orbis Christiani familijs comparent. 406
- Caninus* campus prope Vratislauiam cur sic dictus. 327
- Carbunculus* quid mysticè denotet. 273
- Carnconius*. Vide inter *Stanislaos*.
- Carolus* Dux Sudermaniæ Ioannis Sueciæ regis frater. i. causa fuit difficultatum Regi Sigismundo Sueciæ regnum adeunti obiectarum. 13. vniuersum regnū vano timore impleuit. 15. ita vt populus omnia sinistra de Rege suspicaretur. 16. quo animo stipatus Proceribus & milite in arcem Vpsaliæ venire decreuerit. ibid. arcem ingressus est militibus suis exclusis. 17. in eum ne quid grauius committatur prohibet Rex, exindeq; modestior efficitur. 17. à Rege inuitatus venire abnuit. 20 & 412. Sueciæ gubernator constitutus, adiuncto ei socio consiliorum Senatu. ibid. Liuoniam captis aliquot ciuitatibus infestans cæditur à Polonis. 36. acceptâ grandi pecuniæ summâ à Suiscio Moscho militem ex Germanis, Gallis & Hollandis conscriptum partim in Moschouiam, partim in Liuoniam mittit. 157. regnum Sueciæ inuasit. 174. & 480. quantus fuerit eius exercitus & qualis. 414. ad intercludendum in portu Sigismundum classẽ expedit, ipse cum exercitu Stecburgum contendens. 413. circumuentus est à Regio exercitu. 414. malè partum regnum filio suo Gustauo reliquit possidendum. 480
- Carolus* Chodkieuicius quis. 23. Suecorum exercitum fugat, nouem millibus interfectis 36. quas partes in conflictu cum Rocossianis obierit. 128. & seq. Turcis & Tartaris ad Chocimum fortiter se opposuit. 484
- ad *Carolum* à Dhona Cæsareæ maiestatis consiliarium de Electore Brandenburgico Auctoris epistola. 438
- Casimiria* oppidum Cracouiæ vicinum. 7
- Casimirus* Monachus Poloniæ Rex in matrimonium duxit sororem Iaroslai Volodimiri Kijouiensis Ducis filij. 154
- Casimirus* I. Sedem Episcopalem Byczynâ Vratislauiam transtulit. 164. cum Iaroslao transegit, sorore in vxorem acceptâ. 179. è monacho Rex factus. 319
- Casimirus* III. primus iura Ecclesiarum inuasit. 258. eiecto Iacobo Sienienio Ioannem Gruscinium Episcopum Cracouiensem renunciavit. ibid. æquo animo reprehensionem tulit. 275
- Casimirus* Iustus Miecißlaum Haliciensium Ducem pulsum restituit. 180
- Casimirus* I. Dux Masouiæ Episcopus Plocensis XL. in ordine Andreæ Oporouio & alijs in Episcopatu adipiscendo prælatus. 364. nomine magis, quam re Episcopus. 365. eius obitus. ibid.
- Casimirus* Magnus primus plebeios ad militiam vocauit. 209
- Casimirus* Boleslai Criuoustij filius Monarcha Poloniæ. 166
- Catharina* Ioanni Regi Sueciæ nupta Sigismundi III. mater è familia Iagello-nicâ. 489
- Cathedra* Plocensis exordium. 309. ob Cleri diffensionem biennio vacat. 337
- Catholicorum* consuetudinem auersantur Moschi; locum quem tetigerint euerunt. 450
- Causæ* principales odij Rocossianorum in Regem conflati. 422. *Causæ* perturbati Regij exercitus in conflictu cum Rocossianis. 130. *Causæ* profectionis Sigismundi III. in Moschouiam. 156. *Causæ* cur Ordines Silesiæ acerbissima quæque in Catholicos decernentes, admoniti. 160. & seqq. *Causæ* præcipuæ



# MEMORABILIVM.

- puæ malorum in Poloniâ. 193. & seq. *Causæ* cur non consuetis viribus Poloni Sueco restiterint. 240. *Causæ* quas Sigismundus III. Polon. Rex habuit ad bellum Moschis inferendum. 481. *Causæ* excusantes Episcopum à Residentiâ. 289.
- Census* annuus quem Episcopus Plocensis Masouiae Duci debebat remissus. 341
- Certamen* Carnouium inter & Petrum Volscium pro retinendo apud se Matthiâ Pstroconio. 404
- Chamus* Tartarorum Imperatoris nomen. 491
- ad *Cherestessum* Maximiliani Archiducis cum Mahumeto III. infelix pugna. 482
- Chlopicius* quidam Polonus nomine Imperatoris ad infestandos fines Turcarum Cosacos illexerat. 12. in hunc Cæsar ab Ordinibus Regni Poloniæ reprehensus omnem culpam reiecit. ibid. & 13
- Chmiecius*. Vide inter *Stephanos*.
- ad *Chocimum* Polonorum cum Turca & Tartaro bellum feliciter gestum. 187. & seqq. & 484.
- Chodkieuicius*. Vide inter *Carolos*.
- Cholononius* equestris turmae centurio. 132
- Chotyniec* villa Regia in Poloniâ. 104
- Chrysoliti* mystica significatio. 273
- D Chrysostomi* libri de Sacerdotio quàm familiares Matthiæ Pstroconio 245. indignum se censet Episcopatu. 257. omnium calamitatum sui temporis, ad temerarias Episcoporum electiones refert. 258
- Christiana* Maximiliani Archiducis soror. 39
- Christiano* primo Episcopo Culmensi redditus assignati à Conrado Masouiae Duce. 336.
- Christianorum* aliquot Principum cum Turcâ infelix pugna. 482. illorum in societatem belli à Sigismundo III. adscitorum nemo operam suam contulit præter Iacobum Britanniae Regem. 483
- Christina* Henrici Imperatoris filia, vxor Vladislai filij Boleslai Criuousti. 335
- christophorus* Zbaraski Palatini Braclauiensis filius. 91
- Cilicium* quod die consecrationis suæ sumpsit ad triennium non deposuit Pstroconius. 418
- Cimbarka* soror Semouiti, Vladislai & Casimiri Masouiae Principum nupsit Ernesto Archiduci Austriae, ex quâ augusta domus Austriaca deducta est. 358
- Circasios* ingressus Cosinius Cosacorum Dux occiditur. 3
- Cinium* sanguis extra pugnam non fundendus. 426. *Ciuem* dignissimum & optimum quem existimaret Sigismundus III. 473
- Classis* regia Dantisco soluens, qualis. 10. tempestate iactatur. ibid. & 413. ei præest Flamingus Succiae Trierarchus. 10
- Clemens* I. Pierzchala Episcopus Plocensis XXVII. moritur. 348
- Clemens* VIII. Pontif. Maxim. suadet Sigismundo III. matrimonium cum Constantiâ. 24
- Clementia* Sigismundi III. varia argumenta. 475. *Clementia* virtutis encomium. 476
- Clericum* vestiri armis res absurda 210. *Clerici* iuuenes prius formandi in Aulis Episcoporum quàm Regijs. 260. ad aulam non veniant nisi vocati. 261
- ad *Clusinum* Moschi a Polonis cæduntur capto Suiscio eorum Principe. 158
- Collegium* vno de viginti Sacerdotum & Subdiaconorum in Ecclesiâ Plocensi fundatum. 393
- Colomanus* Hungariae Regis filius è Regno Haliciensi à Russis pulsus, & à Polonis restitutus, demum veneno tollitur. 180
- Colucij* vnde genus suum ducant. 389
- Colum* oppidum obeundis maioris Poloniæ conuentibus destinatum. 107
- de



# INDEX RERVM ET VERBORVM

de Comitibus indicendis deliberatio antequam Rex in Sueciam proficiscatur. 2.	in
Comitiis coronationis regiae quid cautum fuerit de hac protectione. ibid.	Co-
mitia Varfauiae indicta. 3.	in his protectio Regis in Sueciam potissimum in
disceptationem venit. 4.	Comitiorum successus. 5.
sub finem eorumdem	nuntiatur Tartaris è finibus regni praedas abegisse. 6.
Comitiorum indictorum	Varfauiae pro 20. Ian. 1605. irritus euentus. 26.
item 7. Martij 1606. indicto-	rum varia expectatio 40.
in his quae tractanda erant, à Rege Ordinibus pro-	posita. 42.
horum Comitiorum initium. 46.	malus successus. 62.
& finis. 63.	Comitiorum dilationem malè interpretantur Rocossiani. 106.
Comitiorum ini-	tium Varfauiae. 114.
felix progressus. 115 & finis	121
Commissiones ad fines regundos & similes quomodo extradenda.	222
Compactum Palatini Cracou. cum Regijs militibus.	145
de Compositione inter status Poloniae.	48. 51. & 110
Conatibus Rocossianorum prudenter obuiat Pstroconius.	422. & seqq.
Concionari munus Episcopi residentis. 279.	Concio Gregorij X. Pont. Max. in Pa-
lestina existentis. 452.	Concionatoris Regij acres conciones Stoccholmiae oc-
casio tumultus.	14
Concordia inter Regem & Rocossianos spes omnis praecisa. 122.	cuius tractatio ob-
lata, à Rocossianis respuitur. 126.	Concordiae initae series vt ad notitiam om-
nium deducatur edicto Regio cautum.	152
Conditiones Rocossianis à Rege propositae. 91.	quibus satisfacere renuunt Palati-
nus & Radiuilus. 93.	Conditionum quibus Palatinus Regi reconciliaretur
summa. 147.	sub quibus conditionibus ad conspectum Regis admissus sit.
149.	
Conradus Masouiae Dux Culmensis Episcopatum fundauit & dotauit assentienti-	bus Silesijs. 166. & 336.
cur Cristinum Palatinum Plocensem necauerit. 336.	Cruciferos sub certis conditionibus in Poloniam vocauit. 338.
cur Ioannem Czaplamin crucem egerit. 340.	cuius rei culpam agnoscens Archiepiscopo
Gnesnensi de admissio scelere satisfecit.	341
Consilia praecipua à Pstroconio Sigismundo III. data ad eludendos Rocossianoru	conatus. 423. & 424.
Consilium Ioannis Tarnouij, Regi in Sueciae existenti	datum.
	15
Conspiratio militaris quomodo coaluerit & finita sit.	199. & 200
Constantia Mariae Archiducissae Austriae filia. 24.	Cracouiam ingressa. 38.
nupta	cum Sigismundo III. 39.
à Petro Tylicio regali diademate insignita. ibid.	
Constantinus Dux Ostrogiae Cosacos caedit.	3
Constantinus Hieremiae Mohilae filius Valachiae fit Princeps.	139
Constitutiones aliquot in Polonia iniquae & spiritualibus graues.	204
Consultandi ratio Senatorum cum Nuntijs Rege absente antè inusitata.	115
Contemptores Sacerdotum quam insani, & quanto scelere se obstringant.	256
Contentio inter patrem & filios Masouiae Principes; item inter Canonicos pro eli-	gendo nouo Episcopo.
	357
Controuersia mota à dissidentibus in Religione sopita. 5.	controuersiae inter eque-
strem, & Ecclesiasticum ordinem. 142.	Controuersiae inter Archiepiscopum
Gnesnensem & Episcopum Cuiuiensem à Pstroconia compositae. 415.	&
inter Dominicanos per Russiam & Poloniam.	419
Conuentus minores in singulis Palatinatibus instituuntur antequam ad indicta co-	mitia perueniatur. 42.
in Conuentu Prosouicensi, quid Palatinus Cracouiensis	egerit. 43.
Conuentus Stazicensis totius Minoris Poloniae. 45.	item Lublinen-
sis à Palatino indictus. 63.	Conuentus Rocossianus. 72. 73. & seqq.
Conuentus	particulares à Rege peraguntur. 109.
Conuentus seditiosorum ad Andreo-	uiam.
	113
Coricinius Secretarius Regis in confessu Rocossiano sibilis exceptus.	77



## MEMORABILIVM.

- Coronatio* Sigismundi III. Regis Sueciæ peracta est Vpsaliæ. an. 1594 irritatis  
vtriusque animis. 18. in *Coronatione* Vladislai Iagellonis octo Duces Li-  
thuanie fidelitatem Regno Poloniæ iurant. 183. & seq. 347
- Corylli* nomen quid significet. 347
- Cosaci* quod genus hominum. 225. vnde Nisouij dicti. 226. *Cosacorum* mo-  
tus in Voliniâ Duce Cosinio. 3. duorum Senatorum virtute compressus,  
cæsis Cosacorum tribus millibus. ibid. *Cosaci* Nisouiani Iurgouiam Turci-  
cam ciuitatem diripiunt Duce Lobadâ. 11. hos Iulius Bellus cum Polonis  
confundit. 225
- Cosinius* Cosacorum Dux quare in possessiones Ducis Ostrogiæ potissimum fer-  
ro & igne grassatus sit. 3. Pizcum oppidum obsider; cæditur. ibid. supplex  
fit Palatino Kijouiensi, à quo certis conditionibus dimissus immemor iuris-  
iurandi nouos motus ciēt, & occiditur. ibid.
- ad *Cosmum* Cardinalem de Torresepistola Auctoris. 435
- Craconia* à Boleslao Pudico iuris Teutonici prærogatiuâ ornata. 207. distat  
à Tartariâ 150. miliaribus germanicis. 238. *Craconiensis* Academia plu-  
rimum splendoris regno Poloniæ attulit. 307
- Craconecium* pagus Poloniæ. 432
- Creslaus* Curosuancius Episcopus Vladislaiensis Rosarum domo ortus. 397
- riminationes* falsæ à Palatino & Radiuilianis in Sigismundū III. coniectæ. 60.  
62. & 63. eæ quàm falsæ & leues sint ostendit Hieronymus Gostomski. 96.  
variæ Stanislao Paulowski Episcopo Plocensi obiectæ. 357. & seqq.
- Cristinus* Palatinus Plocensis à Conrado Masouiæ Duce necatus. 336
- Cristinus* Nieborowski à filijs Semouiti Masouiæ Ducis ad Episcopatum Plo-  
censem promotus iuri suo cessit. 357
- Cruciferi* è Syriâ eiekti in Poloniam à Conrado Masouiæ Duce acciti, varijsque  
prædijs donati, & quibus conditionibus. 338. erant sub titulo B. Virginis  
Mariæ professi. ibid.
- Culmariensem* portum cū peteret Sigismundus III. periclitante naue Regiâ  
saluti omnium consuluit. 477
- Culmensis* Episcopatus à Conrado Masouiæ Duce dotatus. 166
- de *Curâ* ægri Prussiæ Ducis querela. 47. quas ob causas Sigismundus III. ei  
*Curatorem* dederit. 54. & 428. *Cura* Pastoris animarum qualis. 252.  
& seqq.
- ad *Czechorum* conflictus Polonorum cum LX. millibus Turcarum & Tartaro-  
rum. 234.

## D.

- D***Ambronca* Boleslai Bohemiæ Regis filia, vxor Piaſti. 302
- Dani* à Vandalis Dunini, quasi robusti dicti sunt. 381
- Daniel* Romani Haliciensium Ducis filius Polonorum hostis. 180
- Danielonicius* Capitaneus Belzensis. 91
- Dantiscum* subest spiritali iurisdictioni Episcopi Vladislaiensis. 9. Vide *Ge-  
danum*. 371. & 372
- Decedentibus* Christiano ritu ex hac vitâ optima voluntas & desiderium suffi-  
cit. 485.
- Decimarum* exactio impugnata à Neophytis. 290. *Decima* omnium frugum  
olim in Poloniâ ad Fiscum, post ad Episcopos translata. 309
- Decretum* sub nomine Principum Confessionis Augustanæ publicatum in Sile-  
siâ. 160. & seq. *Decretum* contra Hæreticos per Duces & Proceres Masouiæ  
editum. 371. & 372
- Dedica-*



# INDEX RERVM ET VERBORVM

<i>Dedicatio</i> Authoris operis de rectè gerendo Episcopatu. 298.	item Vitarum
Episcoporum Plocensium.	299
<i>Defensio</i> ordinaria finium Regni Poloniae cur non praestetur à Rege.	51
<i>Demetrius</i> verus Moschouiae hæres adhuc impuber à Borisllo Hoduno occisus. 28.	
<i>Demetrius</i> fictus fingit se Ioannis Moschouiae Principis filium. 29.	accerfitus
ad Regem Poloniae, oratione habitâ incerto cum responso dimissus; exercitum in Moschouiam ducit. ibid.	eius successus. 30.
pugnat cum Hoduno; vincit, & veneno necat. 31.	imperio potitur, vxore & filio Hoduni è medio sublatis. 32. & 155.
Legatos ad Regem mittit. 37. 481.	
eius vitia: vnde Moschorum in illum odium & conspiratio, quâ comperitâ conscios conspirationis punit. ibid.	vsurpat Cæsareum ac Regium titulum; quare à Sigismundo reprehensus fuit. ibid.
Marinam, Georgij Mnizek filiam in vxorem petit. 37. & 155.	grandem pecuniâ summam Palatino Sendomiriensi misit. 38.
<i>Demetrii</i> fastus & ingratitudo in Sigismundum III. Poloniae Regem. 71.	obtruncatur à Moschis. ibid. 155. & 481
<i>Deus</i> non vocat manifestè improbos ad Episcopatum, quare.	264
<i>Diaboli</i> , Episcopo inuigilante, astutia.	248
<i>Diem</i> obitus sui praesciuit Matthias Pstroconius.	297. & 431
<i>Dies</i> flumini Moldaviae.	234
<i>Dietreslein</i> Cardinalis & Episcopus Olomocensis.	40
<i>Digni</i> in petitione Episcopatus quatenus excusantur.	247
<i>Dignitatorum</i> & Officialium nomine contra Ecclesiam acre scriptum.	202
<i>Diaeceses</i> in Polonia amplissimæ.	280
ad <i>Dirschauiam</i> Gustauus sclopeto ictus.	240
<i>Discordia</i> inter Duces Regij exercitus. 130.	item inter filios Volodimiri Kijouiae Ducis. 153
<i>Discursus</i> de rebus Silesiacis.	159
<i>Dissertationis</i> de Episcopali munere exordium.	246
<i>Dithamari</i> de rebus Polonicis falsa historia. 312.	refellitur ab Auctore. 313
<i>Dlugosus</i> scriptor quo anno vixerit. 306.	scripsit Vitas Episcoporum Plocensium; cuius praefatio hîc inserta est. ibid. & seqq. quod vsque historiam suam continuauit. 365
<i>Dobeslaus</i> I. dictus Sowka Episcopus Plocensis XXXII. duobus fratribus præclare Episcopatu functis successor datus. 351.	fuit acer iniuriam Ecclesiasticorum defensor. ibid. obiit subitâ apoplexiâ extinctus. 352
<i>Dolenga</i> insigne gentilitium.	331
<i>Dolina</i> insigne gentilitium.	325
<i>Domniso</i> Poëta de Henrico Imperatore quid canat.	327
<i>Donationes</i> aulicæ ad Episcopatum obtinendum dissuadentur.	259
<i>Dominicani</i> Plocenses cadauer Ioannis Czaplæ sepeliunt. 340.	inter <i>Dominicanos</i> Russiae & Poloniae controuersia composita. 419
<i>Dotis</i> & <i>contradotis</i> reginae Annae Sigismundi III. coniugis cautio.	6
<i>Duces</i> exercitus Regij aduersus Rocossianos qui ? 426	consent pugnam sine morâ committendam. 123.
<i>Ducum</i> Silesiae cum Polonis societas: & dissidij initia. 166. & seq.	<i>Duces</i> exercitus Moschorum Smolenscum obsidentis. 447.
<i>Dumnorum</i> domus in Polonia nobilis quis auctor.	381
<i>Dzierzgowius</i> Archiepiscopus Gnesnensis in suos profusus.	284
<i>Dzierzgowu</i> castrum per Gunterum Episcopum Plocensem interceptum.	338
	E. Ecclesie



# MEMORABILIVM.

## E.

**E**cclēsie iuribus nequid præiudicetur in Vislicienſi conuentu cauent Episco-  
pi. 77. rei Ecclesiasticæ in Silesiâ prospiciebant Reges Poloniæ 160. Ec-  
clesia Orlouienſis in Silesiâ Abbati Tinecenſi ſubeſt. ibid. Ecclesiastici in Po-  
loniâ quid ſemper Reipublicæ cauſæ præſtiterint. 206. Ecclesiasticorum non  
ſuâ ſed parentum voluntate factorum parum felices exitus. 268. & ſeq. Ec-  
clesiasticum ſtatum non eſſe temere deferendum exemplo docetur. 269. Ec-  
clesiastico virtutes Catholici Regis recensenti vnde initium ſumere debeat.  
470.

Edictum Rocofſianorum. 68. & 84. Edictum Sigismundi III. 84. aliud Rocof-  
ſianorum 108. & 115. Edictum Senatorum in Comitijſ Varſauien. 116. & 117.  
Edicta contra Rocofſianos ſcripta. 134

Elbinga à ciuibus hæreticis Sueco dedita. 239

Electiōes temerariæ Episcoporum quàm pernicioſæ. 258. eæ debent eſſe Ca-  
nonicæ. ibid. Electio Canonica in Polonia in Regiam Nominationē trāſijt. 263  
Electiōis noui Regis in Poloniâ ſumma & moderatio more Maiorū penes Ar-  
chiepiſcopum Gneſnenſem eſt. 405. in Electiōe poſt Stephani Regis mortē,  
alij hunc, alij alium eligunt. 406. qui in Sigismundum III propendeant 478.  
Electores Brandeburgici feudo Pruſſico ornati 238. turbatis in Poloniâ re-  
bus creuere. 336

Eleemoſyna & corporalis & ſpiritualis largitor Piſtroconius. 431

Elogium Vladislai IV. Regis Poloniæ de Stanislao Lubienſki Episcopi 394.  
& Guidonis Cardinalis Bentiuoli. ibid.

Elsnabum regia nauis appellit cum paucis alijs, cæteris tempeſtate diſiectis. 11.

Elſnabenſis portus qualis, quātum inde diſtet Stoccholmia & quali itinere ibi.

Emetones in Polonia qui. 211

Epilogus tractationis de rectè gerendo Episcopatu 296

Episcopale munus quale & quantum. 243. Episcopalem dignitatem declinat S. Ni-  
lamnon, & alij 247. Episcopatus Præmiſſienſis ab iniurijs vindicatus & in  
priſtinum ſplendorem reſtitutus. 419. Episcopatus Plocenſis exordium. 309.

Episcopatus & eccleſiæ in Silesiâ à Regibus Poloniæ fundatæ 159. Episco-  
porum Poloniæ per Sileſiam iuriſdictio. 160. Episcopi Vratiſlauienſis iuriſdi-  
ctio in Polonia. ibid. Episcopi nominis notatio. 247. Episcopus in Eccleſiâ ſuâ  
ſpeculator. 248. in Episcopatu plurimū ſollicitudinis & periculi. ibid. E-  
piscopatus Speculator quaſi belli Dux & miles fortiffimus noſſe debet hoſtes.  
ibid. quales Episcopos Pſeudo-politicis opponi oporteat. 249. & 251. E-  
piscopi Paſtoris officio fungi debent. 252. Episcopalis functio nouæ legis in  
ornatu Pontificis antiquæ legis adumbrata 254. eius ſanctitas & ſacrificij  
excellētia à D. Chryſoſtomo expenſa. ibid. ad Episcopatum temerè electi,  
inepti & inutiles ad res gerendas. 257. Episcopos futuros vocandi ratio. 258.  
Episcopo ritè ordinato quid oneris incumbat. 270. quibus virtutibus clarere  
debeat, & ſubditis perfectione præſtare. 271. Episcoporum iuriſdictio & po-  
teſtas. 274. in cœtu Presbyterorum ſunt vt Principes. ibid. Episcoporum  
Poloniæ excellens in Senatu factum. 276. quo iure ad reliden-  
tiam teneantur. 277. quibus ex cauſis poſſint à ſua eccleſiâ abeſſe. 279. E-  
piscopis quid præ oculis habendum in Dioceſi viſitandâ 281. qualis vitæ  
ratio habenda ibid. ex redditibus Eccleſiæ non dīrent ſuos conſanguineos  
aut familiares. 282. peſſimo euentu id aliqui fecerunt. ibid. Episcopi viſi-  
tantis familia qualis eſſe debeat. 285. Episcopi viſitantis idea. 286. in co  
impotens animus improbatur. ibid. notantur qui ad rem magis quàm ad  
curam



# INDEX RERVM ET VERBORVM

- curam pastorem sunt intenti. 287. *Episcopus* visitans in quos inquirere debeat 288 *Episcopus* in Polonia vnà etiam regni Senator. 289. *Episcoporum* in Polonia praerogatiua. ibid. & 290. Senatoriam dignitatem prius adepti sunt, quàm seculares. 289. & 291. *Episcopis* vnde tanta in Senatu dicendi & Reges redarguendi libertas. 291. & 292. *Episcopi* Senatoria dignitas in quo consistat. 294. eius est in primis iura Ecclesiae tueri. 295. Legibus iniquis contraire & pietate praestare. 296.
- Epistola* Authoris ad Cosmum Cardinalem de Torres. 435. *Alia* ad Georgium Vilhelmum Electorem Brandenburgicum, de non seruata fide quâ Regi & Reipub. Polonae obstrictus est. 437. 439. 440. *Alia* ad Carolum à Dhona Cæsareæ Maiestatis Consiliarium eiusdem argumenti. 438. *Epistola* familiares ad Matthiam Casimirum Sarbieuium Societatis Iesv Sacerdotem. 442. 444. & seqq. ac vicissim illius ad Stanislauum Lubienski. 462. & seqq. *Alia* ad Annibalē Cardinalem Bentiuolum de Smolensco à Moschis obfesso, liberato. 447. & seqq. *Alia* ad Ioannem Gembicium Secretarium Regium in Moschouia degentem. 451. *Alia* ad Honoratum Vice-comitem Nuntium Apostolicum. 452. *Epistola* Guidonis Cardinalis Bentiuoli ad Stanislauum Lubienski, & huius ad illum. 453. & seqq. ad Sodalitatem Gracensem. 462. *Epistola* Episcoporum ex Synodo Petricouienſi ad Palatinum Cracouienſem. 143. *Epistola* de bello Turcico Stanislai Zolkieuij ad Sigismundum III. ab Authore in Latinum versa. 185. & seqq. *Epistola* de bello Turcico ad Chocimum gesto nomine Sigismundi III. ad Gregorium XV. 187. & seqq. item ad Ferdinandum II. Roman. Imperatorem. 190. & seqq. *Epistola* Bolellai Crinoustij ad Ottonem Episcopum Bambergensem. 329. Vide *Littera*.
- Epitaphium* Bolellai Chobri. 315
- Eques* ficti nominis ab Auctore censurâ notatus 162. & seqq.
- Equester* Ordo quam praerogatiuam acceperit à Ludouico Lois. 209
- Erasmus* I. Cioleck Episcopus Plocensis XLIV. fauore Alexandri Regis Episcopatum adeptus. 370. missus à Sigismundo Romam, ibique peritorum à Leone X. compos factus, mortuus est. ibid.
- Ericus* Brahe gubernator arcis Stoccholmiensis. 20
- Ernestus* Veicher Capitaneus Pucensis. 19
- Estoniam* quando Rex tenebatur regno Poloniae restituere. 41. 48. cur id omis- sum sit. 50
- Excusatio* friuola Electoris Brandenburgici super affinitate cum Sueco contra- cta & alijs. 437. item super facto Regiomontanorum. 438
- Exempla* aliquot ambicioforum & luxui deditorum Episcoporum. 265. & seqq.
- Exempla* Episcopalem dignitatem fugientium. 273. & seqq. *Exempla* quaedam insignia circa liberalitatem in pauperes. 432. *Exempla* aliquo- rum qui infelici successu affinitatem contraxerunt. 437
- Exercitatio* iuuenum Clericorum & Ecclesiasticae nobilitatis per Pstroconium. 260 & 261.
- Exercitia* pia Matthiae Pstroconij. 432. & seqq.
- Exercitus* Sigismundi III. aduersus Rocossianos qualis; item *exercitus* Rocol- sianorum robur & numerus. 73. & 122. *Exercitus* Regius rationem red- dit Rocossianis eum à defensione causae regiae deterrentibus. 74. à Rege lustratur. 84. struendi *exercitus* cura in Duces distributa. 128. *exercitus* Regij periculum ob discordiam Ducum. 131. *Exercitus* Polonicus Moldauiam ingressus ad summas redactus angustias. 235. *Exercitus* Moscho- rum Smolenscum obsidentium quantus. 447. item Sigismundi III. illos obsidionem soluere cogentis. ibid. *Exercitus* Turcarum & Tartarorum an. 1621. Poloniae impendens quantus fuerit. 483
- Exhor-



# MEMORABILIVM.

- Exhortatio* ad Liberos Sigismundi III. vitâ functi, ac nominatim ad Vladislauum IV. Regem Poloniæ. 486. 487. & 493  
*Exploratores* Regij Rocossianum exercitum versus Cracouiam profectum referunt. 124  
*Externi* nulli aliquo in Poloniâ Magistratu funguntur paucis exceptis. 50  
*Exundatio* vistulæ mense Iulio 1593. prodigij loco habita. 7. item. 1621. quid eadem tunc & aliàs portenderit. ibid. percommoda fuit Sigismundo III. Dantiscum nauiganti. ibid.

## F.

- F***abula* de habitu religioso à Matthiâ Pstroconio suscepto, vnde nata. 400  
*Factiones* ob decimarum exactionem. 290. *Factio* Zborouiana. 405. & seq.  
*Factio* Rocossiana. 68  
*Falsus* Demetrius Moschouia Princeps. Vide *Demetrius* Fictus.  
*Febri* malignâ correptus Pstroconius, 430. & Andreas Noskowski Episcopus Plocensis. 379  
*Felicitas* virtutis comes. 435  
*Felix* Kryski supremus regni Cancellarius 19. Referendarij honore auctus. 63. Moderator confessus Nuntiorum Terrestrium in comitijs. 114.  
*Ferdinandi* II. Rom. Imperatoris encomium. 493  
*de Feudo* Prussico quid actum. 54. & 110  
*Fides* à Sigismundo III. constanter semper culta, etiam hostibus seruata. 474. *Fide* mutuâ se obstringunt Senatores & Nobilitas sanioris consilij aduersus Rocossianos. 79. *Fides* insignis Russiæ Procerum erga Regem: & Nobilitatis Palatinatus Siradiensis. 109. *Fides* quam Georgius Vilhelmus Elector Brandeburgicus Regi Poloniæ debet, quare in dubium vocata. 436 & seq.  
*Filij* è duobus matrimonijs Sigismundi III. quàm concordēs fuerint. 477. & seqq. *Filij* Vladislai natu maioris Boleslai Criuoustij Silesiam inter se partiti. 164.  
*Finis* comitiorum Varfauiensium, qualis. 121  
*Finleiorum* patritia familia. 386  
*Flamingus* Sueciæ Trierarchus classis regiæ Præfectus 10. eo tempore quo Rex in Sueciâ morabatur classem in portus Finlandicos subduxe- rat. 19.  
*Florianus* I. ex familiâ Coryllorum electus Episcopus Plocensis XXVI. in ordine moritur. 347  
*Formula* Confoederationis concepta à Rocossianis. 75  
*Fortuna* nusquàm alibi quàm in bello suum exercet lusum. 240. *Fortuna* pugne cum Rocossianis initæ aliquamdiu anceps fuit. 129  
*Francisco* Cardinali Barberino scribit Author pro obtinendâ Canonizatione B. Stanislai Kostka Societat. Iesv. 443  
*Franciscus* Gambara S. Marci Cardinalis in Poloniam Legatus. 349  
*Fratres* tres in Cathedrâ Plocensi sibi succedentes decennio Episcopatum compleuere. 352. *Fratres* quatuor, Vladislai IV. Regis Poloniæ concorditer in Conuentu Electionis fratris causam egerunt. 478  
*Fridericus* Cardinalis, Archiepiscopus Gnesnensis quomodo promotionē Ioannis Lubranseij ad Episcopatum Plocensem fouerit. 368  
*Fridericus* III. Romanorum Imperator filius Cimbaræ Masouia Principum sororis. 359  
*Friderici* Curlandiæ Ducis in conflictu Polonorum cum Suecis virtus. 36.



# INDEX RERVM ET VERBORVM

<i>Fredericus</i> Casimiri III. filius Episcopus Cracouiensis vitâ & morte inglorius.	
268.	
<i>Fristatum</i> oppidum.	359
<i>Fulco</i> Archiepiscopus Gnesnensis cur Boleslaum Caluum diris deuouerit.	171
<i>Fumalia</i> , quæ olim dicerentur in Poloniâ.	209
<i>Functio</i> Episcopalis nouæ legis in ornatu Pontificis antiquæ legis adumbrata.	254.
in <i>Functione</i> Reipub. Polon. quales se olim præstiterint Episcopi.	291
<i>Futura</i> prædicta à Pstroconio.	251. 431

## G.

<b>G</b> abriel Batthoreus quis: eius educatio: fidem Catholicam eiurat.	103.	Aria-
nus factus à Batthoreo Esethi Domino adoptatur.		ibid.
<i>Gaiouovski</i> . Vide inter <i>ioannes</i> .		
<i>Galicinus</i> Moschus ad Sigismundum III. missus.	158	
<i>Gallia</i> olim æternum sibi nomen parauit felicissimis contra Turcam expeditioni-		
bus. 458. <i>Gallie</i> Rex in societatem communis periculi à Sigismundo III. Po-		
loniæ Rege adscitus quid responderit.	483	
<i>Gansauia</i> vicus Tremesnensis Monasterij.	167. 337	
<i>Gaszewius</i> in Exercitu Polonico Dux.	449	
<i>Gedantum</i> ingreditur Sigismundus III. 8. quomodo à ciuibus & iuuentute ex-		
ceptus, atque à Magistratu saluatus sit. ibid. ex falso rumore tumultum exci-		
tant Gedanenses in quo Rex & Regina alijque grauissimo perfuncti periculo. 9.		
sed ante noctem per Consules sedatus.	ibid.	
<i>Gedeon</i> Episcopus Cracouiensis.	291	
<i>Gedeon</i> I. Episcopus Plocensis XIV. è nobilissimo Gryphorum genere ortus. 336. eius		
obitus.	337	
<i>Gedeon</i> II. ex Custode Episcopus Plocensis in ordine XXIII. renunciatur.	345.	
moritur.	ibid.	
<i>Georgius</i> Mnizek opem fert ficto Demetrio, quem cum exercitu in Moschouiam		
ducit 29. insignis eius animi magnitudo in pugnâ contra Moschos susceptâ.		
30. quomodo cum Moschistransegerit.	72	
<i>Georgius</i> Wilhelmus Marchio Brandenburgensis Sigismundi III. beneficio orna-		
tus, quomodo exceptus fuerit priusquam Varsauiam ingrederetur. 238. fi-		
des quâ Regi & Regno Poloniæ obstrictus est in dubium vocata, eò quod af-		
finiuitatem cum Sueco inierit, &c. 436. & 437. ad eum tres eiusdem argumenti		
scriptæ ab Auctore Epistolæ.	ibid. & 439. & seq.	
<i>Georgius</i> Radoszovvski Boxa Succamerarius Vielunensis.	109	
<i>Georgius</i> Radiuilus Episcopus Cracouiensis strenuus suæ Diœcesis visitator. 280.		
à quo Monasteria hominum vtriusque sexus pristino nitore restituta; Clerus		
melioribus præceptis formatus.	281	
<i>Georgius</i> Zamoscius Episcopus Chelmenensis tutor Thomæ Zamoscij.	33	
<i>Germani</i> quare olim in Poloniam euocati. 208. in <i>Germaniâ</i> vsitatum in consilio		
publico sacerdotes primos adhibere. 292. <i>Germani</i> ex conflictu cum Po-		
lonis faucij ac fame pressi à Matthia Pstroconio refocillati.	407	
<i>Germanicus</i> Malaspina Nuntius Apostolicus in Poloniâ 9. eius incautus feruor		
Stoccholmiæ.	14	
<i>Getka</i> Episcopus Plocensis. Vide <i>Gedeon</i> I.		
<i>Glebus</i> Volodimiri Kijouiæ Ducis filius.	153	
<i>Glinfcus</i> transfuga & proditor.	153	
<i>Gloria</i> vera & solida ex rectè factis petitur.	244	
<i>Gnesnensis</i> Archiepiscopus Episcopum Vratislauiensem semper protexit.	171.	
quilibet <i>Gnesnensis</i> Archiepiscopus est Canonicus natus Plocensis. 308. & 368.		
hic Archiepiscopatus est prima dignitas in Repub. Polonâ.	420	
	<i>Gnesnen-</i>	



# MEMORABILIVM.

<i>Gnesnensis</i> Ecclesia eiusque Collegium beneficentiâ Carnouij Archiepiscopi auctum.	420
<i>Godefridus</i> Bullonius Hierosolymam capit.	325
<i>Gornense</i> territorium patrimonium Ecclesiae Plocensis.	392
<i>Gostaus</i> I. & II. Episcopus Plocensis. Vide <i>Gedcon</i> I. & II.	
<i>Gottica</i> gentis cum Polonis idem genus.	488
<i>Gostomski</i> . Vide inter <i>Hieronimos</i> .	
<i>Gozdaua</i> insigne gentilitium.	326
<i>Grabscij</i> in Polonia vnde orti.	389
<i>Gratianus</i> Moldauiae Palatinus cum totâ Moldauia in clientelam Regis Poloniae se concessurum pollicetur. 232. venit in Castra Zolkieuuij Moldauiam ingressi à suis desertus.	233
ad <i>Graudentum</i> vniuersae Suecorum copiae in fugam actae, ipso <i>Gustauo</i> vix saluo.	240
S. <i>Gregorij</i> de Episcopo temerariè electo sententia.	258
<i>Gregorius</i> VII. Pont. Max. ob eadem D. Stanislai vniuersae Poloniae sacris interdixit.	227
<i>Gregorij</i> X. Pont. Max. in Palestinae existentis zelus.	452
<i>Gregorius</i> XI. Pont. Max. primus Auenione Romam Sedem Romanorum Pontificum transtulit.	352
<i>Gregorij</i> Lubranski Archidiaconi Cracouiensis in declinando Episcopatu animi submissio.	367
<i>Gregorius</i> Ottrepouicius. Vide <i>Demetrius</i> fictus.	
Gubernatio regni Sueciae ad Carolum Ducem: arcis Stoccholmiensis ad Ericum & <i>Gustauum</i> Brahe delata.	20
<i>Guidonis</i> Cardinalis Bentiuoli ad Stanislauum Lubinski, & huius ad illum epistolae.	553. & seqq.
<i>Gunterus</i> XVI. in ordine Episcopus Plocensis eligitur, qui ad coërcendas Pruthenorum in Episcopatum suum incursiones castrum Dzierzgow intercepit. 336. auctor fuit <i>Conrado</i> Masouiae Duci vt Cruciferos è Syria eiectos acciret. ibid. varia illis donauit. 339. eius obitus.	ibid.
<i>Gustauica</i> stirpis in Suecia regnum.	14
<i>Gustauus</i> auus Sigismundi III. Danos & Tyrannum è Suecia eiecit.	15. & 16
<i>Gustauus</i> Brahe arcis Stoccholmiensis gubernator.	20
<i>Gustauus</i> filius Caroli patris Sigismundi III.	480
<i>Guzoniensis</i> pugna prauisa. 251. perturbata dextrae partis exercitus acie immotus Sigismundus III.	476

## H.

<b>H</b> alicienſium Ruſſorum potentia diſtracto diſſenſionibus Kijouienſi Ducatu.	
180. Halicienſe regnum dotale dedit Leſcus Poloniae Monarcha Colomano Hungariae Regis filio. 180. deinde ad Maſouiae Duces, ac Reges Pol. deuolutum.	181
ad <i>Hamerſteinum</i> vniuerſus exercitus Suecorum caſus.	240
<i>Hannibal</i> toties Romanorū victor, Capuanis mollioribus hybernis occidit.	477
S. <i>Heduigis</i> filius Henricus ad Legniciam caſus.	164. & 167
<i>Hela</i> oppidum iuris Dantiſcani.	10
<i>Henricus</i> Imperator rem eccleſiaſticam turbauit. 327. bellum Polonis & Boeſlao Criuouſtio intulit: ſed ab ijs victus vix ſaluus euasit.	ibid.
<i>Henricus</i> Andegauēſium Dux multa Polonis promiſit dū in Regē eligeretur.	41
<i>Henricus</i> Pius filius S. <i>Heduigis</i> cum Tartaris pugnans periit glorioſe. 164. & 167. & 208.	
<i>Henricus</i> Dux Sileſiae illata Eccleſiae Vratiſlauenſi damna compenſat.	165



# INDEX RERVM ET VERBORVM

- Henricus I.* Dux Masouiae Episcopus Plocensis XXXIV. à parentibus in spem adipiscendi honoris Ecclesiastici educatus, iuuenis admodum Subdiaconatum accepit & Episcopus eligitur, sed consecrationem acceptare renuit. 353. suis obsequens libidinibus ordinem sacrum incestis nuptijs polluit. *ibid.*
- Henricus* Barbatus Vratislauensis Dux, Boleslai Pudici tutor, interfuit Comitibus Gansauae actis, ibique vulneribus afflictus fuit. 167
- Henricus* Firley Regni Referendarius acta in conuentu Villicienfi Rocossianis significat, eorumque cum responso redit. 77. & 79. idem Nobilitati Crac. causas actionum Regis cum Rocossianis explicat. 186. fit Episcopus Plocensis LVII. quibus ortus parentibus. 387. gestis aliquot Magistratibus transfertur ad Archiepiscopatum Gnesnensem. *ibid.*
- Herbertus* quis; eius leue ingenium: cum Gabriele Batthoreo contra Regem conspirat. 103. eius simulata erga Sigismundum Poloniae Regem fides. 104. sequitur partes Palatini Crac. & Stanilaum Stadnicium capit, moxque ipse à Stadnicijs captus certis conditionibus dimittitur. *ibid.* victis Rocossianis captus ad Regem mittitur. 135
- Heresis* inter animae pestes facile in Polonia curabilis 253
- Heretici* ex motu ciuili quid potissimum sperent. 46. per occasionem turbatae pacis publicae haeresim augere intendunt. 58. nihil aliud spirant, nisi vt spirituales statum nouis legibus circumscribant. 205
- Hermanus* de Salza summus Magister Crucigerorum. 338
- Hieremias* Mohila Valachiae princeps. 139
- Hieronymus* de Buzenin supremus Regni Thesaurarius 397. post Siradiensis Castellanus effecit ne nomen Buzeniorum interiret. 398
- Hieronymus* Gostomski Palatinus Posnaniensis. 8 & 19. eius illustre factum in contestando erga Regem animo. 67. ostendit quam leues & falsae sint criminationes in Regem à Palatino Crac. confictae. 96
- Hieronymi* Cielecki Episcopi Plocensis LVIII. vita & obitus. 387. & seqq.
- Hieronymus* Rozrazewius Episcopus Vladislauensis 8. eius nomen magnum apud omnes. 250. ex curia Pij V. Pont. Max. ad aulam ab Henrico Rege euocatus. 261. strenuus suae dioecesis visitator. 280. ad transigendum cum Rudolpho Imperatore de iniurijs ab Archiduce Maximiliano Regno Poloniae illatis mittitur in Austriam. 408
- Hierosolyma* à Godefredo Bullonio capta. 325
- Hodunus* Moschouiae Princeps. Vide *Borissius*.
- Honor* est effectus virtutis. 472
- ad *Honoratum* Vice-comitem Nuntium Apostolicum in Polonia Auctoris epistola de periculo Poloniae per Turcam imminente. 452
- Hospitalitas* Piaſti erga SS. Ioannem & Paulum Martyres. 302
- Hosium* nemo vidit vaquam Sigismundum III. supplicem vel periculo, dum vixit, pauentem. 485
- Hussitarum* rabies ne Silesiam inficeret prouidit Vladislaus Iagiello Rex. 159

## I.

**I***acobus I.* Episcopus Plocensis XXXVI. in ordine Plociam ab Vrbe per Bonifacium IX. renunciatus & consecratus missus: fuit Parochus Albæ Ecclesie prope Cracouiam. 354. curae suae renunciando ad Academiam Bononiensem studijs operam nauaturus properat. 355. fit Doctor sacrorum Canonum: mox ad Urbem accitus Palatii Apostolici Auditor. *ibid.* omnibus numeris absoluti Pastoris Episcopi & Senatoris specimen exhibuit. *ibid.* mirifice auream & argenteam supellectili locupletauit Ecclesiam Plocensem. 356. moritur an. 1425. *ibid.*

*Iacobus*



# MEMORABILIVM.

- Jacobus* Britannię Rex solus Christianorum Principum Sigismundo III. in com-  
muni periculo quod an. 1621. toti Reipublic. Christianę à Turca & Tartaro  
imminebat, opem tulit. 483
- Jacobus* Buczacki Episcopus Plocensis XLIX. moritur an. 1542. 375
- Jacobus* Handa Notarius. 362
- Jacobus* Potocki Prætorij militis ac peditatus præfectus. 101. cum pedita-  
tu progressus Rocossianos loco cedere iussit. 125
- Jacobus* Vchanſcius Regiâ potestate fretus Episcopatum Vladislauensem in-  
uasit. 259
- Jacobus* Znienſis Archiepiscopus Gneſnenſis. 291
- Jedino* *v* *v* *l* *a* *d* *e* *c* titulus à Iaroslao vsurpatus. 179
- Jacobus* Zadzick Episcopus Culmenſis. 215
- Jagellonica* stirps genere & rebus gestis clara. 175. 488. & seq.
- Ianislavus* Wronski Episcopus Plocensis XXIX. tandem post litem septem an-  
norum cum Bernardo habitam, Cathedram conscendit, 350. eius obitus.  
ibid.
- ad *Ianonecium* affectus est Rex Rocossianos. 87. ibi res Rocossianorum  
arctæ. 89.
- Ianſſus* Palatinus Volinię sexcentorum hastatorum cohortem contra Cosacos  
duxit. 3. ijs caſis vexilla ex hoste capta ad adem D. Stanislai affixit. 4
- Ianuſij* Radiuili temeritas in Comitij Varſauienſibus. 46. eius ob præhenſum  
inſolentem famulum indignatio. 62. conuentus Lublinenſis Mareſcalcus  
factus. 66
- Iaroslavus* Episcopus Vratſlauienſis in Eccleſiam ſuam beneficus. 166. & 171
- Iaroslavus* Volodimiri Kijouię Ducis filij à Boeſlao Chobri Polonię Rege victus  
& tributarius effectus. 154. & 178. cuius ſororem Caſimirus Monachus  
in matrimonium accepit. ibid. is quinque filios reliquit, inter quos diſ-  
cordiæ. 179
- Iarunti* in territorio Siradienſi vnde orti. 389
- Iaslicenſe* oppidum in finibus Hungarię à quo muris coceptum. 419
- Iaſſis* oppidum Turciç ditionis. 232
- Jedlinenſis* pagus à Rocossianis præſidio tentus. 127
- Ieſus* Chriſtus crucifixus exemplar perfectionis Episcopalis. 272
- ad *Illecebras* & obſcœnas libidines prolapſus Boeſlavs Audax. 321
- Ilza* oppidum Episcopi Cracouiſis. 132. & 134
- Immortalitas* morte paratur. 488
- Imperator* Rom. Polonos in ſocietatem belli Turcici inuitare parat. 12
- Imperia* & Regna ſeditione pereunt. 293
- in *Incolumitate* Regni Polonię vniuerſæ Chriſtiænę Reipub. ſalus conſiſtit. 459
- Incuſſio* in penetralia Moſchouię à Sigismundo Rege ordinata, Moſchis obſi-  
dionem Smolenſenſem continuantibus. 449. Tartarorum in Ruſſiam. 35.  
Caroli Sudermani in Liunioniam. 36
- Indignitas* triplex eorum qui ſine vocatione Dei Episcopatum ambiunt. 264
- Infans* ſemeſtris penè ſuffocatus: idemque triennis in fluuio ſubmerſus mira-  
culosè vitæ reſtituitur. 399
- Ingenia* iuuentutis Eccleſiaſticæ qualiter excolenda. 261
- Inimicitie* inter Palatinum Cracou. & Mareſcalcum Regni exarſere. quare. 102.  
item inter Stanislavum Stadnicium & Felicem Herburtum. 103
- Innocentia* Sigismundi III. à Senatoribus & Nuntiis comprobata. 119. & 120
- Innocentius* VI. Pont. Max. cur cenſuris Eccleſiaſticis ſtringat Ianislavum Episco-  
pum & Clerum Plocenſem. 349
- ad *Inopiam* delapſi quid ex motu ciuili ſperent. 46. *Inopum* peculiaris cura &  
ratio. 407. & ſeq. 418



# INDEX RERVM ET VERBORVM

- Inquisitio* in vitam nominati Episcopi in Polonia. 263
- Interregnum* post mortem Stephani Regis Poloniae. 405
- ad *Ioannem* XIII. Pont. Max. Legati à Miecislao Poloniae Rege missi. 303. qui  
ad Polonos in fide confirmandos eò legatum expedit. ibid.
- Ioannis* I. XV. in ordine Episcopi Plocensis electi, vita & obitus. 337
- Ioannes* II. dictus Altus XXIV. in ordine Episcopus Plocensis moritur anno 1310.  
346.
- Ioannis* III. Nalecz. nobilis Poloni Episcopi Plocensis in ordine XXV. obitus. 346
- Ioannes* IV. Lubranski dictus Pinarius XLII. in ordine Episcopus Plocensis quomo-  
do ad Cathedram promotus sit. 368. passus est se transferri ad Sedem Posna-  
nensem. ibid.
- Ioannes* Choienski Episcopus Plocensis XLVII. post Episcopatu Cracouiensi po-  
ritus. 374.
- Ioannes* Bilinski Episcopus Plocensis LI. eodem anno quo adeptus est Episcopa-  
tum, moritur. 370
- Ioannes* Bohemiae Rex è Lucemburgica familia. 168
- Ioannes* Czapla Scholasticus Plocensis 336. à Conrado Masouiae Duce in  
crucem actus, & in cadauer eius sauitum. 340
- Ioannis* de Buzenin Pstrokonski pro patriâ res fortiter gestæ; mors & posteritas.  
398.
- Ioannes* de Buzenin Capiraneus Ostrzesouiensis immaturâ morte interceptus.  
397.
- Ioannes* Dalmata peditum Rocossianorû præfectus ad Zolkieuium transfugit. 126
- Ioannes* Droiouius Episcopus Vladislauiensis Hæreticorum fautor. 259
- Ioannes* Felix Herburtus Vexillifer Leopoliensis. 135. conspiracy de re-  
gno Gabrieli Bathoreo tradendo conuictus & captus, sponsione datâ dimis-  
sus est. 426. & seq. Vide *Herburtus*.
- Ioannes* Gaiovvski ad Rocossianos cum litteris missus. 87. eiusdem cum respon-  
so ad Regem reditus. 88
- Ioannes* Galczynius Referendarius Regni moritur. 416
- ad *Ioannem* Gembicium Regium Secretarium Authoris epistola. 451
- Ioannes* Gruscinius Archiepiscopus Gnesnensis è Rosarum familia ortus. 397. pes-  
simo euentu ditauit familiares suos. 283
- Ioannes* Grzymultovvski Castellanus Bidgostiensis. 77
- Ioannes* Iuanouicius frater Boryslij Hoduni. 30. à fratre exercitui præfectus  
cum magna parte in potestatem ficti Demetrii venit. 31
- Ioannes* Lascus Korabita in familiam Rosarum adoptatus, in adoptatores suos  
quàm gratus. 397
- Ioannes* Moschouiae Princeps magnam Russiæ partem occupauit. 155. A-  
lexandro Poloniae Regi genero suo aliquot arces abstulit & Seuerienses Du-  
ces ad se pertraxit. ibid.
- Ioannes* Muscata Episcopus Cracouiensis. 292
- Ioannes* Ostrogus Castellanus Cracouiensis 5. quid sentiat de iterato Regis  
matrimonio. 33. Lublini consilij seditiosorum se ingerit, 65. motuum  
civilium se pacificatorem offert; sed indigna poscere visus. 83. & seq. pri-  
mus patrociniū Rocossianorum suscipere visus. 135
- Ioannes* Pstroconski Matthiæ Pstroconij frater Castellanus Vielunensis. 398
- Ioannes* Sapieha cum bis mille militibus ab hoste turpiter fugatus. 239
- Ioannes* Sigismundus Elector Brandenburgicus curator Alberti Brandenburgici in  
Prussia Ducali. 428
- Ioannes* Sueciæ Rex moritur anno 1592. 8. Cal. Decemb. 1. eius obitus cur non  
nisi tristis Sigismundo filio. ibid. quomodo iuri filij sui cauerit. ibid. quo  
animo filium Reualiam euocatū secum in Sueciam abducere voluerit. 13.
- Sena-



# MEMORABILIVM.

- Senatoribus aliquot Suecis reis in gratiam filij sui veniam dat. 14. pompa  
funeris ipsius. 15
- Ioannes Tarnouius* Episcopus Vladislauiensis Ecclesiæ & Reipublicæ propu-  
gnator acerrimus. 251. eius mors prædicitur à Pstroconio. ibid. ex Re-  
ferendario renunciatus Vice-cancellarius Pstroconium tunc temporis absen-  
tem Regentem Cancellariæ pronuntiat. 409. sedat motus aliquos ex pri-  
mis Regijs nuptijs excitatos, & partes Regias egregiæ defendit. 410. Re-  
gem in Sueciam comitatus insanos Suecorum contra Regiam Maiestatem  
conatus egregiè retundit. 411. solus cum Pstroconio pro dignitate Re-  
gis Sigismundi in Sueciâ laborat. 412. quâ ratione in Archiepiscopum  
Gnesnensem euectus. 420. quanto apparatu Gnesnam ingressus, & quâ  
ratione inter eum & Cancellarium similitates interuenerint. ibid. eius  
consilium regi in Sueciâ existenti datum. 15. valetudinarius Vpsa-  
liam ad Regem contendit. 16. consilia Caroli, Regis patru præuenit. 17.  
eius egregius animus in tuenda regiâ dignitate. ibid. dissuadet regi matri-  
monium cum Constantiâ. ibid. moritur, constituto supremæ volunta-  
tis executore Pstroconio. 25. 26. 420
- Ioannes Theodorus Moschouia* Princeps extinctus fraude Hoduni. 155
- Ioannes Veicherus* à Rege in Poloniam ex Sueciâ missus. 19
- Ioannes Radiuilius* quis. 35. eius inimicus animus in Marescalcum. ibid. tu-  
multum excitat Cracouiæ. ibid. illius & asseclorum temeritas. 57.  
eius malus animus in Regem, & æmulatio in Chodkieuicium. 58. tandem  
se sistit coram Rege. 92. datâ Regi cautione benignè excipitur. 101
- Ioannes Wezyck* apud Ioannem Tarnouium institutus. 262
- Ioannis Zamoscij* regni Cancellarij de rege sinistra suspicio. 2. eum malè  
habet promotio aliquorum. 4. sed priuatam hanc offensam componunt  
Senatores. 5. eius virtute compressa audacia Caroli Sudermani in Liuo-  
niâ. 23. dissuadet regi matrimonium cum Constantia. 25. & 33. eius in  
Poloniâ auctoritas. ibid. & merita. 26. ad summum Pont epistola. ibid.  
erga Pstroconium animus. 27. 421. animi dotes & felicitas in bellis geren-  
dis. ibid. 223. cum Rege agit vt indicto nouo conuentu concitati motus com-  
ponantur. 136. eiusdem ad Zolkienium acres litteræ. 136. fit amicus  
Pstroconij. 421. quare infensus fuerit Ioanni Tarnouio etiam criminis ab  
ipso insimulato. 420. moritur anno 1605. 33. & 422. eius facta præclara,  
electo in Regem Polonia Sigismundo III. 479. & 490
- Ioannes Zamoscus* Archiepiscopus Leopoliensis nomine Senatus Palatino  
Cracou. respondet. 151
- Ioannes Zamoscus* Grimalius ad Rudolphum Imperatorem missus. 4
- Ioanne Zapolio* Regnum Hungariæ tenente mortuo, vxor eius cum filio Re-  
gno exacta. 437
- Ioannes Zbarascius* exercitui Regis præficitur. 88
- Ioannes Zebrzydoui* Palatini Cracou. filius. 137
- Isabella* filiæ Sigismundi I. Ioanni Zapolio Regnum Hungariæ tenenti in ma-  
trimonium datâ infelix fortuna. 437
- Isaslai Iarollai* filij natu maioris varia fortuna. 179
- Iter Sigismundi III.* in Sueciam. 7. item Cracouiam. 102. Visliciam ver-  
sus. 73. Polanecium versus. 85. Varlauiam ad obeunda comitia. 114
- Iudicium* grauium aliquot virorum de Matthiâ Pstroconio Episcopo Præ-  
milienfi. 244
- iudicia* corrupta fuere causa præcipua malorum in Polonia. 195
- Iulij Belli* errata taxantur. 225 & seqq. hic rumigerulus potiùs quàm Histori-  
cus dici meretur. 241
- Iuni vladislauensi* Præposituræ renunciat Pstroconius. 400



# INDEX RERVM ET VERBORVM

- Iunofsa* nobilitatis insigne. 376  
*Iurisiurandi* violatores seuerè olim puniti. 474  
*Ius* eligendi Regis Polonis saluum. 51. *Iustitiam* distributiuam violari à Sigismundo queruntur Nuntij. 49. in *Iure* dicendo quem modum Rex teneat. 53. *Iurisdicctio* Episcoporum Poloniae per Silesiam, 160. & Episcopi Vratillauensis in Polonia. ibid. *Ius* Polonicum quale olim fuerit. 208. *Iure* diuino videtur Episcopus teneri ad residentiam. 277  
*Iustitia* omnium virtutum Regina. 472. quàm eius amans fuerit Sigismundus III. Rex Poloniae. ibid. & seqq.  
*Iustitium* indictum à Petro Lascio & socijs. 108  
*Iuuentus* Sigismundi III. qualis. 477. 479. 489. *Iuuentus* Dantiscana quomodo Sigismundum III. exceperit. 8

## K.

- K** *Adlubcus* Episcopus Cracouiensis Monachatum profitetur. 328. eius de Simone Episcopo Plocensi dicta. ibid. moritur non sine sanctitatis opinione. 329.  
*Karncouius*. Vide inter *Stanislaos*.  
*Kazanoui* in exercitu Polonico Dux. 449  
*Kiouiensis* ditionis nomine quidquid modò Moschi tenent olim continebatur. 153.  
ad *Krasnostaum* Zolkieuus castra locat. 135

## L.

- L** *Aetitia* signa edita in Nuptijs secundis Sigismundi III. 39. cùm Dantiscum ingrederetur, 8. & Cracouiam. 498  
*Lanckorona* arx Cracouiae vicina Regio praesidio firmata. 137  
*Lanckoronscius* cum suis cur prope oppidum Pucense hyberna struxerit. 241  
*Lapides* duodecim in ipso pectoris cooperimento Pontificis antiquae legis in-texti quid significant. 272. & 273  
*Latinitatis* studium in Cancellaria Polonica. 218  
*Laudatio* funebris Sigismundi III. 469. & seqq.  
*Laurea* Austriaca Iulij Belli ab Authore taxata. 225  
*Laurentius* Gembicius quantus vir. 262. successor Matthiae Pstroconij in Episcopatu Vladislauensi finem templo fere perfecto imposuit Raciazij. 430  
*Laurentij* Goslicki ex Praemissliensi in Posnaniensem Episcopatum migrantis factum insigne. 263  
*Laurentius* Myskowski cur Ianussium Ducem Zatoriensem occiderit. 380  
*Lechita* ijdem qui Vandali. 305  
*Legati* externi absente Rege in Polonia ad quem remittendi. 6. *Legati* ad Comitiam à Rudolpho Imperatore missi. ibid. *Legati* Regis Poloniae ad externos principes missi. ibid. *Legatio* Caesarea ad Archiepiscopum Gnesnensem Rege absente. 12. *Legati* in Austriam à Sigismundo III. missi. 32. *Legatio* Hungarica ad Pol. Regem, eiusque responsum. 35. item Moschouitica. 37. in *Legationibus* mittendis vel recipiendis quid Rex faciat. *Legatio* à seditionis Lublino ad Regem missa. 68. & 69. *Legatio* Moschouitica de Demetrio Moschorum Principe caeso. 69. *Legatio* Sigismundi III. ad Rocossianos, eiusque successus. 74. & 75. *Legationis* Rocossianorum ad Regem Visliciam missae summa. 79. *Legationis* Moschouiticae summa à Suiscio destinata Cracouiam. 105. *Legatio* à Zolkieuo ad Rocossianos decreta. 124. item à Rocossianis ad Cardinalem Macieiouium. 144. *Legatio* Mieciilai Regis Poloniae



# MEMORABILIVM.

- Poloniæ ad Ioannem XIII. Pont. Maxim. & huius ad illum. 302. & seq. *Legati*  
*zi* à Ioanne Sueciæ Rege ad Comitiam Electionis noui Regis mortuo Stephano  
in Poloniam missi, quibus mandatis 478. *Legati* Polonici in Moschouia  
male tractati. 481
- Leges* Politicorum contra immunitatem & dignitatem Ecclesiasticam sub Sigis-  
mundo Augusto temerariæ. 249. *Leges* aliquot in Poloniâ Ecclesiæ  
præiudiciosæ. 204. *Legibus* iniquis contraire inprimis Episcoporum est. 296.  
quâ lege olim Silesiæ Duces Principibus Poloniæ obstricti fuerint. 166
- ad *Legniciam* Henricus Pius à Tartaris cæsus. 164. & 167
- Leopolis* primaria Russiæ vrbs. 104
- Lescus* Albus in Comitij Ganfauæ actis occisus. 167. & 337
- Lescus* Poloniæ Monarcha victo Vlodimiro Haliciense regnum dotale cum Solo-  
meâ sorore dedit Colomano Hungariæ Regis filio. 180. quos filios habue-  
rit. 305. quibus imperium partitus est. ibid.
- Libertas* Episcoporum in castigandis Principum delictis multis Principibus gra-  
ta. 275. & seq. est salutis publicæ in Polonia conseruatric. 292. *Libertatis*  
inconsultus amor in Polonia multorum malorum causa. 194
- Liberalitas* Stanislai Lubienski. 393. & Matthiæ Pstroconij. 418
- Libidini* & intemperantiæ post victorias deditorum exempla. 477
- Libri* D. Chrysostomi de Sacerdotio quàm familiares Matthiæ Pstroconio. 245
- ad *Lincopiam* in Suecia circumuentus Sigismundus III. arte Caroli, in primâ acie  
stetit imperterritus. 476
- Lisouius* nobilis Lithuanus militem suum agendis prædis exercuit. 227
- Lites* inter Bernardum à Pontifice, & Ianissam Wronski à Clero Plocensi ele-  
ctos Episcopos ortæ. 349
- Litteræ* Regis Rocossianos à temeritate dehortantis. 87 Senautorm, Palati-  
num ad Comitiam inuitantium: item Regiæ ad Ordines. 133. Batthorei ad  
Herbertum. 132. *Litteræ* Episcoporum ad Palatinum, eiusque responsum.  
143. & 144. item Rocossianorum ad Cardinalem Maciejouium eiusque re-  
sponsum. ibid. & 145. *Litteræ* Zolkieuij ad Cardinalem cum responso eius-  
dem. ibid. *Litteræ* à Senatu ad Palatinum. 148. Vide *Epistola*.
- Lithuania* Regno Poloniæ vnita. 154. *Lithuani* magnâ parte Russiæ potiuntur,  
quos inter & Polonos de possessione Russiæ certatum. 181. octo *Lithuanie*  
Duces in coronatione Vladislai Jagellonis fidelitatem Regno Poloniæ iurant.  
183.
- Littora* Prussiarum quâ ratione nuper à Sueco tuta futura fuissent. 239
- Liunia* Poloniæ prouincia, tota Lutheranismò infecta. 36. in eâ nullæ posses-  
siones nisi ciuibus Poloniæ dantur. 53
- Lixæ* seditionem in exercitu excitant. 236
- Loboda* Cosacorum Dux ad infestandos Turcarum fines Cæsaris Rudolphi pro-  
missis illectus. 11
- Locum* quem tetigerit Catholicus euerrunt Moschi. 450
- Louiciam* villam cum adiacentibus syluis donauit Conradus Masouiæ Dux  
Archiepiscopo Gnesnensi. 341
- Lublinensis* conuentus à Palatino Crac. indictus. 63. & 65. quàm exitiosus Rei-  
pub. futurus videbant prudentiores. 68
- Lubomirscius*. Vide inter *Stanislaos*.
- Lucas* Gorcanus auaritiæ notatus. 283
- Lucemburgicæ* familiæ se dedidere Silesij Duces. 168. & 169. illius in Silesiam  
iuris initia. ibid.
- Ludouicus* Rex Galliæ captus à Melechalo Sultano Ægypti an. 1254. 343
- Ludouicus* XI. Galliæ Rex futuri Internuntij: medico magni Cancel-  
larij partes detulit. 473



# INDEX RERVM ET VERBORVM

<i>Ludovicus</i> à Mortang. Palatinus Cracouiensis.	8
<i>Lupus</i> Episcopus Plocensis XII. quo genere ortus. 333. eius obitus.	334
<i>Lusatia</i> quâ occasione à Polonia auulsa.	335
<i>Lustratio</i> bonorum regalium in Poloniâ singulis quinquennijs fieri debet. 48. & 55.	84
<i>Lustratio</i> Regij exercitus.	371
<i>Lutheri</i> doctrina è Masouia proscripta.	273
<i>Lynacrius</i> lapis mysticè.	

## M.

<b>M</b> acieiounius Cardinalis. Vide inter <i>Bernardos</i> .	
<i>Magistratus</i> vacui ritè à Rege distributi. 63. <i>Magistratibus</i> dignos semper præfecit Sigismundus III.	473
<i>Mala</i> à grege Christi propulsanda, eadem ipsimet Pastori timenda.	252. & 253
<i>Malaspina</i> Nunt. Apost. Vide <i>Germanicus</i> .	
<i>Malenolorum</i> de Matthia Pstroconio ad Vice-cancellariatum euecto suspicio- nes. 421.	
<i>Malignam</i> , febrim quamdam vocant Medici.	430
<i>Mamphiolus</i> Episcopus Plocensis XXXIV. à Bonifacio IX. Pont. Max. ecclesiæ Plocensi datus : titulo Episcopali tantum vsurpato moritur Romæ.	354
<i>Mansuetudo</i> mira Matthiæ Pstroconij. 432. & Sigismundi III. Regis Polo- niæ.	475
<i>Marcus</i> Episcopus Plocensis VI. ab Alexandro II. Pont. Max. Plociam missus. moritur.	320. 323
<i>Marcus</i> Palatinus Cracouiensis pater Andreæ Episcopi Plocensis.	340
<i>Marescalcus</i> Sueciæ tumultum sedat. 15. <i>Marescalcus</i> Poloniæ nomine Regis respondet Palatino & Radiulo. 92. de se à Palatino Cracou. dicta refel- lit. 99.	
<i>Margarita</i> vxor Hieremiæ Valachiæ Principis.	138
<i>S. Maria</i> Virgo quemdam à damnatione æterna liberat.	267
<i>Maria</i> Archiducissa Austriæ socrus Sigismundi III. 24. quid Niepolomicijs cum genere tractarit. ibid. eius cum filiâ Constantiâ in Poloniam aduentus. 38. in Austriam reditus. 40. mors. 153. fuit mater trium Reginarum magno- rum Regum matrum.	ibid.
<i>Marieburgum</i> oppidum 8. à ciuibus hæreticis Sueco deditum.	240
<i>Marina</i> filia Georgij Mniszek fido Demetrio desponsa. 37 & 155. eiusdem in Moschouiam aduentus, inauguratio & nuptiæ.	70
<i>Maritimi</i> populi ad seditionem proni.	18
<i>Martialis</i> Episcopi Plocensis II. acta præclara & obitus.	312. & 317
<i>Martini</i> Episcopi Plocensis III. vita & obitus.	317. 318
<i>Martinus</i> Bronievvski.	135
<i>Martinus</i> Lesnionolski Castellanus Podlachia Sigismundo III. à priuatis confi- lijs. 2. eius, cum gratiâ regiâ excidisset, qualis obitus.	ibid.
<i>Martinus</i> Szyscouius in Austriam Legatus. 32. ex Canonico Cracouiensi bene- ficio Sigismundi III. factus Episcopus primò Luceoriensis, dein Plocensis, ac postremò Petro Tylicio in Episcopatu Cracouiensi subrogatur. 386. funda- uit ac dotauit Collegium Societatis & alia Plociæ.	ibid.
<i>Martinus</i> Wrocinski miles.	362
<i>Martyres</i> Camalduenses in Polonia.	312. 317. & seq.
<i>Masalscio</i> vxor & filius Hoduni traduntur & strangulantur.	32
inter <i>Masouia</i> Duces & Ecclesiasticum statum olim de loci prærogatiua conten- tio. 290. <i>Masouia</i> Scorpioni subiecta. 307. <i>Masouia</i> Duces vnde originem du- cāt. 358. è <i>Masouia</i> veræ pietatis altrice impium Lutheri dogma proscibitur. 171	
<i>Maslans</i> quidam Casimiri Regis aspernatus imperium à socijs conspirationis in pa- tibulum actus.	319



# MEMORABILIVM.

in *Matrimonio* Regum Poloniae contrahendo quid seruari solitum. 23. *Matrimonium* cum Constantia prioris vxoris sorore inire cogitat Sigismundus III. 24. id suadet Clemens VIII. dissuadent alij. 25. cuius ratione odium Nobilitatis incurrit Sigismundus Myscouius. 26. è *Matrimonio* duobus Sigismundi III. Nati quàm feliciter coaluerint. 477  
ad *Matthiam* Calimirum Sarbieuium Societat. IESV Sacerdotem epistola ab Authore scripta; & illius ad hunc. 442. & seqq.  
*Matthias* Lubienius Authoris frater. 27. eius in visitanda Dioecesi sedulitas. 243.  
*Matthias* Pstroconius quibus parentibus natus. 398. eius prodigiosa infantia. ibid. semestris infans penè suffocatus, matris voto vitæ restituitur. iterum triennis in fluuio submersus miraculosè in ripam extrahitur. 399. qualiter à matre instructus & Cracouiam studiorum causâ missus. ibid. Iu- niwladislauensi Præposituræ renunciat, vnde eum S. Francisci habitû susce- pisse nata fabula. 400. è scholis euocatus suum probat in Latino sermone progressum ibid. & seq. in Germaniam ablegatur. 401. hortatu Sie- racouij Cancellariæ Castrensi Siradiæ incumbit, & Carncouio inter dome- sticos eius adlegandus commendatur; 402. sed primò repulsam passus, post in domesticum atque in filium receptus. ibid. & 403. Romam profi- ciscitur vbi eum morbus oppressit. 403. mira erga viribus & pecuniâ deficientem Dei prouidentia. ibid. fit Præpositus Louiciensis. 404. Sa- cerdotio præditus quàm piam vitam instituerit. ibid. ab exercitatione Carncouij accessit ad aulam regiam. 161. ad factiosas procerum conuen- tiones legatur à Carncouio. 406. potentissimis rationibus persuadet Carncouio eligendum esse Sigismundum Sueciæ tunc Principem, in Regem Poloniae. ibid. magnâ cum inuidia statur eius consilio de Rege eligendo, cui electo obuiam mittitur, & eleganti oratione salutatum Cracouiam de- ducit. 407. à rebus in legatione cum Rozdrazeuio prudenter gestis Re- gi & Reginae commendatus, Decanatu Varfauienti donatur. ibid. & 409. ei Secretarij legationis officium à Bernardo Macieiouio Romam Legato de- fertur, atque absens Regens Cancellariæ pronunciat. ibid. consilij suis præstò adfuit Ioanni Tarnouio Vice-cancellario, in Poloniâ & Sueciâ partes regias tutanti. 410. & seq. æmulorum inuidiam comitate & agen- di dexteritate superat. 410. Præpositus Lanciciensis factus meditat. secessum ab aula regiâ, à qua sententia eum abducit Tarnouius & in Sue- ciam Regem comitari præcipit. 413. magnum periculum in Suecia adiit. 414. constanter adhæret Regi ceteris missionem petentibus. 415. è Sueciâ redux commentarios itineris Suetici & rerû ibi gestarum per otium conficit. ibid. Referendarij Regni vices subit, & existens Præpositus Gnesnensis acceptat Episcopatum Præmissiensem. 257. 417. visitat vni- uersam Dioecesim & in Templi Cathedralis Præmissien. violatores animad- uertit. ibid. eius frequens de Episcopatu sermo à Stanislao Lubienio com- prehensus. 245. sororem defunctam per quietem vidit, quæ illi totam vitæ seriem & mortem prædixit. 246. eius de Episcopali munere exor- dium. ibid. Prædicat mortem Ioannis Tarnouij vnâ cum bello intestino in Poloniâ. 251. Pstroconij qualis apud aulam Regiam vitæ ratio. 257. Matthiam & Stanislauum Lubienios ab aula ad domesticam institutionem euocauit. 262. Pstroconij optima vitæ consuetudo, 269. & deuotio erga Sepulchrum Domini. 270. prædicat seditionem Rocossianorum. 293. & seq. quomodo futura prædixisse intelligendus sit. 297. mirè in inopes pius, in delinquentes benignus, in se austerus. 418. Episcopi & Senatoris dignita- tem tuetur in Russiæ Conuentibus. ibid. quanta eius auctoritas in Sena- tu. 419. Episcopatum suum ab iniurijs vindicat, feliciterque com-  
X x  
ponit



# INDEX RERVM ET VERBORVM

- ponit controuersias Dominicanorum per Russiam. *ibid.* executor supremæ voluntatis Ioannis Tarnouij constitutus iusta Louicij defuncto persoluit, & Vice-cancellarius Regni renunciatur. 27. & 421. eius in eo munere obeundo solertia, & candor animi quo Cancellarium sibi infensum comparauit amicum. *ibid.* mortuo Cancellario difficillimo regni tempore totam negotiorum molem sustinet. 422. Zolkieuium Regi conciliatum opponit Rocossianorum conatibus, & per eum plurimos in regias partes pertrahit. *ibid.* in inuidiam & populi odium vocatus, partes tamen regias defendens Rocossianorum consilijs prudenter obuiat. 423. fit Cancellarius Regni an. MDCVI. 63. 424. eius sermo ad Senatores nomine Regis. 27. ad Palatinum Crac. oratio. 95. in animandis Regijs militibus contra Rocossianos in signe factum. 129. contra reos Rocossianos mitior proposita sententia. 425. quænam in conflictu Rocossianorum egerit. 129. & 426. erga cæsos & saucios quàm pius. *ibid.* 130. 407. 408. 426. fit Episcopus Vladislauiensis. 153. & 427. Cancellarij munus deponit. 428. quantus vir in Ecclesia & Repub. 244. de eodem iudicium Sigismundi III. & aliorum. *ibid.* morbo corripitur. 428. qui in ingressu in Episcopatum suum inualefcit. 429. eius causæ & occasio. *ibid.* ille primùm de salute animæ sollicitus, testamento condito valetudinem suam Medicis permittit. *ibid.* Raciazij templum infirmus restaurari curans febri malignâ corripitur & ad mortem piè obeundam se præparat. 430. ad vicinam mortem trepidans in verbis *Aue Maria* placidè moritur. 431. puritatis fuit in tota vita studiosus, & egregius mortificationis cultor. *ibid.* mira in eo mansuetudo & animi tranquillitas. 432. eius pius erga Religiosos affectus, deuotionis & pietatis exercitia. 433. corporis eius habitudo & animæ dotes *ibid.* inter tot quæstuosos magistratus nullas congeffit opes. *ibid.* Excessit è vitâ ann. MDCIX. salutis: ætatis suæ LVI. sepultus in Episcopali Ecclesiâ Vladislauensi. 433. Mors eius pia & opportuna. 297
- Matthias* filius Ioannis de Buzenin Pstrokonski quos filios ex Margareta Tarnouia suscepit. 398
- Matthias* Sluzeuius Romam à Casimiro I. Episcopo Plocensi missus. 365
- Matthias* Smogolecius cur partes Palatini secutus. 40. eius aliquot currus deprehenfi cum duabus litteris secretioribus. 132
- Maximilianus* Archidux Austriæ ad Bycynam acie victus & captus. 26. & 479. eius infelix pugna cum Machomete Tertio ad Agriam. 237. & 482
- Maximilianus* Przerembski in Sueciam missus. 19
- Medici* diuersis vfi remedijs in sanando Matthiâ Pstroconio. 429. & seq.
- Metrica* Regiæ qualis præficiendus. 219
- Metropolis* Moschouiæ quomodo in potestatem ficti Demetrii venerit. 31. & 32. tumultu excitato, flammis absumpta. 158
- ad *Meuum* Gustauus repulsus. 240
- Michael* Federouicius Moschouiæ Dux. 232
- Michael* Soltitius. 31
- Michael* Transyluanix Princeps Moldauia exactus fuit per Sigismundũ III. 482
- Miecislauus* Rex Poloniæ Rixæ vxoris imperio obnoxius vixit inglorius. 179. & 322
- Miecislauus* siue Miesco Monarcha Poloniæ sacro baptismate tinctus legatos suos Romam mittit. 302. eius in Ecclesiam liberalitas. 309
- Mikitenicius* Moschus Metropolita Rostouiensis. 158
- Milites* Rocossiani pugnam detrectant. 89. Regem deprecantur. 93. in exercitu Regio seditionem excitant. 100. quæ regio edicto discussa. *ibid.*
- Milites* seditiosi in Regio exercitu à Rocossianis corrupti. 123. & 126. quorum aliquot castigati. 127 *Militaris* conspiratio quomodo coaluerit & finita sit. 199. & 200. *Militia* Polonica qualis olim fuerit. 209



# MEMORABILIVM.

<i>Ministerialis</i> in Poloniâ quis vocetur.	221
<i>Minister</i> Lutheranus causa seditionis. 15. <i>Ministri</i> cccc. Stoccholmiæ conueniunt. ibid quo ordine deducant regium funus.	ibid.
<i>Missi</i> ex Polonia in Sueciam qui mortuo Ioanne Rege statum Regni explorarent. I.	
<i>Moderatoris</i> confessus Nuntiorum terrestrium in Poloniâ munus.	114
<i>Modus</i> regnandi in Poloniâ & Sueciâ diuersus.	18
<i>Mohilane</i> Domui in Valachiâ & Moldaniâ armis ius asseruit Sigismundus III. 482.	
<i>Monasterium</i> quondam Franciscanorum in Insulâ Stoccholmiæ contigua situm. 14.	
<i>Monentur</i> vltimò à Rege Rocossiani.	91
<i>Morbum</i> incurrit Matthias Pstroconius. 428. & Sigismundus III.	485
<i>Mortuus</i> Regij in Poloniâ dictum de duobus semper mentientibus.	376
<i>Mors</i> Ioannis Tarnouij. 420. Bernardi Cardinalis Macieioij 146. & 427. <i>Mors</i> pia Sigismundi III. 485. item Alexandri Principis fratris Vladislai IV. 460 & Matthiæ Pstroconij. 497. 431. Mariæ Bauaricæ.	153
<i>Mos</i> vetus in Poloniâ fœdere se contra turbulentos ciues obstringendi. 79. cum nouo Imperatore solenni legatione pacta renouandi.	140
<i>Moschouitici</i> imperij mira mutatio. 28. <i>Moschouie</i> Principes, non ex dignitatis, sed ex formæ commendatione vxores assumunt. ibid. <i>Moschi</i> tumultu excitato Deme- trium obtruncant. 71. eos inter & Polonos atroce cædes. ibid. Proceres <i>Moschi</i> aliàs superbi Cracouiæ modestiam præferunt. 106. <i>Moschorum</i> in Legatos ceterosque Polonos crudelitas. 156. <i>Moschi</i> Sigismundum III ad imperium capeffendū inuitant. ibid. eorum exercitu à Polonis cæso Principem Vladislauum sibi dari petunt. 158. & 232. eorum perfidia. 158. magnam Russiæ partem occupant. 182. obsidionem arcis Smolensci soluant. 448. quid sentiant de Catholicis. 450. à Sigismundo III. sæpius armis coërciti.	491
<i>Motus</i> ciuilis in Poloniâ per Palatinum Craconiensem initium sumpsit. 40. & 43. ex quo quid impenderet Poloniæ præuidebant patriæ amatores. 58. ob quas suspiciones excitatus sit. 96. prædictus fuit à Pstroconio. 251. <i>Motus</i> excitati ex primis Sigismundi III. nuptijs.	410
<i>Munus</i> Episcopale quàm periculosum exemplis illud fugientium commonstratur. 273. illud graphicè depictum.	288
<i>Munia</i> Episcopi residentis.	279
<i>Muscus</i> Regis noctu à Sueco Stoccholmiæ cultelli ictu traiectus.	14. & 15
<i>Myscouiorum</i> familia illustris. 380. <i>Myscouius</i> . Vide inter Sigismundos & Petros.	

## N.

<i>Naleciorum</i> familia quam notam ob cædem Præmissai Ducis retinuerit. 347.	
<i>Naruiæ</i> flauiorum Rex.	445
<i>Naues</i> Polonicæ ad portus Danicos tempestate delatæ benignè exceptæ. 11. <i>Na-uis</i> quâ Nuncius Apostolicus vehebatur bis de cælo tacta.	21
<i>Nemetum</i> gens quæ fuerit.	316
<i>Negligere</i> quid de se quisque sentiat, arrogantis est & dissoluti.	286
<i>Nestor</i> quomodo secundum veteres authores tribus seculis vixisse dicatur. 461.	
<i>Nicocles</i> Rex admonitus à Socrate.	474
<i>Nicodemus</i> Colacouius ad Tartarum missus cur non obitâ legatione redierit. 6.	



# INDEX RERVM ET VERBORVM

<i>Nicolaus</i> I. Episcopus Plocensis XXX. trium fratrum in eadem Sede sibi succedentium maior natu.	350
<i>Nicolaus</i> de Bartnicki Episcopus Plocensis electus iuri suo resignat.	368
<i>Nicolaus</i> Christophorus Radiuilius Palatinus Vilnensis.	120
<i>Nicolaus</i> Chrzastowski vexillifer Cracouiens.	364
<i>Nicolaus</i> Danielouicius supremus regni Thesaurarius 19. ad Achmeten Turcarum Imperatorem legatus.	140
<i>Nicolaus</i> Olesnicius legatus in Moschouiam.	38
<i>Nicolaus</i> Reius hæreticorum antesignanus.	374
<i>Nicolaus</i> Strosberg Vicarius Archiepiscopi Gnesnensis.	275
<i>Nicolaus</i> Strus de Komorow Capitaneus Chmielnicensis 130. Herbartum capit & ad Regem mittit.	135
<i>Nicolaus</i> Wolski gladifer regni ad Archiducissam Austriæ legatus.	6
<i>Nicolaus</i> Zebrzydowski supremus regni Marescalcus, 4. tutor Thomæ Zamoscij constitutus. 33. regiâ gratiâ pollens Palatinus Cracouiens. renuntiatus. 34. Regium matrimonium improbare ausus. ibid. quâ occasione eius in Regem odium eruperit. ibid. varia aduersus Regem animo voluens consiliorum socium Matthiam Smogolecium assumit, eique filiam in matrimonium dat. 40. quibus modis Maiorem Poloniam in suas partes trahere studeat. 41. sermo eius in conuentu Prosovicensi. 43. suadet conuentum generalem totius Nobilitatis indicendum. 44. ad Stæzicam conuentum totius Minoris Poloniæ indicit. 45. causâ fuit cur Nuntij responsum Regis confutauerint. 57. ex legatione à Rege ad eum destinatâ factus elatior quid respondeat. 59. coram aliquibus Senatoribus Regem multorum criminum reum falsò asserit. 60. & seq. cum paucis ex Equestri ordine omnes Ordines edicto Lublinum conuocare ausus. 63. Regem Cracouiam euntem præuenire conatur, sed frustra. 67. & seq. quid respondeat Nobilitati eum ad prolationem eorum quem contra Regem haberet vrgenti. 76. tandem se cum Radiuilo coram Rege sistit. 92. vrgetur à Senatoribus vt quidquid contra Regem & Senatum sciret, ederet; 97. quibus respondet, & origines suspicionum contra Regem ostendit; 98. & 99. scripto declarat. 101. datâ Regi fide benignè excipitur: ibid. sed adhuc inquietus, 102. & à reconciliatione cum Marescalco alienus, 103. consilia Rocossianorum fouet, 114. vires eorum augere contendit. 115. quid intenderit ambiguo illo responso Senatoribus eum ad Comititia inuitantibus dato. 116. ad comitia venire renuit. 117. ea quæ contra Regem sciebat edisserit. 120. eius cum Regijs militibus compactum. 125. milites suos ad pugnam hortatur. 128. sed acie victus Opatouiæ apud Franciscanos degit. 135. rursus nouos motus excitat, 140. & nouos coetus cogit. 143. eius postulatione reprehensâ Senatus & Nobilitatis consilium exquirat quid vltra faceret. 145. Regi se submittere cunctatur. 146. ad Regis conspectum admissus sub certis conditionibus. 149. verba quibus Regem deprecaturus erat ei præscribit Senatus. ibid. venit Cracouiam Regem deprecaturus. 150. eius ad Senatum sermo. 151	
ad <i>Nicopolim</i> cæsi Sigismundus Imperator & Ioannes Burgundus.	482
<i>Nida</i> flumen Poloniæ.	73
<i>Nievviescij</i> olim clari vnde genus suum ducant.	389
<i>S. Nilamnon</i> quomodo dignitatem Episcopalem declinauerit.	246
<i>Nisouij</i> milites. Vide <i>Cosaci</i> .	
<i>Nissa</i> Ecclesiæ Vratislauiensis donata.	166. & 171
<i>Nobilitas</i> Palatinatus Cracouiensis cur Regi maximè offensa. 3. ei de obtentâ victoria gratulatur. 136. è <i>Nobilitate</i> plerique ad locum conuentui Rocossianorum destinatum conueniunt.	73

*Nobi-*



# MEMORABILIVM.

- Nobilitas* vrget Palatinum vt quidquid sciret contra Regem, adferret. 75. quæ ob dubium & anceps Palatini responsum offensa & conuentu dilabi cœpit. 76. *Nobilitatis* Palatinatus Siradiensis insignis erga Regem fides. 109. de *Nobili* Lithuano perfidiæ reo qualis sententia lata. 127. *Nobilitas* totius Polonia, Regi victoriam gratulatur. 137
- Nominatio* Regia in Poloniâ successit in locum Canonice electionis; 263. *Nominatus* tamen nihil iuris habet in bona Ecclesiastica ante Papæ approbationem. ibid.
- Nomen* D. Stanislai Martyris quàm venerabile olim in Poloniâ. 351. *Nomina* primorum Antistitum in Poloniam ad fidem Christianam propagandam à Rom. Pontifice missorum. 303
- Nosocomia* constructa & prouentibus aucta. 418
- Numerus* interfectorum ex Regio & rebellium Rocossianorum exercitu. 129. *Numerus* Turcarum & Tartarorum qui an. 1621. Poloniâ imminuebant. 483
- de *Nummis* adulterinis querela. 48. cur illos adulterantes pro tempore non castigauerit Sigismundus III. 55. *Nummus* S. Petri à Polonis Sedi Apostolicae solui consuetus. 319
- Nuntij* Apostolici in Sueciâ incautus feruor. 4. *Nuntijs* è Moschouiâ ad Regem Poloniæ missis quid à Rege responsum. 30. *Nuntij* in Poloniâ è singulis Palatinatibus deliguntur. 40. *Nuntij* temerariè agunt in Comitij Varfauiensibus. 47. eorum variæ querelæ. 48. 49. & confutatio regij responsi. 57. *Nuntij* ad conuentum seditiosorum ad Andreouiam missi. 113. *Nuntij* Terrarum innocentiam Sigismundi III. comprobant 120. *Nuntij* militares à Rocossianis non admissi. 124. *Nuntius* ad Palatinum Crac. cum litteris de concordia ineunda missus in vincula coniectus. 128
- Nuptiarum* Sigismundi III. cum Constantiâ apparatus. 36. ad *Nuptias* ficti Demetrii in Moschouiam legati. 38. *Nuptia* Regiæ peracta. 39
- Nysa* ciuitas Ecclesiæ Vratillauensi donata. 166. & 171

## O.

- Obitus* Sigismundi III. Poloniæ & Sueciæ Regis. 485
- Obsequiorum* aulicorum sedulitas importuna Ecclesiasticis. 259
- Obsidio* arcis Smolenscensis per Moschos inchoata. 447
- Odij* Suetici in Sigismundum Regem initia. 14. & Rocossianorum. 422
- Officium* veri pastoris. 252. *Officia* diuina quatenus in ecclesiâ Cathedrali Plocensi fiant. 370. *Officium* Cancellarij & Vice-cancellarij in Polon. 215. & seq.
- Onus* Episcopo ritè ordinato incumbens; 270. ampliùs expenditur. 273. quàm graue sit & periculosum exemplis illud fugientium commonstratur. ibid.
- Onychinus* lapis mysticè. 273
- Opatonia* in monasterio S. Francisci degebat victus Palatinus Crac. 135. *Opatouecense* oppidum à monasterio Tinecensi quomodo ad Padnicuios deuenerit. 284.
- Opaui* Silesiæ ciuitas vi occupata. 168
- Oratores* Principum Christianorum in secundis nuptijs Sigismundi III. 39. *Oratio* Palatini Cracouiens. in Conuentu Prosouicensi 43. pronis auribus accepta. 45. *Oratio* impia & temeraria Stanislai Stadnicij in conuentu Lublinensi. 66. *Oratio* Palatini & Radiuili coram Rege. 92. item Matthie Pstroconij ad Palatinum. 95. *Orationi* Regis ad Senatores habitæ respondetur. 119. *Oratio* Cancellarij ad Palatinum Crac. Regis nomine. 150. & Palatini ad Regem. 151



# INDEX RERVM ET VERBORVM

<i>Ordinum</i> Regni Poloniae consensus vt Rex in Sueciam proficiscatur.5.	<i>Ordines</i>
Suecie obfistit Sigismundo ne regnū capeſſat.16.	<i>Ordinū</i> Sileſiæ decreta contra Catholicos.161.
<i>Ordinibus</i> regni Poloniae plerisque inuitis bellum cum Suecis geſtum fuit.240.	his inconfultis quænam Regi prohibita.473.
in <i>Ordine</i> Eccleſiaſtico Poloniae aliqua deſiderata.292.	de eodem vanæ quere- læ.293.
<i>Ordinis</i> S. Dominici in Poloniâ diſcordia.419.	<i>Ordo</i> exercitus Regij & Rocofſianorum.128
<i>Orlouienſis</i> Eccleſia in Sileſiâ ſubest Abbati Tinecenſi.160	
<i>Oſarouiam</i> verſus cum exercitu progrediuntur Rocofſiani.86	
<i>Oſiach</i> monaſterium in Carinthiâ.322	
<i>Oſiecum</i> oppidum Poloniae.86	
<i>Oſmanus</i> Imperator Turcarum interfectus.237	
<i>Oſarium</i> nouum condendis fidelium oſſibus conſtructum à Piſtroconio, & alia Raciazj.430	
<i>Oſtoia</i> ſignum nobilitatis.352	
<i>S. Otto</i> Bambergensis Pomeraniæ Apoſtolus, fuit Cancellarius Poloniæ.330	
<i>Otto</i> III. Rom. Imperator Boeſlaum Chobri Regem eſſe iubet.511.	eius erga D. Adalbertum pietas.313
<i>Ottomanus</i> Turcarum Imperator virtute Sigismundi III. caſus.483. & 491.	<i>Ot- tomanica</i> Luna à Vladiflao IV. nondum Rege inobſcurata aut cruentata.456. & 457.
<i>Ottocarus</i> Rex Bohemiæ Opauiam in Sileſiâ vi occupauit.168	

## P.

<b>P</b> <i>Acta</i> inter Conradum Maſouiæ Ducem & Cruciferos in Poloniam accitos. 338.	<i>Pactorum</i> Regis Polon. cum Repub. initium.41.	quænam illa ſint. ibid. & 47.
ad eadem reſponſum Regium.49.50. & ſeq.	<i>Pacta</i> inter Poloniæ & Bohemiæ regna de ſcribendo milite.227	
<i>Padnienſium</i> familia propè extincta.284		
<i>Palatinus</i> Cracouiensis. Vide <i>Nicolaus Zerbzydouius</i> .		
<i>Palatinus</i> Sendomiriensis. Vide <i>Georgius Mnifzeck</i> .		
<i>Papouia</i> cum omnibus pagis ac prædijs adiunctis donauit Conradus Maſouiæ Dux Epiſcopo Culmenſi.336		
<i>Paradiſienſis</i> Abbatis poſſeſſiones in Sileſiâ.160		
<i>Parneſis</i> amica ad Thomam Zamofcium dum Vice-cancellarius renunciaretur. 214. & ſeqq.		
<i>Parentum</i> voluntate facti Eccleſiaſtici parum feliciter cedunt.268		
<i>Parochi</i> cuiuſdam de impudicâ conſuetudine accuſati impudentior excuſatio.288		
<i>Pariſmonia</i> nimia aliquid in pios vſus erogandi caſtigata.432		
<i>Partitio</i> Sileſiæ inter tres fratres.164		
<i>Pafchalis</i> Epiſcopus Plocenſis in ordine V. quantus vir.319.	moritur.320	
<i>Pafſoris</i> animarum munus difficile in charitate fundatum.252.	veri <i>Pafſoris</i> par- tes. ibid.	quâ prudentia morbos animæ in ſubditis curare debeat.253
<i>Paulus</i> Dunin Wolski ſub Sigismundo Auguſto regni ſupremus Cancellarius.381		
<i>Pauli</i> Gizicki Epiſcopi Plocenſis XXXVIII. genus & parentela.360.	electus eſt omnium Canonicorum & Maſouiæ Ducum applauſu.361.	geſſit tutelam im- puerberum Maſouiæ Principum: eius facta præclara. ibid.
moritur.362		
<i>Pauperum</i> & egenorum peculiaris cura.407.418.431		
<i>Pax</i> inter diſſidentes de Religione in Poloniâ quâ ratione ſeruanda.51.	inter Rocofſianos & Regem quo pacto ſtatuta.427.	<i>Pacis</i> tractatibus inter Ferdi- nandum Auſtriacum, & Ianuſſium Vngariæ regnum ſibi vſurpantem præfuit Andreas Cricius.373
		<i>Perfectionis</i>



# MEMORABILIVM.

- Perfectionis* statum proficitur Episcopus; ad eam quomodo obligetur. 271. eiusdem  
*Perfectionis* typus in legis antiquæ Pontificis vestitu adumbratus; in IESV  
 Christo Crucifixo magis expressus. 272.
- Periclitante* Poloniâ nemo Christianorum Principum Sigismundo III. subsidio  
 fuit. 483
- Petri* II. dicti Brevis Episcopi Plocensis XIX. vita & obitus. 343
- Petrus* III. dictus Niedich Episcopus Plocensis XXI. moritur an. 1263. 344
- Petri* IV. de Chotkovvo Episcopi Plocensis in ordine XLI. genus & patria. 366.  
 excitus ex Italiâ varijs honoribus anctus est à Boleslao Masouia Duce. ibid.  
 eius facta præclara & piæ foundationes. 367. moritur an. 1497. ibid.
- Petrus* de Buzenin Terræ Siradiensis Iudex. 397
- Petri* Gamrati Archiepiscopi Gnesnensis ob solennes & largas eleëmofynas feli-  
 cior post vitam licentiosam exitus. 266. apparet ei nobilis Curossius iam diu  
 vitâ functus ibid. fuit Episcopus Plocensis XLVIII. in ordine: creuit & flo-  
 ruit gratiâ potissimum Bonæ Regina. 374. sperans Vice-cancellariatum  
 regni, in Senatu à Cancellario qualiter elusus fuerit. ibid. & seq.
- Petrus* Archiepiscopus Gnesnensis cur vniuersæ Plocensi Diœcesi sacris interdi-  
 cat, ac iterum interdictum relaxet. 341
- Petrus* Lascius auctor tumultus in maiori Poloniâ. 107. cum consiliorum so-  
 cio Sigismundo Grudinski ad Andreouiam conuentui Rocossiano conti-  
 nuando diem præfigit, &c. 108. quid respondeat Nuntijs à Zolkieuio ad Ro-  
 cossianos missis. 124
- Petrus* Myskouius Episcopus Cracouiensis ditandis suis intentus. 285. & 381. fuit  
 antè Episcopus Plocensis. 380
- Petrus* Ozga Iudex Leopoliensis. 149. conditiones pacis cum litteris nomine  
 Senatus scriptis detulit ad Palatinum Cracouiensem. 150
- Petrus* Romanus Episcopus Plocensis XVII. cur dictus Romanus. 339. effecit  
 vt bona ecclesiæ ob omnibus oneribus libera essent. ibid. eius obitus. 340
- Petrus* Scarga Societatis IESV ad Palatinum Cracouiensem à Rege missus, qua-  
 re 58.
- Petrus* Strabonski Castellanus Pernauiensis. 135
- Petrum* Tomycium Cancellariorum normam & patrem veteres dicebant. 218. au-  
 ctor fuit elegantioris litteraturæ in Poloniâ. 373. Pstroconio infensus. 416
- Petrus* Tylicius Episcopus Vladislauensis sigillum Regni minus deponit. 26. Epi-  
 scopus Cracouiensis legatione ad Rocossianos fungitur. 72. & 120. eius de  
 Matthia Pstroconio iudicium. 244. à Pstroconio notatus, quare. 259. in  
 aulâ Regiâ creuit. 262
- Petrus* Volcius nobiligenere ortus à Sigismundo Augusto in Hispaniam Lega-  
 tus. 181. vnde redux varijs Magistratibus præclare functus renunciatur Epi-  
 scopus Plocensis LIV. in ordine, mittiturque à Rege ad Gregorium XIII. nego-  
 tij Moschouitici causâ. 382. multis donatis ecclesiæ sponsæ suæ moritur. 383
- Petri* Wolski Episcopi Plocensis egregia in Matthiam Pstroconium in Vrbe de-  
 gentem munificentia 403. inter eum & Carncouium pro retinendo apud  
 se Pstroconio certamen. 404
- Philippus*, genere nobilis ex Decano Episcopus Plocensis pronunciatus. 325. in  
 pauperes & peregrinos beneficis 326. moritur an. 1107. ibid.
- Philippus* Padnicuius quidquid ex bonis Ecclesiæ collegit in profanos vsus con-  
 tulit. 284
- Piaski* villa iure perpetuo Ecclesiæ Plocensi donata. 344
- Piaſtus* abauus Miecislai primus in Polonia se Christianum palam professus est.  
 302. hospitio excepit Ioannem & Paulum Romanos Martyres; quorum  
 beneficio & intercessione penu ipsius auctum, & Rex renunciatus fuit. ibid.
- Pierzchala* insigne nobilitatis. 348



# INDEX RERVM ET VERBORVM

<i>Pietas</i> & Religio Sigismundi III. 471.	<i>Pietate</i> præstare inprimis Episcoporum est.	296
<i>Pilauensis</i> portus à Sueco proditoriè interceptus.		239
<i>Piliza</i> fluuius Poloniæ.		125
<i>Pius</i> II. Pont. Max. cur in Casimirum Regem odium conceperit. 363.	<i>Pia</i> sollicitudo erga Sarmatiam.	eius pia 452
<i>Pij</i> V. pia cura erga Sarmatiam.		ibid.
<i>Pitzcum</i> oppidum munitione circumdat Cosinius Dux Cosacorum.		3
<i>Plebei</i> in Polonia quando ad militiam admissi.		209
<i>Plocensis</i> Ecclesiæ Cathedralis status & amplitudo. 308.	<i>Plocensis</i> exordium.	309.
ob dissensionem Cleri biennio vacat.		337
<i>Ploscum</i> oppidum exustum.		336
<i>Pœnitentie</i> & mortificationis cultor Matthias Pstroconius.		418. & 431
<i>Polanecium</i> oppidum.		86
cum <i>Politicis</i> pugna difficilis.		249
<i>Polonia</i> varijs nominibus appellata. 301.	<i>Polonia</i> aliquot partim occisi, partim submersi in tumultu Gedanensi. 9.	aliquot ad famam regij periculi in Sueciam transmittunt. 19. & 412.
	tria millia qui Dantisci naues conscenderant Stoccholmiam appellant. ibid.	paulò ampliùs quàm mille pugnam cum ingenti Moschorum exercitu committunt & vincunt. 30.
		<i>Polonorum</i> vix tria millia, nouem millia Suecorum cédunt, ceteris in fugam actis. 36.
<i>Polonos</i> inter & Moschos atrox cædes. 71. & 72.	<i>Poloni</i> virtute & rebus gestis clarescere cœperunt anno M. VIII. 154.	priuatum sub signis vicinorum Principum militare possunt. 163.
		eorum cum Silesijs societas & dissidium. 166. & 167.
		cur hætenùs Silesiam non repetierint 170.
	<i>Polonia</i> Rex quas ob causas Episcopo Vratislauensi patrocinari debeat. 172.	
<i>Polonos</i> inter & Lithuanos de possessione Russiæ certatum. 181.	<i>Polonorum</i> militum pro Cæsare contra Hungaros egregia facta. 228.	item in conflictu Pragenfi cum Bohemis. 229.
	<i>Poloni</i> primi ostenderunt Turcas vinci posse 237.	cur non consuetis viribus Sueco restiterint. 240.
	<i>Polonia</i> Episcopi non residentes non omnino damnandi. 278.	<i>Polonorum</i> cum Rege læta è Sueciâ discessio. 412.
		mira illorum erga Regem fides. ibid.
		magnum in Suecia adiere periculum. 414.
	<i>Polonia</i> prodita in Suecia. 415	
<i>Polonorum</i> imperium olim latè patens. 305.	eorum libertas & magnanimitas. 306.	foli <i>Poloni</i> Vandalicam Gotthicamque linguam retinent. 316
<i>Polonia</i> Reges semper in armis esse oportet.		490
<i>Polovvicij</i> vnde dicti. 342.	olim Gotti appellati, & quare.	ibid.
<i>Pomerania</i> quòd fidem Christianam suscepit, Boleslao Criuoustio acceptum ferre debet. 330.	<i>Pomerania</i> Duces creuere per ruinas Poloniæ olim subditi eiusdem.	336
<i>Pomianum</i> insigne nobilitatis Lubieniorum familiæ. 389.	<i>Pomiana</i> stirpis in varia cognomina mutatio.	ibid.
<i>Pompa</i> funeris Ioannis Sueciæ Regis. 15.	<i>Pompa</i> baptismatis Annæ Mariæ Pol. infantis.	7
<i>Populi</i> & vrbes quas Volodimirus Kijouiæ Dux inter filios partitus est. 154. & 178.		
<i>Poraius</i> D. Adalberti frater familiæ Rosarum princeps.		396
<i>Portus</i> Elsnabensis, qualis, quantum distet à Stoccholmiâ.		11
<i>Posarcius</i> & Trubecius Moschi multa populo imponunt vt rebus præfint.		159
<i>Possessiones</i> Ecclesiasticæ in Poloniâ pleræque sunt pretia peccatorum & vota fidelium. 206.	quantoperè diminutæ.	207
<i>Postulata</i> per Senatum à Palatino Cracouiensi.		97-99
<i>Potestas</i> Episcoporum amplissima.		274
	<i>Potocij</i>	



# MEMORABILIVM.

- Potocij* à partibus Regiis steterere. 114. eorum factio & æmulatio cum Zolkieuio & Chodkieuicio. 130. *Potociorum* familia Sigismundo III. fida & addita 138. Ioannes *Potocius* Valachiam ingressus fugatis hostibus Constantium imperare iuber. 139
- Prædicuntur* futura. 246. 251. 293. 431
- Præfatio* in narrationem de motu ciuili. 22. *Præfatio* Ioannis Longini ad Casimirum Episcopum Plocensem super vitas Episcoporum Plocensium. 307. & Authoris. 301
- Præmyslaus* maioris Poloniae Dux irritò conatu titulum Regis vsurpat. 347. fuit occisus à marchionibus Brandeburgens. ibid.
- Præpositus* Ninenfis & Bitomienfis subiecti Præposito Miechouienfi. 160
- Prærogatiua* Ecclesiasticorum in Polonia. 289. & seq. *Prærogatiua* iuris Teutonici. 207.
- ad *Pragam* in conflictu cum Bohemis à Polonis initium victoriæ factum. 229
- Principes* qui Sigismundi III. nuptijs interfuere. 39. *Principes* Christiani semper improspere cum Turcis bella gessere. 236. *Principes* miseri apud quos vera silentur. 292. cum *Principe* quâ prudentiâ agendum. 293. *Principi* quàm dedecori sint odia subditorum. 476
- Principia* Suetici odij in Sigismundum Regem. 14
- Præiulia* faciendi præconis in Poloniâ. 221
- Procerum* Moschouiae plerique ad Demetrium transfugiunt. 31. *Procerum* Russiae insignis erga Regem fides. 109
- Procrastinationis* Rocossianorum scopus. 85
- de *Profectione* regiâ in Sueciam aliquorum Senatorum sensus. 4. *Profectio* Regis in Moschouiam. 156. Vide *Iter*.
- Propositiones* Regis in conuentibus particularibus tractandæ. 110. & seq.
- Proseruius* inter Moschos belli virtute clarus. 447
- Protestatio* quædam ab Auctore in Latinum versa, ad eamque responsum. 202
- Præuincia* quas Volodimirus Kiiouiae Dux inter XII. filios partitus est. 154
- quâ *Prudentiâ* Pastor morbos animæ in subditis curare debeat. 253
- Præuidencia* diuina mirabilis erga Pstroconium pecuniâ & viribus deficientē. 403
- in *Prussico* negotio quid factum à Rege. 54. *Pruthenis* in Poloniâ, & Polonis in Prussia adipiscendi dignitates par ius. 55. *Prussia* littora facile à Sueco occupata. 239. *Prussica* nobilitas intra vnum mensem contra Suecum in armis fuit. 240. *Prussi* Masouiam armis incurfarunt. 336. *Prussiam* Ducalem ex Regis & Ordinum sententia inspicere iussus Pstroconius. 428. *Prussia* sine Poloniâ salua esse nequit. 439
- Præerabiorum* in Palatinatu Siradiensi nobilis familia. 569
- ad *Prætykum* castra Regis posita. 127
- Pseudo-Pontifices* tres tempore Henrici Imperatoris. 327. *Pseudo-Politici* hostes Ecclesiæ acerrimi. 249. eorum leges contra immunitatem Ecclesiasticam sub Sigismundo Augusto temerariæ: & conatus impij contra Clerum his temporibus. ibid.
- Pstrokonie* villatrium fluuiorum concursu nobilis. 398
- Pucensi* oppido præsidium octingentorum militum à Sueco impositum. 241
- Pugna* ad Pizcum oppidum. 3. ad Czoczoram. 334. & seq. *Pugna* inter Polonos & Moschos. 30 & 71. inter Polonos & Suecos. 36. inter Regem & Rocossianos. 128. in quâ multis è Regijs terga vertentibus, 129. tandem hostes profligati, eorumque MCC. cæsi. ibid. ad Clusinum. 158. ad Graudentum. 240. ad Chereffessum. 482
- Pueritia* Matthiæ Pstroconij mirabilis. 399
- Puritatis* studium per totam vitam Matthiæ Pstroconij. 431



# INDEX RERVM ET VERBORVM

Q.

**Q**uartæ Rauensis thesaurus. 42  
*Querela* aliquot seditiosorum de Sigismundo III. 47. & seqq. ad eandem  
 responsum. 49. de Ordine Ecclesiastico. 203. & seqq. 293

R.

**R**adiuili in palatio Regio tumultum incipiunt. 62. *Radiuili* tandem cum  
 Palatino coram Rege se sistit, eiusque oratio. 92. Vide inter *Ioannes*.  
*Raphael* Lesczynski primò Episcopus Præmislensis, post Plocensis XLV. in ordine  
 effecit vt vniuersis Masouiæ Ducatus Proceribus consentientibus decretum  
 contra hæreticos promulgaretur. 371. sepultus est Pultouiæ adiecto Epita-  
 phio. ibid.  
*Raciazum* arx Episcopalis quatuor milliaribus Vladislauia distans. 430  
 in *Rebelles* Rocossianos, licet victos, non sæuitum. 426  
*Referendarij* Regni quod sit officium. 217. & 218. *Referendariorum* rescripta  
 subsunt censuræ Cancellarij vel Vice-cancellarij. 218  
*Regentis* Cancellariæ officium. 218  
*Reges* diuinitus dantur nec depelli possunt nisi Deo annuente. 195. *Reges*  
 Poloniae semper rei Ecclesiasticæ prospiciebant. 159. quænam inconsul-  
 tis Ordinibus facere nequeant. 473. quibus legibus circumscripti. 162. *Re-*  
*gis* partes egregiè tutatur Tarnouius. 410. & Matthias Pstroconius. 423  
*Regio* fauore optimi ad Episcopatum promoti : ex quo olim natus abusus his  
 temporibus correctus. 258. 259. Vide *Polonia*.  
*Regio-montani* aliquot peditum cohortes Sueco submitunt. 438  
*Regna* seditione pereunt. 293. *Regnorum* iura priuatis transactionibus transfer-  
 ri nequeunt. 166. *Regnum* Poloniae ob cædem S. Stanislai diuisum. 323. fa-  
 cillimè illud aggredi potest Turca 458. à Rocossianis temerè abroga-  
 tum Sigismundo III. 122. *Regnum* Sueciæ Sigismundo delatum. 17  
*Religionis* Christianæ fundamenta in Poloniâ non primum sub Miescone Duce  
 initium habuere. 301. *Religio* & pietas Sigismundi III. 471  
*Remigianus* Koniecpolius Episcopus Chelmenis. 329  
*Reprehensio* Rocossianorum à Castellano Cracouiensi. facta. 85  
*Repulsam* à Carnouio Pstroconius passus, postea receptus. 402  
*Rescripta* subleuantia quotuplicia, quibus concedenda, & quæ in omnibus rescri-  
 ptis diligentia adhibenda. 402  
*Res* Polonicæ turbulentæ. 405. 415. Sueticæ. 414  
 ad *Residentiam* Episcopum teneri iure diuino declaratur ex multis Scripturæ  
 locis, & Rationibus. 277. & 278. *Residere* parum est nisi munus Episcopi vnâ  
 exerceatur. 287. *Residentis* Episcopi quæ munia. 279. *Residentiam* Se-  
 natorum in aulâ Regiâ lege præscribendam suadet Palatinus Cracouiensis. 45  
 quid de eâ pactum sit. 47  
*Responsum* nomine Senatus Nuncio Turcico. 13. *Responsum* Regium ad ea quæ  
 à Nuntijs in Comitijs Varſauiens. postulabantur. 49. quid *Responderit* Pala-  
 tinus Cracou. Petro Scargæ Societ. Iesv ad eum à Rege misso. 59. *Respon-*  
*sum* Regium ad ea quæ seditionis authores in conuentu Lublinensi perebant.  
 69. *Responsum* legatis Regijs à Rocossianis datum. 75. *Responsum* Pala-  
 tini Cracouiensis ad ea quæ postulabat Nobilitas. 76. *Responsum* Rocossia-  
 norum super actis in conuentu Villicienſi. 78. *Responsum* Regium ad ea quæ  
 à Rocossianis petebantur. 80. 81. & seq. *Responsum* Rocossianorum ad litte-  
 ras Regias eos à temeritate dehortantes. 87. item ad Senatores. 89. *Re-*  
*sponsa* varia Palatini Cracouiensis 94. & 95. *Responsum* à Rege datum Lega-  
 tis



# MEMORABILIVM.

- tis Moschouiticis. 105. quid Respondeant Rocossiani Nuntijs Regijs  
 Andreouiam missis. 113. *Responsio* suo ambiguo Senatoribus regni dato quid  
 intendat Palatinus Cracou. 116. *Responsum* Rocossianorum ad Senatuf-  
 consult. in comitijs Varfauien. factum. 118. *Responsum* Zolkieuuij ad litte-  
 ras à Ioanne Ostrogio missas. 136. *Responsum* Rocossianorum super litteris  
 Episcoporum ad Palatinum datis. 144. *Responsum* Auctoris ad Protestatio-  
 nem nomine Dignitariorum contra Spirituales editam. 205  
*Reualia* ciuitas in Liuoniâ. 13  
*Rha* siue Volga fluuius. 342  
*Riga* Liuoniæ ciuitas primaria à Sueco capta. 484  
*Ritus* Moschorum in Principum inauguratione. 70. item *Ritus* iurandi. 72  
*Rixa* vxor Miecislai Regis Poloniæ. 179 & 322  
*Roch* siue Pierzchala insigne nobilitatis in Polonia. 348  
*Rocos* nomen vnde dictum. 68. Hungaricum nomen est. 293. *Rocossij* ini-  
 tia 422. *Rocossianos* cum Demetrio de tradendo illi Bohemiæ regno tra-  
 ctasse fama fuit. 72. ad hos missi aliquot Senatores. ibid. *Rocossia-*  
*norum* ingens numerus. 73. Zolkieuuium à deductione militis à Russi de-  
 hortantur: milites deterrent à defensione causæ Regiæ. 74. *Rocossiani*  
 promittunt se expectaturos quid in Vislicienfi conuentu constituatur. 77.  
*Rocossianorum* coniuratio potius quàm fœdus dici debuit. 79. *Rocossiani*  
 per edictum nouum conuentum conuocant. 84. ostendunt se velle de se-  
 dandis tumultibus tractare. 85. sed frustra. 86. *Rocossianorum* res ar-  
 ctæ ad Ianouecium. 89. & 424. varijsque propositis conditionibus vlti-  
 mò monentur à Rege. 91. *Rocossiani* deuium iter versus Andreouiam susci-  
 piunt. 109. quò Regi addictos ad se traherent, euulgandis quibusdam  
 contra Regem arcanis diem præfigunt. 119. Regnum Regi temere abro-  
 gant. 122. & 425. prope Varfauiam exercitum ad mouere ausi. 123. *Ro-*  
*cosiani* à Regijs vincuntur, ex ijsque MCC. desiderati. 129. 130. 426. quo-  
 rum antesignani diuersa petiere loca. ibid. *Rocossiani* nouos priuatos con-  
 uentus indici petunt, quare. 136. cum ijs primò pacatis consilijs actum;  
 425. dein armis decertatum. 426. in eos victos non sæuitum. ibid.  
*Romanos* olim rerum dominos nihil magis nobilitauit quàm iustitia. 472. Ho-  
 nori ac Virtuti templum dicarunt. ibid. *Roma* multæ sunt discentium re-  
 moræ. 443  
*Romanus* Vlodimirienfis Dux in Mogauienfi prælio Polonis præstò adfuit. 180  
*Rosarum* gentilitij stemmatis origo, 396. & per diuersas familias propagatio.  
 ibid. 397.  
*Roxrazenijs*. Vide inter *Hieronimos*.  
*Rudolphus* Imperator quid respondeat Sigismundo III. Annam Ferdinandi Ar-  
 chiducis filiam in matrimonium petenti. 32  
 ex *Ruinis* Poloniæ creuere Pomeraniæ Duces, & alij. 336  
*Russie* præcipui Proceres maximo subsidio fuere Sigismundo III. contra Ro-  
 cosianos. 73. è *Russie* finibus militem præsidio Regi ducit Zolkieuuius.  
 ibid. *Russi* potentiâ & opibus inter Sarmatas plurimùm valuerunt. 153.  
*Russi* à Boleslao Crispo & Kriuonstio aliquoties domiti. 154. *Russie* XII.  
 Duces à Tartaris vno prælio deleti. ibid. alij in ditionem Poloniæ con-  
 cesserunt, alij à Lithuanis subiecti. ibid. *Russi* Polonicum imperium ex-  
 cusserunt. 179. *Russia* turbatis in Polonia rebus in potestatem Lithuano-  
 rum venit. 336  
*Rusticorum* duorum centum triginta annos habentium contentio. 461



# INDEX RERVM ET VERBORVM

## S.

- Sacerdotum** dignitas ingens & potestas. 255. honor. 256. horum contem-  
ptores quanto scelere se obstringant. *ibid.* *Sacerdotes* publico consilio  
primos adhibere alijs etiam nationibus quàm Polonis vsitatum. 292  
*Sacrificij* excellentia à D. Chrysostomo expensa. 254  
*Saluorum* Conductuum in Poloniâ vis: quinam illorum beneficio gaudeant. 220.  
& 221.  
*Salutatio* gratulatoria nomine Capituli Varfauiensis Sigismundo III. capto Smo-  
lensco Varfauiam redeunti. 465  
ob *Samuelem* Zborouium supplicio affectum perturbatæ res inter Proceres Polo-  
niæ. 405.  
*Samuel* Macieio vski Episcopus Plocensis quinquagesimus, post Cracouiensis va-  
rijs Magistratibus functus. 376  
*Sanctissimi* quique Episcopalem dignitatem declinarunt. 246  
*Saphyrus* mysticè. 273  
*Sapieha* Lithuanus. Vide inter *Ioannes*.  
*Sara* Marcussij filia moriens Christum & Ecclesiam Plocensem hæredem scripsit.  
344.  
*Sardius* mysticè. 272  
*Sarmatæ* populi, qui. 153. in *Sarmatiâ* Europæa quando Christianum nomen vi-  
guerit. 301  
*Schipperus* Minister Lutheranorum primarius Stoccholmiæ Ecclesiastes. 14  
*Schisma* inter monasteria Dominicanorum per Poloniam quomodo extinctum.  
419.  
*Schvartzenbergicus* Comes nomine Electoris Brandenburgici ad Regem Poloniæ  
Legatus 438. receperat se effecturum vt Elector subsidio foret exerci-  
tui Polono aduersus Suecos, quod neglectum. *ibid.*  
*Scultetorum* in Polonia origo sub Boleslao Pudico. 207. & 209. vnde ita vocen-  
tur & quare potissimum introducti. 208  
*Scythia* Europææ appellatione vniuersus Septemtrio continetur. 301  
*Sebastianus* Lubomirscius Castellanus Woynicensis. 38  
de *Seculis* quæ olim ab Auctoribus notata fuerint. 461  
*Securitas* securitate mutuâ paciscenda. 476  
*Seditio* in exercitu Hoduni arte falsi Demetrii excitata. 31. in exercitu Sigis-  
mundi III. per Rocossianos. 100. *Seditionis* in Bohemiâ causa. 176. *Seditio*  
in exercitu Polonico per calones orta. 236. *Seditione* Regna pereunt & Im-  
peria 293. Vide *Tumultus*.  
*Sedulitas* Episcopis necessaria. 254  
*Seinus* in exercitu Moschouitico Dux. 447  
*Semonitus* & Ianussius Masouiæ Duces electionem & confirmationem Striborij E-  
piscopi Plocensis quantum vserint. 352. inter *Semonitum* seniore & filios  
pro eligendo Episcopo acris certatio. 356. & seq. *Semonitus* iunior Masouiæ  
Dux quàm acriter litem contra Stanislaum Episcopum Plocensem prosecu-  
tus sit. 358. & seq.  
*Senatores* regni Poloniæ quid de protectione regis in Sueciam sentiant. 2. eo-  
rum sensum de nouo matrimonio ineundo priuatim exquirat Sigismundus III.  
24. quis ille sit. 27. 32. & 33. eorum residentiam in aulâ regiâ lege præscri-  
bi vult Palatinus. Cracou. 45. *Senatorum* aliquot temeritas in Comitijs Var-  
fauiensibus 46. aliorum sententiæ. *ibid.* eos malè habet Palatini Cra-  
cou. fastus. 59. tres è *Senatu* ad Palatinum missi. *ibid.* *Senatores* sex conuen-  
tui Stæzicensi interfuerunt. 60. variæ *Senatorum* sententiæ quònam Rex  
turo



# MEMORABILIVM.

tutò se recipere debeat initio tumultus Rocossiani. 424. *Senatores* primarij ad Rocossianos missi, 72. quorum præcipui Regi addicti erant. 73. *Senatores* & Nobilitas Regiarum partium monent Rocossianos. 77. mutuâ se fide obstringunt Regi & patriæ contra rebelles opem laturos. 79. Rocossianos reprehendunt. 89. eorum de Rocossianis sententiæ. 90. *Senatorum* Regi addictorum cum Palatino Crac. confessus. 95. vrgent Palatinum vt si quid sciret contra Regem, ederet. 97. & 99. *Senatusconsultum* factum vt quicumque aliqua occulta contra Rempub. consilia sciret, ad comitia se sisteret ea propalaturus. 116. *Senatores* innocentiam Regis comprobant; 120. quorum præcipui Rocossianos ad pacem hortantur, sed frustra. ibid. *Senatus* Palatino verba præscribit quibus Regem deprecaturus erat. 149. *Senatus* nomine respondet Ioannes Zamolscius Palatino Crac. ad conspectum Regis admissio. 151. *Senatus* in Poloniâ ex Episcopis prior quàm ex secularibus. 289. in *Senatu* Ecclesiastico Poloniæ aliqua desiderata. 292. de eodem vanæ querelæ. 293. *Senatus* Polonici magna pars diuersis infecta hæresibus Sigismundo III. regnum auspicante ad Orthodoxam religionem traducta. 471. *Senatoria* Episcopi dignitas in quo consistat. 294. optimi *Senatoris* in Reip. functione partes. 295

*Sententiæ* Senatorum de Rocossianis. 90

*Sermo* Sigismundi III. ad Palatinum Braclaiensem. 88

*Sieraconius* Palatinus Lanciciensis Senator consummatissimus, formator Pstroconij. 401

*Sfortiadum* familiæ inclyta gloria. 489

*Skapense* monasterium S. Francisci à Ioanne Lubranscio Episcopo Plocensi constructum. 369

*Sigillum* Regium cui concedi debeat. 219

*Sigismundi* Rom. Imperatoris in campis Nicopolensibus cum Turca infelix pugna. 237. & 482

*Sigismundus* I. Poloniæ Rex 80. millibus Moschorum partim cæsis, partim profligatis animum Basilij compressit. 155. æquo animo reprehensionem Episcopi Posnaniensis tulit. 276

*Sigismundus* Augustus æquo animo tulit reprehensionem Carncouij Episcopi. 276.

*Sigismundi* III. Poloniæ & Sueciæ Regis genus & parentela. 488. & seq. in Regem Poloniæ eligitur anno ætatis vigesimo primo. 479. eius primus Cracouiam aduentus per medias inimicorum acies. 489. & seq. Varsauiâ Dantiscum mouet. 7. Plociæ præstò ei adfuit Carncouius cum alijs Senatoribus. 8. Ceruenscum diuertit: quare. ibid. eius Gedanum aduentus, qualis. ibid. quos habuerit viæ suæ comites. ibid. grauissimum periculum adiit ob tumultum per Gedanenses excitatum. 9. sed dilata in aliud tempus tumultus inquisitione Dâtisco soluit. 10. Elsnabum appellit, deinde Stoccholmiam. 11. ibi à Carolo Duce patruo suo alijsque Senatoribus Suecis quomodo exceptus. ibid. antequam Regnum suscipiat postulant Sueci vt ei conditiones præscribantur. 16. *Senatores* Suecos & populum compellat. ibid. cuius benignitas Caroli cupiditati occasionem præbuit. 18. Rex gnarus machinationum Caroli aliquos Poloniæ proceres ad se euocat. ibid. ad filiam suam in Sueciâ natam de sacro fonte leuandam Carolum inuitat, qui venire abnuuit. 20. & 412. deliberat Sigismundus cuiusnam administrationem rei Sueticæ committeret, &c. ibid. de Sueciâ mouet. 21. & 412. de ineundo nouo matrimonio cogitat. 23. idque cum Constantiâ prioris vxoris sorore. 24. de hoc in secreto Consilio tractat. 27. & Macieiouium compellat vt de eodem sententiam repetat. 28. ab Imperatore Rudolpho Annam Ferdinandi Archiducis filiam



# INDEX RERVM ET VERBORVM

liam petit in matrimonium. 32. Ordinibus Regni ea à Rege proposita  
quæ in Comitij Varſauia tractanda veniebant. 42. & 43. commodis  
Polonia conſulendo, res Sueticas incompoſitas relinquit. 50. quibus condi-  
tionibus teneretur. 51. eius ad Ordines mite reſponſum. 57. per Di-  
ſtrictus indiſtis conuentibus ſparſas de ſe calumnias refellit. 63. & 64. inco-  
lunitati ſuæ proſpecturus Zolkieuium exercitus Præfectum ad ſe euocat. 65. à  
quo, quò ſeditioſorum conſilia ſpectarent certior factus Varſauia Cracouiam  
petit. 66. & 67. eius magnitudo animi & de egregiâ Polonorum fide iudi-  
cium. ibid. cum veterano exercitu aduerſus Rocofſianos Viſliciam verſus  
mouet. 73. & quò Rocofſianorum pertinaciam ſanaret, cauſam ſuam arbi-  
trio Senatus & Equeſtris Ordinis permittit. 76. in particularibus conuenti-  
bus Nobilitati per Nuntios & per edictum animum ſuum declarat. 84. lu-  
ſtrato exercitu Polanecium proficiſcitur. 85. obuiam ire ſtatuit exercitui  
Rocofſianorum, 87. quos ad Ianouecium aſſecutus eſt. ibid. eius ad  
Ioannem Zbaraſcium ſermo: ſignum belli proponit. 88. oſtendit ſuam cle-  
mentiam. 89. vltimò monet Rocofſianos. 91. eius de Palatino Cracou,  
iudicium. 92. & 99. datis publicè litteris, vniuerſis Ordinibus ſignificat ſe  
cum Rocofſianis tranſegiffe. 101. Ianouecio Cracouiam verſus proficiſci-  
tur. 102. nouis tumultibus in maiori Polonia occurrit. 108. Regis in  
contemnenda Rocofſianorum leuitate animus. 113. Comitij Varſauienſ.  
quare intereſſe nolit. 114. Cracouia Varſauiam verſus proficiſcitur. ibid.  
Ordines alloquitur, & quàm falſò traducatur oſtendit; 119. per litteras,  
omnes edocet quid in Comitij Varſauien. actum ſit. 121. maleuolorum  
calumnias ſcripto refellit. 123. Rocofſianos, rebelles & patriæ hoſtes pro-  
nuntiat. ibid. eosdem ad Varcam oppidum aſſequitur. 125. in hoſtem  
contendit. 128. eius in prælio cum Rocofſianis intrepidus animus. 129. diſſi-  
patos Rocofſianos perſequi prohibet. 130. eius & Procerum in victos cle-  
mentia. ibid. in magno periculo in eo conſictu fuit ob diſcordiam Ducum.  
129. & 131. victor conſilium Senatorum exquirat. 132. aliquos qui tem-  
pore motus ciuiliſ cum Rocofſianis ſenſere, honoribus auxit. 133. eius Craco-  
uiam reditus poſt debellatos Rocofſianos. 135. ægrè ſe ferre oſtendit quod  
Zolkieuius exercitum à Zauichoſto in interiora Ruſſiæ abduxerit. 141. con-  
ſilij capiendi cauſâ præcipuos Senatores ad ſe euocat & varia proponit. 147.  
aduerſâ valetudine utebatur dum Palatinus in eius conſpectum venit. 150.  
Rex, quare in Moſchouiam cum exercitu proficiſcatur. 156. & 157. eius de  
Matthiâ Pſtroconio iudicium. 244. Smolenſcum obſidione liberat. 448  
idem obſidione cingit, ac biennio tranſacto capit. 471. & 472. in Regno  
hæretico & inter hæreticos Magiſtros educati pietas & ſtudium Religionis,  
ibid. & 492. Iuſtitia amantiſſimus fuit, 472. & 473. & Clementia. 475. &  
ſeq. qualis in iuuenili ætate fuerit. 477. per quos potiſſimum Rex Po-  
loniæ renunciatus ſit. 479. cum ageret vigefimum primum ætatis annum,  
ibid. difficillimo tempore regnum capeſſiuit. ibid. intra vnus anni de-  
curſum cum domo Auſtriacâ aliſque finitimis pace conſtitutâ ſtabiliuit impe-  
rium. 480. eius victoriæ & bellica facinora. 482. quàm feliciter Tur-  
carum & Tartarorum vires ad Chocimum fregerit. 485. nemo hoſtium eum  
ſupplicem vidit vnquàm. ibid. eius pius ex hâc vitâ diſceſſus. ibid. ita  
vixit, vt vixiſſe eum numquam pænitere potuerit. 492. hoſtes ab illo coër-  
citi. 482. & ſeq. 490. & ſeq. XLV. annis feliciter regnavit. 492  
*Sigismundus* Myſcouius ſupremus regni Mareſcalcus, 26. miſſus à Rege in Au-  
ſtriam ad petendum in matrimonium Conſtantiam. 32. quemdam Zie-  
nieuicium Radiuili familiarem apprehendi iubet, ſed dimittit. 62. Regi  
Varſauia Cracouiam petenti cum quingentis militibus obuiam it. 67. eius  
præcipuum ſtudium dignitatis Regiæ conſeruandæ. 420

*Sigismun-*



# MEMORABILIVM.

<i>Sigismundus</i> Niscicki Caluinianus.	
<i>Sigismundus</i> Grudzinski socius consiliorum Petri Laszi in tumultu maioris Polon- nię. 107.	142
<i>Signum</i> belli aduersus Rocossianos propositum.	88
<i>Silesia</i> olim pars Poloniae, 160. & 163. Vladislao Boleslai Criuoustij maiori natu assignata, 164. postea inter filios eiusdem trifariam diuisa. ibid. <i>Silesio-</i> <i>rum</i> cum Polonis societas & dissidia. 166. & seq. <i>Silesij</i> interfuere Comitij & Synodo Lencicien. Conrado Masouiae Duci cum Prussis belligeranti prestò fuere. ibid. quomodo à Polonis descuerint. 167. <i>Silesij</i> Duces ad fami- liam Lucemburgicam declinant. 168. & 169. <i>Silesia</i> pars hactenus est in di- tione Regis Poloniae. ibid. quâ occasione olim à Regno auulsa.	335
<i>Simeonis</i> Mohilae Principis Valachiae mors: vnde noui motus.	138
<i>Simon</i> Gozdauva Episcopus Plocensis IX. quo genere ortus. 326. eius virtutes. 328. eius pierati & sanctimoniae accepta refertur victoria per Polonos de Prussis obtenta. ibid. moritur anno MCXXIX.	329
<i>Simon</i> Lugovvski Praepositus Micchouienfis.	285
<i>Simon</i> Pruski Societatis IESV Presbyter.	393
<i>Situs</i> loci ad Ianouecium in quo constiterant Rocossiani.	88
<i>Sixti</i> V. Pont. Max. de inferendo Turcis bello cum Stephano Poloniae Rege con- siliu.	186
<i>Smaragdus</i> mysticè.	272
<i>Smolenscum</i> arcem Basilius Moschouiae Princeps proditione intercepto anno MDCXIII. 155. eandem obsedit Sigismundus III. 157. 467. & cepit. 468. ab obsidione per Moschos inchoatâ liberat 448 & seq. est oppidum arte & naturâ munitissimum.	467
<i>Societas</i> inter Poloniae & Sueciae Regna cur inita non fuerit. 50. <i>Societas</i> olim inter Silesios Polonosque Duces qualis fuerit, quando soluta.	166. & seq.
<i>Socolouij</i> in Poloniâ vnde orti.	389
ad <i>Sodalitatem</i> Gracensem epistola Authoris.	462
<i>Souca</i> , vulgariter sonat Musicum apud Polonos.	14
<i>Spithco</i> de Buzenin Canonicus Gnesnensis Matthiae Pstroconij patruus.	397
<i>Stabilimentum</i> imperij ciuium amor.	487
<i>Stabuli</i> Praefectus apud Moschos.	28
<i>Stadnicorum</i> in propugnandâ dignitate Regiâ zelus.	90
ad <i>Stezicam</i> Conuentus totius Poloniae Minoris indicit Palatinus Cracou. 45. in quo, secreto colloquio aliquibus Senatoribus facti sui rationem reddit, Re- gemque multorum criminum reum facit.	60. & 61
<i>S. Stanislaus</i> quo animo Boleslai Audacis libidines reprehenderit. 291. eius Martyrium.	322
<i>Stanislaus</i> Bykovvski Castellanus Lanciciensis.	19. & 109
<i>Stanislaus</i> Carnouius Archiepiscopus Gnesnensis dissuadet profectionem Regis in Sueciam. 4. Plociae occurrit Regi felicem profectionis successum precatus. 8. quantus vir fuerit. 25. Episcoporum norma. 250. eius pietas & liberali- tas. ibid. Collegium Calisiense fundauit: eius cura Pastoralis & doctrina. ibid. solers iuuentutis Ecclesiasticae moderator. 260. mirus Ecclesiasticae nobilitatis exercitator. 261. saepe Sigismundum Augustum redarguit. 292. eius aula, iuuentutis Polonae in omni genere virtutis palaestra. 403. certat cum Petro Volscio pro retinendo apud se Matthiae Pstroconio. 404. ad se- dandos motus inter Polonae proceres de consilio Pstroconij egregiam init ra- tionem. 405. Pstroconium nouo Regi mittit obuiam. 406. & 407. aegrè fert Pstroconij secessionem ad Regis obsequia, quem tamen nihilominus Regi commendat. 408. existens Archiepiscopus Gnesnensis mirè auxit Eccle- siam suam & Collegium.	420



# INDEX RERVM ET VERBORVM

<i>Stanislaus</i> Falzcki Abbas Ceruenensis.	8
<i>Stanislaus</i> I. Episcopus Plocensis XXXI. in ordine obiit anno MCCC LXXI.	351
<i>Stanislai</i> II. dicti Pierzchala Pawlowski XXXVII. in ordine Episcopi Plocensis genus & parentela. 357. litem ei mouerunt Semouiti senioris Masouiae Ducis filij, multis ei obiectis. 358. fuit Archidiaconus Plocensis & Cancellarius Masouiae ante adeptum Episcopatum. 357. multorum criminum infimulatus, decreto curiae Romanae immunis pronunciatur 358. & 359. Romam rediens in carcerem conijcitur in oppido Fristato, ex quo astute liberatus moritur Torunia.	360
<i>Stanislaus</i> Cioleck.	135
<i>Stanislaus</i> Criscius iurium Ecclesiae iniquus occupator.	385
<i>Stanislaus</i> Comes Gorcanus Palatinus Pofnaniensis.	2
<i>Stanislaus</i> Gulski Palatinus Russiae Rocossianos a fuga retinet & traiectionem Vistulae prohibet.	88
<i>Stanislaus</i> Koniecpolius Castellanus Cracouiensis egregie vires Turcarum repressit.	448. & seq.
B. <i>Stanislaus</i> Kostka Societatis Iesv, qualis in vita fuerit.	443
<i>Stanislaus</i> Kostka Pomeraniae Palatinus.	8
<i>Stanislaus</i> Kraficki Castellanus Praemissiensis in tumultu Gedanensi pene violatus.	9
<i>Stanislai</i> Lubiencki Episcopi Plocensis LIX. genus vetustum & nobile. 389. parentes. 390. studijs operam sub quibus dedit. ibid. fuit adiutor laborum Pstroconij Vladislauensis Episcopi. ibid. nominatus Episcopus Plocensis adiit Cathedram MDCXXVIII. 392. quibus Magistratibus functus sit. ibid. eius ardens diuini cultus propagandi studium. 393. moritur anno aetatis LXVII. Salutis MDCXI. ibid. floruit apud magnos viros domi & foris. ibid. & 394. cur ipse in funere Sigismundi III. praeter ceteris perorauerit. 470. quidquid dignitatis in Rep. Poloniae consecutus est acceptum refert Sigismundo III.	486
<i>Stanislao</i> Lubomirscio rei contra Turcas ad Chocimum gestae gloria debetur. 199. felici consilio castra hosti opposuerat.	484
<i>Stanislaus</i> & Ianussius Duces Masouiae fraude meretriciae extincti.	377
<i>Stanislaus</i> Minski Palatinus Lanciciensis, 8. Procancellarius renunciatus, 63. 424. ad Rocossianos Legatus. 72. eius obitus.	138
<i>Stanislaus</i> Przyreniscius, aulae regiae prius, post supremus regni Marescallus. 2 ad <i>Stanislaum</i> Racouium nobile Polonum Romae degentem epistola ab Auctore scripta.	443
<i>Stanislaus</i> Socolouius Magister Matthiae Pstroconij.	400
<i>Stanislai</i> Stadnicij temeritas in Comitibus Varfauiens. 46. occasione tumultuum ciuiliu crescere coepit. 58. eius impia & temeraria oratio. 66. ei a Demetrio summa centum millium flor. destinata a Moschis intercepta 72. ab Herburto capitur & liberatur.	104
<i>Stanislaus</i> Vitowski Secretarius Regius.	140
<i>Stanislaus</i> Warlicki.	19
<i>Stanislaus</i> Zaliwski Capitaneus Varfauiensis.	77
<i>Stanislao</i> Zolkieuiio Regi per Pstroconium conciliato secundum mortem Zamoscij cura exercitus demandatur. 422. datur tutor Thomae Zamoscio. 33. eius ductu Tartari caesi. 35. qualis vir fuerit. 65. & 422. eius erga Sigismundum III. animus. ibid. in Lublinensi conuentu praesens, quod seditioforum consilia spectent Regi significat, suadetque ut Cracouiam petat. 66. militem e finibus Russiae praesidio Regi ducit. 73. quod dehortantibus Rocossianis rationem reddit. 74. ad Rocossianos legationem decernit. 124. aliquot milites perfidiae reos castigat. 127. eius cum	



# MEMORABILIVM.

cum Chodkieuicio & Potocijs æmulatio. 130. Palatini postulationem  
 primus Regi significans in sinistram venit suspicionem. 140. cur remis-  
 sior fuerit in Rocossianis coërcendis. 141. ad Clusinum hoste longè nu-  
 mero impar Moschos cædit, capto Suiscio ipsorum Principe. 158. cum  
 exercitu Moldauiam ingreditur, re tamen priùs ad Regem delatâ. 233. eius  
 cum LX. Turcarum & Tartarorum millibus ad Czoczoram conflictus.  
 234. seditione in exercitu per calones ortâ ab hoste cum toto exerci-  
 tu cæditur. 236. eius de Matthia Pstroconio iudicium. 244  
*Status* rerum in Poloniâ mortuo Ioanne Rege Sueciæ. 1. & in alijs vicinis  
 ditionibus anno Christi MDCIV. 23. *Status* Reipublicæ mutatione Princi-  
 pis corrigi non potest. 195. inter *Status* Ecclesiasticum & sæcularem in  
 Polonia olim & nunc de loci prærogatiuâ contentio. 290. *Status* quem  
 quis vocatione diuinâ suscepit non faciliè deferendus. 333  
*Statutum* Sigismundi I. de non taxandis bonis Ecclesiasticorum. 205  
*Stipendium* maius quando & quare militi concessum in Polonia, multa que alia  
 indulta. 197  
*Stephanus* dum in Regem Poloniæ assumeretur multa promisit. 41. eius cum  
 Sixto V. Pont. Max. de bello Turcis inferendo consilium. 186. arces ali-  
 quot in Liuoniâ & Lithuania à Moschis recuperauit. 155  
*Stephanus* ex Præposito Episcopus Plocensis in ordine VII. 323. fuit na-  
 tione Polonus. 324. feruitutis iugum quo Nobilitas Polona olim tene-  
 batur demere orsus est. ibid. eius obitus. 325  
*Stephanus* Boczkaius ad spem Regni Hungariæ promotus. 35  
*Stephanus* Chmielecius cum suis per medios Turcarum & Tartarorum acies  
 cuasit. 233  
*Stephanus* Potocki Regis Cracouiam petentis comes. 67. Lanckoronam ar-  
 cem Regio firmat præsidio. 137  
*Stiborius* I. Episcopus Plocensis in ordine XXXIII. vrgentibus Ducibus Maso-  
 uiæ electus, veritus ne promotio sua accelerata in disceptationem vocaretur,  
 ab Urbano VI. Pont. confirmationem obtinuit. 352. fuit gloriæ sæ-  
 cularis quàm iuris ecclesiastici tuendi appetentior. ibid.  
*Stiborius* II. Episcopus Plocensis XXXIX. eligitur. 362. eius genus & pa-  
 rentela. 363. qui consecratus à Nicolao Episcopo Lacedæmonienfi mo-  
 ritur anno MCCCCXXI. ibid.  
*Stiborius* Pielscius à maiori parte Capituli Episcopus Plocensis electus cur ius  
 suum in alium transfuderit. 364  
*Stocholmiam* Sigismundus III. appellit. 11  
*Stradomia* oppidum. 7  
*Strefelius* Suecus ad Hamersteinum captus & in triumpho ostentatus.  
 240.  
*Subscribit* Nobilitas formulæ à Rocossianis conceptæ, sed certâ conditione. 75.  
*Subscribendi* ius in Cancellariâ Regiâ quot & quibus committi debeat.  
 219  
*Sudermania* Dux. Vide inter Carolos.  
 in Sueciâ penes populum summa potestas. 15. *Sueci* nouo exemplo postulant  
 vt Regi conditiones præscribantur quibus regnum suscipiat. 16. *Suecis*  
 tribuendum est quodd nihil certi de statu illius regni constitutum sit. 18. *Sue-*  
*ci* mutationibus imperiorum obnoxij. ibid. *Sueticis* rebus constitutis Rex  
 è Sueciâ mouet. 21. *Sueci* ad IX. millia cæsi à Polonis. 36. *Suecus* intra  
 XII. dies plura munitissima oppida vi quoquam resistente interceptit. 239.  
*Suecorum* ad Hamersteinum clades, & alibi. 240. non semper prosperos  
 habuere successus. 241. *Sueci* stipendio Sigismundi inauctorati suspectæ  
 fidei. 414. res *Suetica* turbulenta. 414



# INDEX RERVM ET VERBORVM

<i>Suentoslai</i> Kijouiensium Ducis filij quos Principatus gesserint.	178
<i>Suentopelcus</i> Volodimiri Kijouiensium Ducis filius à cæteris fratribus ditione suâ expulsus ad Boleslaum Chobri confugit, cuius vasallus sit.	154
<i>Suiones</i> vetustus Sarmatiæ & Gotthiæ populus.	316
<i>Suiscius</i> Moschus auctor conspirationis contra Demetrium, 70. Princeps Moschouia declaratur. 72. Moschis inuisus. 156. cum Carolo Sutherlandano conspirat. 157. ad soluendam obsidionem Smolenscensem progrediens à suis destitutus, in potestatem Sigismundi III. venit. 158. à quo vitâ functus Mausoleo condecoratus est.	476
<i>Summa</i> eorum quæ à Rocossianis petebantur. 80. <i>Summa</i> litterarum Ianus-fij Ostrogij. 85. <i>Summa</i> eorum quæ à Rege in conuentibus particularibus proponebantur. 110. <i>Summa</i> legationis Rocossianorum ad Cardinalem Macieiouium. 144. <i>Summa</i> à Rege propositorum præcipuis Senatoribus Cracouiam euocatis.	147
<i>Suppellex</i> Radiuili intercepta ac variæ scripturæ repertæ.	132
<i>Suspicion</i> es leues ob quas Palatinus ciuilem motum concitauit. 96. harum origines ostenduntur, 98. easque Palatinus scripto declarat. 101. ea tamen à multitudine Rocossiana approbatæ. 121. <i>Suspicio</i> de Sigismundo III. quasi regnum Poloniae ad Austriacos transferre vellet, concepta refellitur. 410. & seq. <i>Suspicion</i> es grauissimæ de minüs sincera Bethlemij erga Regem Poloniae voluntate, vnde ortæ.	436
<i>Sutori</i> , Internuntij partes detulit Ludouicus XI. Gallorum Rex.	473
<i>Sydonius</i> Apollinaris, quis.	22
<i>Synodus</i> Prouincialis Petricouia celebratur. 142. <i>Synodo</i> Leneiciensi interfuit Episcopus Vratislauiens.	166

## T.

<b>T</b> <i>Arnouia</i> Episcopo Culmensi donata.	336
<i>Tarnouius</i> . Vide inter <i>Ioannes</i> .	
<i>Tartaria</i> distat à Cracouia CL. milliaribus germanicis. 238. <i>Tartari</i> qualis gens 341. 491. à Zolkieuio cæsi. 35. duodecim Russiæ Duces vno prælio delent & partem Russiæ occupant. 154. impunè per Poloniam, Vngariam, Germaniam &c. grassantur. 208. 341. <i>Tartarorum</i> origoad Hebræos vel Chaldæos referenda. 342. quo anno Poloniam vniuersam cæso Henrico Henrici Barbatifilio depopulati sint. ibid. alij sunt Asiatici Scytici; alij Europæi. 341. <i>Tartaros</i> à Regno Poloniae coercuit Sigismundus III.	491. & seq.
<i>Tatta</i> ferè omni lingua idem est quod pater.	341
<i>Teiselinus</i> Suecus captus & in triumpho ostentatus.	240
<i>Temeritas</i> præcipuorum Rocossianæ factionis.	122
<i>Tempestate</i> disiecta Polonorum classis & copia.	108. 413
<i>Templum</i> Raziazij inchoatum, multum per Pstroconium iam infirmum promotum, à quo perfectum sit. 430. <i>Templum</i> Honori & Virtuti dicarunt Romani, interiecto tantum diuisum pariete.	472
quo <i>Tempore</i> maius stipendium militi in Polonia concessum. 197. <i>Temporum</i> iniquitas plurimum de libera agendi potestate Episcopis derogauit.	275
<i>Tergiuersatio</i> Palatini Crac. & Radiuili.	93. & 94
<i>Testamento</i> condito curam sui permittit Medicis Pstroconius.	429
<i>Teutonicum</i> ius quomodo in Poloniam introductum sit.	207
<i>Theodorus</i> Basilij Moschouia Principis filius.	28
<i>Theodosio</i> Imperatori grata fuit reprehensio à S. Ambrosio sibi facta.	275
<i>Theaurarius</i> Poloniae qualis esse debeat.	47. 52.
<i>Tho-</i>	



# MEMORABILIVM.

- Thomas* I. dictus Tomka Episcopus Plocensis XXII. moritur. 344  
*Thomas* Drohoiouiis auunculus Herburti, cum Stadnicio concurrens, hasta  
transfigitur. 103  
ad *Thomam* Zamoscium Parænesis dum Vice-cancellarius Regni renunciare-  
tur. 214.  
*Tomicius*. Vide inter *Petros*.  
*Tensori* Legati partes à Ludouico XI. Gallorum Rege delatæ. 473  
*Topazius* mysticè. 272  
*Torunia*, Rex honorificè exceptus. 8  
*Transactio* Sigismundi III. cum Rocossianis. 101. *Transactio* Casimiri Regis  
Poloniæ cum Ioanne & Carolo Regibus Bohemiæ an valida. 169. *Trans-*  
*actio* de Silesia inualida esse ostenditur. ibid. *Transactio* quædam inter Plo-  
censem & Culmensensem Episcopos. 345  
*Tumultus* Dantisci excitatus existente ibi Sigismundo III. 9. & Stocchol-  
miæ. 14. Cracouiæ in palatio Regio. 62. *Tumultus* inter Rocossianos.  
75. noui *Tumultus* initia in maiori Poloniâ. 107. Vide *Seditio*.  
*Turca* de inferendo Hungariæ bello consilia agitant. 7. quod aliquot annis  
variâ fortunâ gestum. ibid. *Turca* & Tartari à Zolkieuio ad Czoczoram  
cæsi. 234. odio infaustæ in Polonos expeditionis Osmanum Imperatorem  
interfecerunt. 237. solent circumcidi. 342. cum quadringentis milli-  
bus & centum viginti millibus Tartarorum Poloniæ imminet. 483. eos  
vinci posse docuit Sigismundus III. 485. ingenti clade acceptâ inglorij  
recedunt. ibid.  
*Tutoris* dandi ius in Polonia arbitrio Cancellariorum permissum, & quid in hoc  
aduertendum. 220  
*Typus* Helix sacrificantis. 255  
*Tylicius*. Vide inter *Petros*.  
*Tyra* fluuius ditiones Polonicas à Turcicis dirimit. 188

## V.

- V**alachia nouis motibus agitata. 138. & 139  
*Valentini* Kalinovvski persuasione multi ex Regio exercitu in Moldauia  
degente, deserto Zolkieuio fugâ sibi consulentes à Valachis cæsi. 234. & 235  
*Valetudinis* spiritualis magis quàm corporalis sollicitus est Matthias Pstroco-  
nius. 429  
*Vandalia*, pars Sarmatiæ nunc Polonia dicitur. 302. *Vandalorum* quàm latè  
olim patens imperium. 305  
*Vandalus* fluuius. 302. & 304  
*Varca* oppidum Poloniæ. 125. ibi Sigismundus III. cum exercitu Rocossia-  
nos affecutus est. 426  
*Varna* nobile Turcarum emporium. 35  
*Varsavia* ciuitas Poloniæ arsit. 121. *Varsaviense* Capitulum Sigismundo III.  
capto Smolensco congratulatur. 465  
in *Vartam* fluuium prolapsus Pstroconius. 399  
*Vdo* Archiepiscopus Magdeburgensis seuerè punitus. 265  
de *Vetigalibus* mercatorum in Poloniâ querelæ. 48. sed iniustæ. 55  
*Velleris* aurei insigne detulere Sigismundus I. & III. Poloniæ Reges. 174  
*Venceslaus* Imperator ratione Silesiæ subsidia contra omnes hostes Vladislao Ia-  
gellioni pollicitus. 170  
*Venceslaus* Rex Bohemiæ quâ ratione Vratisslaviâ potitus. 168  
*Venceslaus* Drosinscius ad Amurathem III. Turcarum Imperatorem legatus, 6.  
quomodo legationem obierit. 7



# INDEX RERVM ET VERBORVM

<i>Venceslaus</i> Gizicki iudex terræ Sochaczouienſis.	369
<i>Venda</i> oppidum quântum à Vormito diſtet.	241
<i>Verba</i> à Senatu Palatino præſcripta quibus Regem deprecaturus erat.	149
<i>Verècundiam</i> facit clementia regentis.	476
<i>Veneri</i> Episcopi Plocenſis in ordine X. genus & virtutes 332. à Bieniaſſo quodam trucidatur.	333
in <i>Vestitu</i> Pontificis antiquæ legis typus perfectionis Episcopi nouæ legis adumbratus.	272
ad <i>Vice-cancellarium</i> , Cancellario cùm abſente tum præſente quæ pertineant.	216.
<i>Victoria</i> Sigismundi III. contra Rocofſianos. 426. aliæ. 482. 491. <i>Victoris</i> titulum nemo veriùs uſurpare poteſt quàm Sigismundus III.	485
ſub <i>Victore</i> III. Pont. Max. bellum contra Saracenos cœptum eſt. 324. qui vno tantùm anno Sedi Romanæ præfuit.	ibid.
<i>Victorinus</i> Leſnicki cum aliquot alijs ad Rocofſianos tranſcurrens, 125. capitali ſententiâ damnatus.	127
<i>Vienna</i> quaſi Viedna, quòd in eâ beneficæ habitarent; vel Wieden, quaſi quòd illuſtrior appareat ſic appellata.	465
<i>Vincentij</i> I. Przeræbſki Episcopi Plocenſis XLIII. clarum genus. 369. quinquennio ſummâ cum laude geſto Episcopatu ad Sedem Vladilauienſem tranſlatus eſt.	ibid.
in <i>Violatores</i> Templi Cathedralis Præmiſſien. animaduerſum.	417
<i>Vires</i> Polonorum maiores quàm Suecorum.	440
<i>D. Virgo</i> cuidam agonizanti apparet & ab inferno liberat.	267
<i>Virtus</i> eſt cauſa honoris. 472. <i>Virtutum</i> omnium prima & præcipua fundamenta Pietas & Religio.	470
<i>Visitare</i> Diœceſim munus Episcopale. 279. in <i>Visitandâ</i> Diœceſi quid Episcopo præ oculis habendum. 281. qualis vitæ ratio instituenda. ibid. eius familia quâ morum probitate & modetiâ præſtare debeat. 285. <i>Visitationis</i> Etymon & definitio. 280. <i>Visitandæ</i> Eccleſiæ quouis biennio; ſed non in Polonia. 280. <i>Visitatores</i> ſtrenui ſuarum Eccleſiarum in Polonia. ibid. 243. in quos inquirere debeant.	288
<i>Viſlicia</i> oppidi ſitus. 73. in <i>Viſlicienſi</i> conuentu quomodo inter partes conuentum.	70
<i>Viſnioniecy</i> Regij Præfecti 3. in tumultu Moſchouitico virtus.	71
<i>Viſtula</i> fluuij exundatio percommoda Sigismundo III. Dantiſcum nauiganti. 7. tunc & aliàs portentofa.	ibid.
<i>Vitus</i> Episcopus Plocenſis XIII. è Ianinâ familiâ ortus, fundatis tam virorum quàm mulierum monaſterijs in viuis eſſe deſijt.	334
<i>Vladislai</i> Poloniæ Principis ſingularis indoles. 39. hunc Moſchi in Principem ſibi dari petunt. 158. nondùm Regni coronam aſſecutus, Ottomanicam Lunam inobſcurauit aut cruentauit. 456. & 447. eius aduerſus Turcas & Tartaros ad Chocimum geſta præclara. 484. illo in Regem electo felix Polonia. 287. nemo Ordinum fuit qui cum Regem non poſceret.	ibid.
<i>Vladislaus</i> Hermanus ab Urbano II. Pont. Max. obtinuit vt Eccleſiæ Plocenſi poſteſtas eligendi Episcopum eſſet.	324
<i>Vladislaus</i> Iagiello Huſſitarum rabiem à Sileſiâ arcuit. 159. ei Ruſſiæ Duces fidem iurarunt. 181. ipſo ad domandos Turcas intento Moſchi magnam Ruſſiæ partem ademerunt. 182. quâ conditione in Regem Poloniæ aſſumptus. 183. reprehensionem Episcopi æquo animo tulit. 275. cum Solimano primò feliciter pugnans, tandem penè victor glorioſè occubuit.	482
<i>Vladislaus</i> Locticus rerum in Polonia potitus, 168. ius redintegrandæ Coronæ Regiæ Apoſtolicâ auctoritate conſeſſum obtinuit.	348
	<i>Vladislai</i>



# MEMORABILIVM.

- Vladislai*, filij Boleslai Criuousti, tempore Regnum Poloniae in minores partes diuiditur. 335
- Vlodimirus* Haliciensum Dux Polonis fidem iurat & ijs pugnantibus suppetias fert. 180. sed immemor iurisiurandi Polonis bellum infert, ab ijsque vincitur & occiditur. ibid.
- Vnieiounia* oppidum in territorio Siradiensi. 333. *Vnieiouiensis* Arx. 107
- Vocationis* Diuinæ in ambiendo Episcopatu singularis habenda ratio. 264. *Vocati* à Deo ad Episcopatum, & non vocati quæ differant. 269
- Volboria* oppidum Episcopi Vladislauiensis. 428
- Vlodimirus* Suentossai ex concubina filius Kiouia Dux inter filios XII. dominium partitus. 153. 154. & 178. hic cæsis fratribus vicinos populos domat, & Corsonum Imperatori Constantinopolitano eripit. 178
- Volscius*. Vide inter *Petros*.
- Vormitum* oppidum quantum à Vendâ distet. 241
- Votum* vouens se quolibet die Sabbathi ieiunaturum, summum vitæ discrimen euasit. 390. *Vouens* infantem pænè suffocatum sacro altari se addidit, ram vitæ restitutum recepit. 399. *Votum* Sigismundi III. de Æde D. Michaeli construendâ in Arce Smolensco. 448
- Vpsalia* olim primaria totius Sueciæ ciuitas. 15. ibi coronatio Sigismundi III. Regis Sueciæ peracta. 18
- Vranasco* villa Poloniae. 132. vbi inter Regios & Rocossianos pugna. 426
- Vratislaniensis* Episcopatus à Regibus Poloniae fundatus. 163. *Vratislaniâ*, quâ ratione Venceslaus Bohemiæ Rex potitus. 168
- Vrbanus* II. Pontifex Maximus confirmat Stephanum Episcopum Plocensem à Clero electum; cum antea simplici Romanorum Pontificum prouisione Episcopi Plocensibus darentur. 324. multum laborauit vt Machumetanos possessione Terræ sanctæ deijceret. 452
- Vrbani* IV. Pontif. Maxim. ijdem conatus, sed impares successus. ibid.
- Vriel* Gorcanus Episcopus Posnaniensis. 283
- Vxores* Sigismundi III. Polon. Regis, virtutibus, fecunditate, &c. pares. 477. & 493.
- Woytechus*. Vide S. *Adalbertus*.

## X.

**X** *Enodochia* constructa & prouentibus dotata. 418

## Z.


- Z** *Amosciana* in Regem fidei constantia. 34
- Zamoscius* Regni Cancellarius. Vide inter *Ioannes*.
- Zareba* ob cædem Præmislai maioris Poloniae Ducis quam notam patrati sceleris tenuerint. 347
- Zauissa* Curosuanscij Episcopi Cracouiensis infelix exitus. 265
- Zbigneus* Cardinalis molestus Vladislao Iagelloni, ab eodem tamen liberis suis tutor constitutus. 275. & 291
- Zbigneus* pater Matthiæ Pstroconski. 398
- Zbigneus* Vladislai Hermani ex concubina filius. 327
- Zboroniorum* factio vnde orta. 405. in electione noui Regis post mortem Stephani fauebat Austriacis. 406
- Zerbzydovvski*. Vide inter *Nicolaos*.
- Zienieuius* quidam familiaris Radiuili. 62
- Zilislauus* Archiepiscopus Gnesnensis. 334
- Ziroslaus* Vratislauenf. Episcopus. 166
- Zolkieuius*. Vide inter *Stanislaos*.
- Zycho* caret Varfauia. 461

## F I N I S.
























64 / 100 /

1



